

*image
not
available*






Paed. Gr. 3914

Wagensel

~~Paed. 985~~



<36628076650019

<36628076650019

33

Bayer. Staatsbibliothek

S



R

LOCVLAMENTVM QVINTVM.

Insunt :

Profani, Sacrique Juris Rudimenta.

Scilicet :

R Synopsi Institutionum Juris.

Explicatio Rubricarum Digestorum, &
Codicis.

Synopsis Juris Feudalis.


Synopsis Juris Canonici.

Analecta de Doctrina & Ritibus Romanæ
Ecclesiæ.

Regulæ utriusque Juris Leopoldinæ.

Index Titulorum Juris Civilis & Canonici.

* * *



Uod in reliquis Artibus ac Scien-
tiis addiscendis utile imprimis
ac salutare est, ut nimirum ea-
rundem principia, ac, quibus in-
nituntur, ima fundamenta, antequam ad
altiora fiat progressus, memoriæ prius fi-
deliter imprimantur, idem etiam, si quis in
Divini Humanique Juris prudentia operæ
pretium facere velit, observari debet. Ne-
que enim illorum probari potest institu-
tum, qui, nondum initiati, illico in adyta
Themidos irrumpunt, &, scatebras juris
æquique truci supercilio despicientes, ma-
gnum illud & interminatum mare Contro-
versiarum & Commentariorum, plenis
velis remisque, ingrediuntur. Quam-
obrem, cum Filium, indole sua, & vi qua-
dam insita, ad Juris Studium trahi animad-
verterem, antequam eorum Scholas, qui
Jurisprudentiam tradunt severiorem, in-
grederetur, ista, quæ in hoc Loculamento
inveniuntur, Rudimenta, prius comedenda,
vel potius in succum & sanguinem con-
vertenda, ei proposui, etiam atque etiam si-
mul ingerens ac inculcans vetus illud: *Posse
olim in virili etate taurum tollere, qui ju-
venis vitulum sustulerit.*

**SYNOPSIS
INSTITUTIONVM
JVRIS.**



Institutiones

complectuntur Libros IV. Titulos 99.

Pandectæ

complectuntur Libros L. Titulos 432.

Leges 9123.

Codex

complectitur Libros XII. Titulos 764.

Leges 4648.


Novellarum

Collationes sunt IX. Constitutiones 168.

Feudorum

Libri sunt IV. Tituli 123.





SYNOPSIS INSTITVTIONVM IVRIS.

PROOEMIUM.

PROOEMII summa hæc est: quod Justinianus Institutiones suo jussu a Triboniano, Theophilo, & Dorotheo compositas, confirmare vult, & plenum legum robur illis tribuere, easque Studiosis ediscendas commendare. Huic principali propositioni, reliqua tanquam ornamenta accedunt. Nimirum, quod initio in genere, de duplici boni Imperatoris deserit officio: & mox utrumque ad se in specie accommodat: ubi & bellorum suorum atque victoriarum, & Juris sua autoritate compositi, seriem texit. Denique, in comparatione quadam, hodiernorum juris Studiosorum felicitatem, præ antiquis, magnifice deprædicat.

LIBER PRIMVS.

Titulus I.

De Justitia & Jure.

Inis totius Jurisprudentiæ, est Justitia; atque ad hanc omnia Legum jussa diriguntur.

Justitia, est constans & perpetua voluntas, jus suum cuique tribuendi.

Jurisprudentia, est divinarum atque humanarum rerum notitia, justī atque injustī scientia: hæcque ideo res divinas atque humanas, bene & prudenter, seu, ex arte boni & æqui, disponit.

Juris Præcepta sunt: Honestè vivere: Alterum non lædere: Suum cuique tribuere. Eaque, importunissimos affectus, Libidinem scilicet, Iram, & Cupiditatem coërcent.

Studii Juris duæ sunt Positiones, Publicum, & Privatum. *Publicum* jus est, quod ad statum rei Romanæ spectat: *Privatum*, quod ad singulorum utilitatem.

Privatum jus est tripertitum: collectum enim est, ex Naturalibus, Gentium, & Civilibus præceptis.

Titulus 2.

De Jure Naturali, Gentium, & Civili.

Jus Naturæ est, quod ipsa Natura omnes homines docuit, & cujus vestigia quædam in brutis reperiuntur.

Jus Gentium est, quod naturalis ratio inter omnes homines constituit, & quod apud omnes populos peræque custoditur.

Jus Civile in genere est, quod quisque populus sibi ipse constituit: veluti est jus Atheniensium, Lacedæmoniorum.

Jus Civile Romanum est, quod Populus Romanus sibi constituit, & quo utitur: estque vel Scriptum, vel non Scriptum.

Scriptum Jus est, quod autoritate publica in scripturam relatum; cujus *Species* sunt sex: Lex, Plebiscitum, Senatus Consultum, Principis Constitutio, Prætorum Edictum, & Prudentum Responsa.

Lex

Lex est, quod Pop. Romanus, (antequam potestatem suam in Principem transferret,) Senatorio Magistratu interrogante, constituebat.

Plebiscitum est, quod Plebs, plebejo Magistratu interrogante, constituebat. Notandum vero, quod Plebs à Populo differt, ut Species à Genere. Nam, appellatione *Populi*, universi Cives significantur, connumeratis etiam Patriciis & Senatoribus. *Plebis* autem appellatione, sine Patriciis & Senatoribus, cæteri Cives significantur.

Senatus Consultum est, quod Senatus jubet atque constituit.

Constitutio est, quod Principi placet, ut legis vigorem habeat. *Constitutio dividitur* 1. in *Rescriptum*, *Decretum*, & *Edictum*. *Rescriptum*, est Principis responsum, ad consulentes missum. *Decretum* est, quod Princeps, causa cognita, inter duos litigantes pronunciat. *Edictum* est, quod Princeps publice observandum proponit. 2. *Dividitur* *Constitutio* in *Generalem*, quæ in omnes valet, & *Personalem*, quæ personam, de qua lata est, non egreditur; nec debet in exemplum trahi: id est, nec ad alias similes personas, vel alios similes casus produci.

Edicta Prætorum dicuntur, quæ Prætores publice proponebant, tanquam ex iis jus dicturi.

Responsa Prudentum, sunt sententiæ & opiniones Jurisconsultorum, quibus à Cæsare permissum erat, de jure respondere.

Non scriptum jus est, quod usus approbavit. Nam diuturni mores, consensu utentium comprobati, legem imitantur.

Objecta juris tria sunt: Personæ, Res, & Actiones.

*Titulus 3.**De Jure Personarum.*

OMnes homines aut Liberi sunt, aut Servi. *Liber-
tas*, est naturalis facultas ejus, quod cuique fa-
cere libet, nisi si quid vi, aut jure prohibetur.

Servitus, est constitutio juris gentium, qua quis
dominio alieno, contra naturam, subjicitur.

Servi, aut nascuntur ex ancillis nostris, aut fiunt
ex Captivitate, vel Emptione.

Liberi homines, sunt vel Ingenui, vel Libertini.

*Titulus 4.**De Ingenuis.*

Ingenuus est, qui statim ac natus est, liber est. Hinc
distinguitur a *Libertino*, qui natus est servus, & per
manumissionem consequutus est libertatem.

*Titulus 5.**De Libertinis.*

Libertinus est, qui ex justa servitute manumissus
est.

Manumissio, est de manu, id est potestate, missio,
seu libertatis datio.

Titulus 6.

Qui, & ex quibus causis, manumittere
non possunt.

Manumissio non valet in præjudicium Creditorum
manumittentis, si & re ipsa, & consilio manu-
mittentis fraudentur. Nisi Servus, ex testamento Do-
mini sui, libertatem & hereditatem simul accipiat.

Qui xvii. ætatis annum explevit, libertatem servo
in testamento dare potest.

Tit. 7.

*Titulus 7.**De Lege Fusia Caninia tollenda.*

L*ex Fusia Caninia* abrogata est, quæ certum tantum servorum numerum in testamento volebat manumitti : ut scilicet ex tribus , non plures quam duos; ex decem, dimidiam; ex triginta, tertiam; ex centum, quartam; & ex quingentis, quintam partem; ex nullo vero numero, haud ultra centum manumittere liceret.

*Titulus 8.**De his, qui sui, vel alieni juris sunt.*

J*us Personarum*, consistit in harum statu & conditione: ex qua, Personæ aliæ sunt sui juris, aliæ, juri alieno subjectæ. Hæque sunt vel in potestate dominorum, ut Servi; vel in potestate parentum, quas Filiosfamilias nuncupamus.

Quodcunque per servum acquiritur, id Domino acquiritur.

Expedit Reipublicæ, ne suæ re quis male utatur.

Non cuiquam hominum jus suum detrahendum.

*Titulus 9.**De Patria Potestate.*

P*atria potestas*, est jus, quod Pater in liberos habet: & sunt in potestate Patris filii, ex filiisque editi nepotes, pronepotesve: ac sunt quoque filix in potestate; verum ex iis prognati, sunt in potestate sui patris.

Acquiritur Patria potestas duobus modis: Naturaliter, & Civiliter.

Naturaliter, per nuptias justas: in potestate enim nostra sunt, quos ex illis procreamus.

Nuptiæ, sunt viri & mulieris conjunctio, individuum vitæ consuetudinem continens. Contrahitur namque matrimonium hoc animo & voto, ut nunquam dissolvatur, l. 1. ff. de jur. dot.

Titulus 10.

De Nuptiis.

Illæ & legitime *Nuptiæ* ex sunt, quæ contrahuntur secundum præcepta legum. Leges vero 1. hic requirunt, ut Masculi sint puberes, id est annorum quatuordecim; Fœminæ, viri potentes, id est duodecennes. *Ut* 2. in nuptiis filiorum familias, consensus parentum, in quorum sunt potestate, præcedat. *Et* 3. ne inter cognatos, qui inter se parentes & liberi, aut parentum & liberorum loco, aut fratres & sorores sunt, contrahantur.

Civiliter, patria potestas acquiritur, *Legitimatione*, & *Adoptione*,

Legitimatio est, per quam Liberi naturales, ex concubinato suscepti, justî & legitimi non solum efficiuntur, sed & in patris potestatem rediguntur.

Legitimationis duos Imperator recenset modos: 1. *Oblationem Curie*. 2. *Subsequens matrimonium*. Tertium idem addit, Nov. 89. *Rescriptum Principis*.

Titulus 11.

De Adoptionibus.

Adoptio, est actus legitimus, quo aliquis nobis filius, & in potestate nostra fit. Sed, Filii appellatione, intellige etiam nepotem, & pronepotem, atque ulteriores.

Adoptionis duæ sunt species: *Adoptio* proprie dicta, & *Arrogatio*.

Adoptio proprie dicta est, qua Filii familias, solius Magistratus autoritate, adoptantur.

Arrogatio est, qua Patres familias, ex rescripto Principis, apud Acta insinuato, adoptantur.

Adoptio Naturam imitatur.

Non debet alicui invito suus heres fieri.

Adoptati assimilantur liberis naturalibus.

Fœminæ liberos in potestate non habent.

Si, quod ago, non valet, ut ago, valeat, ut valere potest.

Titulus 12.

Quibus modis jus Patriæ potestatis solvitur.

P*Atria potestas solvitur 1. Morte parentis, qui in potestate habet; nisi quidem nepos, morte avi, recidat in patris sui potestatem. 2. Deportatione patris, vel filii. 3. Servitute pœnæ. 4. Si Patricius fiat filius. 5. Captivitate. 6. Emancipatione, sive cum, apud competentem judicem, pater filium de potestate sua dimittit. 7. Adoptione.*

Qui amittit Civitatem, pro mortuo habetur.

Dignitas, regulariter filios familias non liberat a potestate patris.

Filius, in ejus potestate nascitur, in cujus potestate concipitur.

Titulus 13.

De Tutelis.

P*ersonæ sui juris, sunt vel in Tutela, vel in Curatione, vel neutro horum jure tenentur.*

Tutela, est vis & potestas, in capite libero, ad tuendum cum, qui per ætatem se defendere nequit.

In tutela sunt *pupilli* sive *impuberes* : & hos qui defendunt, *Tutores*, quasi tuitores, appellantur.

Tutela est triplex : Testamentaria , Legitima , & Dativa, sive Honoraria.

Testamentaria tutela est, quam sortitur tutor ex testamento patris pupilli, quem in potestate habet. At, filio emancipato a patre datum tutorem, Magistratus etiam sine inquisitione confirmare debet.

Legitima tutela est, quam, deficiente testamentario tutore, impuberis proximis Agnatis & Cognatis lex committit.

Tutela Dativa est, quam, deficiente testamentaria & legitima, Magistratus mandat, & inde etiam Dativa appellatur.

Posthumi habentur pro jam natis.

Titulus 14.

Qui Testamento Tutores dari possunt.

Dari tutor testamento potest non solum paterfamilias, sed & filiusfamilias.

Furiosus, vel minor 25. annis, tutor testamento datus, tutor tunc erit, cum compos mentis, aut major 25. annis fuerit factus.

Tutor dari potest testamento ad diem, vel ex die, vel sub conditione, vel pure, etiam ante heredis institutionem.

Qui Filiis vel Filiabus tutores dedit, etiam posthumis dedisse videtur; non tamen nepotibus, nec neptibus.

Qui Liberis dedit, tam filiis, quam nepotibus dedisse intelligitur. *Qui Posteris dedit*, tam posthumis, quam cæteris liberis dedisse censendus.

Tutor datur personæ, non rei, vel causæ.

Tit. 15.

Titulus 15.

De Legitima Agnatorum tutela.

Sinullus sit Tutor Testamentarius, jure Institutionum soli *Agnati*, jure vero novissimo Nov. 118. *Agnati* & *Cognati*, eodem ordine ad tutelam, quo ad successionem, vocantur, dummodo masculi, & perfectæ ætatis.

Civilis ratio jura civilia tollere potest, non etiam jura naturalia.

Jus Agnationis minima capitis diminutione perit.

Titulus 16.

De Capitis Diminutione.

Capitis Diminutio, est status mutatio.

Ejus genera tria sunt: 1. *Maxima*, cum quis civitatem & libertatem amittit. 2. *Minor*, seu *Media*, cum sola civitas amittitur, libertate salva. 3. *Minima*, cum, civitate & libertate retentis, status hominis commutatur: ut Emancipatione, vel Arrogatione.

Minima capitis diminutio, solam Agnationem tollit, non Cognationem. Maxima & Media, tam Cognationis, quam Agnationis jura tollunt.

Servus caput, id est, statum non habet.

Manumissio, cognationem servitute amissam, non restituit.

Proximor, remotiori, in tutela suscipienda præfertur.

Titulus 17. 18.

De Legitima Patronorum tutela. Et: De Legitima Parentum Tutela.

Ex mente & interpretatione legis 12. tabb. defertur primo Patronis tutela Libertorum impuberum: Secun-

Secundo Parentibus, tutela liberorum emancipatorum.

Ex Lege esse dicitur, non solum quod ex verbis, sed etiam quod est ex mente & interpretatione legis.

Plerumque ubi successionis est emolumentum, ibi & tutelæ onus esse debet.

Titulus 19.

De Fiduciaria Tutela.

Mortuo patre tutore legitimo, si qui sint *liberi perfectæ ætatis*, in ejus locum tutores fiunt.

Titulus 20.

De Atiliano Tutore, & eo qui ex lege Julia & Titia dabatur.

Cessante testamentaria & legitima tutela, *Judex* competens pupillo tutorem dat.

Impuberes in tutela esse, naturali juri conveniens est; ut scilicet is, qui perfectæ ætatis non est, alterius tutela regatur.

Tutela finita, tutor Judicio tutelæ rationem administrationis reddere cogitur.

Titulus 21.

De Auctoritate Tutorum.

Pupillus, sine tutore, conditionem suam meliorem, non deteriore, facere potest; unde alterum contrahendo sibi obligat, licet ipse ei non obligetur.

Sed *hereditatem*, licet lucrosam, neque jure directo adire, neque ex causa fideicommissi suscipere potest.

Tutor statim in negotio præsens, si pupillo expedire putet, autor esse debet, post tempus vero, vel per epistolam, frustra autor fit.

Tutor in rem suam autor fieri nequit.

Titulus 22.

Quibus modis tutela finitur.

T*utela finitur 1. Pubertate, si pupillus sit factus major quatuordecim, vel pupilla major duodecim annis. 2. Capitis diminutione pupilli. 3. Eventu conditionis, usque ad quam tutor testamento datus est. 4. Morte pupilli, vel tutoris. 5. Maxima vel media capitis diminutione tutoris. 6. Existente tempore, ad quod usque tutor testamento datus. 7. Remotione tutoris suspecti. 9. Excusatione tutoris, quæ ex justa causa in perpetuum fit.*

Ab his, quæ impudica sunt, abstinere oportet.

Titulus 23.

De Curatoribus.

F*inita tutela, Curatio incipit; quæ, est prudens gubernatio, post pueritiam, sequentem iuans adolescentiam, usque ad 25. annum completum, adversus multarum rerum pericula, egentem adhuc auxilio.*

Curator etiam furiosis, prodigis, furdis, mutis, mente captis, & qui perpetuo morbo laborant, præficitur, sive sint maiores 25. annis, sive minores.

Cura, est vel Legitima, vel Dativa: nulla vero est proprie Testamentaria.

Inviti adolescentes Curatorem non accipiunt, nisi ad lites.

Curator ad certam causam dari potest.
 Habenti tutorem tutor dari non potest.

Titulus 24.

De Satisfactione Tutorum vel Curatorum.

NE negotia pupillorum, & eorum, qui in Curatione sunt, consumantur, vel diminuantur, *Satisfactionem*, a Curatoribus ac Tutoribus, (exceptis iis, qui Testamento, & per inquisitionem Magistratus dati sunt) exigere debet Magistratus, rem pupilli salvam fore.

Titulus 25.

De Excusationibus Tutorum vel Curatorum.

SI quis Tutor vel Curator datus, oneri ferendo se imparem docere possit, habeatque justas excusationum causas, invitus oneri tutelæ vel curæ implicari non debet.

Sunt autem *justæ excusationum causæ*: 1. Numerus, trium Romæ, quatuor in Italia, & quinque in provinciis, liberorum. 2. Administratio rei fiscalis. 3. Absentia Reipublicæ causa. 4. Publicum Magistratus officium. 5. Lis cum pupillo vel adulto de omnibus bonis. 6. Tria onera tutelæ vel curæ. 7. Paupertas extrema. 8. Adversa valetudo continua. 9. Literarum imperitia, per quam quis ad res gerendas ineptus redditur. 10. Datio tutoris propter inimicitias. 11. Inimicitia cum patre pupilli vel adolescentis capitales. 12. Status controversia, quam datus Tutor, vel Curator, a patre pupilli vel adolescentis passus.

13. *Ætas*

13. Aetas septuaginta annorum. 14. Militia. 15. Professio Grammaticæ, Rhetoricæ, aut Medicinæ.

Qui pro Republica ceciderunt, in perpetuum per gloriam vivere intelliguntur.

Tutelæ vel Curæ plurium pupillorum, indivisa bona habentium, pro una computantur.

Incivile est, eos, qui alieno auxilio in rebus suis administrandis egent, & ab aliis reguntur, aliorum tutelam vel curam gerere.

Datus tutor, ad universum patrimonium datus creditur.

Falsa allegatio non prodest.

Titulus 26.

De Suspectis Tutoribus, vel Curatoribus.

Suspecti Tutores vel Curatores, qui non ex fide mûnus hoc gerunt, vel gesturi creduntur, inde removeri debent: hocque nomine accusatio omnibus patet; præterquam quod Pupilli excipiuntur.

LIBER SECVNDVS.

Titulus 1.

De Rerum Divisione.

HAËtenus de primo juris Objecto, Statu nimirum & Conditione Personarum. Sequitur alterum, de Differentiis seu qualitatibus Rerum, in Dominiis, & in Obligationibus consistens.

Res, in genere, vel sunt in nostro patrimonio, vel extra nostrum patrimonium.

Extra nostrum patrimonium, sunt Res Communes, Res Publicæ, Res Vniversitatis, & Res Nullius.

Res Communes, sunt Aër, Aqua profluens, Mare, & Litora maris: quæ, proprietate nullius, usu communes omnium existunt.

Publicæ res, (quasi populiæ dictæ,) proprietate Populi, usu & ipsæ communes omnium censentur: uti sunt Flumina, Portus, & Ripæ.

Vniversitatis res, sunt Theatra, Pascua, Fora, & si quæ aliæ proprietates Civitatis, usu vero communes existunt, omniumque sunt in Civitate.

Nullius res, sunt Sacræ, Religiosæ, Sanctæ, quæ, in nullius sunt bonis, & nec unquam alicujus fieri possunt.

Sacras res vocamus, rite, & per Pontifices Deo consecratas.

Religiosus locus, fit illatione mortui, ab illo facta, qui inferre illuc potuit.

Res Sanctæ dicuntur, quæ pœnali sanctione sunt munitæ, & violari impune non possunt: ut Muri, & Portæ Civitatum.

Singulorum res fiunt, vel Jure Gentium, vel Jure Civili.

Naturales, sive juris gentium modi, sunt sequentes. Venationes: Hostium spolia: Reperti in maris litore lapilli aut gemmæ: Quæ ex animalibus nostris nascuntur: Alluvio, & Insula, sive in mari, (quod rarius est,) sive in flumine, (quod frequens,) enata: Alveus a flumine derelictus. Speciei ex aliena materia confectio, ut confecta ad pristinam materiam reduci nequeat: Et, ex sua, & aliena materia aliquid efficere: Et, alienam purpuram, suo vestimento intexere: Et, duorum materias, vel ejusdem, vel diversi gene-

generis, ex voluntate dominorum, aut fortuito misceri: Aut plurium dominorum frumenta, voluntate ipsorum, in unum acervum confundi. Amplius, *Ædificium* cedit solo, sicut & *Plantatio*: *Satio* cedit agro: *Scriptura chartæ*: *Tabula picturæ*.

Perceptione acquiruntur fructus, quos bonæ fidei possessor, ex fundo alieno, percepit.

Ubi tamen notanda est differentia, inter fructus Naturales, Industriales, & Civiles; ac etiam consumptos, & non consumptos.

Thesaurum, quem quis in suo, vel nullius loco invenit, totum acquirit. In alieno inveniens, dimidium sibi retinet, dummodo non data opera, sed fortuito illum invenerit; dimidium domino soli restituit.

Traditio, est plenæ possessionis datio, animo domini transferendi.

Titulus 2.

De Rebus Corporalibus, & Incorporeis.

PRæterea, res aliæ sunt Corporales, aliæ Incorporales.

Corporales sunt, quæ sua natura tangi possunt: veluti *Fundus*, *Homo*, *Vestis*.

Hæque iterum sunt vel *Mobiles*, vel *Immobiles*.

Mobiles sunt, quæ vel loco moveri possunt, ut *Liber*, *Vestis*: vel ipsæ se movent, ut *Animantia*.

Immobiles sunt, quæ nequeunt loco moveri: ut *Domus*, *Vinea*.

Incorporales res sunt, quæ tangi non possunt, sed tamen intellectu comprehenduntur. Qualia sunt ea, quæ jure consistunt: ut *Servitus*, *Hereditas*, *Obligatio*.

*Titulus 3.**De Servitutibus Prædiorum.*

S*ervitus*, est jus, quo res aliqua servit: estque vel Prædiorum, vel Personarum.

Prædii Servitus, est jus, quo prædium prædio servit: quæ iterum aut Rustica est, aut Urbana.

Rustica est, quæ Prædio Rustico debetur: cujusmodi sunt, Iter, Actus, Via, Aquæductus, Jus pascendi, Calcis coquendæ, Arenæ fodiendæ.

Iter, est jus eundi & ambulandi hominis. *Ein Fußsteig.*

Actus, est jus agendi jumentum vel vehiculum. *Ein Fricb oder Durchfahr.*

Via, est jus vehendi, trahendique tigna & lapides, & eundi quoque & agendi. *Ein Fahrweg.*

Aquæductus, est jus, aquæ ducendæ per fundum alienum.

Urbana Servitus censetur, quæ Ædificio debetur: veluti, ut vicinus onera vicini sustineat: ut in parietem ejus liceat vicino tignum immittere: ut stillicidium vel flumen, recipiat quis in ædes suas: ne quis altius tollat ædes suas: ne luminibus vicini officiat.

Servitutes constituuntur vel inter vivos, vel ultima voluntate.

*Titulus 4.**De Vsfufru. tu.*

P*ersonæ Servitus*, a prædio personæ debetur, ut Vsfufru. tus, Vsfus, & Habitatio.

Vsfufru. tus, est jus alienis rebus utendi, & fruendi, salva earum substantia. Estque vel Verus, vel Quasi-*vsfufru. tus.*

Verus

Verus Vsfusfructus consistit in iis rebus, quæ usu non consumuntur, sed, quibus usufructuarius utitur & fruitur, salva ipsarum substantia : ut *Ædes*, *Servi*, *Jumenta*.

Quasi-Vsfusfructus est earum rerum, quæ ipso usu consumuntur : subsistitque vi cautionis, quam fructuarius interponit, de tanta summa restituenda, usufructu finito,

Vsfusfructus finitur 1. Morte fructuarii. 2. Maxima vel media capitis diminutione ejusdem. 3. Non utendo per modum & tempus. 4. Cessione domino proprietatis. 5. Consolidatione, id est, si fructuarius proprietatem acquirat, 6. Rei interitu.

Si unus sit fructuarius, & usumfructum amittat, usufructus ad proprietatem revertitur. *Si vero ex pluribus* fructuariis unus amiserit usumfructum, ejus portio cæteris accrescit.

Titulus 5.

De Vsu & Habitatione.

V*Sus*, est jus utendi re aliena: & in hoc differt ab usufructu: quod videlicet utimur ad necessitatem; utimur fruimur, ad compendium etiam & lucrum.

Vsus iisdem modis *finitur*, quibus usufructus.

Habitatio, est jus & facultas habitandi in ædibus alienis. Consistit ea in facto, & ab *Vsu* ædium, qui juris est, modo ac effectu differt.

Titulus 6.

De Vsfucapionibus, & longi temporis Præscriptionibus.

M*odi acquirendi Civiles*, sunt vel *Particulares*, id est, quibus res singulæ acquiruntur; vel *Vni-*

versales, id est, quibus acquiruntur universitates bonorum.

Particulares modi acquirendi sunt: *Usucapio*, *Donatio*, *Legatum*, & *Particulare Fideicommissum*.

Usucapio sive *Præscriptio*, est adjectio domini, per continuationem possessionis, temporis a lege definiti.

Res Mobilis, triennio; *Immobilis*, decennio inter præsentēs, annis viginti inter absentes præscribitur.

Vt Usucapio procedat, hæc in summa requiruntur:
1. Bona fides usucapiētis. 2. Justus titulus, sive causa idonea, ut *Emtionis*, *Donationis*. 3. Vt *Usucapiens* rem a non domino acceperit. 4. *Possessio* continuata, non interrupta. 5. Ut res possit usucapi, i. e. nec sit extra commercium, nec furtiva, nec vi possessa.

Usucapio ideo introducta est, ne rerum dominia sint in incerto, & ut aliquis sit litium finis.

Titulus 7.

De Donationibus.

D*onatio*, est liberalis, sive, nullo jure cogente, rei alienatio: fitque nuda voluntate, ac consensu, & ita non tam acquisitio, quam acquisitionis causa est.

Donatio duplex est: *Mortis causa*, vel, *Inter vivos*.

Mortis causa donatio, fit propter mortis aut periculi alicujus suspicionem, & tum demum rata censetur, si causa est sequuta, nec donatorem poeniteat donationis istius factæ, nec donatarius ante donatorem decedat.

Donatio non mortis causa, sive inter vivos, dicitur, quæ fit sine ulla mortis aut periculi cogitatione. Estque vel *Absoluta*, vel *Relata*.

Absoluta, proficiscitur ex mera munificentia & liberalitate. *Relata*, ob aliud fit: qualis est *Donatio* propter nuptias.

Dona-

Donatio propter nuptias, (olim, ante nuptias,) ein Gegen-Vermächniß/ Wiederlag/ oder Witthum/ est, qua certam summam sponsus sponsæ constituit, in vicem dotis, ut soluto matrimonio apud eam maneat superstitem, ad vitam ejus, sed, post mortem, redeat ad heredes sponsi.

Donatio propter nuptias, non solum ante matrimonium, sed etiam eo constante, exemplo dotis, potest constitui, vel augeri.

Donatio perfecta revocari non potest, nisi ob ingratitude donatarii.

Donatio si excedat 500. aureos, insinuationem apud Acta regulariter requirit.

Titulus 8.

Quibus alienare licet, vel non.

DE personis alienantibus duæ sunt Regulæ. 1. Dominus rem suam alienare potest; quia quilibet est rei suæ arbiter & moderator. 2. Qui non est dominus, rem alienare nequit.

A prima regula excipitur maritus, qui non potest alienare prædium dotale, prohibente lege Julia; & Pupillus. *A secunda*, excipiuntur creditores pignoratitii.

Titulus 9.

Per quas personas nobis acquiritur.

Acquirimus per nosmetipsos; per eos, qui sunt in nostra potestate; per eos, quos bona fide possidemus; & interdum per Procuratores.

Peculium Castrense, vel quasi-Castrense, est Filii, Profectitium, est Patris: *Adventitii*, regulariter, proprietas est filii, usus fructus est patris.

Parens, dum liberos suos emancipat, dimidiam partem ususfructus in rebus peculii adventitii retinere, quasi pretium emancipationis, potest.

Titulus 10.

De Testamentis ordinandis.

T*estamentum, est voluntatis nostræ justa & solennis sententia, de eo, quod quis post mortem suam fieri velit.*

Testamentum est duplex: Scriptum, & Nuncupativum.

Scriptum est, quod literis conficitur.

Nuncupativum, quod fit viva voce.

In utroque, considerata est duplex factio testamenti, Activa, & Passiva.

Activa, consistit in forma testamentorum faciendorum, & personis, quibus est permissum facere testamentum.

Forma talis est: Testator in præsentia testium septem idoneorum, ac specialiter rogatorum, voluntatem suam supremam testari, eamq; uno contextu absolvere debet.

Testamentum præterea scriptum, subscriptione nominum Testatoris & Testium, horumq; Sigillis constare, aut, pro testatore scribere nesciente, octavus testis subscribere debet.

Testes autem esse prohibentur: Mulier; Impubes; Servus; Furiosus; Mutus; Surdus; Prodigus; Li, quos leges jubent improbos intestabilesque esse; Qui in potestate testatoris est, vel eum in potestate habet. Denique heres scriptus, quive in eius potestate est, vel eum in potestate habet, vel in ejusdem patris potestate est.

Titu-

*Titulus II.**De Militari Testamento.*

Modo dicta diligens ratio, in testamentis ordinandis, remissa est *Militibus*, propter nimiam imperitiam eorundem.

Quilibet igitur Miles, in acie, in procinctu, in castris, & in stativis, quoquo modo voluntatem suam ultimam condit.

Miles, quamvis sit *filius familias*, vel *mutus* & *surdus*, tamen testamentum facere potest.

Testamentum Militare valet, sive testator in militia, sive post missionem, intra annum decesserit.

*Titulus 12.**Quibus non est permissum facere testamentum.*

Testamentum facere possunt, qui non prohibentur. Prohibentur autem, Impuberes, Furiosi, Prodigii, & Filii familias.

Surdi, Muti, & Ceci, non nisi cum certa sollemnitate testari queunt.

Testamentum *in Captivitate* factum, non valet: antea factum, testatore apud hostes moriente, sustinetur lege *Cornelia*: eo ab hostibus reverso, sustinetur fictione *Postliminii*.

*Titulus 13.**De Exheredatione Liberorum.*

Si testator *Liberos in potestate* habeat, qui sui heredes futuri sunt, eosque nolit heredes facere, eos *nominatim exheredare* debet.

Nominatim exheredatur, qui vel proprio nomine exprimitur, vel alia speciali demonstratione designatur.

Titulus 14.

De Heredibus instituendis.

P*assiva testamenti factio*, consistit in heredis institutione. Cujus is servatur modus, ut heres scribi possit pure, & sub conditione: non scribi possit, ex certo tempore, &, ad certum tempus, ac impossibili, vel inhonesta conditione.

Hereditatis legitima divisio, fit in duodecim partes, quæ *Unciæ* vocantur. Harum duæ, *Sextantem* faciunt; tres, *Quadrantem*; quatuor, *Trientem*; quinque, *Quincuncem*; sex, *Semissem*; septem, *Septuncem*; octo, *Bessem*; novem, *Dodrantem*; decem, *Dextantem*; undecim, *Deuncem*; duodecim, *Assem*; viginti quatuor, *Dupondium*; triginta sex, *Tripondium*.

Potest tamen testator, in plures vel pauciores uncias, pro libitu, hereditatem suam dividere; &, si unum ex semisse heredem scripserit, hic totam hereditatem obtinebit: quia nemo potest pro parte testatus, pro parte intestatus decedere, nisi sit miles.

Titulus 15.

De Vulgari Substitutione.

I*nstitutio heredis duplex est*: vel *Institutio in specie* sic dicta, vel *Substitutio*.

Institutio in specie sic dicta est, quæ fit in primo gradu: ut, Titius heres esto.

Substitutio, est secundi heredis, vel secundo gradu facta

facta institutio. *Secundi* autem appellatione, intelliguntur etiam tertius, & omnes posteriores gradus.

Substitutionum species sunt: Vulgaris, Pupillaris, & Quasi-Pupillaris.

Vulgaris est, quæ fit in casum sive eventum, si primus heres non erit. Veluti: Titius heres esto; si Titius heres non erit, Mævius heres esto.

Titulus 16.

De Pupillari Substitutione.

P*upillaris Substitutio* est, quæ fit in eum casum, si testatoris filius impubes, quem in potestate habebat, in ætate pupillari post patrem suum decesserit: quo modo substituitur tam pupillo exheredato, quam heredi instituto; & potest insuper pupillaris cum vulgari conjungi. v. c. Titius filius meus heres esto, si Titius filius meus heres non erit, aut heres erit, & in pupillari ætate decesserit, Sejus heres esto.

Ex Vulgari substitutione, succeditur testatori: ex Pupillari, ipsi pupillo.

Pupillari substitutioni, similis est *Quasi-Pupillaris*, seu *Justinianeæ*, quam Doctores *Exemplarem* vocant, quia ad exemplum Pupillaris a Justiniano introducta. Fit autem in eum casum, si filius testatoris vel testatricis, in furore, seu non sanæ mentis decesserit. Veluti: Titius filius meus heres esto; Si Titius filius meus prius morietur, quam mentis compos factus fuerit, Sempronius heres esto.

Titulus 17.

Quibus modis Testamenta infirmentur.

Testamentum recte conditum, *tribus modis infirmatur*. Primo, Adgnatione, vel quasi adgnatione

ne sui heredis præteriti. 2. Posteriori testamento.
3. Capitis diminutione testatoris.

Titulus 18.

De Inofficioso Testamento.

Inofficiosum testamentum dicitur, quod jure quidem factum est, sed contra officium pietatis.

Querela inofficiosi, est actio, qua testamentum defuncti accusatur, quasi a non sanæ mentis testatore, contra officium pietatis naturalis, factum; & petitur, ut, testamento illo rescisso, hereditas scripto heredi auferatur, & adjudicetur Actori, tanquam proximo heredi ab intestato.

Inofficiosi querela, *datur Liberis* quibusvis. Hi enim nisi heredes instituti, vel ob certam aliquam ingritudinis causam fuerint exheredati, rescindere testamentum possunt, quasi non ex officio pietatis factum.

Datur eadem querela etiam *Parentibus*, contra testamentum Liberorum: imo *Fratribus & Sororibus consanguineis*, si turpes personæ sint heredes institutæ.

Sed, si Pater Filio, (aut vicissim Filius Patri) quod *minus legitima* sit, relinquat, querela inofficiosi cessat, & datur actio ad legitimæ supplementum. Quæ, si quatuor vel pauciores Liberi, triens est; sin vero quinque vel plures, semis.

Qui, quocunque titulo, *quartam partem hereditatis* est consequutus, de inofficioso testamento agere nequit.

Qui *judicium testatoris* quoquo modo probavit, non potest amplius illud testamentum per inofficiosi querelam impugnare. Si tamen Tutor legatum Pupilli

nomine petiit, de inofficioso agere suo nomine non prohibetur.

Titulus 19.

De Heredum Qualitate & Differentia.

Heredes alii sunt Necessarii, alii Sui & Necessarii, alii Extranei.

Necessarii, sunt Servi, a domino heredes instituti: quia omnino, sive velint, sive nolint, heredes fieri coguntur.

Sui & Necessarii sunt, qui sunt in testatoris potestate, ita ut nemo eos gradu præcedat: ut Filius, & Nepos ex filio defuncto, vel emancipato.

Sui dicuntur, quia domestici heredes sunt, & vivo quoque parente, quodammodo domini existimantur, ita ut morte parentis, non tam successio eis acquiri, quam dominium continuari videatur.

Necessarii dicuntur, quia volentes nolentes succedunt ex lege 12. Tabb. quanquam Jure Prætorio abstinendi beneficium habent.

Extranei, sunt omnes cæteri.

Titulus 20.

De Legatis.

Legatum, est donatio quædam, a defuncto relicta, ab herede præstanda. Vel: Est delibatio hereditatis, quæ testator, ex eo, quod universum heredis foret, alicui quid collatum vult.

Legata ex æquata sunt Fideicommissis, & ad ea persequenda, legatarius habet actionem personalem, rei vindicationem, & actionem hypothecariam.

Legari queunt res omnes: tam soli, quam mobiles,

les, tam corporales, quam incorporales; tam alienæ, quam propriæ; tam nascituræ & extituræ, quam natæ & extantes. Alienas enim heres redimere, vel pretium earum exsolvere tenetur. *Legari tamen non possunt*, res, quæ non sunt in commercio; uti nec res legatarii.

Si eadem res duobus legata, concursu partes facient; uno, quod aut nolit, aut non possit, deficiente, alter totum obtinebit.

Liberatio debitori legari potest, vel simpliciter, & omnino, vel ad certum tempus.

Si debitor creditori suo, quod debet, legaverit, non valet legatum, nisi plus sit in legato, quam in debito.

Si res legata, sine facto heredis perierit, legatario perit.

Si sit legatum Genus, ut Equus: vel si sit *Optio legata*, id est, cum testator ex Equis, vel aliis rebus suis, legatarium optare sive eligere jubet, electio est penes legatarium: imo &, si vivus legatarius non elegerit, heredes possunt eligere.

Legari potest omnibus, quibus cum testamenti factio est: adeoque etiam incertæ personæ, & posthumo alieno. Neque vitiat legatum, error in nomine legatarii, vel falsa demonstratio, vel falsa causa adjecta.

Valet legatum, *relictum ante heredis institutionem*: item, quod relictum post mortem, vel nomine pœnæ; nisi quidem posterius, quid legibus interdictum aut probrosum continet.

Titulus 21.

De Ademptione Legatorum, & Translatione.

Legata possunt *adimi & transferri* etiam: idque vel in eodem testamento, in quo data, vel in Codicillis.

Si

Si legatum simpliciter adimatur legatario, penes heredem manet; si vero transferatur, non ad heredem, sed ad secundum legatarium pertinet.

Titulus 22.

De Lege Falcidia.

Lege Falcidia cavetur, ne plus legare liceat, quam Dodrantem totorum bonorum: i. e. ut siue unus heres institutus sit, siue plures, apud eum, eosve, pars quarta hereditatis remaneat.

Duobus heredibus institutis, si ab uno modica, aut nulla relicta sint legata, ita, ut quartam totius hereditatis partem salvam habeat; nihilominus alter, cujus pars legatis exhausta, quartam suæ portionis retinebit.

Quantitas patrimonii, ad quam ratio legis Falcidiæ redigitur, ad illud tempus refertur, quo testator mortuus est, deducto prius ære alieno, & funerum impensis.

Titulus 23.

De Fideicommissariis Hereditatibus.

Fideicommissum est, quod non civilibus verbis, sed precativè relinquitur, nec ex rigore juris proficiscitur, sed ex voluntate datur relinquentis.

Is, qui hereditatem restituit, nihilominus heres permanet; is vero, qui recipit hereditatem, modo heredis, modo legatarii loco habetur.

Est enim Fideicommissum, vel Universale, vel Particulare.

Universale est, quando hereditas per fideicommissum relinquitur.

Heres

Heres aut *sponte* hereditatem adit, eamque totam fideicommissario restituit: aut *sponte* adit, sed non totam restituit; vel, quia non totam iussus est restituere; vel, quia ex S^Cto Trebelliano quartam partem retinet; aut, ex eodem Trebelliano, *coactus a fideicommissario* adit, quo casu totam hereditatem restituere cogitur. *Primo & tertio casu*, omnes hereditariæ actiones, tam activæ, quam passivæ, ad fideicommissarium transeunt: *secundo casu*, dividuntur pro rata parte inter Heredem, & Fideicommissarium.

Fideicommissa, etiam *ab intestato* relinqui, imo & Legatario, & Fideicommissario imponi possunt.

Titulus 24.

De Singulis Rebus per Fideicommissum relictis.

Singulæ quoque res, per fideicommissum, relinqui possunt, ita, ut vel Heres, vel Legatarius, jubeatur aliquid restituere: puta Fundum, Argentum, Vestem: quamvis a legatario legare non liceat.

Ita relinqui possunt res testatoris, res ejus, qui Fideicommisso oneratur, & res alienæ.

Titulus 25.

De Codicillis.

Codicilli, sunt testatorum vel intestatorum quædam ultimæ voluntates, nudæ, nullis juris solennibus subnixæ.

Codicillis nemo potest heres, aut exheres scribi; nec licet per eos conditionem institutioni heredis, in testamento factæ, adscribere, aut directo substituere.

LIBER TERTIVS.

Titulus 1.

De Hereditatibus, quæ ab intestato deferuntur.

In*testatus* decedit, qui aut omnino testamentum non fecit, aut jure non fecit, cujusque testamentum infirmatum, vel nemine adeunte destitutum est.

Intestatorum hereditates ex lege XII. tabul. primo ad *Suos heredes* pertinent.

Suus heres est, qui in potestate est, & quidem proximus, eo tempore, quo moritur is, de cujus successione quæritur, vel quo ejus testamentum infirmatur.

Sunt autem Liberi, vel vere Sui, vel Suorum loco habentur, sive inter *Suos* vocantur.

Vere Sui, sunt tam *Adoptivi* (intellige id de veteri jure,) quam *Naturales*, id est, ex justis nuptiis procreati: item, tam *secundi gradus*, quam *primi*; id est, tam Nepotes & Pronepotes, quam Filii, si scilicet anteriores e potestate exierint. Denique, tam *Nati*, quam *Postumi*.

Suorum loco habentur, & inter *Suos* vocantur, 1. Legitimati, ex Constitutione Principum. 2. Emancipati, quos, jure civili incognitos, Prætor admittit, bonorum possessione iis data. 3. Nepotes Neptesque ex Filiabus.

Titulus 2.

De Legitima Agnatorum Successione.

Si quis ab intestato mortuus est, & nullos reliquit *Suos heredes*, neque etiam eos, quos Prætor, vel Constitutiones Principales vocant inter *Suos*, hereditas secundo loco defertur *Agnatis*; ita jubente lege

XII. tabb. & quidem *Proximis*, si plures sint Agnatorum gradus.

Fit autem hic successio communiter *in Capita*, non *in Stirpes*: id est, succeditur ex virilibus, & æqualibus portionibus, secundum gradus prærogativam. *Successio* vero *in Stirpes* est, cum heredes, non ex sua, sed ex Parentum, quos repræsentant, persona, succedunt, & eam partem accipiunt, quam illi caperent, si essent vivi.

Pater, *Filio Emancipato* superstes, eidem ex Constitutione Imperatoria etiam succedit.

Titulus 3.

De SCto Tertulliano.

PER SCtum Tertullianum Matri Ingenuæ, trium liberorum jus, aut Libertinæ, quatuor habenti, conceditur successio ad bona Filiorum Filiarumve, ab intestato mortuorum.

Justiniani æquitas id privilegium omnibus Matribus concessit, nisi Tutorem liberis petere mater neglexit.

Titulus 4.

De SCto Orfitiano.

PER SCtum Orfitianum, legitima successio Filio & Filix datur in bona matris ab intestato mortuæ, omnibusque Consanguineis & Agnatis præferuntur.

Titulus 5.

De Successione Cognatorum.

Tertio ordine succedunt Cognati proximi. Sed hi, non sunt veri heredes, quia tantum a Præatore ad successionem vocantur: Prætor autem non facit veros heredes, sed tantum bonorum possessores. Fit hic successio *in Capita*, non *in Stirpes*.

*Titulus 6.***De Gradibus Cognationis.**

Cognati sunt, qui ratione sanguinis sunt conjuncti, eo quod alter alterum genuit, vel ambo ab iisdem Parentibus sunt geniti.

Cognati dividuntur in Agnatos, & Cognatos strictè ita dictos.

Agnati, sunt cognati, qui sunt in eadem familia, sive, qui per virilis sexus personas nos contingunt.

Cognati strictè dicti sunt, qui per fœminas nobis junguntur.

Gradus, est Agnatorum vel Cognatorum distantia.

Cognatio, in tria dividitur: in Ascendentes, Descendentes, & Transversales.

Ascendentes sunt, qui nos genuerunt. *Descendentes*, qui ex nobis geniti sunt. *Transversales*, qui neque nos genuerunt, neque ex nobis geniti sunt, sed stirpem & radicem nobiscum communem habent: veluti Frater, Soror, Avunculus, Amita.

Quot sunt generationes, tot sunt cognationum gradus. Est enim generatio, causa agnationis vel cognationis, ac proinde semper generata persona adjicit gradum.

Cum ergo quæritur, quoto gradu unaquæque persona sit, semper numerandæ sunt generationes, incipiendo ab eo, eave, de cujus cognatione quæritur, & per singulos gradus, proximum quemque numerando.

Directus Limes sive Ordo, a primo gradu incipit. In *Collaterali*, non statim ad personam, quæ nobis ex transverso conjuncta, recurri debet, sed prius sursum versus ascendere oportet, donec pervenerimus ad eum, qui cognationis hujus transversæ causa & origo: quo

invento, descendendum est ad personam, de qua ex transverso quæritur, atque ita omnes generationes numerandæ sunt, tum in ascensu, tum in descensu.

Etsi Gradus etiam *ultra sextum* numerari possunt, tamen ulterius Cognati, non habent propria nomina. Parentes, qui supra Tritavum, communi vocabulo *Majores* appellantur; Liberi, qui infra trinepotem, *Posteriores*, sive *Posteriores*.

Notanda *Successio per Jus novissimum* Novellæ 118, & alias, introducta; secundum quod sunt *tres Ordines*: *Primus* Liberorum; *Secundus* Parentum, quibus adiunguntur germani Fratres vel Sorores, & germanorum fratrum vel sororum Filii Filiaque; *Tertius* Transversalium. In *Primo Ordine*, Liberi succedunt in stirpes. In *Secundo Ordine*, Si soli Parentes sint, succedunt in capita; si, una cum Parentibus, succedant Fratres & Sorores, hereditas dividitur in capita. Si simul succedant Parentes, Fratres vel Sorores, & fratrum vel sororum Filii, hi succedunt in stirpes, reliqui in capita. Si neque fratres germani, neque germanæ sorores extent, fratrum vel sororum filii filiaque a parentibus excluduntur, proinde non admittuntur in secundo, sed in tertio heredium ordine. In *Tertio Ordine*, primum vocantur germani Fratres vel Sorores, & talium fratrum vel sororum prædefunctorum Filii Filiaque; Secundo, Fratres vel Sorores consanguinei, vel uterini, & ejusmodi fratrum vel sororum Filii Filiaque, in stirpes. Tertio, reliqui Agnati vel Cognati, secundum gradus prærogativam, succedunt ex virilibus sive æqualibus portionibus.

*Titulus 7.**De Servili Cognatione.*

Servilis Cognatio dicitur, quæ inter Libertinos spectatur. De ea Justinianus constituit, ut Liberi etiam in servitute nati, post manumissionem, tam Patri, quam Matri succedant, quam etiam inter sese, si scilicet Parentes non supersint, excluso Patrono, qui olim excludebat Liberos.

*Titulus 8.**De Successione Libertorum.*

Ad Libertorum hereditatem, primo vocantur Liberi: secundo, Fratres & Sorores: tertio, Parentes: quarto, Patroni: quinto, Patronorum Liberi, vel Parentes, vel Cognati, usque ad quintum gradum; argumento *l. ult. C. de bon. lib. & jur. patron.*

*Titulus 9.**De Assignatione Libertorum.*

Omnes Filii ipsius Patroni, æqualiter ad liberti hereditatem vocantur, nisi pater uni ex filiis Libertum suum assignaverit, quo facto, hic solus in jus patronatus succedit.

*Titulus 10.**De Bonorum Possessionibus.*

Hucusque de primo acquirendi modo per Universitatem, i. e. de Hereditate: Sequitur secundus, ex edicto Prætoris, nempe Bonorum Possessio.

Bonorum Fossessio, est jus, persequendi retinendique patrimonii, sive rei, quæ cujusque cum moreretur fuit.

Effectus ejus, non quidem, ut is, qui solo jure Prætorio, non etiam Civili vocatur, ipso jure fiat heres, sed tamen, ut loco heredis constituatur, omniaque ea jura consequatur, quæ ipse heres. In *effectu* igitur heres & bonorum possessor nihil differunt: differunt tamen *causa efficiente*. Prætor enim facit bonorum possesorem, sed non potest facere heredem: quia hereditas, & dominium, est Juris civilis, & per Legem, aliamq; juris civilis partem, ut per Senatusconsultum, ac Constitutionem Principis, tribuitur.

Bonorum Possessiones *Ordinariæ* sunt sex: duæ, ex testamento; quatuor, ex intestato.

1. Est Bonorum Possessio *Contra tabulas*, quæ datur *Liberis præteritis*, id est, nec heredibus institutis, nec ut oportet, exheredatis, adversus testamentum Patris, non Matris. Datur etiam *Patronis*, adversus testamentum Libertorum, in quibus portio legitima ipsis relicta non est.

2. *Secundum tabulas*, quam Prætor omnibus jure scriptis heredibus largitur.

3. Quæ inter ordinarias ab intestato prima est, *Vnde Liberi*, quæ datur Liberis defuncti ab intestato, siue Suis heredibus, siue Emancipatis.

4. *Vnde Legitimi*; ad quam vocantur Legitimi jure civili heredes; ut Agnati, Patroni, Parentes.

5. *Vnde Cognati*, quæ defertur proximis Cognatis, id est, iis, qui jure civili non agnoscuntur.

6. *Vnde Vir & Vxor*, qua, Conjux superstes, succedit Conjugi defuncto vel defunctæ.

Extra ordinem, Prætor iis bonorum possessionem pollicetur, quibus Lex, vel Senatus-Consultum, vel Constitutio Principis, dari ex quacunque causa vult. v. c. Militis, ex flagitio militari damnati, bonorum posses-

possessio ex nova lege defertur Cognatis, usq; ad quintum gradum.

Bonorum possessio a Liberis vel Parentibus, intra annum utilem, a cæteris, intra centum dies utiles peti debet.

Si is, cui bonorum possessio defertur, eam repudiet, vel intra dictum tempus non petat, aliis ejusdem gradus personis defertur. At, si nullus sit in eo gradu, ex Successorio Edicto cæteris defertur.

Non est opus solemnī petitione, sed sufficit, quocunq; modo, voluntatem acquirendæ bonorum possessionis indicare.

Titulus II.

De Acquisitione per Arrogationem.

Consuetudine antiqua receptum erat, ut bona Arrogati acquirerentur Arrogatori, exceptis iis, quæ capitis diminutione pereunt.

Jure novo, tantum usufructus Arroganti acquiritur, proprietate penes Arrogatum manente.

Debita, quæ Arrogato debentur, ipso jure ad parentem arrogantem transeunt: ea vero, quæ arrogatus aliis debet, non item. Sed conveniri tamen pater filii nomine potest, Prætoria de Peculio actione.

Titulus 12.

De eo, cui libertatis causa bona addicuntur.

Si quis Libertates in testamento reliquerit, & nemine ejus hereditatem adire volente, in ea causa bona esse cœperint, ut venire debeant, potest aliquis Servus petere, ea bona sibi libertatum tuendarum gratia addici.

dici, ita ut de solido Creditoribus hereditariis solvendo caveat.

Titulus 13.

De Successionibus sublatis, quæ fiebant
per Bonorum Venditionem, & ex
SC. Claudiano.

Post explicatos modos usitatos Acquisitionum per Universitatem, duo *antiquati* afferuntur; nempe *Venditio bonorum*, cum bona ejus, qui non erat solvendo, hastæ subiciebantur, & solemniter per Magistratum vendebantur: & , *Occupatio bonorum mulieris liberæ*, quæ se alieno fero, contra trinam domini denunciationem, miscuisset,

Titulus 14.

De Obligationibus.

Obligatio duplex est: *Naturalis*, & *Civilis*: sed hic de Civili tantum agitur, quia sola hæc, proprie dicitur Obligatio.

Obligatio, est juris vinculum, quo, necessitate adstringimur, alicujus rei solvendæ, secundum nostræ civitatis jura.

Dividitur 1. in Civilem, & Prætoriam.

Civilis dicitur, quæ vel Jure Civili est introducta, ut ex Stipulatione; vel, Jure Gentium introducta, Jure civili comprobata: ut ex Empto, Vendito, Locato, Conducto.

Prætoria est, quæ Jure Prætorio est introducta: ut, Constitutæ pecuniæ.

Dividitur 2. in quatuor genera: quia vel est ex Contractu, vel ex Quasi-Contractu, vel ex Maleficio, vel Quasi-Maleficio,

Con-

Contractus, est duorum pluriumve in idem conventio, & consensus, ad constituendam obligationem, & ut alter alteri fiat obnoxius.

Contrahimus autem *quatuor* modis: *Re, Verbis, Literis, Consensu*. Quamvis enim omnes contractus consensum requirant, tamen quidam, præter consensum, etiam rei traditionem, vel verba, vel scripturam desiderant.

Titulus 15.

Quibus modis Re contrahitur Obligatio.

RE fieri Obligatio dicitur, cum rei traditione obligatio contrahitur: cujusmodi *Contractus quatuor* sunt: 1. Mutuum, cui similis *Indebiti solutio*. 2. *Commodatum*. 3. *Depositum*. 4. *Pignus*.

Mutuum, est contractus, qui re fit, quo quantitas ita datur alteri, ut ipsius fiat, & aliquando res alia, ex eodem genere, ejusdem naturæ, qualitatis, ac bonitatis, reddatur.

Qui Indebitum per errorem solventis accepit, id restituere cogitur, per *Conditionem Indebiti*, atque hæc obligatio, non est ex Contractu, sed *Quasi-Contractu*.

Commodatum, est contractus, quo res gratis utenda traditur, ut, usu finito, eadem species restituatur.

Commodatarius exactissimam in re custodienda diligentiam adhibere debet. Ob casus autem fortuitos, sine ejus culpa evenientes, non tenetur.

Depositum, est contractus, re initus, quo res alteri traditur custodienda gratis, ut ea ipsa res, cum reposita, bona fide reddatur.

Depositarius, dolum tantum præstat, non culpam.

Pignus, est contractus, re initus, quo, pignus Creditori ipsa traditur, ut ei in tuto sit creditum, & eadem

res, solutione facta, restituatur Debitori. Differt ab *Hypotheca*, non quidem usu, & effectu, sed, quod *Hypotheca* est pignus rei non traditæ, nudo pacto super immobilibus contractum.

In re custodienda, præstatur lata ac levis culpa, non autem levissima, multo minus casus fortuitus.

Notanda hic, *Contractuum*, quæ vocant, *Adminicula*, & sunt, Dolus, Culpa, Casus fortuitus, five Vis major, Usuræ.

Dolus malus, ad differentiam doli boni, id est solertiæ, sic dictus, quique in omnibus bonæ fidei contractibus præstatur, est, omnis fallacia, calliditas, machinatio, ad circumveniendo, fallendum, decipiendum alterum, inventa. Ei opponitur *Bona fides*, & *Æquitas*.

Culpa, quæ & Negligentia dicitur, atque Desidia, tres sunt gradus: Lata, five Latior, Levis, & Levissima. Totidem etiam sunt gradus *Diligentiæ* five *Scientiæ*; est enim Vulgaris, est boni Patrisfamilias, est Exactissima, five scrupulosa.

Lata culpa est, cum quis non intelligit, quod omnes intelligunt. Talis culpa dicitur prope fraudem accedere, & dolo comparari.

Levis culpa, quæ a Jctis simpliciter culpa dici solet, est, quæ mediocri diligentia opponitur; cum quis id admittit, quod nemo diligens paterfamilias faceret.

Levissima culpa est, cum quis non intelligit aut præstat, quæ diligentissimus quisque paterfamilias.

Casus Fortuitus, five damnum fatale, qui & Vis major dicitur, est, quod nulla humana industria provideri, aut averti potuit.

Usura est, quicquid ultra sortem exigitur. In Bonæ fidei contractibus, quibus Legata & Fideicommissa æquiparantur, usuræ debentur ex mora. In contractibus vero stricti juris, non ex mora debentur.

Titulus 16.

De Verborum Obligationibus.

Verbis contrahitur Obligatio, cum quid dari fieri ve nobis stipulamur.

Stipulatio, est verborum conceptio, quibus is, qui interrogatus, daturum facturumve se, quod interrogatus est, respondet.

Stipulari proprie dicitur is, qui alterum interrogat, sibi que spondere ac promittere facit.

Stipulationis *Divisiones* plures sunt: *Prima Divisio* est, quod omnis stipulatio vel est *Certa*, id est rei certæ; v. c. Decem dabis? vel *Incerta*, id est rei incertæ; v. c. Dabis quod mea interest? Ex posteriore hac nascitur Actio ex stipulatu; ex priorē, Certi condictio.

Secunda Divisio est, quod Stipulatio, vel est *Rei dandæ*, vel *Facti*, vel *Vtriusque*.

Tertia Divisio est, quod stipulatio, vel sit una *Lingua*, ut *Latina* aut *Græca*, vel *diversis*.

Quarta Divisio est, quod stipulatio, aut est *Pura*, aut *In diem*, aut *Conditionalis*.

Titulus 17.

De Duobus Reis stipulandi & promittendi.

Quinta Divisio est, quod stipulatio contrahitur vel per *Vnum Reum*, vel per *Plures*, sive duos. Sunt autem duo *Rei*, vel *Stipulandi*, vel *Promittendi*.

Duo Rei stipulandi sunt, si post omnium interrogationem, Promissor ita respondeat: Vtrique vestrum dare spondeo. Nam, si, prius alteri sponderit, deinde alteri interroganti spondeat, non erunt duo Rei stipulandi, sed diversæ obligationes.

Duo, pluresve Rei Promittendi fiunt, si, Stipulatore interrogante, Titi, centum aureos dare spondes? Sempronii, eisdem centum aureos dare spondes? respondeant singuli separatim, Spondeo.

Ex ejusmodi stipulationibus, *solidum* singulis stipulantibus debetur, & *solidum* singuli promissores debent, una enim res debetur. Sed, *unus stipulator*, debitum accipiendo, vel unus Promissor, debitum solvendo, omnium obligationem perimit: non enim bona fides patitur, idem bis exigi.

Ex duobus Reis promittendi, alter pure, alter in diem, vel sub conditione obligari potest. Nec impedimento est dies aut conditio, quo minus ab eo, qui pure obligatus est, petatur.

Titulus 18.

De Stipulatione Servorum.

Sexta Divisio est, quod Stipulatio fit vel ab Homine libero, vel a Servo. Nam & Servi stipulandi jus habent, ex persona domini, cui acquirunt, non ex sua persona, quia stipulatio est contractus juris civilis.

Si *Factum* aliquod stipuletur servus, id ipsum suæ personæ adhæret, nec domino acquiritur.

Servus Communis, acquirit unicuique dominorum, non tamen pro virilibus portionibus, sive æqualiter, sed pro parte, qua domini sunt.

*Titulus 19.***De Divisione Stipulationum.**

Stipulationum Genera respectu Cause Efficientis quatuor sunt: 1. *Judiciales*, quæ a mero Judicis officio proficiscuntur, ut, *Cautio de dolo*. 2. *Prætorie*, quæ a mero Prætoris officio proficiscuntur: ut, *Damni infecti*, *Legatorum*. 3. *Communes*, quæ modo Prætoris, modo Judicis jubente, interponuntur, ut, *Rem pupilli salvam fore*; & *Cautio de rato*. 4. *Conventionales*, quæ ex libera utriusque partis conventionem, sine Judicis & Prætoris jussu, concipiuntur: quarum totidem sunt genera, quot pene rerum contrahendarum.

*Titulus 20.***De Inutilibus Stipulationibus.**

Stipulatio aut est *Utilis*, quæ jure valet; aut *Inutilis*, quæ caret juris effectum.

Omnes res, quæ dominio nostro subjiciuntur, in stipulationem deduci possunt, siue sint *Mobiles*, siue *Immobiles*.

Quod jam perit, & quod in rerum natura esse non potest, frustra stipulamur.

Rei, quæ non est in commercio, ut *Sacræ*, *Religiøsæ*, *Publicæ*, *Hominiis liberi*, stipulatio non valet.

Nisi *responsio* interrogationi congruat, stipulatio non valet.

Inutilis est stipulatio, si *Stipulator* in *Promissoris*; vel *Promissor* in *Stipulatoris* potestate sit.

Pupillus, *Tutore* autore obligatur; etiam sine tutore, alium sibi obligat. *Impubes*, qui est in potestate patris, ne autore quidem patre obligatur.

Stipulatio inter *Absentes*, cum *Muto* item & *Surdo*, fieri nequit.

Stipulatio ejus nomine facta, *cujus juri quis subje-*
ctus, valet, ut, Filius acquirit stipulando Patri.

Stipulatio *alteri*, id est extraneo, facta, regulariter est
 inutilis. Sed utilis esse potest, si addatur stipulatio
 poenalis, qua, nisi priori stipulationi satisfiat, poenam
 nobis stipulamur. Utiles etiam est, si id stipulantis
 intersit.

Qui, *alium facturum* promisit, non tenetur, nisi sub
 conditione, si ille non fecerit, poenam ipse promiserit.

Turpis promissio non obligat.

Si, *pendente stipulationis conditione*, Stipulator ve
 Promissor moriatur, heres postea, conditione existen
 te, agere vel conveniri potest.

Qui *hoc anno, aut hoc mense*, dari stipulatus, no
 prius agere potest, quam totus annus, vel mensis præ
 terierit; & qui pure stipulatus est, non poterit cont
 nuo agere, nisi tantum spatium præterierit, quo trad
 itio fieri possit.

Titulus 21.

De Fidejussoribus.

Fidejussor dicitur, qui sua fide ac periculo esse iust
 quod alteri creditum est. *Usus* ergo fidejussionis
 idem qui pignorum, securitas puta Creditorum, ut
 tutius ipsis debeatur, quod in obligationem deo
 ctum.

Fidejussor, in omnibus obligationibus assumi pote
 id est, sive Re, sive Verbis, sive Literis, sive Confe
 sint contractæ; & sive Civiles sint, sive Naturales

Obligatio Fidejussoris in heredem transit.

Fidejussor, & *precedere* principalem obligationem
 & sequi potest.

Si plures sint Fidejussores, singuli in solidum tenentur. Atq; olim potestas erat Creditori, eligere & convenire Fidejussorem, etiam relicto reo principali, nisi aliter convenisset. Sed *Justinianus id mutavit*, constituitque, ut, si uterque adsit, Creditor prius debitum exigat a reo principali, & is primum excutiatur; & si is non sit solvendo, tum demum Fidejussorem convenire possit. Vulgo vocant *Beneficium Ordinis*, sive *Excussionis*.

Est & aliud *Beneficium Divisionis*, ex epistola D. Hadriani, quo Creditor, etsi singuli Fidejussores in solidum tenentur, cogitur actionem suam dividere, & a singulis partes petere. Si tamen aliqui Fidejussores, tempore litis contestatae, solvendo non sint, hoc cæteros onerat.

Fidejussor qui Creditori solvit, non potest aliquid a Confidejussore repetere, licet reus principalis solvendo non sit: sed, contra Reum, habet actionem Mandati.

Titulus 22.

De Literarum Obligationibus.

Qui, spe pecunie accipiende, chirographum dedit, nisi intra biennium de non numerata pecunia conquerratur, post biennium, efficaciter, & sine exceptione, obligatur, non quidem ex numeratione, quæ nulla fuit, sed ex dicta scriptura.

Titulus 23.

De Obligationibus ex Consensu.

Solo Consensu perficiuntur sequentes Contractus.

1. Emptio, & Venditio. 2. Locatio, & Conductio. 3. Societas. 4. Mandatum.

Dici-

Stipulatio ejus nomine facta, *cujus juri quis subje-*
ctus, valet, ut, Filius acquirit stipulando Patri.

Stipulatio alteri, id est extraneo, facta, regulariter est
 inutilis. Sed utilis esse potest, si addatur stipulatio
 poenalis, qua, nisi priori stipulationi satisfiat, poenam
 nobis stipulamur. Utiles etiam est, si id stipulanti
 intersit.

Qui, *alium facturum* promisit, non tenetur, nisi su-
 conditione, si ille non fecerit, poenam ipse promiserit.

Turpis promissio non obligat.

Si, pendente stipulationis conditione, Stipulator v-
 Promissor moriatur, heres postea, conditione existen-
 te, agere vel conveniri potest.

Qui *boc anno, aut boc mense*, dari stipulatus, no-
 prius agere potest, quam totus annus, vel mensis pra-
 terierit; & qui pure stipulatus est, non poterit con-
 nuo agere, nisi tantum spatium praeterierit, quo trac-
 tio fieri possit.

Titulus 21.

De Fidejussoribus.

Fidejussor dicitur, qui sua fide ac periculo esse ju-
 quod alteri creditum est. *U*us ergo fidejussio-
 idem qui pignorum, securitas puta Creditorum, ut
 tutius ipsis debeatur, quod in obligationem de-
 ctum.

Fidejussor, in omnibus obligationibus assum-
 id est, siue Re, siue Verbis, siue Literis, siue
 sint contractae; & siue Civiles sint, siue

Obligatio fidei in heredem

F

Si plures sint Fidejussores, singuli in solidum tenentur. Atq; olim potestas erat Creditori, eligere & convenire Fidejussorem, etiam relicto reo principali, nisi aliter convenisset. Sed *Justinianus id mutavit*, constituitque, ut, si uterque adsit, Creditor prius debitum exigat a reo principali, & is primum excutiatur; & si is non sit solvendo, tum demum Fidejussorem convenire possit. Vulgo vocant *Beneficium Ordinis*, sive *Excussionis*.

Est & aliud *Beneficium Divisionis*, ex epistola D. Hadriani, quo Creditor, etsi singuli Fidejussores in solidum tenentur, cogitur actionem suam dividere, & a singulis partes petere. Si tamen aliqui Fidejussores, tempore litis contestatae, solvendo non sint, hoc cæteros onerat.

Fidejussor, qui Creditori solvit, non potest aliquid a Confidejussore repetere, licet reus principalis solvendo non sit: sed, contra Reum, habet actionem *Mandati*.

Titulus 22.

De Literarum Obligationibus.

Qui, spe pecunie accipiendae, chirographum dedit, nisi intra biennium de non numerata pecunia conquiretur, post biennium, efficaciter, & sine exceptione obligatur, non quidem ex obligatione, quæ nulli, sed ex dicta scriptura.

Ti

De Obligationibus

Colo Consensu
ptio, &
oc

Ti

Dicitur his modis *obligatio consensu contrahi*, ideo, quia nec scripturam, nec verba, nec rei traditionem intervenire necesse est: sed, sufficit eos, qui contrahunt, consentire.

In his contractibus, *alter alteri ex æquo obligatur*, etiam ad id, quod non est expressum.

Titulus 24.

De Emptione & Venditione.

Emptio & Venditio est Contractus, solo consensu initus, quo Emptor obligatur ad pretium dandum, Venditor autem ad rem tradendam, ita ut Emptori eam habere liceat.

Emptio & Venditio contrahitur, simul atque de pretio convenerit, licet nec pretium numeratum, nec arrha data sit. *Excipe*, nisi in contrahendo adjectum est pactum, de contractu in scriptis redigendo; tunc enim antequam scriptura perfecta est, licet impunitè poenitere, nisi arrha data sit; quo casu, is quem poenitet, si sit Emptor, id perdit, quod arrhæ nomine dedit: si autem sit Venditor, duplum restituit.

Pretium, in numerata pecunia consistere debet, alioquin permutatio est, non Emptio & Venditio.

Post Emptionem perfectam, *periculum & commodum* ad Emptorem pertinet. *Excipe*, nisi, dolo aut culpa Venditoris, res amissa, aut Venditor ejus custodiam, usque ad traditionem, receperit. Extra hos casus, non tenetur Venditor rem amissam præstare, sed tamen Actiones, quas de ea re habet, Emptori cedere, ut, Rei Vindicationem, & CondiCTIONem, item, Furti actionem: quod & de actione Legis Aquiliæ dicendum, si res vendita, sine dolo & culpa Venditoris, deteriorata, vel interempta fuerit.

Emptio, tam *sub conditione*, quam *pure* contrahi potest.

Si quis, a Venditore deceptus, *rem emerit*, quæ non est in commercio, contra eum habet *Actionem ex empto*, in id, quod sua interest.

Titulus 25.

De Locatione & Conductione.

Locatio, *Conductio*, est personæ, vel rei, ad usum facta concessio; vel mercede, vel pecunia numeranda conventa.

Locator, est ille, qui rem aliquam, pro certo pretio vel mercede, alicui utendam concedit. *Conductor*, est ille, qui rem aliquam ab aliquo, data mercede, vel promissa, accipit utendam.

Inquilinus, est conductor ædium. *Colonus*, est Conductor fundi. *Redemptor* est, qui opus faciendum conduxit.

Locator tenetur, ut præstet Conductori, uti frui licere; tenetur item rem locatam reficere, & debet pati, ut, finita locatione, Conductor tollat, quæ adiecit ædificio; item, ut res suas in vectas auferat, soluta mercede: nam, ante solutionem, Locator illas taciti pignoris jure retinere potest.

Conductor obligatur principaliter ad mercedem constitutam. Deinde, tenetur rem Locatori, finito conductionis tempore, restituere, prout eam accepit.

Locationis vocabulum, late sumtum, complectitur etiam *Emphyteusin*, quæ est contractus, quo dominus prædii, dominio directo retento, prædium perpetuo fruendum alteri tradit, ut id melius & cultius reddat, & domino quotannis certam pensionem præstet.

Dicitur his modis obligatio consensu contrahi, ideo, quia nec scripturam, nec verba, nec rei traditionem intervenire necesse est: sed, sufficit eos, qui contrahunt, consentire.

In his contractibus, alter alteri ex aequo obligatur, etiam ad id, quod non est expressum.

Titulus 24.

De Emptione & Venditione.

Emptio & Venditio est Contractus, solo consensu initus, quo Emptor obligatur ad pretium dandum, Venditor autem ad rem tradendam, ita ut Emptori eam habere liceat.

Emptio & Venditio contrahitur, simul atque de pretio convenerit, licet nec pretium numeratum, nec arrha data sit. Excipe, nisi in contrahendo adjectum est pactum, de contractu in scriptis redigendo; tunc enim antequam scriptura perfecta est, licet impune poenitere, nisi arrha data sit; quo casu, is quem poenitet, si sit Emptor, id perdit, quod arrhæ nomine dedit: si autem sit Venditor, duplum restituit.

Pretium, in numerata pecunia consistere debet, alioquin permutatio est, non Emptio & Venditio.

Post Emptionem perfectam, periculum & commodum ad Emptorem pertinet. Excipe, nisi, dolo aut culpa Venditoris, res amissa, aut Venditor ejus custodiam, usque ad traditionem, receperit. Extra hos casus, non tenetur Venditor rem amissam præstare, sed tamen Actiones, quas de eâ re habet, Emptori cedere: ut, Rei Vindicationem, & CondiCTIONem, item, Furti actionem: quod & de actione Legis Aquiliæ dicendum, si res vendita, sine dolo & culpa Venditoris, deteriorata, vel interempta fuerit.

Emptio, tam *sub conditione*, quam *pure* contrahi potest.

Si quis, a Venditore deceptus, *rem emerit*, quæ non est in commercio, contra eum habet *Actionem ex empto*, in id, quod sua interest.

Titulus 25.

De Locatione & Conductione.

Locatio, *Conductio*, est personæ, vel rei, ad usum facta concessio; vel mercede, vel pecunia numeranda conventa.

Locator, est ille, qui rem aliquam, pro certo pretio vel mercede, alicui utendam concedit. *Conductor*, est ille, qui rem aliquam ab aliquo, data mercede, vel promissa, accipit utendam.

Inquilinus, est conductor ædium. *Colonus*, est Conductor fundi. *Redemptor* est, qui opus faciendum conduxit.

Locator tenetur, ut præstet Conductori, uti frui licere; tenetur item rem locatam reficere, & debet pati, ut, finita locatione, Conductor tollat, quæ adjecit ædificio; item, ut res suas in vectas auferat, soluta mercede: nam, ante solutionem, Locator illas taciti pignoris jure retinere potest.

Conductor obligatur principaliter ad mercedem constitutam. Deinde, tenetur rem Locatori, finito conductionis tempore, restituere, prout eam accepit.

Locationis vocabulum, late sumtum, complectitur etiam *Emphyteusin*, quæ est contractus, quo dominus prædii, dominio directo retento, prædium perpetuo fruendum alteri tradit, ut id melius & cultius reddat, & domino quotannis certam pensionem præstet.

Dicitur his modis *obligatio consensu contrahi*, ideo quia nec scripturam, nec verba, nec rei traditionem intervenire necesse est: sed, sufficit eos, qui contrahunt, consentire.

In his contractibus, *alter alteri ex equo obligatur* etiam ad id, quod non est expressum.

Titulus 24.

De Emptione & Venditione.

Emptio & Venditio est Contractus, solo consensu initus, quo Emptor obligatur ad pretium dandum, Venditor autem ad rem tradendam, ita ut Emptori eam habere liceat.

Emptio & Venditio contrahitur, simul atque de pretio convenerit, licet nec pretium numeratum, nec arrha data sit. *Excipe*, nisi in contrahendo adjectum est pactum, de contractu in scriptis redigendo; tunc enim antequam scriptura perfecta est, licet impunitus poenitere, nisi arrha data sit; quo casu, is quem poenitet, si sit Emptor, id perdit, quod arrhæ nomine dedit, si autem sit Venditor, duplum restituit.

Pretium, in numerata pecunia consistere debet, alioquin permutatio est, non Emptio & Venditio.

Post Emptionem perfectam, *periculum & commoda ad Emptorem pertinet*. *Excipe*, nisi, dolo aut culpa Venditoris, res amissa, aut Venditor ejus custodiam, usque ad traditionem, receperit. Extra hos casus, non tenetur Venditor rem amissam præstare, sed tamen Actiones, quas de ea re habet, Emptori cedere, ut, Rei Vindicationem, & CondiCTIONem, item, Furtivam actionem: quod & de actione Legis Aquiliæ dicendum, si res vendita, sine dolo & culpa Venditoris, deteriorata, vel interempta fuerit.

Emptio, tam *sub conditione*, quam *pure* contrahi potest.

Si quis, a Venditore deceptus, *rem emerit*, quæ non est in commercio, contra eum habet *Actionem ex empto*, in id, quod sua interest.

Titulus 25.

De Locatione & Conductione.

Locatio, *Conductio*, est personæ, vel rei, ad usum facta concessio; vel mercede, vel pecunia numeranda conventa.

Locator, est ille, qui rem aliquam, pro certo pretio vel mercede, alicui utendam concedit. *Conductor*, est ille, qui rem aliquam ab aliquo, data mercede, vel promissa, accipit utendam.

Inquilinus, est conductor ædium. *Colonus*, est Conductor fundi. *Redemptor* est, qui opus faciendum conduxit.

Locator tenetur, ut præstet Conductori, uti frui licere; tenetur item rem locatam reficere, & debet pati, ut, finita locatione, Conductor tollat, quæ adjecit ædificio; item, ut res suas in vectas auferat, soluta mercede: nam, ante solutionem, Locator illas taciti pignoris jure retinere potest.

Conductor obligatur principaliter ad mercedem constitutam. Deinde, tenetur rem Locatori, finito conductionis tempore, restituere, prout eam accepit.

Locationis vocabulum, late sumtum, complectitur etiam *Emphyteusin*, quæ est contractus, quo dominus prædii, dominio directo retento, prædium perpetuo fruendum alteri tradit, ut id melius & cultius reddat, & domino quotannis certam pensionem præstet.

Stipulatio ejus nomine facta, *cujus juri quis subje-*
ctus, valet, ut, Filius acquirit stipulando Patri.

Stipulatio *alteri*, id est extraneo, facta, regulariter est
 inutilis. Sed utilis esse potest, si addatur stipulatio
 poenalis, qua, nisi priori stipulationi satisfiat, poenam
 nobis stipulamur. Utiles etiam est, si id stipulantis
 interfit.

Qui, *alium facturum* promisit, non tenetur, nisi sub
 conditione, si ille non fecerit, poenam ipse promiserit.

Turpis promissio non obligat.

Si, *pendente stipulationis conditione*, Stipulator ve
 Promissor moriatur, heres postea, conditione existen-
 te, agere vel conveniri potest.

Qui *hoc anno, aut hoc mense*, dari stipulatus, non
 prius agere potest, quam totus annus, vel mensis præ-
 terierit; & qui pure stipulatus est, non poterit conti-
 nuo agere, nisi tantum spatium præterierit, quo tradi-
 tio fieri possit.

Titulus 21.

De Fidejussoribus.

Fidejussor dicitur, qui sua fide ac periculo esse jussit
 quod alteri creditum est. *U*sus ergo fidejussioni
 idem qui pignorum, securitas puta Creditorum, ut e-
 tutius ipsis debeatur, quod in obligationem dedu-
 ctum.

Fidejussor, in omnibus obligationibus assumi potest
 id est, siue Re, siue Verbis, siue Literis, siue Consensu
 sint contractæ; & siue Civiles sint, siue Naturales.

Obligatio Fidejussoris in heredem transit.

Fidejussor, & *precedere* principalem obligationem
 & *sequi* potest.

Si plures sint Fidejussores, singuli in solidum tenentur. Atq; olim potestas erat Creditori, eligere & convenire Fidejussorem, etiam relicto reo principali, nisi aliter convenisset. Sed Justinianus id mutavit, constituitque, ut, si uterque adsit, Creditor prius debitum exigat a reo principali, & is primum excutiatur; & si is non sit solvendo, tum demum Fidejussorem convenire possit. Vulgo vocant *Beneficium Ordinis*, sive *Excussionis*.

Est & aliud *Beneficium Divisionis*, ex epistola D. Hadriani, quo Creditor, etsi singuli Fidejussores in solidum tenentur, cogitur actionem suam dividere, & a singulis partes petere. Si tamen aliqui Fidejussores, tempore litis contestatae, solvendo non sint, hoc ceteros onerat.

Fidejussor, qui Creditori solvit, non potest aliquid a Confidejussore repetere, licet reus principalis solvendo non sit: sed, contra Reum, habet actionem *Mandati*.

Titulus 22.

De Literarum Obligationibus.

Qui, spe pecuniae accipienda, chirographum dedit, nisi intra biennium de non numerata pecunia conquerratur, post biennium, efficaciter, & sine exceptione, obligatur, non quidem ex numeratione, quae nulla fuit, sed ex dicta scriptura.

Titulus 23.

De Obligationibus ex Consensu.

Solo Consensu perficiuntur sequentes Contractus.

1. Emptio, & Venditio. 2. Locatio, & Conductio. 3. Societas. 4. Mandatum.

Dici-

Dicitur his modis *obligatio consensu contrahi*, ideo quia nec scripturam, nec verba, nec rei traditionem intervenire necesse est: sed, sufficit eos, qui contrahunt, consentire.

In his contractibus, *alter alteri ex equo obligatur* etiam ad id, quod non est expressum.

Titulus 24.

De Emptione & Venditione.

Emptio & Venditio est Contractus, solo consensu initus, quo Emptor obligatur ad pretium dandum, Venditor autem ad rem tradendam, ita ut Emptori eam habere liceat.

Emptio & Venditio contrahitur, simul atque de pretio convenerit, licet nec pretium numeratum, nec arrha data sit. *Excipe*, nisi in contrahendo adjectum est pactum, de contractu in scriptis redigendo; tunc enim antequam scriptura perfecta est, licet impunitus poenitere, nisi arrha data sit; quo casu, is quem poenitet, si sit Emptor, id perdit, quod arrhæ nomine dedit, si autem sit Venditor, duplum restituit.

Pretium, in numerata pecunia consistere debet, alioquin permutatio est, non Emptio & Venditio.

Post Emptionem perfectam, *periculum & commoda ad Emptorem pertinet*. *Excipe*, nisi, dolo aut culpa Venditoris, res amissa, aut Venditor ejus custodiam, usque ad traditionem, receperit. Extra hos casus, non tenetur Venditor rem amissam præstare, sed tamen Actiones, quas de ea re habet, Emptori cederent, ut, Rei Vindicationem, & Conditionem, item, Fruitionem: quod & de actione Legis Aquiliæ dicendum, si res vendita, sine dolo & culpa Venditoris, deteriorata, vel interempta fuerit.

Empt

Emptio, tam *sub conditione*, quam *pure* contrahi potest.

Si quis, a Venditore deceptus, *rem emerit*, quæ non est in commercio, contra eum habet *Actionem ex empto*, in id, quod sua interest.

Titulus 25.

De Locatione & Conductione.

Locatio, *Conductio*, est personæ, vel rei, ad usum facta concessio; vel mercede, vel pecunia numeranda conventa.

Locator, est ille, qui rem aliquam, pro certo pretio vel mercede, alicui utendam concedit. *Conductor*, est ille, qui rem aliquam ab aliquo, data mercede, vel promissa, accipit utendam.

Inquilinus, est conductor ædium. *Colonus*, est Conductor fundi. *Redemptor* est, qui opus faciendum conduxit.

Locator tenetur, ut præstet Conductori, uti frui licere; tenetur item rem locatam reficere, & debet pati, ut, finita locatione, Conductor tollat, quæ adjecit ædificio; item, ut res suas in vectas auferat, soluta mercede: nam, ante solutionem, Locator illas taciti pignoris jure retinere potest.

Conductor obligatur principaliter ad mercedem constitutam. Deinde, tenetur rem Locatori, finito conductionis tempore, restituere, prout eam accepit.

Locationis vocabulum, late sumtum, complectitur etiam *Emphyteusin*, quæ est contractus, quo dominus prædii, dominio directo retento, prædium perpetuo fruendum alteri tradit, ut id melius & cultius reddat, & domino quotannis certam pensionem præstet.

*Titulus 26.**De Societate.*

S*ocietas*, est contractus, consensu initus, quo inter duos pluresve, vel omnium bonorum, vel alicujus partis, vel certæ alicujus negotiationis, communio contrahitur, ejusque lucrum, & damnum communicatur.

Si de partibus nihil convenerit, æquales partes, sive lucri, sive damni, fient. Si partes in contrahendo expressæ fuerint, hæc servari debent.

Societas solvitur, 1. Renunciatione; post quam accedens lucrum non communicatur; eo excepto, quod renunciatus captavit, si forte ideo societati renunciavit, ne lucrum, quod sperabat, communicaret. 2. Morte Socii, adeo, ut si plures sint, morte unius, etiam inter superstites solvatur, nisi in contrahendo aliter convenerit. 3. Finito negotio, cujus causa societas contracta fuerit. 4. Confiscatione omnium bonorum alicujus Socii. 5. Cessione bonorum. Quo casu, si adhuc consentiant in societatem, nova videtur incipere societas.

Socius Socio dolum & culpam præstat: non tamen exactissimam diligentiam adhibere tenetur. Sufficiens enim, si tali diligentia in communibus rebus utatur, qualem in suis adhibere solet.

*Titulus 27.**De Mandato.*

M*andatum*, est contractus, consensu initus, quo quis rogatus, alienum negotium honestum, sine mercede gerendum, suscipit.

Eum, qui mandat, *Mandatorem* vocamus, eum vero, qui mandatum suscipit, *Procuratorem*, vel *Mandatarium*.

Mandatarius, non debet excedere fines mandati: quare, si carius emerit, quam sibi mandatum, non plus repetet Actione mandati, quam quanti emere debuit: at, si vilius emit, non videtur mandatum excessisse.

Mandatum finitur, 1. *Revocatione*, si mandator re integra illud revocaverit. 2. *Morte Mandantis*, vel *Mandatarii*. Sed, utilitatis causa receptum, ut, si *Mandatarius* ignorans mortem *Mandatoris*, exequatur mandatum, agere possit mandati. 3. *Renuntiatione Mandatarii*. Sed, ut mandatum suscipere cuilibet liberum est: ita susceptum, consummari, aut quamprimum renunciari debet, ut integra causa *Mandatori* servetur, eandem rem, vel per se, vel per alium, exequendi.

Actiones ex hoc contractu duæ oriuntur: *Mandati Directa*, quæ datur *Mandatori* contra *Mandatarium*, ad implendum mandatum, & si non impletur, ad id, quod interest, fuisse impletum. Tum *Contraria Mandati*, quæ datur *Mandatario* contra *Mandantem*, ut agnoscat, & ratum habeat id, quod suo nomine gestum: & ut sumptus & impendia, mandati exequendi gratia facta, eorumque usuras præstet.

Titulus 28.

De Obligationibus, quæ ex Quasicontractu nascuntur.

Sunt quædam negotia, quæ neque ad contractus recte referuntur, quia in illis non præcessit utrinque consensus; neque tamen ad Maleficia, sive Delicta pertinent, ideoque appellantur *Quasicontractus*.

Species sunt quinque: Negotiorum gestio, Tutela, Communio rerum, Aditio hereditatis, Indebiti solutio.

Negotiorum Gestio, est quasi contractus, quo quis alterius ignorantis negotium, sponte suscipit gerendum.

Hinc datur Actio negotiorum gestorum *Directa*, Domino, contra eum, qui gessit; *Contraria*, Gestori contra Dominum.

Regulariter tenetur negotiorum gestor, de dolo, & lata ac levi culpa: interdum vero etiam levissimam culpam, & exactissimam diligentiam præstat, eo scilicet casu, si alius diligentior administraturus fuisset negotia, quem ille impedivit.

Dominus, cujus negotia gesta, obligatur Gestori, ad reddendum id, quod utiliter in rem ipsius impendit & ad liberandum Gestorem ea obligatione, quam is forte suscepit, negotiorum ipsius nomine.

Tutela duas gignit actiones: *Directam*, quam habet Pupillus contra Tutorem, finita tutela. *Contrariam* quæ datur Tutori contra Pupillum, finito officio.

In Actionem tutelæ Directam, veniunt omnia, ad quæ Tutor obligatur. Ea sunt: 1. Repertorium initio administrationis conficere. 2. Pupillum non relinquere indefensum. 3. Tam de omissis, quam de commissis tenetur; nam, nec utilia prætermittere, nec inutilia admittere debet. 4. Tenetur ad Usuras pecuniæ pupillaris, quam non collocavit in comparisonem prædictorum, vel fœnori non dedit, sed in suos usus convertere. 5. Rationes actus sui conficere, & reddere cogitur pupillo.

Ad Obligationem Tutelæ contrariam veniunt: 1. Impendia in rem pupilli bona fide facta. 2. Usuræ su-

ptuum. 3. Vt Pupillus Tutorem liberet, ab obligationibus, quas ejus nomine suscepit.

Circa Rem Communem, veluti si unus ex re communi fructus perceperit, aut rem communem deterioraverit: has ob causas tenetur judicio *Communi dividundo*, si sit particularis communio; vel *Familiae herciscundae*, si sint coheredes.

Aditōne Hereditatis, vel Immixtione, obligatur heredes Legatariis & Fideicommissariis, ad solvenda Legata & Fideicommissa; videtur enim cum illis contrahere.

Qui *Indebitum* per errorem solventis accepit, id restituere cogitur, per *Conditionem Indebiti*. *Nota*: Ex quibus causis inficiando lis crescit, id est, quibus casibus inficiatio debitoris auget condemnationem, ex his causis indebite solutum non peti. Verbi causa, ex Lege Aquilia de Damno; aut ex Legato, quod Ecclesiae, vel alii pio loco relictum.

Titulus 29.

Per quas Personas nobis Obligatio acquiritur.

Sicuti, Libro secundo, non solum exponuntur modi acquirendi dominii, sed etiam, per quas personas nobis acquiritur: ita hic, ubi edocti, quibus modis Obligatio contrahatur, sequitur, per quas personas Obligatio acquiritur. *Breviter*: Per easdem personas acquiritur Obligatio, per quas acquiritur dominium.

Titulus 30.

Quibus modis Obligatio tollitur.

Obligatio tollitur: 1. *Solutione*, quæ est numeratio, sive præstatio ejus, quod debetur. Nec interest,

terest, utrum ipse debitor solvat, an alius pro eo, sive sciente, sive ignorante. Adde, quod Reus solvens, etiam Fidejussorem, & Fidejussor solvens, Reum liberat.

2. *Acceptilatione*, quæ est imaginaria, sive ficta solutio; cum Creditor liberandi Debitoris causa, ei roganti, respondet se accepisse, quod revera non accepit.

3. *Novatione*, cum in locum veteris obligationis nova substituitur; ut, Debitoris persona mutata, vel alia mutatione facta: puta, Conditione, Die, Fidejussore adjecto, vel detracto.

4. *Nudo Consensu*, cum inter contrahentes convenit, ut Obligatio irrita fiat.

LIBER QVARTVS.

Titulus I.

De Obligationibus, quæ ex Delicto nascuntur.

D*elictum*, est contra Leges admissum, ex quo privata actio oritur. Hinc distinguitur a *Crimine Publico*, & a *Populari*, quorum persecutio datur cuiusvis e populo: &, a *Delicto Extraordinario*, quod extra ordinem punitur.

Privatorum Delictorum *quatuor* sunt genera: Furtum, Rapina, Damnum, Injuria.

Furtum, est contrectatio rei fraudulosa, lucri faciendi gratia, vel ipsius, vel usus ejus, possessionis, quod lege naturali prohibitum est admittere.

Furtorum genera duo sunt: Manifestum, & Non manifestum.

Manifestus Fur est, qui cum furto deprehenditur antequam eo detulerit, quo deferre destinavit, ut

maneret ea die cum furto. *Reliqui omnes sunt fures Necmanifesti*: tales etiam sunt, qui scientes rem furtivam suscipiunt, aut celant.

Pœna Furti Manifesti, est quadrupli, *Necmanifesti*, dupli.

Ut Furtum committatur, tria requiruntur: 1. *Rei contrectatio*: nec est opus, ut res auferatur, sive amoveatur, sed sufficit qualiscunque contrectatio. Veluti, si Creditor pignore, aut Depositarius re deposita utatur, aut Commodatarius aliter utatur, quam sibi a domino permissum. 2. *Affectus furandi*: ideoque Commodatarius aliter re utens, quam sibi permissum fuit, si dominum permissurum credat, furtum non committit. 3. *Dissensus Domini*: nam, volenti furtum non fit: idcirco, Commodatarius putans se invito domino rem contrectare, si volente domino id faciat, furtum non committit.

Furti Actio ei competit, cujus interest, sive sit dominus, sive non sit; nec datur domino, si ejus non interest.

De re subrepta, datur 1. *Actio Furti* in duplum, vel quadruplum, quæ est mere pœnalis. 2. *Rei Vindicatio*, quæ datur domino contra possessorem, sive ipse Fur, sive alius eam possideat. 3. *Condictio Furtiva*, quæ datur domino adversus furem, ejusque heredem, licet non possideat.

Titulus 2.

De Vi Bonorum Raptorum.

Rapina, est ablatio violenta, rei corporalis mobilis. Hinc distinguitur 1. *Ab ea vi, qua quis alterum cogit sibi rem tradere*: unde tenetur Actione quod Metus causa. 2. *A Rapto*, qui est personæ, non rei,

& est crimen publicum. 3. *Ab Invasione*, quæ est rei immobilis.

Rem aliquis rapit, aut alienam, dolo malo: aut suam, per ignorantiam juris, id est, quia falso putat, licere domino rem suam rapere; aut rapit alienam, quam suam esse putat.

Primo casu, tenetur Actione Furti, quia dicitur improbus fur; & Actione Vi bonorum raptorum, quæ, etiam ob unam minimam rem raptam, datur intra annum in quadruplum Mixta, (nam simplum est res, triplum est poena,) post annum, in Simplum, Rei persecutoria.

Secundo & tertio casu, neutra harum actionum tenetur, sed ex Constitutionibus punitur. Nam, secundo casu, rei dominium amittit; tertio casu, non solum rem restituit, sed etiam æstimationem ejus præstat. Eadem obtinent in eum, qui rem immobilem per imprudentiam invasit.

Titulus 3.

De Lege Aquilia.

D*Amnum* est, quo res aliena deterioratur, vel perimitur. De hoc, per injuriam, sive dolo, sive culpa dato, cavetur Lege Aquilia, lata ab Aquilio Tribuno plebis.

Ex *tribus capitibus* hujus Legis, duo sunt in usu. *Primum*, de homine alieno, vel quadrupede, quæ pecudum numero sit, id est, quæ gregatim pascitur, interemptis. *Secundum*, quod in desuetudinem abiit, quale fuerit, non constat. *Tertium*, si servus aut quadrupes, pecudum numero, vulnerata, aut alia quadrupes, vel animal occisum, aut in quacunque re communium datum sit.

Priori capite, res contra reum æstimatur, quanti plurimi fuit, eo anno retrorsum computato. Tertio, quanti 30. *diebus proximis* fuerit.

Vtrumque caput est de damno, quod quis suo corpore in corpus dedit; si vero *occasionem damni quis dederit*, puta pecus incluserit, adeo ut fame perierit, contra eum non Directa, sed Vtilis actio ex hac lege competit. At, si corpus læsum non sit, sed *aliter damnum sit datum*, veluti, si quis alienum servum vinctum, misericordia ductus, solverit, & is fugerit, In factum prætoriam actio datur.

Titulus 4.

De Injuriis.

Injuria, est delictum, quo fama, honor, dignitas, & existimatio alterius, læditur per contumeliam.

Contumelia est multiplex. 1. Aut fit *Re*, ut Verberatio: aut *Verbis*, ut Convitium; aut *Scriptura*, ut Libellus famosus. 2. Aut inferitur *in Corpus*, ut cum aliquis pulsatur; aut pertinet ad *Dignitatem minuendam*, ut cum comes matronæ abducitur; aut ad *Infamiam importandam*, ut, cum alicujus pudicitia attentatur. 3. Aut est *Levis*, aut *Atrox*. *Atrox* injuria æstimatur, vel ex *Facto*, ut si quis sit vulneratus; vel ex *Loco*, veluti si quis injuriam in foro, aut in theatris sit passus; vel ex *Persona*, veluti, si Senator a plebeo sit injuria affectus. Locus quoque vulneris injuriam auget: atrociores nempe injuriam infert vulnus in oculo, quam in alia parte corporis inflictum.

Qui injuriam fecit, punitur. 1. *Actione Prætoriam*: qua, in tantum damnatur, quanti injuriam passus æstimaverit; vel minoris, prout judici visum fuerit. 2. *Le-*

ge *Cornelia de injuriis*, si quem pulsavit, aut verberavit, aut domum alterius vi intravit. 3. *Judicio Criminali extraordinario*; ubi notandum, Illustres, & Superillustres, hoc judicium per Procuratores posse suscipere, vel movere.

Injuriarum tenetur, tum, qui injuriam fecit, veluti qui percussit; tum, qui dolo fecit, vel curavit, ut injuria fieret, puta, ut aliquis percuteretur.

Hæc Actio *Dissimulatione* aboletur, & ideo, si qui injuriam dereliquerit, id est, ubi passus statim ad animum non revocaverit, postea ex pœnitentia remissam injuriam non poterit recolare.

Titulus 5.

De Obligationibus, quæ ex Quasidelictis nascuntur.

Delicta committuntur dolo malo; Quasidelicta per culpam. *Quasidelictorum* genera quatuor, hoc titulo, considerantur. 1. *Si Judex litem suam fecerit*, id est, per imperitiam male judicaverit, quasi ex malificio tenetur, & arbitrio judicis punitur. 2. *Is, cujus cœnaculo* (sive in suo, sive in conducto, sive gratis habitet,) *dejectum effusumve aliquid est*, ita, ut alicui nocuerit, ex Quasidelicto tenetur, & in duplum damni dati condemnatur. Ob hominem vero occisum, 50. aureorum pœna afficitur. Sin autem alter homini libero nocitum sit, in quantum æquum Judici videbitur, condemnationem sustinebit. Judex computare debet mercedes medicis præstitas, ceteraq; impendia, quæ in curatione facta sunt; & opus, quibus ob id factum caruit, vel cariturus est.

3. *Qui ea parte, qua vulgo iter fieri solet, id positum aut suspensum habet, quod potest, si ceciderit, ali-*

nocere, ex Quasideliicto est obligatus, ac decem aureis punitur.

4. *Exercitor navis, aut cauponæ, aut stabuli, ob damnum aut furtum, in navi, caupona, stabulo factum, ab iis, quorum opera ibi utitur, ex Quasideliicto tenetur, Actione In factum, quæ heredi datur, non in heredem,*

Titulus 6.

De Actionibus.

Actio, est jus persequendi in judicio, quod sibi debetur. Ubi verbum *debendi* late accipiendum est, ut comprehendat etiam Rei vindicationem, qua quis rem suam petit.

Actionis septem divisiones, hoc titulo, proponuntur,

1. Actio, aut est *Realis*, aut *Personalis*, aut *Mixta*.
Actio Realis, sive *In rem* est, qua quis petit rem suam, quæ ab alio possidetur.

Actio Personalis, sive *in personam* est, qua quis agit cum eo, qui sibi obligatus est ad dandum, aut faciendum, vel ex Contractu, vel Maleficio, vel aliis quibusdam modis.

Mixta Actio dicitur, quæ est simul *in rem*, & *in personam*. Tales sunt, Actio Familix herciscundæ, quæ datur inter coheredes, de dividenda hereditate: aut, de Communi dividundo, qua, res particularis, aliquibus communis, inter eos dividitur.

2. Actio aut est *Civilis*, quæ jure Civili est introducta: aut *Prætoris*, quæ ex jurisdictione Prætoris originem ducit.

3. Actio aut est *Rei persecutoria*, aut *Pœnalis*, aut *Mixta*. *Rei persecutoria*, rem nostram, vel nobis de-

debitam; Pœnali, pœnam; Mixta, utrumque persequimur.

4. Actio aut est in *Simplum*, aut in *Duplum*, aut in *Triplum*, aut in *Quadruplum*.

5. Actio aut est *Bonæ Fidei*, ex qua datur Judici potestas, judicandi ex æquo & bono: aut *Stricti Juris*, ex qua potestas Judicis adstricta est, ad juris dispositionem: aut *Arbitraria*, quæ suapte natura est stricti juris, sed ex accidente fit Bonæ fidei; veluti, quia est alius locus solutioni destinatus, & alio loco agitur.

6. Actio alia, *præcise petit quod debetur*, alia, aut *Plus*, aut *Minus*, aut *Aliud*.

7. Actio vel est *Solidi persecutoria*, vel habet aliquam *Limitationem*, ut, de Peculio, vel, In quantum reus facere potest.

Titulus 7.

Quod cum eo, qui in aliena potestate est, negotium gestum esse dicetur.

Nunc exponenda sunt quædam Actionum accidentia. Primum accidens est *Qualitas*, quæ actioni adjicitur ex eo, quod reus non convenitur ex sua persona, sed Filii, vel Servi, vel Quadrupedis nomine: unde vocatur Actio de Peculio, vel Quod jussu, vel Noxalis, &c.

Harum Actionum duo sunt genera: nam, aliæ sunt ex Contractu, aliæ ex Noxa.

Ex Contractu sunt, 1. *Quod Jussu*, qua convenitur Pater vel Dominus, ex contractu Filii & Servi, cum jussit, ut contraheret.

2. *Actio Exercitoria*, quæ datur in Exercitorem ex contractu Magistri navis, si modo ejus rei gratia cui præpositus erat, contraxerit. Exercitor est, ac

quem

quem quotidianus quæstus ex navi pertinet. *Magister* navis est, cui totius navis cura incumbit.

3. *Institoria*, quæ, ex contractu Institoris, in eum redditur, qui Institorem tabernæ, vel suæ negotiationi præposuit, dummodo ejus rei gratia contraxerit, cui præpositus est.

4. *Tributoria*, quæ ex contractu Filiifamilias, aut Servi, datur in patrem vel dominum, qui non recte, & pro rata, peculium filii vel servi distribuit, sed totum, vel plus quam proportio requirit, sibi retinuit.

5. *De Peculio*; quæ, Patrem, vel Dominum, ex contractu Filii vel Servi condemnat, quatenus est in peculio.

6. *De in rem verso*, qua, ex contractu Filiifamilias vel Servi, Pater vel Dominus condemnatur, quatenus in rem suam versum est. Hæc Actio, est pars Actionis de Peculio, si de peculio actio competat: vel, est Actio separata, & per se, si Actio de peculio sit finita; nam, hæc certis casibus est annalis: Actio vero de in rem verso, est perpetua.

Titulus 8.

De Noxalibus Actionibus.

NOxales Actiones appellantur eæ, quæ contra Dominum ex delicto Servi dantur: & habent effectum, ut Dominus Servum, qui nocuit, noxæ dedendo, liberetur a præstanda litis æstimatione, & quidem, etiam si tanti non sit Servus, quanti damnum datum per ipsius delictum: atque sic dominium Servi transfertur a priore Domino in alterum, cui deditus est, idque in perpetuum.

Si Servus noxæ deditus, de suo demenso genium defraudando deparcens, tantum acquisivit, unde damnum

minum refarcire possit, cogitur Dominus a Prætoribus, cum manumittere.

Titulus 9.

Si Quadrupes Pauperiem fecisse dicatur.

Si brutum animal, ut Equus calcitrosus, aut Bos cornupeta, lascivia, aut fervore, aut feritate, contra sui generis naturam, concitatum, pauperiem fecerit, Noxalis actio ex lege 12. tabularum in dominum ejus competit, ut, si animal illud noxæ dedat, liberationem consequatur.

Pauperies, est damnum, sine injuria facientis datum; nec enim potest animal, quod ratione caret, injuriam facere.

Ædilitio Edicto prohibemur, Canem, Verrem, Aprum, Ursum, Leonem ibi habere, qua vulgo iter fit. Qui contra Edictum habuerit, si homini libero nocitum sit, arbitrio Judicis damnabitur; si aliud damnum datum sit, in duplum condemnabitur.

Titulus 10.

De His, per quos agere possumus.

Agere aliquis potest, tum suo nomine, tum & alieno nomine, ut procuratorio, tutorio, curatorio.

Procurator mandato constituitur, cum Dominus ei rem suam administrare, vel agere, vel defendere permittit: quare, nec certis verbis, nec præsentia vel scientia adversarii opus est.

Titulus 11.

De Satisfactionibus.

Satisfactio, est cautio, qua adversario nostro, secus, quod a nobis petit; ita cavemus, ut e-

hoc nomine securum faciamus, datis Fidejussoribus.

Reus, suo nomine conventus, non cavet, judicatum solvi: sed pro sua tantum persona, quod in judicio manebit usque ad terminum litis, vel jurato cavere, vel repromittere, vel satisdare, pro qualitate personæ suæ, compellitur.

Qui alieno nomine agit, si dubitetur, an sit Procurator, vel Tutor, vel Curator, satisdat, rem ratam dominum habiturum.

Si Reus præsens Procuratorem dare paratus sit, pro eo, judicatum solvi, fidejubere potest, ita ut in eam causam res suas obliget; & insuper pro sua persona caveat, quod, tempore recitandæ sententiæ, in judicium veniet, ut sententiæ satisfaciatur, vel, se non veniente, Fidejussor a se datus satisfaciet, nisi fuerit appellatum.

Qui Reum absentem defendit, satisdare debet, judicatum solvi: nemo enim alienæ rei, sine satisfactione, idoneus defensor intelligitur.

Alia est *Cautio Juratoria*, quæ jurejurando confirmatur; alia est *Nuda Cautio seu Repromissio*, quæ fit per simplicem stipulationem, sine jurejurando, sine fidejussoribus, & sine pignoribus.

Repromittunt Clerici certis casibus, & *Respublica*: *Jurato promittunt*, qui res immobiles possident, *Viri Illustres*, & qui fidejussores invenire non possunt:

Cæteri satisdant idoneis fidejussoribus. Sed, excipiuntur *Parentes & Patroni*, à quibus qualemcunque fidejussorem accipere oportet,

Titulus 12.

De Perpetuis & Temporalibus Actionibus,
&, quæ ad Heredes & in Heredes
transeunt.

Actiones aliæ sunt Perpetuæ, aliæ certo tempore
finiuntur: ut, Actio de dolo, terminatur biennio;
Redhibitoria, sex mensibus.

Perpetuas vocamus, quæ olim durabant in perpe-
tuum: sed hodie longissimi temporis, id est 30. vel 40.
annorum præscriptione, summoventur: ut, Certi Con-
dictio, Actio ex stipulatu, & aliæ quamplurimæ.

Rursus, aliæ Actiones dantur *Hereditibus*, & *Con-
tra Heredes*, ut, Actiones ex Contractibus: aliæ *finiun-
tur morte Rei*, ut, Actiones pœnales; quia delicta morte
delinquentium extinguuntur, & pœna ad heredes non
transit. Aliæ finiuntur *tam morte ejus*, cui competunt,
quam ejus, contra quem dantur, ut, Actio injuriarum.

Titulus 13.

De Exceptionibus.

Exceptio, est judicialis quædam allegatio, Reo com-
petens adversus Actionem, quæ jure quidem ci-
vili efficax sit, sed natura iniquas vires habeat.

*Qui per Metum, vel Dolum, vel Errorem id promi-
sit, quod non debebat*, jure civili tenetur, sed Prætoriam
exceptionem, *Quod metus causa*, vel, *Doli mali*, vel, *In-
factum*, defenditur.

*Qui, tanquam mutuam accepturus pecuniam, stipu-
lanti spondit*, similiter ipso jure tenetur; sed habe
Exceptionem non numeratæ pecuniæ.

Item *Judicio absolutus*, si iterum conveniatur, Ex-
ceptione rei judicatæ se tueri potest.

Exceptiones dividuntur 1. in Legitimas, & Prætorias. 2. in Peremptorias, five Perpetuas; & Temporales, five Dilatorias.

Perpetuæ seu Peremptoriæ sunt, quæ semper agentibus obstant, & semper rem, de qua agitur, perimunt: ut, Exceptio doli mali, Quod metus causa, & Pacti de non petendo.

Temporales atque *Dilatoriæ* sunt, quæ ad tempus Actori nocent, & temporis dilationem tribuunt: ut, Pacti, ne intra certum tempus petatur.

Quædam Exceptiones sunt *Dilatoriæ ex Persona*, ut Exceptio Procuratoria. Quidam enim prohibentur Procuratoris officio fungi, ut Miles & Mulier. Infames vero, tam Procuratorem dare, quam Procuratores fieri possunt.

Titulus 14.

De Replicationibus.

VTi Actor contra Reum movet *Actionem*, ita Reus contra Actorem excipit: deinde Actor Exceptioni opponit *Replicationem*: Reus, Replicationi, *Duplicationem*: Actor, Duplicationi, *Triplicationem*: Reus, Triplicationi, *Quadruplicationem*: atque ita etiam ulterius interdum progrediuntur.

Titulus 15.

De Interdictis.

Interdictum, est Forma atque Conceptio Verborum, quibus Prætor jubet aut prohibet aliquid fieri, & maxime inter eos, qui de Possessione, vel Quasi-possessione contendunt.

Ejus Divisiones hic tres exponuntur: 1. Vel sunt *Prohibitoria*, quibus Prætor prohibet aliquid fieri; puta,

vim fieri possidenti. Vel *Restitutoria*, quibus jubet aliquid restitui, veluti possessionem ei, qui de possessione vi dejectus est. Vel *Exhibitoria*, quibus jubet aliquid exhiberi, veluti Tabulas testamenti.

2. Vel sunt *Adipiscendæ Possessionis*, quam nondum habuimus: vel *Recuperandæ*, quam amisimus: vel *Retinendæ*, quam habemus.

3. Aut sunt *Simplicia*, in quibus distinctæ personæ sunt Actor & Reus: ut cum aliquis exhiberi, aut restitui postulat: aut sunt *Duplicia*, in quibus uterq; litigantium est Actor, uterq; Reus; & accidit in Interdicto Vti possidetis.

Hæ sunt generales Interdictorum divisiones: Species autem specialissimæ multæ sunt, veluti de Mortuo inferendo: Ne quid in loco publico vel sacro fiat: Quorum bonorum: Quod legatorum, &c.

Titulus 16.

De Poena temere litigantium.

Judicia partim sunt *Publica*, partim *Privata*. In *Privatis* spectatur officium utriusque Litigantis, officium Actoris, & officium Judicis.

Officium utriusq; Litigantis est, ne temere ad litigandum profiliat; &, ne id faciat, partim poena pecuniaria, partim jurejurando calumpniæ, partim infamia nota coercetur.

Officium Actoris est, ut imprimis Reum in jus vocet. Qua in parte cavere debet, ne Parentem, vel Patronum, vel Patronam, vel Parentes Liberosve Patroni seu Patronæ, sine permissu Prætoris, in jus vocet alioqui vel 50. aureis mulctabitur, vel, si tantum non habeat in ære, luet in corpore.

*Titulus 17.**De Officio Judicis.*

Officiū *Judicis* duplex est: Quorum alterum *Actio*-
ni deservit, & sine ea non consistit, veluti cum
usuræ ex mora, debentur in judicio bonæ fidei. Al-
terum per se consistit, ut cum Judex, nemine accusan-
te, inquit ex officio in homines facinorosos. Do-
ctores hoc appellant *Officiū Nobile*: illud autem,
Officiū Mercenarium; de quo solo in hoc tit. tra-
ctatur.

*Titulus 18.**De Publicis Judiciis.*

Judicia Publica sunt, quæ certis legibus sunt con-
stituta, de Criminibus, quorum persecutio cuivis
populo competit.

Quod autem est in judiciis privatis *Actio*, id in pu-
blicis est *Accusatio*.

Publica *Judicia* dividuntur in *Capitalia*, & non *Ca-*
pitalia.

Capitalia dicuntur, quæ capitis poenam irrogant,
id est, quorum poena caput eximit de civitate Roma-
nâ; quod quidem fit, morte naturali, vel civili. *Ci-*
vilis autem *mors*, est maxima vel media capitis di-
minutio.

Non Capitalia sunt, quæ infamiam irrogant, cum
damno pecuniario, vel coërcitione corporis; ut *Re-*
legatio, *Ictus fustium*.

Secundum hæc, *Accusatio* quoque dividitur in *Ca-*
pitalementem, & non *Capitalementem*.

Publicorum Criminum, & *Accusationum* species
sunt:

68. SYNOPSIS INSTITVT. IVRIS.

1. *Legis Juliae Majestatis*, adversus eos, qui contra Principem, vel Rempublicam aliquid moliti sunt.

2. *Legis Juliae*, de *Adulteriis*, & *Stupro*.

3. *Legis Corneliae de Sicariis*, latae a Cornelio Sylla Dictatore.

4. *Legis Pompeiae de Parricidiis*.

5. *Legis Corneliae de Falsis*, latae a Cornelio Sylla Dictatore.

6. *Legis Juliae de Vi*, latae ab Augusto.

7. *Legis Juliae Peculatus*, latae ab eodem Augusto contra eos, qui pecuniam publicam intercipiunt, ve quocunque modo contaminant. Quo pertinet etiam *Sacrilegium*.


8. *Legis Fabiae de Plagiariis*, adversus eos, qui liberis homines, vel servos alienos, *πλαγίαις*, id est dolose intercipiunt.

9. *Legis Juliae de Ambitu*, adversus eos, qui illicit modo, ut, data pecunia, honorem vel magistratum ambiunt.

10. *Legis Juliae Repetundarum*, contra eos, qui cum officio publico fungerentur, aliquid acceperunt, quo magis, vel quo minus officium facerent.

11. *Legis Juliae de Annona*, contra eos, qui, annam flagellant, id est, aliquid faciunt, quo carior annona.

12. *Legis Juliae de Residuis*, contra eos, qui, pecunias publicas tractarint, reliqua-
tores sunt.



**EXPLICATIO
R V B R I C A R V M
DIGESTORVM.**

LIBRARY OF THE
UNIVERSITY OF CHICAGO

THE UNIVERSITY OF CHICAGO
LIBRARY
1215 EAST 58TH STREET
CHICAGO, ILL. 60637
U.S.A.
TEL. (312) 937-1234
FAX (312) 937-1234
WWW.CHICAGO.EDU

EXPLICIT
R. V. B. R. I. C. A. R. V. M.
DIGESTORVM.

THE UNIVERSITY OF CHICAGO
LIBRARY
1215 EAST 58TH STREET
CHICAGO, ILL. 60637
U.S.A.
TEL. (312) 937-1234
FAX (312) 937-1234
WWW.CHICAGO.EDU



DIGESTORVM LIBRI.

PRÆFATIO,

Digestorum nomen, Justinianus his, qui sequuntur, Juris Civilis Libris imposuit, imitatione Juliani, Celsi, Scævolaë, aliorumque, qui suos de eodem Jure Commentarios simili appellatione designarunt. Is ipse tamen, alio nomine *Pandectam*, sive *Pandectas* eos quoque vocavit, ut significaret, illos omni scientiarum & prudentiæ genere repletos esse.

Collectores Digestorum, sequuti fere sunt ordinem *Edicti Perpetui*, quod Salvius Julianus, temporibus Hadriani Imp. ex variis Edictis Perpetuis, e quibus Prætores ius, quod aliàs assidue variabant, Lege Cornelia constanter dicere jussi sunt, in ordinem digessit, & cui Hadrianus, ac Senatus, auctoritatem commodarunt.

Justinianus ipse *dividit Digesta* in VII. partes. Ex his *Prima*, continet τὰ πρῶτα, sive Juris & Judiciorum prima initia, libris 4. *Secunda*, Judicia Realia libris 7. complectitur. *Tertia*, tradit Judicia Personalia, libris 8. *Quarta*, ea, quæ prioribus accedunt, ut Emptionem, Venditionem, & his affinia Pignora, Ædilitium Edictum, Evictiones, Usuras &c. libris 8. persequitur. *Quinta*, ultimas voluntates libris 9. tractat. *Sexta*, complectitur materiam Bonorum possessionis, Legitimarum hereditatum, Nunciationum novi operis, Vectigalium, Donationum, Liberalis causæ,

Acquisitionis domini, Possessionis, Usucapionis, Judicati, Confessi, Interdictorum, Præscriptionisq; libris 8. *Ultima* materiam Stipulationum, Solutionum, Criminum, Pœnarum, Appellationum, Diversarum cognitionum, item Significationes verborum, & Regulas Juris, libris 6. exponit. Est alia recepta partitio hujus Operis in *partes tres*, nimirum in Digestum *Vetus*, *Infortiatum*, & *Novum*: etsi de ratione harum appellationum nihil liquet. Huc aliqui evadunt conjectura sua, nempe, prout moris est, Leges denotare primis verbis, ita & a prima Rubrica, sive Titulo, visum fuisse toti Volumini nomen indere. Scilicet, cum tertium Volumen incipiat, *De Novi operis nunciatione*, hinc *Digestum Novum* nomen accepisse, & simul quoque *Digestum Vetus* ex vi correlativorum, cum Novum, aliud Vetus ex necessitate supponat, nuncupatum esse, evadit verisimile. *Infortiatum*, voce barbara fortasse a Græco *Φόρτος* seu *Φορτίον*, quibus vocibus *onus* innuitur, sic dictum, eo quod illi a titulo, *Soluta matrimonio quemadmodum dos petatur*, initium: onus enim est, dotem reddere.

Novellarum Volumine contenta, iis derogant, quæ habentur in Codice. Codex derogat Digestis & Institutis: Instituta, derogant Digestis, cum sint posteriora compositione.

Digesta, designari solent per literam D majusculam, aut Græcorum Π cum circumflexo, hac ratione, Π̄. Vulgo quoque allegantur per sextam literam duplicatam, ff, quod, vel per errorem sic irrepsit, quia ff. refert speciem & Π cum circumflexo, vel commoditatis causa factum est, ut uno tractu scribatur.

Primitus Digesta tempore *Lotharii Saxonis*, in expeditione secunda adversus Rogerium Siculum, inventa sunt, anno 1138. Inde acceperunt Pisani, navatæ operæ monumentum, quod Innocentium II. & Lotharium Cæsarem, classe adversus Rogerium juvisent. Postea Florentini, Pisis anno 1406. per Ginum Caponium in potestatem redactis, in suam urbem Librum transtulerunt, ubi in hanc usque diem summa sollicitudine custoditur.

Justinianus in *Constit. de Conceptione Digestorum* §. *nos vero*. Juris Studiosis quinquennium definivit, ad audiendum Professores, & perlegendum libros Juris. Ante statutum erat quadriennium, nec, nisi qui probasset, tantum temporis se Juris studio vacasse, admittebatur in numerum Advocatorum.

DIGESTORVM

LIBER I.

Titulus I.

De Justitia & Jure.

Jurisprudencia, est divinarum atque humanarum rerum notitia, justī & injustī scientia. Sive, est habitus intellectus, quo quis cognoscit res divinas & humanas, quatenus in iis versatur justum & injustum; nempe, ut illud amplectamur, hoc vero solícite fugiamus,

Justitia, est habitus, quo inclinamur cum constantia & firmitate, jus suum cuique, quod jure & legibus debetur, tribuendi. Atque est hæc definitio *Justitiæ Particularis*, quæ indicat qualitatem ordinantem homines circa ea, quæ tendunt ad bonum alterius singularis personæ.

Juris vocabulum varie usurpatur. Interdum notat *legitimam facultatem*, aut potestatem, quam quis ad aliquid habet; uti cum quis dicitur jure suo uti. Interdum denotat *Sententiam*; qua ratione judex, cum sententiam dixit, etiamsi iniqua ea fuerit, tamen jus reddidisse dicitur, relatione facta ad id, quod facere illum æquum erat. Amplius accipitur pro *Loco*, in quo jus redditur; quo sensu dicimus aliquem in jus vocari. Denique usurpatur etiam pro *Lege*, itemque pro eo, quod justum est æquumque.

Jus triplex est: Naturale, Gentium, & Civile.

Jus Naturæ est, quod Natura omnia animalia docuit. Dum vero dicitur, jus hoc homini cum brutis commune esse, *non id formaliter* accipiendum, quod rationem juris & legis, sed *materialiter*, quoad opera quæ sub tale jus cadunt, & quæ homo cum brutis habet communia. Quando igitur quæ homines jus & ductu rationis faciunt, eadem bruta quoque naturæ instinctu peragunt, tum ista dicuntur ab hominibus jure naturali fieri.

Dupliciter aliquid est *Juris Naturæ*. Primo *Positive*, quando lex naturalis aliquid præcipit, dicta ratione naturali, per se spectata, aliquid esse necessarium ad morum honestatem. Idem est, si quid prohibeat. Secundo, *Permissive*, seu *Negative*, aut *Cessive*, quando Jus Naturale nec præcipit Actum, prohibet, sed permittit tantum: cujus generis Libertas, Rerum Communio, & similia; quæ relicta humani arbitrii dispositioni, pro exigentia commoditatis.

Jus Gentium est, quo gentes humanæ utuntur: a quo id vulgo distinguunt a Naturali, quod illud, omnibus animalibus, hoc, solis hominibus inter se fit.

mune, constitutum ex naturali ratione. Ad Jus Gentium igitur duo requiruntur: Puta, ut ratio illud suaserit, & ut sit receptum omnium gentium consensione.

Jus Civile est, quod cujusque civitatis populus proprium sibi constituit.

Titulus 2.

De Origine Juris Civilis, & omnium Magistratuum, & successionem Jurisprudentium.

O*Rigo Juris Romani*, commode explicatur secundum triplicem ejus Reipublicæ statum. *Sub Regibus*, primum nulla lex certa erat, postea tamen quædam, *Regiæ & Curiatæ dictæ*, introductæ sunt.

Regibus exactis, Status novus Reip, coortus est. Hujus ætatis Juris, Epochæ tres sunt. 1. *Juris incerti*, quando, per 70. annos, Populus magis consuetudine, quam lata lege, utebatur. 2. Epochæ est conditarum *XII. Tabularum*, Nam A. V. 300. creati *Decemviri Legum condendarum causa*. Ex his, tres Athenas missi, ut jura cognoscerent Græcorum. His post biennium reversis, conditæ leges, & 10. eboreis tabulis inscriptæ, quibus sequenti anno, duæ tabulæ adjectæ, legesque æri fuere incisæ. In Epochæ 3. *post fundatam Legibus Rempublicam*, validum juris incrementum accessit, cujus 7. Fontes. 1. Interpretatio Prudentum, & Disputatio Fori. 2. Legis Actiones. 3. Leges Novæ ab universo Populo latæ. 4. Plebiscita, quæ lege Hortensia, post ultimam Plebis secessionem, pro legibus observata. 5. Senatus Consulta. 6. Edicta Magistratuum, & maxime Prætorum. 7. *Interpretorum Responsa*.

Introducto iterum A. V. 700. Statu Monarchico potestas legum condendarum ad *Principes* delata, plurimæ ab iis editæ sunt Constitutiones. Jussu ite Hadriani, *Edictum Perpetuum* a Salviano Jcto fuit dinatum.

In Statu Monarchico, tres temporum intercapdines observandæ. 1. *Gentilium* Imperatorum, Augusto, ad Constantini usque initia. Ex illorum Cæsarum Constitutionibus, eas, quæ ab Hadriano sequentibus, ad Valerianum & Gallienum usque la sunt, collegit *Gregorius JC.* & porro succedentiu usque ad Constantinum, *Hermogenes*. 2. Interca do est *Principum Christianorum*, a Constantino usque ad Theodosium juniorem. Horum, suas Constitutiones, *Theodosius iste junior* in unum C dicem collegit. 3. Intercaedo est Imperatoru qui deinceps sequuti, ad *Justinianum* usque.

Justinianus, usus opera *Triboniani*, A. C. 528. tribus antiquis Codicibus, additisque secutorum I peratorum, suisque, ad id tempus, Constitutionib Codicem composuit, quem ex se *Justinianum* app lavit. Mox, ex Veterum Jctorum libris, *Pandectæ* seu *Digesta*, componi jussit, & 50. *Decisiones*, dictas, quod veterum Jctorum controversias, de ris aliquo articulo, memorent, & mox decida quæque Codici hinc inde insertæ sunt, ita ut vix v agnoscantur, promulgavit. Denique *Institutio* edidit. Priore quoque Codice abolito, novum dicem *Repetitæ Prælectionis* evulgavit. Postre post hunc Codicem, varias pro re nata emisit *Novellas Constitutiones*, sive τὰ Νεαγὰ, idque Græco mone. Novellarum prima versio, quæ ante Acc sium edita est, & cujus Autor ignoratur, etsi quic

Bulgaro, alii Pileo, alii aliis eam assignant, *Authentica* fuit appellata. Cum *Novellis* coherent *Edicta* 13. Justiniani, non ad certum hominem, aut populum scripta, sed, in genere promulgata. Seculo XII. *Irnerius*, Codici, *Authenticis*, tanquam *Breviaria Novellarum* inseruit.

Post Justinianum, Gothis, Vandalis, Longobardis, Italiam, & alias Imperii Occidentalis Regiones invadentibus, juris Romani autoritas valde ibi imminuta fuit. Quin & sensim in Oriente quoque obsolevit, recedente paulatim Linguae Latinae usu, & *Novellis* subinde persecutorum Principum Constitutionibus accedentibus, insuper in novas formas opere Justiniani redactis. Sic *Theophilus* quidam, proxime post Justinianum, Institutionum Paraphrasin composuit. *Basilius Macedo* Imp. cum filiis *Constantino*, & *Leone Philosopho* A. 870. *περὶ τῶν νομικῶν* edidit. Successit *Nomocanon* a *Photio Patriarcha* A. 880. compositus. Maxime vero per *Basilicorum libros* 60. libri Justiniani omnes commixti. Id opus, a *Basilio Macedone* ceptum, *Leo VI.* filius *Macedonis* perfecit, & postea *Constantinus Porphyrogeneta*, filius *Leonis*, revidit, ac in lucem emisit. Hos libros, praeter 19. qui desiderantur, Graece edidit & Latine novissime vertit *Carolus Annibal Fabrotus*.

Seculo XII. revixit juris Justiniani autoritas in Italia, commendatione *Irnerii*, & hortatu ac jussu *Comitissae Mathildis*, fuitque Bononiae Schola publica instituta. Sequenti Seculo XIII. in Galliam & Hispaniam haec jura penetrarunt, & successu temporis in Germaniam quoque translata, quia tum Scholae Publicae, ad exemplum Italicarum, in his regionibus condebantur, accersitis ex Italia Doctoribus.

Oratio Principis est, quæ in Senatu recitabatur, in ejus sententiam SConsulsum fieret.

Titulus 5.

De Statu Hominum.

S*tatus*, tria complectitur, Libertatem, Civitatem, Familiam.

Servorum una est conditio, *Liberorum* hominum quidam sunt *Ingenui*, quidam *Libertini*.

Libertinorum divisionem in *Cives Romanos*, *Libertos*, & *Dedititios*, Justinianus sustulit, omnesq; *Libertos*, *Cives Romanos*, & adeo Nov. 78. *ingenuos* fecit salvo tamen in manumissos *Jure Patronatus*.

Respectu Civitatis, alii sunt *Cives Romani*, *Peregrini*.

Respectu Familiae, quidam sunt in eadem familia *Agnati*; quidam in diversis familiis, ut *Cognati*, *Adoptivi*, *Stranei*.

Titulus 6.

De His, qui sui vel alieni Juris sunt.

P*ersonæ* aliæ sunt *sui Juris*, aliæ, *Juri alieno* subiectæ. *Sui Juris* sunt *Paterfamilias* & *Materfamilias*, etiamsi sint *impuberes*. *Qui alieno Juri subijciuntur* sunt vel in *Potestate Dominica*, vel *Patria*.

In Potestate Dominica sunt *Servi*, quorum *subditio* *Jure Gentium* introducta fuit, & consistit vel in *Coërcitione*, vel in *Acquisitione*. *Coërcitio* olim ad *jus vitæ & necis* extendebat; quæ *severitas* postmodum ex *constitutione Antonini* mitigata est, ut non interficere domino *servum* sine *causa legibus scripta*, liceret, sub *pœna* interficientis *servum* alienum, neque *asperitatem* majorem exercere, sub *pœna* inter-

cessariæ venditionis, & castigationis severæ. Ad *Acquisitionem* Servi quod attinet, quicquid is acquirebat, id penitus Domino acquirebat.

In potestate patria sunt Liberi, qui ex justis nuptiis suscipiuntur; per eamque pater liberis legitimis, qui sunt in familia, imperat quoad res & personas eorum, ad communem familiæ utilitatem.

Titulus 7.

De Adoptionibus, & Emancipationibus,
& aliis modis, quibus Jus Patriæ
Potestatis solvitur.

A *Doptio*, est legitima liberi hominis in filium assumptio; cui occasionem dedit liberorum orbitas. Suntq; duæ ejus species: *Adoptio specifica*, & *Arrogatio*:

Adoptio specifica, est liberi hominis, qui potestati alterius subest, autoritate Magistratus, in filium assumptio. *Arrogatio*, est liberi hominis, qui sui juris est, autoritate Principis in filium assumptio. Ad Adoptionem sufficiebat Magistratus consensus, quia in ea pater filium, quem in potestate habet, adoptandum dat, qui præsumitur, eidem optime prospectum velle. At in Arrogatione, cum de statu Civis Romani agatur, super eo non nisi Populo auctore, aut Principe, in quem Populus jus suum transtulit, erat statuendum. Vtrique speciei hoc olim commune fuit, quod subijceret potestati adoptantis, & concederet jura agnationis, non tantum quoad liberos adoptantis, sed & fratres, patruos, cæterosq; ab eodem avo & proavo descendentes, non requisito eorum consensu: ita poscente nominis & sacrorum conservandorum, cu-

F

jusq;

jusq; familiæ ratione. Nec ex ea re Agnatis præjudicium creabatur, quibus, si nollent bona sua ad adoptivos transire, saluum erat remedium exclusionis. Erat vero differentia inter Adoptatum & Arrogatum, quod hic, cum bonis omnibus & liberis transibat potestatem arrogantis, ille vero solus, sine liberis se natis.

Patria Potestas solvitur 1. *Emancipatione*, cum pater coram competente judice filium e potestate dimittit. Ea olim requirebat certas solemnitates, ac in litem venditionem. 2. *Morte naturali*, sive ejus, qui in potestate est, sive ejus, qui in potestate habet. Sublato enim subiecto, tolluntur etiam jura ei coherentia. 3. *Morte civili*, quæ, salva vita, adimit libertatem, uti servitus, & damnatio in metallum vel civitatem, ejusque jura, ut deportatio. 4. *Patris ciatu filii*, quem, sub Imperatoribus, habere cœperunt Principum Consilarii, quos sibi tanquam Patres eligebant, ut indignum esset, eos censegi alieni juris. 5. *Captivitate*, sive patris, sive filii, quia per eam definit quis esse Civis Romanus, & est incapax Jurium Romanorum active & passive. 6. *Datione in adoptionem*, quia nemo in plurium potestate esse simul potest. 7. *Præscriptione*, si pater patiatur filium agere tanquam hominem sui juris.

Titulus 8.

De Rerum Divisione & Qualitate.

Post Jus Personarum, sequitur *Jus Rerum*, quod est facultas moralis, circa Res aliquid agendi. Notandum vero spectant Jureconsulti rerum substantiam a qualitate intrinsecam & naturalem, quam jus circumspiciunt, sive quod Cives in rebus habent.

Res 1. sunt vel Divini; vel Humani juris.

Divini juris sunt res Sacrae; Religiosae, & Sanctae, quae in nullius existunt bonis. Atque *Sacrae Res* dicuntur, quae olim per Pontifices, vel Principes, qui Pontificatu quoque fungebantur, fuere sacratae; ut Aedes sacrae, & earundem utensilia. *Res Religiosae* dicuntur, quae mortui illatione, animo sepeliendi facta, commercio hominum sunt exemptae. *Res Sanctae* dicuntur, quae sanctione aliqua munitae sunt; ut valla, leges, portae, & muri civitatum, quos hostili animo transcendere capitale est.

Res Humani juris, iterum sunt vel Publici, vel Privati juris.

Publici juris esse dicuntur Res Communes, Publicae, & Universitatis.

Communes Res sunt, quarum proprietas est nullius, usus vero omnibus patet: ut Aer; Aqua profluens, quatenus praestat usum bibendi & lavandi; Mare; Litora maris; & Feræ bestiae. *Publicae Res* sunt, quarum proprietas est certi alicujus populi, usus vero omnibus ex illo populo communis. Tales sunt Flumina, quatenus recipiunt usum navigandi & piscandi; item Portus, & Ripae. *Universitatis Res* sunt, quarum proprietas est certae alicujus Universitatis, aut Collegii, usus vero singulis ex illa Universitate communis manet; uti Theatra, Balnea, Porticus.

Res 2. sunt vel Corporales, vel Incorporales.

Corporales Res sunt, quae sua natura tangi possunt, ut Homo, Equus. Non tamen necesse est, ut ipso actu tangantur, sed sufficit, ita comparatas esse, ut tangi possint; multae enim res sunt in profundo maris, aut terrae visceribus, quas nemo unquam tetigit. Atque hae Res Corporales iterum sunt vel Mobiles,

vel Immobiles. *Incorporales Res* sunt, quæ sua natura tangi nequeunt.

Titulus 9.

De Senatoribus.

S*enatores* vocantur, quicunque Romæ in Senatu sententiam dicere poterant.

Fuerunt Romæ tres Ordines, Senatorius, Equestris, Plebejus; secundum illud:

Martia Roma triplex: Equitatu, Plebe, Senatu.

Senatus aut erat *Legitimus*, qui statis diebus habebatur; aut *Edictus*, sive *Indictus*, qui ob negotia in senatu sententia extra ordinem indicebatur.

Senatores Majorum Gentium dicti, qui a Romulo *Minorum Gentium*, qui a Tarquinio Prisco constituti fuerunt.

Secundum Plutarchum, Senatores ab initio tantum *Patres* dicti sunt, postea, pluribus in eundem ordinem adscriptis, *Patres Conscripti* appellari cœperunt.

Senatores Pedarii appellabantur, qui sententiam in Senatu verbis non dicebant, sed, in alienam sententiam pedibus ibant. Aut, qui non sella curuli utebantur, sed pedibus ibant in Curiam.

Senatorum alii sunt *Consulares*, alii *Præfectorii*, *Quæstorii* &c. qui scilicet Consulatu, Præfectura, Quæstura &c. functi sunt. Nam, post Magistratus gestos, fere in Senatum legi solebant.

Tres sunt *Senatorum Ordines*, in primo sunt *Illustres*, in secundo *Spestabiles*, in tertio *Clarissimi*.

Titulus 10.

De Officio Consulis.

C*onsules*, ex eo dicti, quod plurimum Reipublicæ consularent. Exactis Regibus, Consules

creati, annuam potestatem habentes. Penes hos initio summum fuit jus, & par cum Regibus potestas. Sed, lege deinde lata, cautum est, ut ab eis *provocatio* esset, neve possent in caput Civis Romani animadvertere, injussu Populi; solumq; relictum illis est, ut coërcere possent, & in vincula publica duci juberent. Consulum potestatem imminuerunt *Tribuni Plebis*, ideo creati, ut Plebi adversus Consules opem ferrent. Tandem eo res recidit, Græcorum Imperatorum tempore, ut fere nomen inane Consulum fuerit.

Titulus II.

De Officio Præfecti Prætorio.

P*ræfectus Prætorio*, Consuli dignitate proximus, potestate superior erat. Veteres, secundum Asconium, *Prætorem* dixerunt omnem Magistratum, cui pareret exercitus; & *Prætorium*, tabernaculum ejus. Inde, Aula Principis Prætorium dicta est; &, Præfecti Prætorio, qui Aulæ præerant. Hi erant in Comitatu Principis; Præsides Provinciarum illorum censuræ subditi fuere, judicabantq; vice Imperatoris. Ab iis non appellare, sed intra biennium supplicare licebat.

Titulus 12.

De Officio Præfecti Vrbi.

P*ræfecto Vrbi* Vrbs commendata fuit, & quicquid intra, vel extra Urbem, *intra centesimum milliariæ*, committebatur, ad ejus notionem pertinebat: nec solum de criminibus, sed etiam causis pecuniariis cognoscebat.

Titulus 13.

De Officio Quæstoris.

Q*uestores* pecunias publicas curabant; quorum alii in Vrbe *Ærario* præerant, alii *Provincias* sortiebantur.

bantur. Quidam etiam *Epistolis Principalibus* Senatu legendis vacabant.

Titulus 14.

De Officio Prætoris.

P*rætores* plurimi fuerunt: præcipua tamen potest
erat penes *Prætorem Urbanum*, qui inter Civ
Romanos, ac *Peregrinum*, qui inter Peregrinos, v
inter Cives Romanos & Peregrinos, jura reddeba
Illorum autoritas quanta fuerit, ex *Edictis* appare
sed ea imminuta est, postquam ex *Edicto Perpetu*
quod *Salvius Julianus* sub Imperatore Adriano com
posuit, jus dici cœptum est. Prætores habebant no
jurisdictionem tantum voluntariam, sed & conten
tiosam; de Criminibus tamen non cognoscebant.

Titulus 15.

De Officio Præfecti Vigilum.

P*ræfectus Vigilum*, cohortibus Vigilum præerat
odioso nomine *Nycteparchus* dictus; unde *Justi*
nianus constituit, ut *Præfectus Plebis* vocaretur. I
noctu, pro Magistratuungebatur, curabat, ne quo
incendium oriretur. Servos ultimo supplicio afficer
poterat, liberos homines non item,

Titulus 16.

De Officio Proconsulis & Legati.

P*rovincias*, quæ, stante libera Republica, in *Consu*
lares & *Prætorias* dividebantur, *Augustus* aliter
divisit; alias namque *Senatui P. Q. R.* concessit, alias
& quidem validiores, ipse suscepit. In illas mitte
bantur *Proconsules*, qui Consularem potestatem &
Insignia Consularia habebant, hoc excepto, quod non

12. fascibus, ut Consules, sed 6. tantum utebantur. Accipiebant unum vel plures *Legatos*, quibus jurisdictionem suam mandabant. In Provincias, quas sibi reservavit Imperator, *Præsides* missi, qui & *Legati Caesaris* dicti.

Titulus 17.

De Officio Præfecti Augustalis.

Qui *Ægypto* ab Imperatore præficietur, speciali nomine *Præfectus Ægypti*, aut *Præfectus Augustalis* dictus est, sive, quia ab Augusto constitutus, sive, quia præerat Prætorio Augustali in *Ægypto*.

Titulus 18.

De Officio Præsidis.

Præsidis nomen generale est, quo omnes, qui Provincias regunt, appellantur. Sed *proprie* Præses dicitur Legatus Cæsaris, cui Princeps aliquam e suis Provinciis regendam committit. Jus habet gladii, sed non alterius supplicii capitalis.

Titulus 19.

De Officio Procuratoris Cæsaris, vel Rationalis.

Qui *Causis Fiscalibus* in Urbe præest, Præfectus *Ærario* dicitur, qui vero in Provinciis, Procurator Cæsaris, Curator divinæ Domus, aut Rationalis.

Titulus 20.

De Officio Juridici Alexandriæ.

Cum in aliis Provinciis Præsides, aut eorum Legati, jus redderent, aut iudices darent, *Alexandriæ*, ne omnino *Ægyptus* in potestate Præfecti esset, unus, qui jus diceret, ab ipso Cæsare constituebatur, qui *Juridicus* dictus fuit.

Introducto iterum A. V. 700. Statu Monarchicæ potestas legum condendarum ad *Principes* delata, plurimæ ab iis editæ sunt Constitutiones. Jussu itaque Hadriani, *Edictum Perpetuum* a Salviano Jcto fuit ordinatum.

In Statu Monarchico, tres temporum intercapitula observandæ. 1. *Gentilium* Imperatorum, Augusto, ad Constantini usque initia. Ex illorum Cæsarum Constitutionibus, eas, quæ ab Hadriano sequentibus, ad Valerianum & Gallienum usque latus sunt, collegit *Gregorius JC.* & porro succedenti usque ad Constantinum, *Hermogenes*. 2. Interca- pitulo est *Principum Christianorum*, a Constantino usque ad Theodosium juniorem. Horum, suas Constitutiones, *Theodosius iste junior* in unum Codicem collegit. 3. Interca- pitulo est Imperatorum qui deinceps sequuti, ad *Justinianum* usque.

Justinianus, usus opera *Triboniani*, A. C. 528. tribus antiquis Codicibus, additisque secutorum Imperatorum, suisque, ad id tempus, Constitutionibus Codicem composuit, quem ex se *Justinianum* appellavit. Mox, ex Veterum Jctorum libris, *Pandectarum Digesta*, componi jussit, & 50. *Decisiones*, dictas, quod veterum Jctorum controversias, de rebus aliquo articulo, memorent, & mox deciderent, quæque Codici hinc inde insertæ sunt, ita ut vix videri agnoscantur, promulgavit. Denique *Institutiones* edidit. Priore quoque Codice abolito, novum Codicem *Repetitæ Prælectionis* evulgavit. Postremo post hunc Codicem, varias pro re nata emisit *Novellas Constitutiones*, sive *τὰ Νεαγὰ*, idque Græco nomine. Novellarum prima versio, quæ ante *Accursii* edita est, & cujus Autor ignoratur, etsi quidam

Bulgaro, alii Pileo, alii aliis eam assignant, *Authentica* fuit appellata. Cum *Novellis* coherent *Edita* 13. Justiniani, non ad certum hominem, aut populum scripta, sed, in genere promulgata. Seculo XII. Irnerius, *Codici*, *Authenticas*, tanquam *Breviaria Novellarum* inseruit.

Post Justinianum, Gothis, Vandalis, Longobardis, Italiam, & alias Imperii Occidentalis Regiones invadentibus, juris Romani autoritas valde ibi imminuta fuit. Quin & sensim in Oriente quoque obsolevit, recedente paulatim Linguae Latinae usu, & *Novellis* subinde insecutorum Principum Constitutionibus accedentibus, insuper in novas formas opere Justiniani redactae. Sic *Theophilus* quidam, proxime post Justinianum, *Institutionum* Paraphrasin composuit. *Basilus Macedo* Imp. cum filiis *Constantino*, & *Leone Philosopho* A. 870. *Περὶ τῶν νομίμων* edidit. Successit *Nomocanon* a *Photio Patriarcha* A. 880. compositus. Maxime vero per *Basilicorum* libros 60. libri Justiniani omnes commixti. Id opus, a *Basilio Macedone* ceptum, *Leo VI.* filius *Macedonis* perfecit, & postea *Constantinus Porphyrogeneta*, filius *Leonis*, revidit, ac in lucem emisit. Hos libros, praeter 19. qui desiderantur, Graece edidit & Latine novissime vertit *Carolus Annibal Fabrotus*.

Seculo XII. revixit juris Justiniani autoritas in Italia, commendatione *Irnerii*, & hortatu ac jussu *Comitissae Mathildis*, fuitque Bononiae Schola publica instituta. Sequenti Seculo XIII. in Galliam & Hispaniam haec jura penetrarunt, & successu temporis in Germaniam quoque translata, quia tum Scholae Publicae, ad exemplum Italicarum, in his regionibus condebantur, accersitis ex Italia Doctoribus.

Titulus 3.

De Legibus & Sctis, & longa
Consuetudine.

L Ex quibusdam dicitur a *ligando*, quia obligat ad
sui observantiam; Aliis, a *legendo*, quia legenda
& promulganda; Rursus aliis, ab *eligendo*, quia quicquid
eligendum sit, ostendit.

Legis vocabulum accipitur 5. modis. 1. Pro quo-
vis Jure, sive sit Naturale, sive ex Hominum institutio-
to. 2. Pro Jure Positivo, quod Naturali opponitur.
3. Pro Jure Scripto. 4. Pro Lege lata a Populo, sive
Plebiscito. 5. Pro Lege XII. Tabularum.

Lex, propriè est jussum Superioris, ac proinde ne-
cessè est, ut ab eo feratur, qui vim habet cogendi eum,
cui præcipit, nec enim par in parem imperium
exercet.

Justa lex est, quæ versatur circa materiam hone-
stam, & ad bonum commune salutemque publicam
dirigitur. Ac potest *Lex* *malum* *permittens*, etiam
justa dici, non quidem quoad materiam quæ pravita-
tem habet, sed quoad permissionem, quæ bona est, ut
majora mala evitentur. Huc referunt tolerationem
lupanarium; cædem uxoris marito permissam, cum
eam in adulterio deprehendit; & exactionem usura-
rum; item, Divortiorum veniam in Republica Ju-
daica.

Leges Civiles obligant etiam in conscientia, cum
cas transgrediens videatur resistere Magistratui, cui re-
sistentes, Apostolus ordinationi divinæ resistere asserit.
Augetur autem & minuitur peccatum, pro qualitate
materiæ, & circumstantiarum, Legislatoris insuper finis
& intentione.

Senatusconsultum est, quod *Senatus Romanus* sine *Plebis arbitrio* constituit. Nam, quia *Populum* omnem difficile erat congregare, curia *Reipubl.* in *Senatum* translata est, atque frequenter a *Consulis* interrogantis nomine, *Senatus decreta* nomen accipiebant, ut *Actum Trebellianum, Vellejanum, & alia.*

Consuetudo, est *Jus*, ex usu & frequentibus moribus ortum. Ad id ergo, ut *justa sit Consuetudo*, requiritur, inductam fuisse a *communitate*, non *quavis*, sed ea, quæ sit *capax potestatis legislativæ* pro seipsa, vel saltem *sufficiens*, ut *lex* ei imponi possit, cujusmodi est *Civitas*. Amplius requiritur, *actuum publice notiorum frequentia*, & *temporis* (quam pleriq; decennio definiunt) *diuturnitas*.

Titulus 4.

De Constitutionibus Principum.

Constitutionum Principum aliæ sunt *Generales*, quæ vim legis habent; aliæ *Personales*, quæ, cum personam non egrediantur, non sunt proprie *Leges*, sed *Privilegia*. *Constitutionum Species* sunt: *Epistola seu Rescriptum, Subscriptio, Decretum, Interlocutio, Edictum, Oratio.*

Epistola seu Rescriptum est, quod *Imperator* consulentibus aut supplicantibus respondet.

Subscriptio est, cum *Imperator* præsens libello supplici sententiam suam subscribit.

Decretum, est *sententia Imperatoris* inter duas partes, de quarum jure ipse cognovit, lata.

Interlocutio, est *sententia Principis* de plano lata.

Edictum est, cum *Imperator* quid publice ac generaliter jubet, aut prohibet.

Orda-

Oratio Principis est, quæ in Senatu recitabatur, ut in ejus sententiam S. Consultum fieret.

Titulus 5.

De Statu Hominum.

Status, tria complectitur, Libertatem, Civitatem, Familiam.

Servorum una est conditio, *Liberorum* hominum quidam sunt *Ingenui*, quidam *Libertini*.

Libertinorum divisionem in *Cives Romanos*, *Latinos*, & *Dedititios*, Justinianus sustulit, omnesq; *Libertinos*, *Cives Romanos*, & adeo Nov. 78. *ingenuos* fecit; salvo tamen in manumissos *Jure Patronatus*.

Respectu Civitatis, alii sunt *Cives Romani*, alii *Peregrini*.

Respectu Familiae, quidam sunt in eadem familia, ut *Agnati*; quidam in diversis familiis, ut *Cognati*, *Extranei*.

Titulus 6.

De His, qui sui vel alieni Juris sunt.

Personæ aliæ sunt sui Juris, aliæ, Juri alieno subiectæ. *Sui Juris* sunt *Paterfamilias* & *Materfamilias*, etiamsi sint impuberes. *Qui alieno Juri subjiuntur*, sunt vel in *Potestate Dominica*, vel *Patria*.

In Potestate Dominica sunt *Servi*, quorum subiectio *Jure Gentium* introducta fuit, & consistit vel in *Coërcitione*, vel in *Acquisitione*. *Coërcitio* olim s. ad jus vitæ & necis extendebat; quæ severitas postmodum ex constitutione Antonini mitigata est, ut nequ. interficere domino servum sine causa legibus cognita, liceret, sub pœna interficientis servum alienum neque asperitatem majorem exercere, sub pœna ne

esse

cessariæ venditionis, & castigationis severæ. Ad Acquisitionem Servi quod attinet, quicquid is acquirebat, id penitus Domino acquirebat.

In potestate patria sunt Liberi, qui ex justis nuptiis suscipiuntur; per eamque pater liberis legitimis, qui sunt in familia, imperat quoad res & personas eorum, ad communem familiæ utilitatem.

Titulus 7.

De Adoptionibus, & Emancipationibus,
& aliis modis, quibus Jus Patriæ
Potestatis solvitur.

Adoptio, est legitima liberi hominis in filium assumptio; cui occasionem dedit liberorum orbitas. Suntq; duæ ejus species: Adoptio specifica, & Arrogatio.

Adoptio specifica, est liberi hominis, qui potestati alterius subest, autoritate Magistratus, in filium assumptio. *Arrogatio*, est liberi hominis, qui sui juris est, autoritate Principis in filium assumptio. Ad Adoptionem sufficiebat Magistratus consensus, quia in ea pater filium, quem in potestate habet, adoptandum dat, qui præsumitur, eidem optime prospectum velle. At in Arrogatione, cum de statu Civis Romani agatur, super eo non nisi Populo auctore, aut Principe, in quem Populus jus suum transtulit, erat statuendum. Vtrique speciei hoc olim commune fuit, quod subijceret potestati adoptantis, & concederet jura agnationis, non tantum quoad liberos adoptantis, sed & fratres, patruos, ceterosq; ab eodem avo & proavo descendentes, non requisito eorum consensu: ita poscente nominis & sacrorum conservandorum cu-

F

jusq;

jusq; familiæ ratione. Nec ex ea re Agnatis præjudicium creabatur, quibus, si nollent bona sua ad adoptivos transire, saluum erat remedium exclusionis. Erat vero differentia inter Adoptatum & Arrogatum, quod hic, cum bonis omnibus & liberis transibat in potestatem arrogantis, ille vero solus, sine liberis ex se natis.

Patria Potestas solvitur 1. *Emancipatione*, cum pater coram competente judice filium e potestate dimittit. Ea olim requirebat certas solemnitates, ac in histrinam venditionem. 2. *Morte naturali*, sive ejus, qui in potestate est, sive ejus, qui in potestate habet. Sublato enim subjecto, tolluntur etiam jura ei coherrentia. 3. *Morte civili*, quæ, salva vita, adimit vel libertatem, uti servitus, & damnatio in metallum; vel civitatem, ejusque jura, ut deportatio. 4. *Patri-
ciatu filii*, quem, sub Imperatoribus, habere cœperunt Principum Consilarii, quos sibi tanquam Patres elegerant, ut indignum esset, eos censei alieni juris. 5. *Captivitate*, sive patris, sive filii, quia per eam definit quis esse Civis Romanus, & est incapax Jurium Romanorum active & passive. 6. *Datione in adoptionem*, quia nemo in plurium potestate esse simul potest. 7. *Præscriptione*, si pater patiatur filium agere tanquam hominem sui juris.

Titulus 8.

De Rerum Divisione & Qualitate.

Post Jus Personarum, sequitur *Jus Rerum*, quod est facultas moralis, circa Res aliquid agendi. Non tam vero spectant Jureconsulti rerum substantiam aut qualitatem intrinsecam & naturalem, quam jus circa rem, sive quod Cives in rebus habent,

Res 1. sunt vel Divini; vel Humani juris.

Divini juris sunt res Sacrae; Religiosae, & Sanctae, quae in nullius existunt bonis. Atque *Sacrae Res* dicuntur, quae olim per Pontifices, vel Principes, qui Pontificatu quoqueungebantur, fuere sacrae; uti Aedes sacrae, & earundem utensilia. *Res Religiosae* dicuntur, quae mortui illatione, animo sepeliendi facta, commercio hominum sunt exemptae. *Res Sanctae* dicuntur, quae sanctione aliqua munitae sunt; ut valla, leges, portae, & muri civitatum, quos hostili animo transcendere capitale est.

Res Humani juris, iterum sunt vel Publici, vel Privati juris.

Publici juris esse dicuntur Res Communes, Publicae, & Universitatis.

Communes Res sunt, quarum proprietas est nullius, usus vero omnibus patet: ut Aer; Aqua profluens, quatenus praestat usum bibendi & lavandi; Mare; Litora maris; & Ferae bestiae. *Publicae Res* sunt, quantum proprietas est certi alicujus populi; usus vero omnibus ex illo populo communis. Tales sunt Flumina, quatenus recipiunt usum navigandi & piscandi; item Portus, & Ripae. *Vniversitatis Res* sunt, quantum proprietas est certae alicujus Vniversitatis, aut Collegii, usus vero singulis ex illa Vniversitate communis manet; uti Theatra, Balnea, Porticus.

Res 2. sunt vel Corporales, vel Incorporales.

Corporales Res sunt, quae sua natura tangi possunt, ut Homo, Equus. Non tamen necesse est, ut ipso actu tangantur, sed sufficit, ita comparatas esse, ut tangi possint; multae enim res sunt in profundo maris, aut terrae visceribus, quas nemo unquam tetigit. Atque hae Res Corporales iterum sunt vel Mobiles,

vel Immobiles. *Incorporales Res* sunt, quæ sua natura tangi nequeunt.

Titulus 9.

De Senatoribus.

Senatores vocantur, quicunque Romæ in Senatu sententiam dicere poterant.

Fuerunt Romæ tres Ordines, Senatorius, Equestris, Plebejus; secundum illud:

Martia Roma triplex: Equitatu, Plebe, Senatu.

Senatus aut erat *Legitimus*, qui statis diebus habebatur; aut *Edictus*, sive *Indictus*, qui ob negotia incidentia extra ordinem indicebatur.

Senatores Majorum Gentium dicti, qui a Romulo, *Minorum Gentium*, qui a Tarquinio Prisco constituti fuerunt.

Secundum Plutarchum, Senatores ab initio tantum *Patres* dicti sunt, postea, pluribus in eundem ordinem adscriptis, *Patres Conscripti* appellari cœperunt.

Senatores Pedarii appellabantur, qui sententiam in Senatu verbis non dicebant, sed, in alienam sententiam pedibus ibant. Aut, qui non sella curuli vehantur, sed pedibus ibant in Curiam.

Senatorum alii sunt *Consulares*, alii *Præfectorii*, alii *Quæstorii* &c. qui scilicet Consulatu, Præfectura, Quæstura &c. functi sunt. Nam, post Magistratus gestos, fere in Senatum legi solebant.

Tres sunt *Senatorum Ordines*, in primo sunt Illustres, in secundo Spectabiles, in tertio Clarissimi.

Titulus 10.

De Officio Consulis.

Consules, ex eo dicti, quod plurimum Reipublicæ consulerent. Exactis Regibus, Consules duces

crea-

creati, annuam potestatem habentes. Penes hos initio summum fuit jus, & par cum Regibus potestas. Sed, lege deinde lata, cautum est, ut ab eis *provocatio* esset, neve possent in caput Civis Romani animadvertere, injussu Populi; solumq; relictum illis est, ut coercere possent, & in vincula publica duci juberent. Consulum potestatem imminuerunt *Tribuni Plebis*, ideo creati, ut Plebi adversus Consules opem ferrent. Tandem eo res recidit, Græcorum Imperatorum tempore, ut fere nomen inane Consulum fuerit.

Titulus 11.

De Officio Præfecti Prætorio.

Præfectus Prætorio, Consuli dignitate proximus, potestate superior erat. Veteres, secundum *Asconium*, *Prætores* dixerunt omnem Magistratum, cui pareret exercitus; & *Prætorium*, tabernaculum ejus. Inde, *Aula Principis Prætorium* dicta est; &, *Præfecti Prætorio*, qui *Aulæ* præerant. Hi erant in Comitatu Principis; *Præsides Provinciæ* illorum *censuræ* subditi suere, judicabantq; vice Imperatoris. Ab iis non appellare, sed intra biennium supplicare licebat.

Titulus 12.

De Officio Præfecti Urbis.

Præfecto Urbis *Urbs* commendata fuit, & quicquid intra, vel extra Urbem, intra centesimum miliarium, committebatur, ad ejus notionem pertinebat: nec solum de criminibus, sed etiam causis pecuniariis cognoscebat.

Titulus 13.

De Officio Quæstoris.

Quæstores pecunias publicas curabant; quorum alii in *Urbe* *Ærario* præerant, alii *Provincias* sortiebantur.

bantur. Quidam etiam *Epistolis Principalibus* in Senatu legendis vacabant.

Titulus 14.

De Officio Prætoris.

P*rætores* plurimi fuerunt: præcipua tamen potestas erat penes *Prætorem Urbanum*, qui inter Cives Romanos, ac *Peregrinum*, qui inter Peregrinos, vel inter Cives Romanos & Peregrinos, jura reddebat. Illorum autoritas quanta fuerit, ex *Edictis* apparet; sed ea imminuta est, postquam ex *Edicto Perpetuo*, quod *Salvius Julianus* sub Imperatore Adriano composuit, jus dici cœptum est. Prætores habebant non jurisdictionem tantum voluntariam, sed & contentiosam; de Criminibus tamen non cognoscebant.

Titulus 15.

De Officio Præfecti Vigilum.

P*ræfectus Vigilum*, cohortibus Vigilum præerat, odioso nomine *Nycteparchus* dictus; unde *Justinianus* constituit, ut *Præfectus Plebis* vocaretur. Is noctu, pro Magistratuungebatur, curabat, ne quod incendium oriretur. Servos ultimo supplicio afficere poterat, liberos homines non item,

Titulus 16.

De Officio Proconsulis & Legati.

P*rovincias*, quæ, stante libera Republica, in *Consulares* & *Prætorias* dividebantur, *Augustus* aliter divisit; alias namque *Senatui P. Q. R.* concessit, alias, & quidem validiores, ipse suscepit. In illas mittebantur *Proconsules*, qui *Consularem* potestatem & *Insignia Consularia* habebant, hoc excepto, quod non

12. fascibus, ut Consules, sed 6. tantum utebantur. Accipiebant unum vel plures *Legatos*, quibus jurisdictionem suam mandabant. In Provincias, quas sibi reservavit Imperator, *Præsides* missi, qui & *Legati Caesaris* dicti.

Titulus 17.

De Officio Præfecti Augustalis.

QVi *Ægypto* ab Imperatore præficebatur, speciali nomine *Præfectus Ægypti*, aut *Præfectus Augustalis* dictus est, sive, quia ab Augusto constitutus, sive, quia præerat Prætorio Augustali in *Ægypto*.

Titulus 18.

De Officio Præsidis.

PRÆSIDIS nomen generale est, quo omnes, qui Provincias regunt, appellantur. Sed proprie Præses dicitur Legatus Caesaris, cui Princeps aliquam e suis Provinciis regendam committit. Jus habet gladii, sed non alterius supplicii capitalis.

Titulus 19.

De Officio Procuratoris Cæsaris, vel Rationalis.

QVi *Causis Fiscalibus* in Vrbe præest, Præfectus *Ærario* dicitur, qui vero in Provinciis, Procurator Cæsaris, Curator divinæ Domus, aut Rationalis.

Titulus 20.

De Officio Juridici Alexandriae.

CVm in aliis Provinciis Præsides, aut eorum Legati, jus redderent, aut iudices darent, *Alexandriae*, ne omnino *Ægyptus* in potestate Præfecti esset, unus, qui jus diceret, ab ipso Cæsare constituebatur, qui *Juridicus* dictus fuit.

*Titulus 21.**De Officio ejus, cui mandata est
Jurisdictio.*

Quoniam Magistratus tam Urbani, quam Provinciales, negotiis varie districti, ipsi, rebus omnibus vacare non possunt, ideo Jurisdictionem suam alteri mandare solent.

Mandari possunt, quæ jure Magistratus competunt, non quæ specialiter Lege, vel Scto, vel Principali Constitutione tributa sunt. Si enim sine privati mandati diligenter custodiendi sunt, & quod hoc expediendum suscepit, alteri delegare vice suas nequit, quanto religiosius, præscripto Legis Principisve est parendum. Vnde Merum Imperium & Jus Gladii, quod Lege dari solet, mandata Jurisdictione, non transit; transit tamen modica coercitio sine qua Jurisdictio nulla est. Mandatur autem vel tota Jurisdictio, vel ejus pars; atque, vel alteri Magistratui, vel alicui Privato.

*Titulus 22.**De Officio Assessorum.*

Magistratibus, & iis, qui mandatam a Magistratibus Jurisdictionem suscipiunt, Consilarii affidebant *Jurisperiti*, quorum consiliis & operis in exercenda jurisdictione uterentur, qui causas cognoscerent, postulationes litigantium audirent, decreta & interlocutiones facerent. Ex his, alii *publicum salarium e Fisco* percipiebant, qui in sua patria ultra 4 menses assidere non poterant, quod tamen iis concessum, qui publico salario non fruebantur.

DIGESTORVM LIBER II.

Titulus 1. De Jurisdictione,

Jurisdictio, est Magistratus de causis notio, earumque definitio, quam, ex ordinario officii sui jure, habet & exercet.

Jurisdictio alia *de plano*, alia *pro tribunali* tantum expediri potest. Item, alia est *Voluntaria*, quæ inter volentes locum habet, eaque expediuntur Emancipationes, Adoptiones, Manumissiones: alia *Contentiosa*, quæ in nolentes, imperii vi, exercetur.

Est quoque Jurisdictio alia *Criminalis*, alia *Civilis*. Quæ ad causas Criminales pertinet, *Merum Imperium* proprie dicitur; quæ in Civilibus causis consistit, *Imperium Mixtum*, aut *Jurisdictio*.

Merum Imperium, sive *Jus gladii*, est potestas animadvertendi in facinrosos homines gladio, vel alia coercitione, uti Securi, Laqueo, Telo. Dicitur *Merum*, quia purum est, nec commixtum cum jurisdictione proprie dicta; uti merum Jus Gentium dicitur, quod est a Jure Civili sejunctum. Dicitur *Jus Gladii*, quia, ut Hasta jurisdictionis, ita Gladius, hujus imperii apud Romanos Insigne erat.

Mixtum Imperium, quod etiam *Non-merum* appellatur, est illud, cui jurisdictio inest, & modica coercitio, sine qua jurisdictio expediri nequit.

Jurisdictio proprie dicta est, quæ in jure dicundo potius, quam in jubendo, consistit.

Jurisdictio eadem est, sive mandetur, sive non mandetur; nam mandata, ejus est, qui mandavit, non ejus, qui suscepit.

Titulus 2.

Quod quisque juris in alterum statuerit,
ut ipse eodem jure utatur.

EX Prætoris Edicto, is, qui Magistratum, potestatemque habet, si quid in aliquem *novi juris* *cum effectu statuit*, ipse, quandocunque postulante adversario, eodem jure uti debet; hoc est, Judex, quando abiit Magistratu, (nam quoad eum gerit, in jus vocari non potest) non modo illo, qui læsus est, sed & quocunque, qui jure adversus eum experitur, postulante, pati debet, ut idem jus adversus se decernatur, quod ipse adversus alterum decrevit; nec in eam rem Actione aliqua ordinaria opus est, sed officium judicis implorare sufficit. Proinde vim suam exerit in Judicem lex, quam ipse tulit, quæ, etsi per se iniqua sit, tamen hætenus æqua evadit, quod illam in altero æquam judicaverat.

Assessoris imperitia, qui novum jus suggessit, non jus dicenti, sed ipsi assessori nocere debet, ac, propter temere arrogatam sibi juris possessionem, tenetur.

Porro, Is qui apud eum, qui magistratum potestatemque habebit, aliquid *novi juris* obtinuerit, postea, quandocunque adversario ejus postulante, idem adversus eum decernetur: ut habent verba Edicti. Hoc est, litigans, qui jus novum impetravit, eodem jure uti debet, non tantum postulante læso, sed & aliis quibuscunque. Nempe, quod quis in alterius persona æquum esse credidit, id in sua quoque persona ut valeat, pati debet.

Titulus 3.

Si quis Jus dicenti non obtemperaverit.

Qui Jus dicenti non obtemperat, hoc est, non facit id, quod extremum est in jurisdictione, & ultra quod

quod jus dicens non progreditur, solvere debet, *quantum hæc contumacia æstimatur*; & cum meram hæc actio pœnam contineat, neque post annum, neque in heredem datur.

Titulus 4.

De in Jus vocando.

IN Jus vocare, est, ad eum, qui jurisdictioni præest, juris experiundi causa, vocare.

In Jus vocari non possunt Majores Magistratus. Quidam non nisi permissu Prætoris vocari possunt, ut Parentes, Patroni, Patronorum liberi, & cæteri, quibus talis reverentia debetur. Si quis secus fecerit, pœna 50. aureorum, aut, si tantum in ære non habeat, corporaliter plectitur.

Titulus 5.

Si quis in Jus vocatus non ierit: sive quis eum vocaverit, quem ex Edicto non debuerit,

IN Jus vocatus, ad eum venire debet, qui jurisdictioni præest, etiam cum dubitatur, an ejus sit jurisdictio. Prætoris enim est æstimare, an sua sit jurisdictio; vocati, non contemnere auctoritatem Prætoris.

Si quis in Jus vocatus non ierit, a competenti iudice mulcabitur. Excusatur 1. Qui ex Edicto in Jus vocari non debuit. 2. Qui per rusticitatem non venit. 3. Qui eo non venit, quo vocari illum non debuisse certum est. 4. Qui frustra venisset: quia actoris non intererat, ut veniret, puta quia dies feriata erat,

Titu.

Titulus 6.

In jus vocati, ut eant, aut satis, vel cautum dent.

EXcusatur s. qui *judicio sisti idonee satisdedit*, aut cavet. Itaque si is, qui in jus vocatur, forte sit occupatus, vel iusta prætexat impedimenta, quo minus in præsentia venire possit, satisfactionemque, iudicio sisti certo aliquo commodoque die, offerat, erit dimittendus, adeo quidem, ut si non contentus fidejussore locuplete Actor, in jus porro trahere pergat, injuriarum teneatur.

Titulus 7.

Ne quis eum, qui in Jus vocabitur, vi eximat.

Eximere, est quoquo modo facere, quo minus in jus vocatus veniat. Talis in id condemnatur, quanti ea res, de qua controversia est, ab Actore æstimatur.

Titulus 8.

Qui satisdare cogantur, vel jurato promittant, vel suæ promissioni committantur.

Quia dictum, eum, qui in jus rapitur, si satisdare paratus sit, dimittendum esse, videndum nunc, Qui, & Quomodo satisdare cogantur.

Cautionis tres species sunt: Satisfactio, Juratoria cautio, Repromissio.

Satisdare, est adversario, pro eo, quod petit, ita cavere, ut eo nomine securus fiat. Satisfactio aut est *Voluntaria*, aut *Necessaria*; item, aut fit datis *Fide-*
jussor-

jussoribus, aut *Pignoribus*. Proprie tamen Satisfactio dicitur, quæ sit datis fideiussoribus; qualis etiam in cautione iudicio fisci intelligenda.

Dandus est *fidejussor locuples*, hoc est, is, qui satis idonee habet pro magnitudine rei, quam actor petit. Qui talem non accipit, injuriarum tenetur, tam ei, qui illum in jus duxit, quam fidejussori.

Inter *necessarias personas* Prætor qualemcunque fidejussorem, etiam non locupletem, accipere jubet, in renuentes 50. aureorum iudicium dat.

Jurato promittunt nonnulli ob *Dignitatem*, ut Illustres & Senatorii; plerique ob *Necessitatem*, quia fidejussores idoneos invenire non possunt. Ne enim, per difficultatem inveniendi, differantur judicia, ideo iurijurando reus relinquitur, ut illud pro satisfactione præstet. Si tamen reus de fuga suspectus, aut peregrinus sit, non facile cautioni juratoris committitur, sed arrestari debet.

Repromissioni, hoc est, suæ, nudæque promissioni committuntur, qui res immobiles, in territorio, ubi litigatur, possident. Cum enim pro prædibus prædia sufficiant, quorum in possessionem mittatur Actor, si Reus in jus vocationem aspernetur, merito ab his alia cautio non est requirenda, puta in civilibus, sed sufficit nuda de sistendo promissio, interposita scilicet stipulatione.

Titulus 9.

Si ex Noxali Causa agatur, quemadmodum caveatur,

Si quis Servum, de quo Noxalis Actio est, iudicio fisci promiserit, debet eum in eadem causa exhibere, in qua tunc est, donec iudicium accipiatur.

In eadem causa sistere videtur, qui ad experiendum non facit actoris jus deterius.

Titulus 10.

De eo, per quem factum erit, quo minus quis in iudicio sistat.

CAutione data, vitat quidem Reus necessitatem sistendi eum, qui in ius vocat, sed postea debet sicut promisit, iudicio se sistere. Actor quoque adesse debet. *Ne vero quis iis impedimenta struat*, visum est Prætori, dolum ejus coercere, qui impedire aliquem iudicio sisti. Hæc Actio non solum ei competit, qui in ius vocaverat, si se impeditum fuisse dicat, sed & in ius vocato, daturque In factum, in id quod interest.

Titulus 11.

Si quis Cautionibus in iudicio sistendi causa factis non obtemperaverit.

SI quis in iudicio non stiterit, sive non in eadem causa stiterit, stipulatio committitur adversus Reum, & fidejussores ab eo datos. Ex ea igitur stipulatione Actio competit, hoc est, aut certi condictio, si certa poena promissa sit, aut incerti, in id quod interest, si poena expressa non fuerit. Eliditur hæc actio, ipso jure, si principalis actio, transactione, morte, vel alio modo, sublata sit. Eliditur per Exceptionem, si Reus justam causam afferat, quare in iudicio non stitit, veluti si adversam valetudinem, tempestatem, vini fluminis alleget.

Titulus 12.

De Feriis, & Dilationibus, & Diversis Temporibus.

EXcusatur, qui *die feriato* in jus vocatus non ivit. *Ferie*, sunt vacationes a forensibus negotiis. Dividuntur, in *Generales*, quæ ubique locorum observantur, & *Particulares*, quæ certo loco concluduntur. Item, in *Solemnes*, quæ ex ordine observantur, & *Repentinas*, quæ extra ordinem, ob res puta prosperas, indicuntur.

Solemnes, partim sunt *Divine*, quæ divini cultus causa observantur; partim *Humanæ*, ut *Messium*, & *Vindemiarum*.

Est quoque *Excusatio*, si quis in iudicio non stitit, propter *Dilationem*.

Dilatio, est diei iudicii diffusio atque prorogatio, qua pendente cognitio sustinetur, & officium iudicis conquiescit. Dividitur in *Peremptoriam*, quæ perimit disceptationem, neque ultra patitur adversarium tergiversari: nam, ea comminatur iudex, etiam absente diversa parte cogniturum se & pronunciaturum: & *Nonperemptoriam*, quæ disceptationem duntaxat proferat, non perimit.

Amplius dividitur *Dilatio*, in *Conventionalem*, *Judicialem*, & *Legalem*. *Conventionalis* est, quæ fit ex consensu litigatorum. *Judicialis* est, cujus autor est iudex, instante fortassis altero litigatorum. *Legalis* est, quæ fit a Lege, veluti propter ferias.

Dies Naturalis apud Romanos a media nocte incipiebat, & sequentis noctis media parte fiebat.

Titu-

*In eadem causa sistere videtur, qui ad experiend
non facit actoris jus deterius.*

Titulus 10.

*De eo, per quem factum erit, quo mi
quis in iudicio sistat.*

CAutione data, vitat quidem Reus necessitat
quendi eum, qui in ius vocat, sed postea
sicut promisit, iudicio se sistere. Actor quoq
esse debet. *Ne vero quis iis impedimenta stru*
sum est Prætori, dolum ejus coercere, qui i
aliquem iudicio sisti. Hæc Actio non solum
petit, qui in ius vocaverat, si se impeditum fi
cat, sed & in ius vocato, daturque In factum
quod interest.

Titulus 11.

*Si quis Cautionibus in iudicio siste
factis non obtemperaverit.*

S*I quis in iudicio non stiterit, sive non*
stiterit, stipulatio committitur
& fidejussores ab eo datos. Ex ea
Actio competit, hoc est, aut
pœna promissa sit, aut in
pœna expressa non fuerit
jure. si principalis actio
sit

et litigio
Fit vel n
aut Co
&c.

LIBER 2

TITULUS 2

De Fecis, & de Mactis, & de

Temptis

nici sui, in
 st, expone-
 line quidam
 am illi, Da-
 i, Oratores,

admitteretur,
 etum propo-
 xus est: quos-
 timores 17. an-
 tum pro se po-
 & Cæcis, & in-
 ad Fœminas at-
 eas virilibus offi-
 alienæ causæ præ-

De Cæcis causa

Est nequeunt.

et personis
 Liberis,

unt quoq;

omnia juris

omnia.

postulare non

qui notantur in-

In-

Titulus 13.

De Edendo.

Vel Actio editur, vel Instrumentum.

Editio Actionis, est futuræ litis demonstratio, ut is qui convenitur, sciat, utrum cedere, an contendere debeatur: &, si contendendum putat, veniat instructus ad se defendendum, cognita actione, qua convenitur.

Editio Instrumenti est, per quam scriptura in iudicio profertur, ut fides veri constare possit.

Instrumenta coguntur edere alii Edicto Prætoris, alii alia Actione Prætoria, alii Actione Civili, alii Officio Iudicis.

Titulus 14.

De Pactis.

Pactum, est duorum pluriumve in idem placitum nudus consensus atque conventio, de re aliquanda vel facienda. *Differt a Contractu*, quod hic causam habet, quo pactum nudum destituitur. Tum vero Contractus illas tantummodo conventiones complectitur, in quibus obligatio inest mutua.

Edictum Prætoris de Pactis sic conceptum est: *Pacta conventa, quæ neq; dolo malo, neq; adversus Leges, Plebiscita, Sæta, Edicta Principum, neq; quæ in fraudem Legis facta sunt*) facta erunt, servabo.

Titulus 15.

De Transactionibus.

Transactio, est conventio de re dubia, vel litigio qua illa terminatur, & finem accipit. *Fit* vel nudo pacto, vel stipulatione. *Estq;* aut Pura, aut Conditionalis, aut Judicialis, aut Extrajudicialis. &c.

DIGESTORVM

LIBER III.

Titulus 1.

De Postulando.

Postulare, est desiderium suum, vel amici sui, in jure, apud eum, qui jurisdictioni præest, exponere, vel alterius desiderio contradicere. Hinc quidam pro se, quidam pro aliis postulant: quorum illi, *Domini litis*; hi, *Advocati, Patroni, Causidici, Oratores*, appellantur.

Ne quis sine delectu ad postulandum admitteretur, Prætor suæ dignitatis tuendæ causa, Edictum proposuit, quo tres hominum ordines complexus est: quosdam in totum postulare prohibens, uti Minores 17. annis, Furiosos, Surdos; Quibusdam tantum pro se postulare permittens, uti Mulieribus, & Cæcis, & insigni infamia notatis. Nam, quod ad Fœminas attinet, remotum est a pudore sexus; eas virilibus officiis fungi; virile autem est officium, alienæ causæ præesse, intercedere, & patrocinari. De Cæcis causa est, quia revereri Magistratus dignitatem nequeunt.

Nonnullis, *pro se, & pro certis duntaxat personis* postulare, Prætor concedit, uti Parentibus, Liberis, Fratribus, Sororibus, Vxoribus, &c. Tales sunt quoque omnes, non singulari, sed qualibet infamia juris notati.

Titulus 2.

De His, qui notantur Infamia.

Quia dictum, eos, qui Infames sunt, postulare non posse, ratio postulat, de his, qui notantur infamia, aliquid sigillatim exponere.

Titulus 13.

De Edendo.

VEL Actio editur, vel Instrumentum.

Editio Actionis, est futuræ litis demonstratio, ut is qui convenitur, sciat, utrum cedere, an contendere debeat: &, si contendendum putat, veniat instructus ad se defendendum, cognita actione, qua convenitur. *Editio Instrumenti* est, per quam scriptura in iudicio profertur, ut fides veri constare possit.

Instrumenta coguntur edere alii Edicto Prætoris, alia Actione Prætoria, alii Actione Civili, alii Officio Judicis.

Titulus 14.

De Pactis.

PACTUM, est duorum pluriumve in idem placitum nudus consensus atque conventio, de re aliquanda vel facienda. *Differt a Contractu*, quod illi causam habet, quo pactum nudum destituitur. Tu vero Contractus illas tantummodo conventiones complectitur, in quibus obligatio inest mutua.

Edictum Prætoris de Pactis sic conceptum est: *Ita conventa, quæ neq; dolo malo, neq; adversus leges, Plebiscita, SCta, Edicta Principum, neq; fraus cui eorum fiat, (h. e. quæ non in fraudem legis facta sunt) facta erunt, servabo.*

Titulus 15.

De Transactionibus.

TRANSACTIO, est conventio de re dubia, vel litigiosa qua illa terminatur, & finem accipit. *Fit vel de pacto, vel stipulatione.* *Estq; aut Pura, aut Conditionalis, aut Judicialis, aut Extrajudicialis. &c.*

DIGESTORVM
LIBER III.

Titulus 1.

De Postulando.

Postulare, est desiderium suum, vel amici sui, in jure, apud eum, qui jurisdictioni præest, exponere, vel alterius desiderio contradicere. Hinc quidam pro se, quidam pro aliis postulant: quorum illi, *Domini litis*; hi, *Advocati, Patroni, Causidici, Oratores*, appellantur.

Ne quis sine delectu ad postulandum admitteretur, Prætor suæ dignitatis tuendæ causa. Edictum proposuit, quo tres hominum ordines complexus est: quosdam in totum postulare prohibens, uti Minores 17. annis, Furiosos, Surdos: Quibusdam tantum pro se postulare permittens, uti Mulieribus, & Cæcis, & insigni infamia notatis. Nam, quod ad Fœminas attinet, remotum est a pudore sexus, eas virilibus officiis fungi; virile autem est officium, alienæ causæ præesse, intercedere, & patrocinari. De Cæcis causa est, quia revereri Magistratus dignitatem nequeunt.

Nonnullis, pro se, & pro certis duntaxat personis postulare, Prætor concedit, uti Parentibus, Liberis, Fratribus, Sororibus, Vxoribus, &c. Tales sunt quoque omnes, non singulari, sed qualibet infamia juris notati.

Titulus 2.

De His, qui notantur Infamia.

Quia dictum, eos, qui Infames sunt, postulare non posse, ratio postulat, de his, qui notantur infamia, aliquid sigillatim exponere.

Titulus 13.

De Edendo.

Vel Actio editur, vel Instrumentum.

Editio Actionis, est futuræ litis demonstratio, ut is qui convenitur, sciat, utrum cedere, an contendere debeat: &, si contendendum putat, veniat instructus ad se defendendum, cognita actione, qua convenitur. *Editio Instrumenti* est, per quam scriptura in iudicio profertur, ut fides veri constare possit.

Instrumenta coguntur edere alii Edicto Prætoris, alia Actione Prætoria, alii Actione Civili, alii Officio Judicis.

Titulus 14.

De Pactis.

Pactum, est duorum pluriumve in idem placitum nudus consensus atque conventio, de re aliquanda vel facienda. *Differt a Contractu*, quod ius causam habet, quo pactum nudum destituitur. *Tantum vero Contractus* illas tantummodo conventiones complectitur, in quibus obligatio inest mutua.

Edictum Prætoris de Pactis sic conceptum est: *Ita conventa, quæ neq; dolo malo, neq; adversus leges, Plebiscita, Scta, Edicta Principum, neq; fraus cui eorum fiat, (h. e. quæ non in fraudem legis facta sunt) facta erunt, servabo.*

Titulus 15.

De Transactionibus.

Transactio, est conventio de re dubia, vel litigiosa qua illa terminatur, & finem accipit. *Fit vel de facto pacto, vel stipulatione.* *Estq; aut Pura, aut Conditionalis, aut Judicialis, aut Extrajudicialis. &c.*

DIGESTORVM
LIBER III.

Titulus 1.

De Postulando.

Postulare, est desiderium suum, vel amici sui, in jure, apud eum, qui jurisdictioni præest, exponere, vel alterius desiderio contradicere. Hinc quidam pro se, quidam pro aliis postulant: quorum illi, *Damini litis*; hi, *Advocati, Patroni, Causidici, Oratores*, appellantur.

Ne quis sine delectu ad postulandum admitteretur, Prætor suæ dignitatis tuendæ causâ, Edictum proposuit, quo tres hominum ordines complexus est: quosdam in totum postulare prohibens, uti Minores 17. annis, Furiosos, Surdos: Quibusdam tantum pro se postulare permittens, uti Mulieribus, & Cæcis, & insigni infamia notatis. Nam, quod ad Fœminas attinet, remotum est a pudore sexus, eas virilibus officiis fungi; virile autem est officium, alienæ causæ præesse, intercedere, & patrocinari. De Cæcis causa est, quia revereri Magistratus dignitatem nequeunt.

Nonnullis, pro se, & pro certis duntaxat personis postulare, Prætor concedit, uti Parentibus, Liberis, Fratribus, Sororibus, Vxoribus, &c. Tales sunt quoque omnes, non singulari, sed qualibet infamia juris notati.

Titulus 2.

De His, qui notantur Infamia.

Quia dictum, eos, qui Infames sunt, postulare non posse, ratio postulat, de his, qui notantur infamia, aliquid sigillatim exponere.

Titulus 13.

De Edendo.

Vel Actio editur, vel Instrumentum.

Editio Actionis, est futuræ litis demonstratio, ut i qui convenitur, sciat, utrum cedere, an contendere debeat: &, si contendendum putat, veniat instructus ad se defendendum, cognita actione, qua convenitur. *Editio Instrumenti* est, per quam scriptura in iudicio profertur, ut fides veri constare possit.

Instrumenta coguntur edere alii Edicto Prætoris, alia Actione Prætoria, alii Actione Civili, alii Officio Iudicis.

Titulus 14.

De Pactis.

Pactum, est duorum pluriumve in idem placitum nudus consensus atque conventio, de re aliquid danda vel facienda. *Differt a Contractu*, quod causam habet, quo pactum nudum destituitur. *Tantum vero Contractus* illas tantummodo conventio complectitur, in quibus obligatio inest mutua.

Edictum Prætoris de Pactis sic conceptum est: *Ita conventa, quæ neq; dolo malo, neq; adversus leges, Plebiscita, Sæta, Edicta Principum, neq; fraudis cui eorum fiat, (h. e. quæ non in fraudem legis facta sunt) facta erunt, servabo.*

Titulus 15.

De Transactionibus.

Transactio, est conventio de re dubia, vel litigiosa qua illa terminatur, & finem accipit. *Fit vel de facto pacto, vel stipulatione.* *Estq; aut Pura, aut Conditionalis, aut Judicialis, aut Extrajudicialis. &c.*

DIGESTORVM

LIBER III.

Titulus 1.

De Postulando.

Postulare, est desiderium suum, vel amici sui, in jure, apud eum, qui jurisdictioni præest, exponere, vel alterius desiderio contradicere. Hinc quidam pro se, quidam pro aliis postulant: quorum illi, *Domini litis*; hi, *Advocati, Patroni, Causidici, Oratores*, appellantur.

Ne quis sine delectu ad postulandum admitteretur, Prætor suæ dignitatis tuendæ causa, Edictum proposuit, quo tres hominum ordines complexus est: quosdam in totum postulare prohibens, uti Minores 17. annis, Furiosos, Surdos: Quibusdam tantum pro se postulare permittens, uti Mulieribus, & Cæcis, & insigni infamia notatis. Nam, quod ad Fœminas attinet, remotum est a pudore sexus, eas virilibus officiis fungi; virile autem est officium, alienæ causæ præesse, intercedere, & patrocinari. De Cæcis causa est, quia revereri Magistratus dignitatem nequeunt.

Nonnullis, pro se, & pro certis duntaxat personis postulare, Prætor concedit, uti Parentibus, Liberis, Fratribus, Sororibus, Vxoribus, &c. Tales sunt quoque omnes, non singulari, sed qualibet infamia juris notati.

Titulus 2.

De His, qui notantur Infamia.

Quia dictum, eos, qui Infames sunt, postulare non posse, ratio postulat, de his, qui notantur infamia, aliquid sigillatim exponere.

Infamia, est læsio existimationis.

Existimatio, est dignitatis illæſæ ſtatus, legibus moribus comprobatus, qui, autoritate Legum, delicto aliquo, aut conſumitur, aut minuitur.

Infamia proprie dicitur, quæ eſt Juris: *Facti infamia* eſt, quæ non jure, ſed re tantum, & opinione hominum infamem facit, vel potius pudorem duntaxat apud bonos & honeſtos viros onerat.

Infamia Juris, partim Edicto Prætoris, partim Juris Civili, partim ſententia Judicis nocenti irrogatur, turpe aliquid commiſſum.

Titulus 3.

De Procuratoribus, & Defenſoribus.

Advocati officium nobile eſt; idcirco Infames, ab omnibus dignitatibus arcentur, eo fungi nequeunt. *Procuratores* tamen fieri non prohibentur, quia illorum munus vile eſt, & abjectum.

Advocatus eſt, vel, qui conſilio ſuo adeſt Actori Reo, ac juſ ſuggerit; vel, qui præſentiam ſuam amicum commodat. Erat enim quondam moris, in judiciis tam privatis, quam publicis, amicos omnes advocare, quorum autoritate moveri poſſe Judices putabatur. Reſpicit igitur Advocati munus præcipue *Personam*.

Procurator eſt, qui aliena negotia mandato ſibi adminiſtrat: nam, ſi mandato caret, eſt potius negotiorum geſtor, quam procurator. Reſpicitur Procuratoris munus præcipue *Negotia*.

Procurator alius eſt *generalis*, omnium bonorum alius *ſpecialis*, unius rei, ut Procurator ad lites, ad negotia extrajudicialia. Alius eſt Procurator *Actoris* vere Procurator; alius *Rei*, qui proprie Defenſor dicitur.

Inter Dominum & Procuratorem, si *mandatum* intervenerit, nascitur *Actio mandati*; si *merces* constituta, *Actio locati conducti*; si *nec merces sit constituta*, *nec gratis procurator gerat*, sed tantum accepturus, quantum postea inter ipsum & dominum convenerit, *Actio præscriptis verbis*: si *domino ignorante* ad administrationem accesserit, *Actio negotiorum gestorum* competit.

Titulus 4.

Quod cujusque *Vniversitatis nomine*, vel contra eam agatur.

Vniversitas, est corpus ex distantibus personis, viventibus in civili societate. In uno igitur consistere non potest, sed, si ad unum recidat, placuit, jus omnium ab eo retineri, & stare nomen *Vniversitatis*.

Vniversitatum varia sunt genera, veluti *Civium*, *Publicanorum*, *Pistorum* &c.

Qui pro *Vniversitate* interveniunt, modo *Syndici*, modo *Defensores*, modo *Magistri Vniversitatis* vocantur.

Titulus 5.

De *Negotiis gestis*.

Negotiorum gestor, est procurator sine mandato. De eo extat *Prætoris Edictum*: Si quis *negotia alterius*, sive *negotia*, que cujusq; cum is moreretur, fuerint, gesserit; *judicium eo nomine dabo*. Ex hoc *Edicto* datur *Directa actio domino*, contra *gestorem*, ut *rationem administrationis reddat*. Datur *Contraria*, que *gestori* competit *adversus dominum*, ut dominus eum *indemnem conservet*, restituens, quicquid ei, ob *negotia gesta* abest, vel *absuturum* est.

Titulus 6.

De Calumniatoribus.

Calumniator in genere est, qui per fraudem & frustrationem aliquem lite vexat. *Speciatim* Calumniator dicitur, qui pecuniam accepit, ut negotium alicui faceret, vel non faceret. In hunc, *intra annum* in quadruplum, ejus pecuniæ, quam accepisse dicetur *post annum*, in simplum actio competit.

DIGESTORVM

LIBER IV.

Titulus 1.

De in Integrum Restitutionibus.

Restituere, est in pristinum statum, & conditionem reducere.

Restituitur ergo in integrum is, quem Prætor in integrum pristinumque statum & conditionem, qua fuerat ante captionem, reponit.

Restitutio alia est ex Speciali Edicto, ut propter metum vel dolum; alia ex generali clausula. Tribuitur Restitutio, vel Extraordinaria Prætoris cognitione, vel data Actione, ut, Quod metus causa.

Titulus 2.

Quod Metus causa gestum erit.

Metus est causa in integrum restituendi; ait e Prætor: *Quod metus causa gestum erit, ratio non habebitur.*

Metus; est expectatio mali: atque in hoc Edicto non notat quemlibet timorem, sed alicujus mali; nec vani hominis, sed, qui merito in con-

tissimum hominem cadit, illumque præsentem, non ejus inferendi suspicionem.

Prætor metum passò dat Actionem & Exceptionem Quod metus causa. Qui igitur vim fecit, jubetur restituere, etiamsi ad alium res pervenerit. Is vero, ad quem res pervenit, tenetur eam restituere, etiamsi alius metum fecerit. Hæc Actio datur intra annum in quadruplum, post annum, in simplum. In quadruplo simplum est, ita, ut res restituatur, & pœna tripli sit. Et, cum Actio Arbitraria sit, pœnam vitabit reus, qui metum fecit, si ante sententiam definitivam rem restituat.

Titulus 3. De Dolo malo.

DOlus quoque Restitutionis causa est, cum quis, dolo malo adversarii circumventus, in fraudem & damnum incidit; dicente Prætor: *Quæ dolo malo facta esse dicentur, si de his rebus alia actio non erit, & iusta causa esse videbitur, iudicium dabo.* Hæc Actio, olim intra annum utilem, hodie intra biennium continuum competit, post quod tempus, datur Actio in factum perpetua. Adversus Heredem ejus, qui dolum commisit, perpetuo datur Actio, non famosa, sed, quatenus ad eum pervenit. Exitus hujus iudicii est, ut, nisi arbitrio Judicis fiat restitutio, sequatur condemnatio, quanti ea res est, sive quanti Actor in litem juraverit. Sed, officio Judicis, debet jusjurandum taxatione refrænari.

Titulus 4.

De Minoribus viginti quinque annis.

PRætor, naturalem æquitatem secutus, Tutelam Minorum 25. annis suscepit, sciens, fragile esse &

infirmum hujus ætatis consilium, & multorum infideliis expositum. Quocirca sic edixit: *Quod cum minore quam viginti quinque annis natu gestum esse dicetur, uti quæque res erit, animadvertam.*

Dux circa Minorem sunt restitutionis causæ, videlicet, si minor sit ab alio circumventus, vel sua facilitate deceptus, ac ætatis lubrico lapsus.

Cessat restitutio in iis, quæ fato contigerunt, in delictis, & cum Minor mandato alterius gessit.

Tempus in integrum restitutionis olim erat annus utilis, hodie est quadriennium continuum, quod tempus currit post 25. annum completum. Successor minoris tantum temporis conceditur, quantum defunctus mortis tempore habuit, nisi & successor minor ætas subveniat.

Titulus 5.

De Capite minutis.

Quarta restitutionis causa, est *Capitis diminutio*. Nam, si debitor capite minuatur, Actio, quæ contra eum competebat, stricto jure extinguitur, sed Edicto Prætoris restituitur, edicentis: *Qui quævis posteaquam quid cum his actum, contractumve sit, capite deminuti, deminutæve esse dicentur, in eos easque perinde quasi id factum non sit, judicium dabo.*

Pertinet hoc Edictum, ad *Minimam capitis diminutionem*, nam, qui civitatem, aut etiam libertatem amiserunt, conveniri non possunt. Item, in delictis locum non habet. Hoc judicium, cum sit rei persecutorium, *perpetuum* est, ac in heredes, & heredibus datur.

Titulus 6.

Ex quibus causis Majores viginti quinque annis in integrum restituuntur.

QVinta restituendi causa, est absentia, vel vincula, vel servitus, vel alia similis: ex quibus causis Prætor Majoribus, & contra Majores succurrit, ne hujusmodi casus iis ob sint, vel prosint. Verba Edicti sunt: Si cujus quid de bonis, cum is metu, aut sine dolo malo, Reipublicæ causa, abesset: inve vinculis, servitute, hostiumq; potestate esset: sive cujus Actionis eorum, cui dies exisse dicetur, * item si quis quid usu suum fecisset, aut, quod non utendo amisit, consecutus: Actione ve, qua solutus ob id, quod dies ejus exierit, cum absens non defenderetur, inve vinculis esset, secumve agendi potestatem non faceret: aut cum eum invitum in jus vocare non liceret, neq; defenderetur, cumve Magistratus de ea re appellatus esset, sive cui pro Magistratu, sine dolo ipsius, Actio exempta esse dicetur: earum rerum Actionem intra annum, quo primum de eare experiundi potestas erit, * Item, si qua alia mihi iusta causa esse videbitur, in integrum restituam: quod ejus per Leges, Plebiscita, SCta, Edicta, Decreta Principum licebit. Pollicitus igitur in his casibus est Prætor restitutionem intra annum, sed ex Justiniani constitutione, pro anno utilis, est quadriennium continuum.

Titulus 7.

De Alienatione, judicii mutandi causa, facta.

Sexta restitutionis causa, est Alienatio judicii mutandi causa facta. Hac adversus eum, qui dolo,

cum actionem in rem metueret, transtulit rem in du-
riorem vel potentio-rem, quis in integrum restituitur,
ac antiquus possessor, nisi restitutio fiat, condemnatur,
quanti interfuit actoris, talem adversarium non ha-
buisset. Hæc actio Heredi competit, non tamen in
heredem, neq; post annum datur.

Titulus 8.

**De Receptis, qui Arbitrium receperunt,
ut sententiam dicant.**

Arbitorum duo sunt genera, *unum* ejusmodi, ut,
sive æquum, sive iniquum statu-ant, mos gerendus
sit, quod observatur, cum ex compromisso ad arbi-
trium itum est: *alterum* ejusmodi, ut ad boni viri
arbitratum pronunciatum redigi debeat, etiamsi no-
minatim certa persona sit comprehensa, cujus arbitra-
tu fiat.

Arbitri ex compromisso, de recepto tenentur, id est,
ideo tenentur sententiam dicere, quia arbitrium rece-
perunt. Vt hoc arbitrium valeat, requiritur 1. ut
pœna compromissa sit, nisi Arbitro pareatur; aut sal-
tem sententiæ stari promissum sit; quo casu, nisi Ar-
bitro pareatur, incerti, in id quod interest, actio com-
petit. Requiritur 2. ut is, in quem compromissum
est, arbitrium receperit.

Arbiter, si nolit sententiam dicere, a Præ-
tore cogitur, nisi ex justa causa excusetur, quo minus senten-
tiam dicere compellatur. Tales inter alias sunt, si
Arbitrum infamaverint litigantes; si inimicitia capi-
tales inter eum & litigatores oriantur; si ætas, vale-
tudo, profectio urgens, munus aliquod Reip. post
susceptum arbitrium obveniant.

Qualem sententiam Arbitrarius dicat, ad Præto-rem non pertinet; modo dicat, quid sibi videatur. Dicit autem *sententiam*, cum ea mente aliquid pronunciat, ut secundum id litigatores discedere a tota controversia velit.

Non debet Arbitrarius fines compromissi egredi, nec sententiam mutare. Ea, nisi quis stet, pœna ex stipulatione peti potest: aut, nisi pœna adjecta fuerit, datur Actio incerti, in id quod interest.

Ex Arbitri sententia, neque Actio, neque Exceptio datur, nisi partes eam sententiam, vel consensu expresso, id est, subscriptione, vel consensu tacito, id est, decem dierum silentio, probaverint.

Titulus 9.

Nautæ, Capones, Stabularii, ut recepta restituant.

Quemadmodum Arbitri, ita & Nautæ, Capones, & Stabularii de recepto tenentur: quia, cum necesse sit, plerumque eorum fidem sequi, & res ipsorum custodiæ committere, nisi hoc statutum esset, occasio eis daretur, cum furibus, adversus illos, quos recipiunt, coeundi. Ait igitur Prætor: Nautæ, Capones, Stabularii, quod cuiusque saluum fore receperint, nisi restituerint, in eos iudicium dabo. Sed verò Nautæ, Capones, Stabularii dicuntur, qui Navem, Cauponiam, Stabulum exercent.

Recipi res videntur, etiam si non sint custodiæ expressim assignatæ, sed solum immissæ fuerint. Ipso enim facto, qui immittit, testatur, se suæque fidei custodiæque Exercitoris committere, & is silentio atque exercitio quasi profitetur, se suamque navim aut di-

versorium idoneum esse, cui res tota credatur. Sed oportet, ut res, occasione negotii, quod Nautæ, Caupones, Stabularii exercent, non extra illud, accipiantur.

Nautæ ergo, Caupones, & Stabularii, custodiæ nomine tenentur, etiamsi dolo & culpa careant, nisi quid vi fatali aut majori contigerit; ac factum quoque vectorum aut viatorum præstant.

Hæc actio in factum est, & cum rei persecutionem contineat, perpetuo, & tam heredi, quam contra heredem competit.

DIGESTORVM

LIBER V.

Titulus 1.

De Judiciis: & ubi quisque agere, vel conveniri debeat.

Judices Pedanei nullam jurisdictionem, sed tantum judicandi facultatem habent, adeo ut sententiam suam exequi non possint, sed eam executioni mandet Prætor, qui judicem dedit.

Litigaturus quondam non adibat statim Judicem, sed Prætorem. Is rem expediebat, sive cognitio major esset, quam ut Judici Pedaneo committi posset, veluti, de in Integrum restitutione: Sive manifestum esset jus actoris, ita ut Prætor illico jubeat reum solvere; Sive, manifesta esset actoris calumnia, ita ut Prætor ei actionem denegaret. Quod si res Judicis Pedanei notionem non superaret, ac dubia esset, Prætor judicem dabat, qui de causa cognosceret ac pronuntiaret.

Judicium, est inter Actorem & Reum coram Judice controversia, quæ per hunc cognoscitur, & dirimitur. Sunt autem *Judicia* ideo constituta, ut sint legitimum & publicum unicuique præsidium, ne quis per semetipsum, sed per Judicem, jus suum repetat.

Judiciorum divisiones multæ sunt, & varix.

Titulus 2.

De Inofficioso Testamento.

Querela *Inofficiosi Testamenti*, proprie loquendo, neque est *Actio*, cum ea jus nostrum non persequamur; nec est *Accusatio*, cum non detur ad poenam; sed est querela quædam, qua conquerimur de iniqua exheredatione, vel præteritione.

Datur Querela, contra quemcunque heredem scriptum; contra eum, qui ex causa fideicommissi hereditatem tenet; contra heredem scripti heredem, itemque contra Fiscum, qui heredem illius scripti bona, tanquam vacantia, occupavit. *Datur*, intra *quinquennium*, a die aditæ hereditatis computandum.

Si pro herede scripto judicatum fuerit, is, qui de inofficioso egit, si quid ei in testamento relictum fuerit, id amittit. *Si contra testamentum* judicetur, paterfamilias intestatus fit, & videtur non habuisse jus testandi. *Si plures sint heredes scripti*, quorum alii hoc iudicio obtinent, alii succumbunt, paterfamilias pro parte fit testatus, pro parte intestatus.

Titulus 3.

De Hereditatis Petitione.

Hereditas accipitur vel pro *successione* in jus defuncti, per quam res hereditariæ acquiruntur; vel pro *ipsis rebus hereditariis*. Vtraque significatio de

de eo obtinet, qui hereditatem petit; nam & successionem sibi adjudicari, & consequenter res hereditarias sibi restitui postulat.

Titulus 4.

Si Pars Hereditatis petatur.

Q*ui partem hereditatis petit*, quia ex parte heres institutus, non id consequitur, ut a communione discedatur, sed incumbit judici, ut partem pro indiviso restitui jubeat. Quanquam non principaliter hac Actione ad id agitur, ut bona restituantur: verum ad id, ut Actor heres declaretur, eique, ut heredi & domino, bona per consequentiam & accessionis vice restituantur.

Titulus 5.

De Possessoria Hereditatis Petitione.

P*ossessoria Hereditatis Petitio* datur illis, quibus est Edicto Prætoris bonorum possessio concessa: eaq; non competit, uti Interdictum, ad solam bonorum possessionem, sed habet eundem effectum, quem Civilis petitio hereditatis.

Nimirum, post Civiles Actiones Heredibus propositas, Prætor etiam rationem eorum habet, quos ipse velut heredes facit, hoc est, quibus bonorum possessio data est. Iis igitur datur Possessoria hereditatis petitio, per quam tantundem consequuntur, quantum superioribus Civilibus Actionibus heres consequi potest.

Titulus 6.

De Fideicommissaria Hereditatis Petitione.

T*Riplex est hereditatis petitio.* 1. Civilis, vero heredi competens. 2. Prætoria, quæ datur bonorum

orum possessori. 3. Fideicommissaria, quæ datur,
ex SCto Trebelliano, Fideicommissario universali,
quali heredi.

DIGESTORVM LIBER VI.

Titulus 1.

De Rei Vindicatione.

OMnis Actio in Rem appellatur Vindicatio. Sed
alia est vindicatio domini Rei corporalis, alia
Servitutis, alia Possessionis.

Rei Vindicatio est, qua dominus rem suam ab alio
possessam petit. Sive; Rei Vindicatio, est Actio Realis,
qua quis petit, se dominum rei controversæ declarari,
& eam officio Judicis a possessore sibi restitui.

Dicitur Rei Vindicatio, a vindicando, hoc est, libe-
rando & asserendo de manu ac jure possessoris.

Titulus 2.

De Publiciana in Rem Actione.

El, qui rem usucapere cepit, necdum usucapionem
absolvit, quasi usuceperit, contra quemcunque
Possessorem, præterquam contra verum dominum,
Prætor dat utilem in rem Actionem, quæ, ab auctore
Publicio, vocatur Publiciana. Nempe, cum is, cui
ex justa causa res aliqua a non domino tradita fuerat,
ejusque rei, ante completam usucapionem, casu pos-
sessionem amisisset, nullam haberet in rem directam
Actionem, ad eam persequendam, quippe ita prodita
erant Jure Civili Actiones, ut quis dominium suum
vindicaret, durum vero videretur eo casu deficere
Actio.

Actionem: inventa est a Publicio Prætoris Actio, in qua dicitur is, qui possessionem amisit, eam rem se usuccepisse, quam usu non cepit, & ita vindicat suam esse. Visum enim est, æquius fore, hunc colorem obtendi potius Actioni, quam pati, ut ejus defectu possessor bonæ fidei, amissa forte possessione, jus omne & facultatem rei recuperandæ amittat, & injustus possessor id omne lucretur: cum bona fides possidenti tantundem præstare soleat, quam veritas.

Titulus 3.

Si Ager vectigalis, id est Emphyteuticarius, petatur.

Civitates, quæ agros steriles & incultos habebant, dabant eos colendos, & fruendos, vel in perpetuum, vel ad longum tempus, pro certa pensione. Hi agri vocantur *Vectigales*, quia illa pensio, Civitati debita, vocatur vectigal: vocantur etiam *Emphyteuticarii*, ὅθεν τὸ ἐμϕυτεύειν, quod est inferere; quia potissimum arborum inferendarum causa ita colendi dabantur. Postea privati quoque homines ceperunt ita fundos suos fruendos dare. Cunque dubitaretur, num hic contractus esset Venditio, an Locatio, Zeno Imp. constituit, esse specialem Contractum. Ergo Emphyteutæ datur, quasi domino, Vtilis in Rem contra quemcunque possessorem, atq; adeo contra ipsum dominum, Actio. Quamdiu enim vectigal pendit, tamdiu ne ipsis quidem dominis vel ab eo, vel ab iis, qui in locum illius succedere, illos fundos ullatenus auferre licet.

DIGESTORVM
LIBER VII.*Titulus 1.*

De Vusufructu, & quemadmodum quis
utatur & fruatur.

V*usufructus*, est jus alienis rebus utendi, salva earum substantia. Est igitur Vusufructus, separatim jus a proprietate, sive dominio rei: & quidem jus, hoc est, jure constituta facultas, utendi, fruendi. Vusufructus multæ sunt proprietates. 1. Vusufructus est res in Corpore, cujus tamen Vusus sine abusu esse potest: adeoque Corpore sublato, necesse est usumfructum tolli. 2. Vusufructuarius rem recte colere, & quasi bonus paterfamilias uti debet, ita ut causam proprietatis deteriore non faciat. 3. Omnes fructus ad fructuarium pertinent, & omnia emolumenta, quæcunque ex fundo, aut ejus occasione, percipiuntur, non modo naturalia, sed etiam civilia, uti pensiones, usuræ, aliæque civiles obventiones. Hinc igitur differt Vusufructus ab Vsu, quod Vusus non plus habet, quam quantum satis est quotidianis necessitatibus utentis: Vnde *usus esse*, pro, opus esse, Latinis dicitur. At *Fructus* comprehendit omne omnino commodum, non modo ad necessitatem, sed etiam ad lucrum, & voluptatem pertinens. 4. Fructuarius quædam onera sustinere debet, veluti modicam domus fructuariæ refectionem, & stipendium, vel tributum, quod ab ea re, cujus habet usumfructum, relictum est. 5. Non solum ipse fructuarius uti frui potest, sed etiam hoc jus in alium transferre, tanquam per alium

utatur, fruatur. Non tamen potest alium Vsfuſfructuarium conſtituere; quia hoc jus eſt Perſonale.

Titulus 2.

De Vsfuſfructu accreſcendo.

Vs Accreſcendi eſt, cum, duobus aut pluribus con-
junctis, altero deficiente, alteri pars deficientis ad-
jicitur, & accreſcit.

Si pluribus idem uſusfructus legatus ſit, deficientis
portio non reuertitur ad proprietatem, ſed Collega-
tario accreſcit. Debent autem Collegatarii, a lege
vel homine ita conſecti, ut pro uno habeantur, ſive
ut conſectim uſusfructus legatus ſit: Vti ſi quis di-
cat: Titio uſumfructum fundi lego: Seſo ejusdem fun-
di uſumfructum lego. Aut: Titio & Mævio uſum-
fructum æquis partibus do lego. Atque in his caſi-
bus proprie locum habet jus accreſcendi, ut, ſi al-
teruter moriatur, aut repudiet legatum, alteri pars ejus
accreſcat. At, ſi ſeparatim unicuique partis rei ali-
cujus uſusfructus relinquatur, v. c. Mævio fundi Tu-
ſculani uſumfructum pro dimidia parte do lego: al-
teram partem uſusfructus Titio lego; jus accreſcen-
di ceſſabit.

Titulus 3.

Quando Dies Vsfuſfructus legati cedat.

Dies Vsfuſfructus legati cedit, ab adita hereditate
eſſi cæterorum legatorum dies cedit a morte te-
ſtatoris. Quippe, Vsfuſfructus intelligi non poteſt
niſi ſit, qui eum conſtituat, quique frui patiatur, nem-
pe Heres, qui nullus exiſtit, ante aditam hereditatem.
Tum vero ratio, quamobrem cæterorum legatorum
dies cedat a morte teſtatoris, hic ceſſat. Nempe in

his ideo statim cedit, ut Legata, moriente ante aditam hereditatem Legatario, ad heredem ejus transmitti possint, neque fiant caduca: quod in Vusufructu locum habere non potest, cum is semper moriente Vusufructuario una extinguatur, & personæ ejus cohæreat.

Legati dies cedere dicitur, quando Legatum deberi incipit, ita ut ad heredes Legatarii transmittatur, si sit res, quæ transmitti possit.

Titulus 4.

Quibus modis Vusufructus vel Vsus amittitur.

Vusufructus non potest perpetuo durare, & a proprietate sejunctus esse, ne proprietas sit inutilis, sed, certis modis extinguitur, & ad proprietatem revertitur. *Finitur* autem morte; & maxima vel media capitis diminutione Fructuarii; & non utendo per modum & tempus; & Consolidatione cum proprietate; & rei Interitu.

Titulus 5.

De Vusufructu earum Rerum, quæ usu consumuntur, vel minuuntur.

Verus Vusufructus in iis rebus consistit, quæ usu non consumuntur, ut Fundo, Ædibus. *Quasi-usufructus* est in iis rebus, quæ usu consumuntur, ut Vinum, Oleum, Frumentum; vel, quasi consumuntur, ut, Pecunia numerata, quæ non proprie consumitur, sed, dum impenditur, assidua permutatione quasi consumitur. In iis autem rebus, quæ usu minuuntur, & paulatim atteruntur, ut Vestimenta, tam verus, quam quasi Vusufructus constitui potest. Verum Vusufructum habens, eo finito restituere debet, quod inde

extabit. Qui vero habet quasi usumfructum, rerum quæ usu consumuntur, is, aut eandem quantitatem, id est, rem ejusdem generis, aut æstimationem restituit.

Titulus 6.

Si Vfusfructus petatur, vel ad alium pertinere negetur.

V Susfructus, ut & cæterarum servitutum nomine, datur *duplex in Rem actio*. Confessoria, & Negatoria. *Confessoria*, datur Fructuario usumfructum vindicanti, non domino fundi; quia, qui proprietatem habet, usumfructum formalem non habet; nemini enim res sua servit. Hac igitur actione petitur usumfructus formalis, non causalis. Datur hæc Actio tam adversus dominum, quam adversus extraneum quemlibet possessorem, qui non patitur Fructuarium uti frui. Dicitur Confessoria Actio, quia quis confitetur, & asserit, usumfructum sibi deberi. *Negatoria* datur Domino proprietatis, neganti, jus utendi fruendi adversario competere, proinde rei suæ libertatem asserenti.

Titulus 7.

De Operis Servorum.

Similis usufructui est *Operarum Servilium* legatio, aut inter vivos constitutio. Cum enim fructus hominis in operis consistat, consequens est, operis servorum legatis vel concessis, etiam usumfructum eorum effectum concessum intelligi. Cæterum, in hoc discrimen est, quod operæ, nec capitis diminutione, imo ne morte quidem ipsius, cui debentur, item, nec non utendo amittuntur. Quippe Operæ in actione homi-

hominis consistunt, neque sunt in rerum natura, priusquam præstantur. Quod autem non est, id neque capitis diminutione, nec morte, aut non utendo perire potest. Operæ igitur præstandæ erunt, donec is, a quo sunt edendæ, fuerit superstes. Nam, hujus tandem morte finiuntur.

Titulus 8.

De Vsu, & Habitatione.

Vsus, est servitus personalis, qua datum est jus alienis rebus utendi, in quantum necessitati personæ, secundum ejus conditionem & dignitatem, sufficit. *Convenit cum Vusufructu*, quod fere iisdem modis constituitur, & finitur. *Differt* 1. Quod Vusufructuarius omnes consequitur fructus; Vsuarius tantum eos, qui inserviunt necessitati quotidianæ. 2. Quod Vusufructuarius omnia potest aliis concedere gratis, vel accepto pretio; Vsuarius nec jus suum cedere, nec quid vendere potest, nisi nullus sit alius usus, quam per venditionem. 3. Vusufructuario potest pro parte jus constitui, non Vsuario, licet plures possint usum habere: unde Vsus, sicut & cæteræ servitutes, dicitur individuus; Vusufructus dividiuus.

Qui habet *Vsum Aedium*, eas una cum familia habitare, hospites ibi excipere, & dummodo ipse inhabitet, recipere pensionem soluturos inquilinos potest.

Habitatio, est jus habitandi ædes alienas, jure servitutis. *Convenit cum Vsu*, quod iisdem modis constituitur, & quod in heredes non transfertur. *Differt*, quod plus in habitatione est, quam in usu. Nam, cui *Habitatio* relicta est, ædes alteri locare, quamvis ipse non inhabitet, potest. Item, quod *Habitatio*

tantum amittitur morte naturali, non civili, quodque non perit non utendo.

Titulus 9.

Vsufuctuarius quemadmodum caveat.

A Prætoꝛe provisum est, ut Legatarius, vel is, cui alio modo constitutus est Viusfructus aut Vsus, idoneam præstet cautionem.

In vero *Vsufuctu* & *Vsu* duo sunt membra cautionis. Unum est, de utendo fruendo ad arbitrium boni viri, id est, utendo ita, ut viro bono convenit. Alterum est, de re usufructuaria restituenda, finito usufructu. In *Quasi usufructu* unicum est, de restituenda re in genere, siue ejus æstimatione, finito usufructu. Hæ cautiones non sunt de substantia, & remitti possunt, necessario tamen præstandæ, quoties eas heres exigit.

DIGESTORVM

LIBER VIII.

Titulus 1.

De Servitutibus.

Servitus Realis est, qua res aliena nostræ rei servit, hoc est, utilitatem præstat: siue, est jus, quo prædium alieno prædio servit. Est igitur Servitus, jus agendi, habendive aliquid in fundo alieno, ad sui prædii utilitatem, quod jure communi cæteroqui agere aut habere non liceret. Dicitur *jus agendi habendive*, nam, si nec agatur, nec habeatur quippiam in fundo alieno, jam inutilis futura est Servitus. Dicitur, *in fundo*, quia sine fundo hæc Servitus constitui, aut esse

esse nequit, debetque fundus esse alienus; quia nemini res sua servit, sed jure dominii tenetur. Sunt proinde prædia duo: Unum, quod debet servitutem, cuiusque dominus patitur aliquid in suo fundo fieri, aut non fieri; idq; prædium *Serviens* appellatur. Alteri prædio servitus debetur, idque *Dominans* vulgo dicitur.

Titulus 2.

De Servitutibus Prædiorum Urbanorum.

Sicut aliud *Prædium est Urbanum*, nempe ædificium, habitandi causa ubicunq; extructum; aliud *Rusticum*, id est, quodvis aliud prædium, ut Ager, Area, Stabulum ab ædificio separatum: ita Servitutum aliæ sunt Urbanæ, aliæ Rusticæ, id est, urbanorum, vel rusticorum prædiorum.

Urbana igitur *Servitus* est, qua urbanum vel rusticum prædium urbano prædio servit. Denominatio enim servitutum a potiore parte, id est, a prædio dominante desumenda, non a serviente, adeo ut talis sit servitus, quale est prædium dominans, cui servitus præstat. Urbanæ Servitutes sunt, jus immittendi stillicidii in tectum alienum, vel alienam aream: vel tecti projiciendi supra alienas ædes, vel supra alienam aream. Item Servitus altius non tollendi, cum, vicino nostro, contra naturalem libertatem, qua quisque in solo suo in infinitum, & ad cælum usque, ædificare potest, imponimus necessitatem, ne ædes suas, ultra præscriptam aliquam, certamque & nobis utilem altitudinem, extollat. Huc pertinet Servitus Luminum, qua id acquisitum videtur, ne vicinus lumina nostra, hoc est fenestras, quibus cæli lumen hauritur, obstruat.

*Titulus 3.***De Servitutibus Prædiorum Rusticorum.**

Rustica Servitus est, qua rusticum vel urbanum prædium rustico prædio servit: ut, jus eundi ad nostrum fundum, per alienum fundum, vel, per alienas ædes. Rusticæ igitur Servitutes præcipue ad utilitatem fundi, fructusq; colligendos, sunt comparatæ; cujusmodi præcipuæ, magisq; necessariae sunt, Iter, Actus, Via.

*Titulus 4.***Communia Prædiorum, tam Urbanorum, quam Rusticorum.**

Multa sunt utrique *Servitutum generi communia*,
 1. Omnes Servitutes sunt *Incorporales*, idcirco neque proprie tradi possunt, sed usus, & domini patientia pro traditione habetur; neque per se possideri, sed, qui prædium possidet, etiam servitutem, quæ ei prædio præstatur, possidere intelligitur. 2. Omnes habent *Causam Continuum*, licet non omnes habeant possessionem continuum, id est usum continuum: nemo enim potest, v. c. continenter per fundum alienum ire, sed potest ire, quandocunq; vult, quia fundus semper servit. 3. Natura Servitutis non est, ut serviens aliquid faciat, sed, ut *patiatur*, puta, duci aquam ex fundo. Excipitur Servitus Oneris ferendi; quia dominus columnæ, vel parietis servientis, reficere columnam vel parietem tenetur, ut onus sustinere possit. 4. Omnes Servitutes sunt *individuae*, & per partes acquiri nequeunt. 5. Tam inter vivos, quam in ultima voluntate constitui possunt. 6. Non possunt imponi *locis religiosis*. 7. *Pure* tantum constitui possunt, non ex die, nec

ad

ad diem, nec sub conditione. 8. Alienatum prædium sequuntur.

Titulus 5.

Si Servitus vindicetur, vel ad alium pertinere negetur.

Communes omnibus Servitutibus sunt etiam Actiones, Confessoria, & Negatoria; quæ quidem sunt in rem, non in personam.

Confessoria, datur domino prædii dominantis, qui servitutem sibi competere contendit.

Negatoria, datur domino alterius prædii, quod ipse negat servire, sed, contendit esse liberum.

Titulus 6.

Quemadmodum Servitutes amittuntur.

Commune Servitutibus omnibus est, *extingui*
 1. *Confusione*, id est, si idem utriusque prædii dominus esse cœperit. 2. *Permissione* actus contrarii servituti: veluti, si, cum vicini ædes altius me invito tolli non possint, ego permittam, ut altius tollantur. 3. *Rei interitu*. 4. Si heres prædio, sub conditione legato, servitutem imposuerit, & legati conditio existat. 5. Servitus rustica amittitur, non utendo per statutum tempus. Statutum autem tempus est decennium; sed hoc tempus duplicatur, & fiunt 20. anni, sive is, cui servitus præstatur, absit, sive talis sit servitus, ut usus ejus saltem alternis mensibus aut annis sit interruptus. Servitus autem urbana non amittitur non utendo, nisi adversarius libertatem usucapiat. Hinc est, quod jus tigni immittendi in parietem vicini non amittitur non utendo, nisi dominus parietis servientis, foramen claudat, atque ita in pos-

sessionem libertatis se constituat, & libertatem usucapiat.

DIGESTORVM

LIBER IX.

Titulus 1.

Si Quadrupes Pauperiem fecisse dicatur.

Actio, si quadrupes pauperiem fecisse dicatur, sic dicitur, a primis verbis Edicti, quod quidem non amplius extat; sic autem conceptum fuisse videtur: *Si Quadrupes pauperiem fecisse dicetur, ei, cujus intererit, in eum, qui dominus erit, quo tempore de noxia quæretur, Actio esto, ut vel noxæ quadrupedem dedat, vel noxiæ æstimationem præstet.* Competit ei, cui quadrupes aliena, non propter loci iniquitatem, vel nimium onus, vel alterius culpa, sed ingenuita sibi feritate, præter naturam generis sui, nocuit; ut quia equus calcitrosus calce percussit, & bos cornupeta cornupetiit: Competitq; adversus dominum quadrupedis, ut vel damnum resarciat, vel animal noxæ dedat.

Aliquando tamen non alternative, sed in solidum Dominus convenitur, hoc est, non ut noxæ dedat, sed ut æstimationem damni solidam præstet; idque propter inficiationem, si, in jure interrogatus, an sua sit quadrupes, falso & per mendacium respondeat, suam non esse.

Titulus 2.

Ad Legem Aquiliam.

Lege Aquilia, quæ proprie Plebiscitum erat, & quam Aquilius Tribunus Plebis rogavit, vindicatur

catui damnum, non jure rebus alienis ab homine aliquo illatum.

Non jure commissum dicitur, quod dolo, vel culpa, etiam levissima, committitur; si nimirum tale sit negotium, in quo levissima culpa præstari debet.

Legis Aquiliæ tria sunt capita: quorum primo de occiso alieno homine, tertio de vulnerato, aliisque rebus deterioratis cavetur. Secundum caput, nusquam extat, & jam olim in usu non fuit.

Ac primo quidem capite ita cautum est: *Qui Servum Servamve, alienum alienamve, Quadrupedem vel Pecudem injuria occiderit, quanti id in eo anno plurimi fuit, tantum es domino dare damnas esto; adversus inficiantem, in duplo actio est.* Servis igitur exæquantur Quadrupedes, quæ scilicet Pecudum numero sunt, & gregatim habentur, veluti Oves, Boves, Equi. Nam Canis, inter pecudes non est, quamvis domesticum sit animal, & multo minus fera belluæ, quia hæc animantia per greges non habentur, neque pascuntur. Condemnatur ex hoc capite Reus, quanti eo anno Servus aut Pecus plurimi fuit. Itaque si artificioso Pictori, aut Scribæ, pollex fuerit præcisus, ac is intra annum, quo damnum hoc passus est, occidatur, in Actione Aquiliana eo pretio æstimabitur, quanti fuit, priusquam artem cum pollice amisisset.

Tertio capite, lex Aquilia ait: *Ceterarum rerum, præter Hominem & Pecudem occisos, si quis alteri damnum faxit, quidve ufferit, fregerit, ruperit injuria, quanti ea res fuit in diebus triginta proximis, tantum es domino dare damnas esto.* Venit in hanc Actionem, non quanti plurimi toto retrorsum anno, sed quanti in triginta diebus proximis res plurimi fuit;

nec enim tam graviter puniendus est qui læsit, quam qui occidit: neque tanti cædes æstimanda est ferarum quadrupedum, quæ hoc capite vindicatur, quanti hominum vel pecudum, quorum usus & commoditas major existit.

Titulus 3.

De his, qui effuderint, vel dejecerint.

Actio in factum datur adversus eum, ex cujus habitatione aliquid solidum dejectum, vel liquidum effusum est, quod alteri prætereunti nocuit. Nec interest, si is locus publicus, si ve privatus fuerit, dummodo per eum vulgo iter fiat. Semper enim ea loca, per quæ vulgo iter fieri solet, eandem securitatem habere debent. Quare, si quis in secretum aut infrequentem locum dejecerit, aut effuderit, non debet hoc Edicto teneri; quod idem quoque de iis valet, qui noctu nocuere.

Datur Actio *in eum, qui inhabitavit*, non vero in dominum ædium. Culpa enim penes habitatorem est, vel quia dejecit, vel, quia ne sui deicerent, curæ non habuit. Suorum enim unusquisque culpam præstat.

Datur hæc Actio *in duplum* damni dati: atque sic hæc pœna gravior est pœna legis Aquiliæ, nisi hæc inficiatione crescat. Causa rei, ut pœnæ metu, itinera publica reddantur tutiora, quod, ut fiat, publice prodest. Atque istud quidem obtinet, ubi Res vel Corpus læsum est, quod æstimationem recipit. Nam si liber homo dejectione periit, damni æstimatio non fit in duplum, quia in homine libero nulla corporis æstimatio fieri potest. Quod autem æstimationem non recipit, & in quo simplum constitui nequit, id

mul

multo minus duplicari potest: itaq; hoc casu 50. Aureorum judicium dabitur. Quod si vivet, nocitumque ejus corpori fuerit, rursus minime in duplum Actio erit: ut enim totum corpus, ita partes quoque ejus & membra, æstimationem non recipiunt, sed quanti Judici æquum esse videbitur, tanti judicium erit.

Titulus 4.

De Noxalibus Actionibus.

Actio Noxalis est, quæ ex Servi aut Quadrupedis facto in Dominum redditur, ita, ut in arbitrio domini sit, utrum æstimationem seu pœnam solvere, an servum seu quadrupedem noxæ dedere malit.

Vt dominus beneficium noxæ dedendi habeat, duo requiruntur. *Unum* est, ut nesciverit, aut saltem probare non potuerit, ne noxia committeretur. *Alterum* est, ne per mendacium neget, se habere servum in potestate,

Noxa caput sequitur, adeo, ut actio noxalis contra eum detur, qui nunc, cum agitur, est dominus; non contra eum, qui tempore admissi delicti dominus erat, ac postea dominus esse desit. Quod si Servus, qui deliquit, manumittatur, in ipsum redditur Actio directa, quia per manumissionem incipit habere caput; quemadmodum e contrario, si homo liber, qui deliquit, in servitutem redigatur, Actio, quæ in eum directa erat, in dominum ejus reddetur noxalis. Noxales Actiones tantum locum habent in *privatis judiciis*, quæ damnum persequuntur. Nam, ad publica maleficia, quibus & liberi homines, & servi fontes, ad exemplum & vindictam, corporali supplicio afficiuntur, Noxales Actiones non pertinent.

Dicunt-

Dicuntur Noxales Actiones, *adjectitiæ quædam qualitates*; & formulæ, ad alias principales appositæ, ut: Noxalis Actio Furti, Noxalis Aquilia, Noxalis Injuriarum.

DIGESTORVM

LIBER X.

Titulus I.

Finium Regundorum.

AD Agrorum distinctionem pertinet *Judicium Finium regundorum*: datur enim inter confines de finibus regundis, id est dirigendis.

Fines Agrorum sunt spatium quinque pedum, quod ex lege Manilia purum a cultura manere debet, ut illac iri sine alterius incommodo, agri colendi causa, & aratrum circumduci possit. Ergo, de hoc spatio est *Quæstio Finalis*, id est, de finibus agrorum, quæ per hoc judicium terminatur: ultra quinque pedes autem quæstio, *Proprietatis* est, ad rei vindicationem pertinens.

Judicium finium regundorum est *Mixtum*. Datur enim partim *in Personam*, ut reliqua judicia, in quibus de divisione agitur: idque vel ex maleficio, contra violantem terminos; vel ex negatione, adversus eum, qui alios limites præscribit, quam nos esse intendimus: partim *in Rem*, quando quidem nostrum petimus, ut videlicet domino, vel potius agris, jus suum adjudicetur.

Finis hujus Actionis est, ut veteres termini officio Judicis restituantur: vel, si non apparent, dirigantur novi; & ut ejus, quod interest, &, post litem contestatam, fructuum ratio habeatur.

Judicium hoc est Duplex: quia unusquisque & agentis, & ejus, quo cum agitur, partes sustinet; siquidem uterq; petit, & ab utroque petitur.

Titulus 2.

Familiæ erciscundæ.

Familia significat hereditatem, id est res hereditarias. *Erciscere*, est dividere.

Actio familiæ erciscundæ datur inter coheredes, de hereditate dividenda, id est, de corporibus hereditariis arbitrio Judicis dividendis, & indemnitate invicem præstanda, si cui forte ex parte alterius adjudicetur, vel aliquis heres solus fructus perceperit, aut damnum in rebus hereditariis dederit.

Quia materia communionis excitare solet discordias, & ideo invitum in communionem detinere Lex vetat, necessarium videbatur, aliquam heredibus largiri Actionem, qua res, jure successionis communicatas, ad divisionem revocare, ad eamque divisionem faciendam, provocare coheredes possent. Huc autem tum demum perveniri solet, cum neque ex testatoris, neque ex heredum voluntate, res divisâ est.

Titulus 3.

Communi Dividundo.

Singulæ Res dividuntur *Judicio Communi Dividundo*, siue ex causa Societatis, siue sine societate communes sint. Accedunt autem *prestationes personales*, veluti, quia ex re communi aliquis fructus perceperit, aut in ea damnum dedit, aut quia alicui aliquid ex parte socii adjudicatum est. Hæc igitur omnia, vel cumulum in judicium veniunt, vel separate. Nam, de
præ-

præstationibus agi potest, etiamsi res non petatur dividi; vel quod non placet a communione recedi, vel quia res communis esse desiit, aut extincta est.

Titulus 4.

Ad Exhibendum.

Actio ad Exhibendum, est præparatoria Rei vindicationis, & aliarum actionum, qua actor desiderat, rem aliquam sibi exhiberi. *Exhibere*, est facere in publico potestatem rei, ut experiundi sit copia, adeoque est, præsentiam corporis facere. Quapropter Actio ad Exhibendum, nihil est aliud, quam Actio Personalis, in rem directa, qua petitur ut res exhibeatur, ejusque videndæ apprehendendæque Actoris copia fiat.

Datur hæc Actio omnibus, qui in rem acturi sunt, qualicunque Actione, sive Pigneratitia, sive Vindicatione, sive Noxali, adeoque competit omnibus, quorum exhiberi interest. *Datur contra eos*, qui vel Civiliter vel Naturaliter possessioni incumbunt, adeoque & Creditorem, qui pignori rem accipit, Depositarium, Commodatarium, Conductorem, aliosque omnes, qui exhibendi habent potestatem, sive possideant rei servandæ causa, sive ex causa ususfructus, vel simili, etiam eum, qui dolo malo desiit possidere.

Hæc actio est *Arbitraria*, cujus is effectus est, ut, nisi reus arbitrio Judicis rem exhibeat, in id condemnetur, quod Actoris interest. Oritur autem ex naturali æquitate; qua, detinens rem, adstrictus est, eam exhibere. Quidam perperam ex quasicontractu illam arcessunt.

DIGESTORVM
LIBER XI.*Titulus 1.*De Interrogationibus in Jure faciendis,
& Interrogatoriis Actionibus.

CVM sæpe difficulter posset intelligi, ex qua parte, vel quo jure quis rem haberet vel possideret, introduxit Prætor *Interrogatorias Actiones*, quæ fundabantur in responsionibus Reorum ad propositas interrogationes. Qui igitur agere in Rem volebat, ut Adversarium sua confessione constringeret, & ex ejus confessione certam impetrare efficacemque posset Actionem, ejuscemodi Interrogationes, Vtrum possideret? &, an pro herede possideret Adversarius? atque alia id genus, ante judicium cæptum, in Jure, id est, apud Magistratum Populi Romani, proponebat.

His summarie cognitis, si ad instituendum judicium eas multum pertinere Prætor comperisset, Adversarium respondere jubebat: qui, si confitebatur, quod erat interrogatum, quasi ex confesso erat obligatus, atq; sic Actio fundabatur: si vero falso negabat, aut contumaciter in jure tacebat, eam mendacii vel contumaciæ ferebat pœnam; quod in solidum conveniebatur, condemnabaturque ex ea Actione, cujus respectu Interrogationes erant factæ. Verum, iis hodie non utimur, quia nemo cogitur ante judicium de suo jure respondere: proinde interrogationibus probationis tantum causa utimur, ut Adversarius sua confessione vincatur.

Titulus 2.

De quibus Rebus ad eundem Judicem
eatur.

FIt sæpe, ut plures ad eundem Judicem ire jubeantur. Nam, si plures Familiæ erciscundæ, vel comuni dividundo, vel finium regundorum agant, omnes coram eodem judice litigare debent: Et, si ex pluribus tutoribus unus, eo quod cæteri tutores non sint solvendo, tutelæ judicio conveniatur, eo postulante, omnes ad eundem judicem mittuntur. Nec enim continentia causæ dividi debet.

Titulus 3.

De Servo corrupto.

QVi alienum Servum receperit, dolove malo cor-
ruperit, quanti ea res est, in duplum judicium
datur. Recipere, est refugium, abscondendi causa, ser-
vo præstare: Corrumperere vero, est persuadere. Per-
suadet is, qui ad delinquendum inducit, vel delinquen-
tem laudat.

Titulus 4.

De Fugitivis.

QVi Servum fugitivum celavit, furti tenetur, & ex
Constitutionibus, si privati hominis servum oc-
cultavit, eum cum alio simili, vel 20. solidis restituit
si secundo eum suscepit, illum cum duobus aliis, ve
40. aureis reddit; si tertio eum celavit, cum tribus
aliis, vel 60. aureis domino ipsum repræsentat. Si ser-
vum fiscalem occultavit, non solum hunc restituit, sed
etiam 12. libris argenti, Fisco inferendis, mulctatur.

Investiganti Servum, literæ a Magistratu dantur, & Apparitor adjungitur, ut libere possit ingredi, & inquirere, ac cubilia occultantium scrutari; pœna imminente illis, qui inquirere non permittunt.

Titulus 5.

De Aleatoribus.

Alea, est fortunæ lusus, uti chartis, vel talis. *Pœna suscipientis Aleatores* est, ut ubicunque & quandoque injuria vel damnum impune ei detur: *ob furtum* autem ei factum, Actio tam in rem, quam in personam, tum denegetur, si domi lusus tempore hoc passus sit. *Pœna compellentis ludere*, est arbitraria. Præterea, *qui Aleæ ludo victus est*,olvere non cogitur, imo si solvat, repetere potest: &, eo non repetente, quivis alius potest repetere, præsertim Pater, vel Defensor civitatis, ut in opera civitatis id expendat.

Titulus 6.

Si Mensor falsum modum dixerit.

Cum intersit publice, ne quis fallatur in rei mensurandæ renunciatione, proposita est Actio Prætoriana in personam, *adversus mensorem*, qui falsum modum sive mensuram dixit. Datur ei, cujus interest, falsum modum non dici, sive is Emtor sit, sive Venditor, in id quod interest, si quid minus acceperit, aut amplius dederit. Qui falsam mensuram dixerunt, si plures sint, adversus singulos in solidum datur Actio; sed, ut unius satisfactione alter liberetur.

Hæc Actio adversus Mensorem Agrorum proprie intenditur, qui falsum modum mensuramve renunciavit, sive unum, sive plures; atque huc pertinent ver-

ba Edicti. Latius tamen id porrexit Prætor, atque, si maxime alterius rei mensuram falsam Mensor renunciaſſe dicetur, hæc Actio, & quidem Directa, competit.

Titulus 7.

De Religioſis, & ſumtibus Funerum; & ut Funus ducere liceat.

S*I quis mortuum intulerit*, quo jus inferendi non habuit, tenetur Actione in factum Prætoria pecuniaria. Nam, qui in locum alienum intulit, aut tollere, quod intulit, aut loci pretium præſtare cogitur. Qui in locum publicis uſibus deſtinatum intulit, ſi dolo malo intulit, extra ordinem modica coërcitione plectitur; ſi dolo caret, absoluitur.

Merito autem Actio in eam rem prodita eſt. Nam propria autoritate corpus, aut oſſa in ſuum fundum illata, nemo debet, propter reverentiam Manium, & quia corpus recte ſepultum non eſt inquietandum, eſſe fodere vel transportare; quamvis in aliis rebus profanis id concedatur.

Qui igitur mortuum intulit, quo inferre non debuit ea illatione locum non facit religioſum. Religioſum enim locum facit, illatio mortui, vel præcipua partis, i. e. capitis, in locum, in quem inferre licet ſepulturæ cauſa facta.

Si quis in Funus, ad alium pertinens, ſumtus impenderit, ei Prætor, ſi repetendi ſumtus cauſa funeravit nec ſumtus nimis modicos contumelioſe fecit, datur Actionem Funerariam, adverſus eos, ad quos funus pertinet, uti heredes, & ſimiles perſonas; qua id repetitur, quod funeris cauſa impenſum fuit. Ejus favor tantus eſt, ut placuerit, impenſam funeris omne creditur

ditum præcedere, cum bona defuncti solvendo non sunt.

Ne quis prohibeatur funus ducere, ad curam Magistratus pertinet. Is enim providere debet, ne corpora aut ossa mortuorum detineantur, neve quis impediatur, quo minus via publica cadaver transferre, aut sepelire possit. Quare, ne quidem ob æs alienum inhiberi sepulturam, & arrectari cadaver posse, dicendum est.

Titulus 8.

De Mortuo inferendo, & Sepulchro ædificando.

Si quis prohibeatur mortuum inferre, quo inferendi jus habet, duplex remedium Prætor tribuit. Nam, prohibito, liberum permittit, num malit statim Interdicto prohibitorio uti, ad amoliendum, ne vis sibi fiat, quo minus mortuum inferat; an adversario vim facienti cedere, & quovis alio inferre, deinde in factum agere, in id, quod sua interest, prohibitum non esse.

Si quis prohibeatur Sepulchrum ædificare, ubi mortuum sepeliendi jus habet, huic Prætor dat simile Interdictum prohibitorium, ne ei vis fiat, quo minus illo loco ædificet.

DIGESTORVM
LIBER XII.

Titulus 1.

De Rebus Creditis, si Certum petetur,
& de Conditione.

Crediti vocabulum, generaliter acceptum, refertur ad quamcunque causam, ex qua, qui alienam

fidem secuti sunt, exigere possunt, quod ex conventionem debetur.

Condictio nomen est generis, quo personales Actiones omnes comprehenduntur; proprie, ad eam refertur Actionem, quæ ex mutui contractu nascitur.

Certi condictio, est Actio personalis, ex quacunque causa competens, ex qua certum, sive id, quod apparet, quid, quale, & quantum sit, petitur.

Inter *Certi* conditiones, potissimum locum sibi vindicat *Mutuum*, quod est contractus, quo pecunia sic datur, ut accipientis fiat, & eo tempore, de quo inter contrahentes convenit, tantundem, ex eodem genere, & ejusdem bonitatis, reddatur. *Pecuniæ* appellatione, hic continentur res, numero, pondere, vel mensura constantes.

Titulus 2.

De Jurejurando, sive Voluntario, sive Necessario, sive Judiciali.

Jusjurandum, est Divini Nominis assumptio, ad id, quod asseritur, confirmandum. Ejus divisiones variæ sunt. Inter cæteras, *Jusjurandum* aliud est *Voluntarium*, quod extra judicium præstatur, ex conventionem partium: aliud *Necessarium*, quod præstatur lege jubente: aliud *Judiciale*, quod in judicio deferretur, vel refertur.

Titulus 3.

De in Litem jurando.

Juramentum in Litem est, quo lis, vel id, quod interest, jurato æstimatur. Sive, *Jusjurandum in Litem* est, quod ex delatione Judicis præstatur, cum ab Adversario contumaciter, & dolo malo, res vel non restituitur,

tatur, vel dolo ejus factum est, quo minus exhiberi, vel restitui possit. Hoc jurejurando permittitur illi, æstimationem ipsius rei, ac ejus, quod interest, etiam in infinitum, facere. *Desert* hoc tantum Judex; si vero alius detulerit, nulla erit religio. *Desertur domino litis*, eique, qui suo nomine litem contestatus est; adeoque Curatores, vel Tutores, jurare non coguntur. *Desertur in iis*, quæ non habent certam æstimationem.

Distinguitur hoc Juramentum, in Affectionis, & Veritatis. *Affectionis* est, cum exceditur verum rei pretium, & affectioni, quæ alias in æstimationem non venit, quid tribuitur. *Veritatis* est, quo, quanti re vera interest, sit æstimatio.

Judex, ne in immensum juretur, potest quantitatem taxare, intra quam juretur, atque sic modum statuere juramento: item, potest ex magna causa minoris reum condemnare, quam actor juraverit.

Titulus 4.

De Conditione Causa data, Causa non secuta.

CONDITIONO *causa data, causa non secuta* est, quæ quod ob causam non inhonestam, v. c. Dotem, ut filius emancipetur, vel, ut a lite discedatur, datum est, repetitur, causa ea non secuta. Hinc is, qui ob causam dedit, potest re integra prænitere, & condicere, quia verum est, causam nondum esse secutam. Nulla enim ei, qui accepit, injuria fit, si alter rem suam repetat, quæ apud priorem est sine causa; cum nullum damnum inde patiatur. Quod si Acceptor aliquid præstiterit, non modo facto impleto, sed etiam affecto aut inchoato, jam quia res non est integra, neque

sine ejus damno Dator pœnitere potest, inhibenda erat repetitio, nisi indemnitas Acceptoris præstetur ejus, quod impendit.

Titulus 5.

De Conditione ob Turpem, vel Injustam causam.

Datum ob turpem causam, si solius dantis turpitudine sit, veluti si meretrici datum sit, non repetitur. Si utriusque, similiter non repetitur; veluti si pecunia data sit, ut male judicetur, vel stupri, aut adulterii causa. Si solius accipientis, repetitur, veluti si tibi pecuniam dedi, ne delinqueres.

Si cui quid datum sit ex injusta causa, puta ex stipulatione per vim extorta, aut, si quovis modo aliquid ex injusta causa ad eum pervenerit, id ab eo repeti, per Conditionem ob injustam causam potest.

Titulus 6.

De Conditione Indebiti.

Condictio Indebiti, est Actio personalis, qua quis id repetit, quod per ignorantiam facti solvit, aut se soluturum cavit. Indebitum, quod naturaliter tantum debetur, uti ex pacto nudo, solutum, non repetitur. Quod vero civiliter tantum debetur, solutum indebite repetitur. Debitum in diem, si ante diem solvatur, non repetitur; debitum autem sub conditione, si pendente conditione solvatur, repetitur. Qui indebitum solvit, vel promittit, aut facit id sciens, aut per ignorantiam juris, veluti si heres legata solvit ultra dodrantem, ignorance legis Falcidiæ; aut per ignorancem facti, veluti si heres legatum ex testamento

mento solvat, ignorans id fuisse in codicillis ademtum. *Primo* casu non repetit solutum, quia censetur donare. *Secundo*, similiter non repetit, quia ignorantia juris non excusat. *Tertio* casu, repetit.

Titulus 7.

De Conditione sine Causa.

Si res nostra apud alium sine causa sit, ad eam repetendam datur *Conditio sine causa*. Contingit vero tribus modis, ut res sit apud aliquem sine causa. 1. Si ab initio nulla sit causa; veluti, si promissum sit nomine dotis, cum matrimonium ob juris prohibitionem sequi non possit. 2. Si causa non sit secuta; veluti, si quis promiserit, spe pecuniæ mutuo accipiendæ, quam postea non accepit. 3. Si causa sit finita; veluti si is, qui chirographum creditori dedit, pecuniam, cujus obligatio eo chirographo continebatur, creditori solverit.

DIGESTORVM LIBER XIII.

Titulus 1.

De Conditione Furtiva.

Conditio Furtiva, est personalis actio, rei surreptæ & fructuum persecutoria, ei competens, qui furtum passus est, adversus furem, & heredem ejus, pro qua parte est heres. Proinde definitur *Conditio Furtiva*, Actio personalis, civilis, qua dominus intendit a fure, aut ejus herede, rem furto sublatam sibi dari oportere. Est autem hæc Actio arbitraria, ideoque ex hac causa in litem juratur.

Titulus 2.

De Condiictione ex Lege.

SI *nova Lex*, i. e. legibus 12. tabularum posterior, obligationem introducat, neque caveat, quo genere Actionis experiri oporteat, datur Condiictio ex lege. v. g. Justiniani constitutione l. 35. §. *fin.* C. de donat. datur Actio ex donatione, nudo pacto facta.

Titulus 3.

De Condiictione Triticaria.

Condiictio *Triticaria*, est actio personalis, quæ datur, ad rem, arbitrio judicis, pro ratione locorum ac temporum, æstimandam.

Vocatur *Triticaria*, vel a *tritico*, ceu Cujacio placet, quod ita in facto contigit, ut, qui primus hac actione expertus est, de tritico egerit, ac proinde tritici mentio in formula agendi facta fuerit: vel, a *Triticio Prætore*, uti *Publiciana* a *Publicio*: sed sic, *Triticaria* vocari deberet.

Titulus 4.

De eo, quod certo loco dari oportet.

SI *quis certo loco dare debeat*, & eo loco conveniatur, ac certum debeat, certum ab eo petetur: sed si alio loco agatur, etiamsi certum quid in obligationem stricti juris, puta in Stipulationem vel Mutuum deductum sit, tamen incertum peti debet, data Judicis facultate, æstimandi, quanti Actoris vel Rei intersit, suo potius loco solvi, quam ubi petitum est.

Titulus 5.

De Pecunia constituta.

Constitutum, est conventio, sive nudum pactum, de re debita, vel alia ejus loco solvenda, intra aliquod tempus. Hinc, *constituere pecuniam*, est denuo pacisci, & sine solemnitate statuere ac convenire, de pecunia certo tempore solvenda, quæ antea ex aliqua obligatione, sive valida jure civili, sive invalida, debebatur.

Succurrit hoc casu Prætor, etsi solemnitas juris civilis, & cum ea, jus quoque deficit; quia grave videbatur, & contra naturalem æquitatem, geminatum contractus fidem fallere. Quod si tempus non est in conventionem expressum, subauditur modicum tempus, h. e. decem dierum.

Titulus 6.

Commodati, vel contra.

Commodatum, est contractus, quo res gratis traditur, certi usus gratia, ut, eo finito, eadem species restituatur.

Actio Commodati, est civilis, personalis, & bonæ fidei.

Directa Actio Commodatarius tenetur, ad eandem speciem reddendam, in eodem statu, id est, non deterioratam,

Contraria Actio, Commodatarius a Commodatore recipit impensas non modicas, bona fide in rem commodatam factas, & si quid damni passus est, ob rei commodatæ vitium, Commodatori non ignotum, vel ob intempestivam Commodantis repetitionem.

Titulus 7.

De Pigneratitia Actione, vel contra.

Pignus est, quod Creditori nexum & obligatum est, in rei creditæ securitatem. Quod si tradatur Creditori, proprie vocatur *Pignus*, præsertim si sit res mobilis; si vero ejus possessionem debitor retineat, proprie appellatur *Hypotheca*, præsertim si sit res immobilis.

Actio Pigneratitia, est civilis, personalis, rei persecutoria, bonæ fidei, daturque etiam heredibus, & contra heredes.

Directa Actio, Debitor, postquam Creditori totum debitum solvit, aut aliter satisfecit, rem pigneratam repetit, &, si quid damni, dolo aut culpa Creditoris, in ea re datum est. *Contraria Actio* datur Creditori adversus Debitorem, ut ab eo indemnus servetur, si forte per id, quod pignori accepit, damnum passus sit, aut si deceptus sit; accipiens v. c. æs, pro auro, aut si in rem pigneratam impensas fecit necessarias, vel utiles.

DIGESTORVM

LIBER XIV.

Titulus 1.

De Exercitoria Actione.

Actio *Exercitoria* datur ei, qui cum Magistro navis contraxit, adversus Exercitorem, qui Magistrum navi præposuit; dummodo cum eo, tanquam cum navis magistro, id est, ex causa, cui præpositus fuit, contraxit.

Exercitor est, ad quem omnes obventiones, & reditus ex navi perveniunt, sive sit dominus, sive conductor navis.

Magister est, cui totius navis cura incumbit, quia vel ab Exercitore navi præpositus est, vel a primo Magistro, quem Exercitor præposuit.

Titulus 2.

De Lege Rhodia, de Jactu.

Lege Rhodia de jactu agitur, si merces in mare, levandæ navis, & vitandi naufragii causa, projectæ sint. Nam, lege Rhodia, quam Romani, non minus quam Atheniensium leges, & Lacedæmoniorum mores, receperunt, cavetur, ut damnum commune sit, & omnium contributione sarciatur damnum, quod alicui ob jactum illum accidit: Vector autem contra alios, qui una vehuntur, nullam habet actionem, quia cum eis non contraxit; sed cum Magistro agere ex locato vel conducto potest, (prout merces vehendas locavit, aut locum in navi conduxit) ut merces aliorum retineat, donec contributio fiat. Per Magistrum autem obligatur Exercitor.

Fit Contributio, tum propter mercis & instrumenti nautici jactum, tum, si navis a piratis redempta: atque debent omnes contribuere, quorum interest jacturam fieri; proinde etiam navis dominus tenetur.

Contributioni obnoxie sunt res omnes, etiam navis, vestimenta, annuli; exceptis iis, quæ consumendi causa in navi sunt, ut vino, pane,

Fit vero contributio pro rata portione, æstimatis tam rebus amissis, quam iis, quæ servatæ sunt: atq; æstimantur res amissæ, quanti emtæ fuere; nec ad rem facit,

facit, quod pluris vendi potuerint, quia damni accepti, non lucri cessantis ratio habetur.

Titulus 3.

De Institoria Actione.

Quemadmodum ex negotiatione maritima nascitur Actio Exercitoria, ita ex terrestri, oritur *Institoria*, quæ ei, qui cum Institore, quatenus Institor est, id est, ex ea causa, cui fuit præpositus, contraxit, competit, adversus eum, qui Institorem illum tabernæ, aut cuivis negotiationi præposuit. Æquum enim visum est Prætori, sicuti commoda sentimus ex contractu Institorum, ita etiam obligari nos ex ipsorum contractibus, & conveniri, quamvis in rem versum esse nostram nihil probetur. Nec enim contrahentes decipi debent, qui fidem præponentis sequi videntur.

Institor est, qui tabernæ, aut cuivis negotiationi præpositus est, ex eo dictus, quod negotio gerendo insistat.

Titulus 4.

De Tributaria Actione.

T*ributoria Actio*, dicitur a tribuendo, id est, distribuendo, & dividendo. Nam si Filiusfamilias, vel Servus, sciente nec contradicente Patre vel Domino, in peculio negotietur, Creditores ejus, adversus Patrem vel Dominum hanc Actionem habent, ut merx peculiaris inter omnes creditores, pro rata portione, dividatur, ita ut nec Patris, vel Domini, nec occupantis melior sit conditio. Etsi enim cæteroqui Dominus in Servi, & Pater in Filii contractibus privilegium habent, quippe, cum de peculio duntaxat tene-

teneantur; tamen si Dominus Servum, & Pater Filium, sciat in merce peculiari negotiari, velut extraneus creditor, nulla deductione facta, ex hoc Edicto tributum vocantur.

Titulus 5.

Quod cum eo, qui in aliena potestate est, negotium gestum esse dicetur.

Verbum *Gestum*, lato significato, omnem Contractum, & Quasi-contractum complectitur.

Si negotium cum servo gestum sit, Actio de peculio, vel de in rem verso, vel quod jussu, in Dominum competit: contra Servum vero nulla est Actio, quia Servus jure Romano pro mortuo habetur. Qui vero cum Filiisfamilias contraxit, non solum Patrem dictis actionibus habet obligatum, sed etiam contra ipsum Filiumfamilias directam habet actionem: quia filiusfamilias ex omnibus causis, tanquam paterfamilias obligatur, & ob id agi cum eo, tanquam cum paterfamilias, potest.

Titulus 6.

De SCto Macedoniano.

Quod dictum, ex contractu Filiisfamilias, tam in ipsum, quam in Patrem, actionem dari, patitur hanc exceptionem, nisi mutua pecunia Filiisfamilias data sit: hunc enim contractum SC. Macedonianum irritum reddit. Dicitur Macedonianum, a Macedone quodam, non, ceu falso putat Theophilus, Filiisfamilias, qui, contracto ære alieno, ut haberet, unde solveret, parentis vitæ insidiatus sit, sed improbo fœneratore, qui filiisfamilias mutuam pecuniam dare solebat.

Hoc SC. *extra numeratam pecuniam creditam non habet locum*; nisi quid in ejus fraudem factum sit, puta, frumento mutuo dato, ut filiusfamilias ex ejus venditione pecuniam redigeret, qua uteretur.

DIGESTORVM LIBER XV.

Titulus i.

De Peculio.

P*Eculium*, ceu volunt, dicitur quasi pusilla pecunia seu pusillum patrimonium, & est universitas eorum, quæ Filiusfamilias, aut Servus, Patre, seu Domino permittente, habet a paternis vel dominicis rationibus separata.

Peculii Servilis unum est genus: Ejus vero, quod *Filiusfamilias* habet, quatuor sunt genera: *Castrense* quod occasione militiæ armatæ; *Quasicastrense*, quod occasione militiæ togatæ, aut religiosæ, acquisivit; *Profectitium*, quod a parente accepit, seu, a parente in cuius est potestate, profectum est: & *Adventitium* quod ex aliis quibuscunque causis ad eum pervenit. In *Castrensi* & *Quasicastrensi*, plenum dominium est ipsius Filiifamilias; in *Profectitio*, plenum dominium est patris. *Adventitii* nudam proprietatem Filius ususfructum pater habet.

Actio de Peculio, datur filiifamilias, vel servi, vel hominis liberi bona fide possessi, Creditori, ex contractu vel quasicontractu, adversus Patrem vel Dominum vel eum, qui pro domino habetur, veluti *Fructuarium*, *Vsuarium*, *Bonæ fidei possessorem*, ut peculio tenus condemnnetur.

Titulus 2.

Quando de Peculio Actio, annalis est.

Actio de peculio perpetua est, quamdiu filius vel servus in potestate est; post eam potestatem finitam, si nimirum Filiusfamilias moriatur, aut emancipetur, Servus vero manumittatur, vel alienetur, annalis est, i. e. anno utili concluditur ac terminatur. Cum enim, soluta & extincta potestate, extinguatur Peculium, sufficit, ad exemplum cæterarum Prætoriarum Actionum, ad annum deinceps utilem, obligationem produci.

Titulus 3.

De in Rem verso.

In Rem Versum dicitur, quod Filius in utilitatem Patris, vel Servus in utilitatem Domini convertit. Hac actione, Pater, vel Dominus, ex Filii aut Servi contractu, eatenus condemnatur, quatenus in rem suam versum est.

Titulus 4.

Quod Jussu.

Jussus, est consensus, actum præcedens, cum imperio conjunctus. Actione quod jussu, ei, qui cum Filiofamilias, aut cum Servo contraxit, Pater vel Dominus, ob suum consensum, in solidum tenetur: quia quodammodo cum eo contrahitur, qui jubet. Jussui autem & Ratihabitio comparatur, quando, quod insciente aliquo gestum est, ratum postea: ab isto habetur.

DIGESTORVM

LIBER XVI.

*Titulus I.**Ad SCtum Vellejanum.*

S*enatus Consultum Vellejanum*, sic dicitur a Vellejo Consule, qui, una cum Collega suo, Senatum rogavit. Appellatur etiam *SCtum de Intercessionibus jæminarum*, quia per id succurritur mulieribus, pro alio intercedentibus, non donantibus. Nam, quia mulier facilius intercedit, quam donat, animadvertit Senatus, mulierem magis in Intercessionibus, quam in donationibus, auxilio egere.

Intercedere, sive *intervenire* dicitur, qui inter debitorem & creditorem interjicitur, se, vel res suas, pro alio obligans. Nec refert, utrum re, an literis, aliove quovis modo, intercedat.

Ex hoc SC. mulier, quæ intercessit, non tenetur efficaciter: quia se tueri potest, per exceptionem SCti, quæ est perpetua, &, quam mulier, non solum post litem contestatam, sed etiam post sententiam definitivam, proponere potest.

Hoc SConsultum non obtinet in casibus, quibus mulier obligatur ineffaciter, & ipso jure tuta est, videlicet, si ejus obligatio non sit redacta in publicum instrumentum, subsignatum a tribus testibus. Cessat quoq;, cum mulier efficaciter obligatur, nimirum, si pro libertate, dote, in rem suam, uti pro suo procuratore, apud minorem pro debitore inope, intercesserit, vel intercessionem, ante biennium factam, post biennium confirmaverit, atque iterum se obligaverit.

Mulier, suo nomine contrahens, efficaciter obligatur.

Renunciare Mulier SConsulto Vellejano potest, ita ut postea etiam invita, ab hoc beneficio excludatur. Sed, renunciatio, neutiquam promiscue, & repentino animi motu, quin, nec extra iudicium fieri debet.

Titulus 2.

De Compensationibus.

Compensatio, est debiti ac crediti mutua inter se contributio, sive collatio. Differt a Retentione, quod Retentio est corporis, vel speciei alienæ, ob id, quod nobis propter sumtus in rem factos, vel ex alia causa debetur: Compensatio autem, est quantitas utrinque debitarum.

Notandum, compensari etiam, quod naturaliter tantum debetur. Haud vero compensatur debitum non liquidum, nec debitum in diem, antequam dies veniat, nec Conditionale, pendente conditione: sed, nec compensatio fit, nisi inter eos, qui sibi invicem debent.

Omnes res in Compensationem cadunt, non tantum pecunia. Cum enim compensatio vim solutionis habeat, ea, quæ possunt solvi, possunt compensari: itaque & qualitates, & genera, & species, compensantur, modo idem hinc inde debeatur: quia, uti non potest aliud pro alio solvi, invito creditore, ita nec compensari. Ergo, compensatur pecunia cum pecunia, genus cum genere, & species cum specie. Nam, si mihi equum debeas, ego tibi bovem debeam: aut si mihi Stichum debeas, ego tibi Pamphilum, compensatio non admittitur, nisi ambo consentiamus.

Compensatio in omnibus causis & contractibus, siue sint stricti juris, siue bonæ fidei, siue in personam, locum habet. *Excipitur Depositum*, quod omnino compensationem respuit: item *Commodatum*, nec enim Commodatarius, vi compensationis, rem commodatam retinere potest.

Compensatio, non tantum in *Contractibus*, sed & in *Maleficiis* locum habet, ita ut dolus cum dolo, delictum cum delicto compensetur, dum tamen Civiliter agitur. Nam, in publicis judiciis, ubi non privatorum jus, sed publica vindicta, ad coercendum maleficia, spectatur, non admittitur compensatio, verum, utrumque criminofum suæ manent pœnæ.

Nititur *Compensatio*, & *Naturali*, & *Civili æquitate*. *Naturali*, quia nostra interest, potius non solvere, quam solutum repetere: *Civili*, quia *Compensatio* ad dirimendas lites pertinet, ne fiat per plura, quod confici potest per pauciora.

Titulus 3.

Depositi, vel contra.

D*epositum*, est contractus, quo res gratis custodienda, & quotiescunque deponens reposcet, restituenda, traditur.

Restituenda eadem species, & quidem non deteriorata, cum iis, quæ rei depositæ accedunt, licet deposita non sint; ut vestimenta hominis depositi.

Depositi Actio directa datur Depositori, contra Depositarium; *Contraria vero, Depositario, contra Depositorem competit.*

Directa Actio datur adversus eum, apud quem res deposita est. Is enim, qui deposuit, potest rem suam, alterius custodiæ traditam, repetere, statim ac deposuit,

suit, etiamsi de certo tempore convenit. Quia enim ejus solius gratia contractus initus, non prohibendus est pro arbitrio eum revocare, & mutare voluntatem; quod & in Mandato fit.

Contraria Actio Depositario competit, hacque impendia, in rei depositæ custodiam facta, repetuntur, ne officium suum illi damnosum existat.

Directa Actio regulariter est in simplum, sed, in inficiantem est in duplum, si cum eo agatur, apud quem incendii, ruinæ, tumultus, naufragii causa depositum est. Directo judicio damnatus, notatur infamia. Contrario autem judicio damnatus, non est infamis, quoniam hoc judicio de impensarum calculo agitur, illo autem, de bona fide, vel dolo Depositarii.

Cum Deposito affinitatem habet *Sequestrum*, cum, apud medium quendam, litigatores rem litigiosam deponunt. Differt a Deposito, quod vel unus potest deponere, & id quidem, de quo nulla est controversia: apud Sequestrum, non nisi plures deponunt rem litigiosam. Deinde, apud Sequestrum unusquisque in solidum videtur deponere, cum rem totam suam putet; id vero aliter est, quando id, quod commune existit, plures deponunt, quorum quisque pro parte tantum se novit esse dominum.

DIGESTORVM LIBER XVII.

Titulus I.

Mandati, vel contra.

M*andatum*, est contractus, solo consensu constans, quo dominus, negotium bonæ fide gerendum, sine mercede suscipienti procuratori committit.

Mandatarius, id est is, cui mandatur, vocatur *Procurator*: Mandator vero, id est is, qui mandat, appellatur *Dominus*, non, quod sit Dominus Procuratoris, sed negotii mandati.

Materia Mandati, sunt res omnes futuræ; nam, factas & præteritas frustra quis mandat: sed & honestæ ac licitæ esse debent; nam, generaliter, nulla rerum turpium est obligatio.

Procurator non debet excedere fines mandati. Is vero non excedit fines mandati, qui id facit, sine quo negotium mandatum commode expediri nequit: quia hoc quoque tacite mandatum videtur. Qua ratione, præter id, quod expresse mandatum est, procurator non potest facere conditionem domini deteriorem.

Dissolvitur Mandatum voluntate, sicuti contrahitur, & quidem solius mandantis. Cujus enim est Mandati legem dare, ejus quoque est illud revocare, & cuique licet favori suo renunciare. Sed & Mandantis morte, quæ voluntatem finit, si quidem res adhuc sit integra, revocatur. A Mandatario quoque renunciari mandato potest, dummodo integrum jus Mandatori servetur, vel per se, vel per alium, rem commode explicandi.

Actio mandati Directa datur Mandatori adversus Mandatarium, in id quod interest. *Contraria*, datur Mandatario, adversus Mandatorem, ad repetendas impensas, bona fide in negotium mandatum factas, & si quid præterea interest.

Titulus 2.

Pro Socio.

S*Ocietas*, est contractus, qui consensu perficitur, de re, vel negotiatione honesta, ejusque lucro, vel damno communicandis.

Materia, de qua contrahitur Societas, sunt Res, & Operæ honestæ omnes, quæ quidem in commercium cadunt; rerum autem turpium nulla est societas. Vnde nec quæ delicto, ut furto, latrociniiis, parta sunt, nec quæ ob pœnam amissa fuere, inter socios jure communicantur.

Ab Æsopi apologo, *societas* appellatur *Leonina*, & jure improbat, si ita convenerit, ut sociorum alter damnum ferat, ex lucro vero nihil accipiat.

Actio pro Socio, est utrinque Directa, qua socius a socio convenitur, vel quia societati damnum dedit; vel quia ultra, quam ad se pertineat, ex re communi fructus percepit; vel quia pecuniam communem in suos usus convertit; vel quia actor in rem communem impendit, damnumve ob societatem, puta in itinere a latronibus, cum ad mercatum proficisceretur, passus est.

Societas solvitur, ex Personis, ex Rebus, ex Voluntate, & ex Actione. *Ex Personis*, si aut naturali, aut civili morte, h. e. maxima & media capitis diminutione, ii perierint. *Ex Rebus*; si ex, quarum gratia contractum erat, non amplius existant, vel commercio exemptæ sint: uti si finis negotio sit impositus, ob quod societas inita; aut, si publicata sint socii bona, vel facta cessio. *Ex Voluntate*; cum societati vel Expresse, vel Tacite, non fraudulenter tamen, renunciatur. *Ex Actione*; cum judicio agitur, in id, ut societas distrahatur.

Non necesse est, æquales partes semper lucris & damni facere, ac potest conveniri, ut unus sociorum unam, alter duas lucris damne partes sustineat, vel, ut nullam damni, aliquam lucris partem consequatur: quæ inæqualitas ita demum recepta est, si tanti opera

Socii est, quanti verisimiliter damnum esse queat, & sic hostimentum sit opera pro pecunia.

DIGESTORVM LIBER XVIII.

Titulus I.

De contrahenda Emtione, & de Pactis inter Emtorem, & Venditorem compositis, & quæ res venire non possunt.

Emtio & Venditio est contractus, qui consensu perficitur, ut Emtori rem habere liceat, certo dato pretio, siue pecuniæ numeratæ quantitate, qua res æstimatur.

Regulariter hi possunt contrahere, qui possunt consentire.

Venditio ad pondus, numerum, vel mensuram facta, non censetur perfecta, antequam res appendatur, vel numeretur, vel mensuretur.

Traditio rei, & solutio pretii, non perficiunt, sed implent contractum.

Ad modum contrahendæ Emtionis & Venditionis, pertinent etiam Pacta, quæ a contrahentibus adjici solent, quia pacta conventa informant & reformant contractus, quibus apponuntur; & pertinent insuper Actiones, ex iis contractibus descendentes.

Emi & vendi quæcunq; res possunt, nisi jus nominatim prohibeat, ut, quia sunt extra commercium.

Cum quæritur, Quid, Quantumcunq; in Contractum veniat, dicendum est, quicquid tempore contractus cohæret rei venditæ, venditum intelligi. Vnde

de, Fundo vendito, fructus & instrumenta adhærentia, quasi pars fundi, vendita intelliguntur: &, Domum distractam, sequuntur, quæ terra, quæque opere fructili tectorio continentur.

Titulus 2.

De in Diem Additione.

Addictio in Diem, est pactum additum emtioni, quo venditor, si intra certam diem aliquis majus pretium pro re vendita, vel alia quavis ratione meliorem conditionem obtulerit, eam in præjudicium primi emtoris recipere potest. Hoc casu, etiam Fructus Venditori restituendi sunt, quippe tanquam rescisso contractu.

Hoc pactum, etiamsi non sit expressum, tamen in *Venditione Fiscali* tacite inest, adeo, ut intra certum tempus (quod tamen nulla lege definitum reperitur) liceat meliorem conditionem offerre, atque ita rem primo emtori auferre, nisi primus emtor tantundem solvere sit paratus.

Titulus 3.

De Lege Commissoria.

Lex Commissoria, est pactum additum emtioni, qua id agitur, ut si emtor intra diem, de qua convenit, pretium non solverit, liceat venditori facere rem inemptam. Dicitur *Lex*, quia venditioni illico adjicitur, & proinde contractui inest, ac legem ei dat. Dicitur *Commissoria*, quia emtor non solvens pretium, in hanc legem committit.

Committitur, si Emtor, quamvis non interpellatus, pretium sua die non afferat: dies enim interpellat pro homine; nisi Emtor iustas causas probare possit,

quibus impeditus fuerit, in repræsentanda ad diem solutione.

Est in potestate Venditoris, utrum Legem Commissoriam exercere, an pretium petere velit; nam, in eius commodum & favorem hæc pactio additur. Altera tamen via electa, variare amplius nequit.

Titulus 4.

De Hereditate, vel Actione vendita.

Possunt etiam *Res Incorporales* vendi; uti Hereditates, Servitutes, Actiones.

Quod ad *Hereditatem* attinet, non venditur ea, nisi defuncti, non viventis: etenim, qui viventis hereditatem vendidit, si ei postea defuncto succedat, privatur hereditate, tanquam indignus.

Hereditate vendita, in emtorem transit omne jus quod in bona defuncti venditor habuit, adeoque transcunt Actiones hereditariæ adversus debitores.

Venditor hereditatis, manet heres, quia qui semel est heres, non potest desinere esse heres, Emtor tamen vicem heredis obtinet.

Licet quoque *Nomina*, seu *Debita* vendere, etiam invito Debitore. Hæc tamen non aliter quam antelitem contestatam venduntur: litigiosas enim res distrahi, & transferre hac ratione iudicium in alium est interdictum.

Titulus 5.

De Rescindenda Venditione, & quando licet ab Emtione discedere.

Emtio & Venditio non potest rescindi, nisi ex iusta causa; puta, quia per vim aut metum contracta sit; nec licet ab ea recedere, nisi mutuo consensu, cum

re

res adhuc est integra, id est, nec res emtori tradita, nec pretium venditori solutum est.

Venditio rescinditur, cum uno contrahentium petente, altero invito, per sententiam Judicis dissolvitur. Ab ea vero *disceditur*, cum sine iudicio, hi qui contraxerunt, eam irritam faciunt, vel cum is non vult contractu stare, qui ipso jure non tenetur.

Alterutra parte invita, abire ab Emptione non licet, nempe quia nec ab una parte perficitur: unde nec Rescriptum Principis contrarium operatur, etiamsi duplum quis reddere paratus sit, vel altera pars in implendo contractu moram faciat, aut inæquali injustoque pretio res venierit. Quod enim ad postremum hoc attinet, licet contrahentibus invicem naturaliter, id est, jure gentium, quadantenus (nam ultra dimidiam partem justii pretii captio, propter nimiam inæqualitatem, revocatur l. 2. C. de rescind. vend.) decipere, l. in causa 16. §. pen. ff. de minor. non quidem dolo malo, is enim contractum vitiat, sed reipsa, ut minoris plurisve res vendi possit; alioqui quotusquisque contractus non esset calumniæ proximus, si, ob minimam inæqualitatem, in controversiam & dubium vocari queat?

Titulus 6.

De Periculo & Commmodo rei venditæ.

PERICULUM & COMMODUM rei venditæ spectat ad Emptorem, licet ei res nondum sit tradita.

Sed necesse est, *perfecta fuerit Emptio*: hæc autem dicitur, cum de pretio convenit, & apparet, Quid, Quale, Quantumque venditum sit; nec adjecta est Condicio.

Si sub *Conditione* facta emptio, ubi deficit conditio, nulla est emptio. Quod si ea extiterit, retrahitur

ad tempus contractus ; unde emtoris est periculum deteriorationis , non vero interitus ; quia rei non existentis emptio uti haud fieri , ita nec confirmari , aut convalescere potest.

Titulus 7.

De Servis exportandis , vel , si ita Mancipium venierit , ut manumittatur , vel contra.

S*I Servus exportandus veneat*, (id est , ea conditione vendatur , ne in illa civitate , vel provincia moretur , in qua venit) non potest ibi morari , invito venditore : imo venditus hoc pacto , ne in ea civitate moretur , in qua venditus est , etiam Romæ morari non debet : & venditus , ne in provincia moretur , etiam in Italia morari non debet. Si contra legem moretur , confiscatur , nisi Venditor pactus in eum casum sit , ut ipse manum injicere possit.

Si Mancipium ita venierit , ut manumittatur , emtore libertati moram faciente , id est , non manumittente , nihilominus , ex constitutione Divi Marci , mancipium ad libertatem pervenit , nisi Venditor voluntatem mutaverit.

Si Mancipium vendatur hac lege , ne manumittatur , emtor non potest illud ad libertatem producere.

Solebant Venditionibus Servorum sive Mancipiorum *Conditiones* adjici , Ne quo loco morentur , ubi venditori nocere possint : Vt in alias terras exportentur : Vt manumittantur post tempus ; aut contra : ac , ni pactis fletur , ut certa pendatur poena , vel sit manus injectio , id est , ut liceat priori domino , injecta manu , mancipium tanquam suum vindicare.

DIGESTORVM
LIBER XIX.*Titulus 1.*

De Actionibus Empti, & Venditi.

EX Empto Actione, Emptor a Venditore petit, vel, ut sibi rem tradat, vel id, quod sua interest, rem traditam esse. *Ex Vendito Actio* Venditori competit, ad ea consequenda, quæ ei ab emptore præstari oportet. *Præstare autem Emptor debet* pretium, & post diem, quo tradita est res vendita, usuras pretii, & sumtus, a Venditore in eam rem factos, & si quid præterea se præstaturum pactus est.

Emptor non habet agendi facultatem, nisi ex sua parte contractum impleverit, & pretium solverit, aut certe obtulerit: inique enim petit ab alio, ut conventionem impleat, qui ipse nec dum satisfecit. Contra, si *Venditor* ad pretium prior agat, obstabit illi Exceptio Rei venditæ, & non traditæ, donec plene rem tradat.

Titulus 2.

Locati, Conducti.

Locare, proprie est in aliquo loco ponere. Hinc locare dicuntur, qui in Agro, Fundove constituent aliquem ad utendum, vel habitandum: & generaliter usu obtinuit, ut locare dicerentur, qui rem alteri fruendam, non gratis, sed ob aliquid concedunt. Hinc, *locare, conducere numos*, apud Horatium, pro scænorum dare, & accipere.

Locatio & Conductio, est contractus, solo consensu constans, de re utenda, (usus appellatione etiam fru-

fructum, & hominis operas intellige,) certa mercede.

Merces, est facti vel usus æstimatio, quæ interdum appellatur *Pretium*, atque in quacunque re, quæ pondere, numero, vel mensura constat, consistere potest, uti, vino, oleo, frumento. At, in Emptione, pretium tantum in pecunia numerata consistit.

Locati Actio, datur Locatori adversus Conductorem; *Conducti Actio*, Conductori adversus Locatorem. Utraque id persequitur, quod alter alteri, ex bono & æquo, præstare debet, veluti, ut merces debita solvatur, una cum usuris post moram; item, ut Conductor præstet, si ejus dolo vel culpa res deteriorata, aut amissa est. *Locator* præstare debet, ut Conductor re utatur, fruatur, aut ei solvendum, quod interest.

Potest Locatio fieri, vel in perpetuum, vel ad tempus. Sed, si ultra *decennium*, vel, ut quidam volunt, quinquennium, sit locatio, transire solet in aliud contractus nomen, ut Emphyteusin, Censum &c.

Titulus 3.

De Æstimatoria.

Incertus contractus est, cum *Res æstimata vendenda datur*, ut is, qui accepit, aut rem, aut æstimationem restituat. De hoc contractu dubitatum est, utrum pariat actionem ex Vendito, quia æstimatio vim habere venditionis solet; an ex Locato, quasi rem vendendam locaverit; an ex Conducto, quasi operas conduxerit ejus, qui vendere debet; an Mandati, quasi rem vendendam mandaverit. Sed, tollendæ dubitationis causa, & ut vitetur periculum, in quod incidit, qui actionem movet sibi non competentem, placuit, *Actionem Æstimatoriam* proponi.

Titulus 4.

De Rerum Permutatione.

Permutatio, est contractus innominatus, quo certa species, pro alia certa specie transfertur in alium. Distinguitur ab Emtione, quod hæc ab una parte desiderat pretium; permutatio, fit rebus sive speciebus utrinque. Amplius, Emtio nuda voluntate contrahitur; Permutatio autem, ex re tradita initium obligationis quærit.

Titulus 5.

De Præscriptis verbis, & in Factum Actionibus.

Contractus Innominati referuntur ad 4. genera: *Do, ut des; Do, ut facias; Facio, ut des; Facio, ut facias.* Cum enim omnis obligatio, vel in dando, vel in faciendo consistat, hæc duo, 4. modis connecti possunt: quia Datio, vel jungitur cum Datione, & est contractus *Do, ut des;* vel cum Facto, & est contractus *Do, ut facias.* Similiter Factum, vel cum Facto jungitur, & est *Facio, ut facias;* vel cum Datione, & est *Facio, ut des.* Hi contractus non pariunt Actionem ex verbis legum 12. tabularum, sed ex interpretatione Juristorum, qui legem, loquentem de contractibus nominatis, produxerunt ad contractus similes innominatos. Nam, Permutatio, seu *Do, ut des,* est similis Emtioni: *Do, ut facias, Locationi; Facio, ut facias, Mandato;* & his tribus casibus datur *Civilis Actio præscriptis verbis.* Sed contractus, *Facio, ut des,* nulli contractui nominato similis est, unde non datur ex eo civilis actio, sed, *Prætoris subsidaria de dolo.*

Proinde *Actio præscriptis verbis* datur, ex omni contractu innominato, diciturque incerta, quia & ex incerto contractu est.

Actio Præscriptis verbis, & *In Factum actio*, differunt, ut genus & species. *Actio in factum* non tantum est ex conventionem, sed ex maleficiis, vel alia causa, competitque, quoties nomen Actionis deficit. Sed, si ex conventionem detur, appellatur præscriptis verbis, & civili ordinariæ Actioni adjungi, & cum ea concurrere potest.

DIGESTORVM

LIBER XX.

Titulus 1.

De Pignoribus & Hypothecis: & qualiter ea contrahantur: & de pactis eorum.

P*ignus*, generatim dicitur res, quam debitor tradit creditori, siue ea sit mobilis, siue immobilis: at, propria significatione, *Pignus* est rerum mobilium, *Hypotheca*, immobilium.

Pignus proprie dictum, Re contrahitur, *Hypotheca*, nudo pacto.

Præter pactum de re obliganda, quo *Hypotheca* constituitur, sæpe adjiciuntur alia diversa pacta, veluti, ut creditor loco usurarum percipiat fructus ex re pignerata, quo casu dicitur *Antichresis*.

Titulus 2.

In quibus Causis, *Pignus*, vel *Hypotheca*, tacite contrahitur.

Quemadmodum *Pactum* est vel expressum, vel tacitum: ita etiam *Hypotheca*, quæ pacto contrahitur, est vel *Manifestaria*, vel *Tacita*.

Taci-

Tacita, obtinet in *Ædibus*, ob quarum restitutio-
nem quis numos credidit. Item in investis & illa-
tis in prædium urbanum, pro mercedibus & deteri-
oratione; in rebus mariti, pro dote restituenda; ca-
sibusque aliis.

Res, ex conventionem expressim obligatæ, alienari
nequeunt, nisi cum suo onere. Quæ vero secreto ne-
xu tenentur, libere alienari possunt, antequam præclu-
dantur, hoc est, ut vulgo nunc dicunt, arrestentur.

Titulus 3.

Quæ Res, Pignori, vel Hypothecæ datæ,
obligari non possunt.

Oppignorari possunt omnes res, etiam nomina cre-
ditorum, res futuræ, & quælibet, quæ non pro-
hibentur.

Prohibentur autem aliquæ oppignorari in totum,
aliquæ sub certo modo. In totum oppignorari pro-
hibentur, res sacræ, religiosæ, &, quæ non sunt in
commercio, item dotales fundi, & res fideicommissio
subjectæ. *Sub certo modo* non possunt oppignorari,
res Minorum, scilicet sine decreto; Instrumenta ad
agriculturam parata, scilicet si abstrahantur in totum
ab agricolis.

Titulus 4.

Qui potiores in Pignore, vel Hypotheca
habeantur, & de his, qui in priorum
Creditorum locum succedunt.

IN jure Pignoris, *Regula* cæteroqui generalis est, po-
tiores in eo esse, cui prius Res est obligata. Sed no-
tandum, in pignore, ante omnes creditores, præferri re-
rum dominos; quia jus domini fortius est, jure pigno-

ris. Inter *Pigneratitios Creditores*, est ratio prima eorum, qui crediderunt in causam primipilarem, sub qua causa comprehendendi debet, quicquid Militibus immediate præstandum est. *Secunda*, mulieris in causa dotis, uti & liberorum ejus, non aliorum heredum. *Tertia*, eorum, quorum pecunia res est emta, & quibus specialiter ea est obligata. *Quarta*, eorum, qui in pignus conservandum crediderunt. *Quinta*, reliquorum hypothecariorum, qui privilegium nullum speciale habent; inter quos referendi etiam Fiscus, Pupilli, Minores.

Hypothecarius posterior, siue debitore volente, siue invito, siue ignorante, priori, solvat, vel, eo si cui offertur, non recipiente, si obsignatum deponat, jus prioris in se transfert, & sibi confirmando pignus, in pignoris locum succedit.

Si Chirographarius priori solverit, transferet in se jus prioris, si nominatim hoc sit actum inter ipsum, & debitorem, vel priorem Hypothecarium, tempore solutionis, vel eo tempore id per Judicem obtinuerit. Et tenet hoc pignus eatenus, quatenus ad Hypothecarium pecunia pervenit.

Si tertius debitori numos credat, ut solvat priori, non aliter sibi confirmabit jus prioris, nisi de jure pignoris paciscatur, & numi ad priorem pervenerint.

Si Chirographarius non sit pactus de jure pignoris non habebit jus pignoris, sed personalia jura prioris creditoris; unde & ipsi datur actio Pauliana, qua priori competebat, propter res in fraudem alienatas. Verum, si possideat pignus, utetur retentione adversus debitorem, donec ei refundatur pecunia prior soluta.

Titulus 5.

De Distraktionem Pignorum, & Hypothecarum.

DEbitore non solvente, nec aliter Creditori satisfaciente, Creditor pignus distrahere potest. Hæc venditio fit, *Vel juris necessitate*, cum priori Creditori posterior Creditor, aut Debitoris Fidejussor, pecuniam offert: *Vel jure conventionis*, cum Creditor extraneo pignus vendit; quia Debitor vel expresse cum eo pactus est, vel tacite pactus censetur, ut, nisi debitum solveret, pignus vendere liceret.

Conventionale Pignus, si de tempore convenerit, poterit die condicto distrahi: si non, post biennium a die denunciationis, quæ testato fieri debet.

Si actum sit, ne distrahatur, fieri oportet denunciationes tres, quarum singulis, tantum temporis intervallum, quantum Judici sufficit, dabitur: post quas, elapso biennio, fiet distractio.

Venditio facienda est bona fide, ac solenniter per præconem, ut absit omnis collusio. Atque ipse Creditor non recte emet per se, aut per alium, nisi Debitor distrahat, vel Judex.

Titulus 6.

Quibus modis Pignus vel Hypotheca solvitur.

Pignoris vel Hypothecæ nexus solvitur, 1. naturali debiti solutione. 2. Solutione ficta, si debitum fuerit oblatum, consignatum, & depositum, vel compensatum, aut judicio absolutus sit debitor. 3. Interitu pignoris.

DIGESTORVM

LIBER XXI.

*Titulus 1.*De Ædilitio Ediçto, & Redhibitione,
& Quanto minoris.

PEnes Ædiles cura erat, non tantum Ludorum, Ædium, & Viarum, sed & Annonæ, atque, propter hanc, etiam aliquo modo Contractuum; unde Ediçtum proposuere, ad extirpandas & coërcendas Venditorum fallacias.

Ædilium Curulium Ediçto, ex emtionis & venditionis contractu, Actio Redhibitoria & Æstimatoria competunt, ne Emtores, ob vitia rerum sibi venditarum, decipiantur.

Actio Redhibitoria, est prætorialis, arbitraria, qua emtor contra venditorem, propter vitium rei, ob quod, si id scivisset, rem non emisset, agit, ut venditor rem, quam vendidit, cum omni causa recipiat, & pretium cum usuris reddat. Vitium tale intelligendum est, quod usum rei impedit, & quod ad corpus attinet: nam, propter animi vitia, non redhibetur Servus, etiamsi vinarius, iracundus, aut mendax fuerit.

Actio Æstimatoria, vel *Quanto minoris*, est prætorialis, qua emtor ob vitium rei, ob quod, si id scivisset, minori pretio emisset, agit adversus venditorem, ut, quanto minoris emisset, sibi præstet. Proponenda est ab Emtores intra annum utilem, post hunc enim terminum elapsus, expirat.

Titulus 2.

De Evictionibus, & Duplæ stipulationibus.

Eviçtio, est rei nostræ, quam alius legitimo titulo acquisierat, per Judicem facta recuperatio.

Ad *Evictionem præstandam*, quo sic indemnitas sit Emptor, quamvis ex natura contractus teneatur Venditor, etiamsi nihil de ea convenerit, tamen solebant Emptores sibi jure Romano de Evictione cavere, sine tamen satisfactione, per nudam stipulationem, idque vel promissione Simple, vel Duplæ.

In *Stipulatione Simple*, promittebat Venditor, si res Emptori evicta esset, Simpliciter restituere, hoc est simpliciter pretium, & ex natura Actionis ex Empto, quod Emptoris interesset. Quæ Stipulatio, cum congrua sit naturæ Emptionis, semper effectu inest contractui, nisi aliud fuerit actum.

Duplex Stipulatio continet, ut, re evicta, Venditor duplum pretii conventi præstet, atque hoc in Mancipiorum venditione, etiam invitus Venditor, ex consuetudine, repromittere cogebatur.

Titulus 3.

De Exceptione Rei venditæ & traditæ.

Exceptio rei venditæ & traditæ, datur ei, qui a non domino rem ex venditione accepit, contra eum, a quo accepit, si is ex post facto dominium acquisivit, & rem vindicare nititur. Quem enim de evictione tenet actio, eum agentem multo magis excludit exceptio. Itaque si fundum alienum vendideris, & tuum postea factum, petas, exceptione repelleris.

DIGESTORVM

LIBER XXII.

Titulus I.

De Vfuris , & Fructibus , & Causis ,
& omnibus Accessionibus , & Mora.

V *Usura* in genere, est pretium seu merces, ob usum rei. *In specie*, est accessio ad sortem, siue quantitatem debitam, ex eodem genere ; uti cum oleum accedit oleo, frumentum frumento, numeratæ pecuniæ nummus. Nam, si aliquid accedat ex diverso genere, uti, cum oleo tardius soluto, accedit pecunia numerata, non est proprie usura, sed aliquid datum vel promissum loco usuræ. Jure tamen Canonico Usura dicitur, quo, usura est omne illud, quicquid sorti accedit.

Differunt Usura , Reditus , Fructus , Interesse, & Pœna.

Usura, est accessio ad quantitatem , seu, est pretium usus pecuniæ debitæ. *Reditus* dicitur in genere, quicquid ex re aliqua obvenit ; at, in specie, est obventio, quæ ex rebus alienis, quas alius possidet, proficiscitur. *Fructus*, stricte accepti, sunt omnia emolumenta ex rebus, quas is, ad quem fructus pertinent, detinet, & quibus utitur. *Interesse* est, quanti æstimatur damnum acceptum, aut lucrum amissum. *Pœna* est, quod debetur, quia factum est, quod fieri non debuit, vel factum non est, quod fieri debuit. Vel, est accessio promissa in casum, quo aliquid fiat, vel non fiat, & præstatur in locum usurarum, vel ejus quod interest.

Usura præstatur, vel ex Conventionem, uti per stipulationem, in omnibus bonæ fidei, & stricti juris contractibus ; vel ex Mora.

In *Vfuris is Modus servandus*, qui publica auctoritate constitutus est, vel moribus servatur; adeo, ut nec ex Antichresi, cum certo constare potest de proventu, nec ex pœna promissa in vicem usurarum, major quantitas deberi possit.

Vsuræ Vsurarum promitti non debent, licet etiam in sortem sint redactæ: contractus tamen, per ejusmodi promissionem, in totum non erit inutilis, sed, quod amplius est, sorti imputabitur, vel restituetur.

Vsura, est vel Centesima, vel pars centesimæ, aut major centesima. Sed, quia hæc omnino illicita est, idcirco centesima, vocatur usura maxima. Est vero *Vsura Centesima*, cum centesima pars sortis solvitur singulis mensibus. Ergo, in singulos annos, in aureos centenos, penduntur aurei 12. Proinde, cum hæc usura, respectu aliarum usurarum permissarum, habeat rationem totius, ac 12. partibus constet, Assis rationem subit; & reliquæ usuræ, ut hujus partes, & tanquam uncix, spectantur. Itaque dicuntur deunces, cum undecim in centena singulis annis solvuntur: Dextantes, cum 10. Dodrantes, cum 9. Besses, cum 8. Septunces, cum 7. Semisses, cum 6. Quincunces, cum 5. Trientes, cum 4. Quadrantes, cum 3. Sextantes, cum 2. Vnciariæ, cum unum pendimus.

Vulgo dicimus *duodecim pro centum, undecim pro centum*. Galli dicunt *au denier 24.* cum pro usu annuo 24. numorum, unus numus debetur. Sic *au denier douze*, cum pro 12. unus annuatim penditur.

Fructus vocabulum accipitur tribus modis: 1. *Proprie*, pro eo, quod ex re nascitur: qualia sunt, olera, segetes, poma ex fundo, foetus, lac, pilus, lana ex pectoribus. Partus vero ancillæ non est in fructu. 2. *Late*, ut complectatur etiam ea, quæ non ex re, sed

propter rem percipiuntur, & a Doctoribus vocantur *fructus civiles*, quia non natura, sed jure percipiuntur: non sunt autem proprie fructus, sed vicem fructuum obtinent, ut Usura, & rei locatæ merces. 3. *Latissime*, quatenus omnem rei commoditatem complectitur, veluti, facultatem rei pignerandæ.

Fructus (late sumto vocabulo) *dividuntur* in Naturales & Civiles: quorum illi, natura ex corpore proveniunt, ut Poma, Fœnum, Fœtus: Hi contra jure, non ex re, sed propter rem, percipiuntur, ut usura, vectura, pensio ædium locatarum.

Fructus Naturales subdividuntur 1. in *mere naturales*, qui sponte sua, sine hominis industria, proveniunt, ut Poma, Fœnum: & *Industriales*, qui hominis industriam requirunt, & sine ea non producuntur, ut Segetes. 2. Sunt vel Consumti, vel Percepti, vel Extantes. *Consumti* dicuntur, qui non sunt penes eum, qui illos percepit. *Percepti* dicuntur, qui separati a solo, etiamnum sunt penes possessorem. *Extantes* dicuntur, qui in re sunt.

Causa, est omnis utilitas, quæ circa rem spectatur: itaque & fructus complectitur, & partum ancillæ, qui non est in fructu, & alia commoda.

Accessionis verbum latissime patet, ac superiora quoque complectitur: nam, usura sorti, fructus fundo, vel pecori accedunt: similiter Causa alicui rei principali, ut partus ancillæ, accedit. Sunt autem ea, quæ accedunt, in multiplici differentia. Quippe, quædam ex re proveniunt, ut fructus, & partus ancillæ: alia extrinsecus accedunt, vel ex conventionem, ut usuræ, & vectura navis, aut currus, & pensiones prædiorum locatorum: vel sine conventionem, ut quod per alluvionem fundo accedit, & cum ususfructus ad proprie-

prietatem reddit, morte, vel capitis diminutione fructuarij. Verba igitur, *de omnibus accessionibus*, generalia sunt, & priorem Rubricæ partem concludunt.

Mora, est culpa ejus, qui non solvit, quod debet solvere, vel oblatum non accipit, quod debet accipere. Fit igitur vel per Debitorem, vel per Creditorem.

Moram non facit, qui justa causa ad judicium provocat. *Mora purgatur*, posteriore adversarii mora; veluti, si debitor, qui in solvendo moram commisit, postea creditori offerat, & is nolit accipere.

Titulus 2.

De Nautico Fœnore.

Fœnus Nauticum est, quod ex pecunia trajectitia, quæ periculo creditoris trans mare vehenda creditur, debetur. Est igitur in hoc contractu, contra naturam mutui, sors periculo creditoris, atque licet fœnus nauticum stipulari, ut singulis mensibus præstetur pars centesima, & durat hoc fœnus, quoad periculum desinit: sublata enim causa fœnoris, ipsum fœnus tollitur, & succedunt usuræ vulgares.

Proinde ex hoc contractu, Nautæ certa summa mutuo datur, illo pacto adjecto, ut periculum sortis interea sit creditoris, & debitor non aliter solvat promissas usuras, quam si navis salva redierit.

Periculum non est creditoris, si debitor merces illicitas transportet, & omnes confiscentur; aut, si non servaverit legitimum & consuetum navigandi usum.

Cum pecunia trajectitia, affinitatem habet *Pecunia Cambialis*, *Wechsel-Geld* / quæ dari solet propter periculum itineris infesti, pro pecunia in cambium transcripta.

*Titulus 3.***De Probationibus, & Præsumtionibus.**

Probatio, est actus judicialis, per quem de re dubia
& controversa, Judici fides fit.

Probatio proprie dicta, fit vel per Testes, vel per Instrumenta; atque possunt simul jungi hi modi diversi, ut, dum quilibet eorum per se est imperfectus, omnes simul plene probent:

Nam, quæ non profunt singula, multa juvant.

Relevant ab onere probandi, Indicia, confessio Adversarii, jusjurandum, evidentia facti, fama cum aliis adminiculis juncta, & firma præsumptio.

Probatio, est vel Plena, vel Semiplena, vel minor Semiplena.

Plena Probatio est, quæ per se sufficienter probat; ut per Testes, vel Instrumentum. *Semiplena* est, quæ per se non probat, nisi aliis adminiculis juvetur, sed Judicem inducit ad deferendum jusjurandum; veluti probatio per scripturam privatam, aut unum testem. *Minor quam Semiplena* est, quæ non sufficit ad hoc, ut Judex jusjurandum deferre debeat.

Ei probatio incumbit, qui affirmat, non, qui negat: negationis enim puræ, nulla est probatio. At negatio, quæ circumscripta est loco, tempore, vel alia circumstantia, aut adjuncto, optime potest & debet probari.

Vt Actor suam intentionem, ita Reus suam exceptionem, seu defensionem, probare debet.

Monumenta publica majorem fidem faciunt, quam testes.

Præsumptio, quæ & *Suspicio* interdum vocatur, est opinio, aliquo modo suffulta, de re incerta, non probata;

bata. Sive: Est probabilis conjectura, ex certo signo proveniens, quæ, alio non adducto, pro veritate habetur.

Differt a Probatione, quia per legitimam probationem res fit certa, per præsumtionem, manet dubia. *Differt a Fitione*, quia, quod fingitur, semper est falsum: quod vero præsumitur, plerumque est verum.

Præsumptio, alia est *Hominis*, alia *Legis*; illa fit ab Homine; hæc, est Legis opinio, qua Lex aliquid pro vero præsumit, & ante capit, donec probetur contrarium.

Titulus 4.

De Fide Instrumentorum.

Instrumenta, dicuntur scripturæ, quibus aliquid probatur.

Instrumentum, est vel Publicum, vel Privatum.

Publicum Instrumentum est, quod habet publicam auctoritatem, quia vel a persona publica, vel saltem jussu personæ publicæ, ut Judicis, factum est. Talia sunt: Scriptura censualis, literæ salvi conductus, instrumenta a tabellionibus conscripta.

Privatum Instrumentum est, quod, auctoritate privata, fit a privata persona, uti Calendarium, Codex rationum, Chirographum.

Instrumentum Authenticum est, quod per se est perfectum, & probat, nec ex alia scriptura pendet.

Scheda est, per quam prima quasi lineamenta ducuntur, ut inde authenticum facilius conficiatur.

Exemplum est, quod descriptum est ex authentico.

Index est, qui authentici sententiam, brevius conceptam, continet. *Annotationes*, seu *Subnotationes* sunt, in quas nonnulla, memoriæ causa, notantur: ut nomina debitorum, aut debitæ quantitates.

Instrumentum αὐτόχειρον, sive ὁλόγραφον est, quod totum propria manu scriptum est. *Επερόχειρον* est, quod scriptum est omnino per alium; aut scriptum est, partim manu propria, partim per alium, ut cum testator tantummodo nomen heredis scribit in testamento.

De Probatione, quæ per Instrumenta fit, notandum:

1. In Instrumento a Tabellione conscribendo, hodierna praxis octo requirit: Nempe, Invocationem Nominis Divini; Annum a Christo nato, vel incarnato, prout consuetudo loci exigit: Romanam Indictionem: Mensem & diem rei gestæ: Nomen Imperatoris aut Principis, in cujus ditione Instrumentum fit: Rerum gestarum seriem: Nomina testium: Subscriptionem, & Signum tabellionis. His adhibitis, plene probat, & ei statur, nisi probetur contrarium.

2. Scriptura privata non probat pro scribente, sed contra scribentem. 3. Index, vel Exemplum, plene probat, si publica autoritate sit ex authentico descriptum, vel cum authentico collatum, quod vulgo vocant *Vidimatum*; quoniam is, qui cum authentico contulit, ad fidem hujus collationis faciendam, subscribere solet verbum *Vidimus*.

Quod ad *Interpretationem Instrumenti* attinet, sciendum est, ea stricti esse juris, nec recipere extraneam interpretationem, sed illam ex verbis desumi; quod illis non continetur, hoc pro omisso haberi.

Instrumentis varia Exceptiones opponi possunt, quæ partim a causarum, partim a productionis vitio sumuntur: uti, quod non sit ab idoneo Notario factum: quod aliquid ex solennibus omissum: quod non debito modo signatum: quod cancellatum, rasum, innovatum

quod

quod sibi ipsi contrarium: quod aliqua in parte falsum: quod non rite productum, aut publicatum; & alia multa.

Instrumento amisso, obligatio, eo contenta, non extinguitur, nec est inutilis, si aliis quibuscunque modis probari possit.

Titulus 5.

De Testibus.

T*estis* est, qui de aliquo facto controverso, testimonium dicit, vel alicui actui adhibetur, ut possit de eo, quandocunque opus erit, testimonium dicere.

Testimonium, est ipsius testis assertio.

Possunt omnes testimonium dicere, nisi jure prohibeantur: & coguntur, nisi justam ob causam excusentur.

Testimonium dicere jure prohibentur, Impuberes ob lubricum consilium, & quia ætas illa ad jusjurandum, sine quo testi non creditur, admitti non potest: item furiosi, muti, surdi, cæci, damnati publico judicio, qui in vinculis custodiave publica detinentur; quæ palam quæstum corpore fecerit; qui, ob testimonium dicendum, vel non dicendum, pecuniam accepisse judicatus, vel convictus fuerit, &c.

Excusatur a testimonio dicendo, nec cogitur invitus quis testimonium dicere in socerum, generum, vitricum, privignum, sobrinum, sobrinam, & horum filios; item, in patronum, libertum, maritum, uxorem, aut horum liberos, scilicet iis casibus, quibus aliqui testimonium dicere possunt; nam, quando prohibentur, non est opus excusatione, cum ne volentes quidem admittantur, ut, Parentes & Liberi in infinitum, item in propria quisque causa; in transversalibus vero excusatio necessaria est, nam, volentes
ad-

admittuntur, etiam intra tertium gradum. Inviti quoque testimonium dicere non coguntur, senes majores 70. annis, valetudinarii, milites, qui Reip. causa absunt, vel quibus venire non licet, ut in carcere, aut alio impedimento justo, publico, vel privato, detentis.

Antequam Testes testimonium perhibeant, jurare coram judice debent, se de omnibus ad causam pertinentibus, de quibus interrogabuntur, dicturos, quod noverint, & neque verum aliquid celaturos, neque falsum admixturos.

Testes tantum testificari debent super articulis propositis. Cum enim super his tantum jurent, non creditur iis velut injuratis, si de alia re, quam quæ articulis comprehensa est, testentur.

Testes post litem contestatam demum producendi sunt, nisi cum ad æternam rei memoriam examinantur, aut alia justa causa, puta valetudinis, senii, peregrinationis, accelerationem examinis urget.

Producuntur Testes sumtibus producentis, citata parte adversa, nec plures, quam causæ utilitas exigit. Sufficiunt regulariter duo, nisi lex plures requirat.

Non omnes Testes æque fidem faciunt; sed alii majorem, alii minorem; quod Judex ex testium numero, & qualitate, & ex testimonii probabilitate, judicabit. Majorem autem fidem facit *viva vox* testis, quam testimonii recitatio; idcirco opus est, ut ipse Judex testem examinet.

Titulus 6.

De Juris & Facti Ignorantia.

Ignorantia, generatim accepta, complectitur Errorem, Titubationem seu Dubitationem, & Ignorantiam

tiam proprie dictam. *Errat*, qui opinionem habet veritati contrariam. *Dubitat* aut *titubat*, cujus mens inter scientiam & errorem hæsitat, nec dum alterutrum ex duobus contrariis elegit. *Proprie ignorat*, cujus animam cogitatio de realiqua non subit.

Ignorantia Facti est, quando, quod in casu vel natura contingenter positum est, accidisse ignoratur: ut, si nesciam, mortuum esse illum, cujus mihi lege obvenit hereditas; aut, testamentum ab eo conditum esse.

Ignorantia Juris est, cum quis jus suum ignorat; uti, si quis nesciat, fratrem suum decessisse, ignorantia facti est: si vero sciat defunctum esse, opinetur vero illius uxorem in successione sibi præferri, juris est ignorantia.

Regulariter Ignorantia Facti excusat; Ignorantia vero Juris non excusat: nam, in iis, quæ facti sunt, etiam prudentissimi viri falluntur: jus vero finitum est, & certum, atq; omnibus notum esse debet.

DIGESTORVM LIBER XXIII.

Titulus I.

De Sponsalibus.

Sponsalia, sunt mentio, & repromissio futurarum nuptiarum, dicta a spondendo, quia moris fuit veteribus, stipulari, & spondere futuras uxores; sed hodie nudo consensu fiunt.

In Sponsalibus *Consensus* requiritur contrahentium, & cæterorum, quorum in nuptiis desideratur. *Contrahi non possunt a minoribus 7. annis; possunt vero*

vero inter præsentes, vel inter absentes, ut per nuncium, vel per epistolam; item, vel in diem, vel sub conditione; nec non per verba de futuro, veluti: Ego te in uxorem accipiam: aut, per verba de præsenti, veluti: Ego te in uxorem accipio. Hæc verba, de præsenti, si proferantur ab impuberibus, faciunt vera sponsalia, quia, cum non possit matrimonium ab impuberibus contrahi, resolvuntur, juris interpretatione, in Sponsalia de futuro. Cum autem proferuntur a puberibus, non faciunt Sponsalia, sed matrimonium, quia matrimonium non concubitu, sed solo consensu efficitur.

Titulus 2.

De Ritu Nuptiarum.

Matrimonium, est viri & mulieris conjunctio, individuum vitæ consuetudinem continens. Intelligitur autem animorum potius conjunctio, quam corporum; nuptias enim non concubitus, sed consensus facit.

Ad justas Nuptias requiritur: 1. ut contrahentes sint Cives Romani. 2. Vt sint puberes. 3. Vt consentiant omnes, hoc est, tam ii, qui contrahunt, quam in quorum sunt potestate. 4. Vt non prohibeantur ex jure consanguinitatis, vel affinitatis. 5. Vt contrahentes natura non sint inidonei ad liberos procreandos: quia finis matrimonii est procreatio liberorum. 6. Vt speciali lege non prohibeantur nuptiæ.

Etsi pater liberos, quos habet in potestate, non potest cogere ad nuptias; tamen matrimonium optime valet, quod ex sola reverentia in patrem, filii ini-
verunt.

Si pater sit furiosus, contrahetur matrimonium coram Præside, & nobilioribus in familia, hi enim defectum, qui in patre est, supplebunt.

Titulus 3.

De Jure Dotium.

DOS, est pecunia, nuptiarum causa data: ubi verbum, *Pecunia*, late accipiendum est, pro quacunque, quæ est in patrimonio.

Dos est vel *Profectitia*, vel *Adventitia*. *Profectitia* est, quæ a patre, vel avo paterno profecta est, de bonis, vel facto ejus. *Adventitia* est, quæ aliunde, quam a patre, aut avo paterno, uti a matre, vel extraneo, imo etiam ab uxore, obvenit.

Dotare tenetur Pater, si sit filia inops, si ve locuples, si ve sua, si ve emancipata; non vero si turpiter vivat: pariter & Avus paternus, qui in potestate habet Neptem; imo & Mater, vel Avus maternus, si liberi nec patrem, nec bona habeant, unde dotari possint. Quin & Frater, si sit germana.

Titulus 4.

De Pactis Dotalibus.

NON solum Conjuges, sed & Parentes, & Extranei, qui dotem dant, *pacisci* possunt licite, modo nihil pugnet cum essentia dotis, bonis moribus, & legibus. Extranei vero, si non paciscantur sibi reddi dotem, eam, soluto matrimonio, repetere non possunt.

Alia pacta *ad voluntatem* pertinent, i. e. pro libitu apponuntur, vel omittuntur: veluti, ut mulier dote promissa se alat, aut certam summam viro præstet, & ab

ab eo alatur; alia, *ad jus dotis* pertinent, veluti, quemadmodum dos petatur; quemadmodum redatur; quæ non sempervalent. Nempe, non valent, cum deteriore causam dotis, vel mulieris faciunt.

Titulus 5.

De Fundo Dotali.

Lex Julia *Prædium dotale*, invita muliere, tam alienari quam pignerari prohibuit, idq; propter fragilitatem sexus, maritorum suasionibus aut minis facile credendis obnoxii; ea consentiente, alienari permisit, non etiam pignerari. Noluit enim Lex, etiam consensu mulieris, posse fundum ejus obligari, quia facilius oppignorationi, quam alienationi assensura credebatur. Est nimirum tenax foeminarum genus, nec perinde rerum suarum distractionem facile admittit, atque obligationem. Justinianus utrumque prohibuit, siue mulier consentiat, siue dissentiat.

Prædium dotale, intelligitur tam urbanum, quam rusticum.

DIGESTORVM

LIBER XXIV.

Titulus 1.

De Donationibus inter Virum
& Vxorem.

Simplex Donatio, inter Virum & Vxorem facta, non valet; ne conjuges mutuo amore invicem spoliarentur, a donationibus abstinentes, &, ut potius liberis procreandis studeant, quam quærendæ pecuniæ.

Donat.

Donatio non valet, quia scilicet donanti permit-
titur, ut possit pœnitere, & eam revocare, si hæc dona-
tio donantem pauperiorem, & accipientem locuple-
torem fecit; heres autem, donantis illius, qui eadem
voluntate retenta defunctus est, donationem revocare
nequit.

Tacite confirmatur inter Conjuges facta donatio,
si, ea nondum revocata, donator decesserit. Quæ au-
tem *quingentos aureos* excedit donatio, non aliter
in eo, quod excedit, confirmationem meretur, quam
si expressa morientis contestatione, vel facta in actis
insinuatione, sit stabilita.

Titulus 2.

De Divortiis, & Repudiis.

Repudium, fit inter Sponsos proprie, cum matri-
monium nondum est consummatum: *Divor-
tium* est, quo, matrimonium plene perfectum, sol-
vitur.

Inter *Causas Repudii*, potissimum recensenda est, si
quis ignorans duxerit ab alio vitiatam, vel incurabilis
morbus intervenerit, quo quis redditur ineptus ad
conjugium.

Divortium Jure Civili, fit vel ex communi consen-
su, vel unius voluntate, ob causam jure probatam.

Novissime Justinianus Nov. 117. matrimonium,
sine justa causa, mutuo consensu dissolvi vetuit; ex cau-
sa vero castitatis, & vitæ cælibis, id permittit. Di-
vortio, secundum Jus Civile, dissolvitur matrimoni-
um: secundum jus Canonicum, non solvitur matri-
monium, sed inducitur thori separatio, idq; vel in per-
petuum, vel, ad certum aliquod, & definitum tem-
poris spatium.

*Titulus 3.***Soluto Matrimonio, Dos quemadmodum petatur.**

DOs olim soluto matrimonio repetebatur, modo, Rei uxoriæ actione, modo, Actione ex stipulatu. Sed Justinianus, sublata Rei uxoriæ actione, constituit, ut semper repetatur ex Stipulatu; ita, ut si stipulatio non fuerit expressa, a lege suppleatur, ac tacite intelligatur fuisse adhibita. Præterea constituit, dotem, si in rebus immobilibus consistat, confestim restitui; si in aliis rebus, intra annum reddi, & ut maritus condemnatur, in quantum facere potest.

In quæstione, *Cui detur dotis repetitio?* sic distinguitur: aut Pater puellæ dotem dedit, aut Extraneus aut ipsa mulier. *Primo casu* pater repetit, licet sibi reddi stipulatus non sit, quia tacite stipulatus intelligitur. *Secundo casu*, si Extraneus nominatim sibi reddi pactus est, ipse repetit; sin minus, ipsa mulier tacite stipulata intelligitur, eique dos restituenda est quemadmodum & *Tertio casu*.

Mulier, vel ejus filii, non vero alii illius heredes præferuntur omnibus creditoribus mariti, sive expressam, sive tacitam creditores alii habeant hypothecam.

Cessat Dotis repetitio, ex pacto, item, si maritus non sit solvendo: nam, non tenetur ultra quam facere potest, ne ipse egeat; porro, si res perierit, si culpa mariti; denique, si adulterium, desertio, aut aliud aliquod mulieris grave delictum, divortio causam dederint.

DIGESTORVM

LIBER XXV.

Titulus 1.

De Impensis in Res dotales factis.

Impensas modicas, in res dotales factas, Arbitrarius in hoc iudicio non curabit, sed eas tantum, quæ sunt alicuius momenti. Hæ, si Necessariæ, sine quibus res interirent, vel deteriorarentur, ipsam dotem minuunt. Si sint Utiles, quæ rem meliorem faciunt, exigí possunt, & earum nomine deductio fiet, cum voluntate mulieris sunt factæ. Si autem sint Voluptuariæ, quæ speciem tantum exornant, non exiguntur, sed tolli possunt. si profuturæ sint marito; vel, si mulier non permittat tollere, solvi debent.

Titulus 2.

De Actione Rerum amotarum.

Si Coniux Coniugi, divortii consilio, furtum faciat, licet vere furtum sit, tamen, ne quidem divortio secuto, furti actio datur; quia matrimonii, etiam præteriti, reverentia, famosam actionem, ob id, quod tempore matrimonii factum est, excludit. Sed, stante matrimonio, res condici potest: post divortium, rerum amotarum agere licet.

Amotæ dicuntur res, quæ surreptæ, & celatæ sunt, vel venditæ, donatæ, aut quoquo modo consumptæ.

Non venit in hoc iudicium ulla poena, sed id duntaxat, ut Res restituantur.

In hoc iudicio Res aestimantur, quanti fuerunt eo tempore, quo amotæ sunt; quin, & ejus quod interest actoris, ratio habetur.

Quaquam vero actiones pœnales hoc casu in Conjugibus cessant, Judex tamen ex officio, ut alia delicta, ita & hoc coërcere potest.

Titulus 3.

De agnoscendis, & alendis Liberis, vel Parentibus, vel Patronis, vel Libertis.

SCto Planciano (alii Plautianum vocant,) cautum est, ut, facto divortio, si mulier putet, se ex eo matrimonio prægnantem esse, intra dies 30. marito, vel patri ejus, vel, si copiam eorum non habeat, domum denunciare possit, (domum intellige hospitium, si in civitate habitet, vel ubi larem matrimonio collocavit, si extra urbem degat;) se ex eo prægnantem esse. Hac denunciatione facta, si maritus nolit partum agnoscere, contra denunciare debet, eam non esse ex se prægnantem; aut custodes mittere: alioqui, si id non fecerit, partum agnoscere cogetur.

Est ergo officium Parentum, ut filios agnoscant, & alant; adeo, ut, si alimenta denegent, eos necare videantur. Sed & vice versa, si parentes egeant, Liberi eos pro modo facultatum alere tenentur. Item Patroni egentes, & liberi eorundem, a Libertis pro modo facultatum sunt alendi. Imo & Patronorum Parentes, si egeant, & liberi non supersint, a quibus alantur, a libertis ali debent. Contra, Libertum quoque inopem, Patronus, si possit, alere jubetur; alioquin perdit jus patronatus.

Alimentorum nomine, non modo victus, sed cætera quoque onera, & vitæ necessitates comprehenduntur.

Titu-

Titulus 4.

De inspiciendo Ventre, custodiendoque Partu.

EX Rescripto Divorum Fratrum, *si mulier, a viro divertens, neget se esse ex eo prænantem*, maritus autem prænantem asserat, tres obstetrices eo postulante mittuntur, quæ ventrem inspiciant, & si vel omnes, vel duæ renunciaverint, prænantem videri, perinde custos illi adhibetur, ac si ipsa hoc desiderasset,

Ex Edicto Prætoris, *si mulier, mortuo marito, prænantem se esse dicat*, & his, ad quos ea res pertinet, id denunciaret, possunt ii mittere mulieres, quæ ventrem inspiciant, & viros, qui custodiant. Partus quoque editus, iis ostendendus est.

Titulus 5.

Si, Ventrìs nomine, Muliere in possessionem missa, eadem possessio dolo malo ad alium translata esse dicatur.

Mulier prænans, mittitur ventris nomine in possessionem, ob favorem partus. Prætor autem coercet dolum & calumniam mulieris, quæ ventris nomine in possessionem missa est. Atq; si dolo malo possessionem in alium transtulit, dat adversus illam, patremque, qui ipsam in potestate habet, Actionem in factum, in quantum Actoris interest, admissum alium in possessionem non fuisse. Sed & eum, qui in possessionem admissus est, decedere jubet.

Titulus 6.

Si Mulier, Ventris nomine, in possessione calumniæ causa esse dicatur.

C*Alumniam mulieris* Prætor quoq; coërcet. Quia, si per calumniam, quasi prægnans, cum sciret se non esse prægnantem, voluit in possessionem venire, in eam, vel parentem ejus, Actionem in factum dat, ei, cujus interest, mulierem in possessionem missam non esse.

Titulus 7.

De Concubinis,

C*oncubina* est, quæ, cum uxor non sit, cum aliquo tamen vivit, & uxoris loco in domo est, ac corpus miscet.

Concubina quodammodo uxorem legitimam imitatur. *Differt autem Concubinatus a Matrimonio :*
 1. Quia uxor, dignitate præstat concubinæ. 2. Nuptiæ sunt omni jure permissæ, concubinatus vero est quidem Jure civili veteri & Justiniano, l. 3. §. 1. h. t. permissus, modo quis, nec uxorem cum concubina, nec plures concubinas habeat, Nov. 18. c. 5. At, Novella Leonis, 91. & jure Canonico, dist. 34. c. 7. est prohibitus. 3. Nuptiæ, sunt divini & humani juris communicatio; quod de Concubinatu dicendum non est. 4. Matrimonium sine justa causa dissolvi nequit; Concubinatus pro lubitu dissolvitur, quia nulla lex solvere prohibet. 5. Filii matrem quidem semper certam habent, patrem autem certum non habent, nisi ex justis nuptiis sint suscepti. 6. Filii ex justis nuptiis, sunt Legitimi, & in potestate patris,
 ex

ex concubinato suscepti, sunt naturales tantum, & sui juris.

Concubinas plures habere, improbatum est, uti & illud, consuetudine uti ejus, quæ in patris aut filii fuit concubinato; quia nefaria est hujusmodi conjunctio, quæ nemini concedenda.

DIGESTORVM LIBER XXVI.

Titulus 1.

De Tutelis.

T*utela*, est vis, & potestas, in capite libero, ad tuendum eum, qui, propter ætatem suam, sponte se defendere nequit, jure civili data ac permessa.

Tutela alia est *Testamentaria*, quæ Testamento; alia *Legitima*, quæ a Lege; alia *Dativa*, quæ a dante & decernente Magistratu, qui summus quasi Tutor est, defertur.

Dicitur & alius *Tutor Administrans*, seu Verus; alius *Honorarius*, testamento scilicet datus, (nam Lex aut Judex ejusmodi Tutorem minime constituit,) cui nulla incumbit administratio, sed tantum honoris causa interponitur: velut persona dignior, & honoratior, quam pupillus præ reliquis timeat, & revereatur, &, qui sit velut inspector & observator totius administrationis, vulgo, *Supremum Tutorem*, nominant.

Tutor regulariter debet esse *masculus*, non *fœmina*, sed, ex speciali privilegio, propter naturalem affectionem, Mater & Avia ad tutelam admittuntur, scilicet quamdiu in casta viduitate permanent; contractis

enim secundis nuptiis, vel pudore prostrato, desinunt esse ipso jure tutrices.

Titulus 2.

De Testamentaria Tutela.

T*utela Testamentaria* est, cum parens, liberis impuberibus, ejus potestati subjectis, post suam mortem non recasuris in alienam potestatem, sed futuris sui juris, vel suis posthumis, id est, qui in eadem causa essent, si vivo parente nascerentur, tutorem dat in testamento, vel codicillis, testamento confirmatis.

Testamento Tutores dari possunt ii, quibuscum est testamenti factio; hoc est, qui ex testamento capere possunt.

Horum Tutorum causa prima est, atque, iis constitutis, Legitima tutela cessat; quin & satisfacere non coguntur, quia iudicio testatoris probati videntur.

Titulus 3.

De Confirmando Tutore, vel Curatore.

S*i Tutor Filio Emancipato, aut Curator, a Patre datus sit*, datio Tutoris vel Curatoris ipso jure non valet, sed decreto Magistratus confirmanda est, etiam sine inquisitione, an sit idoneus.

Datus a Matre vel Extraneo Tutor, nec sine inquisitione, nec, nisi instituto heredi datus sit, confirmari debet.

Interdum etiam a patre datum Prætor reprobatur, si nimirum aut ea de tutore comperta habeat, quæ testatorem latebant; aut ipse pater, qui tutorem testamento dedit, voluntatem postea mutavit.

Titulus 4.

De Legitimis Tutoribus.

Cessante Tutela Testamentaria, locus est *Legitima*, quæ, ipso jure defertur: & quidem, *velex verbis legis 12. tabb.* ut tutela proximorum Agnatorum; vel, *ex mente ejusdem legis*, ut Patronorum, erga Libertos, & Parentum, erga liberos emancipatos; vel, *ex novo jure*, ut Fiduciaria. Per hanc, defuncto Parente, qui filii emancipati tutor est, non quidem legitimus (quia non habebat olim, dissoluta agnatione, spem successionis, nisi eam solemnibus pactio- nibus reservasset,) sed quasi-legitimus, si Liberi, qui in potestate Patris ad mortem usque fuerunt, perfectæ ætatis existant, Fiduciarii Tutores fratris emancipati, vel sororis efficiuntur. Sed, nunc legitima Tutela defertur ex *Nov. 118. c. ult.* his, qui ad legitimam successionem vocantur: ita, ut pari ordine vocentur, & ad emolumentum hereditatis, & ad onus tutelæ.

Titulus 5.

De Tutoribus & Curatoribus, datis ab his, qui jus dandi habent: & qui, & in quibus causis specialiter dari possunt.

Si cui, neque Testamentarius, neque Legitimus tutor sit, aut, si quis legitimo Curatore careat, ei competens *Magistratus*, tutorem vel curatorem dat, qui *Dativus* dici solet.

In Urbe, Tutores vel Curatores dant, qui jurisdictionem habent, ut Prætor, vel Præfectus Urbi: *In Pro-*

vincia, is, cui hanc facultatem Lex, vel SC, vel Princeps nominatim concessit.

Tutores vel Curatores dari possunt, qui dantis jurisdictioni subjiciuntur, sive sint patresfamilias, sive filiifamilias.

Titulus 6.

**Qui petant Tutores vel Curatores,
& ubi petantur.**

Pupillo, Tutores petere alii pro libitu possunt, ut Cognati, & Amici: alii petere jubentur, ut Mater, & Liberti: alioquin illa privatur successione, si filius in ætate pupillari decesserit; Liberti vero, a Magistratu puniuntur.

Curatorem, Adultus sibi ipse petit, vel, ejus voluntate, alii quilibet.

Ibi petendi sunt Tutores vel Curatores, unde is, cui dantur, originem ducit, aut ubi facultates ejus sitæ sunt.

Titulus 7.

**De Administratione, & Periculo Tutorum
& Curatorum, qui gesserint, vel non:
& de agentibus, vel conveniendis
uno, vel pluribus.**

DE Administratione Tutorum (quæ eadem suo modo etiam de Curatoribus valent,) notandum:
1. Tutor cogitur tutelam gerere, nisi justa de causa excusetur, alioquin suo periculo cessat: prius tamen, quam gerat, Inventarium rerum pupillarium facere debet. 2. Non solum gerere creditur, qui ipse gerit, sed &, qui alii gerendum mandat, & qui satis a con-
tuto

tutore accipit, rem pupilli salvam fore, eique administrationem committit. 3. Neque utilia prætermittere, neque inutilia admittere debet. 4. Quia plerunque utilius est, per unum, quam per plures, tutelam geri, ideo placuit, eum solum gerere, qui satisdat, rem pupilli salvam fore, aut, quem testator, vel major tutorum pars, vel Prætor elegit: cæteri sunt aut honoris causa dati, qui vocantur Honorarii, aut notitiæ causa, quia patrimonii pupillaris notitiam habent, unde possunt alios tutores instruere. Interdum Tutori electo, adjungitur Curator. Sed, si omnes velint simul gerere, aut inter se tutelam, id est, administrationem, dividere, Prætor iis morem geret.

De Periculo notandum: 1. Periculum tutelæ ad tutorem spectat, ex quo scit, se tutorem datum. 2. Tutor tenetur, si fecit, quod facere non debuit, vel non fecit, quod facere debuit. 3. Aut tutela est indivisa; aut, vel voluntate testatoris, vel Prætoris divisa; aut ipsi tutores sponte sua inter se tutelam dividerunt. Cum tutela est *indivisa*, subdistinguere oportet: aut enim nemo gessit, aut quidam, aut omnes gesserunt. *Primo casu*, omnes æqualiter tenentur, ita, ut pupillo detur electio, contra quem agere velit. *Secundo casu*, prius conveniendi, qui gesserunt, si modo sint solvendo. *Tertio casu*, pupillus habet electionem, conveniendi omnes, vel aliquos. *Si omnes conveniantur*, & una sententia damnentur, periculum divisum est, nec alter pro altero tenetur. *Si aliqui conveniantur*, hi possunt petere, ut actio inter omnes, qui sunt solvendo, dividatur, vel, ut actiones sibi contra alios a pupillo cedantur. Cum autem tutela ex sola tutorum conventionem divisa est, perinde est, ac si indivisa mansisset: quia non debet eorum conventio, præjudicium

cium pupillo facere. Denique, *cum a testatore, vel iudice, est divisa*, pro sua quisque parte tenetur, non pro parte contutoris; nisi quatenus dolo, aut culpa non curavit, eum tanquam suspectum removeri, vel serius id curavit,

De Actione per unum pluresve tutores movenda, vel subeunda, notandum, si tutela sit indivisa, omnes, vel, aliis cessantibus, unum posse agere, vel conveniri. Si vero sit divisa, quemlibet, pro parte sibi commissa, agere vel conveniri debere,

Titulus 8.

De Autoritate, & Consensu, Tutorum & Curatorum.

Autoritas, est species consensus, &, *auctorem fieri*, nihil aliud est, quam probare id, quod agitur.

Si multi sint tutores, tutelâ indivisâ, auctoritas unius sufficit; tutelâ divisâ, singuli debent pro suis partibus auctores fieri; at, si de tutela dissolvenda agatur, puta, si pupillus sit arrogandus, omnium consensus omnino requiritur.

Tutor non potest in rem suam auctor fieri.

Haecenus dicta, ad *Curatores* quoque attinent.

Titulus 9.

Quando ex Facto Tutoris, vel Curatoris, Minores agere, vel conveniri possunt.

Ex Facto Tutoris vel Curatoris, Minor certis tantum casibus habet Actionem, eamque non Directam, sed Vtilem: Veluti, si tutor vel curator pecuniam minoris credidit, & sibi stipulatus sit; vel, ex minoris pecunia rem emit; vel rem minoris locavit.

Minor

Minor contra, Vtili actione tenetur, si tutor vel curator condemnatus sit, aut, si pecunia, quam tutor vel curator mutuo cepit, in rem minoris versa sit; aut, si ex dolo tutoris vel curatoris, minor locupletior factus sit.

Titulus 10.

De Suspectis Tutoribus, & Curatoribus.

Suspectus Tutor vel Curator dicitur, non ex facultatibus, sed ex moribus; suspectus enim est, qui male tutelam gerit, gesturusve esse videtur.

Hec Accusatio est quasi publica, & quivis ad accusandum admittitur. Impuberibus tamen, non permittitur, suspectos tutores facere.

Cause Suspicionis justae sunt, dolus in tutela commissus, & culpa; denegatio alimentorum; item, si tutor repertorium non faciat; si nimis magnos sumtus infumat, aut res pupilli sine justa causa alienet. Est &, cum propter seignitiem, rusticitatem, vel simplicitatem, tutor removetur. At, paupertate quamvis laboret tutor, tamen suspectus non est; adjungi tamen ei Curator ex causa potest.

Pendente suspecti judicio, administratio accusato interdicitur.

Tutor suspectus removetur, vel propter dolum, vel propter culpam: priori casu, notatur infamia, posteriori, non item.

DIGESTORVM LIBER XXVII.

Titulus 1.

De Excusationibus.

Excusatio, est immunitatis allegatio; & est vel communis Tutori & Curatori, veluti propter aetatem

tem majorem 70. annis; aut propter numerum liberorum; vel Curatoris propria, veluti, ne quis cogatur curationem ejus suscipere, cujus tutelam gessit.

Qui se excusare vult, non appellabit, sed, ante inchoatam tutelam vel curam, causas coram Judice, siue unum, siue plures habuerit, intra 30. dies continuos numerandos, a tempore, quo scivit se datum, proponet. Si excusationem proposuerit, eamque Judex rejecerit, licebit appellare.

Titulus 2.

Vbi Pupillus educari, vel morari debeat:
& de Alimentis ei præstandis.

AD personam Pupilli pertinent duo Judicis officia. Primum est, ut judex decernat, ubi pupillus educari vel morari debeat, habita ratione personæ, conditionis, & temporis. Alterum est, ut alimenta minori, a tutore vel curatore præstanda, pro modo facultatum, decernat.

Est autem Pupillus potissimum educandus apud Matrem, nisi Vitricum superinduxerit; aut apud alium ex Necessariis, maxime idoneum, & minime obnoxium suspicionibus. Alimenta sic statuentur, ut non universum redditum patrimonii exhauriant, sed, ut aliquid ex redditu supersit. Solent tamen interdum suo arbitratu pupillum tutores alere, si forte expediat, secreta patrimonii non divulgari.

Titulus 3.

De Tutelæ, & rationibus distrahendis
& Vtili Curationis causa Actione.

Actiones, quibus Tutores & Curatores a Minoribus conveniuntur, plures sunt. Prima est Actio tutelæ

tele Directa, qua tutor finita Tutela rationem administrationis suæ reddere, & reliqua solvere cogitur, ita ut & dolum & culpam præstet, & famæ periculum subeat; quia, ob dolum damnatus, notatur infamia.

Secunda, est Actio de rationibus distrabendis, ex lege 12. tabb. qua Tutor, sive Testamentarius, sive Legitimus, sive Dativus, qui in tutela gerenda rem ex pupilli bonis abstulit, post tutelam finitam, convenitur in duplum, ita ut sit actio mixta, & rei æstimatio duplicata in condemnationem veniat.

Tertia Actio, est Utilis, quæ datur Minori adversus Curatorem, etiam durante curatione, de aliqua particulari causa, non vero, ut curationis rationes reddantur; hæ enim, ante curationem finitam, reddi non debent: nam absurdum esset, rationem administrationis reposci ab eo, qui etiamnum in illa perseverat.

Titulus 4.

De Contraria Tutelæ, & Utili Actione.

Actiones, quæ Tutoribus vel Curatoribus adversus Minorem competunt, *due* præcipue sunt: *Vna, Actio Tutelæ Contraria*, quæ tutori contra pupillum datur, de eo, vel quod pro ratione tutelæ gestæ sibi abest, quia pro pupillo impendit: vel abfuturum est, quia pro pupillo se obligavit. *Altera, est Utilis Actio*, quæ datur Curatoribus cujuscunque generis, & quidem statim, etiam nondum finita cura, adversus Minores, ad omnia ea, quæ in Contraria tutelæ Actione obtinent, dummodo ex officio, & bona fide sumtus facti, obligationesque susceptæ, quamvis infaustum exitum habuere.

Titulus 5.

De eo, qui pro Tutore, prove Curatore
negotia gessit.

Pro Tutore negotia gerit, qui, cum tutor non sit, munere tutoris fungitur, in re impuberis, sive putet se esse tutorem, sive sciens fingat se esse tutorem. Similiter, pro Curatore se gerit falsus Curator, sive putet se esse, sive sciat, se non esse curatorem.

Hic plures Actiones locum habent: 1. Actio protutelæ prætoriam, quæ Minori contra eum, qui pro tutore negotia gessit, etiam durante administratione, competit. 2. Actio negotiorum gestorum, quæ contra eum, qui pro tutore, prove curatore, administravit, Minori competit. 3. Actio Contraria, quæ dictis personis datur adversus Minorem.

Titulus 6.

Quod falso Tutore auctore gestum esse
dicatur.

Falsus Tutor, qui dolo malo auctor factus est, ei tenetur, quem decepit, quique ignoravit, se cum falso tutore rem gerere, in id, quod ejus interest.

Hujus exemplo, datur actio in eum, qui dolo fecit, ut aliquis, falso putans se esse tutorem, auctor fieret. Datur ergo etiam ipsi Auctori, qui inscius, alterius dolo inductus est ad auctorandum.

Titulus 7.

De Fidejussoribus, & Nominatoribus,
& Heredibus Tutorum & Curatorum.

Cum Tutor vel Curator teneatur satisfacere, rem pupilli vel adolescentis salvam fore, certe Fidejussore

jussores ab eo dati, tenentur ex stipulatu. Tunc autem cum eis agi potest, quando & contra Tutorem vel Curatorem potest. *Beneficium Divisionis ex sua persona fidejussores non habent, si plures ab uno tutore dati sint, sed ex persona tutorum habent, si pro multis tutoribus caverunt.*

Tenentur porro, qui per se, vel per alium postulant, aut nominarunt Tutorem vel Curatorem.

Denique tenentur Heredes Tutorum vel Curatorum: atque hi præstant etiam ex sua persona dolum, & latam culpam, de sua vero levi culpa non tenentur.

Titulus 8.

De Magistratibus conveniendis.

SI a personis hætenus expressis, quod pupillorum est, exigi non possit, *Actio Subsidiaria* datur in eos, qui satisfactionem exigere debent, ut Magistratus municipales, & Scribas, si aut satisfactionem non exegerunt, aut non convenienter passi sunt caveri, aut nominarunt minus idoneos.

Hac Actione, Majores Magistratus, ut Prætores & Præfides, non tenentur, quoniam ex aliorum relatione tutores dare, & fidejussores admittere solent.

Si plures sint Collegæ, & omnes sint solvendo, eis datur Beneficium Divisionis, ut singuli pro partibus conveniantur, si modo ex culpa, non ex dolo rei postulentur.

Titulus 9.

De Rebus eorum, qui sub Tutela vel Cura sunt, sine Decreto non alienandis, vel supponendis.

Tutor vel Curator non potest prædia rustica, vel suburbana, sine decreto Prætoris, alienare, vel pignori

gnori sive hypothecæ supponere; quoniam alienatio, vel suppositio ipso jure nulla est, ex oratione Severi. Constantinus hoc jus produxit ad omnes res Minorum, quæ servando servari possunt.

Titulus 10.

De Curatoribus, Furioso, & aliis extra Minores dandis.

Non ut Tutor datur solum Pupillis, ita Curator datur solum Adolescentibus; sed datur etiam furiosis, mente captis, prodigis, mutis, surdis, perpetuo morbo laborantibus, & cæteris, qui rebus suis superesse non possunt; bonis item ventris nomine, & bonis hereditatis jacentis, aut bonis debitoris distrahendis.

Legitimus Curator, furiosi vel prodigi, est Agnatus: sed, si hic non sit idoneus, alius a Prætore datur.

Curatio finitur, cum causa dati Curatoris cessat: veluti, cum furiosus sanitatem mentis, prodigus bonos mores recepit.

Curator interdum datur etiam pupillo, veluti si Tutor non sit idoneus, vel sit ad tempus excusatus; quia tutorem habenti, tutor dari non debet.

Mulieribus etiam olim indiscriminatim Curatores dati fuere, præsertim in solemnibus conjugiorum, testamento condendo, alienationibus bonorum faciendis. Quod, etsi postea obsolevit, tamen in litibus & alienationibus majoribus, etiamnum Mulieres Curatores habere coguntur.

DIGESTORVM

LIBER XXVIII.

Titulus i.

Qui Testamenta facere possunt, & quemadmodum Testamenta fiant.

Testamentum, Justinianus ait dici a testatione mentis: quod sic intelligendum, testamentum derivari a testatione, majoris autem expositionis causa adjici, hanc esse testationem mentis.

Testamentum, est voluntatis nostræ justa sententia, de eo, quod quis post mortem suam fieri velit.

Testamenti factio est juris publici; non utilitate, quia pertinet ad privata patrimonia: sed autoritate; quia nemo potest testari, nisi cui Lex, vel Princeps, nominatim concessit.

Testamentorum olim erant tria genera: *Vnum*, quod Comitibus Calatis coram Populo fiebat, ut pleræque omnes solemnes actiones. *Alterum* minus solemne, quod in procinctu faciebant exituri jam in prælium. *Tertium*, per Æs & Libram dicebatur. Nam, cum sæpe extra tempus Comitiorum homines obire contingeret, inventum est genus testamenti, quod per mancipationem, id est imaginariam venditionem, (mancipare enim vendere & alienare significat,) condebatur, coram quinque testibus, Civibus Romanis puberibus, & libripende, i. e. ponderatore, atque eo, qui familiæ, id est hereditatis, emtor dicebatur. Nam, hæc imaginariæ venditionis solemnitas omnibus fere familiarum translationibus, mutationibus, rerumque majoris momenti mancipationibus

adhibebatur; quod nullam justiore esse alienationem, quam quæ per venditionem fieret, Veteres arbitrarentur. Aliud deinde Testamenti genus, ad evitandas has juris antiqui subtilitates, Prætor per subscriptionem testium invenit, ut, si quis testamentum septem testium signis consignari curasset, perfectum esset jure Honorario testamentum. Sed, hæc genera omnia jampridem exoleverunt, nisi quod solemnitatum vestigia manent.

Testari secundum legem 12. tabb. potest *Paterfamilias*, qui complevit annum ætatis suæ decimum quartum; & *Materfamilias*, quæ complevit duodecimum. *Complevisse* autem videtur, qui extremum diem anni quarti decimi, quæve extremum diem anni duodecimi attigit. *Filiusfamilias* non testatur, ne quidem patre permittente, nisi de peculio castrensi, vel quasi castrensi.

Cum quis in scriptis testatur, debet observare omnes juris solemnitates; quia nemo potest efficere, quo minus leges in suo testamento locum habeant.

Cum quis sine scriptis testatur, valebit testamentum, si testator, coram septem testibus specialiter rogatis, palam heredem nuncupet, ac cætera suæ voluntatis pronunciet.

Titulus 2.

De Liberis, & Posthumis heredibus instituendis, vel exheredandis.

VT testamentum valeat, insuper *Suorum heredum, suorumq; Posthumorum* ratio habenda, ne prætercantur, sed vel heredes instituantur, vel exheredentur.

Suus heres parenti est, qui est in ejus potestate, ita ut nulla sit inter eos persona interjecta, ut filius, & nepos ex filio, post nepotem conceptum, defuncto vel emancipato.

Posthumus proprie dicitur, qui post mortem patris nascitur, vel ex secto ventre extrahitur.

Suus Posthumus est, qui, si vivo parente nasceretur, inter suos heredes futurus esset. Cæteri, sunt Posthumi alieni.

Quasi Posthumus est, 1. qui nascitur vivo parente, post testamentum ejus conditum. 2. Quem testator post factum testamentum adoptat. 3. Qui ante parentis testamentum natus est non suus heres, & post parentis testamentum in locum sui heredis succedit: ut nepos natus vivo filio, eique post testamentum avi superstes. 4. Qui morte avi recidit in potestatem patris. 5. Filius naturalis, quem pater post factum testamentum legitimavit.

Institutus dicitur, quem testator ad hereditatem vocat.

Exheredatus dicitur, quem testator ab hereditate submovet.

Exhereditio olim fiebat, aut *nominatim*, id est, expresso exheredati nomine; veluti: Titius filius meus exheres esto; vel alia demonstratione, quæ vice nominis fungitur; uti: Filius, quem ex Seja suscepi, exheres esto: aut fiebat *inter ceteros*; veluti: Cæteri exheredes sunt. Sed, quamvis olim solos filios nominatim exheredare oporteret, tamen hodie nulla exhereditio valet, nisi nominatim fiat.

Suo herede præterito, testamentum est ipso jure nullum.

Posthumus, vel quasi posthumus præterito, testamentum initio valet; sed, eo nascente, vel in locum sui heredis succedente, rumpitur.

Suo herede sine justa causa exheredato, testamentum ipso jure valet, sed, per querelam inofficiosi, rescindi potest.

Justa exheredationis causa, in posthumum vel infantem non cadit; quia, nec ex sua persona digni exheredatione videri possunt, nec debent alieno odio prægravari.

Titulus 3.

De Injusto, Rupto, Irrito facto Testamento.

T*estamentum injustum est, in quo vel desunt juris solemnities, vel, in quo suus heres est præteritus.*

Testamentum Rumpi dicitur, cum, in eodem statu manente testatore, jus testamenti vitatur. Rumpitur autem, 1. agnatione, vel quasi agnatione sui heredis, id est posthumus, vel quasi posthumus. 2. Posteriori testamento, quod jure perfectum est, licet nemo ex eo heres existat; quia nemo paganus potest decedere cum duobus testamentis; & posterius prævalet.

Irritum fit testamentum, 1. cum testator capite minuitur. Sed, testatore capto ab hostibus, testamentum confirmatur jure postliminii, si in civitatem reversus fuerit; aut lege Cornelia, si ibi decesserit. 2. Fit irritum, si ex eo hereditas non adeatur.

Titulus 4.

De his, quæ in Testamento delentur, inducuntur, vel inscribuntur.

T*ertio modo fit irritum testamentum, si Testator consulto verba testamenti deleverit, aut induxerit,*

rit, aut inscripserit. Delemus, lituris: inducimus, ducta per medios versus linea: inscribimus, novis literis, quibus turbatur scriptura: cancellamus, certis notis scripturam concludentes.

His modis voluntas testatoris in irritum recidit, si id ab ipso testatore fiat, animo revocandi, quæ reliquit. Nam si testator id casu, vel alius quacunque ratione fecerit, voluntas rata manet, ac sufficit verba legi posse.

Aliquibus deletis, cætera salva manent, adeo, ut, deleta solâ heredis institutione, legata nihilominus debeantur, nisi testator voluerit totum testamentum infirmare,

Titulus 5.

De Heredibus instituendis.

Heredis institutio, est ultima voluntas, qua testator suam hereditatem alicui post mortem suam directo confert.

Heredis institutio adeo connexa est cum testamento, eique essentialis, ut nec dari ab homine hereditas extra testamentum possit, nec testamentum sine heredis institutione consistat.

Heredes institui possunt, tam liberi homines, quam servi proprii, vel alieni.

Testator potest, vel unum, vel plures, quocunque vult, heredes facere; atque, cum plures instituuntur, sunt heredes ex partibus æqualibus, nisi testator partes inæquales attribuerit.

Titulus 6.

De Vulgari, & Pupillari Substitutione.

Institutio heredis est, quæ fit primo gradu.

Substitutio, est secundo, vel ulteriore gradu facta institutio.

Omnis substitutio in aliquem casum fit. *Casus*, est incertus eventus, in quem substitutio confertur.

Substitutio dividitur in Vulgarem, Pupillarem, Quasi pupillarem, seu Justinianeam, quam vulgo vocant Exemplarem, & denique Militarem. Etenim qui substituit, aut sibi, aut alteri heredem facit. *Sibi*, duobus modis: id est, vel, si primus heres non erit, & est substitutio vulgaris; vel, si heres erit, & postea heres esse desierit, & est militaris; quia tantum milites ex speciali privilegio possunt ita substituere. *Alteri* substituitur, id est ei, qui non potest facere testamentum; vel propter ætatem, & est substitutio pupillaris; vel propter animi vitium, & est substitutio quasi pupillaris, seu Justiniana, vel Exemplaris.

Titulus 7.

De Conditionibus Institutionum.

Conditio, est adjectio præter subjecti essentiam, actum, ob incertum futurum eventum, suspendens, ita, ut ea impleta actus valeat, deficiente, reddatur inutilis.

Si quæratur, *an sub conditione institui possit heres*, distinguendum inter conditiones, & inter heredes.

Conditio alia Perplexa est, alia Non perplexa. *Perplexa*, uti si quis dicat: Si Titius heres erit, Sejus heres esto; Si Sejus heres erit, Titius heres esto. *Non perplexa*, est vel Possibilis, vel Impossibilis. *Possibilis*, est vel Casualis, quæ a casu; vel Potestativa, quæ a potestate; vel Mixta, quæ partim a potestate, partim a casu dependet. *Impossibilis*, est talis, vel Natura, cui rerum natura obstat; vel Jure, cui Lex, vel boni mores impedimento sunt; vel Facto, quæ quidem in se non est impossibilis, sed tantum personis heredum.

Heres

Heres Suis, in potestate constitutus, nequit sub alia conditione institui, quam potestativa. Quod si vero instituat sub Casuali, vel Mixta, vel Impossibili Conditione, nullius momenti erit institutio, tanquam si esset præteritus.

Extraneus heres institui potest sub qualibet Conditione possibili, etiam difficili, & si hanc non impleverit, hereditatem non acquirit. Conditio vero impossibilis, natura vel jure, habetur pro non adjecta. Institutio, sub perplexa conditione, nullius est momenti.

Possunt quoque plures Conditiones testamento apponi, atque id, vel conjunctim, vel disjunctim. Si conjunctim, omnibus parendum est; si disjunctim, sufficit unam existere.

Titulus 8.

De Jure Deliberandi.

Ills deliberandi est, quo heres, sive scriptus, sive ab intestato succedens, intra certum tempus sibi præstitutum, apud se expendere potest, utrum hereditatem adire, vel repudiare velit.

Olim Testatores deliberationi fere centum dies utiles, aut continuos, præscribere solebant. Sed, si Testator hoc prætermiserit, is, qui jurisdictioni præest, ex Edicto Prætoris, tempus heredi præstituet, non minus centum dierum. Novissime Justinianus constituit, ut non amplius novem mensibus a Judice, nec ultra annum, heres a Principe, impetrare deliberandi causa possit, & ut intra hoc tempus, jus deliberandi non solum Heredi Scripto, vel Legitimo competat, sed etiam ad ejus Successorem, eo intra deliberandi tempus moriente, transferatur: & ut heres omne

periculum vitet, si rerum hereditariarum inventarium fecerit ex præscripto.

Beneficium Inventarii, est beneficium singulare, concessum heredi, ne in damnum incidat, modo legitime Inventarium conficiat.

Ad Inventarium legitime conficiendum, requiritur,
 1. Justum tempus. Est enim a præsentē, intra 30. dies, ex quo delatam sibi hereditatem scivit, inchoandum, & intra 60. dies plene absolvendum. Ab absente vero, qui non est in eo loco, in quo res hereditariæ sunt, vel maxima earum pars, intra anni spatium, a morte testatoris numerandum, inchoari & absolvi debet.
 2. Vt fiat per certas personas, nempe, per tabelliones minimum duos. 3. Vt sint præsentēs, quorum interest, vel, si horum copia esse non possit, tres testes idonei.
 4. Res omnes hereditariæ specificè describendæ sunt, imo & fructus, & aliæ accessiones, quæ postea proveniunt. 5. Vt subscribat heres, vel, si ignarus sit literarum, tabellio ad hoc specialiter adhibendus, signo, manu heredis proposito, coram testibus notis.
 6. Vt circa subscriptionem adjiciatur ab herede, quod nulla malitia sit usus, & quod nihil penes eum remanserit.

Si in conficiendo Inventario peccatum fuerit, corrumpit beneficium, nisi levis aliqua solemnitas sit omissa. Si vero ab herede quid subtractum, vel occultatum sit, in duplum convenietur.

Ex beneficio Inventarii id consequitur heres,
 1. quod non tenetur ultra vires hereditatis. 2. Si superest aliquid, per legem Falcidiam potest deducere quartam ex legatis. 3. Creditoribus primo venientibus potest exsolvere, quin & legatariis ei satisfacere licet. 4. Creditores, qui suum, post emensum patrimonio-

rimonium, non sunt consecuti, supervenientes, ipsum heredem, vel emtorem non possunt convenire, sed creditores, quibus minus juris est, vel legatarios. 5. Heres potest retinere, quicquid in funus, in testamento insinuationem, inventarii confectionem, vel alias necessarias causas, expendit. 6. Id, quod heredi debetur a defuncto, non confunditur, sed heres similis cum aliis creditoribus habet, unicuique ex creditoribus sua prerogativa servata.

DIGESTORVM LIBER XXIX.

Titulus 1.

De Testamento Militis.

Militis, in condendis testamentis, habent propria iura & privilegia. 1. Circa personam: quia mutus & surdus indistincte potest facere testamentum, item filiusfamilias, nec non ex militari delicto capite damnatus. 2. Circa testamentum: quia non solum jure communi, sed etiam jure militari, omissis solemnitatibus regulariter requisitis, miles testari potest, nempe, cum in castris degit, & in expeditione occupatur. Idem potest pro parte testatus, pro parte intestatus decedere: praeterea, silentium ejus, non ignorantis se habere liberos, pro exheredatione habetur; & ejus testamentum, de peculio castrensi factum, non subiacet querelae inofficiosi. 3. Circa Heredem instituendum, & substituendum. Potest enim heredes instituere etiam deportatos, & fere omnes, qui testamenti factionem non habent; & heredem facere ex certo tempore, vel ad certum tempus; substituere
vero

vero etiam ei, qui heres extitit, etiamsi post pubertatem decesserit.

Titulus 2.

De Acquirenda, vel Omittenda Hereditate.

A *Cquirit Hereditatem Extraneus* adeundo, vel pro herede se gerendo: *Suus heres*, ipso jure, si ad jus civile respicias; vel immixtione, si spectes jus prætorium.

Pro herede gerit, qui aliquid facit quasi heres, vel, qui animo agnoscit successionem, licet nihil attingat hereditarium.

Se immiscere dicitur, qui id facit, quo facto, nisi *Suus* esset, pro herede gerere diceretur.

Finis & Effectus aditæ hereditatis est, ut omne jus, quod habuit defunctus, heres acquirat, & ut in eum omnes Actiones transeant, quæ defuncto, & in defunctum, competebant: utque omnia hereditatis onera subire, & creditoribus, ac legatariis satisfacere cogatur, nisi quidem cum Beneficio Inventarii adierit.

Omissio hereditatis, dividitur in Omissionem proprie dictam, Repudiationem, & Abstentionem.

Omittit proprie *Suus*, vel *Extraneus*, qui tempore excluditur. *Repudiat* *Extraneus*, qui profitetur, se nolle fieri heredem. *Abstinet* *Suus*, beneficio Prætoris, cum jure civili sit heres necessarius.

Titulus 3.

Testamenta quemadmodum aperiantur, inspiciantur, & describantur.

T *estamentum* aperiri & publicari debet, intra tertium aut quintum a morte diem, ejusque inspi-

ciendi

ciendi & describendi copia cuilibet postulanti facienda; cum, quia de his, quæ ad testamentum pertinent, neque sine iudice transigi, neque apud iudicem veritas exquiri aliter potest, quam inspectis & cognitis testamenti verbis; tum, quia publice interest, ultimam testatoris voluntatem ad exitum perducere, & quia insuper testamentum est instrumentum publicum.

Si is, penes quem sunt Tabulæ Testamenti, eas inspici & describi non patiatur, ad hoc, officio Magistratus, compelletur: quanquam *Heredi*, ad vindicandas Tabulas, etiam ad Exhibendum, & in Rem Actio competit, & si quis neget se Tabulas habere, Interdicto de Tabulis exhibendis recte convenitur.

Prætoris, aut alterius Magistratus, officium est, ut, cum Tabulæ aperiendæ sunt, cogat Signatores convenire, & sigilla sua recognoscere, vel negare, se signasse. Si quis neget se sigillum suum agnoscere, nihilo minus aperiuntur Tabulæ, quod & fit cum aliquis abest; suspectæ tamen hac ratione Tabulæ evadunt.

Testamenti inspectio ita est concedenda, ut legi possit. Sed Prætor excipit diem & Consulem, quos describi aut inspici non vult, ne falsi committendi occasio detur.

Titulus 4.

Si quis, omiſſa causa Testamenti, ab Intestato, vel alio modo possideat Hereditatem.

Si quis, omiſſa ſucceſſione ſibi ex teſtamento delata, hereditatem alia ratione poſſidet, diſtinguendum: Aut enim titulo univerſali, pro herede, vel pro poſſeſſore,

sessore, possidet; aut particulari, ut pro emptore, pro dote, pro donato.

Qui titulo universali possidet, utili actione prætoriana perinde tenetur legatariis & fideicommissariis, ac si ex testamento successionem accepisset: qua ratione prætor ejus dolo occurrit, qui, in fraudem legatariorum, successionem sibi testamento delatam omisit.

Qui titulo particulari possidet, hac actione non tenetur.

Titulus 5.

De SCto Silaniano, & Claudiano, quorum Testamenta ne aperiantur.

Hereditas vel manet penes heredem, qui eam acquisivit; vel ei aufertur, tanquam indigno. Regulariter manet; tanquam indigno aufertur certo casu. Talis est, si hereditatem quis adierit, vel bonorum possessionem petierit, vel suus heres bonis se immiscuerit, priusquam ex SCtis de familia quaestio habita, ac servi noxii puniti sint. Noxii intelligendi, qui vel necarunt, vel, cum possent, opem non tulerunt. Necatus intelligendus, qui vi, non clam, aut dato veneno, periit. Non tamen, eo clam occiso, delictum impunitum relinquitur; sed tantum tabularum recitatio, & hereditatis acquisitio non differtur: nihilominus quaestio habetur, & supplicium de noxiis sumitur; heredi vero, ut crimen iudicio persequatur, incumbit.

SCto Silaniano, quod C. Cæsare Octavio Augusto, & M. Junio Silano Coss. latum, cautum est, ne testamenti tabulae ejus, qui necatus esse dicetur, ante aperiantur, quam de servis, sub eodem tecto existentibus, vel criminis consciis, vel, qui simul cum do-

mino, puta in itinere fuerunt, quæstio habeatur, & noxii puniantur.

SCtum Claudianum, quod etiam *Neronianum*, ac *Pisonianum* dicitur, & Claudio Nerone Cæsare, ac L. Calpurnio Pisone Coss. factum est, sententiam Silianiani SCti confirmavit, & insuper iussit, viro occiso, de servis uxoris, & uxore necata, de mariti servis, æque haberi, ac de propriis personæ occisæ servis, quæstionem.

Editto Prætoris, quod SCtis accessit, cavetur, 1. ne quid ad causam testamenti pertinens, sciens quis, dolo malo, aperiundum, recitandum, vel describendum curet, priusquam de servis ex SCto quæstio habita, & de noxiis supplicium sumtum fuerit, & ut, qui adversus ea fecerit, teneatur actione populari in centum aureos; cujus summæ dimidia pars accusatori conceditur, altera dimidia confiscatur. Cavetur 2. ne heres scriptus prius adeat, vel se immisceat, vel bonorum possessionem petat, quam quæstio habita sit, & noxii puniti sint: alioquin hereditas tanquam indigno auferenda, & confiscanda.

Titulus 6.

Si quis aliquem testari prohibuerit,
vel coëgerit.

Si quis, dum hereditatem captat legitimam, vel, ex testamento antea facto, prohibuerit quem facere testamentum, vel mutare, D. Hadrianus constituit, denegandas ei esse Actiones, & Fisco locum fore. Idem juris est, si dolo fecerit, ne testes venirent.

Si quis testari coëgerit, id est, si quem coëgerit, ut se heredem faceret, is carebit hereditate, eaque Fisco tribuetur.

Fiscus

Fiscus capit tantum partem delinquentis. Nam, si alii cum illo succedant, ejus factum cæteris inson-
tibus nocere non debet. Quod si igitur indubie
& certo constet, quod testator aliquem heredem esse
voluerit, alterius maleficio ei non nocebit, nec Fi-
scus ex aliena calamitate sentire emolumentum debet.

Maritus, qui non vi, aut dolo, sed maritali sermone,
uxorem sibi ita benevolam reddidit, ut ab ea heres in-
stitueretur, extra poenam est.

Titulus 7.

De Jure Codicillorum.

Codicilli, sunt ultimæ voluntatis instrumentum,
citra hereditatis directam dationem, vel adem-
tionem.

Fiunt Codicilli, aut ex testamento, aut abintestato.
Priori casu, sunt quasi pars, accessio & sequela ipsius
testamenti: *posteriori casu*, vicem exhibent testamen-
ti, id est, sunt quasi testamentum quoddam imper-
fectum, utpote cum hereditas in iis dari vel adimi
non possit.

Codicilli similes sunt testamento: 1. Quia utrumque
est ultimæ voluntatis instrumentum. 2. Quia is pot-
est facere codicillos, qui habet testamenti factionem.
3. Quia utrumque debet fieri uno contextu. 4. Quia
utrumque potest fieri in scriptis, vel sine scriptis.

Codicilli differunt a testamento: 1. Quia nullam
solemnitatem desiderant. 2. Quia quinque testes,
etiam non rogati, in codicillis sufficiunt. 3. Quia
possunt fieri plures codicilli; testamentum vero unus
testatoris necessario unum est, nam posteriori, prius
omnino tollitur.

Testamentum, quod jure testamenti non valet, puta, quia coram quinque testibus factum est, non valet jure codicillorum, nisi testator hoc jussit, apposita *clausula*, quam *codicillarem* appellant. Ea est: Si testamentum meum non valet jure testamenti, valeat jure Codicillorum; atque hæc, institutionis jus, ad causam Fideicommissi trahit.

Codicilli revocantur, aut per subsequens Testamentum, aut Codicillos contrarios. Nam, si diversi tantum sint, utrique sustinentur, sicuti diversa legata; etiamsi posterius testamentum, omni casu semper rumpat prius.

DIGESTORVM LIBER XXX.

De Legatis, & Fideicommissis. i.

Legatum, est donatio, testamento relicta.

Genera Legatorum erant olim quatuor: 1. *Per Vindicationem*, ut, cum his verbis relinquebatur: Do, Lego, Capito, Sumito &c. Hinc nascebatur Rei vindicatio, cum ex reliquis Legatorum formis, tantum Personales actiones darentur. 2. *Per Damnationem*, ut hoc modo relictum: Heres meus damnas esto dare; Dato; Facito; Heredem meum dare jubeo &c. 3. *Stipendi modo*, cum hac videlicet forma legatur: Heres meus damnas esto, sinere Titium sumere illam rem, sibi; habere. 4. *Per Præceptionem*, quod modo solis heredibus recte prælegatur: v. c. Titius illam rem præcipito, i. e. habeto præcipuam. Sed hodie, illorum generum discrimina sublata sunt; cum quibuscunque verbis indifferenter legari possit,

Fideicommissum est, quod precative relinquitur.

Fideicommissorum duo sunt genera: Universale, id est hereditatis; & Particulare, id est singularum rerum.

Differentiæ inter Legata & Fideicommissa plures sunt. Nec obstat, quod Vlpianus ait, per omnia esse exæquata legata fideicommissis; nam, is sermo, tantum ad legem Falcidiam, & quartæ retentionem attinet.

Differentiæ potiores hæ sunt: 1. Legatum fit verbis directis; Fideicommissum precariis. 2. Omne Legatum est particulare; Fideicommissum vero partim est universale, partim speciale, seu particulare. 3. Legata non valent nisi ex testamento; Fideicommissa vero etiam ab intestato relinqui possunt. 4. Fideicommissi proprium est, ut, qui præsens a testatore rogatur, omnimodo fideicommissum solvere cogatur nisi juret, se non fuisse a testatore rogatum.

Primo hoc Libro Digestorum, de Legatis & Fideicommissis, agitur potissimum de Rebus legatis. Legari autem possunt res omnes, quæ sunt in commercio, dummodo non sint ipsius legatarii: item legantur tam corporales, quam incorporales. Imo, legari possunt etiam ea, quæ non sunt in rerum natura, modo fore sperentur, uti sunt futuri fructus.

DIGESTORVM LIBER XXXI.

De Legatis, & Fideicommissis. 2.

L*ibro Secundo agitur de Personis.*

Legare potest, qui testamentum facere potest: atque hoc non solum obtinet in legato, quod ex testamento valet, sed etiam ex fideicommisso.

Illis legari potest, quibuscum testamenti factio est; item legari potest vel uni, vel pluribus, iisque aut conjunctim, aut disjunctim.

DIGESTORVM LIBER XXXII.

De Legatis, & Fideicommissis. 3.

T*ertius liber ad Verborum Significationes attinet. Notandæ igitur Regulæ: 1. A propria verborum significatione non est recedendum, nisi manifesta sit testatoris voluntas. 2. Testatoris voluntas, si de ea constet, verborum proprietati prævalet. 3. Nemo aut sine voce, aut utens vocabulo omnino alieno, potest videri aliquid dixisse: ut puta, qui supellectilem legavit, non potest videri togam legasse.*

DIGESTORVM LIBER XXXIII.

Titulus 1.

De Annuis Legatis, & Fideicommissis.

C*um in singulos annos legatur, ejus legati propria hæc sunt: 1. Plura sunt legata; & primi quidem anni legatum est purum, sequentium conditionale; videtur enim hæc inesse conditio, si Legatarius vivet, & ideo, mortuo eo, legatum sequentium annorum ad ejus heredem non transit. 2. Legatum initio anni debetur: idcirco extremi anni legatum pertinet ad heredem Legatarii, licet non toto anno Legatarius vixerit. 3. Si legatum sit, annua bima, trim: die, binis aut tribus pensionibus solvetur, & quidem æqualibus; nisi alia fuerit testatoris voluntas.*

Similis est expositio Menstrui legati ; puta, quod sunt plura legata, & quod primi mensis legatum purum est, sequentium conditionale, & quod initio singulorum mensium debetur.

Titulus 2.

De Vsu, & Usufructu, & Reditu, & Habitatione, & Operis, per Legatum, vel Fideicommissum datis.

C*ui Vsus legatus est, ipse uti debet, nec facultatem utendi ad alium transferre potest; & ad necessitatem tantum quotidianam modicos fructus, si qui sunt, percipit.*

Is, cui Usufructus legatus est, & omnes fructus percipit, & facultatem utendi fruendi ad alium transferre potest.

Reditus, notat præstationem talem, quæ solet fieri Legatario a Proprietario, cum ipse Proprietarius possidet, & re utitur, fruitur. Vnde, si bonorum meorum reditum omnibus annis uxori meæ dari volo, ad heredem uxoris legatum non transit, sed aut usufructui, aut legato in annos singulos simile, cessat.

Si Habitatio in singulos annos legetur, plura sunt legata, quæ initio singulorum annorum debentur, & morte Legatarii Legatum finitur.

Opera, sive officiorum præstationes, legari possunt, tam liberi hominis, quam servi.

Opera legata locari possunt, atque hoc Legatum, nec capitis diminutione, nec non utendo, nec morte Legatarii finitur; non enim legatarius fructuarii personam sustinet.

Titulus 3.

De Servitute legata.

Servitus prædialis ei tantum legari potest, qui prædium habet, cui acquiratur.

Si a pluribus heredibus servitus legetur, a singulis solidum debetur, quia est individua.

Legatum Servitutis est perpetuum, nec finitur morte Legatarii; quia servitus non est jus personale, sed reale; nec ad tempus ipso jure, sed in perpetuum constituitur.

Titulus 4.

De Dote prælegata.

Cum maritus uxori dotem legat, dicitur dos relegata, quia mulieri redditur, & ad eam revertitur; vel prælegata, quia restitutio dotis repræsentatur, id est, citius dos restituitur propter legatum, quam restitueretur, si legata non esset. Hoc igitur Legatum est utile, quia plenius est, quam Actio de dote.

Titulus 5.

De Optione, vel Electione legata.

Optio ab Electione differt, uti legitimus & solemnibus actus, ab actu vulgari. Sed hodie, sublati veterum solemnitatibus, inter optionem & electionem legatam nihil interest.

Cum Genus legatur, ut homo, vel bos, sive testator optionem electionemve Legatario dederit, sive simpliciter legaverit, electio Legatarii est, ut ex rebus testatoris, quæ illius generis sunt, eligat, quam rem velit,

velit; sic tamen, ut nec optimum eligere possit, nec pessimum accipere cogatur: *semper enim electio est legatarii*, nisi testator electionem heredi concesserit.

Si electio Servi data sit, Legatarius eliget ex servis testatoris, quem volet. *Si in numero multitudinis electio servorum*, non expresso certo numero, data sit, tres eligi poterunt. *Si optio pluribus sit legata*, neque in electione consentiant, sorte res dirimetur, & illius optio prævalebit, in quem sors ceciderit; quod & in pluribus legatarii heredibus obtinet.

Optio ante aditam hereditatem frustra fit; post eam aditam, si cesset legatarius eligere, Prætor decernit tempus, intra quod optandum sit, ne heres, dum in incerto hæret, & quid suum, quid legatarii sit, ignorat, incommodo aliquo afficiatur.

Semel Optione facta, mutare voluntatem legatarius non potest; quia omne jus legati prima optione consumitur.

Optionis legatum, etsi conditionem personæ ad hærentem continet, nec videtur per alium posse impleri, tamen, favore ultimarum voluntatum, *transire illud ad heredem legatarii Justinianus voluit*.

Titulus 6.

De Tritico, Vino, vel Oleo legato.

DE Tritici, Vini, vel Olei legato, notandum
 1. Non expressa qualitate, sed tantum quantitate, puta, centum pondo olei do lego, heres dabit, quale volet; nisi testator electionem legatario dederit.
 2. Non expressa certa quantitate, sed indefinite legato concepto, veluti: Heres meus uxori meæ oleum, acetum, dare damnas esto, id omne debebitur
 quo

quod testator mortis tempore reliquit. 3. Si certa quantitas legetur, ex eo, quod in fundo nascetur, præstabitur, & si minus nascatur, non plus legatario debetur, quam natum erit. 4. Vino legato, tam vinum doliare, quam vinum diffusum debetur, una cum vasis, quæ non ad perpetuum usum reservantur, ut cadis & amphoris. *Vinum doliare* est, quod in doliis servatur. *Diffusum* est, quod ex doliis in vasa, ut cados, & amphoras, diffusum est. *Vinum autem pendens*, significat ipsas uvas, & vindemiam nondum collectam. Plaut. in Trin. Tum vinum, priusquam coactum est, pendet putridum. 5. *Vino veteri* legato, ex usu testatoris legatum æstimabitur; qui, si non appareat, vinum superioris anni, non vinum hornum, legatario debetur. 6. *Vino legato*, id debetur, quod, ex vinea natum, vinum permansit, non zythus, non hydromeli, non mulsum: acetum tamen, & œnomeli, id est vinum dulcissimum, debentur.

Titulus 7.

De Instrueto, vel Instrumento legato.

F*undi Instrueto* legatum, non solum instrumenta continet, veluti Ligones, & Aratra, sed etiam Instrumenta patrisfamilias, quibus in eo fundo instruitor est, ut Mensas, Scamna, Lectos.

Instrumentum Fundi est, quod fructus quærendi, cogendi, vel conservandi causa paratum est, omnisque apparatus rerum diutius mansurarum, sine quibus possessio exerceri nequit.

Titulus 8.

De Peculio legato.

L*egari potest aut Servus, aut Peculium, aut Servus & Peculium, aut Servus cum Peculio, & vel*

legat-

legatur Peculium ipsi Servo manumisso, vel extraneo. Filii quoque familias peculium legari potest vel Extraneo, vel ipsi Filio.

Titulus 9.

De Penu legata.

PAulus JC. in l. 4. h. t. notat, nomen *Penus* omnibus generibus dici. Nam *penus* in masculino genere est secundæ, vel quartæ declinationis; in fœminino, tantum quartæ; in neutro tertię; dicitur etiam in neutro genere *penum* secundæ declinationis, & *penu* indeclinabile.

Penus appellatione, continentur esculenta & potulenta, ad futurum usum recondita, in loco, quem inde *Penarium* vocamus.

Titulus 10.

De Supellectile legata.

Supellex, est domesticum patrisfamilias instrumentum, & omnis res, quæ ad ornamentum ædium, & usum communem familiæ est parata; non argentum, non aurum factum, non vestis.

DIGESTORVM LIBER XXXIV.

Titulus 1.

De Alimentis, & Cibariis legatis.

Alimenta, dicuntur ea, sine quibus corpus ali non potest: ut cibaria, vestitus, habitatio. *Cibariorum* appellatio angustior est, & ea tantum complectitur, quæ

quæ ad cibum quotidianum pertinent, non habitationem, non vestes.

Usq; ad pubertatem relicta alimenta, debentur pueris usq; ad annum 18. puellis usq; ad 14.

Titulus 2.

De Auro, Argento, Mundo, Ornamentis,
Vnguentis, Veste, vel Vestimentis,
& Statuis legatis.

Alrum & Argentum est vel Infectum, vel Factum, vel Signatum. *Infectum* est, quod certam speciem non suscipit, sed est in massa, aut lamina. *Factum* est, quod certam speciem recepit; ut vasa aurea vel argentea. *Signatum* est, quod, publica forma percussum, inter numeratas pecunias refertur. Sed Auro, vel Argento legato, tantum factum, & infectum, non etiam signatum, continetur. *Gemmae* autem, annulis aureis inclusæ, ad legatarium, una cum annulis, transeunt.

Mundus muliebris est, quo mulier fit mundior, & elegantior, ut Specula, Calamistra.

Ornamenta muliebria sunt, quibus mulier ornatur, id est, quæ ad nullam aliam rem, quam ornandi corporis causa parantur: ut Inaures, Armillæ, Annuli non signatorii.

Vnguenta mundo muliebri continentur, præter ea, quibus sanitatis causa utimur.

Vtrum Vestis, an Vestimentum legetur, nihil refert, idem enim significatur. *Ad Vestimenta* referimus, omnia lanæ, lineæ, bombycina, pellicea, quæ induendi, præcingendi, amiciendi, insertendi, injiciendi, incubandive causa parata sunt, & quæ his accessionis vice cedunt, ut infas picturas, & clavos, qui vestibus insuntur.

*Titulus 3.**De Liberatione legata.*

Omnibus debitoribus liberatio legari potest: idque vel expresse, uti si cui legetur, quod debet; aut, si heres petere ac exigere debitum prohibeatur: vel tacite, uti si chirographum sit legatum.

Præterea, liberatio legatur vel *in totum*, vel *pro parte*, & vel *ad tempus*, vel *in perpetuum*.

Legatarius Doli mali Exceptione se tuebitur, si ab herede conveniatur.

*Titulus 4.**De Adimendis, vel Transferendis Legatis, vel Fideicommissis.*

Inutile sit legatum, i. si legatum sit a testatore, quibuscunque verbis, sive in testamento, sive in codicillis ademptum, vel ad alium translatum.

*Titulus 5.**De Rebus Dubiis.*

Fit 2. legatum inutile, si adeo dubium sit, ut dubitatio tolli per commodam interpretationem non possit: veluti, si nomen Legatarii non sit adscriptum in testamento; aut si legatum sit Sempronio amico, & sint duo Sempronii æque amici testatoris.

De Rebus Dubiis notanda Regula: 1. In ambiguo sermone non utrumque dicimus, sed id duntaxat, quod volumus. 2. Ut aliquid dicatur, tam verba, quam mens, & dicendi voluntas, necessaria sunt. 3. Ambiguam orationem interpretari debemus, potius ut actu valeat, quam ut pereat. 4. Voluntates defunctorum non sunt stricte interpretandæ, sed latius & plenius.

Tit

Titulus 6.

De His, quæ Poenæ causa relinquuntur.

Flt 3. *Legatum inutile, si poenæ causa concedatur*, id est, ut heres coërceatur, quo magis, vel quo minus aliquid faciat. Veluti: Heres meus si filiam suam Titio in matrimonium collocaverit, vel, nisi collocaverit, decem Sejo dato. Hujusmodi legatum jure antiquo est inutile; quia legatum favore legatarii, non odio heredis relinqui debet. Sed, Justinianus hoc legatum sustinet, nisi quid probrosum, vel contra leges contineat.

Titulus 7.

De Regula Catoniana.

Regula Catoniana definitum est, quod legata, tempore conditi testamenti inutilia, ex post facto non possint convalescere. Quod enim ab initio nullum est, tractu temporis non convalescit, & tempus testamenti, in legatis est inspiciendum. Proinde, si rem tuam tibi lego, non valet legatum, etiamsi eam postea alienaveris, quia ab initio non valet.

Hec Regula pertinet ad legata pura, eaque, quorum dies a mortis tempore cedit; non ad conditionalia, nec adea, quorum dies demum ab adita hereditate cedit.

Titulus 8.

De His, quæ pro non scriptis habentur.

Pro non scriptis habentur Legata: 1. quæ intelligi non possunt. 2. Quæ relicta sunt damnato in metallum, vel aliis servis poenæ, & deportatis. 3. Si non sit in rebus humanis is, cui legatum est adscriptum,

ptum, vel, si in hostium potestate fuerit. 4. Quæ quis sibi adscripsit.

Titulus 9.

De His, quæ ut indignis auferuntur.

Distinguendum inter Incapaces, & Indignos.

Incapaces sunt, qui, capere non possunt ex testamento: *Indigni*, qui ob maleficium aliquod commissum adversus testatorem, vel testamentum, vel similem causam, privantur emolumento, quod ex testamento sperabant.

Inter alias causas *reddit se quis indignum legato*, si contra Principum mandata duxerit uxorem, ex ea provincia, in qua officium gerit, & uxor testamento aliquid reliquerit. Si tutor pupillam duxerit contra SC. Si quis deprehensus sit id egisse, ut per negligentiam & culpam suam mulier, a qua hereditatem vel legatum sperabat, moreretur. Si quis testamentum dixerit esse falsum. Si quis defuncto maledixerit: &c.

DIGESTORVM LIBER XXXV.

Titulus 1.

De Conditionibus, & Demonstrationibus,
& Causis, & Modis eorum, quæ in
Testamento scribuntur.

Legatum relinqui potest, sub qualibet conditione possibili, eritque ea necessario implenda; impossibilis vero pro non scripta habetur.

Demonstratio est, quæ vice nominis fungitur, nec refertur ad futurum tempus, ut conditio, sed ad præsens

sens : veluti, Stichum, qui meus est, do lego ; vel ad præteritum ; veluti, Stichum, quem a Sejo emi.

Falsa demonstratione vitiatur legatum, si de testatoris voluntate non constet : alias locum habet Regula, quod falsa demonstratio non vitiat legatum.

Causa, hoc loco dicitur, causa præterita procaturistica, sive impulsiva, quæ testatorem impulit ad legatum relinquendum : veluti, Titio, quia negotia mea gessit, decem lego. *Per falsam rationem* legatum non aliter vitiatur, nisi probetur, testatorem alias legatum non fuisse.

Modus, est causa futura seu finalis, quæ testatorem impulit, ad legatum relinquendum : veluti : Lego Titio decem, ut opus faciat. Perit legatum, si legatarius, modo, qui legato adscriptus est, non satisfaciat.

Titulus 2.

Ad Legem Falcidiam.

L*ex Falcidia* est Plebiscitum, lata a P. Falcidio Tribuno plebis, temporibus Augusti, Cn. Domitio & C. Asinio Coss. Duo sunt hujus legis capita.

Primo capite confirmatur legandi facultas, testatoribus data per legem 12. tabb. *Altero capite* limitatur ea facultas, ne testator possit ultra dodrantem legare, ut penes heredem quarta pars maneat salva.

Is, qui intra dodrantem legat, dicitur hereditatem *delibare* : qui ultra dodrantem, *onerare* : qui omnia legat, *exhaurire*.

Quædam de patrimonio prius deducuntur, quam ratio legis Falcidiæ ineatur : ut æs alienum, funeris impensæ, & pretia servorum, in testamento manumissorum.

Titul-

Titulus 3.

Si cui plus , quam per Legem Falcidiam
licuerit , legatum esse dicetur.

S*I dubitetur, an locus Falcidia futurus sit, Prætor le-*
gatario, & heredi succurrit. Legatarius enim ni-
hilominus solidum legatum accipit, sed ita, ut cog-
tur datis fidejussoribus heredi cavere, si apparuerit se
amplius legatorum nomine cepisse, quam lege Falci-
dia capere liceat, se, quanti ea res erit, tantam pecu-
niam daturum, dolumq; malum abfuturum.

DIGESTORVM

LIBER XXXVI.

Titulus 1.

Ad Senatusconsultum Trebellianum.

Quemadmodum heres ex legatis per legem Falci-
diam, ita, per SC. Trebellianum, ex fideicommis-
sis universalibus detrahit quartam, quæ *Trebellianica*
dicitur; vel repetit, si integra hereditas sit soluta. De-
inde per hoc SC. fiduciarius recusans adire, cogi pot-
est ad adeundum officio Judicis: atq; hæc proprie sunt
ex SC. *Pegasiano*, quod factum est, Vespasiani ætate,
Pegaso, & Pusione Coss. quodque a Justiniano trans-
futum est in SC. Trebellianum, conceptum tempo-
ribus Neronis, Trebellio Maximo, & Annæo Se-
neca Coss.

Ex se Trebellianum SC. habet, ut actiones here-
ditarias, tam activas quam passivas, ad fideicommissa-
rium transferat, vel in solidum, vel pro ea parte, pro
qua hereditas restituta est.

Titu-

Titulus 2.

Quando Dies Legatorum, aut Fideicommissorum cedat.

Cedere diem legati dicimus, cum deberi incipit;
Venire diem, cum incipit posse peti.

Dies legati puri cedit a morte testatoris. Dies legati puri venit, cum aditur hereditas, tuncq; dicitur legatum deferri, sive ad legatarium pertinere.

Quod in diem certam legatum est, debetur quidem a morte testatoris, sed ante diem a testatore præscriptum, licet hereditas sit adita, peti non potest.

Legatum Conditionale, vel in diem incertam relictum, neque debetur, neque peti potest, ante conditionem, vel diem existentem.

Effectus Cessionis est, ut legatum debeatur, & ad heredem legatarii, eo nondum acquisito, decedentis, transmittatur.

Effectus Delationis est, ut legatum peti, vel repudiari possit.

Titulus 3.

Vt Legatorum, seu Fideicommissorum servandorum causa caveatur.

Legatorum, seu Fideicommissorum servandorum causa cavendum est, nisi testator cautionem remisit, quotiescunque solutio legati vel fideicommissi differtur, vel, quia dies legati nondum venit, vel, quia conditio pendet, vel, quia heres de legato, seu fideicommissio litigat, quasi debitum non sit.

Caveant autem heredes, & cæteri, qui legatum vel fideicommissum præstare debent, legatario vel fideicommissario, aut ejus procuratori, ut, quibus diebus testa-

testator dari vel fieri voluit, his diebus detur vel fiat, dolumq; malum abfuturum.

Titulus 4.

Vt in possessionem, Legatorum, vel Fideicommissorum servandorum causa, esse liceat.

Si neque de legatis vel fideicommissis cautum sit, cum caveri debeat, neque per legatarium vel fideicommissarium stet, quo minus caveatur; *Prætor, legati, vel fideicommissi servandi causa, hunc mittit in possessionem rerum hereditariarum, quæve dolo malo heredis defuerunt esse hereditariæ. Olim quidem mittebatur in possessionem omnium bonorum, sed hodie secundum quantitatem legati.*

**DIGESTORVM
LIBER XXXVII.**

Titulus 1.

De Bonorum Possessionibus:

Bonorum *Possessio*, est jus persequendi retinendique patrimonii, quod cujusque, cum moreretur, fuit. Sive, est hereditas, ex edicto Prætoris delata.

Bonorum appellatio non hic capitur, deducto ~~vere~~ alieno, ut alias semper, sed comprehendit omnia commoda & incommoda hereditaria: ac tribuit Bonorum *Possessio* dominium rerum quæ in his bonis sunt, si non Civile, saltem Prætorium, non minus ac *aditio* hereditatis ex jure Civili.

Bonorum *Possessio* alia est *Edictalis*, quæ ex edicto Prætoris directo descendit; alia *Decretalis*, quæ
desi-

desiderat speciale decretum; item, alia est *Ordinaria*, quæ modo ordinario peti potest; alia *Extraordinaria*.

Finis Bonorum Possessionis est, ut is, qui jure Civili, contra æquitatem naturalem, hereditate excluderetur, benignitate Juris Prætorii, successionem sibi debitam acquirat.

Vis & Effectus in eo vertitur, ut is, qui Bonorum Possessionem agnovit, sit vice heredis, omniaq; jura hereditaria, perinde ut heres, consequatur.

Cum hodie plenissime, per Constitutiones varias Imperatorum, & in successionebus ex testamento, & ab intestato, provisum sit, parvus hujus doctrinæ usus est.

Titulus 2.

Si Tabulæ Testamenti extabunt.

O*rdinaria Bonorum Possessio* pertinet vel ad causam testati, vel ad causam intestati.

Quæ, ad causam testati pertinet, est vel contra tabulas, vel secundum easdem.

Principio igitur spectandum, an tabulæ testamenti sint, vel mortis tempore fuerint.

Si non appareant Tabulæ testamenti, aut appareant quidem, sed in iis ita deletum sit, quamvis inconsulto, nomen Heredis, ut legi non possit, Bonorum Possessio ex Testamento non dabitur, cum Prætor justam dubitandi causam habeat, utrum, qui petit possessionem, heres scriptus sit, an non. Sed, si prolatis semel, publicatisq; integre tabulis, de voluntate testatoris constiterit, etiam si hæc postea pereant, competit bonorum possessio, quia verum est, tabulas extitisse.

Titulus 3.

De Bonorum Possessione, Furioso, Infanti,
Muto, Surdo, Cæco competente.

Bonorum Possessiones deferuntur & acquiruntur
etiam Furiosis, Infantibus, Mutis, Surdis & Cæcis.
Alii enim possunt per Tutores bonorum possessionem
acquirere, ut Infantes; alii, per Curatores, ut Furiosi
alii, per semetipsos, ut Muti, Surdi, Cæci.

Titulus 4.

De Bonorum Possessione contra
Tabulas.

Bonorum Possessio contra tabulas, datur potissimum
Liberis præteritis, nisi præteritio pro exhereda-
tione habeatur; ut, cum Mater vel Avus maternus te-
stamentum facit. Datur autem tam Suis, quam
Emancipatis, & Emancipatorum Liberis, item
Posthumis.

Liberis exheredatis hæc possessio non datur; quia
non temere voluit Prætor rescindi Tabulas testa-
menti, cum iusta exheredationis causa esse possit: itaque
iis recurrendum erit ad Querelam Inofficiosi testa-
menti.

Titulus 5.

De Legatis præstandis, contra Tabulas
Bonorum Possessione petita.

Si bonorum possessio contra tabulas sit data, non
debentur Legata ex eo testamento, nisi Liberis, vel
Parentibus, vel Dotis nomine Vxori Nuxive sint
relicta.

Titulus 6.

De Collatione Bonorum.

Liberi Emancipati, qui ad bonorum possessionem, una cum liberis integri juris, admittuntur, coguntur bona sua, quæ propter emancipationem sibi acquisiverant, conferre, id est, cum bonis paternis confundere, ut ex universa illa massa partes fiant, inter Suos, & Emancipatos. Nisi enim hæc collatio ab Emancipatis fieret, non essent liberis integri juris æquati, quod Prætori propositum fuit, sed essent melioris conditionis, quod est iniquum.

Collatio fit ab intestato, sive testamentum a parente factum non fuerit, sive inversum sit per contra tabulas, aut querelam inofficiosi. Ex testamento autem, jure veteri, non est locus collationi, nisi parens eam fieri jusserit. Hodie vero, etiam ex testamento collationi locus est, nisi testator eam prohibuerit, quia censetur per oblivionem non jussisse.

Forma Collationis est, ut fiat aut reipsa, hoc est, ipso facto, inita collationis ratione: aut cautione, datum fidejussoribus, vel pignoribus, de conferendo.

Quod si quis neque conferre, nec cavere velit, denegantur ei Actiones hereditariæ, puta hereditatis petitio, donec consilium mutet. Sed & implorato officio Judicis ad id potest compelli.

Titulus 7.

De Collatione Dotis.

Cum Pater ex necessitate, pro modo suarum facultatum, teneatur dotare Filiam, & in necessitatibus nemo liberalis existat, nec donare videatur, me-

rito placuit, non videri, Patrem voluisse Dotem Filia esse præcipuam, & propterea eam, sicuti reliqua bona & donationes, esse conferendam. Proinde, *Dotem Profectitiam* filiaæ suæ, vel emancipatæ conferunt tam suis, quam emancipatis, sive bonorum possessionem petierint, sive se bonis paternis miscuerint. *Adventitia* olim conferebatur fratribus, qui in potestate patris manserunt, non emancipatis; sed hodie omnino non confertur.

Æque autem in dote atque in aliis bonis hodie obstat, ut Collatio fiat, sive succedatur ab intestato sive ex testamento. Donatio quoque propter nuptias in collationem venit.

De simplici Donatione, a parente facta, ambigitur nam, eam conferri traditur in *l. si donatione* 13. & *l. ut liberis* 17. *C. de collat.* sed, conferri negatur in *l. filia* 18. *C. fam. hercisc.* Cujacius ista conciliat distinguendo inter succedentes ex testamento, & succedentes ab intestato. Quod tamen discrimen hodie non amplius attenditur.

Titulus 8.

De conjungendis cum Emancipato Liberis ejus.

CVM Filius emancipatur, Nepotes in potestate retenti, jure Civili, Patris locum occupant, fiuntque Avo, Sui & proximi heredes, excluso Patre. Quoniam autem Emancipatus, jure Prætorio, per bonorum possessionem vocatur, neque æquum est, Emancipatum venire solum, & excludere Nepotes, Suos heredes aut Nepotes contra, jure suitatis, objici Patri suo qui jure naturæ prior est gradu: *Prætor ita rem temperat*, ut Emancipato, bonorum possessionem ejus par

partis det, quæ ad eum pertineret, si in potestate permanisset: sed ita, ut ex ea parte, dimidiam ipse, reliquam liberi ejus habeant, iisque bona sua conferat. Hoc Edictum hodie locum non habet, sublata Sui-tatis & Emancipationis differentia.

Titulus 9.

De Ventre in possessionem mittendo,
& Curatore ejus.

SI Filius, cui nato daret Prætor bonorum possessionem, adhuc in utero sit, Prætor ventrem in possessionem mittit, vice contra tabulas bonorum possessionis. Imo ex omnibus partibus venter in possessionem mittitur, ex quibus is admitteretur, qui in utero est, si in rebus humanis existeret. Nam, sicuti Liberorum eorum, qui jam in rebus existunt humanis, curam Prætor habet, ita etiam eos, qui nondum nati sunt, propter spem nascendi, minime negligit. Prægnantem autem esse mulierem oportet omni modo, nec dicere se prægnantem sufficit. Quod si abortum faciat, finitur missio, quasi prægnans non fuerit. Toties autem mittitur venter in possessionem, si non est exheredatus, & id, quod in utero est, inter suos heredes futurum erit.

Ventre in possessionem misso, etiam bonis, Curator unus vel plures, dari solent.

Hæc jure novo locum non habent. Nam, nec exheredari potest venter, cum impossibile sit, aliquam ingratitudinis præbuisse causam, quamobrem sit exheredandus; & jura sui-tatis ac emancipationis sunt sublata.

Titulus 10.

De Carboniano Edicto.

S*I Impuberi questio status fiat, an inter liberos sit*
 causa summam cognita, perinde ex Edicto, quo
 primus Carbo Prætor introduxit, possessio datur, ac
 si nulla de ea re controversia esset, iudiciumque in
 tempus pubertatis differtur.

*Titulus 11.*De Bonorum Possessionibus secundum
Tabulas.

B*onorum Possessio secundum tabulas*, conceditur he-
 redibus scriptis, ut, secundum tenorem testamenti,
 bonorum possessionem nanciscantur.

Hanc Bonorum possessionem Prætor introduxit,
 confirmandi Juris Civilis gratia; quo plures viæ con-
 servandæ hereditatis paterent, & justius possidere vi-
 deretur, qui autore Prætoris possidet.

Datur hæc Possessio *scriptis heredibus* quibuscunq;

Titulus 12.

Si a Parente quis manumissus sit.

V*Ti Filius præteritus, potest contra tabulas Patris,*
 bonorum possessionem petere, ita *Pater, aut*
Avus paternus præteritus, contra tabulas filii, ad ex-
 emplum Patroni in bonis Libertorum, ad bonorum
 possessionem admittitur. Æquissimum hoc Prætori
 visum est, quia a Parente habuit beneficium acquiren-
 dorum bonorum, emancipatione facta.

Cessat hoc beneficium, si pater pecuniam accepit, ut
 emanciparet, vel postea vivus in eum filius, quantum
 satis est, contulit, ne iudicia ejus inquietaret.

*Titulus 13.*De Bonorum Possessione ex Testamento
Militis.

IN ultimis Militum voluntatibus id singulare est, quod secundum tabulas, non etiam contra, detur bonorum possessio. Ratæ enim debent esse eorum voluntates, quomodocunq; factæ, quod, non solum de militibus, sed & omnibus, qui in hostico, seu hostili agro decedunt, valet. Quoniam in hostico veriantes, quia paria cum militibus pericula experiuntur, jura quoque eadem merito sibi vindicant.

Titulus 14.

De Jure Patronatus.

IN autoramentum datæ libertatis, Patronus liberti succedit ab intestato, si sui heredes non existant, idq; ex lege 12. tabb. Quis enim hoc illi invidet, cum, si non manumisisset, omnia jure dominicæ potestatis sibi quæreret? Ea ratione moti Prætores, etiam contra testamentum, bonorum possessionem decreverunt, si liberi non essent instituti. Qua quidem bonorum possessione, olim dimidia, hodie, ex constitutionibus Justiniani, tertia hereditatis pars, institutis heredibus auferitur, dummodo libertus ultra 100. aureos in bonis habeat.

*Titulus 15.*De Obsequiis, Parentibus, & Patronis
præstandis.

Obsequium est honor, qui alicui exhibetur. Hunc debent Liberti Patronis, & Liberi Parentibus, quia

Filio & Liberto, semper honesta & sancta persona Patris ac Patroni videri debet. Qui secus fecerit, tanquam ingratus, extra ordinem punitur, & in potestatem Domini, seu Patris, retrahitur; interdum & alia poena ipsum manet. Potest enim Libertus, ingratitude convictus, in servitutem retrahi, uti filius emancipatus in potestatem.

Præter obsequia, honori Parentum ac Patronorum illud etiamtribuendum est, ne in jus sine venia vocentur, neve qua famosa Actio, aut Exceptio, in illos detur.

DIGESTORVM LIBER XXXVIII.

Titulus 1.

De Operis Libertorum.

Opera, sunt diurnum officium. Intellige diem naturalem, ab ortu, ad occasum Solis; non diem civilem, horis 24. constantem.

Operarum aliæ sunt *Artificiales*, quæ in artificio aliæ *Officiales*, quæ in officio exhibendo consistunt atque hæ naturaliter debentur patrono, licet ei a liberto promissæ non sint; artificiales vero non debentur, nisi ex promissione, vel jurejurando liberti.

Solvuntur, & desinunt Opera, ex Lege Julia, si Libertus duos filios, vel unum quinquennem, in potestate habeat: item infirmitate, vel senio liberti, ne non voluntate Patroni.

Titulus 2.

De Bonis Libertorum.

Circa Bona Libertorum, Prætor Patrono duo concedit: *Primum est*, bonorum possessio contra tabula

bulas Liberti, si ab eo sit in testamento præteritus. *Alterum est*, Bonorum possessio, unde Legitimi, per quam succedit Liberto intestato.

Notandum: Libertorum liberos, parentes, & fratres, præferri patrono, adeo, ut, his succedentibus, neutra bonorum possessio patrono detur in bonis liberti, id est, neque contra tabulas testati, neque unde legitimi, ab intestato.

Titulus 3.

De Libertis Vniversitatum.

ID jus, quod Patrono privato debetur, etiam datur *Municipibus & Vniversitatibus*, quæ servum ad libertatem produxerunt, quamvis dubitari poterat, an petere possint bonorum possessionem, cum consentire facile nequeant.

Titulus 4.

De Assignandis Libertis.

Morte Patroni, transit jus patronatus ad ejus liberos. Sed, si Patronus *uni ex liberis assignavit libertum*, ille solus, cui assignatio facta est, ex S.C. pro Patrono habetur.

Soli filio emancipato assignari non potest. Sed, si quis, ex pluribus filiis in potestate retentis, uni, simulq; filio emancipato, libertum assignaverit, emancipatus, per fratrem integri juris, cui junctus est, beneficio assignationis fruatur.

Titulus 5.

Si quid in fraudem Patroni factum sit.

FAbianam & Calvisianam Actionem habent Patroni, ad revocandum ea, quæ in fraudem eorum

a Libertis sunt alienata, ut ipsi portione debita fraudentur, adversus bonæ aut malæ fidei possessores, earum rerum nomine, quæ in fraudem alienatæ dicuntur, ut eas res Patronis restituant, una cum fructibus. Id exemplo Creditorum sic inductum est, qui Pauliana Actione repetunt ea, quæ, in eorum fraudem, a debitore sunt alienata.

Fabianam Actionem *Fabius* vel *Favus*, Calvisianam, *Calvisius*, Prætores introduxerunt, &, illa quidem locum habet ex testamento, hæc, ab intestato.

Titulus 6.

Si tabulæ Testamenti nullæ extabunt,
unde Liberi.

T*Riplex est Successio in bonis defuncti*: Hereditas Testamentaria, Bonorum possessio, & Hereditas Legitima. Hereditas, tam testamentaria quam legitima, est civilis; Bonorum vero possessio, est prætoria. Testamentaria primo loco fuit proposita, ad imitationem legis 12. tabb. & Edicti perpetui: quia dispositio testatoris, facit cessare dispositionem legis, &, quamdiu spes est, heredem fore ex testamento, tamdiu legitima successio cessat. Subjicitur Bonorum possessio, quia inter duo civilium successionum genera interjacet, & partim est ex testamento, partim ab intestato. Atq; dictum est hætenus de Bonorum Possessionibus, si tabulæ testamenti extent: Has sequuntur Bonorum Possessiones ab intestato, quæ quatuor sunt:

Prima, est bonorum possessio, *Vnde liberi*: qua Liberi parentibus succedunt, sive in eorum potestate, sive sui juris fuerint.

Titulus 7.

Vnde Legitimi.

Secundo loco atque ordine vocat Prætor *Legitimos*, hoc est Agnatos, per virilem sexum descendentes: nam hi lege 12. tabb. ad successionem post Suos vocabantur, unde & Legitimi sunt dicti.

Inter Legitimos, in hoc Edicto, recensentur & illi, qui, licet non ut agnati, tamen alia ex causa, lege, vel S.C. ad successionem vocantur; ut Patroni, Parentes.

Titulus 8.

Vnde Cognati.

Tertia est Bonorum Possessio, *Vnde Cognati*.

Cognati hic proprie accipiendi, ut ii significantur, qui ratione sanguinis juncti erant defuncto, non tamen erant in ejus familia: ut conjuncti per foeminas, & conjuncti per masculos, quorum agnatio per capitis diminutionem sublata est.

Titulus 9.

De Successorio Edicto.

Dictis Bonorum Possessionibus communia duo sunt; *Primo*, ut si, priori loco vocati, bonorum possessionem non accipiant, sequentes in eorum locum succedant, & ad bonorum possessionem admittantur. Nempe, cum Liberi primo loco vocentur, his repudiantibus, vocantur Legitimi, & similiter, his quoque repudiantibus, Cognati. Item, repudiantem proximorem agnato, vel cognato, sequens admittitur.

Titu-

*Titulus 10.*De Gradibus, & Affinibus, & Nominibus
eorum

Secundo, dictis Bonorum Possessionibus commune est, ut gradu proximiores præferantur remotioribus; &, qui sunt in eodem gradu, simul admittantur. Nam, quod nepos, una cum patruo suo, succedit avo, quamvis nepos sit in secundo gradu, patruus ejus (i. e. filius defuncti) sit in primo gradu; hoc ideo fit, quia nepos in locum patris sui prædefuncti succedit, eumq; repræsentat, adeo, ut repræsentative dici possit esse in primo gradu: eademq; ratio est aliorum liberorum, qui parentum suorum emancipatorum locum occupant. Quoniam igitur in tribus bonorum possessionum ordinibus, unde Liberi, unde Legitimi, unde Cognati, graduum ratio habetur, doctrina de Gradibus nota esse debet, ut intelligamus, quinam singulis gradibus collocentur, vel inter liberos, vel inter parentes, vel inter cognatos, sive adgnatos.

Titulus 11.

Vnde Vir, & Vxor.

Post Agnatos, & Cognatos, ad decimum usq; gradum, Prætor, excluso Fisco, ad bonorum successionem *Virum & Vxorem* vocat, qui, quæve, mortis tempore in matrimonio fuerit. Sed, his personis, hodie prolixius consulitur, tum jure communi, *Auth. præterea. C. unde vir & ux.* tum etiam passim legibus municipalibus. Ratio consistit in arctissima conjunctione, quæ est inter Virum & Vxorem, ac proinde requiritur, ut verum inter eos intercesserit matrimonium.

*Titulus 12.***De Veteranorum, & Militum Successione.**

IN Milite speciale est, ut, si capitali pœna ex delicto militari damnatus sit, ex ejus testamento peti possit bonorum possessio secundum tabulas, & ab intestato ei succedat legitimus heres, vel proximus cognatus, usque ad quintum gradum. Idem servatur in Veterano. Pagani capite puniti, bona confiscantur.

*Titulus 13.***Quibus non competit Bonorum Possessio.**

SI Heres scriptus prohibuerit defunctum mutare testamentum; aut is, qui ab intestato succedit, prohibuerit eum facere testamentum, ne ad alium successio deveniret, ei tanquam indigno aufertur, & confiscatur, quod morte ejus consecutus est; sive sit hereditas, sive legatum, vel fideicommissum, sive bonorum possessio.

*Titulus 14.***Vt ex Legibus, Senatusve Consultis Bonorum Possessio detur.**

Quemadmodum Conditiones ex lege dantur, si quid nova lege introducatur, ita Prætor novissime *Extraordinariam bonorum possessionem* iis pollicetur, quibus, ut detur, *Lege, vel S.C. vel Constitutione* comprehensum est. *Dicitur Extraordinaria*, non, quod jus non tribuat, sed, quia neque bonorum possessionibus, quæ ab intestato veniunt, neque iis, quæ ex testamento sunt, connumeratur.

Titu-

*Titulus 15.***Quis Ordo in Bonorum Possessionibus observetur.**

Bonorum Possessiones certo ordine sunt dispositæ, secundum quem deferuntur. Nam, bonorum possessiones ab intestato cessant, si petatur bonorum possessio contra tabulas, vel secundum tabulas; atque hæc, illi cedit. Item, ab intestato præferuntur liberi, legitimis; legitimi, cognatis; cognati, conjugii; tali igitur ordine, bonorum possessiones ordinariæ disponuntur:

1. Contra tabulas.	} Ex testamento.
2. Secundum tabulas.	

1. Vnde liberi.	} Ab intestato.
2. Vnde legitimi.	
3. Vnde cognati.	
4. Vnde vir & uxor.	

*Titulus 16.***De Suis, & Legitimis Heredibus.**

Quo ordine Prætor ad bonorum possessionem vocat, eodem fere *Jus Civile* heredes facit ab intestato. Nam, primo vocat suos, id est liberos in potestate constitutos: deinde Consanguineos, qui sanguine defuncto connexi sunt, puta parentes & fratres tum Agnatos proximos.

In suis heredibus aditio non est necessaria, sed ipsi jure heredes existunt; quod non est in reliquis, qui adire hereditatem, & petere bonorum possessionem compelluntur.

*Titulus 17.*Ad Senatusconsultum Tertullianum,
& Orphitianum.

EX SC. Tertulliano, quod Hadriani Imp. temporibus factum est, Mater Filiis & Filiabus succedit: ex SC. Orphitiano, quod Orphitio & Rufo Coss. factum est D. Marci temporibus, Filii & Filiae succedunt matri: & ex constitutionibus Principum, Nepotes ac Neptes succedunt Avix.

DIGESTORVM
LIBER XXXIX.*Titulus 1.*

De Novi operis nunciatione.

Operis novi nunciatio, est legitima prohibitio, facta ædificanti, ut ab opere cœpto nocituro desistat, donec de jure constet.

Nunciare possunt in causa publica omnes, modo sint cives eius loci; in causa privata, illi, qui dominium directum vel utile, aut servitutem realem habent. Quibus autem personalis servitus est, per indirectum, & magis procuratorio, quam proprio nomine nunciant.

Nunciatio in rem fit, non in personam, id est, in re præsenti fit ei, qui in re præsenti est, sive sit dominus, sive domini, operisve nomine ibi sit, cujuscunque sit conditionis, dummodo intelligat quod agitur, idcirco nunciatio servo vel fabro facta, dominum tenet, licet infansem, vel furiosum.

Nunciatio fit ob opera cœpta, & nondum absoluta, vel etiam ob ea, quæ certo sunt destinata.

Nun-

Nunciatio peragitur duobus modis, judicialiter, vel extrajudicialiter. Judicialiter, per Prætorem seu Magistratum, qui ad instantiam ejus, cujus interest, jubet ædificantem ab opere, quod parat, abstinere, donec jus ædificandi sibi esse docuerit, vel eo nomine cum adversario convenerit. Extrajudicialiter fit novi operis nunciatio, propria autoritate, (quod singulariter hic conceditur in Edicto, necessitatis causa,) & iterum dupliciter, vel per manum, h. e. jactum lapilli, adhibitis Notario & testibus; vel per verbalem inhibitionem.

Effectus nunciationis est, ut ab opere absteineatur, donec vel satisdetur, de opere restituendo, si contra facientem judicabitur, vel nunciatio remissa a Prætore fuerit. Tollitur enim nunciatio satisfactione, vel remissione, quin etiam morte nunciantis, nisi nunciatio sit facta pro heredibus.

Interdum nunciationem contemnere licet; veluti, si quis rivos aut cloacas purget, opusve aliud faciat, cujus mora periculum est allatura.

Titulus 2.

De Damno infecto, & de Suggrundiis, & Protectionibus.

Suggrundia, sunt tabulæ, circa ædificium a summo extensæ, quæ ædes tuentur ab injuria imbrium.

Protectum, est eminens tecti pars, quæ stillicidium arcet a pariete.

Qui damnum ab ædibus vicini ruinosis sibi metuit, adire Prætorem potest, & petere, ut sibi caveatur, de damno resarciendo, dummodo juret, se non calumniæ causa id petere. Si intra tempus constitutum a Præ-

tor

tore non caveatur, mittit Prætor eum, qui damnum timet, in possessionem, rei servandæ causâ, ex primo decreto, quod nudam & simplicem tribuit detentionem, &, si postea adversarius non caveat, etiam possidere secundo decreto jubebitur, ita ut ipse dominus dejiciatur possessione: & postea vix locus erit ulteriori cautionis oblationi.

Titulus 3.

De Aqua, & Aqua pluvia arcenda.

Aqua pluvia est, quæ de cælo cadit, &, quæ imbre excrefcit.

Ex edicto Prætoris, Actio datur ratione damni, quod metuitur ex aqua pluvia, ne scilicet, opere factò a vicino, aliter aqua fluat, quam fluere cœperat. Puta, quando v. c. vicinus avertit eam aquam, ædificio exstructo, vel alio opere factò, in meum agrum, in quem antea averfa non fuit, & ubi nocitura est. Datur igitur hæc Actio ad hoc, ut opus tollatur, & res in pristinam formam reponatur.

Titulus 4.

De Publicanis, & Vestigalibus, & Commissis.

Vestigal a vectura dicitur, & est id, quod præstatur ex his rebus, quæ invehuntur, aut evchuntur, ob usum viæ publicæ, quam, cum magna cura & sumtu, Principes planam & tutam præstare commeantibus debent.

Differt Vestigal a Tributo. Nam, *Tributum* est pensitatio, quæ ratione soli & bonorum immobilium penditur a possidentibus, ac potissimum capitur pro

Q

pecu-

pecunia, quæ ab Imperatoribus atque Præsidibus in stipendia militum, & sumtus belli, provincialibus imperatur.

Vectigalia qui conducunt, *Publicani & Redemptores* nominantur.

Præstari solet *octava pars*, olim quinquagesima tantum, aut etiam centesima.

Vectigalis non soluti pœna est, ut res committantur, vindicenturq; fisco, unde & *Commisse res* dicuntur.

Si Publicani, sive vectigalium conductores, vel ipsi, vel familia eorum, *quid illicite extorserint*, datur adversus eos Actio, si id non restitutum erit, ut duplum intra annum, simplum post annum restituant. Si *per vim* quid extortum fuerit, datur Actio in quadruplum, cui persecutio rei inest.

Titulus 5.

De Donationibus.

Donatio, est liberalis, nullo jure cogente, facta concessio. Ea, si fiat per conventionem, pactum legitimum recte dicitur; si per traditionem, modus acquirendi domini.

Donare possunt, qui liberam habent rerum suarum administrationem, & speciali lege non prohibentur.

Filius familias nequit donare, licet liberam habeat peculii administrationem, nisi id ei concessum sit, vel justa sit ratio donandi, vel in dignitate sit positus, vel peculium castrense, vel quasi castrense, ex quo donat, habuerit.

Si Pater filio donaverit, non valet donatio, nisi morte vel juramento firmetur, vel sit remuneratoria.

Donatio, quæ fit inter vivos, si excedat 500. solidos, sive mille fere Imperiales, regulariter insinuationem

apud

apud acta requirit: alioquin in ea quantitate, quæ 500. aureos excedit, non valet, nisi ad piissimas causas, vel a Principe, aut Principi fuerit facta.

Titulus 6.

De Mortis causa Donationibus, & Capionibus.

Mortis causa donatio, est donatio conditionalis, cum quis habere se mavult, quam eum, cui donat, magisq; hunc, quam heredem illius.

Tres hujus donationis sunt species: 1. cum quis, nullo præsentis periculi metu contritus, sed sola mortalitatis cogitatione, donat; quod quidem exprimendum est, alioqui pura erit etiam a moriente facta donatio. 2. Cum quis, imminente periculo, ita donat, ut statim res fiat accipientis. 3. Si quis periculo mortis non sic det, ut statim faciat accipientis, sed tum demum, cum mors fuerit secuta. Atq; hæc donatio sub conditione pendet; superior, statim quidem perfecta est, sed morte non insecuta resolvitur.

Mortis causa donare potest, cui est testamenti factio, licet testamentum non faciat. Filius autem familias quamvis testamentum, ne permittente quidem patre, facere potest, quia jus illud publicum immutari privata parentum autoritate nequit, tamen, permisso patris, causa mortis donare potest, non minus, quam reliquos privatorum contractus, eo volente, inire.

Materia hujus donationis eadem est, quæ puræ & simplicis; nam, quæ inter vivos donari possunt, multo magis in ultima voluntate.

Debet hæc donatio coram quinque testibus fieri, sicut quælibet ultima voluntas, nisi apud Acta fiat, quo casu

testibus opus non habet; utrobivis autem fiat, neque insinuatione indiget, neq; scriptura, etiamsi 500. aureos excedat.

Effectus hujus donationis est, ut morte insecuta, rata maneat, utpote impleta donationis conditione: non autem insecuta morte resolvitur; quod & tum fit, cum mutata voluntate, restituere sibi donator res donatas jubet.

DIGESTORVM LIBER XL.

Titulus 1.

De Manumissionibus.

Manumissio, est de manu, id est potestate, dimissio, h. e. datio libertatis.

Manumissio multis modis procedit. Præcipui sunt
1. *Censu*, cum domini jussu, servus inter cives Romanos censum profitetur. 2. *In Ecclesia*, de quo modo agitur lib. 1. Cod. tit. 13.

Titulus 2.

De Manumissis Vindicta.

Fit 3. *Manumissio Vindicta.* Erat autem *Vindicta* virgula, qua licetor Prætoris, præmissis solemnibus verbis, servum tangebatur, mox dominus apprehensus manu vertebatur, atque ita libertatem & civitatem Servus consequabatur.

Titulus 3.

De Manumissionibus, quæ Servis ad Universitatem pertinentibus imponuntur.

Non modo privati recte sic manumittunt, sed etiam *Universitates & Collegia*, quibus coeunt

jus est, hanc manumittendi potestatem, D. Marci concessione, habent. Etsi enim nullius videtur servus, & per consequens non posse a quoquam manumitti, qui toti universitati servit, tamen manumissio, quæ nomine universitatis, vel ab uno fit, ab ipsa universitate facta videtur.

Titulus 4.

De Manumissis Testamento.

Fit 4. *Manumissio Testamento.* Datur autem testamento libertas dupliciter. Aliquando *directo*, cum testator brevi manu, & directis verbis, libertatem servo tribuit, hoc modo: Stichus liber esto: quo casu *Orcinus* dicitur libertus, id est, ipsius defuncti; nec heres jura patronatus consequitur.

Titulus 5.

De Fideicommissariis Libertatibus.

Interdum datur libertas per *fideicommissum*, hoc modo: Rogo, heres, ut Stichum manumittas. Hoc casu, cum heredis factum interveniat, is in auctoramentum manumissionis, jura patroni consequitur.

Titulus 6.

De Ademptione Libertatis.

Vtraque libertas, id est, tam directa, quam fideicommissaria, ita demum competit, si nec a testatore, nec a lege adempta sit. *Adimitur lege*, si data sit in fraudem creditorum, aut fisci, & alias ob causas.

Titulus 7.

De Statuliberis.

Rursus libertas in testamento relinquitur vel pure, vel in diem, vel sub conditione. Is autem, qui statu-

statutam in diem, vel conditionem, libertatem habet, interea loci, dum dies vel conditio expectatur, *statuliber* appellatur, si modo libertas jure directo, non per fideicommissum, relicta sit.

Titulus 8.

Qui sine Manumissione, ad Libertatem perveniunt.

Regulariter Servi per manumissionem ad libertatem perducuntur. At, *Statuliberi libertatem ipso jure interdum consequuntur*, citra ullam manumissionem: veluti, si dies præstitutæ manumissionis elapsus sit, vel conditio extiterit, aut per heredem stet, quo minus impleatur. Eodem modo, si servus venditus sit ea lege, ut intra certum tempus manumittatur, cum dies præstandæ libertatis venit, ex constitutione D. Marci, libertatem consequetur: ut & tum, quando in adversa valetudine ejectus, aut infans expositus est.

Titulus 9.

Qui, & a Quibus manumissi, liberi non fiunt, & ad Legem Æliam Sentiam.

Non cuiq; volenti manumittere licet. Nam *lex Ælia Sentia*, a priscis Æliis lata, manumittendi jus quibusdam, licet dominis, ademit, imprimis debitoribus, qui solvendo non sunt. Vt enim reliqua, quæ in fraudem creditorum alienata sunt, actione Pauliana revocantur, ita libertas, in fraudem creditorum data, inutiliter datur. Quippe, etsi reliquarum rerum alienatio valet, & revocanda est per Actionem, tamen *datio libertatis fraudulenta, ipso jure irrita est*: si enim semel competeret libertas, amplius in servitu-

tem

tem servus revocari non posset. *In fraudem autem creditorum manumittere videtur, qui, vel jam tempore, quo manumittit, solvendo non est, vel, qui datis libertatibus, desiturus est esse solvendo.*

Titulus 10.

De Jure Aureorum Annulorum.

Liberti omnes, propter manumissionem, libertate fruuntur, si modo manumissio valeat: quidam vero etiam ingenuitate ac nobilitate fruuntur, salvo tamen jure patronatus, videlicet, si *jus aureorum annulorum*, quos nonnisi equestris dignitatis hominibus gestare fas erat, ab Imperatore impetraverint. Quod beneficium, novissime omnibus libertis, Justinianus indistincte concessit, ut potius ingenuis, quam libertinis, Respubl. impleteretur.

Titulus 11.

De Natalibus restituendis.

Ingenuitatem amplius consequitur manumissus, ita ut jus Patronatus extinguatur, qui ex Ingenua natus se docet, aut, qui a Principe *natalibus restituitur*. Intelliguntur nimirum Natales ingenuitatis, in quibus omnes homines initio fuerunt, non ii, in quibus ipse servus nascebatur.

Titulus 12.

De Liberali causa.

Quia sæpe fit, ut controversiæ existant, altero affirmante, se liberum & ingenuum, altero in servitutem retrahente, ideo, ad expediandas has lites, Prætor constituere judicia solet, quæ vocantur libera-

Q4

lia,

lia, sive *cause liberales*, quod in iis de libertate agatur. Actiones autem, quibus agitur, appellantur *Præjudiciales*.

Titulus 13.

Quibus ad Libertatem proclamare non licet.

A Gere possunt de liberali causa, quicumque non prohibentur. Prohibentur hi, *quibus ad libertatem proclamare non licet*, uti est major viginti annis, qui ad participandum pretium se venundari passus est, & servus, quem quis per vim domino eripuit, & in testamento manumisit.

Titulus 14.

Si Ingenuus esse dicetur.

A D ingenuitatem repetendam, agere potest Libertus, si *intra quinquennium*, a tempore manumissionis, docere velit, ingenuum se esse natum. Qua in causa sciendum est, rem inter alios actam, alius non nocere.

Titulus 15.

Ne de Statu Defunctorum, post quinquennium, quæeratur.

N Otandum, liberalia judicia non semper esse perpetua; nam, *de statu defunctorum, post quinquennium querere, non licet*, si nimirum deteriore conditionem defuncti facturus sit, qui retractat, ut, si dicat servum fuisse; non, si meliorem; veluti si pro servo libertus, pro Liberto Ingenuus esse dicatur.

Titulus 16.

De Collusione detegenda.

NE quorundam dominorum nimia indulgentia inquinaret amplissimum ordinem, (ingenuis enim, non libertinis, patebat in Senatum aditus,) eo quod paterentur servos suos ingenuitatem proclamare, liberosque judicari, factum est Domitiani temporibus S.C. quo cautum est, ut, si quis probasset, per collusionem quicquam factum, si iste homo servus sit, fieret ejus servus, qui collusionem detegisset.

Colludere dicuntur, qui non serio inter se in judicio contendunt, sed simulate, ac proinde ludere videntur.

DIGESTORVM
LIBER XLI.*Titulus 1.*

De Acquirendo Rerum Dominio.

Dominium, est jus, quo res aliqua nostra est, ita ut de ea pro libitu disponere possimus, nisi vel jure, vel testamento, vel conventionione prohibeamur.

Partes domini sunt Proprietas, & Possessio rei; quæ concreta dominium constituunt; separata, nihil inter se habent commune.

Dominium aliud est Plenum & absolutum, aliud Minus plenum, atque hoc, vel Directum, vel Vtile. Nam, cum utilitas domini in fructu rei sit, qui hunc percipit jure suo, plenum habere dominium dicitur: qui eo caret, cum spe tamen aliquando indispiscendi ex jure suo, directum habere dicitur: cujusmodi est

penes dominum feudi, & emphyteuscos. Cui vero utilitates rei obveniunt non omnino jure proprio, sed quod aliunde dependeat, hujus *utile* dominium esse dicimus, cujusmodi habent Vasallus, Emphyteuta.

Dominium earum rerum, quæ sunt in commercio, *acquiritur* aut Jure Gentium, aut Jure Civili.

Juris Gentium modi multi & varii sunt, sed ad quinque generales referuntur: Occupationem, Accessionem, Commixtionem, Perceptionem, & Traditionem.

Juris Civilis modi partim sunt Particulares, quibus res singulæ acquiruntur; partim Vniuersales, quibus acquiruntur universitates.

Particulares sunt, Vsucapio, vel Præscriptio, Donatio, Legatum, Fideicommissum particulare, & Adjudicatio, Noxæq; deditio.

Vniuersales sunt, Hereditas, Bonorum Possessio, Arrogatio, Addictio bonorum.

Dominium proprie est tantum *Rerum Corporalium*, quippe, quarum proprie tantum est vindicatio & traditio: tum vero originaliter dominium cœpit ex naturali possessione, quæ sine apprehensione corporis fieri nequit.

Effectus domini præcipue est, quod dominus habet liberam facultatem, re sua utendi; quodq; amissa possessione, domino datur rei vindicatio, adversus quoslibet possessores, ad res recuperandas.

Non possunt plures esse ejusdem rei domini in solidum, eodem sc. domini genere. Nam, possunt esse duo domini in solidum, diversis modis, ut puta ejusdem rei dotalis mulier habet dominium naturale, maritus civile: item, alius potest habere dominium directum, alius utile. Præterea possunt esse plures domini,

ni, non corporis divisione, sed juris intellectu, ut habeant partes non pro diviso, (alioquin essent domini diversarum rerum,) sed pro indiviso.

Titulus 2.

De Acquirenda, vel Amittenda Possessione.

Possessio duplex est: una proprie dicta, secundum quam aliquis possidet; altera improprie dicta, secundum quam non possidet, sed tantum in possessione est.

Possidere dicitur, qui rem corporalem, quæ est in commercio, sibi detinet, & cujus nomine alius, ut Colonus, Procurator, Hospes, Amicus, detinet. Quapropter aliud est detinere, aliud possidere; fieri enim potest, ut alius teneat, alius possideat; ut puta colonus tenet, dominus autem per colonum possidet.

Possessio, alia est naturalis, alia civilis. *Naturalis* in facto consistit, & corpore tenetur: *Civilis* jure & animo constat.

Possessionem acquirimus, vel per nosmetipsos, vel per alium, ut servum, filium, procuratorem, tutorem, curatorem, dummodo & intellectum possidendi habeat, & nobis acquirere velit.

Possessio acquiritur *Animo & Corpore*, non solo animo, nec solo corpore.

Is, qui per se possidet, amittit possessionem, vel animo & corpore, vel solo animo. Ejus vero, quod alterius, ut servi aut coloni corpore possidetur, non amittitur possessio solo animo, si alius in possessionem ingressus non sit, sed solo animo retinetur.

Titu-

Titulus 3.

De Vfurpationibus, & Vfucapionibus.

PER possessionem interdum confestim acquiritur dominium, videlicet, si dominus sit, qui tradidit: interdum *Vfucapio* procedit, nempe, quando res a non domino tradita est, atque ita dominium, temporis progressu, per possessionem non usurpatam, id est non interruptam, acquiritur.

Vfurpatio ufucapioni est contraria: usurpare enim significat usu retinere, atque ita alterius ufucapionem possessionemq; interrumpere.

Continuatur possessio, non solum in eadem persona, sed etiam in diversis, inter quas tempora possessio-num conjunguntur. Hac ratione tempus, quo defunctus possedit, heredi aut legatario prodest.

Ad ufucapionem, in *rebus immobilibus*, requiritur decennium inter præsentes, vicennium inter absentes; in *rebus mobilibus* triennium. Hoc tempus, non ab hora ad horam computatur, sed sufficit ad ultimum diem pervenisse, & aliquo ejus diei momento possedisse, ut ufucapio impleta dicatur. In *Bissexto*, bidduum pro uno die accipimus, & posterior dies intercalatur.

In aliquibus Editionibus, peculiaris priori subjicitur titulus, inscriptus, *Pro soluto*, sed in Florentino exemplari conjungitur cum titulo de Vfurpationibus & Vfucapionibus.

Qui rem debitam accipit, *pro soluto ufucapit*, & non tantum quod debetur, sed & quodlibet pro debito solutum, hoc titulo ufucapi potest. Sed, si existimans me debere, tibi tradam, ita demum procedet, si & tu putes debitum esse.

Titulus 4.

Pro Emtore.

Pro Emtore possidet & usucapit, qui revera emit: quia emtio transfert dominium, aut usucapiendi conditionem. Non sufficit autem, in ea opinione esse, ut quis putet se pro emtore possidere, sed etiam emtio vere subesse debet: quamvis, si ex alia causa, existimans me debere, tibi ignoranti tradam, usucapies.

Titulus 5.

Pro Herede, vel Possessore.

Pro Herede possidet, qui tanquam heres, vel bonorum possessor, possidet: hoc titulo usucapi possunt res hereditariæ, non ipsa hereditas, seu jus hereditarium; hoc enim non usucapitur, cum sit incorporale. Sed & res defuncti tantum sic usucapiuntur, non viventis.

Pro herede usucapere potest, qui testamenti factionem passivam habet, i. e. qui succedere potest. Re ipsa autem pro herede usucapit: 1. qui succedit possidenti, v. c. pro emtore. Vbi notandum, etiamsi defunctus non potuerit usucapere, ut quia res vitiosa erat, tamen vitio purgato, posse usucapionem incipere a persona heredis. 2. Qui putat se esse heredem vel bonorum possessorem, dummodo justam errandi causam habeat; alioquin error ei non prodest. 3. Heres, vel bonorum possessor usucapit rem alienam, quam putat esse hereditariam, dummodo similiter justam erroris causam habeat.

Pro Possessore titulus, ei qui pro herede est, par esse videtur: sicuti bonorum possessio Prætoria, hereditati

ditati similis est: quo titulo, qui possidet, pro possessore bona fide, res prætoriae bonorum possessionis usucapit, peræque atq; heres, pro herede, res hereditarias.

Titulus 6.

Pro Donato.

Pro Donato usucapit, cui res donationis causa tradita est, nempe, a non domino, & per donationem, quæ jure valet.

Titulus 7.

De Derelicto.

Is pro Derelicto rem habet, qui ea mente abjicit, ut in numero rerum suarum amplius esse nolit.

Si res a domino pro derelicto sit habita, occupantis fit statim: si a non domino, occupans eam usucapiet pro derelicto.

Titulus 8.

Pro Legato.

Pro Legato usucapere potest is, cum quo est testamenti factio. Re ipsa usucapit: 1. is, cui legatum est a non domino. 2. Is, cui a domino legata res est, si legatum vel jure non sit relictum, vel sit ademptum, dummodo legatarius hoc ignoret, ut dici possit habere bonam fidem. At, si dominus rem suam leget, ac legatum valeat, sine dubio legatarius statim fiet dominus, nec egebit usucapione.

Titulus 9.

Pro Dote.

CVi res alienæ bona fide in Dotem dantur, is, a tempore traditionis, incipit usucapere: ante quidem matri-

matrimonium, pro suo, illo vero subsecuto, pro dote, cujus titulus nullus esse potest, ante contractas nuptias.

Titulus 10.

Pro Suo.

Pro Suo is possidet, qui putat se rem possidere, ut suam & propriam, cum tamen sit aliena: vel, quia causa, ex qua possidetur, non adjecit dominium; vel, quia vere non intervenit, cum probabiliter intervenire crederetur.

Hæc usucapiendi ratio cum reliquis concurrat; nam, pro suo usucapit, qui usucapit pro Emptore, pro Donato, pro Legato.

DIGESTORVM

LIBER XLII.

Titulus 1.

De Re judicata, & de Effectu sententiarum,
& de Interlocutionibus.

Res judicata, est lis finita per judicis pronuntiationem, quod fit vel condemnatione, vel absolutio-
ne. Differt a Sententia, quod hæc est ipsa pronun-
ciatio, litem finiens.

Statim ac judicatum est, res judicata dicitur in li-
bris juris Civilis, licet provocari possit: In jure au-
tem Canonico, & in praxi, sententia dicitur transire
in rem judicatam, cum provocare amplius non licet.

Si, post rem judicatam, nova Instrumenta fuerint
reperita, vix restaurabitur res judicata, nisi constet, ex
falso testimonio, vel instrumentis, priorem sententiam
esse

esse latam: vel iustam quis possit allegare causam, ob quam denuo audiri debeat.

Sententia non aliter ferenda est, quam lite contestata, probationibus omnibus auditis, & conclusione a partibus facta: nec potest sententia dici, nisi de rebus in iudicium deductis.

Sententia est vel *Definitiva*, quæ finem controversiæ principali imponit, vel *Interlocutoria*, cum de incidenti aliquo articulo fertur.

Interlocutio non requirit causæ cognitionem, & ab ea regulariter jure civili non potest appellari: at, jure Pontificio, ab omni gravamine licet appellare.

Judex sententiam dicere debet ibi, ubi more majorum jus solet reddi; & jure Canonico requiritur, ut *Judices sedeant.*

Titulus 2.

De Confessis.

Confessus pro condemnato habetur, ideoq; confesso dantur ad solvendum eadem tempora, quæ iudicato.

Ut quis pro Confesso habeatur, requiritur: 1. ut facta confessio coram iudice, eoq; competente; extrajudicialis enim vere non probat. 2. Ut confessio sit certa, & facta ex causa certa. 3. Ut confiteatur is qui potest obligari, & qui non errat.

In Criminalibus, si nulla sit alia probatio, confessiones reorum pro exploratis facinoribus non habentur.

Confessio coram iudice semel facta, revocari non potest, nisi error fuerit commissus.

Si quis sit confessus in articulo mortis, talis declaratio nihil operatur, tam in civilibus, quam in criminalibus.

criminalibus, in aliorum præjudicium; at secus est, si aliquem liberet a crimine.

Titulus 3.

De Cessione Bonorum.

Cessio Bonorum est, cum quis oneratus re alieno bona sua creditoribus dimittit. Dicitur *beneficium sibile*, & per illud debitor consequitur 1. Ne detradatur in carcerem. 2. Si pervenerit ad pinguiorem fortunam, ne teneatur in solidum, sed quantum facere potest. 3. Ne fiat infamis.

Bonis cedere potest tam filiusfamilias, quam paterfamilias, dummodo vel debitum agnoverit, vel sit condemnatus, vel in jure confessus.

Qui bonis cessit, non liberatur, nisi Creditores solidum consequantur: sed interim non potest ab eis inquietari, nec in carcerem conjici. Si vero postea aliquid non modicum, extra causam alimentorum, consequatur, in quantum facere potest, convenitur.

Creditores non possunt sua autoritate detinere bona ejus, qui bonis cessit, jure domini, & inter se dividere: sed debent ea vendere, & ita indemnitati suæ confulere.

Titulus 4.

Quibus ex causis in possessionem eatur.

Si debitor vel possessor neque sui potestatem faciat, neque boni viri arbitrato defendatur cum in jus vocatus est, sed animo fraudandi latitet, mittitur Creditor in bonorum possessionem, atq; id vel ex primo, vel secundo decreto.

Ex primo decreto, tantum creditor consequitur custodiam rerum, non possessionem, multo minus

R

domi-

dominium. Non igitur privatur dominus possessione, sed missus Creditor consequitur jus pignoris, ac cum dominus rem detinet, custodit, servat, nihil ut in ea line ipso geri possit. Fructus porro non lucratur, neque participat in bona missus Creditor, cum tantum custos rerum sit, non etiam possessor.

Si debitor non compareat ad se defendendum, post annum elapsum a primo decreto, intra quem si debitor compareat, & caveat, possessionem recuperare potest, mittendus est creditor *ex secundo decreto*, ex quo consequitur jus veræ possessionis, usucapiendi conditionem, & fructuum utilitatem, non vero dominium, nisi longi temporis possessio accesserit.

Prodest missio non tantum missis, sed & omnibus aliis creditoribus, qui eandem causam debiti prætendunt, si quidem præsentibus intra biennium, vel absentes creditores intra quadriennium compareant, & creditum suum probent, ac expensas factas refundant.

Titulus 5.

De Rebus autoritate Judicis possidendis, seu vendendis.

Creditores non possunt propria autoritate capere bona debitoris, sed requiritur ad eam rem *judicis autoritas*.

Creditores, missi ex secundo decreto, non id consequuntur, ut bona jure domini sui autoritate detineant, & inter se partiantur, sed ut *legitime distrahant*.

Si ante bonorum venditionem existat, qui *defendere vel solvere peritus est*, æquum flagitat, ut bona restituantur cum fructibus, ita ut impensarum ab eo factarum, qui in possessione fuit, &, si dolo ejus deterior causa

causa possessionis facta sit, per in factum Actionem ratio habeatur.

Cum bona distrahantur, si plures ea emere parati sint, extraneo emptori præfertur cognatus, & utrique præfertur creditor.

Notandum, in quibusdam Editionibus separari Titulum, De Rebus autoritate Judicis possidendis, & Titulo, De Privilegiis Creditorum. Sed in Florentino Codice conjunguntur.

Ex eo, quod ex bonorum venditione redigetur, Creditoribus ordine satisfiat, ita ut prius satisfiat creditoribus privilegiatis, hoc est iis, qui gaudent Jure prælationis, seu prærogativa, ob quam aliis creditoribus præferuntur.

Duo sunt Creditorum genera, Alii vocantur pignoratitii, seu hypothecarii, quibus non tantum Actio personalis ex contractu principali, sed etiam hypothecaria, ex conventionione de pignore competit: Alii Chirographarii, qui tantum actionem personalem habent, sine hypotheca: Et tam in hoc quam in illo genere, alii sunt creditores privilegiati, alii non privilegiati.

Notandum: 1. Privilegia personalium actionum non aestimantur ex tempore, sed ex causa: nemo enim potior est ratione temporis, in actione personali, ut in hypothecariis, in qua, qui est prior tempore, est potior jure. 2. Privilegiatus, præfertur non privilegiato. 3. Privilegiatus contra alium privilegiatum, non datur suo privilegio. Interdum tamen privilegiatus alii privilegiato præfertur, ut Fiscus ei, qui in navem construendam credidit.

*Titulus 6.**De Separationibus.*

C*reditoribus Defuncti*, etiamsi ex die vel sub conditione eis debeatur, aut legatariis, intra quinquennium ab adita hereditate, id postulantibus, *separantur bona defuncti, a bonis heredis propriis*: ita ut ex his satisfiat creditoribus heredis; ex illis satisfiat creditoribus hereditariis. Verbi causa, debitorem quis Titium habuit, is decessit, heres ei extitit Sempronius, hic non est solvendo, & patitur bonorum venditionem. Creditores Titii dicunt, bona Titii sufficere sibi, & creditores Sempronii contentos esse debere Sempronii bonis. Etsi enim heres Sempronius adeundo se obligavit creditoribus Titii defuncti, suasque obligationes cum illius bonis permiscuit; tamen, quia iniquum esset, creditorum conditionem fieri deteriore factis heredis, qui forte pluribus creditoribus est obligatus, indulgit Prætor separationem bonorum.

Facta bonorum Separatione, primum ex bonis hereditariis satisfiat creditoribus hereditariis; deinde, si quid supersit, etiam creditoribus propriis ipsius heredis. Ex bonis autem propriis heredis, satisfaciendum est propriis duntaxat creditoribus, non hereditariis, etiamsi aliquid supersit, postquam satisfactum est propriis creditoribus: nam, quia creditores hereditarii Separationem impetrarunt, omnino a persona heredis recesserunt. Si tamen temere separationem petierunt, impetrare veniam ob justissimam ignorantie causam possunt.

Heredi non datur Separationis beneficium, quia sponte adeundo se Creditoribus defuncti obligavit:

non

non autem licet heredi, adjiciendo sibi creditores, suorum creditorum conditionem facere deteriorem. At, qui coacti adeunt hereditatem, nec bona attingunt, separationem postulare possunt. Sed in his omnibus, an admittenda sit separatio, Prætoris erit cognoscere.

Titulus 7.

De Curatore Bonis dando.

Bonis Debitoris plerumq; Curator datur, qui ea custodiat, administret, distrahat, & ex redacto creditoribus satisfaciât. Eum constituunt creditores privato consilio, vel adeunt Prætores, qui sequetur majoris creditorum partis voluntatem.

Hoc munus injungitur, vel uni ex creditoribus, vel cuivis alii; & vel uni, vel pluribus. Per eum, vel eos gesta, rata habentur; & cum plures sunt, singuli in solidum possunt agere, vel conveniri.

Titulus 8.

Quæ in fraudem Creditorum facta sunt, ut rescindantur.

Quia debitores, possessionem aut distractionem bonorum metuentes, mature solent res suas in fraudem creditorum alienare & intervertere, huic quoque rei provisum est, actione a Prætores proposita, qua res alienatæ revocantur, quæ *Pauliana* dicitur, a Paulo Prætores, aliquando *Calvisiana*, a Calvisio, qui, & ipse Prætor, hac de re edictum fecit, quibus accessit *Fabiana*.

Calvisiana & *Fabiana* Patronis competit in res libertorum, in fraudem eorum alienatas; *Pauliana* au-

tem soli creditori datur, & quidem fraudato re, & proposito.

Datur Pauliana Actio, adversus eum, qui, sciens debitorem non esse solvendo, ab eo aliquid aufert, quocunque contractu, puta venditione, aut oppigneratione, aut dotis donatione, aliove quolibet pacto: nam, contra ignarum fraudis agi nequit, nisi quatenus locupletior est, multo minus adversus tertium, bonæ fidei possessorem.

Venit in hanc Actionem Rei restitutio, quæ omnimodo restituenda est in eum statum, in quo fuit ante alienationem, revocato nimirum dominio, omniq; jure, quod in alium est translatum. Veniunt & fructus, qui tempore alienationis terræ cohæserunt, & qui post inchoatum judicium percipiuntur.

Competit hæc Actio ex die factæ alienationis, & quidem intra annum utilem indistincte, etiam adversus eum, qui doli particeps non fuit, post annum, in fraudulentos tantum, in id, quod ad eos pervenit, aut pervenire potuit.

DIGESTORVM

LIBER XLIII.

Titulus 1.

De Interdictis, siue Extraordinariis Actionibus, quæ pro his competunt.

Interdicta, erant formæ atque conceptiones verborum, quibus Prætor aut jubebat aliquid fieri, aut prohibebat: & quia Prætor inter duos litigantes interdictum reddebat, nec dabat judicem, uti cum Actionem

nem tribuit, idcirco appellatum est Interdictum, quasi *inter duos dictum*.

Ad finiendas Possessionum controversias, Prætor *Interdicta* protulit; nam, oborta de possessionibus contentione, ne interea, dum litigabatur, ad vim & arma res deveniret, utroque litigatorum in possessionis utilitatem imminente, Prætor statim aliquid inter eos interdicebat, puta, vetando vim fieri, donec causa ordinario iudicio plenius disceptaretur.

Interdictum, proprie loquendo, non est Actio, sed interdum *sequebatur Actio*. Nam, Prætor interdictum reddebat, deinde, si dubitabatur, an quis eo interdicto teneretur, de eo quærebatur apud Judicem, per Actionem in factum. Verbi causa Prætor interdicebat: *Quod vi aut clam fecisti, restituas*: si ille, contra quem interdictum impetratum erat, negabat se vi aut clam fecisse, de eo quærebatur apud Judicem per Actionem in factum. Sed, hæc omnia in desuetudinem abierunt; hodie namq; extra ordinem agitur, pen- inde ac si Prætor interdixisset; idcirco Rubrica tituli concepta est: *De Interdictis, seu extraordinariis actionibus, quæ pro his competunt*. Interdictorum igitur formulæ & ritus non sunt in usu, sed eorum effectus manet, ipso jure interdicante, cum olim Prætor vivus interdictum redderet.

Interdictorum variae sunt divisiones. Præcipua hæc esse videtur: Quædam sunt hominum causa, quædam divini juris, aut de religione. Hominum causa, vel pertinentia ad publicam utilitatem, vel juris sui, vel officii tuendi causa, vel ad rem familiarem defendendam. Hæc, sunt vel adipiscendæ, vel recuperandæ, vel retinendæ possessionis.

*Titulus 2.**Quorum Bonorum.*

Primum interdictum, a primis Prætoris verbis, (nam multa a primis edicti verbis nomen sumunt) appellatur *Quorum bonorum*. Hoc Prætor jubet, ut quodcunq; corpus ex his bonis, quorum possessio alicui data est, alius quispiam pro herede, (id est, bona fide, putans se esse heredem, vel bonorum possessorem,) aut pro possessore, (id est, mala fide, sciens se non esse heredem, nec bonorum possessorem) possidet, vel dolo malo fecit, quo minus possideret, id ei restituat, cui possessio data est.

Datur Actio ex hoc Interdicto, *Directa* quidem Bonorum Possessori, cui specialiter Prætor providit, ut decretam a se possessionem tueretur: *Utilis* autem, ex interpretatione, cuilibet heredi, etiam Suo, adversus eum, qui pro herede ejus, cujus de hereditate agitur, vel pro possessore possidet. At, contra justo titulo possidentes, cum ne quidem petitio hereditatis detur, multo minus Interdictum competere dicendum est.

*Titulus 3.**Quod Legatorum.*

Interdictum *Quod Legatorum*, est interdictum adipiscendæ possessionis, quo agit heres, post aditam hereditatem, ut possessionem rei legatæ, quam legatarius occupavit, adipiscatur. Æquissimum enim est, ut legatarius non sibi jus dicat, licet dominium ad eum pertineat, sed ab herede possessionem habeat.

Dolo quidem cæteroquin agit, qui petit, quod mox redditurus est, nimirum cum non interest actoris, ut

rem interim habeat: at heredis id interest, puta, ut constet de legato, an debeat propter legem Falcidiam, aut ob æs alienum; ac deinde hic tantum agitur de possessione interim habenda, non de re ipsa.

Titulus 4.

Ne vis fiat ei, qui in possessionem missus fuerit.

AD universalia Edicta pertinet & illud, quod redditur ex generali Edicto, *Ne vis fiat ei, qui in possessionem missus est*: quo Prætor omnes omnium possessiones, a se decretas, tuetur, promisso interdicto, sive iudicio, aut Actione; si edicto non paritum esse dicatur.

Est hoc Interdictum partim Prohibitorium, quia diserte prohibet vim fieri; partim Restitutorium, jubet enim possessionem restitui Prætor, aut, nisi factum erit, damnavi Reum, quanti ea possessio est.

Titulus 5.

De Tabulis exhibendis.

EX interdicto *de Tabulis exhibendis*, datur actio omnibus, quibus aliquid in testamento, vel libello, sive codicillis adscriptum est, quorumq; interest exhiberi, dummodo jurent, quod sua interesse credant.

Datur *adversus possessorem*, vel tabularum detentorem, qui negat se tabulas possidere, vel ob certam probabilemve causam exhibere recusat, ut eas exhibeat, id est apprehendendarum copiam apud Magistratum faciat.

Quod si quis confiteatur se possidere, nec ullam justam causam prætendat, quare exhibere non debeat, in hunc Prætor interdictum non reddit, sed statim ex officio cogit ad exhibendum.

Titulus 6.

Ne quid in Loco Sacro fiat.

Post Interdicta ad universitatem rerum attinentia, sequuntur nunc *Singularia*.

Interdicto, *Ne quid in loco sacro fiat*, vetatur, ne quid, quod deformitatem vel incommodum habet, fiat in loco sacro, vel immittatur; quod & referendum est ad Portas, aut alia loca sancta.

Titulus 7.

De Locis, & Itineribus publicis.

DE Publicis rebus, quæ sunt humani juris, primo Edictum generale proponitur, *De locis & itineribus publicis*, quo vetat Prætor quid fieri, ad impediendum loci publici usum. Interdicit autem fere modis, qui deinde sequuntur.

Loca publica sunt, quorum solum est publicum.

Via publica est, cujus solum publicum est, relictum in directum, certis finibus latitudinis, ab eo, qui jus publicandi habuit, ut ea publice iretur. Vocatur etiam via regia, & consularis, vel militaris.

Via privata est, quæ est in fundo serviente, ut ad fundum alterius ducat; vel, quæ ex via consulari ad fundum privatum ducit.

Titulus 8.

Ne quid in Loco Publico, vel Itinere fiat.

DE publicis locis omnibus, i. e. iis, quæ utilitatibus publicis & singulorum serviunt, nullius tamen pri-

privati in bonis existunt, sed proprietate ad universitatem pertinent, Prætor edicit, ne quid ibi fiat, neve quid in eum locum immittatur, quod alicui damnum det; nisi lege, aut SC. aut constitutione Principis concessum sit.

Damnum pati videtur, qui commodum qualecunque amittit, quod ex publico consequbatur.

Prætor vetat in via publica, itinereve publico, aliquid immitti, quo ea via, idve iter deterius sit, vel fiat.

Deterior via fieri dicitur, si usus ejus ad commẽandum, i. e. ad eundem, vel agendum corrumpatur.

Titulus 9.

De Loco Publico fruendo.

Actio De loco publico fruendo, publicæ utilitatis gratia, ad conservanda vectigalia, conductori- bus publicorum locorum, adversus inquietatores, concessa est, qua suam quasi possessionem tueantur, cum nullam jure civili habeant. Sed & socio publicani datur; quod & ipsum singulare est: nam alias ex contractu socii, non potest socius, nisi cedatur, Actione uti.

Titulus 10.

De Via publica, & si quid in ea factum esse dicatur.

Quia parum est, usum Viarum liberum esse, nisi etiam purgentur, & reficiantur, ut usibus pateant, huic quoque rei provisum est.

Urbanis quidem viis, Edicto *Ædilium Curulium*, penes quos harum cura est, qui vetant aliquid immittere, facere, projicere in viam publicam, quod præter- euntibus aut impedimento, aut noxæ esse possit; ju- bentq;

bentq; unumquemque, juxta propriam domum, viam publicam reficere & purgare.

Titulus 11.

De Via publica, & Itinere publico reficiendo.

Vis Rusticis purgandis, quarum curam sustinere Magistratus urbicus nequit, Prætor in subsidium hoc interdicto consulit, ne vis fiat reficienti viam, vel iter publicum.

Titulus 12.

De Fluminibus: ne quid in Flumine publico, Ripave ejus fiat, quo pejus navigetur.

Flumen dicitur a fluendo, nec specie a Rivo differt, sed magnitudine, ex qua, & ex accolarum estimatione cjudicatur.

Fluminum quædam sunt perennia, quæ semper fluunt; quædam torrentia, quæ hyeme fluere, æstate exarescere solent.

Ripa, est id, quo flumen continetur, naturalem sui cursus rigorem tenens. Nam, si quando vel imbribus, vel alia ratione flumen ad tempus excrescat, ripas non mutat; sed, si naturaliter crevit, perpetuumq; incrementum, vel alio flumine admixto, vel alia ratione nactum sit, ripas sine dubio mutavit.

Inter Lacum & Stagnum hoc interest, quod ille perpetuam, hoc temporalem aquam habet.

Fassa, est receptaculum aquæ, manu factum.

Prætor prohibet, ne quid in flumine publico ripave ejus fiat, immittaturve, quo statio navium, aut navigatio deterior sit.

Titulus 13.

Ne quid in Flumine publico fiat, quo aliter
Aqua fluat, atque uti priore æstate
fluxit.

PRætor prohibet, in flumine publico, (sive navigabile sit, sive non navigabile) ripæ ejus, aliquid fieri, vel immitti, quo aliter aqua fluat, quam priore æstate fluxit.

Prætor, *Æstatem* in edicto comprehendit, quia semper certior est naturalis fluminis cursus æstate, quam hyeme, propter hibernas claviones,

Prohibet igitur Prætor, ne derivationibus, constructione molarum, aliisque ejusmodi operibus, flumina exarescant, aut cursus eorum mutetur, aut depressior, vel altior fiat aqua, in detrimentum vel publicum, vel accolentium.

Titulus 14.

Vt in Flumine publico navigare liceat.

PRætor prohibet, ne legitimus usus impediatur fluminis, ripæ, lacus, fossæ, stagni, si modo hæc publica sint; privata enim flumina nihil differunt a ceteris bonis. Vetat ergo vim fieri naviganti in publico flumine, aut in ripa oneranti vel exoneranti navem, aut pecus ad flumen, ripamve ducenti.

Titulus 15.

De Ripa munienda.

PROhibet Prætor, ne fiat vis opus in flumine publico ripæ ejus facienti, ripæ, agrivæ, qui circa ripam

pam est, tuendi, reficiendi, muniendi causa: dummodo eo opere deterior navigatio non fiat, & is qui facit, vicinis, & his quoque, qui ultra flumen prædia possident, de damno infecto, in annos decem, viri boni arbitratu, caveat, vel satisfacet.

Titulus 16.

De Vi, & Vi armata.

Interdictum de Vi datur propter vim atrocem, quæ quis de possessione soli, aut rei, quæ solo cohæret, ut ædificii, dejectus est, ita ut possessionem amiserit, nec saltem per alios retinuerit.

Vis duplex est: Altera *quotidiana*, seu privata, quæ fit sine armis; & in hac rubrica vocatur simpliciter vis: Altera *publica*, quæ fit hominibus coactis, & armatis; *Armorum* autem appellatione, non tantum enses & hastæ, sed & fustes & lapides significantur. Hanc ob causam, olim duo de Vi fuerunt Interdicta, e quibus Justinianus unum tantum in Pandectas retulit.

Datur Interdictum cuiusque possessori, siue animo, siue corpore possideat, licet etiam possideat vi, clam, vel precario a deiciente. Datur & usufructuario, non colono, quia sibi non possidet.

Datur adversus deicientem, vel eum, qui mandavit, aut ratum habuit. Etiam adversus heredes, in id quod pervenit, Actione in factum agi potest.

Datur interdictum, ut dejectus ante omnia pristinam possessionem recuperet, (si civiliter agatur,) cum fructibus & omnibus utilitatibus, ex die dejectionis, ac omnibus rebus mobilibus, propriis & alienis, quas præstare debet, quasque ibi habuit dejectus.

Si de jiciciens dominum se dicat, non auditur, etiamsi in continenti offeratur probatio, nisi dejectus consentiat tacite vel expresse, ut cognoscatur de proprietate.

Si quis vim patitur, in continenti potest eam jure repellere; adeoque qui in vi repellenda alterum occidit, cum aliter ipsi parcere non potest, ac usus est modamine inculpatæ tutelæ, jure eum occidit.

Vim passio etiam aliis remediis consulitur. Hæc sunt:
 1. Accusatio ex judicio publico de vi. 2. Remedium est l. 7. C. unde vi. per quod, si dominus expulserit, dominium amittit; si alius, præter restitutionem rei, mulctatur ejus æstimatione, quam dejecto præstare tenetur. 3. Remedium ex c. redintegranda. C. 3. q. 1. cujus beneficio consulitur iis, qui injuste, quolibet modo, possessionem suarum rerum amiserunt, ut possessionem recuperare possint a quolibet, maxime eo, qui non ignorabat, eam vi esse ablatam.

Titulus 17.

Vñ possidetis.

ALterum Interdictum de singulis rebus privatis immobilibus, est *Vñ possidetis*. Hoc datur iis, qui possident res immobiles, vel quasi possident, vel res incorporeales, quæ instar mobilium se habent, adversus eos, qui turbant in possessione, nisi vi, aut clam, aut precario, ab adversario turbante possident.

Datur contra turbantes ac impediētes usum possessionis quolibet modo. Imo & contra eum, qui metum intulit, ne quis colere fundum audeat. Nempe Prætor ei, qui rem immobilem possidet, quo minus ita possideat, vim fieri vetat.

Titu-

*Titulus 18.**De Superficiebus.*

PRætor Superficiario possidenti, nisi vi, aut clam, aut precario ab adversario possideat, vim, quo minus ita possideat, fieri vetat. Hoc interdictum est omnino superiori simile, & illud tantum proprium habet, quod ad superficiarium pertinet.

Superficies est id, quod solo inædificatum est.

Superficiarius est, qui superficiei, in alieno solo positæ, dominium utile habet, & certam pensionem domino soli præstat. Est igitur similis Emphyteutæ & Vasallo; ab eis tamen discrepat, quoniam Emphyteuta non solum superficiei, sed etiam soli dominium utile habet, sicuti & Vasallus. Atque hi inter se differunt, quod Emphyteuta certam pensionem, Vasallus servitia feudalia domino directo præstat.

*Titulus 19.**De Itinere, Actuq; privato.*

CUm dicimus in hac rubrica Iter & Actum, *Via* etiam intelligenda venit, quæ ex itinere & actu constat, & duo illa continet.

De Itinere Actuq; duo sunt Interdicta: *Primum* est prohibitorium, ne ei, qui itinere, vel actu, vel via, hoc anno usus est, quo minus ita utatur, vis fiat, nisi vi, aut clam, aut precario ab adversario sit usus. *Secundum* interdictum est, de itinere actuque reficiendo: nam Prætor prohibet vim fieri reficienti, qui jus reficiendi sive præscriptione, sive aliam ob causam habet.

Titulus 20.

De Aqua quotidiana & æstiva.

DE Aqua ducta sunt plura Interdicta, omnia prohibitoria. Primum est de Aqua quotidiana, quo Prætor ei, qui hoc anno (id est saltem una die vel nocte hujus anni) aquam duxit, nisi vi, aut clam, aut precario ab adversario duxerit, vim fieri vetat, quo minus ita ducat.

Aqua quotidiana dicitur, quæ assidue duci solet, vel æstate, vel hyeme; licet interdum non ducatur.

Prætor permittit aquam eodem modo duci, quoducta est hoc anno: proinde nec plus aquæ duci potest, nec alia aqua, nec per alium locum. Sed hoc Interdictum requirit bonam fidem, ut Actor putet, se habere jus aquæ ducendæ. Datur contra eum, qui aquam duci prohibet, siue sit dominus fundi, siue non.

Secundum Interdictum est de Aqua æstiva, quo Prætor ei, qui superiori æstate aquam duxit, nisi vi, aut clam, aut precario ab adversario duxerit, quo minus ita ducat, vim fieri vetat.

Æstas sex mensibus definitur, ab æquinoctio verno, ad æquinoctium autumnale: reliqua anni pars vocatur hyems.

Aqua æstiva est, quam æstate tantum ducere licet, vel expedit.

Tertium Interdictum est de aqua ex Castello, id est ex eo receptaculo, quod aquam publicam suscipit, ducenda. Nam, Prætor ei, cui ex Castello aquam ducere a Principe permissum est, quo minus ducat, vel, si de damno infecto caverit, quo minus aquæ ducendæ causa opus faciat, vim fieri vetat.

Titu-

S

*Titulus 21.**De Rivis.*

PRætor ei, qui eodem anno, vel superiori æstate aquam duxit, sive jus aquæ ducendæ habeat, sive non habeat, dummodo nec vi, nec clam, nec precario ab adversario duxerit, vim fieri vetat, quo minus, aquæ ducendæ causa, rivum, specum, septa reficiat, purget: sic tamen, ne aliter aquam ducat, quam antea usus est.

Rivus, est locus per longitudinem depressus, quo aqua decurrit, dictus *ῥῖος* ἢ *ῥῆν*, a fluendo.

Specus, est locus ex quo despicitur.

Septa sunt, quæ ad incile opponuntur, aquæ derivandæ causa, sive lignea sint, sive lapidea, sive ex alia qualibet materia.

Incile, est locus depressus ad latus fluminis, sic dictum, quia vel lapis vel terra inciditur, ut aqua ex flumine agi possit.

*Titulus 22.**De Fonte.*

DE aquæ haustu, & pecoris ad aquam appulsu, duo Interdicta prohibitoria ei dantur, qui de fonte, lacu, puteo, piscina, nec vi, nec clam, nec precario (saltem ab adversario) aqua usus est.

Primum Interdictum est, ne ei vis fiat, quo minus ita aqua utatur.

Alterum Interdictum est, ne ei vis fiat, quo minus fontem, vel lacum, vel puteum, vel piscinam reficiat, ut aquam coercere, & ea uti possit; dummodo non aliter utatur, atque eodem anno usus est, & de damno infecto caveat.

Titulus 23.

De Cloacis.

CLoaca, est locus cavus, per quem colluvies quædam fluit: & est vel publica, vel privata.

De cloaca privata est Interdictum, quo Prætor vetat vicinum vim facere, quo minus cloaca reficiatur, purgetur, ab eo qui damni infecti cavet, etiamsi vitiose possideat: quia publice interest, cloacas purgari, unde nec per operis novi nunciationem potest purgatio & refectio cloacæ impediri.

De Cloaca publica Prætor jubet, ut, quod quis in ea factum immissumve habet, quo usus ejus deterior sit, id restituat, & ne quid fiat immittaturve; denique ne vis fiat cloacam purganti & reficienti.

Titulus 24.

Quod vi, aut clam.

DE opere, quod in solo, vi, aut clam factum est, datur Interdictum, quod vi aut clam, quo Prætor opus vi aut clam factum restitui jubet.

Opus facere dicitur, non solum qui aliquid novi operis facit, ut ædificium, aut fossam, sed etiam qui destruit. Nec refert, utrum factum sit in privato loco, an in publico, sive sacro, sive religioso; nec utrum factum sit vi tantum, vel clam tantum, an partim vi, partim clam.

Vi facit, qui prohibitus facit, & qui, quo minus prohiberetur, consecutus est, vel periculo adversarii denunciato, vel janua clausa; & sufficit vim initio factam esse; licet enim singulis momentis non fiat, tamen semel facta perseverare intelligitur.

Clam facit, qui celavit adversarium, cum existimaret, aut existimare deberet, eum esse prohibiturum.

Hoc interdictum *ei competit*, cujus interest, opus factum non esse, siue sit dominus, siue non, etiamsi non possideat. In hoc autem competit, ut, si possideat reus quod factum est, suis sumtibus restituat, id est reponat in antiquum statum, destructo opere, quod vi, clamve fecit: si non possideat, restitui curet a possessore, refuso etiam eo quod interest, & fructibus restitutis.

Datur hac actio etiam heredibus, in heredes vero, duntaxat quatenus ad eos pervenit; & est annalis, exemplo reliquarum, quæ ex jurisdictione Prætoris proficiuntur.

Titulus 25.

De Remissionibus.

R*Emissio*, est nunciationis novi operis solutio, vel ex voluntate nunciantis, vel Prætoris imperio, vel alia iusta causa. Nam, si quis nunciet ibi, ubi jus non habet, nunciatio nequaquam tenet; si jure renunciet, tam diu tenet renunciatio, quoad remissa est voluntate nunciantis; aut in ea causa est, ut remitti debeat, puta cautione, de demoliendo novo opere, si injuste ædificatum apparuerit, præstita, aut oblata.

Titulus 26.

De Precario.

P*recarium* est, quod precibus utendum conceditur, & quidem tamdiu, quamdiu is, qui concessit, patitur. Est juris gentium, simile Commodato; sed ab eo differt, quia non est ad certum usum, nec est contractus, ideoque non parit actionem civilem, sed tan-

tantum Interdictum ; receptum tamen est ex æquo & bono , ut detur etiam Actioprescriptis verbis.

Jubet Prætor , ut is , *qui ab altero precario habet , vel dolo malo fecit , ut desineret habere* , id ei restituat. Alioquin , nisi restituat , in tantum condemnabitur , quanti actoris est rem restitui : quod spectatur ab eo tempore , quo Interdictum editum est , proinde etiam fructus ex die Interdicti editi præstabuntur.

Heres tamen ex dolo defuncti non tenetur , nisi in id , quod ad eum pervenit.

Titulus 27.

De Arboribus cædendis.

DE Arboribus sunt duo Interdicta prohibitoria : *Primo* , si arbor ex ædibus tuis in ædes vicini impendeat , si per te stet , quo minus eam adimas : tunc quo minus illi eam arborem adimere , sibiq; habere , id est totam arborem succidere , ac ligna tollere liceat , vim fieri Prætor vetat. Arboris appellatione etiam Vitis continetur.

Secundo , si Arbor ex agro tuo in agrum vicini impendeat , si per te stet , quo minus pedes quindecim a terra eam altius coërceas , tunc , quo minus illi ita coërceere , id est , inferiores ramos amputare , lignaq; sibi habere liceat , vim fieri Prætor vetat. Cujus interdicti ratio est , ne umbra arboris vicino prædio noceat.

Titulus 28.

De Glande legenda.

DE Fructibus unum est Interdictum , similiter prohibitorium , ne vis fiat vicino , quo minus Glandem , quæ ex ejus agro in tuum cecidit , tertio quoq;

die legere, & auferre liceat. *Glandis* appellatione omnes fructus significantur.

Titulus 29.

De Libero Homine exhibendo.

DE hominibus liberis sunt tria Interdicta. *Primum* est de quocunq; homine libero. & est Exhibitorium. Nam libertatis tuendæ causa Prætor jubet, ut quem hominem liberum dolo malo quis retinet, eum exhibeat.

Exhibere, est in publicum producere, & videndi tangendique hominis potestatem facere; quod non aliter fit, quam si extra secretum habeatur. Hoc Interdictum est popolare, & omnibus competit.

Titulus 30.

De Liberis exhibendis, item ducendis.

Reliqua duo Interdicta sunt de Liberis nostris.

Secundum Interdictum est exhibitorium, quo Prætor jubet, ut extraneus, penes quem est filiusfamilias, quive dolo malo fecit, quo minus penes se esset, eum parenti, in cuius potestate est, exhibeat.

Tertium Interdictum est prohibitorium, ne vis fiat parenti, quo minus liberos, quos in potestate habet, ducere ei liceat. Superius Interdictum est huius præparatorium, nam, liberi exhibendi sunt, ut duci possint.

Hujus actionis exemplo, datur & Marito jus agendi, de exhibenda & deducenda uxore, etiam adversus socerum.

*Titulus 31.**Vtrubi.*

Superfunt Interdicta de *Rebus Mobilibus*, quæ sunt in commercio. Primum Interdictum a primo verbo dicitur *Vtrubi*, cujus eadem vis est in rebus mobilibus, quæ Interdicti Vti possidetis, in rebus immobilibus.

*Titulus 32.**De Migrando.*

Secundum Interdictum est, ne vis fiat inquilino migranti, quo minus abducere, asportare ei liceat, quæ non sunt domino ædium pignerata: vel, quia in pignoris causam non venerunt: vel, quia merces soluta est, aut per dominum ædium stat, quo minus solvatur.

*Titulus 33.**De Salviano Interdicto.*

Tertium Interdictum, quod a Salvio Juliano, Edicti perpetui conditore (ut probabile est) appellatur *Salvianum*, est Restitutorium adipiscendæ possessionis. Directum domino fundi competit, de rebus coloni sibi pigneratis, contra quemcunque possessorem. Vile datur eidem domino fundi, de partu ancillæ pigneratæ, post eam venditam edito, & cuivis alii creditori, adversus ipsum debitorem, non adversus extraneum possessorem.

DIGESTORVM

LIBER XLIV.

Titulus 1.

De Exceptionibus, Præscriptionibus, & Præjudiciis.

EXceptio, est allegatio, quam Reus, conventus in iudicio, intentioni Actoris opponit.

Præscriptio est, qua modus, tempus, locus, aliæque circumstantiæ actionis determinantur, & quasi circumscribuntur; ut, cum reus ostendit coram alio iudice, aut ab alio actore, aut cum alio, aut non hoc loco vel tempore, esse agendum. Solent autem voces Exceptio & Præscriptio promiscue usurpari; unde & exceptio possessionis, qua se adversus dominum possessor tuetur, præscriptio longi temporis appellatur.

Præjudicium in iure crebro accipitur pro certo actionum genere; quæ præjudiciales appellantur, cum videlicet ante quid petitur judicari, quam ad principale negotium perveniatur. Harum ad Actionum similitudinem, Exceptiones etiam quædam præjudiciales sive præjudicia dicuntur, quibus nimirum Reus ita excludit agentem, ut dicat, præjudicium, per novum aliquod iudicium, quod adversarius movetur, principali actioni fieri non debere.

Titulus 2.

De Exceptione Rei judicatæ.

EXceptio rei judicatæ est, qua reus allegat sententiam de controversia latam esse, atque ob eam causam litem non posse resuscitari. Ideo introducta

est

est hæc exceptio, quia uni liti unum iudicati finem sufficere oportet; alioquin modus litium multiplicatus, summam atque inexplicabilem faceret difficultatem.

Habet locum Exceptio, cum est eadem res, eadem causa agendi, ac eadem personæ, ac eam eadem qualitas, Vtrum autem sit diversum genus live modus actionis, an idem, non interest; modo eadem res, eademq; causa agendi maneat.

Quod si quis partem petat, qui totum ante petiit, manet eadem res; & sic exceptio hæc nocebit.

Titulus 3.

De diversis temporalibus Præscriptionibus, & de Accessionibus Possessionum.

PRÆSCRIPTIO temporis multas species sub se continet; sed omnes ad tria genera videntur referri posse. 1. *Actioni in personam temporali* opponitur exceptio illius temporis finiti, quo actio terminatur; veluti, si quis agat Redhibitoria post sex menses, aut, Quanto minoris, post annum, aut, de Dolo, post biennium. 2. *Actioni in personam perpetue* præscribitur ex constitutionibus longissimo tempore, id est 30. vel 40. annis. 3. *Actioni in Rem* opponitur præscriptio longi temporis, id est 10. annorum inter præsentēs, aut 20. inter absentes. Sed, si res mobilis cum iusto titulo possideatur, triennium sufficit.

In hoc tertio exceptionis genere habetur ratio interruptionis, & accessionis. Nam *Interruptio* possessionis nocet præscribenti, quia possessio continuata requiritur: & *Accessio* prodest, quia tempus primi

præsumitur, non directo probatur; uti in literarum obligatione: vel, cum subtilitas juris, qua obligatio sustinetur, pugnat cum æquitate; uti si quid metu vel dolo sit gestum. Illo modo habet efficaciam; hoc vel nullas habet vires, vel per restitutionem in integrum rescindi potest.

Obligatio Mixta est, quæ, & ex æquitate naturali, & ex jure civili subsidium habet, ac omni ex parte est valida, uti sit in societate, in mutuo.

Naturalis obligatio eos habet effectus, ut proficiat ad Exceptionem, impediat CondiCTIONem indebiti; Fidejussorem, Pignus, Compensationem, & Novationem admittat.

Obligatio quoque vel est ex Contractu, vel quasi, item ex Maleficio, vel quasi.

Actio est jus persequendi in judicio, quod sibi debetur.

DIGESTORVM

LIBER XLV.

Titulus 1.

De Verborum Obligationibus.

Stipulatio, est contractus, qui verbis perficitur, præcedente interrogatione, & sequente congrua responsione. Dicta est stipulatio a *stipulato*, quod veteribus significabat firmum; est enim firmissimus contractus, per quem nobis cavetur.

Titulus 2.

De duobus Reis constituendis.

Ut unus stipulatur, & unus promittit; aut duo rei stipulantur, vel promittunt.

Et plures debendi vel stipulandi rei fiant, requiritur 1. ut sit eadem res, quæ in stipulationem deducitur. 2. Ut sit eadem causa obligationis. 3. Ut singuli in solidum expresse vel tacite se obligent. 4. Ut quilibet sit principaliter obligatus.

Titulus 3.

De Stipulatione Servorum.

Non modo liberæ personæ, sed etiam *Servi stipulari possunt*. Et si enim in iis, quæ ad jus civile pertinent, nulla Servorum habetur ratio, neque personam sustinere videntur; tamen, quia respectu domini caput habeat, recte stipulari possunt. Nam, dominus cui acquiritur, quadam juris interpretatione, per manum servi, tanquam instrumentum, contrahere fingitur.

Si factum stipuletur servus, quod suam personam respiciat, ut sibi liceat agere, ire &c. persona tantum stipulantis continebitur, quia personalia facta ad alios transire non possunt.

Cum hereditas personam defuncti sustineat, etiam *hereditarius Servus* stipulari poterit.

DIGESTORVM

LIBER XLVI.

Titulus 1.

De Fidejussoribus, & Mandatoribus.

Qui suo nomine obligatur, est *Reus principalis*; qui alieno nomine, dicitur *Fidejussor*, videlicet, si, principali obligatione manente, accedat.

No-

Vt efficaciter fiat solutio ratione Personarum, 1. necesse est, ut is sit, qui solvere possit; sunt enim nonnulli, qui non possunt; ita pupilli sine tutoris auctoritate, aliiq; qui nihil alienare possunt, non solvunt, nec rem faciunt accipientis; imo, quod solutum est, vindicari potest. 2. Necesse est, ut ei solvatur, qui liberare potest.

Ratione Rerum necesse est; 1. ut totum solvatur, nisi pars debiti sit illiquida, vel fiat partis solutio ex voluntate. 2. Ut idem non aliud solvatur, nisi necessitas, vel lex publica, vel creditoris voluntas aliud admiserit.

Titulus 4.

De Acceptilatione.

A *Acceptilatio, est solutio imaginaria, cum, quod debetur, acceptum fertur, ac si vere solutum esset. Vel, est liberatio, per mutuam interrogationem, per quam contingit ab obligationis nexu absolutio.*

Acceptilatio fit vel simpliciter, cum verborum obligatio verbis tollitur; vel per Aquilianam stipulationem, cum, quod ex alia causa debetur, prius transfunditur in obligationem verborum, & deinde tollitur.

Titulus 5.

De Stipulationibus Prætoriiis.

S *Stipulationes Prætorie sunt hæ, quas Prætor interponit, & quæ sunt ex Edicto ejus. Hæ sunt vel Judiciales, quæ propter iudicium interponuntur, ut iudicatum solvi: vel Cautionales, quæ ad securitatem fiunt, uti sunt de legatis, de tutela: vel Communes, quæ fiunt & causa iudicii & securitatis, uti quæ fiunt iudicio sistendi causa.*

Stipu-

Stipulationes Prætorie requirunt fidejussores, cum satisdatio in specie exigitur, non cum in genere cautio; sufficit enim nunquam nuda promissio. Ita in novi operis nunciatione, qui suo nomine cavet, repromittit; qui alieno, satisdat. De Opere, quod in privato factum, exigitur Satisfatio; de eo, quod in publico, Repromissio.

Titulus 6.

Rem Pupilli vel Adolescentis salvam fore.

Rem Pupilli vel Adolescentis salvam fore, tutores & curatores, antequam administrationem suscipiant, satisfacere debent; exceptis testamentariis, & dativis, qui ex inquisitione sunt. His tamen a collega offerri poterit, utrum satis accipere velint, an satisfacere.

Cavetur hac stipulatione ipsi pupillo. Qui, si præsens est, & fieri potest, etiam si ejus ætatis sit, ut non intelligat, quid agatur, tamen propter utilitatem receptum est, recte cum stipulari & agere. Quod si aliter erit, servus pupilli, aut, eo deficiente, servus, seu notarius publicus, ejus nomine ad acquirendam pupillo Actionem stipulabitur, aut dare aliquem Prætor debebit, cui caveatur.

Titulus 7.

Judicatum solvi.

Conventus Actione Reali, aut in Personam, sed alieno nomine, satisfacere judicatum solvi cogebatur: quæ quidem stipulatio tres clausulas in unum collectas habet: nempe, de re judicata, de re defendenda, & de dolo malo.

Prima est de re judicata, ut in tantum committatur stipulatio præsteturque, quantum judex deberi pronunciaverit, ex causa tamen principali: nam, si quid rei judicatæ accesserit, ex contumacia aut delicto Rei, ad id iniquum esset fidejussores teneri.

Secunda est de re, hoc est, de causa defendenda: ut, nisi boni viri arbitratus lis agatur, & defendatur Reus, quanti hoc nomine interest, exigere Actor a Reo & Fidejussoribus possit. Res autem defensa non videtur, si non in solidum defendatur, aut quando certum esse incipit, neminem posse existere, qui reum defendat.

Tertia clausula est, dolum malum abesse, absuturumque esse.

Titulus 8.

Ratam rem haberi, & de Rationatione.

R*Em ratam haberi* petunt a se mutuo Procuratores Actoris & Rei, aut cum non satis idonee de mandato constat, aut cum aliqui mandatum exhibere non coguntur, uti conjunctæ personæ. Nam, qui alieno nomine agit quacunque Actione, id ratum habiturum eum, ad quem illa res pertinet, cavere debet.

Ex hac stipulatione agitur adversus Promissorem, ejusque Fidejussores & Successores, nisi aliud sit actum, in id, quanti interest dominum rem ratam habuisse. Quæ quidem stipulatio in nervum abit statim atque dominus, de re gesta certior factus, eam ratam non habet.

DIGESTORVM

LIBER XLVII.

Titulus 1.

De Privatis Delictis.

Delictum aliud est publicum, aliud non publicum. Non-publicum, est vel Privatum, vel Populare.

Privatum delictum est, ad cuius poenam tantum laesus agit, non alius.

Privatum delictum est vel Ordinarium, vel Extraordinarium. Ordinariorum Delictorum species sunt: Furtum, Rapina, Damnum injuria datum, ac Injuria.

Privata delicta id commune habent: 1. Quod laesi tantum agant. 2. Quod actiones poenales pecuniarie non dentur contra heredes, nisi lite contestata, vel quatenus ad heredes pervenit. 3. Quod non consideretur inscriptio nisi criminaliter agatur. 4. Quod, si multa concurrant, nullius debeat dari impunitas.

Titulus 2.

De Furtis.

Furtum, est contrectatio rei fraudulosa, lucri faciendi causa, vel Rei, vel Vfus, vel Possessionis.

Fur enim vel ipsam rem lucrari cupit, ut cum rem alienam occultat: vel possessionem, ut cum Debitor Creditori Pignus surripit: vel usum, ut cum Depositarius re deposita utitur.

Ut Furtum dicatur commissum, requiritur 1. ut sint personae doli capaces. Hæc autem capacitas, non ex annis certis, sed ex facto, pro re nata, ad arbitrium

trium iudicis æstimanda est. 2. Vt penes furem sit affectus furandi. 3. Vt fiat invito domino. 4. Vt res sit talis, quæ possit cadere in furtum.

Furtum est vel Manifestum, vel Non manifestum.

Manifestum Furtum est, cum fur deprehenditur vel in loco, quo furtum fit, vel cum re, antequam detulerit ad locum, in quem deferre voluit. Reliqua sunt *Non manifesta*.

Furti Actio datur non tantum Dominis, quibus furtum est factum, sed & omnibus, quorum interest, ex honesta causa rem esse salvam, quiq; levem culpam præstare debent.

Pœna ordinaria furti de jure civili est tantum pecuniaria, in manifesto quadrupli, in non manifesto dupli. Præter hanc, datur & Vindicatio contra possessorem, vel Condictio furtiva, contra furem, aut ejus heredem in solidum. *Extraordinaria* pœna est criminalis.

Rem furtivam in alienis ædibus non aliter quærere licet, quam cum suspicio est contra illum, in cujus ædibus inquisitio facienda, vel publica utilitas id urget. Nec aliter *Inquisitio* fiet, quam præsentibus ad eam rem ex Senatu deputatis.

Titulus 3.

De Tigno juncto.

Tigni appellatione continetur omnis materia, ex qua ædificium constat, vel, quæ vineæ est necessaria.

Tignum quamdiu junctum est, nec vindicare lex 12. tabb. permittit, ne ædificia rescindantur, neve cultura vinearum turbetur; nec ejus nomine agi ad exhibendum, nisi adversus eum, qui mala fide jun-

xit: sed in eum, qui junxit, actionem dat in duplum. *Soluta autem adipcio*, vel separato tigno a vinea, dominus potest illud vindicare, & ad exhibendum agere, nisi jam sit duplum consecutus.

Titulus 4.

Si is, qui testamento liber jussus erit, post mortem domini ante aditam hereditatem, surripuisse aut corrupisse quid dicatur.

Servus in testamento liber esse jussus, si rem hereditariam dolo malo aut lata culpa surripuit, vel corripit, non potest puniri ut Servus, quia libertas ei in domini testamento relicta est: quin nec potest furti conveniri, facit enim hereditati furtum, hoc est dominæ; dominus autem dominave non possunt habere furti actionem cum servo, etiam post libertatem, nisi postea quoque eam rem contrectaverit. In hunc igitur Prætor, naturalem æquitatem secutus, intra annum dat utilem actionem in duplum.

Titulus 5.

Furti adversus Nautas, Caupones, Stabularios.

EX Furto facto in Navi, Caupona, vel Stabulo, datur Actio in Exercitores in duplum, si per eos furtum sit factum, quorum opera exercentur naves: si per Viatores, potest agi & adversus Exercitores in simplum, ad restituendum quod ablatum est, & adversus ipsos viatores furti in duplum.

*Titulus 9.**De Incendio, Ruina, Naufragio.*

S*I quis ex incendio, ruina, naufragio, rate nave expugnata, rapuisse, vel dolo malo recepisse, damni-ve quid in his rebus dedisse dicetur, in eum intra annum utilem in quadruplum, post annum, in simplum actionem Prætor dat.*

Ex incendio rapitur, quod propter incendium rapitur, vel ex ipso igne, vel ex loco, ubi incendium fit, vel ex adjacentibus prædiis.

Ex Ruina rapi dicitur, si quid ex his, quæ ruerunt, sive ex adjacentibus, aliquis rapiat, dummodo ruinæ tempore rapiat.

Quod si Incendium vel Ruina non fuit, sed tantum ejus suspicio, Edictum cessat.

Ex Naufragio rapi dicitur, si tempore & loco naufragii quis rapiat: qui autem rem in litore jacentem, postquam naufragium factum est, abstulit, is furti, nequitiam vero ex hoc Edicto tenetur.

Navis expugnari dicitur, cum spoliatur, aut mergitur, aut dissolvitur, aut pertunditur, aut vela ejus a furibus præciduntur aut conscinduntur, aut anchoræ involantur.

*Titulus 10.**De Injuriis & Famosis libellis.*

I*njuria aliter hic accipitur, ac in lege Aquilia, quæ est de damno injuria, id est culpa dato.*

Hoc loco Injuria denotat omne illud, quod dolo malo in alterius contumeliam vel contemptum admittitur.

Injuria est vel *Realis*, vel *Verbalis*. *Realis* fit re vel facto, quod in alterius tendit contumeliam, idq; vel in corpore, vel extra corpus. *In corpore*, cum manus inferuntur, verberando, quod cum dolore, vel pulsando, quod sine dolore contingit, vel etiam verbera comminando. *Extra corpus*, cum quis habitu, gestu, vel alio aliquo actu despiciatui ducitur.

Verbalis Injuria fit vel *Verbis*, uti si quis maledictum vel convitium in aliquem ingerat, aut dicendo, mentiris, calumniaris, etiamsi additum sit, salvo honore; protestatio enim facto contraria nihil operatur. Huc pertinet, si quis virum honoratum Germano sermone tuisset. Vel fit *Scriptis*, uti si alicui objiciatur contumelia per libellum scriptum.

Ratione circumstantiarum loci, personæ, vel temporis aut facti, dividitur injuria in *Levem & Atrocem*.

Causa Efficiens injuriæ est: dolus animi, contumeliam alicui facere volentis. Hinc, si quis per jocum percutiat, aut dum certat, injuriarum non tenetur. Idem est, si animo corrigendi id faciat.

Facere injuriam nemo potest, nisi sciat se injuriam facere; non est autem opus, ut sciat, sed pati injuriam potest, etiam qui non sentit, ut furiosus.

Injuriarum tenetur, qui verbis secundum propriam significationem nihil injuriosum, sed potius laudem continentibus, per ironiam utitur: v. c. si quis aliquem bonum virum vocet, cornutum intelligens.

Personæ injuriam inferentes eæ sunt, quæ doli sunt capaces, & animum habent injuriandi. Hunc animum si Reus neget se habuisse, Actor probare debet. In hac vero probatione etiam præsumptiones & conjecturæ sufficiunt, utpote cum hoc in animo constet, nec incurrat in sensus.

T s

Quod

Quod si vero id, quod dictum factumve est, futura injuriosum sit, Actor non indiget hac probatione, cum illud tamdiu animo lædendi factum prætatur, donec contrarium probetur; quandoq; tamen ei permittitur *Juramentum Purgationis*.

Infantes, Furiosi, Impuberes, utpote doli non capaces, injuriam inferre nequeunt. Idem dicendum de dormientibus, qui furiosis æquiparantur.

Clerici, pravos seculi mores corrigentes, injurias non tenentur. Si certæ personæ crimen aliquod objiciant, ut omnes intelligant, quis notetur, injurias inferunt, & ideo conveniri ac puniri possunt. Recessus Imperii Augustanus A. 1530. §. Wir haben unser Wille / Gemüth und Meinung / daß die Prediger das Evangelion / nach Auslegung der Heil. Schrift / und Lehrer / von der gemeinen Heil. Christlichen Kirchen approbiret und angenommen / predigen und lehren / und was disputirliche Sachen / sich dasselbig zu predigen und zu lehren / dazu stumpfieren / schmähen und lästern enthalten.

Veritas convitii ab animo injuriandi & dolo liberat, ita ut adversus hunc Actio injuriarum denegetur. Quod ita se habet jure civili, per textum generalem l. 18. in pr. h. t. & quoque jure Canonico c. 1. C. 6. q. 2. Pragmatici tamen distinguunt, utrum manifestari crimen Reip. intersit, an minus; priori casu proferens, ab actione injuriarum relevatur, posteriori non item. Nec juvat, convitii habere auctorem, unde tritum: Wehrmann haben hilft nit.

Afficitur quis injuria vel *Immediate*, vel etiam *Mediate*, quando quis per injuriam iis, qui in potestate ejus sunt, affectam læditur.

Injuriarum Actio datur ei, qui per se, vel per alium injuriam passus est, adversus eum, qui per se, vel per alium injuriam fecit. Sed neque heredibus, neque contra heredes, neque post annum datur.

Hæc actio est *Prætoria privata*, quia Prætor per-mittit, ipsum, qui injuriam passus est, eam æstimare: ut Judex vel tanti, vel minoris Reum condemnet, prout sibi justius videbitur.

Concurrit cum Judicio Extraordinario, & certis casibus cum Judicio Publico, veluti, si quis pulsatus, aut verberatus sit, aut in domum ejus alius vi irruperit.

Potestati nostræ subjecti sunt Servi, & Filii familias. Ob injuriam *Servo* illatam, domino tum demum competit Actio, si atrox ea sit, & aperte ad contumeli-
am domini respiciat. Secus se res habet de famulis nostris, qui pro mercede serviunt, nam illis illata, etiam atrox injuria, non in nostram contumeli-
am facta censetur, nisi id aliunde constet.

Si *Liberi*, in potestate nostra existentes, injuria af-ficiantur, ipsis quidem acquiritur Actio, secundum *l. 9. ff. de O. & A.* non tamen ab ipsis liberis, sed a patre exerceri debet, & quidem sub distinctione, quam refert Paulus *l. 18. §. 4. b. t.* utrum quis sciens, aliquem esse filium familias, eidem intulerit injuriam, an ignorans hoc fecerit. Priori, non posteriori mo-
do, parentibus hæc actio conceditur, filio familias ve-ro non aliter, nisi pater sit absens, aut vilis conditionis, aut furiosus. Non igitur pater agere potest de in-juria illata filio emancipato. Quæ de filiis dicta sunt, valent etiam de Filiabus.

Affectui nostro subjacent *Vxor*, *Sponsa*, & *Nurus*, quibus si injuria fiat, ipsa etiam ad maritum, spon-sum, & socerum attinet, adeoq; & ipsis injuriarum
agere

agere licet, modo injurians in genere sciverit, uxorem, sponsam, vel nurum esse. Atque sic potest, ut injuria uni immediate illata, tribus, quatuor personis facta videatur, & ut omnibus injuriarum actio acquiratur; neq; actio ab uno intuta, alterius actionem perimit.

Vxori, ob injuriam marito illatam, actio injuriarum non competit: Quamvis enim per mariti injuriam maxime lædatur, attamen cum maritus ejus potest affectui subjectus non sit, non magis uxori eo nomine injuriarum actio competit, quam liberis de injuriis parentum. *Excipe*, si injuria marito facta etiam uxoris injuriam involvat, uti si quis maritum corruptum appellet; hoc enim casu ipsi quoque uxori vindictio injuriæ competit.

Frater, Affinis, aliæve personæ conjunctæ in linea collateralis, ob injuriam, quam Frater, Affinis, vel conjunctus passus est, injuriarum agere non possunt.

Licet actiones ex delictis provenientes, alias heredibus actoris competant, attamen hæc Actio in heredem injuriati non transit, cum ad meram tendat vindictam, quam moriens remittere videtur. *Excipitur casus*, ubi lis est contestata, nam sic Actio in bonis nostris computatur.

Adversus Heredes injuriantis, quia ex delicto est, hæc actio non competit, nisi lis cum injuriante defuncto sit contestata.

Finis Actionis est, ut per eam injuriæ illatæ æstimationem consequamur. Licet enim nec fama nec diffamatio proprie æstimationem recipiat, tamen, ut injuriantis petulantia puniatur, Prætor permisit, ut injuriam passus illam certa quantitate, in libello expressa, æstimare, eamq; æstimationem a reo exigere possit,

fit, salva tamen judicis moderatione, qui vel tantum reum condemnabit, vel minoris, prout ei visum fuerit, ratione circumstantiarum; habito respectu non ad tempus, quo judicatur, sed ad id, quo facta est injuria. Hæc autem æstimatio fit vel cum, vel absq; juramento.

Sic se habet remedium civile. Alterum generale remedium, est *Accusatio criminalis*, qua petitur, ut injuriæ officio Judicis extraordinaria aliqua pœna coercetur.

Hæc extraordinaria pœna non tantum est pecuniaria fisco applicanda, aut carceris, vel relegationis, sed interdum etiam ad corporales, nempe fustigationem, vel membri amputationem, imo & ultimum supplicium extenditur.

Accusatio & Civilis Actio non concurrunt cumulative; Actiones enim, ex uno eodemq; fonte descendentes, & ad eundem finem & vindictam tendentes, non cumulative, sed elective concurrunt.

Actio Pretoria Æstimatoria tollitur 1. morte, tam injuriati quam injuriantis, ante litem contestatam. 2. Lapsu anni, non continui, sed utilis. 3. Remissione, eaque vel expressa, vel tacita. 4. Retorsione.

Ægrotans, si in confessione remittat injuriam, postea convalescens, injuriarum agere non potest. Qui enim agnoscit & remittit vindictam, injuriarum agere nequit; quippe remittentibus actiones suas non est regressus dandus, ait Vlpianus l. 14. §. 9. ff. de *Edil. ed.* Accedit, quod cæteroquin per remissionem nihil actum esse videretur, quodq; omnis remissio ex animo fieri debet.

Tacita injuriæ remissio colligitur ex lapsu temporis, nimirum anni; item ex factis, quæ inducunt dissimulationem.

Prima est de re judicata, ut in tantum committatur stipulatio præsteturque, quantum judex deber pronunciaverit, ex causa tamen principali: nam, si quid rei judicatæ accesserit, ex contumacia aut de lieto Rei, ad id iniquum esset fidejussores teneri.

Secunda est de re, hoc est, de causa defendenda: ut, nisi boni viri arbitratis agatur, & defendatur Reus, quanti hoc nomine interest, exigere Actor a Reo & Fidejussoribus possit. Res autem defensa non videtur, si non in solidum defendatur, aut quando certum esse incipit, neminem posse existere, qui reum defendat.

Tertia clausula est, dolum malum abesse, abfuturumque esse.

Titulus 8.

Ratam rem haberi, & de Rationatione.

R*Em ratam haberi petunt a se mutuo Procuratores Actoris & Rei, aut cum non satis idonee de mandato constat, aut cum alioqui mandatum exhibere non coguntur, uti conjunctæ personæ. Nam, qui alieno nomine agit quacunque Actione, id ratum habiturum eum, ad quem illa res pertinet, cavere debet.*

Ex hac stipulatione agitur adversus Promissorem, ejusque Fidejussores & Successores, nisi aliud sit actum, in id, quanti interest dominum rem ratam habuisse. Quæ quidem stipulatio in nervum abit statim atque dominus, de re gesta certior factus, eam ratam non habet.

DIGESTORVM
LIBER XLVII.*Titulus 1.*

De Privatis Delictis.

Delictum aliud est publicum, aliud non publicum.
Non-publicum, est vel Privatum, vel Populare.

Privatum delictum est, ad cuius poenam tantum
laesus agit, non alius.

Privatum delictum est vel Ordinarium, vel Extra-
ordinarium. Ordinariorum Delictorum species sunt:
Furtum, Rapina, Damnum injuria datum, ac In-
juria.

Privata delicta id commune habent: 1. Quod laesi
tantum agant. 2. Quod actiones poenales pecunia-
riae non dentur contra heredes, nisi lite contestata,
vel quatenus ad heredes pervenit. 3. Quod non de-
sideretur inscriptio nisi criminaliter agatur. 4. Quod,
si multa concurrant, nullius debeat dari impunitas.

Titulus 2.

De Furtis.

Furtum, est contrectatio rei fraudulosa, lucri facien-
di causa, vel Rei, vel Usus, vel Possessionis.

Fur enim vel *ipsam rem* lucrari cupit, ut cum rem
alienam occultat: vel *possessionem*, ut cum Debitor
Creditori Pignus surripit: vel *usum*, ut cum Deposi-
tarius re deposita utitur.

Ut Furtum dicatur commissum, requiritur 1. ut sint
personae doli capaces. Hæc autem capacitas, non
ex annis certis, sed ex facto, pro re nata, ad arbi-
trium

trium iudicis æstimanda est. 2. Vt penes furem sit affectus furandi. 3. Vt fiat invito domino. 4. Vt res sit talis, quæ possit cadere in furtum.

Furtum est vel Manifestum, vel Non manifestum.

Manifestum Furtum est, cum fur deprehenditur vel in loco, quo furtum fit, vel cum re, antequam detulerit ad locum, in quem deferre voluit. Reliqua sunt *Non manifesta*.

Furti Actio datur non tantum Dominis, quibus furtum est factum, sed & omnibus, quorum interest, ex honesta causa rem esse salvam, quiq; levem culpam præstare debent.

Pœna ordinaria furti de jure civili est tantum pecuniaria, in manifesto quadrupli, in non manifesto dupli. Præter hanc, datur & Vindicatio contra possessorem, vel Condictio furtiva, contra furem, aut ejus heredem in solidum. *Extraordinaria pœna* est Criminalis.

Rem furtivam in alienis ædibus non aliter quærere licet, quam cum suspicio est contra illum, in cujus ædibus inquisitio facienda, vel publica utilitas id urget. Nec aliter *Inquisitio* fiet, quam præsentibus ad eam rem ex Senatu deputatis.

Titulus 3.

De Tigno juncto.

Tigni appellatione continetur omnis materia, ex qua ædificium constat, vel, quæ vineæ est necessaria.

Tignum quamdiu junctum est, nec vindicare lex 12. tabb. permittit, ne ædificia rescindantur, neve cultura vinearum turbetur; nec ejus nomine agi ad exhibendum, nisi adversus eum, qui mala fide jun-

xit:

xit: sed in eum, qui junxit, actionem dat in duplum. *Soluta autem adipcio*; vel separato tigno a vinea, dominus potest illud vindicare, & ad exhibendum agere, nisi jam sit duplum consecutus.

Titulus 4.

Si is, qui testamento liber jussus erit, post mortem domini ante aditam hereditatem, surripuisse aut corrupisse quid dicatur.

Servus in testamento liber esse jussus, si rem hereditariam dolo malo aut lata culpa surripuit, vel corripit, non potest puniri ut Servus, quia libertas ei in domini testamento relicta est: quin nec potest furti conveniri, facit enim hereditati furtum, hoc est dominæ; dominus autem dominave non possunt habere furti actionem cum servo, etiam post libertatem, nisi postea quoque eam rem contrectaverit. In hunc igitur Prætor, naturalem æquitatem secutus, intra annum dat utilem actionem in duplum.

Titulus 5.

Furti adversus Nautas, Caupones, Stabularios.

Ex Furto facto in Navi, Caupona, vel Stabulo, datur Actio in Exercitores in duplum, si per eos furtum sit factum, quorum opera exercentur naves: si per Viatores, potest agi & adversus Exercitores in simplum, ad restituendum quod ablatum est, & adversus ipsos viatores furti in duplum.

*Titulus 6.***Si Familia furtum fecisse dicetur.**

S*I Furtum a Familia*, id est a ieruis, extraneo factum sit, Prætor domino innocenti succurrit, ne cogatur toties litis æstimationem offerre, quot servi deliquerunt; sed, vel omnes noxæ dedere, vel tantum solvere possit, quantum solveret, si unus liber furtum commisisset, & retinere familiam. Hoc Edictum ad damnum a familia datum producit, non ad injuriam a familia factam.

Cæteroqui, quot sunt personæ injuriam inferentes, tot nascuntur Obligationes & Actiones, singuliq; in solidum tenentur. Sed, quia Furto, non injuria præcipue, sed potius damnum, cujus æstimatio in duplum aut quadruplum fit, (non enim fit contumeliæ, sed lucri faciendi gratia) infertur, ideo æquius visum est, quemadmodum in Lege Aquilia, ita & in Furto, pro uno familiæ facto, una tantum Actione dominum teneri.

*Titulus 7.***Arborum furtim cæsarum.**

A*Rboris* appellatione continentur etiam Vites, Heræ, Arundines, Salicæ.

Cedere dicitur, non solum qui succidit, sed etiam qui cædendi causa ferit: *Cingere*, qui deglabrat, id est librum seu corticem detrahit: *Subsecare*, qui ferra secat. *Furtim cedere* dicitur, qui clam cædit, id est, domino ignorante, celandiq; ejus animo facit.

Actio arborum furtim cæsarum lege Aquilia introducta est, & datur domino adversus eum, qui arborem succidit, vel deglabravit, vel subsecuit, vel cinxit,

vel

vel aliquid eorum fieri imperavit. Nec refert, utrum tota arbor, an pars cæsa sit; is vero non tenetur hac actione, qui arborem radicitus evulsit, nec qui per vim sciente domino fecit.

Hæc Actio est in duplum, facta æstimatione ejus, quod domini interest non lædi; de qua deducitur pretium ipsorum corporum læsorum, quæ apud dominum manent.

Titulus 8.

Vi Bonorum Raptorum, & de Turba.

Rapina est contrectatio rei alterius violenta.

Ex hoc datur læso privata actio intra annum in quadruplum, cui rei persecutio inest; post annum in simplum; aut iudicium publicum de vi publica vel privata.

Qui per errorem juris rapuit rem suam, dominum amittit; qui rapuit eam, quam putabat esse suam, illam restituet cum æstimatione.

Turba a Rixa differt numero, nam Turba est multitudinis hominum turbatio & coetus, itaq; decem aut quindecim homines turbam faciunt; duorum, vel trium, vel quatuor, Rixa est, non turba.

Edicto de turba tenetur is, qui in turba damnum dedit, vel dolo malo fecit, ut in turba damnum daretur. Si vero extra turbam damnum datum sit, hæc actio cessat.

Damnum hoc est deterioratio corporis. Hinc distinguitur a corruptione servi, quæ refertur ad animum, & a furto, rapina, injuria, quibus res non corrumpitur.

*Titulus 9.**De Incendio, Ruina, Naufragio.*

S*I quis ex incendio, ruina, naufragio, rate nave expugnata, rapuisse, vel dolo malo recepisse, damni-ve quid in his rebus dedisse dicetur, in eum intra annum utilem in quadruplum, post annum, in simplum actionem Prætor dat.*

Ex incendio rapitur, quod propter incendium rapitur, vel ex ipso igne, vel ex loco, ubi incendium fit, vel ex adjacentibus prædiis.

Ex Ruina rapi dicitur, si quid ex his, quæ ruerunt, sive ex adjacentibus, aliquis rapiat, dummodo ruinæ tempore rapiat.

Quod si Incendium vel Ruina non fuit, sed tantum ejus suspicio, Edictum cessat.

Ex Naufragio rapi dicitur, si tempore & loco naufragii quis rapiat: qui autem rem in litore jacentem, postquam naufragium factum est, abstulit, is furti, neutiquam vero ex hoc Edicto tenetur.

Navis expugnari dicitur, cum spoliatur, aut mergitur, aut dissolvitur, aut pertunditur, aut vela ejus a furibus præciduntur aut conscinduntur, aut anchoræ involantur.

*Titulus 10.**De Injuriis & Famosis libellis.*

I*njuria aliter hic accipitur, ac in lege Aquilia, quæ est de damno injuria, id est culpa dato.*

Hoc loco Injuria denotat omne illud, quod dolo malo in alterius contumeliam vel contentum, admittitur.

Injuria est vel Realis, vel Verbalis. *Realis* fit re vel facto, quod in alterius tendit contumeliam, idq; vel in corpore, vel extra corpus. *In corpore*, cum manus inferuntur, verberando, quod cum dolore, vel pulsando, quod sine dolore contingit, vel etiam verbera comminando. *Extra corpus*, cum quis habitu, gestu, vel alio aliquo actu despiciatui ducitur.

Verbalis Injuria fit vel *Verbis*, uti si quis maledictum vel convitium in aliquem ingerat, aut dicendo, mentiris, calumniaris, etiamsi additum sit, salvo honore; protestatio enim facto contraria nihil operatur. Huc pertinet, si quis virum honoratum Germano sermone tuissat. Vel fit *Scriptis*, uti si alicui objiciatur contumelia per libellum scriptum.

Ratione circumstantiarum loci, personæ, vel temporis aut facti, dividitur injuria in *Levem & Atrocem*.

Causa Efficiens injuriæ est dolus animi, contumeliam alicui facere volentis. Hinc, si quis per jocum percutiat, aut dum certat, injuriarum non tenetur. Idem est, si animo corrigendi id faciat.

Facere injuriam nemo potest, nisi sciat se injuriam facere; non est autem opus, ut sciat, sed pati injuriam potest, etiam qui non sentit, ut furiosus.

Injuriarum tenetur, qui verbis secundum propriam significationem nihil injuriosum, sed potius laudem continentibus, per *ironiam* utitur: v. c. si quis aliquem bonum virum vocet, cornutum intelligens.

Personæ injuriam inferentes eæ sunt, quæ doli sunt capaces, & animum habent injuriandi. Hunc animum si Reus neget se habuisse, Actor probare debet. In hac vero probatione etiam præsumptiones & conjecturæ sufficiunt, utpote cum hoc in animo consistat, nec incurrat in sensus.

T s

Quod

Quod si vero id, quod dictum factumve est, sua natura injuriosum sit, Actor non indiget hac probatione, cum illud tamdiu animo lædendi factum præsumatur, donec contrarium probetur; quandoq; tamen ei permittitur *Juramentum Purgationis*.

Infantes, Furiosi, Impuberes, utpote doli non capaces, injuriam inferre nequeunt. Idem dicendum de dormientibus, qui furiosis æquiparantur.

Clerici, pravos seculi mores corrigentes, injuriarum non tenentur. Si certæ personæ crimen aliquod ita objiciant, ut omnes intelligant, quis notetur, injuriam inferunt, & ideo conveniri ac puniri possunt. Recessus Imperii Augustanus A. 1530. §. Wir haben. Ist unser Wille / Gemüth und Meinung / daß die Prediger das Evangelion / nach Auslegung der Heil. Schrift / und Lehrer / von der gemeinen Heil. Christlichen Kirchen approbiret und angenommen / predigen und lehren / und was disputirliche Sachen / sich dasselbig zu predigen und zu lehren / dazu stumpfierens / schmähens und lästerns enthalten.

Veritas convitii ab animo injuriandi & dolo liberat, ita ut adversus hunc Actio injuriarum denegetur. Quod ita se habet jure civili, per textum generalem l. 18. in pr. h. t. & quoque jure Canonico c. 1. C. 6. q. 2. Pragmatici tamen distinguunt, utrum manifestari crimen Reip. intersit, an minus; priori casu proferens, ab actione injuriarum relevatur, posteriori non item. Nec juvat, convitii habere auctorem, unde tritum: Wehrmann haben hilfst nit.

Afficitur quis injuria vel *Immediate*, vel etiam *Mediate*, quando quis per injuriam iis, qui in potestate ejus sunt, affectam læditur.

Injuriarum Actio datur ei, qui per se, vel per alium injuriam passus est, adversus eum, qui per se, vel per alium injuriam fecit. Sed neque heredibus, neque contra heredes, neque post annum datur.

Hæc actio est *Prætoria privata*, quia Prætor permittit, ipsum, qui injuriam passus est, eam æstimare: ut Judex vel tanti, vel minoris Reum condemnet, prout sibi justius videbitur.

Concurrit cum Judicio Extraordinario, & certis casibus cum Judicio Publico, veluti, si quis pulsatus, aut verberatus sit, aut in domum ejus alius vi irruperit.

Potestati nostræ subjecti sunt Servi, & Filii familias. Ob injuriam *Servo* illatam, domino tum demum competit Actio, si atrox ea sit, & aperte ad contumeliam domini respiciat. Secus se res habet de famulis nostris, qui pro mercede serviunt, nam illis illata, etiam atrox injuria, non in nostram contumeliam facta censetur, nisi id aliunde constet.

Si *Liberi*, in potestate nostra existentes, injuria afficiantur, ipsis quidem acquiritur Actio, secundum *l. 9. ff. de O. & A.* non tamen ab ipsis liberis, sed a patre exerceri debet, & quidem sub distinctione, quam refert Paulus *l. 18. §. 4. b. t.* utrum quis sciens, aliquem esse filium familias, eidem intulerit injuriam, an ignorans hoc fecerit. Priori, non posteriori modo, parentibus hæc actio conceditur, filios familias vero non aliter, nisi pater sit absens, aut vilis conditionis, aut furiosus. Non igitur pater agere potest de injuria illata filio emancipato. Quæ de filiis dicta sunt, valent etiam de Filiabus.

Affectui nostro subjacent *Vxor*, *Sponsa*, & *Nurus*, quibus si injuria fiat, ipsa etiam ad maritum. Sponsum, & socerum attinet, adeoque & ipsis injuriarum agere

agere licet, modo injurians in genere sciverit, illam uxorem, sponsam, vel nurum esse. Atque sic fieri potest, ut injuria uni immediate illata, tribus, imo quatuor personis facta videatur, & ut omnibus inde injuriarum actio acquiratur; neq; actio ab uno instituta, alterius actionem perimit.

Vxori, ob injuriam marito illatam, actio injuriarum non competit: Quamvis enim per mariti injuriam maxime lædatur, attamen cum maritus ejus potestati & affectui subjectus non sit, non magis uxori eo nomine injuriarum actio competit, quam liberis de injuria parentum. *Excipe*, si injuria marito facta etiam uxoris injuriam involvat, uti si quis maritum cornutum appellet; hoc enim casu ipsi quoque uxori vindictio injuriæ competit.

Frater, Affinis, aliæve personæ conjunctæ in linea collateralis, ob injuriam, quam Frater, Affinis, vel conjunctus passus est, injuriarum agere non possunt.

Licet actiones ex delictis provenientes, alias heredibus actoris competant, attamen hæc Actio in heredem injuriati non transit, cum ad meram tendat vindictam, quam moriens remittere videtur. *Excipitur casus*, ubi lis est contestata, nam sic Actio in bonis nostris computatur.

Adversus Heredes injuriantis, quia ex delicto est, hæc actio non competit, nisi lis cum injuriante defuncto sit contestata.

Finis Actionis est, ut per eam injuriæ illatæ æstimationem consequamur. Licet enim nec fama nec difamatio proprie æstimationem recipiat, tamen, ut injuriantis petulantia puniatur, Prætor permisit, ut injuriam passus illam certa quantitate, in libello expressa, æstimare, eamq; æstimationem a reo exigere possit,

fit, salva tamen judicis moderatione, qui vel tantum reum condemnabit, vel minoris, prout ei visum fuerit, ratione circumstantiarum; habito respectu non ad tempus, quo judicatur, sed ad id, quo facta est injuria. Hæc autem æstimatio fit vel cum, vel absque juramento.

Sic se habet remedium civile. Alterum generale remedium, est *Accusatio criminalis*, qua petitur, ut injuriæ officio Judicis extraordinaria aliqua poena coerceretur.

Hæc extraordinaria poena non tantum est pecuniaria sed applicanda, aut carceris, vel relegationis, sed interdum etiam ad corporales, nempe fustigationem, vel membri amputationem, imò & ultimum supplicium extenditur.

Accusatio & Civilis Actio non concurrunt cumulative; Actiones enim, ex uno eodemque fonte descendentes, & ad eundem finem & vindictam tendentes, non cumulative, sed elective concurrunt.

Actio Pretoria Æstimatoria tollitur 1. morte, tam injuriati quam injuriantis, ante litem contestatam. 2. Lapsu anni, non continui, sed utilis. 3. Remissione, eaque vel expressa, vel tacita. 4. Retorsione.

Ægrotans, si in confessione remittat injuriam, postea convalescens, injuriarum agere non potest. Qui enim agnoscit & remittit vindictam, injuriarum agere nequit; quippe remittentibus actiones suas non est regressus dandus, ait Ulpianus l. 14. §. 9. ff. de *Edil. ed.* Accedit, quod cæteroquin per remissionem nihil actum esse videretur, quodque omnis remissio ex animo fieri debet.

Tacita injuriæ remissio colligitur ex lapsu temporis, nimirum anni; item ex factis, quæ inducunt dissimulatio-

lationem, uti si quis pristina familiaritate cum injuriante utatur, sua sponte cum illo edat, bibat, ludat, amice fabuletur. Sed hi familiaritatis actus ex motu proprio, non occasione procedere debent. Nam, si ambo invitati sint ad convivium, atque ibi humaniter agant, non Actio, sed rancor animi & odium remissa videntur; unde solent Aulici pocula jure aulico (auf Hofrecht) accipere, id est citra præjudicium injuriæ.

Retorsio in verbalibus tantum injuriis locum habet, & est injuriarum verbalium in injuriantem ab injuriato in continenti relatio & contradictio. Hoc autem remedium adversatur juri divino, Matth. V. & 1. Petr. III, 9. quin & Civili, quia injuriatus retorquens, vindictam, ad quam alias Actio injuriarum tendit, ipse sumit. Est igitur moribus tantum introducta Retorsio, & tam verbis, quam literis fieri potest.

Retorsio ut valeat, requiritur 1. ut convicium præcesserit tale, ob quod injuriarum actio competit. 2. Vt in continenti fiat, hoc est eo tempore, quo primum retorquendi occasio injuriato offertur, puta quo primum injuriam sibi illatam cognovit, vel, quo Notarium, qui eam injurianti (si solenniter injuriam regerere velit) tradat, habere potuit. 3. Vt sit proportio inter injuriam illatam & retorsionem, h. e. ne regerendo modus excedatur, quod fit, si aliud crimen retorqueatur.

Cessat quoque injuriarum Actio, si injuriatus, actione injuriarum seposita, ex l. diffamari. C. de ingen. manum. agit, implorando Judicis officium, ut diffamanti sive injurianti, causa cognita, terminum assignet, quo propter injuriam, vel ab ejusmodi diffamatione desistat.

Est

Est etiam remedium consuetudinatum adversus injurias *Actio ad palinodiam*, sive *recantatoria*, quam is, cui factum aliquod turpe objectum est, contra injuriantem intendit, ut dicta famosa reclamet, & ase injuste prolata fateatur, læsamque quodammodo existimationem Actori aperte restituat.

Actio hæc ex errore vulgi nata aliquibus videtur, dum illius opinione honor & fama nostra convitiis & maledictis lædi, & per revocationem opprobrii iterum nobis quasi restitui creduntur. Non habet autem hæc *Actio* locum in realibus injuriis; quid enim in his reus recantaret? Quin nec in omni verbali obtinet: Ex iis enim, quæ famæ læsionem non respiciunt, v. g. si corporis aliquod vitium, uti gibbositas, claudicatio objiciatur, atque sic injuria ad contemptum tantum tendat, hæc *Actio* non oritur; sed iis casibus, ad deprecationem (auf eine Christliche Abbitt) potius agitur. Interim hæc *Actio* competit etiam *heredibus injuriati*, quia non tendit ad vindictam, sed ad famæ restitutionem: fama autem injuriati durat, etiamsi is decesserit, eamque salvam esse, etiam heredum interest. Adversus heredes tamen injuriantis ne quidem lite contestata transit, quia revocatio est (ceu loquuntur) personalissimum quid, qualia ad heredes non migrant.

Actio ad Palinodiam non est quidem famosa, quia, quod in aliis delictis est *condictio*, id in injuriis est *recantatio*; indubitati vero juris est, nullam conditionem infamæ maculam inurere.

Attamen non diffitendum, parum esse honorificum recantare, & seipsum mendacii arguere, cum recantis existimatio apud honestos viros multum sane oneretur, adeoque recitans vix infamiam facti evitare

possit, præsertim, si solenniter fiat in loco speciali; hinc passim sententiis inseritur: Daß Beklagter Klägern einen öffentlichen Wiederruf vor Gericht/ jedoch seinen Ehren unbeschadet/ zu thun schuldig.

Libellus famosus late complectitur etiam famosam & obscenam picturam; stricte denotat famosam scripturam, atq; hoc sensu definitur, compositio in scriptis facta, ejus, quod autor probare non vult, ad infamiam alicujus, in publico loco, occultato nomine, affixa. Differt ab injuria scripta, quod hæc nomen autoris subscriptum habet, & poena arbitraria coercetur, ac annuo spatio, modo scriptum non maneat, evanescit. In libello vero famoso deficit autoris nomen, eumq; matret poena capitalis, deq; illo cognitio durat annis 30. & insuper anno & die.

Habet actio de famoso libello quoque locum, etiam si verum crimen fuerit objectum; nisi Reip. intersit, delictum illud patefieri, quia animus injuriandi spectatur.

Non componens tantum libellum famosum, sed etiam inveniens, & non dilacerans, & quocunque modo divulgans, capitalis supplicii reus est, imprimis si capitale crimen fuerit objectum.

Titulus II.

De Extráordinariis Criminibus.

EXtraordinaria Crimina sunt, de quibus extra ordinem agitur, & extraordinaria poena arbitrio Judicis irrogatur. Actor autem in his, ut in criminibus publicis, in crimen subscribere debet, ne inulta maneat ejus calumnia, si temere agat.

Species Extraordinariorum Criminum sunt: Si quis sollicitaverit alienas nuptias; si quis habere coetus illi-

illicitos vel religionis, vel voti solvendi specie tentaverit; si quis partum abegerit; si quis sit Dardanarius, & annonam vexet; si quis sit Saccularius, qui ventas in sacculo artes exercet, ac partem subducit & subtrahit; si quis sit Directarius, qui in aliena cœnacula se dirigit, furandi animo; si quis scopelismo det operam, & lapidem ponat, indicio, illum periturum, qui agrum istum coluerit; si quis circulator serpentes circumferat, ac damnum dederit.

Scopelismo affinis est *Diffidatio*, die Befehdung oder Absagung / quæ est minitatio hostilis, qua quis per literas, signum, aliudve factum, inimico suo persecutionem extremam vitæ, sanguinis, aut bonorum denunciatur, unde pax publica violatur, & toti populo vel universitati periculum & damnum imminet.

Ad *Diffidationem* duo requiruntur: 1. ut ad minas factum aliquod accedat, quo persecutio extrema vitæ, corporis, aut bonorum alicui denunciatur; uti si quis literas diffidatorias transmittit, vel signa suspendit. 2. Ut per eam pax publica violetur, & toti populo periculum imminet. Non igitur privatæ minæ diffidationem efficiunt, v. c. man wolle einem eine Kugel schencken.

Diffidationis pena, præter bannum Imperiale, est pena gladii.

Titulus 12.

De Sepulchro violato.

Violatio Sepulchri fit, cum reliquæ vel ossa contrectantur, vel sepulchra destruuntur.

Pœna hujus delicti, est vel Civilis; quæ datur agenti, & primo quidem ei, cujus interest, deinde, si ille non agat, cuiq; agere volenti, ad centum aureos; vel, si quis

si quis in sepulchro dolo malo habitet, aut ædificium ibi fecerit, ad ducentos. Vel est criminalis, quæ est capitis, in illos, qui armata manu cadavera spoliant.

Si quis Debitorem defunctum impediverit sepeliri, vel alias tristem familiam gravet, debito suo cadit, ac alterum tantum heredibus inferre jubetur, confiscatis bonis pro tertia parte, & infamia notatur. Deinde constitutum, ne intra novem dies quis ulla ratione inquietetur ex persona defuncti: autb. sed neq. C. b. t.

Titulus 13.

De Concussione.

Concutere dicitur, qui percellit aut perturbat aliquem, injecto terrore. Vnde Concussio est terroris injectio, ad faciendum vel non faciendum aliquid. Committitur non tantum a privatis, sed plerumq; a Magistratibus, eorumq; Officialibus. Coercetur vero, præter rei restitutionem, extraordinariis poena.

Titulus 14.

De Abigeis.

Abigei dicuntur, qui gregem ovium aut pecorum, (id est, saltem decem oves, aut quatuor porcos,) vel equum de grege, vel bovem de armento abducunt.

Abigei non solum extra ordinem accusari possunt, sed etiam privata actione, quasi fures.

Titulus 15.

De Prævaricatione.

Prævaricator a varicando dicitur; varicare autem est in transversum ire, a varicibus crurum,

rum, quibus qui laborant, recte incedere nequeunt.

Prævaricari dicitur Accusator, qui cum eo colludit, quem crimine publico accusat, & eum adjuvat, prodita causa, quo absolvatur.

Adversus Prævaricatores datur actio pœnalis extraordinaria. Novissime ex *Ord. Crim. art. 115.* agitur ad resarciendum damnum, & fustigationem cum relegatione.

Titulus 16.

De Receptatoribus.

Receptatores dicuntur, qui latrones, vel alios maleficos, scienter, & dolo malo occultant, quique eos pecunia; vel surreptorum parte accepta, dimiserunt, cum eos apprehendere possent.

Receptatores eadem pœna, qua ipsi latrones, puniuntur; cum non minus ac ipsi aggressores delinquant.

Ab hac pœna eximendi, qui Parentes, Liberos, vel Cognatos, aut Affines recipiunt & occultant; hi enim neque absolviendi, neque severe admodum puniendi. Excusantur quoque *Caupones* & *Stabularii*, qui maleficos ignoranter recipiant: quippe cum horum officium sit, hospites recipere, & ad id cogi possint, *l. un. §. fin. furt. adv. naut.* unde illorum non est, advenientium conditionem explorare.

Titulus 17.

De Furibus Balnearii.

Cum apud Romanos frequens fuerit Balnearum usus, & quoniam nudis ibi & aliud agentibus hominibus

minibus facilius quid surripi poterat, gravioribus sanctionibus vestimenta lavantium ab injuriis, quo magis defendantur, tueri, publice interfuit: *ideo de istis specialis propositus fuit titulus*, quo enim major est furandi facultas & occasio, eo gravius in furtum est animadvertendum.

Damnantur igitur Fures balnearii damnatione in opus publicum temporali, & si milites fuerint, cum ignominia mittuntur.

Titulus 18.

De EffraCTORIBUS & Expilatoribus.

EffraCTores generaliter dicuntur, qui non tantum carceres, sed etiam ædes privatas, fores, parietes insularum, horreorumq; vel cellas, aut armaria areasq; perfringunt, furandi causa; vel *specialiter*, qui, sua vel aliena opera carceres vel vincula, aut locum pro illorum custodia & asservatione ex sententia judicis assignatum frangunt, indeq; se eximunt, & aufugiunt.

EffraCTores extraordinaria actione conveniuntur, ad pœnam extraordinariam, & quidem ad ultimum supplicium, si vel carcer Principis effraCTus sit, vel ex causa capitali quis incarceratus fuerit. Si per negligentiam custodum, qui olim *Commentarienses* dicebantur, incarcerati evaserint, custodes lenius puniendi.

Expilatores, sunt fures atrociores, qui ne pilum quidem in corpore spoliatorum relinquunt, quique per vim, vestimentis & pecunia hominem exuunt. Hi æque nunc puniuntur ultimo supplicio, inciduntque in violationem pacis publicæ, si, coadunatis hominibus, atque vi armata, & hostili animo, crimen perpetrarint: De jure vero civili in opus publicum,

vel

vel perpetuum, vel temporarium, dari solent; honestiores ordine moventur, aut ad tempus relegantur.

Titulus 19.

Expilatæ Hereditatis.

C*Rimen Expilatæ Hereditatis*, est crimen extraordinarium, quo, lucri gratia, fraudulentè res hereditariæ, ab herede nondum possessæ, ante aditam hereditatem, contrectantur. Id coercetur pœna extraordinaria.

Non habet locum hæc actio adversus Vxorem; ad exhibendum tamen, ob res amotas, adversus eam experiri licebit. Pariter nec habet locum inter Liberos & Coheredes defuncti, quia inter hos, in dubio, cessat conjectura doli, & consilium fraudationis, cum in rebus communibus pro suo jure versari videantur.

Titulus 20.

Stellionatus.

C*Rimen Stellionatus*, a Stellione, lacertæ genere versutissimo & maxime fraudulento, dictum est, & aliis criminis, titulo deficiente, locum habet. Itaque respondet actioni de dolo: quod enim est in privatis judiciis Actio de dolo, hoc in criminibus est Stellionatus persecutio. Concurrit cum forensi actione, veluti cum actione ex vendito, si quis rem alicui obligatam alii callide vendiderit, ea obligatione dissimulata: nam & criminis stellionatus accusari, & ex eodem quoque conveniri potest.

*Titulus 21.**De Termino moto.*

Terminus generaliter notat omne illud, quod distinguendorum dominiorum gratia collocatur, uti sunt sepes, fossa, columnæ, lapides terminales, qui, ex religione priscorum Romanorum, Deum Terminum venerantium, magna colebantur ceremonia.

Crimen de Termino moto incurrit, qui terminum finium causa positum avulsit, vel propulit, vel eiecit, seu quavis ratione loco movit, vel, finium obscurandorum causa, faciem locorum convertit; puta ex sylva novale fecit.

Præter iudicium extraordinarium, datur 1. *Actio popularis* in 50. aureos ex lege Julia Agraria, si terminus ultra suum gradum motus sit, id est, ultra 5. pedes lege Manilia definitos. 2. *Judicium capitale*, si servum, qui incio domino fecit.

*Titulus 22.**De Collegiis & Corporibus.*

Collegium a colligendo seu collectione hominum sic dicitur, & est corpus ex pluribus individuis constans, uno eodemq; jure gaudens. Vocatur alias Sodalitium.

Dividuntur Collegia in Licita, & Illicita.

Illa, sunt legitima trium pluriumve personarum ejusdem conditionis & potestatis confociatio, Sæto vel autoritate Principis inita. Vti sunt Collegia Doctorum, Scholarium, item Collegia pietatis causa inita, quorum mentio l. 1. §. 1. h. t.

Collegæ possunt, ad exemplum Reipublicæ, habere res communes, Arcam communem, & Actorem
sive

sive Syndicum, per quem communia negotia expediuntur.

Collegia Illicita sunt trium pluriumve personarum ejusdem conditionis & potestatis consociatio, sine SCti vel Principis autoritate instituta. Hæc, cum communiter ad finem improbum, puta comestationum, falsarum religionum, erigantur, ideo eadem illa, quæ vim publicam, manet pœna; sed & insuper Magistratus extraordinaria pœna in autorem animadvertet.

Titulus 23.

De Popularibus Actionibus.

Popularia iudicia a Prætore constituta sunt, ut jus populi tueantur. Permittuntur cuique e populo, modo integra persona sit, cui per edictum postulare liceat. Sed, si multi agere velint, is, cujus interest, præfertur, aut magis idoneus a Prætore eligitur: mulieri vero aut pupillo non dantur, nisi res ad eos pertineat.

Pœna, quæ his judiciis irrogatur, ita ad fiscum pertinet, ut pars loco præmii concedatur accusatori.

Popularium iudiciorum species multæ sunt. Vti: De albo corrupto: Actio in factum de dejectis vel effusis, si liber homo occisus, vel ei nocitum sit: Interdictum, ne quid in loco sacro, vel religioso, vel sancto fiat: Interdictum de locis & itineribus publicis.

DIGESTORVM

LIBER XLVIII.

Titulus 1.

De Publicis Judiciis.

Judicia Publica dicuntur, quæ legibus publicorum judiciorum sunt constituta, & proinde omnia Civilia sunt, & a Popularibus Actionibus, quæ Prætorix sunt, hac ratione separantur; quanquam & hæ interdum publicæ appellantur.

Dividuntur in Capitalia, & non Capitalia.

Capitalia sunt, in quibus damnato infertur mors; vel naturalis, quæ animæ amissionem affert; vel civilis, quæ libertatem, aut civitatem adimit. *Non Capitalia* sunt, ex quibus pœna pecuniaria, aut in corpus coërcitio aliqua infligitur. Sive, quæ infamiam irrogant, cum damno pecuniario.

Non recte ex eo, quod crimen aliquod est capitale, infertur, illud esse publicum; nam etiam crimina extraordinaria interdum sunt capitalia.

In his judiciis *probationes* luce meridiana clariores requiruntur, sive apertissima rerum argumenta.

Finis Judiciorum Publicorum est salus & tranquillitas Reipub. Ideoque cuilibet e populo permittitur potestas, ob crimen illud, solenni judicio reum accusandi.

Notandum, ex omnibus judiciis publicis, condemnatos infamiam sequi; item, ex parte Actoris & Rei, regulariter Procuratores & Defensores non admitteri.

Differunt Judicia Publica & Privata 1. quod in Privatis per modum Actionis, in Publicis per Accusationem.

sationem, vel per Denunciationem, vel per Inquisitionem proceditur. 2. In Privatis Actor intendit Reum sibi dare præstare oportere; in Publicis, intendit Accusator Accusatum hujus vel illius criminis reum esse, & propterea poena aliqua afficiendum.

Titulus 2.

De Accusationibus & Inscriptionibus.

In *Causis Criminalibus* duplici modo proceditur, scilicet per viam Accusationis ordinariæ, & per viam Inquisitionis.

Ordinarius procedendi modus dicitur, quando adversus Reum, propter delictum commissum, proceditur ordinariæ, secundum formam & ordinem juris, offerendo libellum, litem contestando solemniforma, & reliqua peragendo, quæ ad substantiam processus spectant: ubi Judicis officium tantum in cognoscendo ac judicando imploratur.

Inquisitorius Processus est, quando, nullo existente accusatore, judex per viam inquisitionis summarie, sine longo litis sufflamine, procedit, & ex officio adversus delinquentem inquit, eique poenam promeritam imponit.

Instituenda Accusatio coram Judice competente, cui vel a Lege, vel a Principe, jus cognoscendi de criminibus concessum est; quales de jure Romanorum fuerunt Proconsules & Præsides provinciarum; in Urbe, Quæstores Parricidii. Antiquitus enim de Capite Civis Romani, injussa populi, jus dicere non erat permissum.

Ne Accusator temere in alieni capitis discrimen irrueret, solennis *Inscriptionis* vinculo alligabatur, neque aliter ad accusandum admittebatur, nisi prius

nomen suum in libello professus erat, seque obstrinxerat ad similitudinem supplicii reo intentati, si fuerit deprehensum, eum fallo arguisse.

Hec solennitas inscribendi, tanquam nimis acerba in desuetudinem abiit : quia multi etiam sceleratissimum quemque accusare verebantur, censes satius esse, propriæ salutis consulere, quam alterius vitam accusando auferre. *Nunc Cautio præstatur de injuriis & expensis in casum succumbentiæ, vel accusator carcere detinetur.*

Titulus 3.

De Custodia & Exhibitione Reorum.

Accusationem sequitur Custodia & Exhibitio : Reus enim custodiendus & exhibendus est, ut pœnam legitimam patiatur.

Accusatione instituta, æstimabit Magistratus, utrum in carcerem compingenda sit persona accusata, an militi tradenda, vel fidejussoribus committenda, vel etiam sibi. Hoc autem, pro criminis, quod obijci-
tur, qualitate, vel secundum facultates, aut dignitatem personæ accusatæ, æstimatur.

Vt Judex insimulatum Reum jubere possit prebendi & incarcerari, requiritur 1. ut de tali delicto agatur, cujus si quis convinceretur, ultimum supplicium, aut pœnam corporis afflictivam incurreret: nisi persona sit vagabunda, aut dubium sit, quæ pœna infligenda. 2. Vt indicia criminis perpetrati, saltem leviora, contra reum adsint.

Veteri jure, quod in Nov. 134. c. 9. fundatur, *Mulieres* custodiæ tradere non licebat; sed recenti consuetudine, omnes indifferenter incarcerari possunt, ita
ut

ut nec Mulieres, Nobiles, Doctores, vel Clerici eximantur; atque in carcerem detrusus, suis sumtibus, si vero inops & egenus sit, sumtibus Accusatoris, vel, si Judex ex officio in reum inquirat, Fisci sumtibus alendus erit.

Jure Justiniano etiam Accusator incarcerari poterat, si scilicet in accusatione defecerit; quod tamen usu fori præsentis non obtinet.

Quod si carcere inclusus aufugerit, Commentariensis, seu carceris præpositus, itemque custodes, si fraus eorum intervenerit, illi pœnæ obnoxii sunt, quæ illum manere debebat, qui aufugit. Sed nostris moribus, haud gravior pœna quam fustigationis infligitur.

Privati Carceres prohibentur, adeo, ut si privatus aliquem domi suæ includat, vel ei compedes aut vincula injiciat, tanquam violator criminis læsæ majestatis, ultimo supplicio afficiendus sit. Sed hodie pœna obtinet arbitraria.

Permissum tamen est Parentibus, liberos contumaces domi detinere; Dominis, servos in vincula conjicere; Marito, adulterum cum uxore deprehensum, horis 20. diurnis nocturnisque, probandæ ejus rei causæ, domi suæ retinere. Pariter fas est Consanguineis, furiosum includere, aut vinculis continere; Creditori, Debitorem fugientem prehendere; Domino, furem fugientem persequi; curvis, latronem, falsam monetam fabricantem, apprehendere, & detinere, ut judici offerantur.

Exhibitio, sive Remissio aut Transmissio Reorum est, quando Reus sistitur Judici competenti, & produci-
tur in judicium, quo accusatio, & cæteri actus, cum ipso solenniter possint institui; Germanice vocatur

Die

die Stellung der Greveler. Olim præcipue remittebantur Rei ad iudicem loci, in quo delictum perpetratum, ut expeditior esset probatio; facilius enim testes inveniuntur in loco delicti: atque hæc Remissio ideo introducta, quia omnes provinciæ Imperii Romani uni erant Imperatori subjectæ.

Noltris moribus id mutatum est, quia nimirum Status Imperii a se invicem non dependent; itaque defuit Remissio, & Reus punitur in loco, ubi deprehensus. Habet tamen interdum, jure vicinitatis aut amicitiae, locum; & tum fit sub antigrapho, seu literis reversalibus, ne transmittenti in jurisdictione sua præjudicium fiat.

Titulus 4.

Ad Legem Julianam Majestatis.

CRimen Læsæ Majestatis est, quod adversus Reipubl. aut ejus, penes quem est summum Reip. imperium, securitatem, vel contra dignitatem & potestatem ejus committitur. Priori modo admissum crimen, *Crimen Perduellionis*, altero, *Crimen Læsæ Majestatis simplex* vocatur.

Hoc crimen committunt tantum Subditi. Quemadmodum enim qui patrem quidem, sed non suum, occidit, non dicitur parricidium commisisse: ita nemo hujus criminis reus fit, nisi qui contra Majestatem suam delinquit; quod tantum a Subdito fieri potest.

Pæna Criminis Læsæ Majestatis est ultimum supplicium, damnatio memoriæ post obitum, & bonorum confiscatio. In *Filiis Reorum* statutum est, ne ex proximorum successione quid capiant, & ne ad ullos honores admittantur. In *Filiabus*, ut tantum

tum legitimam ex bonis matris consequantur. In
consciis ac ministris, ut eadem in iis poena vigeat, quæ
in ipsis Reis; ii vero, qui pro Reis interveniunt, infamia
notantur.

Bona Reorum, non ad Fiscum, sed ad alios legiti-
mos heredes devolvuntur.

Si quis ex odio privato *Consiliarium Principis* in-
terficiat, tenetur ex *Lege Cornelia de Sicariis*. Si ex
odio in Principem id fecerit, reus erit criminis *læse*
majestatis.

Titulus 5.

Ad Legem Juliam de Adulteriis coërcendis.

Lege Julia, ab Augusto lata, vindicatur Adulterium,
Stuprum, & nefanda libido eum maribus.

Fornicatio, est soluti cum soluta se publice prosti-
tute, illicitus concubitus; ex quo nati dicuntur
Sporii. Poena hodie in illam statuta est arbitraria.

Stuprum, est concubitus illicitus cum fœmina so-
luta & honesta. Punitur hodie poena carceris aut
multæ; & stuprator tenetur stupratam aut dotare, &
alimenta infanti præstare, aut in uxorem ducere.

Adulterium, de Jure Civili, est violatio nuptiarum
alienarum, sive concubitus cum alterius uxore: secun-
dum vero Jus Canonicum, ac mores, definiendum est,
quod sit crimen publicum, quo per concubitum con-
jugale fœdus violatur. Violat vero id tum persona,
quæ est in matrimonio, tum illa, quæ ipsa in matri-
monio non est, sed cum conjuge alterius rem habet.
Divi Severus & Antoninus rescripserunt, etiam in
Sponsa hoc idem delictum vindicandum a Sponso,
quia nec matrimonium qualecunque, nec spermata
trimonii

trimonii violare permittitur : vix tamen hodie alia, quam stupri pœna obtinet.

Agitur ob Adulterium vel Civiliter, vel Criminaliter. *Actio Civilis* tendit ad vinculi matrimonialis solutionem, & dotis vel donationis nuptialis lucrum : quanquam ista de Jure Canonico secus se habent.

Actio seu Accusatio Criminalis ad pœnam & adultero & adulteræ infligendam tendit.

Pœna legis Juliae fuit relegatio ; sed ex constitutionibus facta est pœna gladii ; nisi quod stuprator regulariter, si honestus sit, dimidiæ bonorum partis confiscationem patitur ; si humilis, corporalem coërcitionem sustinet.

At, si quis eam stupravit, cujus tutelam gessit, deportatur, & omnia ejus bona confiscantur. Mulier vero si servo se jungat, utrique pœna mortis irrogatur. Ex nova autem Justiniani constitutione Nov. 134. c. 10. adultera verberata in monasterium conjicitur, & nisi a marito intra biennium recipiatur, perpetuo ibi manere cogitur.

Facultas agendi civiliter & criminaliter competit Marito : Vxor vero civiliter tantum agere potest. Nostri moribus hæc differentia est sublata.

Minor 25. annis accusare adulterii non potest, nisi matrimonii sui injuriam persequatur ; quamvis ab aliis accusationibus capitalibus non repellatur.

In accusatione adulterii primo loco est Maritus ; post illum Pater, deinde Frater, Patruus, & Avunculus admittuntur.

Maritus potest jure mariti, Pater jure patris, intra 60. dies utiles a soluto matrimonio, accusare, atque, qui jure mariti accusat, non cogitur se inscribere, abolere

abolere potest suo arbitrio accusationem, nec de calumniis tenetur, nisi fuerit evidens.

Pater iure interficit filiam, quam habet in potestate, deprehensam in adulterio, domi suæ, vel generi. Et Maritus Adulteram uxoris itidem recte interficit domi suæ.

Scruprum violentum est, quo quis feminam vi comprimit, ita, ut concubitus, quantum in ipso est, perfectus sit & consummatus. Committitur autem, vel cum Puella, quæ per ætatem consentire nequit, & ita vim pati censetur; cuius pœna est capitalis; vel femina, quæ posset consentire, vim inferendo per coactionem aut metum; cuius pœna itidem est ultimum supplicium.

Raptus, est crimen publicum, quod committitur vi abducendo, libidinis causa, personam honestam; estque ejus pœna ultimum supplicium.

Contra naturam qui committitur concubitus, dicitur Sodomia; cuius pœna est, ut delinquens igne cremetur.

Concubitus illicitos, sui quæstus causa, procurantes, Lenocinium committunt; & quidem si Parens Liberos, vel Maritus Vxorem lucri causa prostituat, pœna est capitalis.

Titulus 6.

Ad Legem Juliam de Vi Publica.

V*is Publica est, cum vis infertur armis adhibitis, aliove atrociori modo. Vti, si quis dolo malo fecerit, quo minus judicia tuto exercentur; si quis congregatus hominibus, vim fecerit, quo quis verberetur, pulsetur, etiamsi homo occisus non sit; si quis hominibus armatis, possessorem domo, agro, navi sua*

sua dejecerit ; si quis ædes alienas expugnaverit , aut saltem oppugnaverit , non secuta licet effractione.

Huc refertur , si quis nova Vectigalia exerceat , aut Mulierem rapiat.

Per *Armatos* non ii soli intelligendi , qui tela habent , sed & qui habent aliud , quod nocere potest.

Pœna adversus vim publicam de jure civili statuta Deportatio ; in quibusdam tamen casibus ultimum est supplicium. Hodie , pœna est arbitraria , quæ etiam , circumstantiis exigentibus , ad mortem extendi potest.

Titulus 7.

Ad Legem Juliã de Vi Privata.

V*is Privata* est , quando , sine armis , vis alicui infertur , & per quam publica securitas directe haud læditur : uti cum privatus , sine armis , lædit privatum ; vel per injuriam , convocatis hominibus , ex alienis bonis quid rapit , aut aliquem deiecit de possessione , aut bona debitoris vi occupat.

Pœna , de Jure Civili , est publicatio tertiæ partis bonorum cum infamia ; hodie est arbitraria.

Titulus 8.

Ad Legem Corneliam de Sicariis & Veneficiis.

L*ex Cornelia de Sicariis & Veneficiis* , quam Cornelius Sylla Dictator tulit , tenetur , qui dolo malo hominem occidit , vel occidi curavit , vel in alterius necem cum telo ambulavit , venenum confecit , vendidit , habuit : item , qui abortus poculum propinavit , ad foetum formatum extinguendum ; licet nec mulier,

mulier, nec foetus interierit: qui alium castravit, aut thlibiam fecit, aut se castrari passus est, aut non-judeum circumcidit; item, qui magiam, auspicia, similesve imposturas docuit, vel didicit, vel his usus est.

Non tenetur hac lege, qui dolo caret, ne quidem ob latam culpam. Irrogatur regulariter poena gladii.

Infans, si cadem commiserit, non punitur; *Impubes* haud aliter; quam si doli capax; si autem sit doli capax, mitiorem poenam Judex decernet. *Minor* non excusabitur. *Ebrius*, si docere possit profundam fuisse ebrietatem, arbitraria poena punitur. Si vero ebriosus fuerit, non facile quid de poena remittetur.

Qui mandat hominem interfici, punitur tanquam homicida, nisi revocaverit mandatum re integra: si autem tantum quis mandaverit, ut percuteret, vel vulneraret leviter, & mandatarius occiderit, non habet locum poena homicidii.

Si homicidium a pluribus sit commissum, & omnes conspiraverint in necem alterius, omnes tenebuntur, licet ignoretur, quis vulnus intulerit. *Si in rixa sit commissum homicidium*, & ignoretur, quis commiserit; omnes extraordinaria poena plectentur: si vero constet, quis interfecerit, is solus tenebitur.

Omnes leges permittunt, se tueri adversus vim, modo defensio fiat in continenti, ab eo, qui in periculo vitae est constitutus, cum sese tueri non posset nisi occidendo, sive paribus, sive imparibus armis sit usus.

Si attentetur pudicitia, per vim praesentem, & minas mortis, vel rapturus rem, invadat dominum rei, impune cedit homicidium.

Lege Cornelia quoque capitali poena vindicatur *Veneficium*, quo quis venena mala necandi causa vendit,

dit, tractat, vel propinat. Pœna veneno occidentium hodie est rota.

Veneficium quoque dicitur, si quis susurris magicis hominem occiderit; id crimen alio nomine dicitur Maleficium, item Magia.

Maleficium seu Magia est, cum quis, adhibitis artibus illicitis, diabolo cooperante, hominibus, aut eorum bonis, nocet, illos deludit, & miraculosa facere conatur, aut divinandi curiositatem profitetur.

Maleficium seu Magia est duplex: Vel enim *expressum pactum* cum diabolo est initum, quo quis Deum abnegavit, & diabolo se mancipavit: Vel *tacitum pactum* intercedit, quando quis, citra peculiare seu expressum fœdus, diaboli utitur ope & auxilio. Tali pacto ii gaudent, qui arte diabolica divinare conantur, in speculo, vel vitro polito; dæmonem interrogantes de rebus furto amissis; nec non, qui adhibent superstitionosa remedia, veluti characteres, imagunculas, amuleta.

Pœna eorum, qui expressam pactiōem cum diabolo inierunt, licet nemini nocuerint, est, ut igne crementur. Cæterorum est extraordinaria, seu arbitraria, fustigationis, relegationis, aut carceris.

Titulus 9.

De Lege Pompeja de Parricidiis.

Lege Pompeja, lata a Cn. Pompejo M. vindicatur *Parricidium*, quod est homicidium commissum in personas conjunctas. Sunt vero conjunctæ, vel ex Cognatione, vel ex Affinitate, vel ex Conjugio.

Parricidii in *Linea Recta*, a liberis, sive legitimis, sive illegitimis, sive naturalibus, sive adoptivis, in parentes; vel a parentibus in liberos commissi, pœna est

est culei, seu suffocatio, &, cum aqua deficit, rota. In Linea vero Collaterali, inter Cognatos proximiores, ut & inter Affines proximiores, nec non inter Conjuges commissi, pœna est gladius, ut tamen reus ante forcipibus candentibus aduratur, vel trahæ illigetur.

Titulus 10.

De Lege Cornelia de Falsis, & de Senatusconsulto Liboniano.

Crimen Falsi est, quod committitur dolo malo, per immutationem veritatis. In hoc crimine varia delicta vindicantur. 1. Si quis vendat rem duobus. 2. Si quis partem alienum supposuerit, cujus rei accusatio solis parentibus, iisque quorum interest, competit. 3. Si quis falsum testimonium dixerit, vel malitiose veritatem celaverit. 4. Si quis publicum vel privatum scriptum adulteraverit. 5. Si quis Monetam corruperit, aliisve multis modis alterum fefellerit dolose.

Si Testamenti scriptor legatum sibi, vel his, quos in potestate habet, præter voluntatem testatoris, adscripserit, pœna falsi tenetur ex SC. Liboniano ad legem Cornelianam, facto temporibus Tiberii, Statilio Tauro, & L. Scribonio Libone Consulibus.

Pœna Falsi hodie fere est arbitraria, quæ ad mortem extendi potest.

Titulus 11.

De Lege Julia Repetundarum.

Crimen Repetundarum est, quod committunt, qui pecunias in Magistratu, potestate, curatione, legatione, vel alio munere publico acceperunt, ob

judicandum, vel decernendum, vel quo magis aut minus officium suum facerent. *Excipiuntur tamen esculenta & potulenta, quæ in proximos dies consumuntur, aut, quæ a conjunctis personis oblata sunt.*

Pœna hîc quadrupli irrogatur, ita ut duplum restituitur spoliato, ac duplum inferatur fisco. Præterea hoc crimine damnatus testimonium publice dicere, iudex esse, & postulare prohibetur.

Proprium hujus criminis est, ut heres quoque teneatur intra annum a morte rei; post annum vero non tenetur, nisi in quantum ad eum pervenit.

Titulus 12.

De Lege Julia de Annona.

C*Rimen fraudatæ Annonæ committitur dolo malo, faciendo quid, quo Annona carior fiat, vel quo rei ad victum humanum pertinentis, abundantia & commercium in Republ. impediatur. In Reum statuta est pœna 20. aureorum, sæpe etiam extra ordinem punitur.*

Titulus 13.

Ad Legem Juliam Peculatus, & de Sacrilegiis, & de Residuis.

C*Rimen Peculatus ab eo committitur, qui pecuniam publicam furripuit, vel in tabulis publicis quid delevit, vel induxit, vel minorem pecuniam, quam qua quid venierit, adscripsit, aliudve quid simile commisit.*

Pœna Jure Civili vel est pecuniaria in quadruplum, vel alia; & quidem in privatas personas deportatio, in publicas, ultimum supplicium. Hodie, pro modo delicti, accommodari poterit pœna furti.

Crimen Sacrilegii, quod lege Julia Peculatus quoque continetur, est crimen, quo res sacra & religiosa surripitur, sive fiat in loco sacro; sive a sciente rem esse sacram, in loco profano. Quando autem res profana in loco sacro aufertur, id proprie sacrilegium non est; etsi Jure Canonico aliud obtinet.

Pœna Sacrilegii capitalis est, vel, pro qualitate rerum & personarum, extraordinaria.

Lege Julia de Residuis tenetur, qui publicam pecuniam delegatam in usum aliquem, aut ejus partem, retinuit, neque in usum illum consumpsit; item is, apud quem ex locatione, emtione, aliave causa, pecunia publica resedit, si eam apud ærarium non est professus, vel, si professus, retinuit ultra annum.

Pœna est, ut reus amplius tertia parte, quam debet, damnetur: puta, si trecenta debeat, quadringenta scito inferre cogatur.

Titulus 14.

De Lege Julia Ambitus.

Crimen Ambitus committitur ab iis, qui illicito modo, uti data pecunia, honores ambiunt.

Pœna, est multa centum aureorum, & infamia, ac honoris quoque per ambitum delati amissio.

Titulus 15.

Ad Legem Fabiam de Plagiariis.

Plagiarii sunt, qui *παλαίως*, sive dolose, homines liberos, aut servos alienos intercipiunt, ac supprimunt. Ex SC. in hujus legis pœnam incidit, qui servum fugitivum vendit.

Hac lege pœna pecuniaria statuta fuit, quæ in usu esse desiit; & postea pro modo delicti, transgressores

coërceri, & plerunque in metallum damnari cœperunt. Hodie, propter hominem liberum suppressum, pœna mortis infligitur.

Titulus 16.

Ad SCtum Turpilianum, & de Abolitionibus Criminum.

Accusatores cœptam accusationem prosequi coguntur; alioquin SCto Turpiliano coërcentur, nisi, abolitione impetrata, ab accusatione quis destiterit.

Accusatorum temeritas tribus mediis detegitur, & tribus pœnis subjicitur; aut enim calumniantur, aut prævaricantur, aut tergiversantur.

Calumniatur, qui falsa crimina sciens intendit.

Pœna calumniantium fuit talio, seu supplicium illud, quod ob crimen, cujus quis dolose & falso alterum accusat, fuisset huic infligendum.

Prævaricatur, qui vera crimina abscondit, & cum reo colludit, ita ut perfunctorie munere accusandi fungatur, & proprias probationes dissimulet, falsas Rei excusationes admittat. De pœna, est supra tit. de Prævaricationibus.

Tergiversatur, qui in universum ab accusatione cœpta desistit. Qui tergiversantur & desistunt, SCto Turpiliano quinque libris auri puniuntur, & infamia notantur, atque, qui semel destitit, postea ad accusationem admitti nequit.

Nonnullis casibus potest quis impune ab accusatione desistere. Puta 1. cum transactio sit de crimine capitali. 2. Cum minor desistit, vel mulier. 3. Si Abolitio petita & impetrata fuerit ab eo, qui jus abolendi habet.

Nunciatores, qui absq; inscriptione similitudinis supplicii, per notoria indicia produnt, h.e. indicant Magistratui delicta, quasi certis elogiis & argumentis deprehensa, iisdem illis argumentis suis in Inquisitione assistere coguntur. Quod si calumniose detulisse deprehenduntur, impunitam eorum audaciam remanere non oportet.

Abolitio, est exemptio Reorum a crimine.

Fit aut publice seu generaliter, aut privatim seu specialiter.

Privata seu specialis Abolitio est, quæ conceditur a iudice accusatori, causa cognita, cum accusator confitetur, se per errorem, vel temeritatem, vel calorem, ad accusandum prolixisse, ut suam & suorum cognatorum injuriam defenderet. Potest illa concedi re integra, intra 30. dies, secus est, si res non sit integra, & reus nonnulla injuriola sit perpeffus; hoc enim casu desideratur consensus Rei.

Abolitio concedi non potest, si testibus tormenta sint illata; si agatur de læsa majestate; patria oppugnata vel prodita; peculatu admissio; vel, si quis ad accusandum, vel ad desistendum ab accusatione, pecuniam acceperit, aut manifeste sit calumniatus.

Generalis Abolitio est, quæ publice & ipso jure competit, vel ad tempus, vel in perpetuum. Ad tempus, propter ferias. In perpetuum, cum Rei ob publicam lætitiā liberantur, ex speciali Principis indulgentia.

Si ad tempus fiat Abolitio, potest accusatio repeti intra tempus 30. dierum.

*Titulus 17.**De Requirendis Reis, vel Absentibus
damnandis.*

S*I Reus absit ante litem contestatam, non damnatur, neque enim, inaudita causa, quenquam condemnare æquitas patitur, sed requirendus reus est, ut apprehensus exhibeatur, ac transmittatur, vel, si apprehendi non possit, citandus, ut compareat, & se purget.*

Citatio fit legitimis edictis, per trinundinum, id est, tribus nundinis, quæ nono quoque die celebrabantur: quod si non comparuerit, bona ejus annotantur, ut copiam sui præstet. Si redierit, & se purgaverit intra annum, integram rem suam habet. Si neque responderit, neque defensorem habeat, nunc post annum bona in fiscum coguntur.

Quod si redierit Reus, si, antequam se purgaverit, intra annum sit mortuus, tollitur causa criminis, & bona heredibus restituntur. At, si citatus intra annum non comparuerit, licet postea innocentiam suam purget, bona tamen ob contumaciam confiscata non recuperat; quod nihilo secius consuetudine est abrogatum.

Quod dictum, absentes non posse damnari, obtinet in pœnis gravioribus; aliàs si legitime citati Rei fuerint contumaces, pœnaque sit relegationis, vel ea minor, damnari absentes possunt.

Hodie, jure communi, bona quidem etiam annotantur, non tamen eo fine, ut confiscentur, sed ne quid ex bonis ad fugitivum transferatur, & ita ejus fuga instruatur. In levioribus vero delictis, non est opus annotatione.

Titulus 18.

De Quæstionibus.

AD eruendam veritatem, *Quæstionibus* seu *Tormen-*
mentis locus est. Antequam enim pœna dicte-
tur, constare debet 1. de corpore delicti, ceu vo-
cant, seu, quod delictum sit admissum. 2. Quod de-
lictum ab hoc reo sit commissum: & 3. quomodo,
hoc est, an dolo, vel culpa &c. sit admissum.

Si satis constat de corpore delicti, Reus autem,
licet præsumptiones & probationes contra ipsum al-
tæ sint, se innocentem dicat, ibi aut confessio ex-
primitur, aut innocentia confirmatur, 1. per Jura-
mentum Purgationis, si persona sit integræ fidei, &
delictum subit leuius, aut indicia ad torturam non
sufficiant. 2. Per Territionem, si iudex perjurium
metuat, aut delicti qualitas ita requirat, & levia so-
lum adsint indicia. 3. Per Quæstionem, seu tor-
turam.

Vt Tortura locum habeat, requiritur 1. ut crimen
sit capitale vel atrox. Ex constitutione autem D. Pii
servus torquetur, etiam in causa pecuniaria, si veritas
exquiri aliter non possit. 2. *Vt personæ torquendæ*
qualitas hoc patiat: id est, sit Servus, aut Plebejus,
non Miles, non Decurio, non prægnans, non ætate
defectus, non impubes. Similiter Testis torquetur,
si sit vilis persona, aut in testimonio dicendo vacillet.
3. Ne torqueatur contra personam, cui pietatem
seu reverentiam debet, uti servus contra dominum,
libertus contra patronum. Sunt tamen casus, in qui-
bus etiam servi contra dominos torquentur; uti in
crimine læsæ majestatis.

Arbitrio Judicis committitur, *quæ, & quanta tor-*
menta adhibere conveniat; item, *quæ fides sit eis ha-*
benda.

benda. Non tamen simpliciter, ob confessionem in tormentis factam, reus condemnandus, sed bene si eam postea repetat.

Fuga suspicionem quidem criminis commissi inducit, nequaquam autem certam præsumptionem.

Titulus 19.

De Poenis.

Pœna, est delicti seu criminis æstimatio, atque coercitio.

Puniuntur vel *Facta*, ut furta, cædes: vel *Dicta*, ut convicia: vel *Scripta*, ut famosi libelli: vel *Consilia*, ut conjurationes, & latronum conscientia.

In irrogandis poenis spectantur 7. circumstantiæ:
 1. *Causa*, ex qua delictum est ortum. 2. *Persona*, quæ deliquit. 3. *Locus*, in quo perpetratum est. 4. *Tempus*, quando fuit perpetratum. 5. *Qualitas*, secundum quam factum est. 6. *Quantitas* facinoris. 7. *Eventus*, qui est subsequutus.

Pœnæ sunt vel Capitales, quæ mortem naturalem vel civilem inferunt: *vel non-Capitales*, quando quis, vita, libertate, & civitate salvis, coercetur.

Titulus 20.

De Bonis Damnatorum.

Bona Damnatorum olim in plerisque delictis publicabantur, h. e. fisco applicabantur. Jure novo, cedunt descendantibus & ascendentibus, itemque ex latere conjunctis ad tertium gradum: Vxores dotes, & ante nuptias donationem accipiunt; si vero sine dote sint, de substantia mariti accipient partem legibus definitam, siue filios habeant, siue non. Si nemi-

neminem horum habeant delinquentes, Fiscus admittetur. *Nov. 134. c. fin.*

Hodie tam Descendentes & Ascendentes, quam collaterales, in infinitum admittuntur ad bona damnatorum, excepto Crimine Læte Majestatis.

Titulus 21.

De Bonis eorum, qui ante sententiam, vel mortem sibi consciverunt, vel Accusatorem corruerunt.

Eius, qui in reatu ex quo bona essent publicanda, mortuus est bona non confiscantur, nisi capitalis criminis reus, conscientia criminis, sibi manum intulerit, quo casu pro confesso habetur.

Si quis, ex tedio vite, vel impatientia doloris, vel alio modo, manus violentas sibi inferat, bona ad successores pertinebunt, & mitius puniendus, quam qui sibi manus ultro intulit.

Si parati sunt heredes ostendere, defunctum esse innocentem, non sunt publicanda bona, nisi de crimine fuerit probatum.

Semper in melius est præsumtio, ideoque, si incarceratus inveniatur occisus, & sit causa aliqua excusandi, is non præsumetur se occidisse.

Titulus 22.

De Interdictis, & Relegatis, & Deportatis.

Relegatorum duo sunt genera: aut enim certa Insula assignatur, aut non, sed Provinciis tantum interdicitur. Si assignetur, est *Deportatio*, quæ tollit jus civitatis. Si non assignetur, est *Relegatio*, quæ

quæ nec bona, nec civitatem adimit; tum vero deportatio omnis fit in perpetuum, cum relegatio fieri possit etiam ad tempus.

Interdictorum nomen latius patet; non enim de iis tantum dicitur, quibus certa provincia certo loco interdictum est, sed etiam, quibus honore, vel ordine, vel negotiatione, vel advocacy interdictur.

Titulus 23.

De Sententiam passis, & restitutis.

POtest is, qui sententiam ob criminam passus est, restitui, sed non nisi ex magna causa, & non a iudice, sed a Principe, nec in præjudicium privati, sed tantum in præjudicium sui fisci.

Restitutio Damnatorum, est vel simplex indulgentia, ita ut tantum poena remittatur, & nihil amplius restituatur, nisi specialiter a Principe concessum sit: Vel, est restitutio in integrum, quæ ita plena est, ut etiam honoribus, ordini, cæterisque omnibus restituat.

Titulus 24.

De Cadaveribus Punitorum.

SIne permissu Principis, nec corpora ultimo supplicio damnatorum sepeliri, nec corpora deportatorum aut relegatorum alio transferri possunt.

Hodie cadavera punitorum non facile Cognatis aut aliis ad sepulturam ea petentibus denegantur, nisi exemplum sit statuendum.

DIGESTORVM
LIBER XLIX.*Titulus 1.*

De Appellationibus, & Relationibus.

Appellatio, quæ etiam *Provocatio* dicitur, est querela de gravamine ab inferiore iudice illato, quod a majori iudice tolli petitur.

Causa per appellationem a minori iudice, ad maiorem devolvitur: apud illum ante appellationem erat *prima Instantia*, apud hunc post appellationem est *secunda Instantia*.

Appellatio regulariter admittitur in omnibus causis, Civilibus, & Criminalibus.

Transfertur etiam lis ab Inferiori ad Superius iudicium, per *Relationem*, qua Iudex Inferior, Superiori causam referendo, eum consulebat, quomodo judicare debeat. Hujus usum olim fuisse maximum, ostendunt Imperatorum rescripta, Codici inserta.

Ab hac Relatione diversa est illa, qua Iudex inferior, post sententiam latam, & a quo appellatum est, refert, se appellationem interpositam admisisse, aut eam non recepisse, & cur non receperit.

Titulus 2.

A quibus appellare non licet.

Apellari potest regulariter ab omnibus, qui recognoscunt Superiorem: Excipiuntur tamen, Princeps; Senatus; is, a quo litigantes se non provocaturos caverunt; Iudex, quem Princeps ita dedit, ne pro-

provocare liceat ; Præfectus Prætorio. Sed nec a sententiæ Executore provocare licet, nisi modum in executione excedat, vel gravamen aliter non possit reparari : vel, nisi Executor perperam interpretetur sententiam.

Titulus 3.

Quis a quo appelletur.

Appellatur ad Judicem superiorem ejusdem ordinis, & quidem non intermisso iudice intermedio.

A Iudice dato, appellatur ad eum, qui dedit, vel Successorem ejus.

Ab eo, cui jurisdictio mandata est, non appellatur ad eum, qui jurisdictionem mandavit, sed ad Superiorem Judicem, ad quem provocaretur, si is judicasset, qui jurisdictionem mandavit. Excipitur tamen *Legatus Proconsulis*, a quo appellatur ad Proconsulem, qui jurisdictionem ei mandavit.

Titulus 4.

Quando appellandum sit, & intra quæ tempora.

Appellatio fit vel in continenti, stante iudicio, cum sententia definitiva pronunciata est; vel ex intervallo. *In continenti*, fieri potest viva voce, *ex intervallo*, tantum in scriptis.

Appellare quondam ex intervallo oportebat, in causa propria intra *biduum*, in aliena, intra *triduum*; sed hodie indistincte, sive propria, sive aliena causa agatur, intra *decendium* est appellandum; nec potest hoc tempus partium consensu, vel autoritate iudicis prorogari.

Titu-

*Titulus 5.***De Appellationibus recipiendis,
vel non.**

Judex, ad quem appellatur, appellationem, nisi legibus improbata sit, recipere tenetur; temere autem, & extra casus jure exceptos, appellationem respuens, 30. libris auri mulctatur. Is, cujus appellatio ad Principem recepta non est, Principi supplicabit; si vero ad alium provocavit, vel eum adibit, vel Principem.

Non potest appellare 1. Contumax, sive is, qui, post litem contestatam, in judicio citatus non comparet, nisi eum poeniteat. 2. Qui confessus est. 3. Qui renunciavit appellationi.

*Titulus 6.***De Libellis dimissoriis, qui Apostoli
dicuntur.**

Libelli Dimissorii, sive Apostoli, sunt literæ, a Judice a quo, ad Judicem ad quem, quibus causam ad eum transmittit, & indicat, quis, contra quem, & a qua sententia, appellaverit.

Has literas Appellator instanter & sæpius petere debet, olim intra quintum diem, sed hodie intra dies 30. intra quod tempus Apostolos non petens appellationi renunciasse videtur.

Fatale justificandæ appellationis, sive intra quod tempus instantia appellationis ad finem sit perducenda, nostris moribus lege non est definitum. Olim annus, vel ex justa causa biennium concedebatur.

Titu-

*Titulus 7.***Nihil innovari Appellatione interposita.**

Devolvitur per Appellationem causa ad Superiorem, & sententia, ab Inferiore lata, suspenditur, ita ut executioni dari nequeat. Quod si igitur attentatum innovatumq, quid fuerit; super attentatis imploratur iudex ad quem, ut illa in pristinum statum restituantur.

Devolvitur sententia, non solum respectu appellantis, sed & respectu appellati; unde hic potest adhære appellati, perinde ac si ipse in eam appellasset.

*Titulus 8.***Quæ Sententiæ sine Appellatione rescindantur.**

Sine Appellatione rescinduntur sententiæ omnes, quæ ipso jure sunt nullæ. Vti, si directo expressum errorem juris contineant; si contra rem judicatam prolatae sint; si Iudex incompetens eas tulerit; si contra ordinem judiciorum sint pronunciatae; si non omnes iudices dati dixerint sententiam; si sine prorogatione partium Iudex delegatus judicaverit ultra diem suæ commissionis; vel modum suæ potestatis excesserit; vel in calculo erraverit; vel quis ob contumaciam sit condemnatus; vel impossibile sit præceptum iudicis; vel Condemnatus, eo tempore, quo iudex esset datus, aut pronunciatum est, non sit in rebus humanis.

Titulus 9.

An per alium causæ Appellationum
reddi possint.

IN Pecuniariis causis, possunt causæ appellationum
per Procuratorem reddi, non vero in Criminalibus,
(in quibus jure Romano appellare licet) sive causa
sit Capitalis, sive alia, usque ad relegationem.

Titulus 10.

Si Tutor, vel Curator, vel Magistratus
creatus appellaverit.

IS, qui ab injuncto munere appellavit, puta, cui de-
lata est Tutela, vel Curatio, vel Magistratus, non li-
beratur ab illius onere, & periculum medii temporis
ad ipsum pertinebit; atque Successores quoque, post
mortem ejus, qui appellavit, causas reddere debent.

Titulus 11.

Eum, qui appellaverit, in provincia
defendi.

QUæ Appellationis introducenda & prosequenda
causa abest, si interim in sua provincia ab alio
conveniatur, defendendus est. Illi enim solum, qui
Reip. causa abest, id præstatur, ne necesse habeat se de-
fendere.

Titulus 12.

Apud eum, a quo appellatur, aliam causam
agere compellendum.

HOc jure utimur: Compellendus est is, qui appel-
lavit, apud Judicem, a quo appellavit, causas
ali. 25.

alias, quas habet agere; nec is utetur hoc prætectu, quod apud offensum, atque ideo suspectum judicem, non debeat experiri: potest enim denuo provocare.

Titulus 13.

Si pendente Appellatione mors intervenerit.

S*i pendente appellatione mors intervenerit, & appellans heredem non reliquerit, Appellatio evanescit. Si ei extiterit heres, is causam appellationis defendet, sed non aliter, quam si Fisci, vel alterius intersit, ut, quia causa est pecuniaria, aut quæstio est de bonis confiscandis. Secus est, si quæstio sit de relegatione, aut alia poena capitali, sine confiscatione bonorum.*

Sunt & alii modi, præter Appellationem, quibus condemnatis consulitur, uti Restitutio in integrum, Supplicatio, Querela nullitatis, Revisio, Syndicatus.

Restitutio in integrum est, qua contra sententiam restituitur Minor, vel etiam aliquando ex justa causa Major.

Supplicatio, est querela de aliquo gravamine, & offertur vel ipsi Judici, ei scilicet, a quo appellare non licet, vel superiori ejus, & petitur, ut detur facultas proponendi errorem in judicato. Error autem hic facti intelligitur, non juris.

Appellatio & Supplicatio differunt. 1. Appellatio est remedium juris communis; Supplicatio gratiæ, sive benignitatis. 2. Appellatio suspendit executionem;

nem; non Supplicatio. 3. Appellatur intra decennium; Supplicationi datur aliud tempus. 4. Appellatio fit ob iniquitatem Judicis; Supplicatio ob errorem. 5. De Appellatione cognoscit alius Judex; de Supplicatione, qui ante judicavit, vel cum illo alii. 6. Appellari potest sæpe; supplicari tantum semel.

Querela Nullitatis est, per quam allegatur nullitas sententiæ, atque ob eam prior sententia reformari & corrigi petitur.

Revisio, est beneficium obtentum a Principe, ut processus, in quo a supremo Senatu sententia est dicta, rursus examinetur ex iisdem Actis, per eos, qui illi rei sunt præfecti. In Saxonia recepta est *Leuseratio* & *Oberleuteratio*, atque utrâque petitur declaratio sententiæ, ab eodem Judice, qui priorem dixit.

Syndicatus est, quo litigator, qui iniqua se gravatum sententia dicit, ipsum Judicem de dolo, quod, prece vel pretio corruptus, favore aut odio injustam sententiam dixerit, accusat.

Titulus 14.

De Jure Fisci.

Fiscus & Ærarium olim differebant, atque *Fiscus* erat Principis, *Ærarium* Populi: sed postea, omnibus ad Principem translatis, Fiscus & Ærarium promiscue dici cœperunt; & ita in libris juris accipiuntur.

Cause, ex quibus Fisco acquiritur, potissimæ sunt, 1. si hereditas indigno relicta. 2. Si bona sint vacantia.

Acquiritur ejusmodi bonorum dominium Fisco, ipso jure, possessio tamen facto occupanda est, & quidem propria autoritate, si possessio sit vacua; autoritate Judicis, si quis contradictor sit in possessione.

Quando contingit, ut defunctus bona in diversis territoriis possideat, Fisco in loco domicilii cedunt immobilia ibi sita, & omnia mobilia ubicunque sunt. Immobilia alibi sita, Fisco illius loci acquiruntur.

Privilegia Fisci varia sunt. 1. In Contractibus Fiscus nunquam tenetur de Evictione ultra simplum, etiamsi duplum sit promissum. 2. Si Fiscus hereditatem vendiderit, non tenetur creditoribus hereditariis, sed Emtor. 3. Bona contrahentis cum Fisco, tacite ipsi sunt obligata. 4. Fiscus habet jus prælationis. 5. Judicatum contra Fiscum, intra triennium retractari potest.

Titulus 15.

De Captivis, & de Postliminio, & de Redemtis ab Hostibus.

C*aptivorum triplex est inspectio, aut enim sunt in potestate hostium; aut decesserunt apud hostes; aut in patriam sunt reversi.*

Primo casu, hostium servi sunt jure gentium. Secundo, lex Cornelia fingit eos in Civitate primo captivitatis momento decessisse. Tertio, jus postliminii fingit eos semper fuisse in Civitate, quapropter jure postliminii pristinum statum, & pristina jura omnia recipiant: ea vero quæ sunt facti, uti possessionem,

nem, sine nova & corporali rei apprehensione, non recipiunt.

Redemptus ab hostibus, si servilis sit conditionis, non restituitur domino, sed est servus redemptoris, donec pretium redemptionis ei restituatur. Si vero est liber homo, interim, quasi jure quodam pignoris, a Redemptore detinetur, donec ei pretium redemptionis restituat, aut Redemptor vitam cum morte commutet

Postliminium dicitur a limine & post; limen vero hic vocatur Imperii finis ac terminus. Quare postliminio reversus dicitur, qui ab hostibus, ad idem Imperii limen ac terminum rediit.

Titulus 16.

De Re Militari.

Miles dicitur, qui in militari matricula, autoritate Principis, scriptus, armisq; cinctus, a signis non recedere juravit.

Poterant olim omnes ad militiam cogi, nisi ob ætatem, vel privilegium singulare excusarentur.

Delicta Militum, sunt vel Communia, vel Propria seu Militaria. Ob Militaria ad Ducem, ut plectantur, remittendi sunt, etiam in levioribus. Ob Communia, quando exemplo opus est, ab ordinario puniuntur.

Titulus 17.

De Castrensi Peculio.

Castrense Peculium est, quod filiusfamilias ratione militiæ acquisivit.

Filius familias Miles de castrensi peculio disponere, atque adeo etiam testari potest, quasi paterfamilias. Si tamen intestatus decesserit, pater non fiet ei heres, sed occupabit omne peculium, jure patriæ potestatis,

Titulus 18.

De Veteranis.

V*eterani* dicuntur, qui legitima 20. annorum stipendia confecerunt. Sed, quia honeste dimitti solebant, idcirco Veteranus in jure accipitur pro eo, qui honestam dimissionem impetravit, & militi opponitur.

Veterani *Excusationem* habent a muneribus personalibus, non realibus.

DIGESTORVM

LIBER L.

Titulus 1.

Ad Municipalem, & de Incolis.

O*lim Municipales* dicebantur, qui extrinsecus in civitatem Romanam recepti erant, ut munerum cum Populo Romano participes essent, suo autem jure suisque legibus uterentur. *Coloni* vero appellabantur, qui e civitate Romana in colonias propagabantur, & jura institutaq; omnia Populi Romani, non sui arbitrii, habebant. Sed postea abusive Municipales vocati, cujuscunq; civitatis cives.

Habebant ergo quondam Municipales jus civitatis Romanæ in alia civitate, Municipio dicto; atque sic ipsi

ipsi Municipales, respectu suorum municipiorum, particularem, Romanæ tamen subiectam, Rempublicam, constituiebant.

Civis est, qui jus habet civitatis seu Municipii; idque acquiritur 1. *Origine*, si quis natus sit in civitate a patre, qui ejusdem fuit civis: atque hoc civitatis jus originarium, jure Rom. est immutabile, hodie vero translatione domicilii id amittitur. 2. *Manumissione Servi*, & quidem sequuntur Liberti originem vel domicilium Patronorum. 3. *Adoptione*, quæ originem naturalem imitatur: adoptatus enim est municeps civitatis, in qua pater adoptivus est. 4. *Assumptione seu Allectione in civem*, quando alicui jus civitatis conceditur.

In Assumptione Civis, requiritur solutio certæ pecuniæ, deinde juramentum, quo obsequium Magistratui, & salutis publicæ observatio promittitur. Sic recepti, Matriculæ inscribuntur.

Incole dicuntur, qui in aliqua civitate domicilium, perpetuo habitandi animo, constituentes, ad munera civilia ferenda sunt obstricti.

Moribus hodiernis, certum tempus præscriptum esse solet, intra quod quis jus civitatis recipere tenetur. Quod nisi faciat, competentibus remediis adigitur, vel etiam civitate arcetur.

Habentur tamen aliquando etiam in civitatibus *Hospites & Peregrini*, qui scilicet propter pestem, bellum, aliamve necessitatem aliquo confugiunt. Atque hi, quamdiu durat necessitas, ad jus Civitatis recipiendum non adiguntur, neque Collectis subjacent, nisi causa Collectarum Forenses quoque concernat.

Licet Civibus & Subditis, invitis quoque Dominis & Superioribus, usitato modo *jus civitatis resignare*, & *aliò migrare*; modo non malitiose fiat renunciatio, eo scilicet tempore, quo, pro commodis ante perceptis, onera sustinenda sunt,

Quod si quis alio migrans *non legitime resignet*, *vel censum emigrationis non præstet*, quamvis jurbus civitatis non amplius fruatur, tamen onera sustinere tenetur; quia, illegitimo discessu, ab obligatione, qua obstrictus civitati erat, se non liberavit,

Titulus 2.

De Decurionibus, & Filiis eorum.

D*Ecuriones* sic dicti, quod olim, cum Coloniae ducebantur, decima pars eorum, qui ducebantur, consilii publici gratia conscribebatur.

Decuriones præerant Civitatibus Municipalibus, & per hos omnia civitatum munera expediebantur, iisque omnia, quæ administrationem civitatis respiciebant, imponebantur.

Nascuntur Decuriones, vel eliguntur ex municipibus, ad hos honores idoneis.

Decuriones esse non possunt, relegati, ignominiose ordine moti, criminum capitalium rei, &, qui plurimis officiis distringuntur.

Decuriones, & eorum Liberi, multis fruuntur privilegiis; uti, quod torqueri non possunt; ne certis poenis afficiantur; & ut, si pauperes sunt, ex publico alantur.

Titulus 3.

De Albo scribendo.

DEcurionum nomina in *Albo* seu *Matricula* scribuntur, vel secundum legem municipalem, vel, ea cessante, illo ordine, quo quisque majoribus honoribus in municipio functus est.

Titulus 4.

De Muneribus & Honoribus.

J*us inter Remp. & Civem* consistit in eo, ut Respub. obligetur civi providere, quo in societate civili bene vivat. Civis vero tenetur patrimonio suo & opera Remp. adjuvare; cujusmodi præstationes, salutem Reip. concernentes, vocantur Munera. Sunt vero in genere Munera, quæ necessario subimus, lege, more, imperio ejus, qui jubendi habet potestatem.

Munus aliud est Publicum, aliud Privatum.

Publicum Munus est, quod in administranda Re. publ. consistit. *Privatum* est, quod in administratione rei privatæ cernitur, uti Tutela & Cura; quæ tamen alio sensu Publica Munera dicuntur, quatenus nimirum publicum munus est, quod autoritate publica imponitur.

Munus item dividitur in Personale, Patrimoniale, & Mixtum.

Personale munus est, quod animi vigilantia, & corporali labore, sine sumtu, & sine gerentis damno, perpetratur: uti Tutela, Cura, functio judicis.

Patrimoniale munus est, quod sumtu patrimonii, & detrimento administrantis, expeditur; ut hospitii præbitio.

Mixta Munera sunt, quæ & corporali ministerio geruntur, & detrimentum gerentibus inferunt: ut tributorum olim exactio.

Titulus 5.

De Vacatione, & Excusatione Munerum.

AD *Munera subeunda* regulariter omnes sunt obstricti, adeo, ut pignoribus captis compelli possint, nisi justam habeant excusandi causam.

A Personalibus Muneribus excusationem præbent, sexus, ætas minorennis, aut senilis, morbus item, muneris præstationem impediens.

Titulus 6.

De Jure Immunitatis.

LEx quoque aliquos a Muneribus Personalibus immunes præstat: quales sunt Clerici, Milites & Veterani, Senatores & Decuriones.

A Patrimonialibus Muneribus immunes præstat Principis indulgentia; quæ tamen, in genere concepta, ad extraordinaria non extenditur, & fieri debet sine molestia aliorum. Ab *Inhospitationis* vero molestia, ex lege, immunes sunt Clerici in domo quam inhabitant; Milites & Veterani; Doctores, Professores, Consilarii Principum, Ludimagistri. Atque horum immunitas, ad *Viduas* & Liberos eorundem quoque pertinet.

Titu-

Titulus 7.

De Legationibus.

AD Munera Personalia pertinet munus Legationum. *Legatus* vero est, qui Reipublicæ nomine missus est, atque tribuitur in legibus Romanis Legatorum nomen etiam missis ab inferioribus civitatibus.

Non solum quicquid Legati impendunt, cum legatione funguntur, sive ad necessitatem victus, sive itineris, sive ad honorem pertineat, id ex publico suppeditandum est; sed etiam damna quæ per latrones aliosve fortuitos casus patiuntur, resarcienda sunt.

Titulus 8.

De Administratione Rerum ad Civitatem pertinentium.

Eorum, qui administrant res civitatum, officium est, ut rationes secundum fidem datorum & acceptorum ponant; ut fundos Reip. locent; & omnia faciant, quæ viri boni facerent.

Prestant latam & levem culpam: atque si negligentiores in rebus distrahendis fuerint, tenentur in simplum; ob fraudem vero, in duplum conveniuntur.

Titulus 9.

De Decretis ab Ordine faciendis.

DE Rebus Civitatis solent decreta ab ordine Decurionum interponi.

Hæc

Hec ut valeant, duo requiruntur : 1. Vt legitimus Decurionum numerus adfuerit, id est, minimum duæ Decurionum partes. 2. Ne sit decretum ambitiosum, quod in gratiam alicujus privati, nihil tale merentis, factum sit, sed ut publicam utilitatem respiciat.

Titulus 10.

De Operibus Publicis.

NOVUM Opus publico sumtu fieri non potest, sine permisso Principis, privato autem sumtu fieri potest, etiam inconsulto Principe, nisi ad æmulationem alterius civitatis pertineat, vel materiem seditionis præbeat, vel sit Circus, Theatrum, Amphitheatrum.

Ei, qui pecuniam in opus publicum impendit, pro præmio conceditur, ut suum nomen operi inscribat; cum alias solius Principis nomen inscribi possit.

Titulus 11.

De Nundinis.

NUNDINÆ, sunt magni mercatus, easque solus Princeps constituit; constitutæ, non utendo, decennii tempore amittuntur.

Nundinarum privilegium est, quod in iis, ob debitum privatum, nemo conveniri vel detineri potest; quatenus nimirum agitur de Contractibus ante initis: ex iis enim, quæ in Nundinis fiunt, actio iuste instituitur.

Titulus 12.

De Pollicitationibus.

Pollicitatio, est solius offerentis promissum: ideoque differt non solum a Contractu, sed & a Pacto, quod est duorum pluriumve consensus atque conventio.

Ex Pollicitatione regulariter non datur Actio. Sed favore *Reipublicæ* placuit, Pollicitationem eidem factam præstandam esse, dummodo vel ex justa causa quis promiserit, puta, ob honorem sibi decretum, vel decernendum; vel res non est integra, quia opus sit inchoatum, in cuius gratiam pollicitatio facta est.

Pollicitatio Deo facta, quæ Votum appellatur, servanda, si aut a Patrefamilias pubere, aut a Filiofamilias, vel Servo, consensu Patris vel Domini, facta sit.

*Titulus 13.*De Extraordinariis Cognitionibus, &
si Judex litem suam fecisse
dicatur.

Magistratus Municipales de omnibus rebus & negotiis in Municipiis cognoscebant, exceptis nonnullis cognitionibus, quæ Præsidibus reservatæ erant, quæque ideo *Extraordinariæ* dicebantur.

Prætor vel Præses, aut Judicem olim dabat, aut extra ordinem ipse in nonnullis causis jus dicebat: uti
da

de Mercedibus , Salaris & Honorariis Professorum , Medicorum , Advocatorum.

Judex datus, si male judicat, litem suam facere dicitur: atque, si per imprudentiam id fecerit, ex qua delicto tenetur, Actione in factum, & arbitrio judicis punitur. Si vero dolo malo id fecerit, veram litis æstimationem præstare cogitur, & infamia notatur.

Titulus 14.

De Proxeneticis.

Proxeneta, est mediator, cujus opera contractus aliquis perficitur.

Proxenetica, sunt remunerationes, quæ solvuntur iis, qui præstant contrahentibus operam, in negotiis contrahendis. Atque hæc licite petuntur modo modo secundum qualitatem operæ servetur.

Proxeneta, qui præfuit mutuo contrahendo, nullo modo tenetur Actione mandati, quia monstrat magis nomen, quam mandat, tametsi serio laudavit.

Titulus 15.

De Censibus.

Census, est civium, & bonorum ad ipsos pertinentium, descriptio publica.

In describendis *Personis* notatur ætas, & sexus. In describendis *Fundis*, notatur nomen cujuscunq; fundi & in qua civitate aut pago sit, & quos proximos vicinos habeat, & ejus qualitas & quantitas. Atque hæc ideo obtinebant, quia tributa præstantur, vel pro modo

modo patrimonii, vel pro capite, nisi ætas vel immunitas aliquem excuset.

Fuerunt apud Romanos variae Classes, pro diversitate patrimonii & census. Nam Servius Tullius Cives Romanos in sex classes distribuit. In primam eos contulit, qui centum millia æris, aut plus, obtinebant. In secundam eos posuit, qui intra centum usque ad quinque & septuaginta millia haberent. In tertiam eos collocavit, qui quinquaginta millia possiderent. Quarta, fuit viginti quinque millium. Quinta, undecim millium. In sextam relati sunt Proletarii, & capite censi. Proletarii dicebantur, qui non amplius mille quingentum æris in censum deferebant. Capite censi vocabantur, qui nullo, aut perquam exiguo censu censebantur.

Titulus 16.

De Verborum Significatione.

Verborum Appellatione, significantur non solum simplicia vocabula, uti Vrbs, Sponsio; sed etiam orationes; ut, Mihi heredique meo; Quisquis mihi heres erit, idem filio meo heres esto.

Significatio Verborum sumitur vel ex communi usu loquendi, vel ex proprietate sermonis, vel ex intentione proferentis.

Titulus 17.

De diversis Regulis Juris antiqui.


Regule Juris, sunt definitiones, quæ rem breviter explicant, & sunt quasi gnomæ ac axiomata generalia, ex quibus percipiuntur principia sive rationes, quibus jura singularia fulciuntur.

Ex-

Exceptio est, quæ in paucis casibus vitiat Regulam.

Inscribitur Titulus, in quibusdam Editionibus, simpliciter de *Regulis Juris*, in aliis, quas nos quoque secuti sumus, *De diversis Regulis Juris antiqui*.

Nempe, *diversæ* vocantur, quia ex diversis partibus juris desumptæ sunt. *Jus antiquum* hoc loco dicitur, non quod antiquatum est, sed quod in veterum Jureconsultorum libris continetur.



**EXPLICATIO
RUBRICARVM
CODICIS.**

P *Ars Prior*, Officium, Leges, & Sacra
docebit.

Transigo, Restituo, Gero, Postulo, parte
Secunda.

Tertia Jus dicit, Queritur, Servit, Petit,
Occat.

Actio, Contractus, Testes, *Quarta* re-
ferantur.

Quinta dabit Nuptas, Tutelarumque fi-
guras.

Sexta & Libertos, & Testamenta notabit.

Hepta Manumittit, Præscribit, Provocat
haud ter.

Pignerat *Octava*, Interdicit, Dat, Stipu-
latur.

Accusat *Nona*, & diversaq; Crimina ple-
dit.

Publica *Finales Libri tres* Jura resolvunt.

Correctasque notant Leges, *Authentica*
Jura.

CODICIS

LIBER I.

Titulus 1.

De Summa Trinitate, & fide Catholica,
&, ut nemo de ea publice conten-
dere audeat.

Fides Catholica est, quæ id continet, quod Eccle-
sia ab Apostolis, Apostoli a Christo, Christus
a Deo accepit. *Tertull. l. de præscript. cont. heretic.*

Quæ divinitus de sacris constituta sunt, pieq; cre-
duntur, non sunt in dubium vocanda astutis atque
inutilibus disputationibus; ea enim res occasionem
præbet tumultibus & perfidiæ.

Si Clerici adversus hoc delinquant, amittunt privi-
legium clericale; *Milites* privantur cingulo; alii *Li-*
beri homines, exilio, *Servi*, ultimo supplicio mul-
tantur.

Titulus 2.

De Sacrosanctis Ecclesiis, & de Rebus,
& Privilegiis earum.

Personarum Ecclesiasticarum cœtus, seu colle-
gium, appellatur *Ecclesia*; interdum significat
templum sive basilicam, quæ Catholicorum cœtum
continet.

Res Ecclesiasticæ sunt Tempia, Altaria, Sacra vasa,
Sacre vestes, Martyrum reliquæ. Sunt item Ec-
clesiarum Prædia, & res immobiles.

Privilegorum alia sunt omnibus Ecclesiis com-
munia, uti immunitas, id est vacatio a muneribus for-
didis

didis & extraordinariis: alia quarundam Ecclesiarum propria, veluti, ut Ecclesia Romana sit omnium Ecclesiarum caput.

Titulus 3.

De Episcopis, & Clericis, & Orphanotrophis, & Xenodochis, & Brephotrophis, & Ptochotrophis, & Ascetriis, & Monachis, & privilegiis eorum, & quasi castrensi peculio, & de redimendis captivis, & de Nuptiis Clericorum vetitis, seu permissis.

Epis coporum Ordo est quadripartitus. Nam quidam simpliciter *Episcopi*, in majoribus civitatibus præsunt. Supra hos sunt *Metropolitani*, qui in singulis provinciis eminent. Supra *Metropolitanos* sunt *Archiepiscopi*, qui tam *Metropolitanis*, quam cæteris *Episcopis* præsunt. Supra *Archiepiscopos* sunt *Patriarchæ*, qui & *Primates* nominantur. Inter hos primum locum tenet *Romanus Pontifex*, cui soli hodie nomen *Papæ* tribuitur, cum olim omnes *Sacerdotes* appellarentur *Papæ*: secundum locum tenet *Constantinopolitanus*; tertium *Alexandrinus*; quartum *Antiochenus*; quintum *Hierosolymitanus*. Alii sunt inferiores *Patriarchæ*, uti *Aquilejensis*, *Cantuariensis*, *Bituricensis*; qui proprie *Archiepiscopi* nominantur.

In *Orphanotrophio* aluntur parentibus orbati; in *Xenodochio* advenæ; in *Brephotrophio* infantes; in *Ptochotrophio* inopes & mendici; in *Nosocomio* ægroti; in *Gerontocomio* senes.

Monachi dicuntur quasi solitarii. *Ascetria* sic dicti, quod piis actionibus se exercent, & meditationibus vacant.

Regulares dicuntur, qui certæ vivendi regulæ sunt adstricti, sive sint *Monachi*, sive *Canonici Regulares*.

Privilegia Episcoporum & Clericorum sunt, quod liberi sunt a personalibus oneribus, uti Tutela, Magistratu; item a defensione Murorum, Portarum; quia non decet Clericos arma gestare, nisi ingruat necessitas. Habent & privilegium fori, tum in civilibus, tum in criminalibus; ut foro suo expresse vel tacite renunciare nequeant. Filiusfamilias Clericus de peculio quasi castrensi potest testari, nec testamentum ejus subiacet querelæ inofficiosi.

Lectores, Cantores, & cæteri in Minoribus Ordinibus constituti, nuptias contrahere possunt. *Sacerdotes, & qui sunt in sacris*, uti *Diaconi & Subdiaconi*, non possunt.

Titulus 4.

De Episcopali Audientia, & diversis capitulis, quæ ad jus, curamque, & reverentiam pertinent Pontificalem.

Quoniam Episcopus contententes audit, & causas dijudicat, ideo dicitur *Episcopalis Audientia*, & *Episcopale Judicium*. Non tribuitur tamen Episcopo jurisdictio, quia non potest sententiam suam exequi, sed executio ad ordinarios Magistratus pertinet.

Cognoscit Episcopus de causis Clericorum & Monachorum vel Civilibus, (videlicet si Clericus vel Monachus conveniatur) vel Ecclesiasticis, & eatenus de Criminalibus, ut exauctoratos remittat ad civilem Judicem, ab eo puniendos.

Cura Episcoporum, præcipue est circa conservationem Ecclesiasticæ disciplinæ.

Titulus 5.

De Hæreticis, Manichæis, & Samaritis.

HÆreticus est, qui Christianum quidem profite-
tur, sed in articulis fidei errat.

Manichæi, a *Manete* hæretico dicti sunt, qui tempore Felicis Romani Pontificis vixit, gente Persa, & se modo Christum, modo Paracletum jactabat. Statuebat principia duo, unum Bonum, alterum Malum.

Samaritæ dicuntur, qui Samaritanorum superstitionem amplectuntur, quæ ex Judaismo & Paganismo constabat.

Titulus 6.

Ne Sanctum Baptisma iteretur.

A*Nabaptistæ* dicuntur, qui sacrum baptismum iterant. Eorum tria sunt genera. Alii rebaptizant baptizatos in alia Ecclesia sibi non probata, ut Eunomiani, Ariani, Donatistæ. Alii rebaptizant baptizatos in infantia, ut nostri temporis Anabaptistæ. Alii toties rebaptizant, quoties aliquis peccavit, ut ejus peccatum abluant, ut Novatiani, Marcionitæ, & Donatistæ.

Titulus 7.

De Apostatis.

Apostasia tria sunt genera, videlicet Perfidie, Inobedientie, & Irregularitatis.

Apostasia Perfidie est, cum aliquis Christianam religionem, ejusque verum cultum deserit.

Apostasia Inobedientie est, cum aliquis transgreditur præceptum sui Superioris.

Apostasia Irregularitatis est, cum quis recedit ab ordine assumptæ religionis. Hoc titulo, Apostasia sumitur in prima significatione.

Titulus 8.

Nemini licere Signum Salvatoris Christi, humi, vel in silice, vel in marmore, aut insculpere, aut pingere.

Multantur, qui signum Salvatoris nostri, i. e. Crucem, humi pingunt aut sculpunt; atque id jure prohibitum est, ne a prætereuntibus concutatur.

Titulus 9.

De Judæis & Cœlicolis.

Judei dicuntur, qui Vetus Testamentum male intellectum recipiunt, Novum autem, quod Veteri confirmatur, non admittunt.

Cœlicole sunt, qui cœlestia sidera adorant; & cum Judæis in eodem titulo conjunguntur, quia ferè ex Judæorum numero erant. Hi, nisi ad Christianam fidem convertantur, pœnis hæreticorum afficiuntur, & ædificia, in quibus conveniunt, Ecclesiæ vindicantur.

Titulus 10.

Ne Christianum Mancipium Hæreticus, vel
Judæus, vel Paganus habeat, vel pos-
sideat, vel circumcidat.

Illud commune est Hæreticis, Judæis, Paganis, &
Samaritis, ut *Christianum mancipium iis habere
non liceat.* Ratio est, ne Christi servitio addictus,
impiorum iugo prematur. *Pœna* contra facientis est
capitalis, eademque etiam manet Judæos, qui Chri-
stianum occidere attentant.

Titulus 11.

De Paganis, & Sacrificiis, & Templis.

Pagani sunt, qui gentilium sacra ritusque reti-
nent.

Nominis ratio desumpta ab eo, quod in pagis diu-
tius hæsit idolorum cultus, quam in urbibus. Paga-
norum sacra hic titulus exerceri prohibet, eorum
templa claudi jubentur, sub pœna gladii.

Titulus 12.

De his, qui ad Ecclesias confugiunt,
vel ibi exclamant.

Immunitas concessa est Ecclesiis, in Dei reverentiam,
qui ibi colitur; eaque venit nomine asyli.

Proinde ad Ecclesiam confugiens, invitatus inde
abstrahi non potest, citra crimen Læsæ Majestatis Jure
Civili, & citra Excommunicationem Jure Canonico.

Asylum præstant non tantum Ecclesia, Altaria, &
Oratoria, sed & omnia loca, inter primas Ecclesiæ
januas, ut cellæ, domus, horti, balnea, porticus.

Pro

Pro his, qui ad Ecclesiam confugerunt, *conclamari in Ecclesia non debet*; hoc enim ad seditionem spectare videtur. Quare, si quid per exclamationem ab Imperatore, ad Ecclesiam procedente, impetratum sit, effectum caret: &, qui exclamatione usus est, per Praefectum ejus castigatur.

Titulus 13.

De his, qui in Ecclesiis manumittuntur.

Olim in Ecclesiis, coram populo & Antistite, manumissis, competeat plena libertas. Clerici vero, extra Ecclesiam etiam, quocunque modo, servis suis impertiuntur libertatem.

Titulus 14.

De Legibus, & Constitutionibus Principum.

Consulendi in Digestis titulus *de Legibus*, itemque titulus *de Constitutionibus Principum*.

Tam Decreta quam Edicta Principum habent vim Legis: Praetorum autem Edicta tantum vim legis obtinent, non etiam Decreta.

Titulus 15.

De Mandatis Principum.

Mandata, sunt constitutiones speciales, quibus certae personae, ut Praesides, vel Judices, monentur, quid facere debeant.

Hac Mandata sine scriptis non sunt recipienda, nisi Princeps judicem det vel adjungat, aut acta ead judicet, aut litem celeriter terminari praecipiat.

Titulus 16.

De Senatusconsultis.

OB negotiorum multitudinem, etiam occupata a Principibus Republica, *Senatui* jus erat, decreta facere, unde *SCtum Trebellianum* sub Nerone, *Pegasianum* sub Augusto facta, vim legis habuere.

Titulus 17.

De Veteri Jure enucleando, & de autoritate Jurisprudentium, qui in Digestis referuntur.

J*urisprutorum*, quibus a Principe datum erat, ut de jure possent respondere, ingens quondam erat autoritas; nam, ab eorum responsis, non licebat Judici recedere. Sed Justinianus iis solis vim legis tribuit, quæ ex infinitis scriptis delegit, atque enucleavit, & in sua Digesta retulit, ac omnia æqualem autoritatem habere jussit: ita ut hanc vim, non ab autoribus *JCtis*, sed ab ipso Imperatore habeant.

Per *Jus vetus enucleandum*, intelligenda conscriptio Digestorum; nam, *jus vetus* dicitur, non quod in usu esse desiit, sed, quod libris antiquorum *JCtorum* continetur.

Titulus 18.

De Juris & Facti Ignorantia.

I*gnorantia Juris* est, cum id nescitur, quod jure cavetur; puta, minorem 14. annis non posse facere testamentum. *Ignorantia Facti* est, cum id ignoratur, quod in facto consistit, velut, testatorem esse minorem 14. annis.

Ignorantia Statutorum excusat Forensē & novitium civem a pœna statuti, si aliquid contra statutum faciat.

Titulus 19.

De Precibus Imperatori offerendis, & de quibus rebus supplicare liceat, vel non.

Imperator laborantibus opem fert. Ejus autem opem imploramus, cum preces ei offerimus.

Preces, sunt libellus supplex, ejus desiderium continens, qui Principis auxilium implorat.

Non licet Principi de quacunque re supplicare. Nam petere a Principe non licet, 1. Quod est contra jus, 2. Quod est damnosum fisco. 3. Administrationem vel dignitatem. 4. Ne debitor exceptione dilatoria utatur. Dilatio autem solutionis ita demum peti potest, si idonea cautio offeratur.

Titulus 20.

Quando Libellus, Principi datus, litis contestationem faciat.

Libellus Principi oblatus, instar litis contestationis, actionem, alias tempore peritaram, perpetuat, facitque eam competere heredibus impetrantis, dummodo ad illum Princeps rescripserit.

Titulus 21.

Vt lite pendente, vel post Provocationem, aut definitivam sententiam, nulli liceat Imperatori supplicare.

Tria hoc titulo prohibentur: 1. Ne liceat lite pendente, scil. in prima instantia, supplicare; nisi vel

vel Acta, vel Sententiam edi, vel Litem terminari, & Sententiam ferri, vel Judicem adjungi petatur. 2. Ne supplicetur post provocationem, id est lite pendente in secunda instantia. 3. Ne supplicetur post definitivam sententiam, id est post litem finitam.

Titulus 22.

Si contra jus, vel utilitatem publicam, vel per mendacium, fuerit aliquid postulatatum, vel impetratum.

Non supplicandum est contra jus: nam Judex non secundum rescripta, sed secundum leges & consuetudines generales judicare debet; nisi criminis poena per rescriptum Principis remittatur, aut aliquid aliud concedatur, quod petenti profit, & alteri non obsit.

Non supplicandum est contra utilitatem publicam, veluti si id, quod petitur, Fisco damnum afferat.

Est quoque vitium *Subreptio vel Obreptio*, id est, cum supplicans falsum quippiam in precibus ponit, aut aliquid verum reticet. Hic enim non solum impetratis uti non potest, sed etiam poena falsi afficitur, etiamsi id, quod petiit & impetravit, legibus est consentaneum.

Titulus 23.

De diversis Rescriptis, & Pragmaticis sanctionibus.

Rescriptum, est responsum Principis, ad consultationem vel petitionem alicujus Judicis, sive privati hominis emissum.

Ut Rescriptum valeat, 4. requiruntur. 1. Ut clausulam illam contineat: Si preces veritate nituntur.

Sed

Sed jure Pontificio hæc clausula suppletur, & ea sub-
audita, rescriptum sustinetur. 2. Ut notetur dati re-
scripti tempus, si nimirum fuerit personale: nam,
generalia rescripta, quæ in Codicem relata, etiam si-
ne die & Consule valent. 3. Ut Princeps manu sua
subscribat sacro encausto, id est, eostri muricis, &
triti conchylii ardore seu cruore. 4. Ut Quæstor
subnotet, inter quos, ad quem, & per quem sit re-
scriptum emissum.

*Rescripti species duæ sunt: Adnotatio seu Subnota-
tio, & Pragmatica Sanctio.*

*Adnotatio, est ad libellum privatæ personæ de pri-
vato negotio subscriptio Principis.*

*Pragmatica Sanctio, est sacra Principis jussio, quæ
de negotio publico, causa in consilio cognita, ad ali-
quam universitatem emittitur; sive hoc fiat ad alic-
uius preces, sive ad alicujus relationem aut sugges-
tionem.*

Titulus 24.

De Statuis, & Imaginibus.

Est quoque modus, quo opem Principis implo-
ramus, cum ad ejus Statuam confugimus.

*Statue ab Imaginibus differunt, quia Statuæ sunt
aut sculptæ, aut marmoreæ, vel lignæ; aut fuscæ, ut
æneæ, vel argenteæ: Imagines vero sunt pictæ.*

*Statuæ eriguntur Principi, non aliis personis, nisi
permissu Principis.*

Titulus 25.

De his, qui ad Statuas confugiunt.

Licet ad Statuam Principis, tanquam ad asylum,
confugere, dummodo id fiat ex iusta causa, vel-
uti

uti, si quis fugiat ex custodia aut vinculis, quibus a potentiori viro detinebatur; aut Servus durius, quam ut ferri posset, a domino tractetur.

Titulus 26.

**De Officio Præfecti Prætoriorum
Orientis & Illyrici.**

Videndus libri 1. Digestorum titulus 11. *De Officio Præfecti Prætorio.*

Fuerunt plures Præfecti Prætorio, ut Italiæ; Galliarum; *Orientis*, sub quo fuerunt quinque diœceses, Oriens, Ægyptus, Asiana, Pontica, Thracia; item *Illyrici*, sub quo fuerunt duæ Diœceses, Macedonia, & Dacia.

Titulus 27.

**De Officio Præfecti Prætorio Africæ, & de
omni ejusdem Diœceseos statu.**

Et si Africa diœcesis olim fuit sub Præfecto Prætorio Italiæ, uti ex Notitia Romani Imperii constat; tamen *Justinianus*, recuperata a *Vandalis* Africa, Præfectum Prætorio Africæ constituit, a cæteris sejunctum.

Status Africanæ diœceseos, partim fuit politicus, partim militaris. Politico præfuit Præfectus Prætorio, sub quo sunt Præsides Provinciarum. *Militari* præfuit Magister militum, cui subiecti sunt Duces.

Titulus 28.

De Officio Præfecti Vrbi.

Videndus libri 1. Digestorum titulus 12. ejusdem inscriptionis.

Titu-

Titulus 29.

De Officio Magistri Militum.

Æ Qualis fuit dignitas Præfecti Prætorio, Præfecti Vrbi, & Magistri Militum.
Magister Militum potestatem habet in Duces militum, & Comites militares, & ipsos milites.

Titulus 30.

De Officio Quæstoris.

Quæstor sacri Palatii orationes Principum in Senatu legebat, & eorum Rescripta dictabat, iisque subscribebat. Item curam gerebat *Minoris Laterculi*, id est Codicis, in quo descriptæ erant minores dignitates & officia; nam *Majus Laterculum*, in quo maiora officia, maioresque dignitates descriptæ erant, servabatur apud Primicerium Notariorum. Dictum est *Laterculum*, vel a *lateribus*, id est a figura quadrata, uti Cujacio videtur; vel, a *latendo*, ut Hotomanno placet.

Titulus 31.

De Officio Magistri Officiorum.

Sub dispositione *Magistri Officiorum* erant fabricæ, item scrinia memoriz, sive libellorum & epistolarum: item scholæ scutariorum, & armatarum, nec non cursus publici potestas. Amplius, significabat quotannis Cæsaribus, quomodo numerus militum se haberet.

Titu-

*Titulus 32.**De Officio Comitum sacrarum largitionum.*

Comes sacrarum largitionum universæ pecuniæ publicæ præerat, de qua sæpe largitiones ex Principis liberalitate fiunt. Vnde Comes sacrarum largitionum dictus est; nam, *Sacrum* passim in jure dicitur, quod ad Principem spectat.

*Titulus 33.**De Officio Comitum Rerum privatarum.*

Comes Rerum Privatarum curabat privatum patrimonium, ad Principem spectans.

*Titulus 34.**De Officio Comitum Sacri Patrimonii.*

IN quibusdam Codicibus, hic Titulus inscribitur: *De Officio Comitum Sacri Palatii.* Significatur is utroque vocabulo, qui velut procurator erat divine domus, qui Cæsaris Patrimonium curabat, possessiones, mensamque procurabat, epulas sollicita ordinatione disponebat, denique in omnes regie domus famulos & ministros imperium habebat: quod munus hodie in Aula aliqua ex parte repræsentat Marschallus.

*Titulus 35.**De Officio Proconsulis, & Legati.*

Hactenus fuere Magistratus illustres. Sequuntur *Spectabiles*: inter quos primus locus datur *Proconsuli*, cujus proprium est, ut *Legatum* adjunctum habeat,

habeat; nam alii Provinciarum Rectores & Præsides, Legatum non habent. Videndus libri 1. Digestorum titulus 16. ejusdem inscriptionis.

Titulus 36.

De Officio Comitum Orientis.

PRæfectis Prætorio commissi fuere aliquot orbis tractus, qui plures dioceses seu provincias complectebantur. Singulæ habuerunt suos Rectores seu Comites, ut rectius administrarentur: quandoq; uni Rectori integræ dioceses, quæ plures provincias complectebantur, fuere commissæ.

Sic *Comitis Orientis* curæ commissæ fuerunt Provincie 15. sed Justinianus ei tantum primam Syriam subjecit.

Titulus 37.

De Officio Præfecti Augustalis.

Videndus libri 1. Digestorum titulus 17. ejusdem inscriptionis.

Præfecti Augustalis curæ præter cætera incumberebat, a *Moderatoribus provinciarum tributa exigere*; quorum solutionem recusantes, etiam manu militari coerceri poterant.

Titulus 38.

De Officio Vicarii.

Vicarius vice Præfecti Prætorio mittitur in aliquam diocesim, plures provincias continentem.

*Titulus 39.**De Officio Prætorum.*

Sequuntur Magistratus *Clarissimi*, quales sunt in urbe *Prætores*, de quibus est in libri 1. Digestorum titulo 14. ejusdem inscriptionis.

*Titulus 40.**De Officio Reſtoris Provinciæ.*

Videndus libri 1. Digestorum titulus 18. *De Officio Præſidis.*

Titulus 41.

Vt nulli Patriæ suæ administratio, sine permissu Principis, permittatur.

Nemo potest, sine speciali permissu Principis, fieri Rector provinciæ, ex qua originem ducit, vel in qua domicilium habet.

Hodie plerunque domestici & originarii ad patriæ munera vocantur, & Magistratibus præficiuntur, præferunturq; alienigenis: Quia magis indigenæ obstricti sunt patriæ suæ, cujus & statuta ac mores, utpote in ea educati, melius scire præsumuntur, quam alienigenæ.

In aliquibus Editionibus succedit nunc titulus, *De Quadrimestris breuib;* qui tamen a plerisq; abest. Sunt autem *Breves Quadrimestri*, libelli, qui, quarto quoque Mense, a Chartulariis conficiebantur, & ad Officiales Palatii, aut Præfecti Prætorio mittebantur.

Titulus 42.

De Officio Præfecti Vigilum.

Quidam hunc titulum sequenti, qui est de Officio Præfecti annonæ, postponunt; quidam eum prorsus omittunt. De Officio Præfecti Vigilum est in Digestis libro 1. tit. 15.

Titulus 43.

De Officio Præfecti Annonæ.

Quamvis olim Annonæ inspectio ad curam Præfecti Vrbi pertineret, placuit postea *Præfectum Annonæ* quoque eligi, & velut extra ordinem constitui, qui una cum Præfecto Vrbi, in Re Annonaria, æqualem potestatem haberet, ita ut unus sine alio de annona statuere nihil posset.

Titulus 44.

De Officio Civilium Judicum.

Civiles Judices paganis, vel inter actorem militem, & reum paganum, jus dicunt.

Titulus 45.

De Officio Militarium Judicum.

Militares Judices inter milites, vel inter actorem paganum, & reum militem, jus dicunt.

Titulus 46.

De Officio Tribuni, & Comitæ militaris.

Hunc Titulum Cujacius substituit; quem tamen vulgati Codices non agnoscunt.

Titulus 47.

**Ne Rei Militaris Comitibus vel Tribunis
lavacra præstentur.**

C*Omites Rei Militaris & Tribuni Militares, nec lavacra, id est balnea privata, nec aderationem, id est æstimationem loco balnei, exigere possunt: hoc enim jus tantum Illustribus Magistris Militum, & Comitibus equitum & peditum conceditur. Publica autem balnea omnibus patent; & qui iis uti prohibetur, potest Actione injuriarum experiri.*

Titulus 48.

De Officiis diversorum Judicum.

J*udicibus omnibus tam inferioribus, quam superioribus, quædam communia sunt officia, quæ hoc titulo proponuntur. Eorum primum est, ne Judices confundant invicem dignitatum gradus. Statutum proinde est, ut Inferiores, in suis relationibus & subscriptionibus reverentiam præstent Judicibus celsioribus, neque eos fratres appellent, vel pares faciant. Alterum Officium, ad honoratos viros pertinet, ut illis Judices ingressum & sessionem in secretariis non denegent, sed reverentiam & honorem debitum exhibeant.*

Titulus 49.

Vt omnes Judices, tam Civiles quam Militares, post Administrationem depositam, quinquaginta dies, in Civitatibus, vel certis locis permaneant.

E*st commune omnium Judicum Provincialium, ut non ante administrationem deponant, quam eorum*

rum Successor ad provinciæ fines pervenerit, neque ante 50. dies, a deposita administratione numerandos, de provincia decedant, sed in publico faciant sui copiam, quo sic de rebus a se recte & iuste factis, palam testentur, & subditis, quos rexerunt, facultas sit, eos super injuriis, furtis, residuis, arguendi, & accusandi. Eam rem vult Imperator definiri, intra 20. dies, & interim Reum ad juratoriam cautionem admitti, qua fidem interponet, se in iudicio permanfurum usq; ad terminum litis.

Si, antequam compleantur 50. dies, *Judex aufugerit*, a Provincialibus capi & detineri potest, donec omne damnum refundat.

Titulus 50.

De Officio ejus, qui vicem alicujus Judicis obtinet.

Vicem Judicis obtinere dicitur, qui moderantem Provinciæ, ad tempus præfixum, obtinet, Præside forsan defuncto, vel remoto, vel aliorum vocato. Itaque ob utilitatem Reip. receptum est, ut Judices aliis jurisdictionem mandent, vel, ut alii a Principe aut Præfecto Prætorio constituentur, qui vice mortuorum vel absentium judicent.

Est inter hos magnum discrimen. Nam, illi, quibus est mandata jurisdictio; proprium nihil habent, sed ejus, qui mandavit, jurisdictione utuntur. At, qui vicem alicujus Judicis obtinent, propriam habent jurisdictionem, atque eandem auctoritatem, quam Judex, cujus locum tuentur: unde Tutores dare, decreta facere, alienationibus bonorum minoris, Emancipationibus, & Adoptionibus auctoritatem interponere possunt.

Titulus 51.

De Assessoribus, & Domesticis, & Cancellariis Judicum.

Assessores, sunt Jurisperiti, qui consiliis Magistratus & Judices adjuvant, & docent, quomodo in unaquaq; Juris quæstione, civili vel criminali, cognoscendum sit.

Domestici, sunt milites, ad Magistratus custodiam deputati.

Cancellarii, sunt a secretis Judicum, & in expediendis eorum epistolis operam dant: sic dicti, quod *cancellis* includantur.

Titulus 52.

De Annonis, & Capitatione administrantium, & eorum Assessorum, aliorumve publicas sollicitudines gerentium, vel, qui aliquam consecuti sunt dignitatem.

Omnibus Judicibus, de quibus hætenus dictum est, eorumq; Assessoribus, in præmium laboris & industriæ, & ut a donis ac muneribus sibi temperent, de publico *Salaria*, id est *Annonas* & *Capitationes*, constitui jussit Alexander Imperator.

Annonæ sunt, veluti panis, vinum, oleum, carnes, & similes res victui necessariae. *Capitationes*, sunt pabula pro equis & mulis, quibus Judices & Assessores vehabantur, vel eorum sarcinæ importabantur. Pro his autem jubet hujus tituli Constitutio, solvi certam pecuniam, in singulorum delegationibus, id est *Notitiis*, definitam. *Notitiæ* namq; singulis officiis delegaban-

gabantur, quibus continebatur, quantum singuli pro dignitate & officio, pro libellis, codicillis insinuandis, pendere, quantum pro Annona & Capitatione accipere deberent.

Titulus 53.

De Contractibus Judicum, vel eorum, qui circa eos, & inhibendis Donationibus in eos faciendis, & ne administrationis tempore proprias *Ædes* ædificent.

NE subditi ullo modo premantur, cavetur, ne administrantes, aut, qui circa eos sunt, ut *Assessores* & *Domestici*, certis modis contrahant; puta, ne aliquid emant, præter ea, quæ ad victum quotidianum necessaria sunt; ne fœnerent, vel mutuum dent, ne mutuo accipiant sine fœnore; imo ne quidem sub fœnore ab iis accipiant, qui apud se litigant; ne mercaturam exercent; ne sponsalia cum provincialibus contrahant; neve uxorem ducant, nisi, ante administrationem susceptam, sponsalia cum ea contraxerint. Item, prohibentur donationis causa capere præter modica xeniola.

Amplius, Administrantes, & qui circa eos sunt, prohibentur *Ædes*, vel *Naves*, administrationis tempore, extruere, ob eandem causam, ob quam contrahere iis nefas est. Sed nec in eum finem donationes iis accipere licet, ne ulla ratione subditi vexentur.

Titulus 54.

De modo mulctarum, quæ a Judicibus infliguntur.

Judicibus, seu Magistratibus, communis est mulctæ inflictio. Est autem *Mulcta* coërcitio pecuniaria, quæ arbitrio Judicis mulctantis infligitur.

Mulctantis arbitrium non est omnino liberum, nam Magistratus *Illustres* mulctam dicere possunt usque ad 50. libras auri: *Speſtabilium* alii usque ad tres, alii usque ad sex uncias auri: *Clarissimi* usque ad duas auri uncias.

In mulcta dicenda requiritur *causæ cognitio*, ne quis innocens mulctetur; atque mulcta ex scripto pronuncianda est, quod & in aliis sententiis Judicum requiritur.

Mulcta non affert infamiam, *nec potest a Judice remitti*, nisi ex justa causa; uti ob inopiam mulctati. Quod si exigatur, applicanda est fisco, nisi Judex in alios publicos usus eam deputaverit.

Titulus 55.

De Defensoribus Civitatum.

Defensor Civitatis talis erat in municipiis, qualis Tribunus Plebis Romæ. De causis civilibus cognoscebat usque ad 50. jure Novellarum, usque ad 300. aureos. Audiebat, & puniebat leviora crimina, deprehensos in gravioribus remittebat ad Judicem puniendos. In carcerem conjicere poterat, mulctam vero dicere non item.

Titulus 56.

De Magistratibus Municipalibus.

In aliquibus civitatibus, præter Defensores, nullus erat Magistratus. At in plerisque municipiis plu-

res fuerunt Magistratus, *Municipales* dicti, itemque *Curatores Reipublicæ*, & *Decuriones*. Præcipui erant *Duumviri*, similes duobus Consulibus Populi Romani. Hi assumebantur ex ordine *Decurionum*, uti *Defensores* ex plebe.

Habebant *Duumviri* ordinariam jurisdictionem in minoribus causis, in majoribus non utique, nisi partium consensu jurisdictione prorogaretur. Habebant & iudicati executionem aliquam, quatenus jubere poterant pignora capi. Item habebant modicam coercionem, sed in servos tantum, non in liberos. Majorum criminum Reos detrudebant in carcerem, & mittebant ad Provinciæ Præsidem. Amplius, competeat iis jus dandi tutores vel curatores, si scilicet facultates pupilli vel adolescentis non excederent 500. aureos. In summa, ea quæ jurisdictionis sunt, hic Magistratus facere poterat, non ea quæ imperii: unde non animadvertibat in facinorosos homines gladio, non restituebat in integrum.

Titulus 57.

De Officio Juridici Alexandriæ.

Videndus libri 1. Digestorum titulus 20. De Officio Juridici.

C O D I C I S

LIBER II.

Titulus 1.

De Edendo.

Videndus libri 2. Digestorum titulus 13. ejusdem inscriptionis.

A a 5

Titu.

Titulus 2.

De in Jus vocando.

VIdendus libri 2. Digestorum titulus 4. ejusdem inscriptionis.*Titulus 3.*

De Pactis.

VIdendus libri 2. Digestorum titulus 14. ejusdem inscriptionis.*Titulus 4.*

De Transactionibus.

VIdendus libri 2. Digestorum titulus 15. ejusdem inscriptionis.*Titulus 5.*

De Errore Calculi.

Error Calculi, est error in computationibus factus; nam Veteres in rationibus supputandis calculis utebantur. Si quis igitur in reddendis rationibus quibuscunque erraverit, probato errore, rationes retractari recte petit, etiam post decennii aut vicennii tempora. Error enim veritati præjudicare non potest; ideo quod per errorem solutum est, tanquam indebitum recte repetitur.*Titulus 6.*

De Postulando.

VIdendus libri 3. Digestorum titulus 1. ejusdem inscriptionis.

*Titulus 7.**De Advocatis diversorum Judiciorum.*

A*Dvocati* ab advocando dicuntur, quia patronum *advocamus*, ut agat litem nostram, *invocamus* Judicem, *vocamus* Adversarium, *evocamus* Testem. Est igitur *Advocatus* Doctor juris, qui pro alio, id est Cliente, postulat. Dicitur alias *Patronus*, *Causidicus*, quanquam olim *Advocatus* & *Patronus* differabant: *Patronus* enim erat Orator, qui causam agebat; *Advocatus* vero, qui jus suggererat.

Advocati alii sunt Statuti, qui in collegio sunt, inque matriculam suere descripti, quorum ordinem excedere, & turbare non licet. Alii sunt *Supernumerarii*, qui nec certo numero sunt, nec certo collegio comprehenduntur, nec certo foro addicti, sed per omnia fora libere oberrant.

In aliquibus Editionibus, subjungitur *Titulus de Advocatis diversorum Judicum*, sed perperam, ac merito in aliis *Leges* ad illum relatæ cum hujus tituli *Legibus* conjunguntur.

*Titulus 8.**De Advocatis Fisci.*

A*Dvocati Fisci* sunt, ad quos pertinet agere causas fiscales. Agunt singuli in eo foro, ex cujus collegio sumti sunt: nam, ex variis foris seu diversis advocatorum collegiis assumuntur, ut puta electus ex collegio *Togatorum Præfectianorum*, causas fiscales apud *Præfectum Urbis*; & qui sumtus est ex collegio *Togatorum Prætorianorum*, causas fiscales agit apud *Præfectum Prætorio*.

Olm

Olim erat in quolibet foro unus Fisci Patronus; sed postea specialiter constitutum, ut in foro Præfecti Prætorio Orientis duo essent.

Hoc officium quondam erat annuum; postea constitutum est, ut biennio duraret in quibusdam foris, uti in foro Præfecti Prætorio Illyrici, & Alexandrino.

Titulus 9.

De Errore Advocatorum, vel Libellos, seu Preces concipientium.

E*rror Advocati* non nocet Clienti, nisi Clientis præsens sit, ac triduo silentio comprobet, quæ Advocatus dixit. Similiter domino litis non nocet error in concipiendo libello, admissus ab eo, qui libellum seu preces concepit.

Titulus 10.

Vt, quæ defunt Advocatis, vel parti, Judex suppleat.

I*N* quibusdam editionibus sic concipitur inscriptio:
Vt, quæ defunt Advocatis partium, judex suppleat.

Si quid Advocatus omiserit, quod ad causam faciat, Judex id supplere debet. Sicut enim error, ita etiam omissio Advocati nocere litiganti non debet. Idem obtinet in iis, quæ omissa sunt a Partibus, id est, litigantibus.

Atque hæc indistincte obtinent in iis, quæ in jure consistunt, non vero omni modo in iis, quæ sunt facti: quia, cum judex secundum allegata & probata judicare debeat, nihil supplere potest, quod in actis non continetur.

Titulus 11.

Ex quibus causis Infamia irrogatur.

Infames ad officium Advocati non admittuntur.
Qui vero, & ex quibus causis, notentur infamia, est
in libro 3. Digestorum titulo 1.

Titulus 12.

De Procuratoribus.

Videndus libri 3. Digestorum titulus 3. ejusdem
inscriptionis.

Titulus 13.

Ne liceat Potentioribus patrociniū liti-
gantibus præstare, vel Actiones in se
transferre.

Potentior prohibetur patrociniū litiganti præ-
stare. Potentior dicitur, cui adversarius par esse
non potest. Patrociniū præstare dicitur, qui litis
procuracionem suscipit, idque aut procuratoris mu-
nus suscipiendo, aut actiones in sese transferendo.

Qui Potentioris operam redimit, Actionem per-
dit; Potentiolem, arbitraria manet pœna.

Titulus 14.

De his, qui Potentiorum nomine Titulos
Prædiis affigunt, vel eorum nomina
in litem prætendunt.

Nefas est, Titulos alicujus viri potentis prædio af-
figere, ne adversarius prædium illud petere au-
deat.

Titu-

Titulus, est tabula prædio affixa, quæ nomen, effigiem, vel insignia domini continet.

Nefas quoque est, in litem, qua quis pulsatur, *Potentis viri nomen prætere*, quasi ad eum causa pertineat.

Vir potens si in ista consenserit, infamia ei per Judicem irrogatur. Is vero, qui ejus potestate abusus est, causa cadit, & si sine Viri illius potentis consensu id faciat, plumbatis virgis cæsis damnatur in metallum.

Titulus 15.

Vt nemo privatus titulos prædiis suis vel alienis imponat, vel Vela Regia suspendat.

TRia sunt, quæ inter se similitudinem quandam habent: Tituli, Vela, & Signa.

Tituli, sunt tabulæ prædiis affixæ. *Vela* solebant foribus ædium a Veteribus prætendi, unde, levato velo, significat, aperta fore. *Signa* apponuntur rebus mobilibus. De his omnibus hac in parte agitur, & cum superiori Titulo actum sit de titulis Virorum potentium, hoc tit. agitur de titulis ex velis regiis. Nempe *Titulorum* appellatione, καὶ ἐξοχήν, significantur tituli Regii, qui etiam appellantur tituli fiscales.

Si quis titulos Regios prædio suo affigat, prædium confiscatur. Si alieno prædio sine jussu judicis affixerit, gravissime punitur. Nimirum, plebejus ultimo supplicio afficitur; Clarissimus, vel Decurio, vel Miles, vel Clericus, proscribitur; & cuilibet licet titulos Regios, illicite affixos, deicere & frangere.

Titulus 16.

Vt nemini liceat sine Judicis autoritate
Signa rebus imponere alienis.

Signa non possumus imponere rebus alienis, sine
autoritate Judicis, id est, antequam per Judicem
sint nobis adjudicatae, licet nobis sint obligatae, imo
nec nostris rebus, ab alio detentis.

Quod si *imposita illicite fuerint*, amoveri impune
a quolibet possunt, ejusque, qui ea imposuit, bona com-
fiscantur.

Titulus 17.

Ne Fiscus vel Respublica procurationem
alicui, patrocini causa, in lite praestet.

Quemadmodum Viri potentes, ita etiam Fiscus, &
Respubl. prohibentur patrocinium litiganti praes-
tare, id est, procurationem litis suscipere.

Fiscus, est aerarium Populi Rom. vel Principis; *Res-
publica*, est civitas Romano Imperio subjecta.

Titulus 18.

De Negotiis Gestis.

Videndus libri 3. Digestorum titulus 5. ejusdem
inscriptionis.

Titulus 19.

De his, quae Vi, Metusve causa gesta
sunt.

Videndus libri 4. Digestorum titulus 2. *Quod Me-
tus causa gestum erit.*

Titu-

Titulus 20.

De Dolo Malo.

Videndus libri 4. Digestorum titulus 3. ejusdem inscriptionis.

Titulus 21.

De in Integrum Restitutione Minorum viginti quinque annis.

Videndus libri 4. Digestorum titulus 4. *De Minoribus XXV. annis.*

Titulus 22.

De Filiofamilias minore.

Filiusfamilias minor, cum possit, non obstante patris potestate, conveniri, potest etiam in integrum restitutionem petere, excepto Mutuo, quod jussu patris accepit. Sed & pater, nomine filii, licet invitum, restitutionem petere potest, nisi filio contrahenti consenserit.

Titulus 23.

De Fidejussoribus Minorum.

DE Fidejussoribus Minorum, duo notanda sunt: *Vnum* est, Minorem restitui contra suum Fidejussorem, cui tenetur actione mandati. *Alterum*, Fidejussorem adversus Creditorem Minoris, apud quem fidejussit, ita demum restitui, si dolus Creditoris intervenerit.

Titulus 24.

Si Tutor vel Curator intervenerit.

Minor restituitur etiam adversus ea, quæ Tutore vel Curatore autore fecit, nec non adversus ea, quæ

quæ ipse Tutor vel Curator gessit; adeo, ut electio sit minoris, utrum restitutionem petere, an contra Tutorem Actione tutelæ, sive Curatorem, utili negotiorum actione experiri velit: & altero horum remedium electo, nihilominus possit illud omittere, & ad alterum transire.

Titulus 25.

Si in Communi eademque causa in Integrum Restitutio postuletur.

Quæritur: Num etiam Majoribus, communem causam habentibus cum Minore, restitutio detur?

Respondent Imperatores, Majoribus non dari, neque prodesse restitutionem Minoris; sicuti etiam Prætor suo edicto solum pollicetur restitutionem de eo, quod cum Minore gestum erit, non quod cum ejus Consorte, Socio, vel Majore. Quare, si duo Fratres, quorum unus maior, alter minor sit, de successionem paterna cum tertio aliquo imprudenter transigerint, restitutio quidem Minori concedetur, sed pro portione sua tantum; cum tamen regulariter eadem res diverso jure censi non debeat.

Titulus 26.

Si adversus Rem Judicatam.

Minor restitui potest adversus rem judicatam, hoc est, sententiam ipso jure validam, & latam non solum ab inferiore Judice, sed etiam eo, qui vice Principis fungitur, aut ab ipso Principe; quamvis perraro, & solum ob novas allegationes soleat Princeps permittere restitutionem, & induci in auditorium suum eum, qui per infirmitatem ætatis captum se dicit.

B b

Fit

Fit vero, ut admittatur potius contra sententias summorum Judicum restitutio, quam appellatio. Quia is, qui appellat, conqueritur de iniquitate judicantis: sed, qui cupit restitui, petit veniam simplicitatis suæ, vel adversarii circumventionem allegat.

Titulus 27.

Si adversus Venditionem.

INterdum Venditio rata manet; quandoque ipso jure nulla est, ut Restitutione opus non sit; aliàs infirmatur per restitutionem in integrum.

Rata manet, nec per Restitutionem rescinditur,
1. Si minor juraverit, se nullam controversiam facturum; standum enim est jurejurando. 2. Si res fortuitis casibus obnoxia, ut Vinum, Frumentum, vendita sint, tutore vel curatore autore.

Ipso jure nulla est venditio, 1. Si Pupillus sine Tutore, Minor, Curatorem habens, sine Curatore rem vendiderit. 2. Si res, sine corruptionis & interitus periculo, ut Prædium, venditum sit sine decreto Prætoris. Aliis casibus datur Restitutio, sive ipse Minor vendidit, sive Tutor Curatorve rem vendidit Minoris.

Titulus 28.

Si adversus Venditionem Pignorum.

ADversus Venditionem Pignorum Restitutio conceditur, sive Creditor rem Minoris sibi pignoratam distraxit: sive res Minoris condemnati capta & distracta sit; videlicet, si Minor magno detrimento sit affectus: nam temere, adversus venditionem pignorum, non conceditur Restitutio, ne quodammodo pignoris emptor decipiatur Legis autoritate, quæ, intervenien-

veniente decreto, & subhastatione, permisit res Minorum distrahi.

Titulus 29.

Si adversus Donationem.

Donatio regulariter occasionem restituendi dat, siue Minor donavit, siue Patri donanti consensit, siue donationem sibi factam remisit. Quandoq; tamen donatio Minoris *rata manet*, ut, quia modica est, vel cum autoritate Curatoris facta est ex justa causa. Quandoq; *ipso jure non valet*, ut Prædii donatio.

Titulus 30.

Si adversus Libertatem.

Quia Libertas inæstimabilis res est, & rebus omnibus favorabilior, ideo *contra Libertatem semel obtentam, aut sententiam pro ea latam, non datur restitutio Minori*; quia res judicata pro veritate habetur. Dicitur, *obtentam*, quia libertas, quæ nondum competiit, (ut quia Judex non pronunciavit liberum, sed manumittendum) potest per restitutionem impediri, ne detur. Ob magnam tamen causam, potest retractari a Principe.

Observandum, etsi Minor adversus libertatem semel datam non restituitur, aliis tamen remediis ei consuli, ne imprudentiæ suæ poenam immeritam ferat. Sic, si dicta sit sententia pro libertate, eam per appellationis remedium Minor suspendet.

Titulus 31.

Si adversus Transactionem vel Divisionem.

Minori cum Adversario suo transigenti, Tutore vel Curatore autore, vel cum Cohærede aut

Socio divisionem facienti, restitutio datur. Ea impetrata, iisdem, quas prius habuit, Actionibus utetur, jusque suum pristinum consequetur, quasi nulla praecessisset transactio. E diverso, æqualitatis servandæ causa, Adversario quoque restituentur pristinae Actiones, ita ut, si factæ fuerint inefficaces per exceptionem transactionis, recipiant vim pristinam.

Titulus 32.

Si adversus Solutionem a Debitore vel a se factam.

Pupilli, vel Minores, nec recte solvunt debitum, nec recte accipiunt, nisi Tutoris aut Curatoris auctoritate, per quam si lædantur, restitutionem merentur, causa cognita. Etsi ergo recte fit solutio, Tutore vel Curatore autore, non tamen est tutissima, sicut ea, quæ fit decreto Prætoris, quæ plenissimam dat solvendi potestatem.

Minor potest restitui adversus solutionem Legati indebiti factam, etiam errore juris, restituta ei conditione indebiti, stricto jure non competente.

Titulus 33.

Si adversus Dotem.

SI Minor, circumventus, dedit omnia sua bona in dotem, aut ultra vires patrimonii promisit dotem, restitui potest.

Titulus 34.

Si adversus Delictum.

Adversus Delictum Minor non omnino restituitur, sed tantum ratione ætatis poena mitigatur. Nisi per

per imprudentiam, seu juris ignorantiam, deliquerit, tunc enim restitui potest, puta, si Nuptias incestuosas, quas putabat esse permissas, contraxerit.

Titulus 35.

Si adversus Usucapionem.

Regulariter res Pupilli usucapi non possunt; ideoque restitutione non est opus. Diversum est in Minore, cujus res olim usucapi poterant.

Titulus 36.

Si adversus Fiscum.

Notandi tres casus: 1. Si Fiscus cum Minore contraxerit, puta, rem ejus vili pretio emerit, Minor contra Fiscum restituitur. 2. Si Fiscus rem minoris vendiderit Titio quasi suam, Minor contra Titium restituitur. 3. Si Fiscus rem Minoris sibi pigneratam vendiderit, eo quod sibi non satisfecerit, sic distinguitur: Aut res bona fide, & autoritate publica distracta est, & sic denegatur restitutio: aut, secus vendita est, & Minor restituitur; ita ut solvens, quod Fisco debet, rem suam recipiat.

Titulus 37.

Si adversus Creditorem.

Restituitur Minor contra Creditorem, a quo mutuum ei solutum, nisi aut patre consentiente acceperit, aut in rem suam verterit, & locupletior factus sit. Sed, si eandem pecuniam alteri crediderit, eatenus creditori suo tenetur, ut actiones ei contra suam debitorem cedere debeat.

Titulus 38.

Si ut se ab hereditate abstineat.

Adversus Acquisitionem Hereditatis Minor restituitur, sive sit heres Extraneus, sive Suus, sive Necessarius; nempe, ut, non obstante aditione, Extraneus possit hereditatem repudiare: vel, non obstante immixtione, Suus heres possit abstinere; Necessarius possit separationem bonorum petere. In Rubrica tamen solius abstentionis mentio fit. Atq; hæc restitutio, etiam in bonorum possessione, & adeo quavis successione, locum habet.

Notandum, hæc tantum obtinere in puberibus; nam impubes non eget restitutione, sed sine restitutione potest abstinere, postquam se immiscuit.

Titulus 39.

Si ut omissam Hereditatem, vel Bonorum Possessionem, vel quid aliud acquirat.

Non tantum contra damnum acceptum, sed & contra lucrum amissum, restitutionem Minor meretur. Proinde restituitur, ut hereditatem, vel bonorum possessionem, sive in paternis, sive in extranei bonis, a qua, cum lucrosa esset, temere se abstinuit, vel eam repudiavit, acquirat, aut, ut quodvis aliud lucrum amissum consequatur. Sed, oportet res integra sit; aliàs enim non audietur.

Titulus 40.

In quibus causis Restitutio in Integrum non est necessaria.

Restitutio in integrum eo casu non datur, quo Minor ipso jure tutus est: veluti, si sententia sit lata con-

contra indefensum; si alienatio Prædii sine decreto ab eo sit facta; si quid gestum sit a Curatore, ante satisfactionem. Est enim restitutio, amissæ causæ redintegratio, qua non opus, ubi nulla læsio.

Titulus 41.

Qui, & adversus Quos, in integrum restitui non possunt.

Restitutio excluditur, locumq; nullum invenit, propter conditionem personæ, tum ejus, qui petit in integrum restitui; tum ejus, contra quem petitur.

De Conditione ejus, qui petit, ita statuitur, ut, si minoris industria actibus publicis ita fuerit comprobata, ut non sit verisimile, eum esse læsum per ætatem, tunc, nisi aperte se læsum probet, non conceditur restitutio. Industria igitur juvenilis ætatis defectum supplet, ita ut præsumtio sit contra Minorem, eum non esse læsum. Hinc non juvatur prætextu imperitiæ, qui se alicui Officio aut Negotiationi ingessit.

Ob Conditionem ejus, contra quem petitur, restitutio denegatur, uti si Filius petat restitui contra Patrem, seu factum patris; Libertus contra Patronum. Nam reverentia paterna, vel patronalis, quæ semper exhibenda est, id non patitur.

Titulus 42.

Si Minor se Majorem dixerit, vel Major probatus fuerit.

Restitutionem quoq; denegat dolus Minoris, veluti, si per mendacium se majorem dixerit; deceptis enim, non decipientibus jura subveniunt. Aliud est, si id asseruerit errore quodam, vel inductus ab adver-

sario; deest enim animus fallendi. Si tamen in Instrumento jurejurando affirmaverit, se majorem, habebitur pro tali; nisi contrariis Instrumentis aliud probetur.

Titulus 43.

Si sæpius in Integrum Restitutio postuletur.

Restitutionem petitam, non obtentam, iterato quis ex eadem defensione non petit, quia censetur superesse causa, propter quam primo negata; neq; enim licet bis super eadem re in judicio experiri. At, nova defensione exorta, quæ ante non tractata fuerat, recte restitutio petitur.

Titulus 44.

De his, qui Veniam Ætatis impetraverunt.

Impetrans ætatis veniam jus legitimæ ætatis consequitur, masculi nimirum, si sint 20. annorum, fœminæ, si 18. *Effectus is est*, ut Cura liberentur, & rerum suarum administrationem accipiant, ac in omnibus pro majoribus habeantur; excepta tamen Alienatione, & Obligatione immobilium sine decreto. Proinde, qui veniam ætatis impetrarunt, frustra implorant Restitutionis remedium, ex causa ætatis, etiamsi rem minus bene administrent, ne principali rescripto, cum iis contrahentes, circumscribantur.

Titulus 45.

Si Major factus ratum habuerit.

Vltima causa denegandæ Restitutionis est, si Major factus ratum habuerit, quod cum Minore gestum

sum fuit, quia, per Rationem, in integrum re-
stitutioni renunciaſſe, & Actiones ſuas remiſiſſe vide-
tur. Et nihil intereſt, ſive expreſſis verbis, ſcriptis,
vel facto, rem ſcilicet exigendo, diſiſionemve facien-
do, ratum habuerit, ſive ſilentio; id eſt paſſus ſit labi
tacite tempus in integrum reſtitutionis.

Titulus 46.

Vbi, & apud Quem, cognitio in Integrum
Reſtitutionis agitanda ſit.

Princeps, & *Delegatus a Principe*, & quilibet or-
dinarius, ex conſtitutione Juſtiniani in *l. ult. b. t.*
in integrum reſtituere poteſt, quin & is, cui a Magi-
ſtratu mandata eſt jurisdictio omnis.

Arbitri, conſenſu partium electi, cum nullam ſpe-
ciem publicæ perſonæ gerant, quia & *Pedanei Judices*,
qui a Prætoribus vel Præſide dati ſunt, in integrum re-
ſtituere non poſſunt; quippe qui propriam jurisdi-
ctionem non habent, imo ne mandatam quidem, uti
nec forum proprium, ſed notionem tantum, & au-
dientiam.

Magiſtratus, qui reſtituere poteſt, non tantum
contra ſuam, ſed & deceſſoris, aliorumq; judicum
ſententiam reſtituit. *Minor tamen Magiſtratus* con-
tra ſententiam majorum non reſtituit. Quod ſi *Prin-*
ceps ſententiam dixerit, perraro ſolet permittere re-
ſtitutionem alteri Magiſtratui, ſed ipſe ſolus reſtituit.

Hodie, in foro, ob qualemcunq; cauſam, vel tan-
tum incidentem, reſtitutio a Principe, ejusve ſupre-
mo Concilio, impetrari ſolet, atque veritatis & cauſa-
rum narratarum examen plerumque Judicibus, vel
Concilio provinciæ committitur.

*Titulus 47.*De Reputationibus, quæ fiunt in Iudicio
in Integrum Restitutionis.

Sicut Minor, per Restitutionem in integrum, rem suam cum fructibus recipit, ita ei, adversus quem in integrum restitutus est, quicquid ex re illius percepit bona fide, & unde locupletior factus est, restituere debet. Proinde quicquid ad eum pervenit, vel ex emptione, vel ex alio contractu, unde locupletior factus est, id *reputare*, hoc est, reddere una cum fructibus, vel compensare debet.

Titulus 48.

Etiam per Procuratorem, causam in Integrum Restitutionis agi posse.

In iudicio in integrum Restitutionis, *Procurator* admittitur, tam ex parte Actoris, quam Rei, dummodo speciale mandatum habeat, aut, si de eo dubitetur, caveat, rem ratam dominum habiturum.

*Titulus 49.*In Integrum Restitutione postulata, ne
quid novi fiat.

Postulata Restitutione in integrum, *nihil innovandum*, sed omnia in suo statu manere debent, donec controversia finiatur. Nam Restitutionis eadem vis est, quæ Appellationis, ut negotii vires suspendat.

Titulus 50.

De Restitutionibus Militum, & eorum
qui Reipublicæ causa absunt.

DE Minoribus hætenus actum fuit : Sequitur de *Majoribus*, quibus restitutionem indulget Absentia Reipubl. causa, quia nemini officium, quod Reip. causa præstat, debet esse damnosum. Oportet igitur hæc duo concurrant, aliquem fuisse absentem, deinde affectum fuisse ob eam absentiam damno; alias non restituitur.

Absens Reip. causa censetur, qui non sui commodi ergo, sed coacte abest: uti Milites, Legati, Procurator Cæsaris in provinciis.

Titulus 51.

De Vxoribus Militum, & eorum, qui Reipublicæ causa absunt.

Quemadmodum Militibus, & cæteris Reip. causa absentibus, per restitutionem in integrum succurritur, ita etiam eorum *Vxoribus*, quæ cum ipsis peregrinatae sunt, idem beneficium tribuitur; cum & earum iusta sit absentiae causa.

Titulus 52.

De Temporibus in Integrum Restitutionis,
tam Minorum, & aliarum personarum,
quæ restitui possunt, quam etiam
heredum eorum.

Illud commune est omnibus Restitutionibus hætenus expositis, ut intra certum tempus peti debeant, post quod peti non possunt. *Prætor annum utilem præ-*

præscripsit; postea *Constantinus* Actioni de dolo biennium tribuit. In cæteris *Justinianus*, pro anno utili, substituit *quadriennium continuum*, ita ut hoc tempus neque Minori currat, quamdiu Minor est, (nisi veniam ætatis a Principe impetraverit; quo casu tempus currit a die insinuationis apud competentem judicem factæ, sic tamen, ut nullo modo restitutio denegetur, quamdiu est Minor, licet quadriennium a dicta insinuatione effluxerit) nec absenti Reip. causa, quamdiu Reip. causa abest.

De Heredibus restituendis notanda distinctio: 1. Si Minor Minori successit, post suam legitimam ætatem habet statutum ad restitutionem petendam tempus. 2. Si Minor Majori successit, habet post legitimam ætatem tantum temporis, quantum defunctus habebat, seu quantum ei supererat mortis tempore. 3. Si Major Minori successit, statim atque hereditatem adivit, aut bonorum possessionem petiit, statutum tempus, id est, quadriennium habet ex persona defuncti. 4. Si Major Majori successit, statim ac adivit hereditatem, aut petiit bonorum possessionem, tantum temporis habet, quantum defunctus habuit mortis tempore.

Titulus 53.

Quibus ex causis Majores restituantur.

PRÆTER Absentiam Reipubl. causa, de qua dictum, sunt & aliæ restitutionum causæ; quarum aliæ continentur Edicto Prætoris, aliæ *ad ejus generalem Clausulam* sunt referendæ, qua Prætor pollicetur, se restitutum, quotiescunque justa causa videbitur, seu quoties æquitas restitutionem suggeret. Est autem justa causa, si quis apud Arbitrum, seu Judicem datum,

datum, præsentiam sui facere non potuit, quod sub custodia militari jussu Præsidis detineretur.

Titulus 54.

De Alienatione, judicii mutandi causa facta.

Videndus libri 4. Digestorum titulus 7. ejusdem inscriptionis.

Titulus 55.

De Receptis Arbitris.

Videndus libri 4. Digestorum titulus 8. *De Receptis, qui Arbitrium receperunt, ut sententiam dicant.*

Titulus 56.

De Satisdando.

Qui suo nomine agit, 1. tam Reo, quam Executori promittit, se intra duos menses litem contestaturum, &, nisi id fecerit, se omne damnum adversario restitutum in duplum. 2. Datis, si potest, fidejussoribus, sin minus jurato cavet, se permanens in judicio, usque ad terminum litis, id est, usque ad sententiam definitivam, &, si victus fuerit, se decimam partem litis adversario soluturum. 3. Si ex Rescripto Principis reum ad judicem non competentem, id est, ex provincia in urbem, vel in aliam provinciam vocet, datis fidejussoribus cavet, nisi litem exequatur ad sententiam, se daturum pœnam, quam Judex definiet. *Procurator Actoris* cavet 1. Rem ratam dominum habiturum, si de mandato dubitetur. 2. De Actore defendendo, si a Reo conveniatur. *Reus cavet,*

cavet, se in iudicio permanfurum usque ad finem litis, i. e. usque ad sententiam definitivam. *Rei Procurator vel Defensor* cavet, iudicatum solvi.

Titulus 57.

De Formulis & Impetrationibus Actionum sublati.

Judicii præparatorium olim erat, *Impetratio Actionis a Pratore*, qui formulam præscribebat, pro natura cujusq; negotii, & Judicem dabat, qui de causa cognosceret, nec licebat a præscripta formula discedere; secus causa quis & actione cadebat. Sed postea necessitatem impetrandarum actionum, & solemnum formularum usum, Imperatores sustulerunt.

Titulus 58.

De Jurejurando propter Calumniam.

Jusjurandum de Calumnia est, quo jurans affirmat, se non alterius vexandi causa, sed bona fide, aliquid petere, aut petenti contradicere.

Olim, in singulis articulis litis, & causis, jurabatur de calumnia; sed hodie semel tantum & generaliter juratur, in principio litis.

Hoc jusjurandum est de credulitate, non de veritate, non enim jurant litigantes se bonam causam habere: sed se ita credere.

Actor jurat de calumnia, sive suo nomine agat, sive alieno, ut tutorio, aut curatorio.

Cum autem per *Procuratorem* litigatur, nihilominus jure civili dominus litis jurare debet, non procurator, & cum *Universitas* per *Syndicum* litigat, ipsa

ipsa Universitas, aut saltem major sive præcipua pars, jurare debet, non Syndicus. Sed jure Pontificio, etiam Procuratores, & similes personæ, ut Syndici, jubentur jurare de calumnia. Item hæ personæ jurare possunt pro domino litis, in animam ejus, ex speciali mandato.

Juratur de calumnia in omnibus judiciis, non solum civilibus, sed & criminalibus, ac spiritualibus, & præstatur, in primordio litis, id est statim post litem contestatam. Quod si tunc quovis casu prætermisum fuerit, postea quodcumque in eodem judicio jurari potest. Nempe, de jure civili, si hoc jusjurandum prætermittatur, judicium fit inane & nullum; de jure autem Canonico, potest tacite remitti, non expresse.

Actor, de calumnia jurare nolens, causa cadit; *Reus* jurare recusans, habetur pro confesso.

CODICIS

LIBER III.

Titulus 1.

De Judiciis.

Videndus libri 5. Digestorum titulus 1. *De Judiciis, & ubi quisque agere, vel conveniri debeat.*

Titulus 2.

De Sportulis, & sumptibus in diversis
Judiciis faciendis, & de Execu-
toribus litium.

Sportula a sportis, i. e. calathis e vimine contextis; nomen habent, in his vero tam stipes, quæ primo
mane

mane salutandi gratia convenientibus distribuebantur, quam cœnæ & convivia, ejus officii nomine præstari solita, reponebantur. Translata appellatio inde ad ipsas stipes & obsonia, & tandem ad Salaria, quæ officii nomine præstabantur, & ad stipendia Sacerdotum, aliasq; erogationes.

Principales judicii personæ sunt, Judex & Litigatores, atque his aliæ personæ tanquam adjutrices assistunt, uti Judici Apparitores, Viatores, & Executores. *Executores* sunt, qui judicata exigunt. *Viatores* & *Nuncii* Senatus ministri sunt, per quos ex agris vel oppidis homines in Curiam vocantur. Postea jussi sunt non vocare, sed apprehendere, & in carcerem trahere. *Apparitores* sunt, qui Magistratus imperio præsto sunt, & perpetuo in jure dicundo apparent, ex collegio Executorum sumti, ad exequenda Judicum mandata.

Ne officium suum alicui sit damnosum, Sportulæ Judicibus, Viatoribus, & Executoribus, aliisque ministris debentur a litigantibus, vel ex Conventionem, vel ex Extraordinario judicis officio, excepto Fisco, qui gratis litigat. *Modum Sportularum* Executoribus præstandarum, Justinianus definivit, atq; id quidem secundum modum petitæ quantitatis, id est, ut in centenos aureos dimidiatus, & consequenter in ducentos aureos, unus, & in millenos, aurei sex solverentur.

Judicibus Ordinariis nihil Salarii nomine dabatur, ob prærogativam dignitatis. *Judicibus vero Pedaneis* & *delegatis*, præter duas libras auri, quas annuatim e publico percipiunt, a Partibus dantur, lite contestata, aurei duo, & ea finita, alii duo, sportularum nomine: dummodo causa centum aureos excedat; alioqui nihil iis præstatur.

Hodie, moribus & statutis Civitatum, Judices omnes, præter salarium, quod de publico accipiunt, sportulas, pro negotii qualitate, a litigantibus exigunt, imo pro arbitrio definiunt, nisi agatur de modico, vel causa miserorum.

Titulus 3.

De Pedaneis Judicibus.

Judices Pedanei, Græcis *Χαυανδραται*, quia tribunal non habent, ut Magistratus, sed tantum de plano judicant, sic dicti, unice judicandi facultatem habebant, sententiam vero exequi non poterant; sed eam exequebatur, a quo judices dati erant.

Judex Pedaneus cognoscebat tantum de levioribus, id est, usque ad quingentos aureos, sive apud se motæ sint lites, sive motæ apud Magistratum, & sibi ab eo delegatæ.

Judex Pedaneus non judicabat pro tribunali, sed in suppedaneis & minoribus subsellis, ac, testimonio Novellæ 82. sedebat, a matutino ad occasum solis, in porticu regia, cognoscens de causis humilioribus.

Titulus 4.

Qui pro sua Jurisdictione Judices dare darive possunt.

In Urbe ii dare Judices possunt, qui Jurisdictionem habent; in Provinciis autem ii, quibus hoc specialiter Lege, aut S.C. aut Constitutione Principis concessum est; quia Judicis datio est pars jurisdictionis urbanæ, non provincialis.

Dari Judices possunt, qui non prohibentur; e quorum numero sunt dati ab eo, qui jurisdictionem non habet, & dati in propria causa.

Titulus 5.

Ne quis in sua causa judicet, vel jus
sibi dicat.

Nemo potest esse iudex in sua causa; quia facilius est judicare de alienis, quam de suis, secundum Lactantium: &, ut Aristoteles l. 3. Pol. c. 6. ait, plerique sunt pravi iudices de rebus suis. Nempe, aliena melius videmus; propria, aut gaudio, aut ægritudine præpediti, non ita acutum cernimus.

Quod si nemo debet judicare in sua causa, multo minus concedendum est, ut quis jus sibi dicat. *Plus enim est jus dicere, quam judicare*; quippe jurisdictioni inest coercitio, qua Iudex pedaneus, & Arbiter datus receptusque carent.

Titulus 6.

Qui legitimam personam standi in iudicio
habeant, vel non.

Nemo admittitur ad litigandum, nisi legitimam personam habeat standi in iudicio. Quidam enim excluduntur ratione *Ætatis*, uti Infans, & Pupillus sine Tutore, Adolescens sine Curatore. Alii ratione *Status*, ut Servus. Ob *pœnam delicti*, Excommunicatis, Hæreticis, & Deportatis, agendi facultas denegatur.

Titulus 7.

Vt nemo invitus agere vel accusare
cogatur.

Nemo invitus agere vel accusare cogitur. In Reum autem invitum iudicium redditur; quamquam

quam regulariter non cogitur comparere, sed potest per procuratorem iudicium subire.

Titulus 8.

De Ordine Judiciorum.

Cum plures questiones simul concurrunt, quarum una altera maior, aut alteri præjudicium affert, tenenda est Regula; quod causa maior ad se trahat minorem, & prius illa, quam hæc, terminetur: & quod præjudicialis, illi, cui præjudicium facit, sit præmittenda. Sic, si causa Criminalis cum Civili concurrat, prius de illa cognoscendum, quia maior graviorque. Dejecto per vim de possessione competit Actio de vi publica, & rei vindicatio. Quæ utraque si in iudicio proponatur, prius iudex cognoscet de vi, quia majus periculum in ejus dilatione propter fugam Rei, quam in suspensione proprietatis.

Generaliter hic Ordo in iudiciis servatur, ut, post præparatoria, lis contestetur; hoc enim est iudicii seu litis principium: mox juretur de calumnia: deinde, ut actor suam intentionem, & tum reus suam exceptionem probet. Post hæc in causa concluditur, ac tandem sententia fertur. Sententiam vero provocatio vel executio sequi solet.

Titulus 9.

De Litis Contestatione.

Ordinantur iudicia potissimum per litis contestationem, quæ præcipua iudicii pars est, ac velut fundamentum. Nam, ante contestationem, neque litem esse, neque actorem petere, sed petere tantum velle dicimus. Inde vero dicta Contestatio, ut Festus in-

nuit,

nuit, quod duo pluresve Adversarii coram Prætoribus
 Testes advocarent, & ordinato solemniter iudicio di-
 cerent: *Testes estote.* Qui ritus testes advocandi,
 quanquam etiam ante Justinianum in usu esse desit,
 mansit tamen nomen, & vis litis contestationis. *Ea*
nunc fit, per petitionem Actoris in iure propositam,
 & rei contradictionem, vel responsionem.

Non quælibet Rei conventi responsio litis con-
 testationem efficit, sed, quæ certa est, non ambigua,
 neque conditionalis, quæve continet contradic-
 tionem ejus, quod petitur. Hinc fit, ut per Rei con-
 fessionem lis non contestetur, cum non habeat con-
 tradictionem; reus enim qui non negat se debere, sed
 paratus est solvere, non subit iudicium.

Non refert, num Partes per se, an per Advocatos,
 Procuratoresve suos, litem contestentur, dummodo
 eorum petitio responsione a Cliente non revocetur.

In *Causis Appellationum*, de iure non requiritur litis
 contestatio; sufficit enim, litem contestatam esse in
 prima instantia; adeo, ut, etiam altera parte absente,
 neque contradicente, iudicium in secunda instantia
 peragatur.

Titulus 10.

De Plus Petitionibus.

CUm litis contestatio, in petitione Actoris, contra-
 dictione Rei, & audientia Iudicis consistat, no-
 tandum de *Petitione Actoris*, aliquando contingere,
 ut is plus petat, quam sibi debetur, idque fieri posse
 quatuor modis: Re, Tempore, Loco, & Causa.

Qui *plus tempore* petit, contra eum inducitur du-
 plicatur: veluti, si uno mense citius petit, quam pe-
 tere debuit, expectare cogitur duos menses, & im-
 pensas

penas litis reo restituere. *Qui alio modo plus petiit, omne damnum, quod reus ob id passus est, resarcire in triplum tenetur. Hæ vero pœnæ iis irrogantur, qui scientes plus petunt: iusta vero ignorantia plus petentem excusat. Item usque ad litem contestatam pœnitentiæ locus est. Quod si e contrario Actor minus petierit, & plus probaverit, in tantum Iudex reum condemnabit, quantum probatum, non quantum petatum fuit; & hoc casu est speciale, ut sententia non sit omnino conformis libello & petitioni.*

Titulus II.

De Dilationibus.

Videndus libri 2. Digestorum titulus 12. *De Feriis, & Dilationibus, & diversis temporibus.*

Titulus 12.

De Feriis.

Videndus titulus Digestorum jam modo allegatus.

Titulus 13.

De Jurisdictione omnium Judicum, & Foro competenti.

Videndus libri 2. Digestorum titulus 1. *De Jurisdictione: itemque libri 5. titulus 1. De Judiciis, & ubi quisq; agere, vel conveniri debeat.*

Titulus 14.

Quando Imperator inter Pupillos, vel Viduas, vel alias miserabiles personas cognoscat, & ne exhibeantur.

Iudex competens etiam habetur, qui ex rescripto Principis inter aliquos judicare debet. Hæc res

exceptionem patitur in miserabilibus personis, quales sunt valetudinariae, Pupilli, Viduae, Debiles, & omnes, quæ ob fortunæ injuriam commiseratione dignæ sunt: atque his *duplex Privilegium* indultum est. 1. Ne quidem ex rescripto Principis coguntur extra provinciam comparere: quo pertinent illa inscriptionis verba: *Ne exhibeantur*. Ratio est, ne sumtibus & itineris periculis vexentur. 2. Non modo suum ordinarium Judicem possunt declinare, sed etiam ipsius Adversarii, evocando causam per supplicationem a Judice competente ad Principis tribunal; præsertim si ipsis res sit cum potentiore adversario, quem metuunt, & adversus quem facile jus suum coram inferioribus Judicibus obtinere nequeunt.

Titulus 15.

Vbi de Criminibus agi oporteat.

DE Crimine Publico aut Extraordinario agitur, vel ubi admissum est, vel ubi crimen est inchoatum, (veluti ubi quis venenum emit, quod alibi propinavit) vel ubi delinquens habet domicilium, vel ubi is reperitur.

Titulus 16.

Vbi de Possessione agi oporteat.

DE Possessione agitur, vel ubi res sita est, vel ubi quis vim passus est, & impeditus; quo minus ad prædium iret: imo & apud Judicem illius domicilii, qui vim fecit, agere licet.

Titulus 17.

Vbi Fideicommissum peti oporteat.

LEgatum aut Fideicommissum petitur, ubi heres domicilium habet; vel ubi res est; vel ubi relicta est

est hereditas; vel ubi major pars hereditatis sita est;
vel ubi Testator solvi jussit; vel ubi Heres solvere
cœpit.

Titulus 18.

Vbi conveniatur, qui certo loco dare
promisit.

Qui promisit, se certo loco daturum; ratione con-
tractus non sortitur forum ubi contraxit, sed eo
loco, in quem solutionem contulit. v. c. Si quis Ro-
mæ promittat, se soluturum Lutetiæ, non potest con-
veniri Romæ, nisi ibi domicilium habeat, sed Lutetiæ.
Aut igitur Lutetiæ convenitur, id est, ubi solvere de-
bet, aut alio idoneo loco, veluti ubi domicilium ha-
bet. Priori casu est actio stricti juris, quia simplici-
ter petitur, quod promissum fuit. Posteriori est ar-
bitraria, in qua debet Actor, loci, quo solvi debuit,
mentionem facere, ne plus loco petere videatur.
Judex autem arbitratur, quanti alterius litigantis in-
terest, solvi potius eo loco, de quo convenit, quam
ibi, ubi petitum fuit; atque ita condemnationem au-
get, si actoris interfit; vel minuit, si interfit rei.

Titulus 19.

Vbi in Rem Actio exerceri debeat.

Quod dicitur, Reum in foro domicilii sui, aut in
foro Contractus, vel Criminis conveniri debere,
id de actione personali intelligendum. Nam *Actio*
realis, licet in ipsum possessorem dirigatur, ob idq;
in ejus domicilio intentari possit, quia tamen præci-
pue rem ipsam respicit, in loco etiam, ubi ipsa res sita
est, proponi potest: tum quia res ibi exhibenda est;

tum quia faciliores ibi haberi possunt probationes. *Nec refert, immobilis, an mobilis res sit, de qua contenditur, dum tamen eo loci, quo sita est, permanens sit, nec custodiæ tantum causa ibidem sit constituta.*

Titulus 20.

Vbi de Hereditate agatur, vel ubi Heredes scripti in possessionem mitti postulare debent.

Hereditas petitur, ubi Reus domicilium habet, vel ubi Res sitæ sunt, si ibi reus degat.

Heres ibi petit, ut in possessionem rerum hereditariarum mittatur, ubi res sitæ sunt. Hoc in omnibus heredibus locum habet, & generaliter in contextu traditur, licet specialiter heredis scripti in rubrica mentio fiat, quoniam agitur de herede in possessionem a Prætoris mittendo: jure autem prætorio testamenta fiunt per scripturam a testibus obsignatam.

Titulus 21.

Vbi de Ratiociniis, tam publicis, quam privatis, agi oporteat.

Ibi quispiam conveniendus est, ut rationes sue administrationis reddat, ubi administravit. Quamobrem, si Tutor, Curator, aut quivis alius administrator, extra locum domicilii administravit, non apud judicem domicilii, sed administrationis, conveniri debet. Nempe in loco administrationis instructio sufficiens, & nota testimonia, & verissima documenta possunt præstari, ad judicem instruendum.

Titu-

Titulus 22.

Vbi Causa Status agi debeat.

Liberales Causæ, quibus quis ex servitute in libertatem, vel ex libertate in servitutem, vel ex ingenuitate in libertatem, vel contra petitur, majores requirunt Judices, uti Consules, vel Proconsules, & Præsides: & Actor sequitur forum Rei, omni fori præscriptione cessante.

Titulus 23.

Vbi quis de Curiali, vel Cohortali, aliave conditione conveniatur.

Cohortales erant Apparitores Præsidis, qui in provinciis fuere perpetui, & huic uni obnoxii ministerio: sic dicti, quia iis Præsides & Magistratus majores, ut manu militari, cohorteque prætoria, in exequendo uti solebant. Curiales vero, Decurionum ordini adscripti, munera obibant municipalia.

Curiales, Cohortales, vel alius conditionis homines, veluti, qui sunt ex corpore Pistorum, vel Naviculariorum, si conditionis declinande causa fugerint, ibi possunt conveniri, ubi reperiuntur, nec habent fori præscriptionem, nisi speciali privilegio muniti sunt.

Pertinet hac Regula Baldi: Omnes homines, qui debent obedientiam perpetuam, si ab obedientia fugiunt, possunt propria autoritate capi, & convicti debent ad obedientiam reduci: unde, si Monachus fugit e monasterio, vel Vxor a viro, propria autoritate potest capi.

Titulus 24.

Vbi Senatores, vel Clarissimi, Civiliter,
vel Criminaliter conveniantur.

Senatores, & Viri Clarissimi, in Vrbe conveniendi sunt, apud Præfectum Prætorio, vel Præfectum Vrbi, vel, ex jussu Principis, apud Magistrum Officiorum. In Provincia vero, ubi domicilium habent, vel ubi majorem partem bonorum possident, & assidue versantur.

Illustres, qui non honorariam, sed cum administratione dignitatem habent, accusari non possunt, nisi apud Principem, vel Sacrum Cognitorem a Principe datum, ita tamen, ut Cognitor tantum cognoscat, & ad Principem referat, cui reservata ultio, & poenæ remissio.

Titulus 25.

In quibus causis Militantes Fori præscriptione uti non possunt.

Habent hoc privilegium a Principe concessum. *Milites armatæ militiæ*, ut non cogantur, iudicio civili aut criminali conventi, respondere coram alio iudice, quam Magistro militum. Vnde capti a Præside ad proprium Iudicem remitti debent, nisi renunciaverint suo privilegio, aut per desertionem se indignos eo præbuerint; aut, nisi tributorum, aut criminum enormium causa vertatur; quibus casibus data fuit Præsilibus judicandi adversus milites potestas.

Titulus 26.

Vbi Causæ Fiskales, vel Divinæ Domus,
Hominumq; ejus agantur.

Causæ Fiskales Pecuniarie agitantur apud Procuratorem Cæsaris. De Causis autem Divinæ domus, Hominumq; ejus, id est pertinentibus ad privatum patrimonium Principis, cognoscit Comes rerum privatarum, vel Rationalis rei privatæ, qui erat sub dispositione Comitis rerum privatarum.

De Criminibus harum Personarum Judex ordinarius cognoscit, præsentem Rationalem, vel Procuratorem rei privatæ.

Titulus 27.

Quando liceat unicuiq; sine Judice se vindicare, vel publicam devotionem.

Nemo potest regulariter sibi jus dicere, sed debet adire judicem competentem. Quibusdam tamen licet se vindicare, ut occidendo latronem, qui vias obsidet, aut noctu agros populatur. Licet & militiæ desertorem, seu transfugam occidere, maxime si armis resistat, quia publicam devotionem, seu fidem Reip. sacramento datam lædit, desertaq; militia violat.

Titulus 28.

De Inofficioso Testamento.

Videndus libri 5. Digestorum titulus 2. ejusdem inscriptionis,

Titulus 29.

De Inofficiosis Donationibus.

Quia metuentes inofficiosi Testamenti querelam, in ejus fraudem, bona sua inter vivos donabant,
illius

illius querelæ exemplo introducta est *Querela inofficiosa donationis*. Hæc in plerisque similis est querelæ inofficiosi testamenti: Nam ex eadem, aut saltem simili causa oritur; & datur tam Parenti, quam Liberis, dummodo non habeant aliud remedium, nec agnoverint iudicium & voluntatem donantis, nec ex justa causa exheredationem sint promeriti, & intra quinquennium agatur. Quæ omnia etiam in querela inofficiosi sic obtinent.

Differentiæ duæ sunt: 1. Querela inofficiosi totum testamentum rescindit, jure Digestorum & Codicis, Jure autem novissimo tantum institutiones heredum rescindit, salvo legatis & fideicommissis. At inofficiosa Donationis querela, tantum imminuit donationem, revocans quod immodice donatum est, i. e. detrahens de donatione, quod conquerenti debetur jure legitimæ, ita ut hoc ad patrimonium donatoris redeat. 2. Querela Inofficiosi non potest habere locum, nisi testamentum factum sit; querela autem inofficiosa donationis etiam ab intestato locum habet.

Titulus 30.

De Inofficiosis Dotibus.

INter Donationes connumeratur etiam *Dos*; quam non est mera & simplex donatio, sed ob causam, nimirum propter onera matrimonii, & hac ratione titulus dotis fit onerosus. Quapropter, ut Inofficiosa Donationis, ita & inofficiosa Dotis querela ad exemplum querelæ inofficiosi testamenti, introducta est, quæ similiter, uti querela Inofficiosa Donationis, non totam Dotem rescindit, sed partem detrahit, quæ, ratione legitimæ, Liberis jure naturæ debetur.

Titulus 31.

De Petitione Hereditatis.

Videndus libri 5. Digestorum titulus 3. *De Hereditatis Petitione.*

Titulus 32.

De Rei Vindicatione.

Videndus libri 6. Digestorum titulus 1. ejusdem inscriptionis.

Titulus 33.

De Vsfufru, & Habitatione, & ministerio Servorum.

Videndus libri 7. Digestorum titulus 1. *De Vsfufru, & quemadmodum quis utatur fruatur:* item titulus 8. *De Vsfu & Habitatione:* ac titulus 7. *De Operis Servorum.*

Titulus 34.

De Servitutibus, & Aqua.

Videndus libri 8. Digestorum titulus 1. *De Servitutibus:* cum sequentibus, ad finem usq; libri.

Multe sunt servitutes de Aqua: partim Urbane, ut Stillicidium, flumen; partim Rustice, ut aqueductus, aquæ haustus, pecoris ad aquam appulsus, aquæ derivatio in fundum vicini.

Titulus 35.

De Lege Aquilia.

Videndus libri 9. Digestorum titulus 2. *Ad Legem Aquiliam.*

Titu-

*Titulus 36.**Familiæ erciscundæ.*

Videndus libri 10. Digestorum titulus 2. ejusdem inscriptionis.

*Titulus 37.**Communi Dividundo.*

Videndus libri 10. Digestorum titulus 3. ejusdem inscriptionis.

Titulus 38.

Communia utriusq; Judicii, tam Familiæ erciscundæ, quam communi dividundo.

VTrique, iudicio, tam familiæ erciscundæ, quam Communi dividundo, *multa sunt Communia*: Quia utrumque est ex quasi contractu, utrumque mixtum, utrumque bonæ fidei, utrumque duplex, quia litigantium uterque est Actor, uterque Reus: is tamen potissimum videtur esse Actor, qui prior ad iudicium provocavit, aut, si ambo simul provocent, sorte discernitur Actor a Reo; utrumque Directum, & datur tantum vere dominis, quamdiu corpora manent communia. Plenius tamen est iudicium familiæ erciscundæ, in quo veniunt etiam ea, quæ nunquam fuerunt communia, quæve erant ex bonis, mortis tempore, veluti Res commodatæ, aut depositæ defuncto.

*Titulus 39.**Finium Regundorum.*

Videndus libri 10. Digestorum titulus 1. ejusdem inscriptionis.

Titulus 40.

De Consortibus ejusdem litis.

IN Judiciis Duplicibus sæpe accidit, ut sint plures consortes ejusdem litis, quibus & inter se, & adversus alios, litis communio est: veluti, si Cajus & Mævius, heredes Titii, judicio familiae herciscundæ congregantur cum Sempronio coherede Titii, dicuntur consortes ejusdem litis, & eundem adversarium habere Sempronium.

De his consortibus duo statuntur: 1. Vnus, sine aliis, pro sua parte agere & conveniri potest. 2. Post litem legitime ordinatam, i. e. præparatam, potest unus in solidum agere, dummodo caveat, alios rem ratam habituros; vel in solidum defendere, si caveat, judicatum solvi.

Titulus 41.

De Noxalibus Actionibus.

Videndus libri 9. Digestorum titulus 4. ejusdem inscriptionis.

Titulus 42.

Ad Exhibendum.

Videndus libri 10. Digestorum titulus 4. ejusdem inscriptionis.

Titulus 43.

De Aleatoribus, & Alearum lusu.

EX Aleæ lusu denegatur Actio victori, & denegatur actio de injuria, damno, furto, ei, apud quem lusum est. Datur autem Actio in eum, qui ludere coëgit,

coëgit, & repetitio ejus, quod ex hac parte solutum est. Videndus insuper libri 11. Digestorum titulus 5. *De Aleatoribus.*

Titulus 44.

De Religiosis, & Sumtibus Funerum.

Videndus libri 11. Digestorum titulus 7. *De Religiosis, & Sumtibus Funerum, & ut Funus ducere liceat.*

CODICIS

LIBER IV.

Titulus 1.

De Rebus Creditis, & Jurejurando.

Expeditis Actionibus generatim, ac speciatim Actionibus Realibus, & aliis, quæ istis aggregantur, Mixtis, consequens est, ut de Actionibus Personalibus, quæ ex contractu vel quasi contractu proficiuntur, quæque *Conditiones* appellantur, tractatio instituat.

Hæc pars recte *De Rebus creditis* inscribitur, quia nullus est in toto hoc libro locus, in quo non agatur de Actione, quæ quacunque ex causa competit adversus eum, cui in creditum quid dedimus, & cujus fidem secuti fuimus. Inde res creditæ dictæ, quæ ex hujusmodi fiduciaria conventionione debentur; & dicitur Creditor, cui ex quacunque causa aliquid debetur.

De Actione ex Jurejurando adeundus libri 12. Digestorum titulus 2. *De jurejurando, sive voluntario, sive necessario, sive judiciali.*

Titu-

*Titulus 2.**Si Certum petatur.*

Certi *Condictio ex mutuo*, etiam vocatur *Actio si certum petatur*, propterea quod semper certa res est, quæ mutuo datur, & ex causa mutui repetitur. Videndus insuper libri 12. Digestorum titulus 1. *De rebus creditis, si certum petetur, & de condictione.*

*Titulus 3.**De Suffragio.*

Olim tam in Urbe, quam in provinciis, quippiam dare vel accipere, Magistratum consequendorum causa, prohibitum erat *Lege Julia de ambitu*, & *Lege Julia repetundarum*; sed dare *Aulicis*, favoris alicujus obtinendæ causa, non erat prohibitum. Quia tamen dubitabatur, num ex ea datione vel promissione actio competeret, edita est constitutio a *Theodosio Imp.* qua cautum, ut si quis a Principe aliquid impetraverit, intercessionem alicujus *Aulici*, & eo nomine aliquid promiserit, si postea eum eludat, ad solutionem debiti coarctari possit, *Condictione certi ex suffragio.*

Suffragium, hoc loco, accipitur pro favore Principis, vel intercessionem apud Principem, honoris vel alius rei obtinendæ causa.

*Titulus 4.**De prohibita Sequestratione pecuniæ.*

Sequestratio, est rei controversæ depositio apud *Sequestrum*, quæ a pluribus fit in solidum, ea lege, ut lite pendente custodiatur, & finita, restituatur victori.

Pertinet hic titulus ad officium Judicis in condictione certi. Quidam petit pecuniam condictione certi

ex mutuo; inficiatur reus se eam pecuniam debere, & exigit probationes ab Actore, qui interim petit sequestrari eam pecuniam. Quæritur, num id permittere Judex debeat? Ac permittebatur quidem olim eo casu pecuniæ creditæ sequestratio, quo quæstio inter debitorem & creditorem oriebatur de falso chirographo. Sed id Impp. Honorius & Theodosius emendarunt, & generaliter pecuniæ creditæ sequestrationem, nec non Reo auferri possessionem rei quæ petitur, prohibuerunt, antequam probaverit Actor, quod intendit, & convictus sit Reus, propter Regulam juris: Actore non probante, reus absolvitur.

Titulus 5.

De Conditione Indebiti.

V Idendus libri 12. Digestorum titulus 6. ejusdem inscriptionis.

Titulus 6.

De Conditione ob causam datorum.

V Idendus libri 12. Digestorum titulus 4. *De Conditione causa data, causa non secuta.*

Titulus 7.

De Conditione ob turpem causam.

V Idendus libri 12. Digestorum titulus 5. *De Conditione ob turpem vel injustam causam.*

Titulus 8.

De Conditione Furtiva.

V Idendus libri 13. Digestorum titulus 1. ejusdem inscriptionis.

Titu-

Titulus 9.

De Conditione ex Lege, & sine causa,
vel injusta causa.

Videndus libri 13. Digestorum titulus 1. De Con-
ditione ex Lege : item libri 12. titulus 7. De
Conditione sine causa : ac libri 12. titulus 5. De Con-
ditione ob turpem vel injustam causam.

Titulus 10.

De Obligationibus & Actionibus.

Videndus libri 44. Digestorum titulus 7. ejusdem
inscriptionis.

Titulus 11.

Vt Actiones ab Heredibus, & contra
Heredes incipiant.

Queritur, an Actio possit incipere ab herede, vel
contra heredem? id est, An heres possit petere,
quod defunctus petere non potuit? &, An ab herede
possit peti, quod a defuncto non potuit? Olim id non
licebat; sed hodie ex Justiniani constitutione id licet.
Jus vetus ratione nititur, quia heres in universum jus
defuncti succedit, & eadem persona esse censetur. Ju-
stinianus ad æquitatem respexit, ut sic valeant stipu-
lationes: Post mortem meam dabis? Post mortem
tuam dare spondes?

Titulus 12.

Ne Vxor pro Marito, vel Maritus pro
Vxore, vel Mater pro Filio
conveniatur.

Certi quidem juris est, ex aliena obligatione ne-
minem conveniri posse, quia obligatio sequitur

personam, nec ab ea recedit. Sed, de quibusdam personis, propter arctissimam conjunctionem, dubitari nihilo secius poterat, uti de Vxore & Marito, de Servo & Domino, de Patre & Filio, de Liberto & Patrono; & ideo de his sequitur disquisitio. Primum quidem traditur, *nec Vxorem pro Marito, nec Maritum pro Vxore conveniri posse*. Hoc tamen interest, quod si Vxor nominatim se obligarit pro marito, vel cum marito, conveniri non possit, ob SC. Vellejani beneficium. At Maritus, si intercesserit, efficaciter obligari potest: nam Senatus-Consultum non vetat maritum obligari pro uxore, vel alio, pro quo intercessit; cum tamen alias Maritum pro Vxoris obligatione conveniri non posse constet.

Titulus 13.

Ne Filius pro Patre, vel Pater pro Filio emancipato, vel Libertus pro Patrono, vel Servus pro Domino conveniatur.

Filius non potest conveniri pro Patre, nec Pater potest conveniri pro filio emancipato. At, pro filio, quem in potestate habet, convenitur pater Actione de peculio, & de In rem verso, & Quod iussu; quarum Actionum post filium emancipatum prima efficitur annalis, reliquæ manent perpetuæ.

Libertus non potest conveniri pro Patrono, & Servus non potest conveniri pro Domino. Intelligendum autem, non posse conveniri Servum, ne quidem post manumissionem; nam, quamdiu servus est, cum non habeat legitimam personam standi in Judicio, neq; pro se neq; pro alio conveniri potest. Ergo Regula debet

debet accipi de eo, qui Servus erat eo tempore, quo Dominus obligabatur, Libertus autem erat, cum iudicio conveniebatur. Quod vero de Liberto dicitur, intelligendum de eo, qui utroq; tempore erat Libertus.

Titulus 14.

An Servus pro suo facto, post Manumissionem, teneatur?

Quemadmodum Servus post manumissionem non potest conveniri pro Domino, ita etiam non conveniri potest pro eo, quod in servitute fecit, id est contraxit, vel deliquit; eo excepto, quod ex delicto, in extraneum in servitute commissio, potest ab eo post libertatem conveniri: quoniam actio, quæ noxalis erat in dominum, efficitur directa in ipsum manumissum. Cæterum ex Contractu in servitute facto, neq; a Manumisso, nisi aliquid ei ob libertatem promiserit, nec ab Extraneo; ex Delicto, nec a Manumisso, conveniri potest.

Titulus 15.

Quando Fiscus, vel Privatus, debitoris sui debitores exigere possit.

Non posse ex unius obligatione conveniri alium, adeo verum est, ut neq; propter res alienum Pupilli, res Tutoris, qui nihil ex bonis ejus tenet, capi possint, quia nec Tutori, nec ulli, officium suum debet esse damnosum. An igitur debitorem debitoris mei convenire nulla ratione potero? Fiscus id hac in re peculiare habet, quod debitorem sui debitoris recte convenit, modo probet, debitorem suum non esse solvendo: quo probato, non exspectat condemnationem, diem, vel conditionem, sed statim agere potest:

item, modo is, qui convenitur, fateatur, se ejus, qui Fisco debet, esse debitorem.

Privatus Creditor, duobus tantum casibus, debitum suum a debitoris sui debitore exigere potest. 1. Si Debitorem suum convenit, isq; condemnatus, non habeat bona sufficientia ad exequendum sententiam; tunc enim in subsidium venit ad nomina Debitorum ipsius, sive ad ea, quæ ipsi debentur. 2. Si Nomina in solutum data sint, poterit eo casu Creditor, vel Reali Actione nomine suo experiri, vel tanquam Procurator in rem suam, Actione directa, si ea mandata sit & cessa.

Titulus 16.

De Actionibus Hereditariis.

Actionum Personalium aliæ ad heredes transferuntur, quæ hic vocantur *Hereditariæ*, aliæ non transferuntur. Actiones quidem ex Contractu defuncti competunt heredi, & in heredem: ideoq; si quid debuerit ex suo Contractu Defunctus, id Creditores ab Herede exigere possunt, non autem a Legatariis; quia Legatarii sunt tantum successores singulares, & in re aliqua singulari, neq; defunctum repræsentant, sicut Heredes, quia hi soli in jus defuncti succedunt. Frustra proinde Creditores actionem personalem adversus Debitores hereditarios decerni sibi postulant; Hypothecaria tamen ipsis competit, eaq; experiri possunt contra Debitores.

Titulus 17.

Ex Delictis Defunctorum in quantum Heredes conveniantur.

Ex Delicto Defuncti Heres non tenetur, nisi lis cum defuncto fuerit contestata, aut ex eo delicto aliquid ad ipsum heredem pervenerit.

Titulus 18.

De Constituta Pecunia.

VIdendus libri 13. Digestorum titulus 5. *De Pecunia constituta.*

Titulus 19.

De Probationibus.

VIdendus libri 22. Digestorum titulus 3. *De Probationibus & Presumptionibus.*

Titulus 20.

De Testibus.

VIdendus libri 22. Digestorum titulus 5. *eiusdem inscriptionis.*

Titulus 21.

De Fide Instrumentorum, & amissione eorum, & de Apochis & Antapochis faciendis, & de his, quæ sine scriptura fieri possunt.

HOc loco quatuor de Instrumentis considerantur.

1. Eorum fides, i. e. probatio, quæ per instrumenta fit. 2. Eorum Amissio; atq; de his dictum lib. 22. Digestorum tit. 4. *de fide instrum.* 3. Considerantur duæ instrumentorum species, Apocha, & Antapocha. *Privata Apocha seu Securitas* est, qua fatetur creditor sibi solutum. *Antapocha* est, qua debitor fatetur se solvisse. Potest tamen etiam esse Apocha seu Securitas publica. 4. Considerantur, quæ sine scriptura fieri possunt. *Regulariter scriptura non est necessaria*, quia non pertinet ad rei essentiam, sed ad probationem. Itaq; sine scriptura fieri,

D d 4

c. g.

e. g. possunt & valent, Pactum, Transactio, Venditio, Hypotheca. *Excipe* ab hac Regula 1. nisi lex scripturam requirat, uti in Testamento solemnni. 2. Nisi inter contrahentes convenerit, ut contractus in scriptis celebretur.

Titulus 22.

Plus valere quod agitur, quam quod simulate concipitur.

QUod dicitur *Instrumentum publicum* plenam fidem facere, ita capiendum est, nisi appareat aliud scriptum esse in Testamento, aliud actum inter contrahentes; quia tunc rei gestæ veritas omni scripto prævalet.

Contingit, aliud scriptum esse quam actum, duobus modis: Vno, cum intercedit error alterius contrahentium; alterius dolus; ut, si cum ego vellem tibi locare domum, tu curasti adscribi in testamento, me eam vendidisse; hoc autem mihi non nocet, licet per errorem instrumento postea mihi oblato subscripserim, eo non relecto. Secundo, aliud agitur, aliud scribitur in testamento, cum ex voluntate contrahentium, dolo malo, pro uno contractu alius exprimitur: veluti si mutuum detur filiofamilias in fraudem S^Cti Macedoniani, & conficiatur instrumentum quasi venditionis. Aut, si emat, qui emere prohibetur, & instrumentum ita conficiatur, quasi alius emerit.

Titulus 23.

De Commodato.

Videndus libri 13. Digestorum titulus 6. *Commodati, vel contra.*

*Titulus 24.**De Pigneratitia Actione.*

*V*idendus libri 13. Digestorum titulus 7. *De Pigneratitia Actione, vel contra.*

*Titulus 25.**De Exercitatoria, & Institoria Actione.*

*V*idendus libri 14. Digestorum titulus 1. *De Exercitatoria Actione; & titulus 3. De Institoria Actione.*

Titulus 26.

Quod cum eo, qui in aliena potestate est, negotium gestum esse dicetur, vel de Peculio, sive Quod jussu, aut de in Rem verso.

*V*idendus libri 13. Digestorum titulus 5. *Quod cum eo, qui in aliena potestate est, negotium esse dicetur: item libri 15. titulus 1. De Peculio: nec non ejusdem libri titulus 4. Quod jussu: ac titulus 3. De in rem verso.*

*Titulus 27.**Per quas Personas nobis acquiratur.*

*A*cquirimus 1. per nosmetipsos: 2. per Filios vel Servos, quos in potestate habemus: 3. per Homines liberos, aut Servos alienos, quos bona fide possidemus: 4. per Servos, in quibus usumfructum vel usum habemus: 5. per Procuratorem: 6. per Negotiorum gestorem: 7. per Tabellionem: 8. per Tutorem vel Curatorem: 9. per Actorem sive Syndicum acquiratur Universitati.

*D d 5**Titu-*

Titulus 28.

Ad Senatusconsultum Macedonianum.

VIdendus libri 14. Digestorum titulus 6. *de SCTo Macedoniano.**Titulus 29.*

Ad Senatusconsultum Vellejanum.

VIdendus libri 16. Digestorum titulus 1. ejusdem inscriptionis.*Titulus 30.*

De non numerata pecunia.

Pecunie verbum late accipiendum, ut non solum ea complectatur, quæ numero, pondere, vel mensura constant, sed etiam corpora.*Exceptio pecuniæ non numeratæ*, opponitur tam Debitori dicenti se solvisse quod debebat, quam Creditori, asserenti se pecuniam dedisse, etiamsi interverit scriptura, vel stipulatio.*Ejus Effectus est*, ut scriptura vel stipulatio ad probandam numerationem seu donationem, non sufficiat, sed opus sit, ut aliis legitimis probationibus confirmetur, dummodo intra biennium, vel ipsa exceptio, vel saltem querela non numeratæ pecuniæ proponatur.*Titulus 31.*

De Compensationibus.

VIdendus libri 16. Digestorum titulus 2. ejusdem inscriptionis.*Titulus 32.*

De Usuris.

VIdendus libri 22. Digestorum titulus 1. *De Usuris, Et Fructibus, Et Causis, Et omnibus Accessionibus, Et Mora.*

Titulus 33.

De Nautico Fœnore.

VIdendus libri 22. Digestorum titulus 2. ejusdem inscriptionis.

Titulus 34.

Depositi, vel contra.

VIdendus libri 16. Digestorum titulus 3. ejusdem inscriptionis.

Titulus 35.

Mandati, vel contra.

VIdendus libri 17. Digestorum titulus 1. ejusdem inscriptionis.

Titulus 36.

Si Servus Extero se emi mandaverit.

Mandati Actio non datur, cum Servus extero mandavit, ut se emeret: quia mandatum non valet, cum malo more actum sit, ut servus domino se auferret; venditione tamen secuta, dominus potest Actione ex vendito petere pretium, vel mandati Actione petere, ut servus, nisi sit jam ab emptore manumissus, sibi reddatur, quasi hæc Actio mandati sibi per servum quæsitæ sit; sed utraq; Actione uti non potest, quia sunt contrariæ. Quod si ita mandatum fuerit, ut servus emeretur & venderetur, secuta venditione, dominus non solum actione ex vendito pretium consequetur, sed etiam, si ejus propter affectionem inter sit, puta, quia filium suum naturalem vendidit, mandati contra emptorem aget, ut eum manumittat.

Titu-

Titulus 37.

Pro Socio.

Videndus libri 17. Digestorum titulus 2. ejusdem inscriptionis.

Titulus 38.

De Contrahenda Emtione.

Videndus libri 18. Digestorum titulus 1. *De contrahenda Emtione, & de Pactis inter Emto-rem compositis, & quæ res venire non possunt.*

Titulus 39.

De Hereditate, vel Actione vendita.

Videndus libri 18. Digestorum titulus 4. ejusdem inscriptionis.

Titulus 40.

Quæ res venire non possunt, & qui vendere vel emere vetantur.

Res, quæ in commercio sunt, præbent materiam Emtioni & Venditioni: *quarundam tamen venditio est prohibita*, uti Purpuræ, privatis; Serici, barbaris; quibus similiter frumentum & salem vendere non licet. Frumentum destinatum Exercitui vendens, vel emens, si honestus sit, proscriptionis & bonorum amissionis pœnam subit; si vilis, capitali supplicio afficitur.

Titulus 41.

Quæ Res exportari non debeant.

Ad Barbaros & Hostes, id est extra limites Romani Imperii, *Oleum, Vinum, aliaque similia* exportandi, prohibita est licentia, ne talium dulcedine il-
lecti

lecti barbari, invadant fines Romanos. *Arma quoque*, & quæ eo spectant, iis vendere non licet, ne armis instructi, validiores reddantur. Pœna, est amissio bonorum, cum ultimo supplicio.

Titulus 42.

De Eunuchis.

Divus Hadrianus constituit, ne *Spadones fierent*; eos autem, qui hujus criminis arguerentur, Corneliæ legis pœna teneri, & eorum bona fisco addicere jussit. Constantinus Imp. insuper voluit, ut mancipium, & locus, in quo domino sciente facinus commissum fuit, fisco applicarentur. *Leo Imp.* in ditio- ne quidem Romani Imperii vetuit Eunuchos fieri, & ibi factos vendi, pœna gravissima statuta tam adversus eos, qui hoc perpetrare ausi fuerint, quam adversus tabellionem, qui hujusmodi emtionis instrumentum conscripserit, & adversus publicanum, qui vectigal ex causâ eunuchi facti acceperit: barbaræ autem gentis eunuchos, extra loca Imperio subjecta exsectos, ubiq; permisit distrahi, cum factum emendari non possit.

Titulus 43.

De Patribus, qui Filios distraxerunt.

Liberi hominis cum sit æstimatio, ideo nec potest ejus esse venditio, quod etiam in propriis *Liberis* obtinet: quos quidem vendi permiserat lex 12. tabb. postea tamen denegatum patri eos distrahere, aut pignori dare, excepta tamen causâ egestatis, quæ dat patri licentiam vendendi *sanguinolentos*, id est recens natos. Non præjudicat tamen hæc venditio ingenuitati venditi, quam oblato pretio ab ipso

VEN.

vendito, vel ab ejus patre, vel alio quocunque, repetit. Imo Pater cogi posse videtur, si ad pinguiorum fortunam devenerit, redimere venditum, ob cessantem causam.

Titulus 44.

De Rescindenda Venditione.

Videndus libri 18. Digestorum titulus 5. *De Rescindenda Venditione, & quando licet a Venditione discedere.*

Titulus 45.

Quando liceat ab Emtione discedere.

Videndus titulus Digestorum jam modo allegatus.

Titulus 46.

Si propter publicas Pensitationes venditio fuerit celebrata.

Inter justas Rescindendæ Venditionis causas numeranda, si bona ejus, qui publicas pensitationes, id est, publica tributa debebat, sub hasta fraudulenter sint distracta vili pretio: nam, oblato eo, quod fisco debetur, venditio rescinditur: aliàs, venditio, ut fisco satisfiat, recte facta, non rescinditur.

Titulus 47.

Sine Censu, vel reliquis, Fundum comparari non posse.

Fundus, censui aut alteri penponi publice obnoxius, emi non potest sine onere illius pensitationis, adeo quidem, ut quilibet possessor, non solum ad pensiones ejus temporis quo possedit, sed etiam ad reliqua teneatur,

neatur, h. e. ad ea, quæ priores possessores insoluta reliquerunt. Tributa enim semper a possidentibus exiguntur, quia sunt realia, & fundum, tanquam umbra corpus, sequuntur. Nec valet pactum in contrarium, id est, ut hoc onus maneat penes venditorem.

Titulus 48.

De Periculo & Commodo Rei Venditæ.

Videndus libri 18. Digestorum titulus 6. ejusdem inscriptionis.

Titulus 49.

De Actionibus Empti & Venditi.

Videndus libri 19. Digestorum titulus 1. ejusdem inscriptionis.

Titulus 50.

Si quis Alteri, vel sibi sub Alterius nomine, vel aliena pecunia emerit.

Tribus casibus quæritur, *An, vel Cui detur Actio Empti?* 1. Si quis alteri emerit. 2. Si sibi emerit sua pecunia, sed alterius nomine. 3. Si sibi emerit, pecunia aliena.

Primo casu Emptor nec sibi actionem acquisivit, quia noluit; nec alteri, quia non potuit; alteri enim emimus inutiliter: unde per procuratorem qui potestati nostræ subiectus non est, actio empti acquiri non potest; sed, si quis nostro nomine emerit, vel venderit, ipse Actionem instituere debet, vel Actionem sibi quæsitam nobis mandare, & cedere.

Secundo casu, si emerit quis sibi, sua pecunia, sub nomine alterius, acquirit sibi tam Actionem empti; quam dominium proprietatis, vel possessionis, non ei, cujus nomi-

nomi-

nomine emit, licet instrumento emtionis, nomen alterius sit adjectum; nam, res gesta potior quam scriptura habetur, nec simulatio præsumitur, nisi probetur.

Tertio casu, si emerit quis sibi aliena pecunia, tam actionem emti, quam dominium, si ei fuerit tradita possessio, sibi acquirit, adeo, ut, si unus frater ex communi pecunia sibi fundum emerit, eum communicare cum altero non teneatur, nisi omnium bonorum inter eos contracta sit societas.

Titulus 51.

De Rebus alienis non alienandis, & de prohibita rerum alienatione, vel hypotheca.

S*ine Consensu nostro aut Ratihabitione*, venditio rerum nostrarum, per alium facta, non impedit, quin rem venditam ac traditam vindicare a quocunq; possessore possimus.

Si quis rem certam alienare sit prohibitus, sive a lege, iudice, testamento, conventionem, aut pacto, is ex Justiniani constitutione censetur prohibitus, non solum vendere, sed & quolibet onere hypothecæ, vel pignoris, emphyteuseos, ususfructus, aut alterius servitutis impositione eam gravare. *Alienationis* igitur nomine venit omnis actus, quo rei dominium, partisve ejus transfertur, etiam in usumfructum concessio, si ad vitam ejus, cui conceditur, constituatur.

Titulus 52.

De Communium Rerum alienatione.

Quemadmodum res aliena alienari prohibetur; quia nemo potest plus juris in alium transferre, quam ipse

ipse habet, ita etiam *Res Communis* in præjudicium socii alienari prohibetur. Vendita igitur re, quam quis habet cum alio commutata, competit Socio ad partis suæ recuperationem vindicatio, nisi, præfinito legibus tempore, usucapta vel præscripta sit. Potest tamen partem suam, quam habet pro indiviso, etiam invito Socio, alteri extraneo vendere.

Fiscus tamen hoc privilegium habet, ut non solum rem suam, sed etiam partis suæ rem totam alienare possit: interim ejus partis pretium duntaxat consequitur, residuo dominis partium ceterarum reservato.

Titulus 53.

Rem alienam gerentibus, non interdici rerum suarum alienatione.

Dominus rem suam alienare potest, licet sit obnoxius reddendis rationibus, ob rem alienam gestam, ut Tutor; quia rem alienat cum sua causa, id est, salvo jure pignoris, quod pupillus vel alius habet in ejus rebus, qui administravit.

Titulus 54.

De Pactis inter Emptorem & Venditorem compositis.

Videndus libri 18. Digestorum titulus 1. De contrahenda Emptione, & de Pactis inter Emptorem & Venditorem compositis, & que res venire non possunt.

Titulus 55.

Si Servus exportandus veneat.

Videndus libri 18. Digestorum titulus 7. De Servis exportandis, & si ita Mancipium venierit, ut manumittatur vel contra.

Ec

Titu-

Titulus 56.

Si Mancipium ita veneat, ne prostituatur.

Valeat pactum in Emptione & Venditione, ne Ancilla prostituatur, proinde, si contra pactum Ancilla ab emptore prostituatur, confestim libera fit, vel venditori in eam est manus injectio: quam tamen si forte remittat, ipso jure libera fit, sine patrono.

Titulus 57.

Si Mancipium ita fuerit alienatum, ut manumittatur, vel contra.

Valeat pactum, si Mancipium ita fuerit alienatum, ut manumittatur. Atque huic pacto usque adeo favebant Legumlatores, ut voluerint, Mancipium, si tempore convento non manumitteretur, statim ipso jure liberum fieri, ac ingenuos videri, qui ex eo procreati essent ante manumissionem, intra tempus moræ.

Contra, si pactum venditioni sit adjectum, ne mancipium ad libertatem perducatur, valet, impeditque manumissionem ipso jure. Nec enim conditio, personæ servi cohærens, immutari potest facto ejus, qui illum comparavit. Et sustinetur hoc pactum fortasse, ne delictum servi maneat impunitum, & ut servi magis obsequentes sint dominis suis.

Titulus 58.

De Ædilitiis Actionibus.

Videndus libri 2. i. Digestorum titulus i. De Ædilitio Edicto, & Redhibitione, & quanto minoris.

Titulus 59.

De Monopoliis, & Conventu Negotiatorum illicito, vel artificio Ergolaborum, nec non Balneatorum prohibitis, illicitisq; pactionibus.

Negotiatio latius patet, quam Mercatura. Nam, Mercator tantum emendi & vendendi negotiationem exercet; Negotiator autem dicitur, qui negotiationem quamcumq; exercet, ut emendi, vendendi, locandi, conducendi &c.

Duo hic Negotiatoribus interdiciuntur: 1. Monopolium, id est jus seu privilegium, quo fit, ut unus, certiq; homines, soli possint definitas merces vendere. Quia enim hoc publicæ utilitati adversatur, idcirco ne quidem rescripto Principis concessum valet. 2. Mercatorum inter se conventio, ne merces viliori pretio vendant, quam communi ipsorum consensu statutum sit, non valet.

Est quoq; illicitum pactum, quod Architecti, operarium redemptores, qui opus conducunt faciendum, & pacta incunt, ne opus, alteri injunctum, alter intercipiat, aut, ab alio inchoatum, alter absolvat, contrahere solent: quippe inducit rerum caritatem, & Reipublicæ detrimentum affert.

Titulus 60.

De Nundinis & Mercationibus.

Duo complectitur hujus tituli constitutio. 1. Jus Nundinarum obtinendum esse a Principe. 2. Ut Mercatores, qui sese ad Nundinas negotiandi causa conferunt, nec conveniant, nec conveniantur, pri-

E c 2

vati

CODICIS

LIBER V.

Titulus 1.

De Sponsalibus, & Arrhis sponsalitiis,
& proxenetis.

Videndus libri 23. Digestorum titulus 1. *De Sponsalibus.*

Jure Civili alterutri desponsatorum, vel Patri, qui in potestate habet, licet sponsalibus renunciare. Non tamen hodie ex præscripto Canonum impune. Quin etiam jure civili, contractis sponsalibus, si quis quæve major 25. annis, sine justa causa, nolit nuptias exequi, arrhas acceptas reddit in duplum, id est, alterum tantum restituit, minor vero simplum; & si, qui dedit, non contrahat, arrhas amittit, manentq; apud eum, cui dedit. Pater quoq; qui nuncium mittit, & impedit, quo minus subsequantur nuptiæ, duplicatas arrhas præstat. Quæ ita obtinent, si non propter personam, vel conditionem, vel aliam justam causam matrimonium impediatur, quia, quod lege jubente impeditur & dirimitur, pœnam non meretur. Idem dicendum, si absq; culpa alterius sponsalia dissolvantur; puta morte, nisi mora alterius præcesserit, aut, si post datas arrhas alterutrius sterilitas, conversatio turpis, religionis vel sectæ diversitas, aut impudicitia appareat. Non enim committit perfidiam, qui mutat consilium, mutato statu personæ, quam sperabat habere integram, non vitiatam.

Proxenetica, sunt præmia eorum, per quos sponsalia vel nuptiæ conciliatæ sunt, quibus modum præscribit Justinianus constitutione, quæ in Basilicis integra super-

superest. Ea huc evadit, ut, si stipulatio intervenerit, non ultra vicessimam partem dotis, vel donationis propter nuptias, Proxenetæ sibi cavere possit, ita tamen, ut, si vicesima excedat decem libras auri, decem tantum libras sibi caveat, minus autem si volet accipere, liberum ei sit. Proinde, si fuerit dos 200. librarum auri, decem; similiter, si 300. æque 10. non 15. præmii loco sibi cavebit. Atque hanc quantitatem recte Proxenetæ sibi dari petet, actione mota. At, si plus accepit, id cogitur restituere, conditione indebiti, quæ heredi, & contra heredem competit; & insuper luit pœnam 10. librarum auri.

Titulus 2.

Si Rector Provinciæ, vel ad eum
pertinentes, Sponsalitia
dederint.

QUOD dictum superiore tit. de Arrhis amittendis, aut in duplum reddendis, si per recipientem stet, quo minus nuptiæ sequantur, non obtinet in Provinciali, quam Præses provinciæ sibi desponsavit; quod potuit, licet in uxorem ducere prohibeatur. Nam liberum est Sponsæ, etiam post administrationem depositam, nuptias recusare, arrhis tantummodo redditis sponso, quas accepit: l. 38. ff. de ritu nupt. Contra tamen Gratianus & Theodosius in l. un. h. t. declarant, sponsam invitam ne quidem teneri restituere arrhas. Hæc ita conciliat Cujacius lib. 4. Obs. c. 22. ut dicat, legem 38. ff. de ritu nupt. loqui tantum de Officiali aliquo, qui sibi desponsavit provincialem, & qui Præsides inferior est, ut non videatur respectu ejus prohibitio tam gravis.

Titulus 3.

**De Donationibus ante Nuptias, vel
propter Nuptias, & Sponsalitiis.**

Non solum Sponsalia; id est repromissio nuptiarum futurarum; præcedunt nuptias, sed etiam *Donatio Sponsalitia*. Hæc, dividitur in duo genera: aut enim fit nuptiarum & dotis contemplatione; aut tantum nuptiarum. Illa, vocabatur olim *Donatio ante nuptias*; quia solum ante nuptias constitui poterat. Sed, ex Iustini constitutione, potest stantibus nuptiis augeri, l. penult. &, ex constitutione Justiniani, etiam in totum constitui, atq; idcirco vocatur potius *propter nuptias*, quam ante nuptias.

Donatio propter nuptias, est civilis contractus, quo ex parte mariti in mulierem aliqua conferuntur, contemplatione dotis, tanquam antipherna. Quocirca doti est omnino exæquata: &, uti maritus non potest alienare prædium dotale; ita nec propter nuptias donatum.

Alterum Donationum nuptiarum genus appellatur *Munus Sponsalitium*, & est *Munus*, quod in sponsam ex parte sponsi, (ut ab ipso sponso, vel patre, matreve ejus) vel contra in sponsum ex parte sponsæ, solius matrimonii contemplatione, confertur.

Titulus 4.

De Nuptiis.

Videndus libri 23. Digestorum titulus 2. *De Ritu Nuptiarum.*

Titulus 5.

De Incestis & inutilibus Nuptiis.

Illiæ *Nuptiæ* improprie vocantur nuptiæ, & ita, uti nō pictus, vel mortuus, dicitur homo.

Hæc

Hæc dividuntur in Incestas seu Nefarias, & Inutiles. *Incestæ* seu *Nefariæ* sunt, quæ contrahuntur inter Cognatos vel Affines, inter quos sunt jure prohibita. Subdividuntur in *Incestas jure gentium*, videlicet inter patrem & liberos; & *Incestas jure civili*, nimirum inter alios Cognatos vel Affines. *Inutiles* sunt, quæ alia quapiam ratione prohibentur, quarum exempla sequentes tituli exhibent.

Titulus 6.

De interdicto Matrimonio inter Pupillam & Tutorem seu Curatorem, Filiosq; eorum.

Illicite sunt nuptiæ, quas Tutor, Curator, & eorum Liberi contrahunt, cum pupillo, vel adulta, quæ annum 25. non excessit, antequam rationes redditæ fuerint, & quadriennium effluerit, intra quod rationes redditæ retractari per in integrum restitutionem possunt.

Causæ prohibitionis sunt: 1. quia plerunq; Tutores vel Curatores hujusmodi conjunctione fraudem, administrationi factam, tegere laborant. 2. Ob potestatem, quam Tutor habet in Pupillam, per quam facile est ejusmodi nuptias conciliare.

Purgatur hæc fraudis & concussionis suspicio, si Pupilla, vel Adulta, Tutori ejusve Filio, a patre fuit desponsata, vel destinata testamento, aut Rescriptum Principis fuerit impetratum. Tutor vel Curator, qui illicite sibi, aut filio, Pupillam in matrimonium collocavit, quin & Filius, qui matrimonium contraxit, infamia notantur, & extra ordinem coercentur.

Cum fraudis presumptio cessat, puta, si a tutore rationes sint redditæ, & Pupilla ad legitimam ætatem

Et s

per-

pervenerit, & concessum restitutioni quadriennium effluxerit, Nuptiæ sic contractæ non reprobantur, sicut nec illæ, quæ antequam tutelæ munus imponeretur, contractæ fuerunt. Mater etiam cum tutore Filia suæ, vel Filio tutoris, nuptias contrahere non prohibetur: nec prohibetur Tutor vel Curator filiam suam nuptui pupillo locare.

Titulus 7.

Si quacunq; præditus potestate, vel ad eum pertinentes, ad suppositorum jurisdictioni suæ adspirare tentaverint

Nuptias.

Illicite quoq; sunt nuptiæ, inter eum, qui officium administrat in Provincia, ut Præsidem, aut Præfectum, & ipsos Milites, aut etiam eorum Comites, Domesticos, Filios, Nepotes, Propinquos, & inter fœminam provincialem; idq; propter metum, quo præsumuntur initæ, adeo, ut etiam puniatur conatus, licet non sit secutus effectus, multa 10. librarum auri, & amissione officii. Sponsalia tamen inter Præsidem, & provincialem fœminam, non sunt prohibita, quia ab his facilius, quam a matrimonio, recedere licet.

Titulus 8.

Si Nuptiæ ex præscripto petantur.

DE prohibitis nuptiis generaliter quæritur, An ex rescripto, seu permissu Principis, contrahi licite possint? Sciendum igitur, incestus hac ratione non sustineri: eas vero, quæ ob civilem tantum prohibitionem sunt inutiles, ut inter Senatorem & Libertinam, ex rescripto peti posse, ut iustæ fiant.

Titulus 9.

De Secundis Nuptiis.

Inter licitas & illicitas nuptias, medium quodammodo locum tenent *Secundæ nuptiæ*, quæ tolerantur ob humanam fragilitatem, non tamen probantur, imo quibusdam poenis coërcentur.

Secundarum Nuptiarum appellatione intelliguntur etiam tertiæ, quartæ, & ulteriores: atque viduo nullum tempus præscriptum est, ad contrahendas secundas nuptias.

Mulieri licet regulariter post annum luctus secundò nubere, prius non licet, propter confusionem sanguinis, & turbationem seminis. Quod si intra hoc tempus nupserit, variæ poenæ irrogantur: 1. Tam ipsa mulier notatur infamia, quam pater, qui eam nuptiæ collocavit, nec non qui sciens eam duxit, nisi jussu parentis, in cuius potestate ipse erat, eam duxerit, quo casu ipse parens notatur. 2. Hæc mulier non potest secundo viro ultra tertiam partem bonorum in dote dare, aut in testamento relinquere. 3. Donata vel relicta sibi a priore marito amittit. 4. Hereditates ab intestato ultra tertium gradum vindicare non potest. Hæ poenæ cessant, si mulier permissu Principis nupserit.

Interdum mulier ante quinquennium non potest transire ad secundas nuptias, uti r. si ejus culpa divortium factum sit; vel, quia juste maritus ei libellum repudiî misit; vel, quia sine justa causa divertit; tunc enim intra quinquennium nubens fit infamis, & secundæ nuptiæ non valent. 2. Si incertum sit, an maritus, qui ab hostibus captus est, vivat nec ne,

Sunt quædam poenæ secundarum nuptiarum, quarum una est propria mulieris, ut scilicet prioris viri digni-

dignitate non fruatur: *duæ sunt communes* tam viris quam mulieribus, tempore non permisso secundas nuptias contrahentibus: nam 1. eorum, quæ a priore conjugē accepit, vel a liberis prioris matrimonii pervenerunt, dominium amittit, solo usufructu retento, si liberi extent prioris matrimonii, ad eos enim dominium transit. 2. Non potest posteriori conjugi plus dotis, vel donationis propter nuptias, vel alio quovis titulo dare, aut in voluntate ultima relinquere, quam cuilibet ex liberis prioris matrimonii.

Titulus 10.

Si Secundo nupserit Mulier, cui Maritus
Usufructum reliquit.

Transiens ad secundas nuptias amittit, jure Codicis, *Usufructum sibi a priore conjugē relictum*, ita ut liberis prioris matrimonii eum restituere debeat. Sed hoc jus corrigitur per Nov. 22. ubi Justinianus constituit, conjugem transeuntem ad secunda vota retinere usufructum, nisi hac conditione in eum collatus fuerit, ut secundis nuptiis extingueretur.

Titulus 11.

De Dotis promissione, & nuda
pollicitatione.

Dos, est species vel quantitas, quæ marito ad sustinenda onera matrimonii, aut alio ejus nomine, datur; nisi enim matrimonii oneribus serviat, dos nulla est.

Promittitur dos stipulatione, vel nuda pollicitatione. Dos promissa prædictam in se conditionem habet, nec prius, nisi secutis nuptiis, ex hac

hac stipulatione agi potest: Nuda pollicitatione dos promissa perinde debetur atq; exigitur, ac si stipulationis praesidio suffulta esset.

Suo nomine tenetur pater filiae dotem dare, pro modo facultatum suarum, & dignitate generi, adeo, ut ad id compelli possit per Magistratum.

Titulus 12.

De Jure Dotium.

DOS, aut Profectitia est, aut Adventitia. *Profectitia* est, quae a patre mulieris, de bonis ejus, proficiscitur. *Adventitia*, quae aliunde, quam a patre, contingit.

Et si dominium civile rei dotalis transferretur in maritum, tamen mulier naturale dominium retinet: soluto autem matrimonio, si dos sit profectitia, communis est patri & filiae. Res, quas dotali pecunia maritus comparavit, dotales esse videntur: sed praedium dotale maritus alienare non potest, licet ejus dominus sit.

Titulus 13.

De Rei Vxoriae Actione, in ex Stipulatu Actionem transfusa, & de natura Dotibus praestita.

Olim per Actionem ex stipulatu Maritus dotem sibi promissam tradi petebat, Vxor vero eandem repetebat a marito, per Rei uxoriae Actionem. Sed sublata *Rei uxoriae Actione*, voluit Justinianus solam Actionem ex stipulatu de dote competere, tam marito ad petendam dotem, quam mulieri ad repetendam; eamq; actionem quatuor potissimum privilegiis insignivit.

Nimia

Nimirum 1. voluit, Actionem ex stipulatu esse bonæ fidei in casu dotis, cum cæteræ actiones ex stipulatu sint stricti iuris. 2. Voluit, ut tametsi nulla de restituenda dote appareat interposita stipulatio, nihilominus intervenisse fingatur. 3. Conjunxit huic Actioni jus tacitæ hypothecæ, ut nimirum omnia bona mulieris, pro ipsa dote præstanda, sint marito obligata, & contra bona mariti pro restituenda dote. 4. Cum liceret olim marito, facto divortio, dotem, aut partem dotis, quasi jure pignoris retinere, propter malos mores uxoris, vel propter res ab eâ amotas, vel propter impensas factas in res dotales, Justinianus jussit cessare retentionem, tanquam duram Vxori, quæ a dotis repetitione repellebatur, donec solvisset, cum semper & ubiq; dotis causa præcipua sit, nec ita utilis sit marito Retentio, cui alia Actio petitione salva est.

Titulus 14.

De Pactis conventis, tam super Dote,
quam super Donatione ante Nuptias,
& Paraphernis.

Restitutio Dotis faciendâ, soluto matrimonio, nisi tamen aliter conventum fuerit, vel ante, vel post nuptias: possunt enim pacisci conjuges super dote, aut donatione propter nuptias, ut apud superstitem dos, vel donatio propter nuptias, maneat tota, vel ejus pars.

In Pactis super dote, aut super donatione propter nuptias, æqualitas requiritur, ne mulier, marito superstes, ex donatione plus vel minus lucretur, quam vir, mulieri superstes, lucraretur ex dote.

Para-

Parapherna, sunt res mulieris, quas præter dotem maritus penes se habet; de his nihil disponere potest sine consensu mulieris; & quamvis valeant pacta de lucranda dote, si uxor præmoriatur, vel donatione propter nuptias, si prior maritus decesserit, tamen pactum vice testamenti factum, ut bona paraphernalia post mortem mulieris ad maritum pertineant, jure reprobatur.

Titulus 15.

De Dote cauta non numerata.

Qui pecunia indigent, præsumuntur pecuniam non accepisse; quam spe numerationis confitentur acceptam. Pari ratione, vir, ut muliere potiatur, nonnunquam permittit instrumentum fieri, quo cavetur, sibi dotem numeratam esse, quæ tantum dicta vel promissa, necdum vero data est. Ob hanc facilitatis præsumptionem, datur *Marito, ejusq; heredibus*, exceptio *caute & non numerate dotis*, adversus cautionem temere emissam, si mulier, vel heredes ejus, ea nitantur, & diremto matrimonio dotem repetant, quæ reipsa non est numerata. Atq; hæc dotis numeratio aliunde probanda est, quam dotalis instrumenti scriptura, nudave cautione, quæ dotem non facit.

Titulus 16.

De Donationibus inter Virum & Vxorem, & a Parentibus in Liberos factis, & de Ratihabitione.

An te contractas nuptias, permessa est donatio inter sponsum & sponsam, etiam simplex, & irrevocabili

cabilis; post contractas, permittitur inter ipsos conjuges donatio propter nuptias, quæ non est pura donatio, sed ob causam, & causa finita revocatur. Omnis vero simplex donatio inter conjuges prohibita est, ne mutuo amore se invicem spolient, profusa erga se liberalitate, neve concordia maritalis pretio emi videatur, præbeaturq; occasio divortii, si non donetis, qui possidet.

Donatio causa mortis valet inter Conjuges, quia in id tempus excurrit, quo Vir & Vxor esse desinunt, id est, post mortem donatoris; nisi tamen fieret irrevocabiliter, quia incideret in prohibitionem; cum transcat in donationem inter vivos.

Valet Remuneratoria inter Conjuges donatio, quia est debiti quædam compensatio; qualis censetur donatio, quam Senex in Vxorem adolescentulam, & Plebejus in Nobilem Vxorem confert.

Exemplo Conjugum, Donatio parentum, facta in liberos potestati eorum suppositos, ipso jure non valet; confirmatur tamen morte donantis, perinde atque si suprema voluntate confirmata esset, adeo, ut confirmatio retrocedat ad tempus; quo donatio conscripta est, & consequenter fructus percepti ad filium pertineant, tanquam ab initio dominum: nam ratihabitio regulariter retroducitur ad tempus negotii gestii. Nec suprema tantum, & speciali voluntate, hæc Donatio confirmatur, sed & tacite, solo silentio patris morientis; videtur enim, quod de facta tradidit, tacite approbare, & quasi testamento relinquere.

Titulus 17.

De Repudiis, & Judicio de Moribus
sublato.

Repudium, generale vocabulum est, & notat tam dissolutionem Sponsaliorum quam Matrimonii; quæ posterior dissolutio proprie Divortium dicitur.

Divortium olim licitum erat mutuo consensu, imò & altero invito, primum, sine justa causa, misso libello repudii; postea, non nisi ex causa, quæ variæ erant. Eatum una fuit Captivitas, nempe quâ alteruter conjugum in potestatem hostium venit, adeo, ut postliminii jure matrimonium non redintegraretur, nisi novo utriusq; consensu; quanquam reliqua omnia captivus jure postliminii reciperet. Attamen, quam diu certum erat, captum ab hostibus vivere, vel, si incertum, spatio quinquennii, conjux, quæ in civitate remanserat, nuptias contrahere non poterat. Cæterum, quomodocunq; servitus superveniret, solvebatur matrimonium, propter conditionis inæqualitatem, & cum servis non matrimonium, sed Contubernium esse dicebatur.

Justinianus introduxit, ut non nisi mutuo consensu, castitatis intuitu, Conjuges a se possent discedere, altero autem invito non nisi ex certis causis, quæ recensentur in *lege 8. b. t.* Eæ sunt, ingressus monasterii; desiderio vitæ sanctioris: Debilitas, si maritus, propter imbecillitatem virium, per biennium se uxori miscere non potuerit: adulterium: si mulier, ex industria & odio mariti, abortum fecerit; & aliz.

Judicio de moribus Conjugum si pronunciatum fuisset, uxorem moribus suis causam repudii dedisse, sextam dotis partem lucrabatur maritus, dummodo

ob graviores mores, puta adulterium, mulier culpatur: nam ob leviores mores, id est, ob aliam quamcunq; causam, octavam tantum partem retinere maritus poterat.

Sed Justinianus hoc iudicium omnino sustulit; quin & vetuit, dotem retineri ob malos mores mulieris.

Titulus 18.

Soluto Matrimonio, quemadmodum Dos petatur.

Quia soluto matrimonio dos sine causa apud maritum est, quippe cessante onere matrimonii, cuius nomine Dos datur, ideo repetitur.

Repetit hanc regulariter ipsa mulier, cum maritus fato functus est, nihilq; ex ea sibi defuncti heredes audent vindicare. Non potest tamen, invito mariti herede, possessionem rerum dotalium occupare, quamvis ipso jure illarum dominium ad ipsam redierit, sed necesse est, ut contra eum actionem instituat.

Repetit & heres mulieris dotem, si ejus morte, vel divortio, nuptiae sint solutae. Nonnunquam repetit is, qui pro muliere dotem dedit, sive Pater, sive Extraneus; hoc tamen discrimine, quod Pater dotem, quam pro filia in potestate constituta dedit, semper repetit, filia tamen consentiente, etiamsi eam reddi stipulatus non sit: Extraneus vero non aliter repetit, quam si stipulatione sibi caverit.

Quod si filia decesserit, liberis superstitis, jure constitutum est, dotem ad patrem reverti, solatii loco, ne & filiae amissae, & pecuniae damnum sentiat.

Dirigitur dotis petitio in ipsum maritum, qui dotem accepit, aut ejus heredes: ratio juris quoque postulat, ut mulier dotem petat a fisco, qui mariti, forte

pro-

propter delictum damnati, bona occupavit, in quibus dos erat.

Si dos perierit, dolum & culpam levem præstabit maritus. Res immobiles statim sunt reddendæ, mobiles intra annum, quia, cum hæ alienari vel commodari potuerint, illarum restitutio est difficilis, ideoque anni tempus indulgetur ad res hujusmodi componendas.

Restituendæ sunt *res inæstimate* in specie, si extent, quia in effectum semper mulieris manserunt: *æstimate* vero, quia transierunt in dominium mariti, ejusque periculo sunt, non in specie reddentur, sed sufficit, earum æstimationem reddi.

Exactio dotis cessat 1. si pactum initum sit, de Dote lucranda post mortem. 2. Si maritus non sit solvendo, cum teneatur in quantum facere potest, i. e. habita ratione, ne egeat, juxta qualitatem status personæ. Esset enim contra conjugalem reverentiam, Virum a muliere sic arctari, ut ne quidem alimenta salva habeat. 3. Si res perierit sine dolo & culpa mariti. 4. Quoties mulier sine causa divertit, vel ejus culpa distractum est matrimonium.

Titulus 19.

Si Dos constante Matrimonio soluta fuerit.

SI Dos hac lege data sit, ut, mortua in matrimonio muliere, lucro mariti cederet, ac maritus, stante matrimonio, dotem mulieri sine causa restituerit, deinde mulier in matrimonio mortua sit, potest maritus dotem, cum fructibus, ab heredibus mulieris repetere; quia illa intempestiva dotis restitutio, donacionem in se continet, quæ inter conjuges est prohibita.

Ff 2

Titu-

Titulus 20.

Ne Fidejussores vel Mandatores Dotium
dentur.

MVlieri, dotem repetenti, actio non datur contra fidejussorem, quem à marito vel socero accepit, nec contra mandatorem, cujus mandato dotem dedit: cui enim persona mulieris creditur, ei multo magis dos credi debet, unde, fidejussorem vel mandatorem dotis restituendæ nomine accipi, Constitutiones prohibent.

Titulus 21.

Rerum Amotarum.

VIdendus libri 25. Digestorum titulus 2. ejusdem inscriptionis.

Titulus 22.

Ne pro Dote Mulieris Bona quondam
Mariti addicantur, id est, in
solutum dentur.

SI maritus nullo relicto herede decesserit, Mulier, dotis sibi debitæ causa, postulare non potest, ut bona mariti sibi addicantur, sed, ut secundum juris ordinem, quatenus successionis modus patitur, suæ indemnitati consulatur, videlicet petendo, ut in possessionem bonorum mariti immittatur, dotis servandæ causa, atq; , ut bona ista publica licitatione vendantur, ea lege venditioni dicta, ut ab emptore ipsi de dote integra, aut parte satisfiat.

Titulus 23.

De Fundo Dotali.

Specialiter de Fundo dotali cautum est, ut mulier soluto matrimonio cum repetere possit, licet a marito

rito alienatus fuerit; quoniam alienatio non valet, siue inæstimatus in dotem datus fuerit, siue æstimatus, adjecto pacto, ut electio sit mulieris, utrum æstimationem, an prædium petere velit.

Titulus 24.

Divortio facto, apud quem Liberi morari vel educari debeant.

Divortio facto iudicis arbitrio committitur, utrum liberi apud Matrem, an apud Patrem, morari, vel educari debeant. Novissime Justinianus constituit, ut, si patris culpa divortium factum sit, & mater ad secundas nuptias non transierit, liberi apud eam alantur impensis patris; si vero culpa matris solutum sit matrimonium, & pater non sit inops, apud patrem nutriantur, impensis matris locupletis; *Nov. 117, c. 7.*

Titulus 25.

De alendis Liberis ac Parentibus.

Liberi alendi sunt a Patre, pro modo facultatum, nec tantum Filii, sed etiam Nepotes ex filiis. Si pater non superstes, vel inops sit, hoc onus matri incumbit. Vice versa, si Parentes egeant, a liberis locupletibus alii debent. Similiter Liberti Patronos, & eorum liberos alere, vel, si egent, ab eis alii debent.

Titulus 26.

De Concubinis.

Videndus libri 25. Digestorum titulus 7. ejusdem inscriptionis.

Titulus 27.

De Naturalibus Liberis, & Matribus
eorum, & ex quibus causis
justi efficiantur.

Naturales Liberi ex concubina domi habita pro-
veniunt, quos natura, non lex agnoscit; qui ve-
ro, ex impudica publice, *Spurii* vocantur, ii patrem
verum non habent, vel eum demonstrant, quem ha-
bere non licet; quales etiam dicuntur nati ex damna-
to complexu.

Spurii in totum a successione arcentur; Naturales
vero liberi, matresq; eorum ex semisse heredes scribi
possunt, hoc jure: sed *jure Novellarum* ex asse, non
existentibus sc. liberis legitimis, nec legitima uxore,
portione parentibus testatoris servata.

*Existentibus liberis legitimis, eorumq; matre super-
stite*, unica uncia liberis naturalibus relinquitur, cum
matre Concubina dividenda, vel, si hæc sola supersit, se-
munciatur. Quicquid ultra hunc præscriptum mo-
dum relictum est, legitimis filiis cæterisq; successo-
ribus datur.

Legitimatio, est legis actio, qua filii naturales tan-
tum patri suo legitimi, ejusq; potestati subiecti ef-
ficiuntur. *Ejus modi tres sunt*: 1. Oblatio Curiae, si
pater filium naturalem Curiae Civitatis offerat, ut in-
ter Decuriones numeretur: quod sic introduxit
Theodosius Imp. ut plures invitarentur ad Curias,
quarum onera pleriq; subterfugiebant. Filiae sic of-
ferri non poterant, quia muneribus publicis non fun-
guntur: idem tamen privilegium illis fuit tributum,
si Curiali nuberent, quia per ipsas consulebatur Curiae,
susceptis liberis, qui patris conditionem sequuntur.

Non

Non solum autem pater filium suum Curiae offerre poterat, sed etiam ipse filius sese, verum nonnisi eo casu, quo nulli extant liberi legitimi; pater vero etiam illis extantibus id facere potest: atque ita filius, patris destinatione Curiae nexibus obligatus, consequabatur jura legitima in successione paterna, non item agnatorum. 2. *Subsequens Matrimonium*: si enim pater in uxorem ducat foeminam, ex qua extra matrimonium liberos suscepit, per hoc eos in suam potestatem redigit, idque siue postea alii quoque liberi ex tali matrimonio nati sint, siue nulli, inque vivant, aut sint mortui. 3. *Rescriptum Principis*: per hoc legitimanur naturales ex muliere libera procreati, ad supplicationem patris, cui alii legitimi liberi non sunt, vel etiam ad supplicationem filii, ut tanquam legitimus possit patri succedere, modo ostendatur patris testamentum, quo eum heredem instituit, & desideravit, ut Princeps hoc beneficium filio impertiretur. Quanquam de plenitudine potestatis dubium non sit, quin possit Princeps hunc filium naturalem legitimum pronunciare, quamvis id pater non supplicaverit, & reliquerit liberos legitimos.

Titulus 28.

De Testamentaria Tutela.

Videndus libri 26. Digestorum titulus 2. ejusdem inscriptionis.

Titulus 29.

De Confirmando Tutore.

Videndus libri 26. Digestorum titulus 3. De Confirmando Tutore vel Curatore.

Ff 4

Titu-

*Titulus 30.**De Legitima Tutela.*

Videndus libri 26. Digestorum titulus 4. *De Legitimis Tutoribus.*

*Titulus 31.**Qui petant Tutores vel Curatores.*

Videndus libri 26. Digestorum titulus 6. *Qui petant Tutores vel Curatores, & ubi petantur.*

*Titulus 32.**Ubi petantur Tutores vel Curatores.*

Videndus titulus Digestorum jam modo allegatus.

*Titulus 33.**De Tutoribus vel Curatoribus Illustrium vel Clarissimarum Personarum.*

Tres sunt Senatoriæ dignitates: Illustratus, Spectabilitas, & Clarissimatus: sed interdum Clarissimatus vocabulum late sumitur, ut etiam Spectabilitatem & Illustratum complectatur. Atque sic in h. t. agitur de Tutoribus vel Curatoribus personarum Senatoria dignitate præditarum, sive sint Clarissimæ, sive Spectabiles, sive Illustres.

In Urbe Illustribus vel Clarissimis Tutores vel Curatores dabantur a Præfecto Urbi, adhibitis decem Senatoribus & Prætore. *In Provinciis* nominabantur a Præfide, ex decreto Decurionum: non tamen poterant Curiales dari tutores hujusmodi Clarissimis personis.

Titulus 34.

Qui dare Tutores vel Curatores possunt,
& qui dari non possunt.

Hic titulus agit de personis infra dignitatem Senatoriam constitutis, quibus Tutor aut Curator datur. Proinde videndus libri 26. Digestorum titulus 5. De Tutoribus & Curatoribus datis ab his, qui jus dandi habent: & qui, & in quibus causis specialiter dari possunt.

Titulus 35.

Quando Mulier Tutelæ officio fungi
potest.

Mulier regulariter tutelæ officio fungi non potest. Excipiuntur Mater & Avia, quæ præferuntur aliis tutoribus legitimis, non tamen testamentariis. Sed ita demum admittuntur, si ad secundas nuptias non transierint; imo apud Aëtia tam secundis nuptiis, quam beneficio SCti Vellejani renunciare tenentur: & si post susceptam tutelam secundo nupsent, a tutela removentur.

Titulus 36.

In quibus causis Tutorem vel Curatorem
habenti Tutor vel Curator
dari potest.

Regulariter Tutorem habenti Tutor dari non potest, quanquam Curatorem habenti Curator dari potest. Quibusdam tamen casibus, Tutor vel Curator adjungitur, vel, quia is, qui tutor manet, gerere non potest, puta propter furorem, aut absentiam
Recip. causa: vel, quia ex parte gerere potest, sed toti
Admi.

administrationi non sufficit, ut, quia patrimonium pupilli est late diffusum, & in diversis provinciis: vel, quia desinit aliquis esse Tutor, aliis Tutoribus manentibus.

Quamvis autem eodem casu vel Tutor, vel Curator dari potest, tamen *plerunq; facilius adjungitur Curator, quam Tutor*, nisi dandus sit ad actum, qui Tutorem requirit, non sufficiente ad eum expediendum Curatore; ut aditio hereditatis.

Titulus 37.

De Administratione Tutorum vel Curatorum, & de pecunia pupillari fœneranda vel deponenda.

DE Administratione Tutorum vel Curatorum addendus libri 26. Digestorum titulus 7. *De administratione & periculo Tutorum & Curatorum, qui gesserint, vel non: & de Agentibus, vel conveniendis uno, vel pluribus.* Administrationis pars est, ut pecunia pupillaris deponatur, prædiorum comparandorum causa, deinde prædia comparentur, aut, si prædia comparari nequeant, fœnori detur, alioquin Tutores, vel Curatores, in usuras ejus pecuniæ tenentur, aut, si solvendo non sint, extra ordinem castigantur. Sed Novella 72. hanc fœnerandi, vel prædia emendi necessitatem remittit, adeo, ut Tutor vel Curator officio suo satisfaciat, si pecuniam diligenter custodiat, nisi fœneratione opus sit, ut pupillus ex usuris alatur.

Titulus 38.

De Periculo Tutorum & Curatorum.

Videndus libri 26. Digestorum titulus 7. jam modo allegatus.

Titulus 39.

Quando ex facto Tutoris vel Curatoris
Minores agere vel conveniri
possint.

Videndus libri 26. Digestorum titulus 9. ejusdem
inscriptionis.

Titulus 40.

Si, ex pluribus Tutoribus vel Curatoribus,
omnes vel unus agere pro Minore,
vel conveniri possunt.

Certum est, quod omnes Tutores vel Curatores
dati tenentur ex officio pupillum defendere,
ejusque utilitatem promovere; *si quid tamen aliis negli-*
gentibus ab uno gestum fuerit, ratum est. Sic rata est
defensio causæ, quam, aliis cessantibus, unus Tutorum
suscipit & exsequitur, cujus factum etiam alios tenet.
Excipe, nisi divisa sit tutelæ administratio per provin-
cias, a testatore, vel iudice, vel a tutoribus ipsis. Fa-
cit enim divisio, ut quisque in sua provincia causam
pupillarem agere & defendere debeat, non in aliena.

Titulus 41.

Ne Tutor vel Curator Vestigalia con-
ducat.

Tutor vel Curator, durante officio, vel eo finito,
antequam rationes reddat, *prædia Cesaris aut*
vestigalia conducere, vel alio modo cum Fisco con-
trahere prohibetur, sub pœna falsi, cujus veniam a
Principe impetrare poterit, si utriusque satisfecerit, id est,
tam Minori quam Fisco, quia prohibitionis causa est,
ne forte Fiscus damno afficiatur, pupillari obligatio-
ne omnia Tutoris vel Curatoris bona absorbente.

Titu.

Titulus 42.

De Tutore vel Curatore, qui satis non dedit.

Videndus libri 46. Digestorum titulus 6. *Rem Pupilli vel Adolescentis salvam fore.*

Titulus 43.

De Suspectis Tutoribus vel Curatoribus.

Videndus libri 26. Digestorum titulus 10. ejusdem inscriptionis.

Titulus 44.

De in Litem dando Tutore vel Curatore.

Non potest Pupillus, nisi tutore autore, stare in iudicio, si litem cum alio habeat. At, si cum ipso tutore litem habeat, olim tutor ei dabatur; quia in iis, quæ solemnitatem juris desiderant, uti sunt iudicia, non poterat intervenire Curator. Sed hoc jus per Codicem sublatum est, eoq; cœpit Curator dari pupillo ad litem l. 2. § ult. b. t. nisi & alii sint tutores, quibus autoribus pupillus experiatur.

Cæterum hic Curator in litem datus, pro aliis administrationis partibus, periculo tutelæ vel curæ non subjicitur, & sumtus, quos in eam litem bona fide erogavit, a Contutoribus ex bonis pupilli recuperat.

Titulus 45.

De Eo, qui pro Tutore negotia gessit.

Non tantum Tutor legitime datus tenetur ex administratione, sed etiam is, qui cum Tutor non esset, aut esse non posset, quia mulier, miles, si aliquid gessit,

gessit, obligatur ex Tutela gestione, quam contra juris ordinem suscepit, ad reddendam rationem administrationis. Addendus libri 27. Digestorum titulus 5. De eo, qui pro Tutore vel Curatore negotia gessit.

Titulus 46.

Si Mater indemnitatem promisit.

VSque adeo Tutor ex administratione gesta tenetur, ut, etiamsi Mater ei pro pupillo indemnitatem promiserit, nihil tamen id Tutorem juvet; cum hæc sit quædam intercessionis species, quæ infirmatur S. C. Vellejano, nisi specialiter, Tutorem matris periculo datum esse, decreto fuerit comprehensum.

Titulus 47.

Si contra voluntatem Matris Tutor datus sit.

Quemadmodum Prætor Tutorem a matre datum confirmare solet, ita, quem Mater moriens Tutorem dari vetuit, a Tutela removetur, sed sine infamia remoti, nisi is fraudem in tutela admisisse convictus fuerit.

Titulus 48.

Vt causæ post pubertatem adsit Tutor.

ET si Pupillus ad pubertatem pervenit, tamen Tutor negotiis pupillaribus assistere debet, donec, rationibus redditus, in Curatorem administrationem omnem transtulit. Non videtur autem omnem transulisse, qui adhuc retinet instrumenta litis a se inceptæ, & ideo, quam diu hæc & alia acta ad causam concernentia, quæ penes se habet, non tradiderit, litem prosequi suo periculo tenetur.

Titu-

Titulus 49.

Vbi Pupilli educari debeant.

Videndus libri 27. Digestorum titulus 2. *Vbi Pupillus educari debeat : Et de Alimentis ei præstandis.*

Titulus 50.

De Alimentis Pupillo præstandis.

Facit huc titulus jam modo allegatus.

Titulus 51.

Arbitrium Tutelæ.

Actio de Tutela *Arbitrium* vocatur; quia Prætor in hoc judicio, uti in plerisq; aliis bonæ fidei, arbitrum dabat, qui de causa cognosceret. Est autem Actio tutelæ duplex: Directa, & Contraria. *Directa*, est personalis bonæ fidei, quæ finita tutela datur pupillo, quem principaliter & directe tutelæ gestio concernit, adversus Tutorem, ut administrationis suæ rationes reddat, &, quicquid apud ipsum ex bonis suis residet, exhibeat.

Titulus 52.

De Dividenda Tutela, & pro qua parte quisq; Tutorum conveniatur.

Tutela, id est Tutelæ administratio, aut est *divisa a Testatore, aut a Judice, aut ex Conventionem Tutorum*; aut est *Indivisa*. Primo & secundo casu, singuli pro partibus sibi assignatis tenentur, nec alter pro altero tenetur, nisi propter dolum vel culpam admissam, in eo non removendo, aut serius removendo. Tercio & Quarto casu datur minori optio, utrum
unum

unum in solidum, an omnes simul convenire velit. Si omnes conveniantur & condemnentur, periculum Tutelæ divisum erit, nec unus pro altero convenietur. Si unus conveniatur in solidum, videtur quidem condemnandus; sed pluribus beneficiis ei succurritur. Habet enim 1. *Beneficium cedendarum Actionum*; quoniam actor, actiones, quæ sibi contra alios Tutores competunt, ei cedere tenetur, ut ab illis partem ejus, quod præstiterit, recuperare possit. 2. *Beneficium Actionum Utilium*, quas ex constitutionibus contra contutores habet, si actiones directæ sibi cessæ non sint. 3. *Beneficium Divisionis*, quo fit, ut dividenda sit actio in eos, qui tempore litis contestatæ sunt solvendo, atque ita pro partibus teneantur. 4. *Beneficium Ordinis*; quia excutiendus est is, qui administravit, vel ejus heredes, & fidejussores ab eo dati, & qui satisfactionem exegit, vel exigere debuit, priusquam alter Tutor, qui non gessit, conveniatur.

Titulus 53.

De in Litem jurando.

Hic titulus extat etiam in Digestorum libro 12. numero 3. sed ibi est contractus *generalis*, ad omnia judicia pertinens; hic est *specialis*, & ad arbitrium tutelæ coangustatus.

Quod si igitur Tutor vel Curator, judicio tutelæ conventus, Inventarium cæteraq; instrumenta pupillaria non restituat, quia non potest non hoc dolo malo facere, & quia vix aliter probari potest damnum rebus pupilli datum, ideo hujus juramento permittitur æstimatio, in quam Tutor Curatorve condemnatur, nisi iudex ex justa causa æstimationem moder-

moderandam existimet : quam ubi secutus jurisjurandi religionem definierit, non poterit tam deinde remittere, aut minuire.

Titulus 54.

De Heredibus Tutorum, vel Curatorum.

Tutela judicio non Tutores tantum, sed & *Heredes* eorum tenentur, cum agatur ex quasi contractu. Quin etiam ex dolo, & lata culpa defunctorum eos conveniri posse, rescriptum est *l. 1. b. t.*

Igitur Heres ejus, qui Tutelam vel Curam administravit, si quid ad eum ex re Pupilli vel Adulti pervenerit, id restituere cogitur. Tenetur quoque rationem reddere, non solum eorum, quæ defunctus gessit, sed etiam quæ neglexit.

Titulus 55.

Si Tutor vel Curator non gesserit.

Non solum qui gesserunt, sed etiam *qui gerere debuerunt*, Tutela judicio tenentur. Habent tamen hi, qui administratione abstinuerunt, si conveniantur, Beneficium Ordinis.

Si omnes administrationem neglexerunt, omnes æqualiter tenentur, ac si communiter Tutelam indivisam gessissent.

Titulus 56.

De Usuris Pupillaribus.

In Actionem Tutela veniunt etiam *Usurae*, quæ regulariter præstantur secundum morem provinciarum, sic tamen, ne sint majores semissibus. Sed quinq; casibus debentur usurae legitimæ, id est centesimæ.

1. Si Tutor vel Curator pecuniam, Minoris in suos
usus

usus converterit. 2. Si falso negavit, penes se esse pecuniam. 3. Si, ob neglectos proventus usurarios pecuniæ pupillaris, Prætor ei legitimas usuras irrogavit. 4. Si, quantitatem aliquam penes se esse falso negans, necessitatem minori imposuit mutuam pecuniam legitimis usuris accipiendi. 5. Si a debitoribus pupillaribus legitimas usuras exegit.

Juramentum *curfus* *inhibetur*, 1. Denunciationibus frequenter interpositis, quibus minor ad iudicium provocatur, una cum protestatione apud Acta. 2. Oblatione, consignatione, ac depositione pecunie debitæ.

Titulus 57.

De Fidejussoribus Tutorum vel Curatorum.

Videndus l. 27. Digestorum titulus 7. De Fidejus-
soribus, & Nominatoribus, & Heredibus Tuto-
rum & Curatorum.

Titulus 58.

De contrario Judicio Tutelæ.

Videndus libri 17. Digestorum titulus 4. De con-
traria Tutela & Vni actione.

Titulus 59.

De Autoritate præstanda.

Videndus libri 26. Digestorum titulus 8. De *Au-*
toritate & Consensu Tutorum & Curatorum.

Titulus 60.

Quando Tutores vel Curatores esse
desinant.

Tutela vel Curatio finitur, cum Tutores vel Cura-
tores esse desinunt: ut, quia Pupilius pervenit ad
puber-

pubertatem, aut Adolefcens ad legitimam & perfectam ætatem. Videndi tituli Institutionum, *Quibus modis tutela finitur: &, De Curatoribus.*

Titulus 61.

De Auctore, a Tutore seu Curatore dando.

Tutela non finitur, si Tutor vel Curator adversa valetudine, vel alia necessitate, impediatur tutelam gerere; sed, eo auctore, Minor, si præsens sit, & fari possit, *Procuratorem* constituet. Quod si Pupillus vel absit, vel Infans sit, *Auctor* sive *Adjutor* a Curatore vel Tutore, id est, Tutoris vel Curatoris voluntate & periculo, datur a Prætoribus.

Auctor dicitur, qui datur ad lites: *Adjutor*, qui datur ad negotia extrajudicialia.

Titulus 62.

De Excusationibus Tutorum & Curatorum, & de Temporibus earum.

Ad Excusationem Tutoris vel Curatoris spectat hic titulus, & aliquot sequentes. Proponenda est excusatio ab eo, qui jure datus, *intra 50. dies*, a tempore, quo scivit, se ad tutelam vel curam vocatum, coram iudice loci, ubi datus.

Titulus 63.

Si Tutor vel Curator falsis allegationibus excusatus fuerit.

Effectus Excusationis est, quod acceptata, a periculo tutelæ & curæ liberat. Si tamen causa sit falsa allegata, non liberabit Tutorem, ne cui pro sit suus dolus.

Titulus 64.

Si Tutor vel Curator Reipublicæ causa
aberit.

Absentia Reipubl. causa, non affectata, neque sui commodi causa, sed necessaria, immunitatem præstat, ob favorem Reipublicæ. Igitur, si fuerint Tutores vel Curatores dati, & deinde Reipubl. causa abesse cœperint, a Tutela vel Cura suscepta tam diu excusantur, quamdiu absunt, ac interea eorum loco Curator datur. Nam reversi, statim recipere debent onus tutelæ, & medii temporis periculo ita demum liberantur, si excusationem suam proposuerint. Si vero ante delatam tutelam abesse cœperint, iis, ex legatione reversis, annus vacationis conceditur, antequam novam tutelam suscipiant, isq; est continuus, ex quo quis rediit, aut redire debuit.

Titulus 65.

De Excusationibus Veteranorum.

Veterani, qui, confectis legitimis 20. annorum stipendiis, a militia dimissi sunt, in perpetuum a Tutela & Cura excusantur; præterquam a tutela vel cura filiorum conveterani, a qua anni excusationem habent. Cæteri, qui non confectis stipendiis, honestam, vel causariam, non ignominiosam, missionem meruerunt, si ante quinquennium dimissi sunt, nullam habent immunitatem. Si post quinquennium, anni immunitate fruuntur. Si post 8. annos, ad biennium excusantur. Si post 12. annos, triennium eis conceditur. Si post 16. quadriennium.

*Titulus 66.***Qui Numero Liberorum se excusant.**

N*umerus Liberorum* a tutela excusat in perpetuum. Sed hîc 4. requiruntur: Vt 1. saltem sint Romæ tres liberi, vel in Italia quatuor, vel in provincia quinque. Vbi notandum, Nepotes ex Filia non prodesse: Nepotes ex Filio ita prodesse, ut Filio mortuo spectentur, &, quotquot sunt ex uno filio, pro una persona computentur. 2. Vt sint procreati ex justis nuptiis. 3. Vt nati sint ante tutelam vel curam delatam. 4. Vt eo tempore, quo tutela vel curatio defertur, sint superstites, aut in acie pro patria obierint.

*Titulus 67.***Qui Morbo.**

M*orbus* affert justam excusationem, tam a suscepta tutela, quam suscipienda, si talis sit, ut rerum administrationem impediat: uti Cæcitas, Surditas, Furor, perpetua valetudo adversa.

Prout valetudo est, ita aliquis excusatur, vel ad tempus, vel in perpetuum.

*Titulus 68.***Qui Ætate.**

M*Ajor 70. annis*, excusatur in perpetuum a tutela. *Minor autem annis 25.* ne quidem volens, ad tutelam vel curam suscipiendam admittitur.

*Titulus 69.***Qui Numero Tutelarum.**

V*Tonus Tutelæ vel Curæ a nova Tutela vel Cura excuset*, tria requiruntur: 1. Ne sit onus affectatum.

tum. 2. Vt sint tria onera. 3. Vt tutelæ vel curæ, propter quas excusari quis vult, adhuc maneat & administrentur, nec sint finitæ.

Titulus 70.

De Curatore Furiosi vel Prodigii.

Sicut adveniente pubertate tutela finitur, & succedit Curatio Adolescentis, ita, adveniente perfecta ætate, cessat Curatio Adolescentum, & succedit Curatio Furiosi, & alius similis personæ. Nam, quamdiu furiosus est minor 25. annis, Curatorem habet potius ratione ætatis, quam furoris.

Titulus 71.

De Prædiis & aliis Rebus Minorum, sine Decreto non alienandis, vel obligandis.

Sequuntur duæ Regulæ, communes omnibus Tutoribus & Curatoribus. *Prima Regula* est: Res minorum non debent a Tutore vel Curatore alienari, vel obligari, sine decreto Prætoris.

Titulus 72.

Quando Decreto opus non sit.

Superior Regula patitur tres Exceptiones. *Prima* est, nisi sit casus, quo decretum non requiritur. Sunt enim 4. casus, quibus decretum non est necessarium. 1. Si res servando servari non possit, aut sit velis detrita, vel animal supervacuum. 2. Si pater, vel alius, cui minor successit, alienationem permiserat. 3. Si Princeps alienationem permiserit. 4. Si res obli-

obligandæ sint pro cautione iudicatum solvi a minore præstanda.

Titulus 73.

Si quis, ignorans rem Minoris esse,
sine Decreto comparaverit.

S*ecunda Exceptio* est : Nisi is, qui bona fide rem Minoris accepit, statuto tempore præscripserit ; quod tempus currere incipit, ex quo minor ad perfectam ætatem pervenit. Præscribit autem emtor quinquennio : donatarius, longo tempore, id est, decennio inter præsentem ; viginti annis inter absentes.

Titulus 74.

Si Major factus, Alienationem factam
sine Decreto ratam habuerit.

T*ertia Exceptio* est : Nisi dominus, cujus in minore ætate constituti res sine decreto alienata fuit, postea major factus, eam alienationem ratam habuerit.

Titulus 75.

De Magistratibus conveniendis.

S*ecunda Regula* est : In Magistratibus, qui satisfactionem a Tutoribus vel Curatoribus exigere neglexerunt, aut non idoneos fidejussores acceperunt, actio subsidiaria competit. Videndus libri 27. Digestorum titulus 8. *De Magistratibus conveniendis.*

CODICIS

LIBER VI.

Titulus 1.

De Servis fugitivis, & Libertis, Mancipiisq;
Civitatum, Artificibus, & ad diversa opera
deputatis, & ad rem privatam, vel
Dominicam pertinentibus.

Opera, sunt diurnum officium. Eæ non debentur
ab Ingenuis, sed a Servis aut Libertis.

Interdum servi fugiunt, ne debitas operas & ser-
vitia dominis præstent. Ob eam rationem hic agi-
tur de servis fugitivis, de quibus est in libro 11. Di-
gestorum titulo 4. *De Servis fugitivis.*

Operæ debentur etiam a Servis aut a Libertis Rei-
publ. præsertim Artificibus, qui ad diversa opera de-
putari solent, prout ratione artificii, aut ingenii, aut
corporis virium apti & idonei sunt.

Operæ quoque præstantur a Servis aut Libertis Do-
minicis, qui ad privatum Principis patrimonium per-
tinent.

Titulus 2.

De Furtis, & Servo corrupto.

Videndus libri 47. Digestorum titulus 2. *De Fur-*
tis: & libri 11. titulus 3. *De Servo corrupto.*

Titulus 3.

De Operis Libertorum.

Videndus libri 38. Digestorum titulus 1. ejusdem
inscriptionis.

Titulus 4.

De Bonis Libertorum, & Jure Patronatus.

VARIA sunt commoda juris Patronatus, & hoc unum inter cætera præcipuum, quod *Patronus succedit in bona Liberti*: qua in re sæpe variatum est. Nam, imprimis *Lege 12. tabb.* Patronus liberto, sine liberis deiuncto, succedebat ab intestato: in bonis autem testati liberti nihil juris habebat patronus; siue extraneus, siue filius liberti heres institutus fuisset. Sed, *Jure Prætorio*, Patrono concessa fuit bonorum possessio partis dimidiæ, contra tabulas testamenti, quo extraneus heres institutus erat, patrono præterito. Deinde *Lex Papia* quoq; aliqua circa libertorum successionem definivit. Postremo a *Justiniano* statutum est, ut tertia pars Patrono debeatur, contra tabulas, si libertus major centenario, i. e. centum aureos habens, decesserit sine liberis; ab intestato autem consequatur integram hereditatem, nisi jus patronatus liberto remiserit, aut is servus suis numis emtus sit.

Suis numis emi servus improprie dicitur, favore libertatis, cum servus nihil suum habere possit; sed suis numis emi dicitur, quotiescunq; emtor de suo nihil impendit, sed aliunde pretium, venditori præstandum, accepit.

Titulus 5.

Si in fraudem Patroni a Libertis alienatio facta est.

Sicuti ea, quæ debitor in fraudem creditorum suorum alienaverit, revocantur actione Pauliana; ita Patronus

Patrono, ejusque heredi, datur *Actio Fabiana*, si libertus, accepti beneficii immemor, testatus decesserit; aut *Calvisiana*, si intestatus: qua revocantur ea, quæ libertus mortis causa alienaverit, aut etiam inter vivos, modo, hoc posteriore casu, in fraudem portionis patrono debitæ, alienatio probetur: nam, altero casu, sufficit imminutam esse patroni portionem, etiam citra liberti fraudem.

Titulus 6.

De Obsequiis Patrono præstandis.

Videndus libri 37. Digestorum titulus 15. *De Obsequiis Parentibus & Patronis præstandis.*

Titulus 7.

De Libertis & eorum Liberis.

Si, contra debita obsequia, Liberti, aut eorum Liberi, sint erga patronos ingrati, iudicio extraordinario in servitutem retrahuntur.

Titulus 8.

De Jure Aureorum Annulorum, & de Natalibus restituendis.

Libertini ad ingenuitatem beneficio Principis perveniunt duobus modis. *Primus* est, si a Principe jus aureorum annulorum consequantur; de quo est in libri 40. Digestorum tit. 10. *de jure aur. annul.* *Alter* est, si natalibus restituantur; de quo est in libri 40. ff. titulo 11. *de natal. restit.* Priori modo jus Patronatus non tollitur, sed permanet: tollitur vero modo posteriori.

Titulus 9.

Qui admitti ad Bonorum Possessionem possunt, & intra quod tempus.

Dictum de jure Patronatus, & successione Libertorum: Sequitur de *Successione Ingenuorum*, quæ vel jure Prætorio obvenit, vel jure Civili. De Prætoria prius agitur, quæ consistit in bonorum possessione.

Bonorum Possessio est jus succedendi, a Præторе impetratum; ac in effectu idem est quod hereditas, neque enim hic possessionis vocabulum accipi debet pro detentione naturali corporis, uti in tit. de *acquir. possess.* sed potius pro jure seu titulo, ad persequendum seu retinendum patrimonium defuncti, sive quamlibet ejus patrimonii rem, quam defunctus habuit mortis tempore.

Filiusfamilias, ignorante patre, bonorum possess. petere potest; quæ ita demum patri proderit, si ratam petitionem habuerit.

Bonorum possessionem, *Pupillo delatam*, vel Tutor Pupilli nomine, vel Pupillus Tutore autore agnoscere potest; Pupillus autem, sine tutore, eam amplecti non potest. Si tamen Judex sciens prudens Pupillo, sine tutoris autoritate postulanti, bonorum possessionem dederit, emolumentum prætoris successione Pupillo acquiretur.

Infantis nomine, non solum tutor, sed etiam pater, & quilibet alius, bonorum possessionem petere potest.

Petendæ bonorum possessionis liberis & parentibus præfinitum est tempus *anni utilis*; cæteris dantur *centum dies utiles*.

Titulus 10.

Quando non petentium partes Petentibus accrescant.

VTi jure civili pars deserta accrescit ei, qui hereditatem agnovit, ita & jure Prætorio, *non agnita possessione* a quibusdam, intra definitum tempus, aliis ejusdem gradus, qui eam agnoverunt, accrescit portio deficientium; nec opus iterum adire judicem, sufficit enim una agnitio.

Titulus 11.

De Bonorum Possessione secundum tabulas.

VIdendus libri 37. Digestorum titulus 11. ejusdem inscriptionis,

Titulus 12.

De Bonorum Possessione contra tabulas, quam Prætor Liberis pollicetur.

VIdendus libri 37. Digestorum titulus 4. *De Bonorum Possessione contra tabulas.*

Titulus 13.

De Bonorum Possessione contra tabulas Liberti, quæ Patronis Liberisq; eorum datur.

Datur bonorum possessio *Patronis, Liberisq; eorum*, adversus testamentum Liberti. *Denegatur* tamen certis casibus: uti si patronus libertum capitali crimine accusavit; si, connivente patrono, libertus cum ancillis vel colonis Principis consortium habuerit: si patronus remiserit jus patronatus, ac liberam testamenti factionem liberto concesserit.

Cessat

Cessat etiam hæc bonorum possessio, si libertus minus centum aureis in bonis habeat. Item, liberi ipsius liberti, patrono præferuntur. Per hanc bonorum possessionem, patronus scripto heredi olim abstulit, semissem; sed hodie, ex Justiniani constitutione, capiat solum trientem. Sed, si scriptus heres nec adeat, nec bonorum possessionem petat, Patronus assem obtinebit.

Titulus 14.

Vnde Liberi.

Videndus libri 38. Digestorum titulus 2. *Si tabule testamenti nullæ extabunt, unde Liberi.*

Titulus 15.

Vnde Legitimi, & Vnde Cognati.

Videndus libri 38. Digestorum titulus 7. *Vnde Legitimi; itemq; titulus 8. Vnde Cognati.*

Titulus 16.

De Successorio Ediçto.

Videndus libri 38. Digestorum titulus 9. ejusdem inscriptionis.

Titulus 17.

De Carboniano Ediçto.

Videndus libri 37. Digestorum titulus 10. ejusdem inscriptionis.

Titulus 18.

Vnde Vir & Vxor.

Videndus libri 38. Digestorum titulus 11. ejusdem inscriptionis.

*Titulus 19.***De Repudianda Bonorum Possessione.**

Is repudiat bonorum possessionem, cui delata est. Vnde pupillo delatam, non Tutor, sed Pupillus, tutore auctore, potest repudiare, & filio familias delatam, pater repudiare nequit in fraudem filii. Servo tamen delatam, dominus repudiare potest; quia per servum defertur domino, & servus pro nullo habetur.

Qui repudiavit, statim a bonorum possessione repudiata excluditur, licet tempora, ad petendum præstituta, nondum præterierint, ac cæteri admittuntur. Inter hos ipse quoque admittetur, qui repudiavit; v. c. Filius repudiavit bonorum possessionem, Vnde liberi; hanc igitur amplius petere non potest. Sed, si alii liberi non sint, agnatis defertur bonorum possessio, Vnde legitimi. Ergo idem filius, qui ob repudiationem non potest petere, Vnde liberi, recte petet, Vnde legitimi: vel, si emancipatus fuerit, & nulli sint agnati, recte petet, Vnde Cognati.

*Titulus 20.***De Collationibus.**

Hic titulus bene inscribitur in plurali numero, de Collationibus, quia complectitur titulum 6. libri 37. Digestorum *de Collatione bonorum*, & tit. 7. ejusdem libri, *de Collatione Dotis*.

*Titulus 21.***De Testamento Militis.**

Videndus libri 29. Digestorum titulus 1. ejusdem inscriptionis.

Titulus 22.

Qui Testamenta facere possunt, vel non.

Videndus libri 38. Digestorum titulus 1. *Qui Testamenta facere possunt, & quemadmodum Testamenta fiant.*

Titulus 23.

De Testamentis, & quemadmodum Testamenta ordinentur.

Facit huc titulus Digestorum jam modo allegatus.

Titulus 24.

De Heredibus instituendis, & quæ personæ heredes institui non possunt.

Videndus libri 28. Digestorum titulus 5. *De Heredibus instituendis.*

Titulus 25.

De Institutionibus, & Substitutionibus, seu Restitutionibus, sub conditione factis.

Omnes ultimæ voluntates conditionales in hoc titulo conjunguntur. In Digestis vero, de Conditionibus institutionum & directarum substitutionum, agitur l. 28. t. 7. De Conditionibus autem legatorum & fideicommissorum l. 35. t. 1.

Titulus 26.

De Impuberum & aliis Substitutionibus.

Videndus libri 28. Digestorum titulus 6. *De Vulgari & Pupillari Substitutione.*

Titulus 27.

De necessariis Servis heredibus instituendis, vel substituendis.

Heredes aut sunt Necessarii, aut Sui, aut Extranei. *Necessarii*, sunt servi proprii, qui, velint nolint, heredes esse coguntur. Olim autem non recte servus heres instituebatur, nisi cum libertate; quia non est testamenti factio, nisi cum civibus Romanis. Hodie, non adscripta libertate, servus heres institutus, nihilominus libertatem consequitur, quia, qui vult consequens, necessario vult & antecedens, uti se habet libertas respectu hereditatis; nisi tamen conditionem libertati appositam implere neglexerit servus institutus, nam sic privabitur & libertate, & hereditate. Casualis conditio non impleta, relinquit quidem servo libertatem salvam, ne ei obsit casus, non tamen hereditatem, quæ ad substitutum, aut alios devolvitur; nisi hereditas solvendo non sit, tunc enim servus eam agnoscere cogitur.

Titulus 28.

De Liberis præteritis vel exheredatis.

Inter cætera, quæ in testamento desiderantur, præcipuum jus est, in *Liberis heredibus instituendis, aut exheredandis*: atque sunt quidem liberi Jure Civili Necessarii heredes, sed Jure Prætorio beneficium abstinendi habent.

Institui voluit Lex Liberos heredes, ut hoc modo in iis confirmaretur dominium per voluntatem patris: *Exheredari vero eos voluit*, ut ab illo per aliquem actum exteriorem removerentur, ne alias procederet dispositio legis, dominium in liberis continuans.

In Exheredationis Forma variatum. Nam olim Masculi nominatim erant exheredandi; *Fæminas* sufficiebat inter cæteros exheredare. *Posthumorum* præteritio rumpebat testamentum nativitate, unde & horum exheredatio admissa; *Fœminarum* vero inter cæteros, dummodo iis aliquid relinqueretur, ne præteritæ per oblivionem viderentur. *Emancipatorum*, quia extra potestatem erant, non habebat rationem Lex Civilis; at Prætor eos agnovit & suis exæquavit; ideoque si non instituantur heredes, jussit eos exheredari; masculos quidem nominatim, sive filii, sive nepotes fuerint, fœminas saltem inter cæteros; alioquin eis pollicebatur bonorum possessionem contra tabulas.

Jure Novo mutatio contigit, & sublata sexus ac potestatis differentia, omnes Liberi, tam fœminæ quam masculi, tam emancipati quam sui, tam nati quam posthumi, sive natura sint liberi, sive lege tantum, sunt heredes instituendi, aut nominatim exheredandi.

Titulus 29.

De Posthumis heredibus instituendis,
vel exheredandis.

Videndus libri 28. Digestorum titulus 2. *De Liberis & Posthumis heredibus instituendis, vel exheredandis.*

Titulus 30.

De Jure deliberandi, & de adeunda vel
acquirenda hereditate.

EXtranei heredes dicuntur *adire* hereditatem; Sui, vel Necessarii, se immiscere, vel acquirere. Videndus l. 29. ff. tit. 2. de acquir. vel omit. hered. itemque l. 28. tit. ult. de jure deliberandi.

Titulus 31.

De Repudianda vel Abstinenda Hereditate.

Rursus, Extranei dicuntur *repudiare* hereditatem, Sui, vel Necessarii, *abstinere*, vel *omittere*. Videndus iterum *libri 29. D. tit. 2.*

Titulus 32.

Quemadmodum Testamenta aperiuntur, inspiciantur, & describantur.

Videndus libri 29. Digestorum titulus 3. ejusdem inscriptionis.

Titulus 33.

De Edicto Divi Adriani tollendo, & quemadmodum scriptus heres in possessionem mittatur.

Augustus Cæsar, extrema fere ætate, duas tulit leges, augendi ærarii causa: *Juliam*, de Vicesima hereditatis; & *Papiam*, de Caducis. *Legis Julia vicesimalis* duo fuere capita: *Primum*, ut hereditatis testamento relicte pars vicesima ad fiscum pertineret: quod onus, quia grave, posteriores Impp. varie sunt moderati. *Secundum* caput erat, ut testamentum statim aperiatur, ne mora fiat creditoribus, aut legatariis, aut fisco, vestigal illud, id est vicesimam ex testamento, expectanti. Hæc duo capita confirmata fuere edicto D. Adriani, eo præterea addito, ut heres testamento scriptus, desiderans in possessionem rerum hereditariarum mitti, nonnisi intra annum mittatur, & quidem in earum rerum possessionem, quas testator tempore mortis habuit, non autem earum,

H h

quæ

quæ legitimo modo ab alio detinentur. A Justiniano sublatum fuit vectigal illud de vicesima parte præstanda; quin &, sublata temporis præscriptione, introductum, ut heres constitutus possit a iudice competenti quodocumque mitti in possessionem earum rerum, quæ testatoris fuerunt mortis tempore, postquam iudici obtulit testamentum, non cancellatum, aut imperfectum, sed solemne, quodque in exteriori figura, specie, & inscriptione, videatur jure factum. Non obstat autem, si dicatur laborare alio vitio, puta, si inofficiosum, vel ob filium præteritum nullius momenti dicatur.

In possessionem mittitur heres scriptus, sive ex asse, sive ex parte.

Heres ibi in possessionem mittitur, ubi sunt res hereditariæ: nec potest impediri missio in possessionem per appellationem; hæc enim non recipitur.

Per hanc missionem non fit præjudicium iis, qui controversiam faciunt heredi scripto; quia nihilo secius ea controversia legitime terminabitur.

Titulus 34.

Si quis aliquem testari prohibuerit,
vel coegerit.

Videndus libri 29. Digestorum titulus 6. ejusdem inscriptionis.

Titulus 35.

De his, quibus ut indignis hereditas auferitur, & ad SCtum Silanianum.

Heredi auferitur hereditas, si inultam necem defuncti reliquerit; item, si, ex parte scriptus, testamentum falsum dixit per calumniam; nec minus, si te-

si testator in Codicillis, vel per epistolam, cum declaraverit indignum, quem in testamento heredem scripserat. Idem fit, si heres contra SCtum Silanianum prius hereditatem adierit, vel bonorum possessionem petierit, vel se bonis miscuerit, quam de Servis quaestio habita sit, ob testatoris necem; qua de re videndus libri 29. Digestorum titulus 5. *De SC. Silan. & Claud. & quorum testam. non aper.*

Titulus 36.

De Codicillis.

Videndus libri 29. Digestorum titulus 7. *De Jure Codicillorum.*

Titulus 37.

De Legatis.

Videndi Digestorum libri 30. 31. 32.

Titulus 38.

De Verborum Significatione.

Quia non raro accidit, ut vel ex verbis testatoris, vel ex significatione expressioneq; rerum ab eo legatarum, quid, aut de qua re senserit, dubitetur, ideo in hoc titulo dubiorum quorundam verborum intellectus aperitur; atque notandae sunt Regulae, quae traduntur *D. de Legatis 3.*

Titulus 39.

Si omissa sit causa Testamenti.

Videndus libri 29. Digestorum titulus 4. *Si quis, omissa causa testamenti, ab intestato, vel alio modo possideat hereditatem.*

*Titulus 40.***De indiſta Viduitate, & Lege Julia Miſcella tollenda.**

Sæpe contingit, ut Conjux Conjugi leget ſub conditione, ſi in viduitate permanſerit, ſeu, ſi ad ſecundas nuptias non tranſierit. Hoc caſu Lex *Julia Miſcella* (ſic dicta, ſecundum quosdam, ab auctore Julio Miſcello; ſecundum alios, probabilius ex eo, quod multa, varia & miſcellanea ſimul complectatur) conditionem remittebat, ita ut liceret intra annum Legatum capere, & ad ſecundas nuptias tranſire, jramento præſtito, quod liberorum procreandorum cauſa id faceret: poſt annum vero legatum concedebat præſtanti *Cautiorem Mucianam*, de nuptiis non contrahendis: uti enim in aliis caſibus, ita & in hoc, conditio in non faciendo conſiſtens, impleta videtur, ſi præſtita ſit cautio Muciana. Juſtinianus autem l. 2. & 3. hanc legem ſuſtulit, & omnino conditionem viduitatis remittit. Sed, noviffime Nov. 22. conſtituit, ut legatum, ſub conditione viduitatis relictum conjugi, intra annum capi non poſſit; poſt annum ita demum capiatur, ſi cautio Muciana præſtita fuerit.

*Titulus 41.***De his, quæ Poenæ nomine, in Teſtamento vel Codicillis, relinquuntur.**

Videndus libri 34. Digefforum titulus 6. *De his, quæ poenæ cauſa relinquuntur.*

*Titulus 42.***De Fideicommiſſis.**

Videndus libri 2. Inſtitutionum titulus 23. *De Fideicommiſſariis Hereditatibus:* & ſequens titulus

lus 24. *De singulis rebus per Fideicommissum relictis.*

Titulus 43.

**Communia de Legatis & Fideicommissis,
& de in Rem missione tollenda.**

Legata & Fideicommissa habent quedam communia. 1. Tam ex Fideicommissis, quam ex Legato, dantur tres Actiones, Rei vindicatio, Actio in personam ex testamento, & Actio hypothecaria; sublatumque est discrimen, quod olim erat inter varia legandi genera, i. e. per Vindicationem, per Damnationem, Sinendi modo, & per Præceptionem. Sublata quoque est sollemnis in rem missio, quæ fideicommissi nomine fiebat, cum heres non esset solvendo. 2. Legata & Fideicommissa in omnibus & per omnia sunt inter se exæquata. 3. Si hi, quibus testator optionem reliquit, in eligendo, dissentiant, sorti res committitur. 4. Si testator electionem extraneo commiserit, isque noluerit, vel non potuerit eligere, electio Legatario vel Fideicommissario competit. 5. Rem legatam, vel per fideicommissum relictam, Heres, in damnum Legatarii vel Fideicommissarii, alienare nequit; excepta causa dotis, vel donationis propter nuptias, si forte liberorum legitima, doti vel donationi constituendæ non sufficiat. Nov. 39.

Titulus 44.

De Falsa Causa, adjecta Legato vel Fideicommissis.

Legatis & Fideicommissis, vel Causa, vel Demonstratio, vel Modus, vel Conditio adjicitur.

Hb 3

Causa,

Causa, est significatio rationis, quare res quæq; legetur: v. c. Quia me absente Titius negotia gessit, ideo Stichum ei do lego. aut: Rogo, ut post mortem tuam restituas hereditatem meam Titio, quia negotia mea curavit. Quod si hæc causa falsa sit, quia negotia testatoris non gessit, nec ea curavit, nihilominus legatum & fideicommissum debetur; neq; enim in causa adjecta subsistit testatoris mens, sed in mera puraq; liberalitate.

Demonstratio, (de qua Imp. similiter in hoc titulo agit, etsi in Rubrica nulla ejus sit mentio) est rei legatæ designatio: v. c. Equum meum, quem a Sejo emi, do lego. Non vitiat autem legatum falsa demonstratio, quia signandæ rei demonstratio adhibetur. Quod si ergo alio quovis modo intelligi possit, qua de re vel homine senserit testator, nihil interest.

Titulus 45.

De his, quæ sub modo Legata, vel Fideicommissa relinquuntur.

Videndus libri 35. Digestorum titulus 1. *De Conditionibus, & Demonstrationibus, & Causis, & Modis eorum, quæ in testamento scribuntur.*

Titulus 46.

De Conditionibus insertis tam Legatis, quam Fideicommissis, & Libertatibus.

Facit huc titulus jam modo allegatus.

*Titulus 47.***De Usuris, & Fructibus Legatorum,
seu Fideicommissorum.**

DE *Fructibus & Usuris Legatorum* ita statuitur, ut fructus atq; usura rerum legatarum, ante aditam hereditatem, cedant heredi; nisi *Universitas*, quæ ex distantibus corporibus constat, relicta sit: quia tunc fructus, non ut fructus, sed ut augmentum, & pars legati corporis, legatarium ex die mortis sequuntur: veluti equitio legato, incrementa gregis, fœtus accedunt.

Similiter eo casu fructus ad legatarium ante aditionem pertinent, cum heres aditioni *moram* fecit, quam videtur fecisse, si interpellatus fuerit opportuno loco & tempore. Neque enim tardior hereditatis aditio heredi lucrosa, aut legatario damnosa esse debet; alioqui in legatarii fraudem semper tardius hereditatem adiret. At vero, in mora non est Heres, si justam habeat litigandi causam, veluti, quod Falcidiam deducere intendit.

Legatis & Fideicommissis, propter moram debitoris, accedunt usuræ & fructus: quamvis enim bonæ fidei non sint, tamen, quoad usuras & fructus præstandos, comparantur causis bonæ fidei.

*Titulus 48.***De Incertis Personis.**

Olim legatum aut fideicommissum, *Incertis Personis* relictum, peti non poterat, nisi sub certa demonstratione relictum esset: veluti, Qui ex meis agnatis, qui nunc sunt, primus in Capitolium ascendet, ei centum do lego. Solutum tamen, non repe-

tebatur per conditionem indebiti, tanquam naturaliter deberetur. Hodie, ex Justiniani constitutione, indistincte peti potest, quod incertæ personæ legatum; tutor tamen incertus inutiliter datur.

Titulus 49.

Ad SCtum Trebellianum.

Videndus libri 36. Digestorum titulus 1. ejusdem inscriptionis.

Titulus 50.

Ad Legem Falcidiam.

Videndus libri 35. Digestorum titulus 2. ejusdem inscriptionis.

Titulus 51.

De Caducis tollendis.

VT lege Falcidia & SCto Trebelliano legata & hereditates diminuuntur, ita & Lege Papia non solum minuebantur, sed & integra legata & hereditates totæ fisco cedebant, ut impendiis bellorum subveniretur. Lata *Lex Papia*, quæ & *Poppæa* dicitur, temporibus Augusti, M. Papio Mutilo, & Q. Poppæo Coss. Ejus legis plura fuerunt capita. Imprimis cavebatur, ut decima pars eorum applicaretur Fisco; quæ conjux moriens sine liberis, conjugi reliquisset. Item cavebatur, ut extraneus heres vicissimam hereditatis partem fisco deferret. Cavebatur itidem, ut, si scriptus heres, vivo adhuc testatore moreretur, vel eo mortuo ante apertas tabulas deficeret, nihil ejus heredibus competeret, sed bona omnia tanquam caduca fisco addicerentur, vindicarenturq; legata caduca, & quasi caduca; unde hæc lex *Caducaria* dicta.

Verum Justinianus eam legem penitus abrogavit, ut, quod belli calamitas introduxisset, pacis lenitas sopiret.

Titulus 52.

De his, qui ante apertas tabulas Hereditatem transmittunt.

LEx Papia onera quædam induxerat in testamentis, & inter cætera vicesimæ vestigal: h. e. si quis heres institutus fuisset, is, priusquam hereditatem adiret, vicesimam ejus partem fisco dare cogebatur.

Huic legi ne qua fraus fieret, ante apertas a Judice tabulas, nulla hereditas adiri poterat, eaq; non adita minime transmittebatur ad successores instituti heredis, sed cadebat in fiscum: quoniam ea præsumitur instituentis voluntas esse, ut illi, quem instituit, solum consultum velit. Quo pertinet juris regula, quod, cum nihil juris penes heredem fuerit ante aditionem, nihil possit transmittere, l. 54. D. de R. J. Sed excipiuntur relicta liberis testatoris; hæc enim illi indistincte ad liberos suos transmittunt.

Titulus 53.

Quando dies Legati vel Fideicommissi cedit.

Videndus libri 36. Digestorum titulus 2. ejusdem inscriptionis.

Titulus 54.

Vt in Possessionem Legatorum vel Fideicommissorum causa mittatur, & quando satisfdari debeat.

Videndus libri 36. Digestorum titulus 4. *Vt in possessionem Legatorum vel Fideicommissorum*

Hb 5

ser.

servandorum causa esse liceat. Itemq; ejusdem libri titulus 3. Ut Legatorum seu Fideicommissorum servandorum causa caveatur.

Titulus 55.

De Suis & Legitimis liberis, & ex Filia Nepotibus, ab intestato venientibus.

Post successionem testamentariam, recto ordine agitur de *Successione Legitima*; cujus duo sunt ordines: In *primo ordine* vocantur Sui & Legitimi heredes, nec non, qui pro suis habentur, ut Nepotes ex filia, & cæteri descendentes ex fœminis.

Sui & Legitimi, *conjunctim* accipiendi in hac rubrica, non *disjunctim*, ut alibi.

Descendentibus ex fœminis, si concurrant cum suis heredibus, tertia pars jure Codicis adimitur, eaque suis heredibus attribuitur. Sed, novissimo jure Nov. 18. constitutum, ut, sublata tertiæ partis detractio, æque descendentes ex fœminis succedant, ac descendentes ex masculis.

Titulus 56.

Ad Senatusconsultum Tertullianum.

Videndus libri 38. Digestorum titulus 17. *Ad SC. Tertullianum, & Orphitianum.*

Titulus 57.

Ad SCtum Orphitianum.

Facit huc titulus Digestorum jam modo allegatus.

Titulus 58.

De Legitimis Heredibus.

Videndus libri 3. Institutionum titulus 2. *De Legitima Agnatorum Successione.*

Titu-

Titulus 59.

Communia de Successionibus.

Frequenter *Specialibus tractatibus* subjiciuntur *quædam Communia*; ceu ostendunt tituli: Communia prædiorum: Communia utriusq; judicii: Communia de legatis: Communionia de manumissionibus: Communia de Vscapionibus.

Communia Successionum sunt hæc: 1. Non potest eidem succedi ex testamento & ab intestato, nisi sit Miles. 2. Quamdiu spes est successionis testamentariæ, tamdiu cessat successio ab intestato. 3. In successione ab intestato, major habetur ratio ordinis hereditum, quam gradus. Nempe nepos, qui est in tertio gradu, præfertur Fratri, qui est in secundo gradu; quia nepos vocatur in primo ordine, frater in secundo. 4. Ab intestato successio non defertur Affini, Educatori, Hospiti. 5. Servus successores habere non potest.

Titulus 60.

De Bonis Maternis, & materni generis.

Hactenus dicta de Successionibus, spectant potius ad Patres familias, quam ad Filios familias; hi enim non tam hereditatem, quam bona aut *Peculia* relinquunt, quæ sunt vel Militaria, ut Castrensia, & quasi; vel Pagana, ut Profectitia, & Adventitia. Illorum plenum dominium est apud filios, quia eorum respectu sunt patres familias, ut recte super iis testentur; ab intestato autem Pater superstes ea occupat jure peculii.

In

In Peculio Profectitio heredem nullo modo habere potest filiusfamilias, quia est Patris pleno jure. Eadem quondam erat ratio *Peculii Adventitii*, quin & etiamnum occupatur a patre jure potestatis & peculii. Sed, in eo est differentia, quod Profectitium pleno jure est patris, in Adventitio pater habet nudum usumfructum, proprietas filio reservatur. Id primo fuit constitutum de *Bonis Maternis*, id est, quæ mater filiis reliquit; secundo, in *bonis materni generis*, id est, quæ ab avo, vel ab avia, vel ab aliis ascendentibus, per lineam maternam, profecta sunt.

Titulus 61.

De Bonis, quæ Liberis in potestate Patris constitutis, ex Matrimonio, vel alias acquiruntur; & eorum administratione.

E*A, quæ Filiusfamilias acquirit ratione Matrimonii*, eodem jure censentur cum bonis maternis, & materni generis, ut scilicet in illis patri tantum ususfructus concedatur, exceptis iis, quæ Filius vel Filia a patre donationis propter nuptias, vel dotis causa accepit: hæc enim soluto matrimonio ad ipsum Patrem, qui dedit, jure proprietatis redeunt, sunt enim profectitia.

Bonis Nuptialibus comparantur ea, quæ a *Sponso Sponse donata sunt*, ut etiam non aliter, quam quoad ususfructum, patri acquirantur. Id Justinianus produxit ad *Adventitia omnia*, quæ liberi vel sua industria, vel aliorum liberalitate consequuntur, ut similiter eorum ususfructus apud patrem permaneat, dominium autem filiisfamilias inhæret.

Titu-

Titulus 62.

De Hereditatibus Decurionum, Naviculariorum, Cohortalium militum, & Fabricensium.

D*Efficientibus omnibus Heredum Ordinibus, id est, si neque ex testamento sit successor aliquis, neque ab intestato, quia neque Suus heres sit, neque Legitimus, neque Cognatus, neque Conjux, bona tanquam vacantia Fisco deferuntur. Sed, excipiuntur hoc titulo quedam persone, quæ, quia in aliquo corpore sive universitate sunt, placuit Fisco, illud corpus præferri. Cessantibus enim testamentariis & legitimis successoribus, Decurioni succedit Curia; Naviculario, corpus Naviculariorum; Cohortali, id est præsidis apparitori, cohortales; Militi, legio, aut vexillatio, seu cuneus, in quo militabat; Fabricensi, Fabricenses: hi sunt, qui publice armorum faciendorum munere funguntur.*

C O D I C I S

LIBER VII.

Titulus 1.

De Vindicta libertate, & apud Concilium manumissione.

F*Vit olim duplex Libertas, quam servi manumissi acquirebant; una Perfecta, nempe eorum, qui fiebant Cives Romani; altera Imperfecta, quam habebant Liberti Latini, & Dedititii.*

Perfecta Libertas acquirebatur tribus modis, Censu, Vindicta, Testamento. Censu, quando servi, jussu dominorum, inter Cives Romanos censum profitebantur.

bantur : qui modus jam tempore Neronis in usu esse desuit, & in ejus locum a Constantino substitutus modus manumittendi in Ecclesia. *Vindicta* manumissus dicebatur, qui sollemniter, apud Præto-rem, virgula, quam vindictam vocabant, percussus, liber fiebat : hac enim virga Prætoria tangebatur rasum caput servi, qui rotatus, & in gyrum circumductus, pileum acciepiebat, libertatis signum.

Fiebat hujusmodi manumissio, regulariter sine causæ cognitione, quandoq; tamen *apud Concilium*, id est convocatis a Consule, Præto- re, vel Præsede provinciae Consiliariis, & causa justa coram iis probata: uti cum minor 20. annis servum suum vindicta manumittere volebat. Etenim, cum libertas sit res inæstimabilis, & semel data non possit revocari, ideo non temere, nec a quovis tribuebatur; sed prius causa manumittendi a Judicibus examinabatur, a quibus, si probaretur, non revocabatur libertas, etiamsi decretum judicum ex falsa causa interpositum diceretur.

Titulus 2.

De Testamentaria Manumissione.

*V*idendus libri 40. Digestorum titulus 4. *De Manumissis Testamento.*

Titulus 3.

De Lege Fusia Caninia tollenda.

*L*ex *Fusia Caninia*, Augusti temporibus lata, modum imposuit libertatibus testamento relictis, ita nimirum, ut in testamento, a duobus servis usque ad decem, liceret dimidiam eorum partem manumittere; a decem usque ad triginta, tertiam; a triginta usque ad centum, quartam; a centum usque ad quingentos, quin-

quintam; & deinceps ultra centum, non esset licentia servos manumittendi. Nimirum coercenda videbatur morientium libertas, ne heredibus parum relinquerent.

Justinianus legem Fusiam Caniniam sustulit, quia impediabat libertatem, cujus magnus favor est, cum Reip. intersit abundare liberis hominibus.

Titulus 4.

De Fideicommissariis libertatibus.

Libertates non solum jure directo, sed & per Fideicommissum relinqui possunt, & quidem largius, quam directo: nam, non tantum proprio, sed & alieno servo per fideicommissum libertas dari potest; atque cogitur heres servum alienum justo pretio redimere, & ad libertatem perducere. Quod si dominus oblato justo pretio nolit illum vendere, expectandum erit, donec emendi occasio detur. Placuit etiam ei, qui in utero est, jure tam directo, quam per fideicommissum, libertatem relinqui posse.

Minor tamen 20. annis, nec jure directo, nec per fideicommissum, libertatem supremis tabulis relinquere potest, nisi ex justa causa id faciat, quam in concilio probare potuisset, si inter vivos manumisisset. Sed hodie ea ætate, qua quis testamentum facere potest, potest & libertatem relinquere.

Titulus 5.

De Dedititia libertate tollenda.

EX jure veteri *Libertinorum status erat tripertitus*, cum *Ingenuorum* unus esset. Nam, qui manumittebantur, modo majorem & perfectam consequerentur libertatem, & fiebant *Cives Romani*; modo mediocrem, & fiebant *Latini Juniani*, qui quidem liberi

liberi erant, sed non cives Romani; modo inferiorem, & fiebant *Dedititii*, ex L. *Ælia Sentia*, ita dicti ab hostium similitudine, qui se suaq; victi dediderant. Namq; hi, ante manumissionem, quoquo modo factam, vinculis in ergastulo victi fuerant a domino, pœnæ causa, propter delictum, vel torti, vel traditi, ut cum bestiis depugnarent. Neque hi, ut Latini, adspirare ad civitatem Romanam poterant, sed toto vitæ tempore servitutis jugo premebantur, ac demum post mortem, censebantur liberi, & peculium eorum cedebat heredibus, non autem patronis.

Justiniano placuit unum esse libertatis genus; itaq; omnes liberos in civitatem Romanam retulit, & hoc titulo libertatem dedititiam sustulit e medio.

Titulus 6.

De Latina libertate tollenda, & per certos modos in Civitatem Romanam transfusa.

Latinam Libertatem hoc titulo tollens Justinianus, constituit, ut quibus modis olim fiebant manumissi Latini, id est, si inter amicos, vel per epistolam manumitterentur, his modis hodie fiant cives Romani. Novissime autem constituit, ut omnes manumissi non solum sint cives Romani, sed etiam ingenui, salvo jure Patronatus. Nov. 78.

Titulus 7.

De Communi Servo manumisso.

Servus, ex duobus dominis, servum communem manumittat, jure veteri partem suam amittebat, eaque socio accrescebat, videlicet, si vindicta, vel censu, vel testamento manumittat; nam, aliter manumittendo, nihil actum.

Ex Justiniani constitutione, servus, quocunq; modo ab uno ex dominis manumissus, liber fit; sociis autem manumissor, pro illorum partibus, quas vendere coguntur, justum pretium præstare tenetur.

Titulus 8.

De Servo pignori dato manumisso.

Dominus, qui Servum suum specialiter pigneravit, non potest eum invito creditore manumittere, sive sit solvendo, sive non solvendo. Qui vero generali rerum suarum hypotheca servum quoque est complexus, eum nihilominus manumittere potest.

Titulus 9.

De Servis Reipublicæ manumittendis.

Possunt quoq; Servi Reip. & cujusvis Universitatis, decreto totius ordinis, manumitti. Ea manumissione perveniebant ad civitatem Romanam, & poterant justas nuptias contrahere, atq; Liberi ex iis procreati, ingenui nascebantur.

Titulus 10.

De his, qui a non-domino manumissi sunt.

Qui non est Servi dominus, non potest eum directo manumittere, nisi domino consentiente, vel ratum habente; per fideicommissum autem potest.

Titulus 11.

Qui manumittere non possunt, &, ne in fraudem Creditorum manumittatur.

Interdum dominus non potest servum suum ad libertatem producere, veluti si in fraudem Creditorum, contra legem Æliam Sentiam, manumittere velit.

Titulus 12.

Qui non possunt ad Libertatem pervenire.

Quidam frustra manumittuntur, quia non possunt ad libertatem pervenire, sed post manumissionem servi manent: uti damnati ad perpetua vincula, & quos dominus in testamento prohibuit manumitti.

Titulus 13.

Pro quibus causis Servi pro præmio libertatem accipiunt.

Quod superiori titulo dicitur, quosdam servos non posse manumitti, id Exceptionem patitur, nisi, ob aliquod factum, servi pro præmio libertatem accipere debeant, uti si raptorem virginis, vel desertorem militiæ detexerint.

Titulus 14.

De Ingenuis manumissis.

Ingenuus manumissus non fit libertinus, sed manet ingenuus, quia manumissio natalibus non officit.

Titulus 15.

Communia de Manumissionibus.

Nova quædam omnibus Manumissionibus communia, hoc titulo constituuntur. 1. Si tam Proprietarius, quam Fructuarius, servo libertatem dederint, liber fit pleno jure. Proprietario solo manumittente, fit quidem liber, & manumittentis libertus, sed, quam diu usufructus durat, apud Fructuarium manet, quali servus. Fructuario solo libertatem tribuente, manet servus Proprietarii; sed, nisi Fructuarius ei

cesserit usumfructum, servus ei servire, quam diu Fructuarius vivet, non cogetur. 2. Parentes per quoscunq; liberos manumittere servos suos possunt. 3. Minor 30. annis, quocunq; modo manumissus, sit civis Romanus. 4. Si quis, sine uxore constitutus, ancillam in concubinato habuit, nisi de ea tanquam serva disposuerit, moriens censetur ei tacite libertatem relinquere, nec non liberis, si quos ex ea procreavit.

Titulus 16.

De Liberali causa.

Videndus libri 40. Digestorum titulus 12. ejusdem inscriptionis.

Titulus 17.

De Assertionione tollenda.

Cum quis servus dicitur, quia servus nec per se, nec per procuratorem in judicio stare potest, opus fuit *Assertore*, qui suo periculo causam ageret, & satisficeret iudicio sibi, & res salvas fore, quas is tenet, qui servus esse dicitur. Sed *Justinianus* hoc titulo *Assertionem* tollit, ei, qui ex libertate in servitutem vindicatur, permittens, per se, vel per procuratorem, litigare; ei vero, qui ex servitute in libertatem assertitur, per se causam agere.

Titulus 18.

Quibus ad Libertatem proclamare non licet, & de Rebus eorum, qui ad Libertatem proclamare non prohibentur.

Peculium, seu bona ejus, qui de suo litigat, apud *Sequestrum* deponuntur, si ex servitute proclamet in libertatem.

Titulus 19.

De Ordine Cognitionum.

Judicium Liberale vocatur *Præjudicium*, quia, si cum alio quocunq; , five civili, five criminali, concurrat, ante illud agitur, eiq; præjudicium facit.

Titulus 20.

De Collusione detegenda.

Videndus libri 40. Digestorum titulus 16. ejusdem inscriptionis.

Titulus 21.

Ne de Statu Defunctorum post quinquennium quærat.

Videndus libri 40. Digestorum titulus 15. ejusdem inscriptionis.

Titulus 22.

De longi temporis Præscriptione, quæ pro Libertate, & non adversus Libertatem opponitur.

Qui longo tempore, i. e. annis decem inter præsentis, 20. inter absentes, sine interpellatione, in possessione fuit libertatis, bona fide, & justo titulo, ut manumissione, ille est tutus ab omni expugnatione, & servitutis exprobratione. Secus se res habet, si mala fide fuit in possessione libertatis: unde servo fugitivo, qui se occulte pro libero gessit, non prodest longi temporis præscriptio.

Contra libertatem, ut, qui ingenuus est, constituitur servus, nihil sola temporis longinquitas, etiamsi 60. annos excesserit, quicquam potest.

Titulus 23.

De Peculio ejus, qui Libertatem meruit.

INter vivos manumisso, *peculium*, nisi adimatur, tacite concessum videtur: in ultima voluntate manumisso, nisi expresse fuerit relictum, tacite censetur ademptum. Nempe, manumittens inter vivos, cum *peculium* nec sibi retineat, nec alii det, videtur id servo donare: in ultima voluntate, *peculium*, cum universo jure, ad heredem quis transmittere censetur.

Titulus 24.

De SCto Claudiano tollendo.

SVblatum est a Justiniano *SC. Claudianum*, quo cavebatur, ut mulier se alieno servo jungens, post trianam domini denunciationem, ejus dominio, una cum suis bonis, subjiceretur.

Titulus 25.

De nudo jure Quiritium tollendo.

TRiplex Veteribus fuit *Dominium*: Naturale, Legitimum, & Plenum. *Naturale*, dicebatur esse in bonis, unde dominus dicebatur Bonitarius. *Legitimum*, jure Quiritium seu Romanorum acquirebatur. *Plenum*, ejus erat, qui & legitimum & naturale dominium simul habebat. Verbi causa, cui servus venditus & emancipatus erat, is erat pleno jure dominus, &, si eum alteri venderet, & sine emancipatione traderet, nudum dominium retinebat jure Quiritium, emtor autem servum in bonis habebat.

Justiniano displicuit illa differentia domini, ita, ut hodie unusquisque sit plenissimus & legitimus dominus

servorum suorum, & aliarum rerum, quæ ad se pertinent.

Titulus 26.

De Vsucapione pro Emptore, vel pro Transactione.

V Sncapere, idem est, quod usu, h. e. possessione diuturna capere.

Ad Vsucapionem complendam requiritur 1. ut res sit in commercio, & omnino talis, ut acquiri possit. 2. Vt Possessio non sit interrupta. 3. Vt Possessio sit iusta; iusta autem erit, si eam comitetur bona fides, & iustus titulus.

Titulus, est iusta causa possessionis, seu jus, quo aliquid possidetur. Ejusmodi titulus est pro Emptore, quando res a non domino bona fide est emta & tradita.

Titulus pro Transactione est, si a non domino bona fide res sit tradita, ex causa transactionis, aut ex eadem causa, non domino consentiente, retenta sit; cum censetur a lite decedens, id jus, quod habet, in alium transferre.

Titulus 27.

De Vsucapione pro Donato.

V Idendus libri 41. Digestorum titulus 6. *Pro Donato.*

Titulus 28.

De Vsucapione pro Dote.

V Idendus libri 41. Digestorum titulus 9. *Pro Dote.*

Titulus 29.

De Vsucapione pro Herede.

VIdendus libri 41. Digestorum titulus 5. *Pro Herede vel Possessore.*

Titulus 30.

Communia de Vsucapionibus.

Quatuor in omnibus usucapionibus requiruntur:
 1. Ut res possit usucapi. 2. Continuata possessio, per tempus lege definitum. 3. Bona fides. 4. Justus titulus.

*Titulus 31.*De Vsucapione transformanda, & sublata
 differentia rerum Mancipi, & nec
 Mancipi.

EX quatuor illis, quæ ad usucapionem requiruntur, duo posteriora nunc obtinent, prout olim obtinuerunt: *duo priora sunt a Justiniano transformata*, jure antiquo correcto & emendato, per constitutionem hujus tituli.

Nempe, quod *ad Rerum Vsucapionem* attinet, *prædialia provincialia* olim non poterant usucapi, sed ex Justiniani constitutione possunt. Deinde, quod *ad tempus* possidendi attinet, olim res mobiles usucapiebantur anno, immobiles triennio. Hodie res mobiles triennio, immobiles inter præsentis decennio, inter absentes annis 20. usucapiuntur.

Res Mancipi dicebantur, quæ Mancipari poterant; *nec Mancipi*, quæ Mancipari non poterant. *Mancipatio*, erat alienatio, quæ certis verbis fiebat, libripende & quinque testibus præsentibus. *Res Mancipi*, erant

prædia in solo Italico, tam rustica, quam urbana; servitutes prædiorum rusticorum; servi; quadrupedes, quæ dorso collove domantur, ut boves, muli, equi, asini; cæteræ res nec Mancipi erant. Elephanti quoque & Cameli, quamvis collo dorsove domentur, tamen Mancipi non sunt, quia inter feras bestias referuntur.

Quoniam igitur prædia Italica, quæ Mancipi erant, usucapi poterant, provincialia vero, quæ nec Mancipi erant, usucapi non poterant; apparet, in rerum immobilium usucapione differentiam fuisse inter res Mancipi & nec Mancipi, tametsi in rebus mobilibus nullum esset discrimen. Cum autem Justinianus constituerit, prædia provincialia posse usucapi, jam, quod ad usucapiones attinet, nulla est omnino inter res Mancipi & res nec Mancipi differentia: imo Imperator hanc rerum distinctionem in totum sustulit.

Titulus 32.

De Acquirenda & Retinenda Possessione.

Videndus libri 41. Digestorum titulus 2. *De acquirenda vel amittenda Possessione.*

Titulus 33.

De Præscriptione longi temporis decem vel viginti annorum.

Quamvis Prædia extra Italiam jure civili usucapi non potuerint, Prætor tamen, æquitate id exigente, eos, qui talia prædia cum titulo & bona fide possedissent, si ab aliis in jus vocati essent, tuebatur, data eis exceptione, quæ præscriptio longi temporis vocabatur. Quin, etsi possessione excidissent, dabat eis Utilem actionem in rem, qua non tam rei dominium, quam rei utilitatem, vindicabant. Itaque *Usucapio*

ll. 12. tabb. introducta est, *Præscriptio* Jure Prætorio. Illa, directum dominium adjicit; hæc, non dominium, quod a Prætore dari non potest, sed exceptionem ex æquitate suppeditat.

Præscriptio igitur hoc loco, est exceptio, ex certi temporis possessione competens: quæ quidem, tanquam genus, plures species complectitur.

Prima species est, præscriptio longi temporis.

Longum tempus, dicitur decennium inter præsentēs, vicennium inter absentes.

Præsens dicitur, qui in eadem provincia cum parte adversa domicilium habet, ut conveniri, & interrumpi possit possessio, siue res ibi sit, siue alibi.

Absens dicitur, qui in aliena provincia habet domicilium.

Titulus 34.

In quibus causis cessat longi temporis Præscriptio.

EXceptio, quæ longi temporis præscriptio dicitur, habet tantum locum in immobilibus, non item in personalibus; uti familiæ eroscundæ, & communi dividundo, judicio non præscribitur. Etsi enim in rem tendunt, habent tamen multum personalitatis.

Cessat item præscriptio in iis, qui non tam possident, quam detinent: uti Colonus, Depositarius, Commodatarius non præscribunt, cum careant bona fide, & alieno nomine possideant, nec facerent, si suo nomine vellent possidere, cum non possint sibi mutare causam possessionis. Cessat præterea hæc præscriptio in eo, qui non possedit animo domini: veluti, si quis sumtibus suis vulneratum servum curaverit, existimans liberum esse, non poterit dominum vindicantem rejicere, non enim servum pro derelicto habuit.

*Titulus 35.***Quibus non obicitur longi temporis
Præscriptio.**

R *Atione Personarum*, longi temporis præscriptio cessat in *minore 25. annis*, quia in integrum restitui potest; cessat in *Militibus*, in expeditione occupatis; in *Absentibus* Reip. causa; itemq; *Captivis*.

Notandum, de præscriptione subduci tantummodo tempus minoris ætatis, vel expeditionis, vel captivitatis, vel absentiae; residuum vero ad præscribendum computari.

*Titulus 36.***Si adversus Creditorem Præscriptio
opponetur.**

I *N creditore, agente actione hypothecaria, specialis adhibetur distinctio.* Aut enim agit contra extraneum bonæ fidei Possessorem, aut contra extraneum malæ fidei Possessorem, aut contra Debitorem, sive heredem debitoris, aut contra posteriorem Creditorem. Primo casu, longi temporis præscriptione summovetur; in reliquis casibus, est locus præscriptioni longissimi temporis, i. e. 30. vel 40. annorum.

*Titulus 37.***De Quadriennii Præscriptione.**

P *Præscriptio Quadriennii datur primo contra Fiscum, bona quasi vacantia petentem.* Currit autem quadriennium a die, quo bona vacare cœperunt. 2. *Datur Fisco*: is enim qui a Fisco aliquid alienum accepit, titulo emtionis, vel alio justo, statim ipso jure securus

rus est, adversus dominum & creditorem hypothecarium: sed in Fiscum, intra quadriennium, Domino rei, vel Creditori, qui in ea jus Hypothecæ habuit, actio competit, quasi dolo desierit possidere.

Titulus 38.

Ne Rei dominicæ, vel Templorum vindictio, temporis Præscriptione submoveatur.

Bona Principis, quædam sunt Fiscalia, quædam vero Patrimonialia. Fiscalia, non sunt proprie Principis, sed ipsius Principatus. At, Res Dominicæ, proprie sunt in privato Principis patrimonio.

Contra Domum autem Principis, neque annalis, neque alia præscriptio temporalis datur, ad summovendam vindicationem rei dominicæ, id est, rei ad privatum Principis patrimonium pertinentis.

Quod de Templis additum in rubrica, in nulla hujus tituli lege tractatur. A veteribus Interpretibus ita accipitur, vindicari res dominicas & res templorum quocunq; tempore. Sed Cujacius intelligit vindicationem templorum, quæ ad paganos pertinuerant, & juris publici, vel rei privatæ esse cœperunt.

Titulus 39.

De Præscriptione triginta vel quadraginta annorum.

Præscriptio longissimi temporis, i. e. 30. vel 40. annorum, novis legibus inducta est, cujus non meminerunt jura Pandectarum, & priora Codicis Justiniani. Et proinde, quæ propter malam fidem, vel de-

defectum tituli, impræscriptibilia dicebantur, nunc longissimi temporis lapsu præscribuntur: veluti res furtivæ, item vi possessæ. *Conductori* tamen hæc possessio minime procedit, cum talis non suo, sed alieno nomine possideat.

Proinde jure Codicis, non habita ratione bonæ vel malæ fidei, aut tituli, omnes actiones personales, velut Mutui, Commodati, Empti, Depositi, & similes, 30. annorum spatio præscribuntur. Nimirum, in his nulla subest res corporalis, cujus usu obligatio perimatur, sed tantum est negligentia creditoris, sibi debitum non petentis, cui proinde tardius præjudicatur.

Actiones, quæ 30. annis non tolluntur, per annos 40. finem capiunt. Talis est vindicatio in servitutem. Si quis enim 40. annis mala fide in possessione libertatis fuit, si in servitutem vindicatur, recte se præscriptione 40. annorum defendet. Deinde, hujus generis est vindicatio fiscalis, qua fiscus ea, quæ habuit & amisit, vindicat, hac enim præscriptione 40. annorum repellitur. Ista tamen præscriptio, uti nec ulla alia, aliis publicis causis non nocet; uti si tributa Principis petantur, vel Adscriptitii, vel Metallarii.

Titulus 40.

De annali Præscriptione Italici contractus tollenda, & de diversis temporibus, & Exceptionibus, & Præscriptionibus, & Interruptionibus.

Annalis Præscriptio, olim in contractibus Italicis locum habebat: nam, quibus actionibus in provinciis præscribebatur 30. annis continuis, in Italia præscribebatur anno utili. Hanc præscriptionem sustu-

fustulit Justinianus, constituens, ut etiam ex contractibus, in Italia factis, personales actiones durent 30. annos.

Expositis specialiter variis Præscriptionibus, subjiciuntur, methodo Imperatori Justiniano familiari, *quedam omnibus præscriptionibus communia.*

Notandum ergo 1. Præscriptiones sumi ex diversis temporibus; de quibus est in libri 2. Digestorum titulo 12. *de feriis dilat. & divers. temp.* 2. Notandum, præscriptionem sub se complecti multas species, supra expositas, & esse speciem exceptionis. 3. Notandum, præscriptioni contrariam esse interruptionem. Omnis enim præscriptio continuatam, non interruptam, possessionem requirit.

Titulus 41.

De Alluvionibus, & Paludibus, & Pascuis, ad alium statum translatis.

AD eum, qui fundum præscripsit, pertinet etiam, *quod per Alluvionem fundo quomodocunq; accessit,* fundum enim sequitur, & neque ad fiscum, neque ad alium pertinet ullo modo, neq; separatum censetur.

Quia alluvionis incrementum valde est inconstans, ideo, aucto prædio per alluvionem, *ei novum tributum indici non potest:* nimis enim incerta est ea possessio; certæ autem, non incertæ possessioni indicitur tributum.

Hanc immunitatem meretur is, qui suis sumtibus, cura vel sollicitudine, *locum palustrem, ac sylvestrem,* ad culturam redegit.

Si per *Inundationem* priscis dominis imminutum est prædium, eatenus diminuitur tributum ante imposi-

positum, & quatenus novis dominis est auctum, augetur etiam tributum.

Titulus 42.

De Sententiis Præfectorum Prætorio.

Tanta est *Præfecti Prætorio autoritas*, ut instar Principis sententiam ferat, a qua appellatio non conceditur, sed tantum supplicatio. Etenim, qui appellat, quodammodo conqueritur de sententiæ iniquitate, non vero is, qui supplicat, cum ad clementiam Principis confugiat.

Erit *Supplicatio Principi per libellum proponenda*, eo fine, ut causa tota ex integro cognoscatur, & comperto errore retractetur sententia Præfecti, non, quamdiu in magistratu est, sed postquam eo functus est, & successorem accipit, intra biennium.

Titulus 43.

Quomodo, & Quando Judex sententiam proferre debeat, præsentibus Partibus, vel una Parte absente.

Quo Sententia valeat, regulariter requiritur, ut coram utraq, Parte dicatur: quia tantum inter præsentis valet; nisi quis post litem contestatam absit, tunc enim eo absente sententia ferri poterit.

Hoc autem casu sex imprimis observare oportet.

1. Ne judicetur die feriata.
2. Ne alio loco sententia pronuncietur, quam eo, quem judex præscripsit.
3. Ne absens, sit Pupillus indefensus, vel Adultus sine curatore.
4. Ne ob necessariam & inevitabilem causam absit.
5. Ut primum ternis literis vel Edictis, aut uno pro omnibus vocetur, deinde cognitionis die

die citetur voce præconis. 6. Ne absens damnetur tanquam contumax, qui, non est contumax.

Contumax est, qui tribus Edictis propositis, vel uno pro tribus, quod Peremptorium appellatur, literisve evocatus, præsentiam sui facere contemnit.

Cum una parte præsentem judicatur, non est omnino judicandum secundum præsentem, sed secundum eum, qui bonam causam habet; proinde etiam absens interdum vincet.

Titulus 44.

De sententiis ex Periculo recitandis.

Judex sententiam ex libello seu scripto recitare debet: is *Periculum*, seu, ut est in aliis libris, *Breviculum* appellatur.

Ergo *Sententia ipso jure non valet*, nec opus est, ut appellatione rescindatur, sequentibus casibus.

1. Si dicta fuerit, non lecta; nisi levis causa sit, præsertim vihum personarum. 2. Si libellus sit editus litigatoribus, non lectus a iudice. 3. Si recitata sit sententia ab alio, quam a iudice; nisi iudex sit Illustris, quales per officiales, vel ministros suos, eam recitare possunt. 4. Si non publice, sed in secreto loco, non præsentibus officialibus, a iudice recitata.

Sed hæc in sententiis definitivis obtinent; non autem in interlocutionibus iudicum.

Titulus 45.

De Sententiis & Interlocutionibus omnium Iudicum.

Sententia, est ipsa iudicis pronuntiatio, sic dicta, quia, quod sentit, super re proposita declarat.

Ser-

Sententia, alia est *Definitiva*, quæ finem imponit controversiæ motæ, vel toti, vel parti ejus. Alia est *Interlocutoria*, quæ & interlocutio hic vocatur, & improprie sententiæ nomine dicitur, cum sit pronuntiatio judicis, super incidenti quodam articulo, in exordio, mediove litis occurrente, interposita, principale negotium plerumq; non definiens, neq; determinans; ideo retractari & corrigi potest.

Titulus 46.

De Sententia, quæ sine certa quantitate prolata est.

Judex curare debet, ut, quatenus potest, *sententiam certam ferat*, licet petitio incerta sit, si quidem per acta sequentia ad certitudinem redacta est. v. c. Qui petit id, quod sua interest, rem incertam petit, sed quia pendente judicio probatur, quanti intersit, idcirco in summam probatam, quæ certa est, condemnare judex debet. Cum igitur judex sententiam certam ferre potest, incerta sententia non valet: veluti si dicat: Debitam quantitatem solve.

Hæc vero sententia valet, qua *Reus jubetur usuras solvere; donec sortem solvat*; quamvis incertum sit quamdiu usuræ current. Item valet sententia incerta, cum quis hereditatis vel rei partem petit.

Titulus 47.

De Sententiis, quæ pro eo quod interest proferuntur.

Cum id quod interest petitur, probatione Actoris, & sententia Judicis, certum & liquidum fieri debet.

Ejus quod interest appellatione significatur utilitas, quæ nobis adversarii culpa abest, eo quod damnum passi sumus, aut lucrum non fecimus. Itaq; interesse spectatur, vel in damno emergente, vel in lucro cessante.

Interesse spectatur, vel ex negotio certo, uti venditione fundi, quia certum est pretium, & certa res vendita: *vel ex negotio incerto*, uti ex stipulatione facti, ex qua, nisi id fiat quod promissum est, debetur id quod interest.

Priori casu, vetat Justinianus interesse æstimari ultra duplum: v. c. Si quis fundum vendidit centum aureis, interesse ob pretium tardius solutum æstimari poterit intra, non ultra summam ducentorum aureorum, in quo duplo simplum inest. Posteriori casu, suo arbitrio judex æstimabit, quanti revera intersit, &, in dubio, inclinabit in minoris summæ condemnationem.

Titulus 48.

Si a non competente Judice judicatum esse dicatur.

Sententia, ab Incompetente Judice lata, ipso jure non valet. Est autem *Judex Incompetens*, ad quem causæ cognitio & definitio non spectat.

Notandum, litigantium consensu, non posse ex non judice fieri Judicem, tantum posse fieri Arbitrum: item, posse judicem ex non competente fieri competentem; quod vocant *jurisdictionem judicis prorogari*.

In Arbitro constituendo, requiritur *consensus* non solum eligentium, sed etiam ipsius Arbitri: in juris-

K k

dictio-

• dictione autem proroganda, sufficit consensus prorogantium.

Titulus 49.

De Poena Judicis, qui male judicavit, vel ejus, qui Judicem vel Adversarium corrumpere curavit.

*J*udicis male judicantis sententia sustinetur, quia publice interest, non convelli rerum judicatarum auctoritatem. Id locum habet, quando judex per errorem vel imprudentiam male judicavit, ut citra appellationem sententia ejus rescindi non possit, sed, perinde ac si lis sua esset, ei, cujus interest, in tantum tenetur, in quantum, pro ratione erroris admissi, æquum religioni judicantis visum fuerit; non tamen infamia notatur, quia eo casu dolo caret.

At vero eo casu, quo judex pretio corruptus, aut gratia inductus, perperam judicavit, infamis efficitur, &, in solidam litis æstimationem, parti, quam læsit, tenetur; estq; sententia ipso jure nulla, quia venalis, & in mercedem a judice prolata.

Amplius, Justinianus novissime constituit, ut Judex corruptus, pecuniæ, quam eo nomine accepit, tripulum, & ejus, cujus promissionem suscepit, duplum, fisco præstet, dignitate amissa, &, si criminalis causa sit, confiscatis omnibus bonis, in exilium mittatur.

Similiter *Actor*, vel *Reus*, qui diffidentia suæ causæ, spem in corruptelam pecuniæ reposuit, amissione causæ mulctatur. *Corruptori* tamen, qui seipsum defert, & Judicis corruptionem probaverit, venia datur, ut fraudes judicum detegantur.

Titulus 50.

Sententiam rescindi non posse.

Post sententiam, sive bene, sive male latam, *jus V-
arici* parti queritur, & Judex suo officio functus
est, ideoque nec eam ipse impofterum rescindere, nec de-
cessoris sui sententiam retractare vel corrigere potest.
Quin, nec *Rescriptum Principis* locum hic invenit, quia
id subreptitium præsumitur; & ignominia notatur,
qui contra sententiam, a qua non appellavit, *Rescrip-
tum* impetrare tentat. Interest enim Reip. con-
servari rerum judicatarum auctoritatem.

Titulus 51.

De Fructibus & Litium Expensis.

Sententia non tantum de Re Principali, sed etiam
de *Fructibus*, *Litium expensis*, & aliis accessoriis
ferenda est: ne occasio detur novæ litis inchoandæ.
Nam, finita lite principali, raro admittitur contro-
versia de litis accessionibus.

Igitur *Litigator Victus*, Domino vindicanti con-
demnandus erit, non solum in rem principalem re-
stituendam, sed etiam in *fructus*, a die litis contestatæ
perceptos, quosve percipere potuit: quia, post litem
contestatam, indistincte omnes incipiunt esse malæ
fidei possessores. Aliud est in petitione hereditatis,
in qua fructus, etiam ante contestationem percepti,
deducuntur.

Debet quoque Judex Victum Victori in *Litis Im-
pensas* condemnare, vel ab earum præstatione absol-
vere; in illas nimirum expensas, quæ factæ sunt ratio-
ne temerariæ citationis, vel ratione contumaciæ, vel

ratione dilatae cognitionis, sive retardati processu, vel deniq; ratione victoriae causae.

Quod si Judex super petitis *Expensis* nihil pronuntiavit, ipse in earum aestimationem victori tenetur, nec enim hic eas novo iudicio a victo petere potest.

Regula, de condemnando Victo in expensis, officium suum perdit, quando Victus justam causam litigandi habuit, aut propter causae obscuritatem, aut propter probabilem ignorantiam facti, aut incertitudinem juris, cui causam dederunt discrepantes Doctorum sententiae.

Titulus 52.

De Re judicata.

Videndus libri 42. Digestorum titulus 1. De Re judicata, & de effectu Sententiarum, & de Interlocutionibus.

Titulus 53.

De Executione Rei judicatae.

Proprium rei judicatae est, ut *Executioni* mandari debeat. Is autem sententiam exequi potest, qui ordinariam habet jurisdictionem, & per consequens imperium mixtum, quod ei cohæret. Est enim imperii cujusdam, sententiam exequi, uti, jubere pignora capi, distrahi, & in possessionem mittere. Quamobrem Judex seu Arbitrator, a Praetore datus, sententiam suam exequi non potest, quia nullam habet jurisdictionem, sed tantum notionem, eaq; peracta, officio suo functus est. Judicis ergo delegati sententiam, exequitur iudex ordinarius, aut Praeses provinciae, qui eum dedit.

Damnato actione personali, indulgentur humanitatis causa, ad solutionem faciendam, quatuor menses.

Titulus 54.

De Usuris Rei judicatæ.

IS, qui rem judicatam persequitur, etiam *Usurarum*, post dictum quatuor mensium tempus, rationem habere debet. Nisi enim damnatus intra quatuor menses solverit, ex eo tempore debet sortis usuras centesimas.

Titulus 55.

Si plures una Sententia condemnati sint.

Si plures una sententia condemnati sint, executio contra unum in solidum fieri nequit: nec enim alter pro altero, ne quidem pro eo, qui solvendo non est, tenetur, nisi in sententia id fuerit expressum.

Titulus 56.

Quibus Res judicata non nocet.

Res inter alios judicata, aliis non nocet. Proinde, Executioni locus non est, adversus eum, qui nec per se, nec per procuratorem litigavit, nec per contumaciam absuit; contra talem enim nec iudicati actio, nec exceptio datur.

Titulus 57.

Comminationes, Epistolas, Programmata, Subscriptiones, auctoritatem rei judicatæ non habere.

Effectum & executionem rei judicatæ non habet *Comminatio nuda iudicis*, quam fecit citra causæ cognitionem. Quare, si Iudex comminatus sit, debitorem, nisi intra certum tempus solverit, postea duplum vel usuras præstiturum, non propterea du-

plum aut usurae debentur: quia non omnis vox iudicis sententia est, sed ea tantum, quae, causa cognita, ab ipso iudice, ex libello clavis descripto literis recitatur.

Idem habendum, si *Judex*, causa necdum cognita, quid fieri jubeat, sub poena: veluti si programma seu edictum poenale contra contumacem publice proponat, aut per epistolam, ad alterius debitorem conscriptam, solvere eum jubeat, aut, oblato ab adversa parte libello, statim ei subscribat, jubeatque, eandem partem adversam mitti in possessionem fundi: haec enim voluntas est potius comminantis, quam judicantis sententia.

Titulus 58.

Si ex falsis Instrumentis vel testimoniis
judicatum sit.

Interdum etiam sententia iudicis non habet effectum rei judicatae, nempe, si falsis Instrumentis vel testimoniis subnixa fuerit. Hoc maxime fit, si Testes pecunia corrupti fuerint: quamvis etiam, citra hanc corruptelam, sola falsitas sufficiat.

Hic vero necesse est, ut *condemnatus* probet, quod adversarius vel testibus corruptis, vel falsis instrumentis usus sit; item, quod in priore iudicio nulla intervenerit hujusce rei cognitio; denique, quod iudex circumventus falsi instrumenti vel testimonii fidem secutus fuerit in pronunciando: nam, si sciens hoc fecisset, maneret illum poena male judicantis.

Titulus 59.

De Confessis.

Videndus libri 42. Digestorum titulus 2. ejusdem inscriptionis.

Titulus 60.

Inter alios acta, aliis non nocere.

Quemadmodum res inter alios iudicata aliis non nocent, uti dictum supra tit. 56. ita, omnia acta gestave inter alios, aliis non possunt præjudicium facere. Vnde, licet unus, ex heredibus ejus, quem debitorem tuum fuisse significas, agnoverit debitum, proportionem suam id solvendo, non propterea ceteri coheredes ad solutionem urgentur, nisi eos debere probatum fuerit.

Titulus 61.

De Relationibus.

Videndus libri 49. Digestorum titulus 1. De Appellationibus & Relationibus.

Titulus 62.

De Appellationibus & Consultationibus.

Facit huc titulus Digestorum jam modo allegatus.

Notandum, causas a Principe decidi, vel per *Rescriptum*, vel per *Consultationem*; quo vocabulo in præsentia significatur iudicium Principis sedentis in Senatu. Alibi Consultatio accipitur pro Relatione.

Titulus 63.

De Temporibus & Reparationibus
Appellationum seu Consultationum.

Varia tempora in Appellationibus considerantur:
1. Tempus, intra quod appellare licet; de quo est in libri 49. Digestorum titulo 4. Quando appellandum sit, & intra quæ tempora. 2. Tempus, intra quod appellatio

latio est *inchoanda, sive introducenda*. Nam, appellatio a Iudice ordinario, vel a Principis delegato, intra sex vel tres menses, pro locorum diversitate, ex die, quo fuit interposita, numerandos, ab aliis vero Iudicibus intra duos menses inchoari debet. 3. *Tempus finiendæ appellationis*, quod est annus, vel, ex iustissima & inevitabili causa, biennium; quo tempore transacto, nisi lis finita sit, ex solo temporis lapsu, inutilis redditur Appellatio, & confirmatur sententia, a qua fuit appellatum.

Postquam dictum tempus introducendæ appellationis lapsum est, peti potest *Reparatio*, quæ est lapsi temporis redintegratio, ut, perinde ac si definitum tempus lapsum non esset, appellatio introduci possit. Hæc reparatio ter vel quater conceditur. Nam, post primum, secundum, & tertium lapsum, omnibus appellatoribus conceditur reparatio, & singulis reparationibus conceduntur dies 30. Si omnia prædicta tempora effluxerint, nec Appellatio inchoata fuerit, tunc is, qui a iudice ordinario, vel a Principis delegato appellaverit, intra tres menses, a die quarti lapsus computandos, Reparationem petere poterit; quod beneficium ei denegatur, qui ab aliis delegatis appellavit.

In fine cujuscunq; temporis, sive ab initio concessi, sive reparati, olim erat *unus dies fatalis*. Sed, Justinianus *decem dies fatales* fecit, id est, quinque ante lapsum, & quinque post lapsum.

Fatales dies dicuntur, quibus causa agi potest: nam, citra vel ultra dies illos, agi nequit, & causis, atque earum disceptationi, fatum quoddam inest.

Titulus 64.

Quando provocare non est necesse.

Videndus libri 49. Digestorum titulus 8. *Quæ Sententia sine Appellatione rescindantur.*

Titulus 65.

Quorum Appellationes non recipiantur.

Videndus libri 49. Digestorum titulus 5. *De Appellationibus recipiendis, vel non.*

Titulus 66.

Si pendente Appellatione mors inter-
venerit.

Videndus libri 49. Digestorum titulus 13. ejusdem inscriptionis.

Titulus 67.

De his, qui propter metum Judicis
non appellaverunt.

IS, qui pretextu *Metus* non appellat, quasi metu judicis provocare ab ejus sententia non sit ausus, non excusatur, nec potest causas appellationis persequi, nisi vim passus sit, & intra statutum appellationis tempus, contestationem, vel libellum appellationis proposuerit.

Titulus 68.

Si Unus ex pluribus appellaverit.

Quemadmodum generaliter Rescriptum Principis, in una eademq; pluribus communi causa, quamvis ad unum eorum duntaxat directum, omnibus ex æquo prodest; ita *unius condemnatorum appellatio*, aliis quoq; quamvis non appellantibus, prodesse solet.

Kk 5

non

non solum ad impediendam interea iudicati executionem, &, ut interpositam ab uno, appellationem, eam ipsi etiam prosecui possint: verum etiam ad hoc, ut unius appellantis victoria aliis quoque, qui non provocarunt, proficiat, ut, si appellatio iusta pronuntiata sit, uno appellante, sententia prior, quoad omnes condemnatos, rescindatur.

Titulus 69.

Si de Momentanea Possessione fuerit appellatum.

VT lites celerius expediantur, a sententia, de momentanea, seu, ut alibi vocatur, momentaria possessione, appellare non licet.

Momentanea possessio dicitur, quæ ex aliquo interdicto tantisper adjudicatur, dum controversia de proprietate interim agitur.

Hoc præjudicium de possessione, sæpe momento tantum, id est brevi tempore effectum habet, &, quando de proprietate iudicatum erit, proprietas ad se possessionem trahit, & effectus sententiæ de possessione finitur.

Titulus 70.

Ne liceat in una eademq; causa tertio provocare, vel post duas sententias Iudicum, quas definitio Præfectorum Prætorio roboraverit, eas retractare.

Qui semel & iterum victus est, semel & iterum potest appellare; sed, si tertio victus fuerit, non potest amplius appellare. Proinde, si tertia illa sententia lata sit a Præfecto Prætorio, quæ non per ap-
pel-

pellationem, sed per supplicationem, retractari potest, hoc casu supplicare non licebit; quia ista supplicatio est loco appellationis.

Titulus 71.

Qui Bonis cedere possunt.

Videndus l. 42. Digestorum titulus 3. De Cessione Bonorum.

Titulus 72.

De Bonis autoritate Judicis possidendis, seu venundandis, & de Separationibus Bonorum.

Quamvis missi in possessionem per primum decretum non possident, sed tantum sunt in possessione; tamen secundo decreto possessores constituuntur, non, ut ea bona retineant jure domini, sed, ut bona fide & legitime distrahant, & ex eo, quod ex bonorum venditione colligetur, creditoribus satisfiat.

Per Separationem Bonorum efficitur, ut separatim ex bonis defuncti, satisfiat creditoribus hereditariis, & ex bonis heredis, satisfiat creditoribus heredis. Videndus libri 42. Digestorum tit. 6. De Separationibus.

Titulus 73.

De Privilegio Fiscī.

Non satisfiat omnibus creditoribus hereditariis equaliter, sed prius Hypothecariorum, postea Privilegiatorum, tandem ceterorum Chirographariorum ratio habetur.

Inter Privilegiatos præcipui habentur Fiscus & Mulier. Fiscus enim privilegium seu prærogativam
habet

habet in actione personali, ita ut non solum præferatur aliis chirographariis, sed etiam privilegiatis.

Excipitur Mulier dotem repetens, cui Fiscus non præfertur, sed pari passu ambulant, ita ut prior tempore, sit potior jure.

Item excipiuntur pœnæ, in quibus exigendis Fiscus cedit omnibus damnati creditoribus.

Titulus 74.

De Privilegio Dotis.

M*ulier in dote, soluto matrimonio, repetenda, privilegium habet; quia publice interest, dotes mulieribus conservari, quo facilius nubere, & civitatem liberis replere possint.*

Hoc privilegium mulier transmittit ad filios, non ad heredes extraneos, unde secunda uxor, dotem soluto matrimonio repetens, postponitur liberis prioris matrimonii, dotem maternam, quæ tempore prior est, repetentibus.

Ratione hypothecæ, mulier etiam creditoribus privilegiatis præfertur: quia prior habetur ratio creditorum hypothecariorum, quam personalium privilegiatorum.

Titulus 75.

De Revocandis iis, quæ in fraudem Creditorum alienata sunt.

V*idendus libri 42. Digestorum titulus 8. Quæ in fraudem Creditorum facta sunt, ut rescindantur.*

CODICIS

LIBER VIII.

Titulus 1.

De Interdictis.

Videndus libri 43. Digestorum titulus 1. *De Interdictis, seu extraordinariis Actionibus, quæ pro his competunt.*

Titulus 2.

Quorum Bonorum.

Videndus libri 43. Digestorum titulus 2. *eiusdem inscriptionis.*

Titulus 3.

Quorum Legatorum.

Videndus libri 43. Digestorum titulus 3. *Quod Legatorum.*

Titulus 4.

Vnde Vi.

Videndus libri 43. Digestorum titulus 16. *De Vi, & Vi armata.*

Titulus 5.

Si per Vim, vel alio modo, absentis perturbata sit Possessio.

Si absens possessionem per vim amiserit, expulsis his, per quos possidebat, ut servis, aut libertis, aut colonis, non expectatur absentis reditus, aut ejus mandatum, sed statim redditur interdictum, his desiderantibus, qui fuerunt expulsi, etiamsi servi sint. Sed & absenti reverso datur, si forte dictæ personæ agere neglexerunt.

Quia

Quia vero de his agitur, qui, dum abessent, possessionem amiserunt, obiter additur, eis quoq; succurri, qui non per vim, *sed alio modo*, uti per rescriptum Principis, aut interlocutionem Judicis, amiserunt possessionem.

Titulus 6.

Vti possidetis.

Videndus libri 43. Digestorum titulus 17. ejusdem inscriptionis.

Titulus 7.

De Tabulis exhibendis.

Videndus libri 43. Digestorum titulus 5. ejusdem inscriptionis.

Titulus 8.

De Liberis exhibendis seu deducendis,
& de Homine libero exhibendo.

Videndus libri 43. Digestorum titulus 30. *De Liberis exhibendis, item ducendis*: ac titulus 29. *De Homine Libero exhibendo*.

Titulus 9.

De Precario, & Salviano Interdicto.

Videndus libri 43. Digestorum titulus 26. *De Precario*: itemq; titulus 33. *De Salviano Interdicto*.

Titulus 10.

De Aedificiis privatis.

Interdictum hoc pertinet *ad privata aedificia*, ne, contra quam oportet, in alterius detrimentum exstruantur; ut in hortos non convertantur, citra consensum

sum Magistratus, & negotiandi causa non destruantur; ne deformetur aspectus civitatis: transferre tamen marmora de domo una in aliam licet.

Modus in edificando, hic servandus est, ut juxta publicas ædes, intermittatur spatium 15. pedum; inter vicinorum ædes 12. ut tali intervallo, & publicæ ædes vindicentur a periculo incendii, & privatus ædificator, destructionis quandoq; futuræ, non timeat periculum.

Titulus 11.

De Novi Operis nunciatione.

Male hic titulus vulgo adducitur, quem nec Placentinus, nec Azo agnoscit, quorum auctoritatem in titulis seu rubricis constituendis videtur quoq; Cujacius secutus esse. Cæterum de novi operis nunciatione est in libri 39. Digestorum titulo 1.

Titulus 12.

De Operibus Publicis.

Videndus libri 50. Digestorum titulus 10. ejusdem inscriptionis.

Titulus 13.

De Ratiociniis operum publicorum, & de Patribus Civitatum.

Publicorum Operum ratio reddenda est Curatoribus Reipublicæ, qui hic *Patres Civitatis* appellantur, quorum officium est, cum a Redemptoribus ipsis rationes redduntur, eas bene examinare, & discutere, atq; inspicere, num constructio vel resectio respondeat impensæ.

Titu-

Titulus 14.

De Pignoribus & Hypothecis.

Videndus libri 20. Digestorum titulus 1. *De Pignoribus & Hypothecis, & qualiter ea contrahantur, & de pactis eorum.*

Titulus 15.

In quibus causis Pignus vel Hypotheca tacite contrahitur.

Facit huc titulus Digestorum jam modo allegatus.

Titulus 16.

Si Aliena Res pignori data sit.

Pignori suas res dominus dat, non alienas, in quas alteri nihil juris; quod etiam ita procedit, ut neq; filiusfamilias patris res, eo invito, pignori obliget, neq; servus Domino, neq; Procurator, Actor, Colonus, sine consensu ejus, cujus res est.

Valet quidem emtio rei alienæ, *l. rem alienam. D. de contrab. emt.* sed non eadem pignoris ratio est: quia per emtionem, non tam in rem, quam in personam jus contrahitur, pignus autem jus in rem constituit; at res aliena sine consensu domini affici nequit.

Quod si quis rem alienam pignori dederit, tenebitur creditori Contraria Pignoratitia, & præterea extra ordinem tenebitur Crimine Stellionatus, si sciens dederit.

Titulus 17.

Quæ Res Pignori obligari possunt vel non, & qualiter Pignus contrahatur.

Videndus libri 20. Digestorum titulus 3. *Quæ res Pignori vel Hypothecæ datæ obligari non possunt.*
item

item titulus 1. *De Pignoribus & Hypothecis, & qualiter ea contrabantur, & de pactis eorum.*

Titulus 18.

Qui potiores in pignore habeantur.

Videndus libri 20. Digestorum titulus 4. *Qui potiores in Pignore vel Hypotheca habeantur, & de his, qui in priorum Creditorum locum succedunt.*

Titulus 19.

De his, qui in priorum Creditorum locum succedunt.

Facit huc titulus Digestorum jam modo allegatus.

Titulus 20.

Si antiquior Creditor Pignus vendiderit.

Regulariter potest posterior creditor, solvendo quod priori debetur, in ejus locum succedere.

Sed hoc tum demum obtinet, cum res est integra, id est, cum pignus non est venditum, aut saltem non est venditum ab antiquiori creditore, sed a debitore.

Nam, post venditionem pignoris a priori creditore factam, id neq; debitor, neq; posterior creditor, emtori auferre potest, licet pecuniam, quæ priori debebatur, offerat, nisi antiquior creditor pignus aut secundo creditori vendiderit, aut extraneo vendiderit hoc pacto, ut, si debitor emtori pretium restitueret, pignus reciperet.

Titulus 21.

Si Communis Res Pignori data sit.

Vti rem alienam, quia in eam nihil juris est, pignori dare non licet, ita *Communis quoq;* non nisi pro

LI

certa

certa parte, quæ pignerantem concernit, dari pignori potest: neq; enim res communis mea est, nisi pro parte. Fiscus tamen, rem communem habens cum privato, eam integram vendere potest ex privilegio, parte tamen pretii dominis restituta.

Titulus 22.

De Prætorio Pignore, & ut in Actionibus Debitorum missio Prætorii Pignoris procedat.

Secundum Justinianum *duplex est genus pignoris: unum*, quod ex conventionibus & pactis hominum nascitur: *alterum*, quod a Judice datur, & Prætorium nuncupatur. De priore hætenus dictum est.

Prætorium Pignus est, quod a Judice datur, ante rem judicatam, coactionis, vel rei servandæ causâ; veluti, ut cogatur dominus ædium ruinosarum cavere de damno infecto; alioquin adversarius vicinus, qui petit, mittitur in possessionem ex primo decreto, pignoris causâ. Similiter creditor, mulier, legatarius, fideicommissarius, ex edicto Prætoris, mittuntur in possessionem rerum omnium, vel unius rei, debitoris, crediti, dotis, legati aut fideicommissi servandi causâ, utq; eam rem teneant, custodiæ causâ, si debitor, vel heres non solvat, non respondeat, non caveat: sic etiam alius reus contumax est, vel latitat, & a nullo in judicio defenditur.

Hoc Prætoris decreto, non tam possessio rerum, quam custodia datur creditori, mulieri, legatario, vicino, qui simul cum debitore possidere jubentur, ut, tædio perpetuæ custodiæ, debitor satisfaciat. Atq; hæc justa est possidendi causâ, custodiæ gratia, ut
pignus

pignus habeatur, diciturq; creditor in possessione esse, sed non possessor.

Plus enim est possidere, quam esse in possessione tantum, &, qui ex edicto Prætoris mittitur in possessionem debitoris, non nanciscitur proprietatem, sed jus pignoris.

Titulus 23.

Si in causa Judicati Pignus captum sit.

Pignus Judiciale est, quod post rem judicatam jussu judicis capitur, exequendæ sententiæ causa, cum damnatus in solvendo contumax existit.

Capiuntur istius pignoris nomine, primo res mobiles, dehinc se moventes, tertio immobiles, quæ soli sunt; &, his solutioni non sufficientibus, ad nomina pervenitur.

Moribus tamen hodiernis, non semper hic ordo observatur, sed ex quibus rebus sibi citius putat pecuniam confici debitor, eas autoritate judicis per apparitorem capit, ut distrahantur.

Titulus 24.

Si Pignus Pignori datum sit.

Inter alios pignoris effectus est, quod pignori dari possit a creditore, non obstante, quod dictum est, rem alienam pignori non dari: est enim jus reale creditori, quod transferre potest, ut alienando, ita & pignerando, durabitq; pignus, donec primo creditori satisfactum fuerit, solutione vero facta, uti primi creditoris, ita & secundi jus extinguatur. Extincto enim jure dantis, extinguatur & jus accipientis, cui amplius nihil juris esse potest, quam primo erat. Habet autem secundus creditor etiam jus distrahendi,

Ll 2

sicut

sicut primus, ita ut non liceat debitori distractionem jure factam rescindere, oblata postea pecunia.

Titulus 25.

De Partu Pignoris & omni causa.

P*artus Ancillæ oppigneratæ* in pari causa est, quæ mater est: partus enim ventrem sequitur. In eadem causa sunt pecorum fœtus, & fructus fundi oppignerati: nam, re principaliter obligata, intelliguntur una obligatæ singulæ ejus partes. Hinc fit, ut jure Creditor fructus istos, quos percepit, vel percipere potuit, primo imputet in usuras, deinde in sortem, & residuum quod debetur exigat.

Causæ nomen latius patet quam fructus; quia partus ancillæ non est fructus, est tamen causa.

Titulus 26.

De Remissione Pignoris.

Quemadmodum pignoris obligatio consensu contrahitur, ita & dissolvitur, idq; fit vel expresse, vel tacite.

Expressa pignoris Remissio, fit pacto expresse; *tacita* fit, veluti si debitor, ex consensu creditoris, servum, quem oppigneraverat, manumittat, vel, si creditor chirographum, quo obligatio pignoris continebatur, reddat debitori.

Titulus 27.

Etiam, ob Chirographariam pecuniam,
Pignus teneri posse.

Extinguitur Pignus, si principalis obligatio, cui pignus accessit, solutione, vel novatione, vel alio modo soluta sit.

Si tamen Creditor pignus possideat, & ejusdem debitoris creditor sit ex alia quoque causa, in quam pignus non accepit, illud pignus retinere poterit, donec ex hac quoq; causa sibi sit satisfactum. Quamvis enim ex hac causa non habeat pignoris persecutionem, tamen, si pignus possideat, ex bono & æquo ei permessa est *pignoris Retentio*.

Titulus 28.

De Distraktionem Pignorum.

EXtinguitur quoq; pignus *Distraktionem*, cum Creditor jure pignoris vendit pignus, Debitore cessante in solutione. Quod si autem inter Creditorem & Debitorem pactum intervenerit, de distrahendo pignore, illud imprimis erit observandum.

Si nihil convenerit de *distraktionem*, intelligitur tamen hoc tacite actum, quod creditor statim possit pignus vendere, si debitor in solutione cessaverit. Sed oportet ipsi ante *denunciari* a Creditore, pignus distrahendum fore, ni solvat, & quidem testibus adhibitis; atque tum oblatio & consignatio totius pecuniæ, debitæ ante venditionem, impedit pignoris *distraktionem*.

Titulus 29.

Debitorem Venditionem Pignoris impedire non posse.

Debitor, nisi debitum solvat, non potest impedire, quo minus creditor pignus distrahat. Similiter posterior creditor non potest impedire priorem creditorem, quo minus distrahat, nisi ei debitum offert.

*Titulus 30.**Si vendito Pignore agatur.*

VEndito pignore, sæpe contingit, ut *Debitor actionem movere velit*, tam adversus venditorem, quam emtorem. Multum autem interest, utrum creditor, qui pignus vendidit, jure vendere non potuerit, an potuerit, sed mala fide vendiderit.

Priore Casu, & quando Creditor, non servato juris ordine, & refragante conventionem, ad venditionem processit, cum nulla sit venditio, debitor dominium rei sic venditæ non amittit, & consequenter eam vindicabit ab emtore, aut alio quocunq; possessore, oblato pretio, quod persolutum est creditori.

Sed, hic excipitur casus, quo possessor rem usucepit: tunc enim Actio pignoratitia Debitori contra Creditorem superest, qua consequatur rei venditæ pretium, cessante actione in rem adversus emtorem, quia Vscapione jam est effectus rei dominus.

Altero Casu, quo creditor jus vendendi pignoris habuit, sed vendidit mala fide, non observatis juris solemnibus, quæ in distrahendis pignoribus celebrari consueverunt, tum, si emtor quoque in mala fide fuerit, electionem habet debitor, utrum malit agere adversus Creditorem Actione pignoratitia, in id quod sua interest, an, rescissa venditione, rem ab Emtore consequi.

*Titulus 31.**De Luitione Pignoris.*

Pignoris distractio impeditur per ipsius *luitionem*, id est liberationem, quæ contingit naturali solutione totius debiti, vel consignatione ejus, vel depositio-

positione. Etenim partis solutione, licet obligatio principalis pro parte tollatur, nihilominus tamen totum pignus obligatum manet ut prius, adeo ut creditor non tantum possit totum pignus a possessore persequi, sed etiam id vendere.

Titulus 32.

Si Vnus ex pluribus Heredibus Creditoris vel Debitoris partem suam Debiti solverit, vel acceperit.

Manifesti juris est, *defuncto Creditore, multis relictis heredibus*, Actionem quidem personalem inter eos leg. 12. tabb. dividi pro rata, Pignus vero in solidum unicuique teneri, & uno pro parte debitum exigente, pignus in solidum, pro residuo, quod ceteris heredibus debetur, obligatum manere. Proinde, si heredi creditori exigenti debitor pro portione illius solverit, permissum est adhuc ceteris heredibus totum pignus vendere, dummodo debitori restituant, quod coheredi solvit. Nempe, conditio Pignoris ea est, ut tamdiu maneat obligatum, donec omnis pecunia soluta fuerit; neque ex persona heredum immutatur conditio obligationis.

Similiter, si sint plures debitoris Heredes, Actio quidem personalis inter eos pro singulis portionibus quaesita, quia dividua est, scinditur, pignoris autem jure multis rebus obligatis, quas diversi possident, cum ejus vindicatio non personam obliget, sed rem sequatur, quicumque pignus possident, unus, vel plures, non pro modo singularum rerum substantiae, sed in solidum, Actione hypothecaria, quae individua est, conveniuntur, ut vel totum debitum solvant, vel totum pignus restituant.

Titulus 33.

Si Pignoris conventionem numeratio pecuniæ secuta non fuerit.

Pignus luere, & pecuniam solvere opus non est, cum reus pecuniam non accepit. Ideoq; si, spe futuræ numerationis, quis cautionem emisit, qua fatetur, sibi certam pecuniæ summam esse numeratam, & in eam pignus dederit, si postea constiterit, ei pecuniam numeratam non esse, atq; ideo frustra rem pignori dedisse, poterit non tantum Pigneratitia actione, sed & Rei vindicatione, rem suam repetere.

Titulus 34.

De Jure Dominii impetrando.

Pignus tollitur, si, servatis juris solemnibus, publice & solemniter creditor pignus sub hasta proscripserit, &, cum emtorem non inveniret, a Principe dominium ejus impetraverit, post biennium, ex quo debitor condemnatus, vel ei denunciatum fuerit.

Triennium tamen, ad pignus creditori addictum recuperandum, Justinanus in l. ult. debitori concedit.

Ratio, cur Principis autoritate opus sit, hæc est, quia Magistratus sive Prætor, uti non heredem, ita nec dominum facere potest: nam Legis vel Principis est, facere heredem, vel dominum.

Titulus 35.

De Pactis Pignorum, & de Lege Commissoria in Pignoribus rescindenda.

Videndus libri 20. Digestorum titulus 1. De Pignoribus, & Hypothecis, & qualiter ea contrahantur, & de pactis eorum. Itemq; libri 18. titulus 3. De Lege Commissoria.

Injustum est pactum Commissorium, quo pignus creditori committitur, id est ejus fit; hoc sensu enim Jurisperiti verbum *committor* accipiunt: & sic merces fisco sive Principi commissæ dicuntur, ob non solum vectigal.

Injustum est hoc pactum, propter summam iniquitatem, quam continet, quia, nisi debitor die certa creditori satisfecerit, pignus, quod eo nomine obligatum est, creditori committitur pœnæ causa, seu acquiritur pleno jure, cum tamen non infrequenter res oppignerata superet quantitatem debitam. Et quamvis eam non superaret, tamen improba censi debet hæc conventio, quia re sua carere cogitur debitor, ob non solum sua die debitum, & quidem pretio non constituendo, cum, si in solutione cessasset debitor, creditor pignus distrahere queat, sed pretio constituto.

Hæc iniquitas movit *Constantinum*, ut legem hanc Commissoriam improbaret, legemq; commissoriam etiam in præteritum prohiberet, *l. 3. b. t.* cum cæteroquin leges tantum in futurum vim suam exerceant: sed excipiuntur res sua sponte & natura sceleratæ.

Titulus 36.

De Exceptionibus seu Præscriptionibus.

Videndus libri 44. Digestorum titulus 1. *De Exceptionibus, Præscriptionibus, & Præjudiciis.*

Titulus 37.

De Litigiosis.

Videndus libri 44. Digestorum titulus 6. ejusdem inscriptionis.

Titulus 38.

De contrahenda & committenda Stipulatione.

INter alia remedia, quibus negotia civilia firmari solent, sunt Stipulationes. Est autem *Stipulatio*, verborum conceptio, constans ex apta responsione ad interrogationem, de dando vel faciendo. Dicitur a *stipulo*, quod veteribus firmum denotabat; & forte stipulum a stipite descendit.

Stipulatio introducta est jure Civili, unde deportatus, cui Jus Gentium est salvum, non etiam Civile, non potest stipulari.

Forma Stipulationis consistit in verbis convenientibus interrogationi, quæ olim formalia & certa erant, hodie qualiacumque mentem exprimentia sufficiunt, etiam inter eos prolata, qui diversi sunt idiomatis, si intellectus per interpretem suppleatur: præsentibus tamen eos esse oportet, quia verba non nisi inter præsentibus fiunt; hinc scriptura quoque excluditur, nec potest a muto & surdo iniri; cum illi verba, huic auditus desint.

Titulus 39.

De Inutilibus Stipulationibus.

S*tipulatio inutilis est*, vel quia ipso jure non valet, veluti si pupillus sine tutoris autoritate promiserit; aut inter absentes facta sit: vel, quia exceptione infirmatur, ut doli, aut metus.

Titulus 40.

De duobus Reis Stipulandi & Promittendi.

Videndus libri 45. Digestorum titulus 21. *De duobus Reis constituendis.*

Titulus 41.

De Fidejussoribus & Mandatoribus.

Videndus libri 46. Digestorum titulus 1. ejusdem inscriptionis.*Titulus 42.*

De Novationibus & Delegationibus.

Videndus libri 46. Digestorum titulus 2. ejusdem inscriptionis.*Titulus 43.*

De Solutionibus & Liberationibus.

Videndus libri 46. Digestorum titulus 3. ejusdem inscriptionis.*Titulus 44.*

De Acceptilationibus.

Videndus libri 46. Digestorum titulus 4. ejusdem inscriptionis.*Titulus 45.*

De Evictionibus.

Videndus libri 21. Digestorum titulus 2. *De Evictionibus, & Dupla Stipulationibus.**Titulus 46.*

Creditorem Evictionem Pignoris non debere.

Cum Creditor in distractione pignoris partes venditoris sustineat, poterat dubitari, *an, Pignore evicto, evictionis nomine obligetur*: & decisum est hoc tit. non obligari, imo ne teneri quidem ad pretii restitutionem, cum vendiderit jure Creditoris, hoc est, eo jure, quo debitoris fuit, ut sibi imputare debeat Emptor, quod caute mercatus non sit. *Consultitur tamen Emptori, vel per Actionem utilem ex empto, contra*

tra Debitorem, quasi ipse debitor vendidisset, cui pretium acceptum profuit; vel per Actionem pignoratitiam contrariam, quam Creditor tenetur cedere Emtori. Æquissimum enim est, Emtorem id saltem consequi, quod sine dispendio creditoris futurum est.

Titulus 47.

De Patria Potestate.

VT aliquis habeat Liberos in potestate, quatuor requiruntur. 1. Vt sit civis Romanus. 2. Vt sit Masculus. 3. Vt sit Pater, vel ascendens per lineam paternam; uti enim Mater non habet liberos in potestate, ita nec avus vel proavus maternus. 4. Vt sit sui juris: nam, qui in aliena potestate est, alium habere in potestate non potest.

Quantum ad jura Parentum, qui liberos in potestate habent, attinet, 1. olim habebant jus vitæ & necis: sed hoc abolitum est, ita ut nunc patria potestas, magis in pietate, quam in atrocitate consistat. 2. Pater inops vendere filium sanguinolentum, victus & alimonie causa, potest. 3. Quicquid liberi acquirebant, olim acquirebant parentibus, in quorum potestate erant. Hodie, ex causa peculii profectitii, plenum dominium; ex causa adventitii, tantum usumfructum, & interdum ne usumfructum quidem; ex causa peculii castrensis, vel quasi castrensis, nihil patri acquirunt.

Titulus 48.

De Adoptionibus.

Videndus libri 1. Digestorum titulus 7. De Adoptionibus, & Emancipationibus, & aliis modis, quibus potestas solvitur.

Titu-

Titulus 49.

De Emancipationibus Liberorum.

FAcit hic titulus Digestorum jam modo allegatus:
itemq; libri 1. Institutionum titulus 12. *Quibus
modis jus patriæ potestatis solvitur.*

Titulus 50.

De Ingratis Liberis.

EMancipatio, non tribuit liberis eam potestatem,
ut possint impune parentem offendere: nam, si
filius vel filia, ceteriq; liberi, parentes vel atroci in-
juria, vel acerbitate convitiis affecerint, juste revocan-
tur in pristinam potestatem; quamvis Libertus ingra-
tus, etiam ob levem offensam, revocetur a Patrono in
servitutem. Hæc revocatio fit vel Actione ingrati,
vel Officio Judicis, vel Accusatione ingratitude.

*Titulus 51.*De Postliminio Reversis, & Redemptis
ab Hostibus.

Captivitas Patris vel Filii suspendit jus patriæ
potestatis, sed tali ab hostibus reverso, jus post-
liminii potestatem, ut & alia jura restituit ipso jure:
imo fingit, reversum, semper fuisse in civitate, proin-
de nihil juris amisisse.

Redempti ab Hostibus non fiunt quidem servi re-
dimentium, sed interim, donec pretium redemptio-
nis solvant, quasi quodam pignoris vinculo detinen-
tur; pretio autem soluto, beneficium postliminii ple-
nissimum habent.

Titu-

Titulus 52.

De Infantibus expositis, liberis, & servis,
& de his, qui sanguinolentos nutrien-
dos acceperunt.

Solvitur Patria Potestas, si pater filium infantem sanguinolentum, id est recens natum, exposuerit alienæ misericordiæ, quam ipse non habet. Hic igitur amittit patriam potestatem, uti Dominus exponens Servum sanguinolentum, id est recens natum, amittit dominium, nisi necessitatis causa, propter nimiam inopiam exponat.

Non propterea tamen is, qui expositum suscepit nutriendum, in locum patris, vel domini succedit, ut nutritum habeat in sua potestate; sed *lex jubet, expositum liberum & sui juris esse.*

Titulus 53.

Quæ sit longa Consuetudo.

Consuetudo, est jus, quod sine ullo scripto populus approbavit.

Ad iustitiam ejus requiritur, ut sit rationabilis, nec juri naturali, gentium, aut utilitati repugnet.

Causa efficiens consistit in consensu populi, qui ex tacitis moribus non colligitur, sed in duobus consistit, nempe in temporis diuturnitate, & actuum frequentia. Atque communiter, *duos actus*, & tempus *10. annorum*, sufficere volunt: sed satius fuerit, totum hoc Judici relinquere, ut de actibus & tempore judicet, num per ea sufficienter consensus populi indicetur.

Quidam insuper *Actus judiciales* requirunt; sed sufficiunt extrajudiciales, nam & illi notorii esse possunt, & populi consensum declarare.

Vis Consuetudinis est, ut subditos non secus ac lege obliget.

Titulus 54.

De Donationibus.

Videndus libri 39. Digestorum titulus 5. ejusdem inscriptionis.

Titulus 55.

De Donationibus, quæ sub Modo, vel
Conditione, vel certo Tempore
conficiuntur.

Modus, est causa futura, propter quam donatur, uti cum ea lege donatur, ut donatarius donatori alimenta præbeat, quæ, si præstare recusat, revocatur donatio, propter ingratum ejus animum.

Conditio, est adjectio, quæ facit, ut tum demum donatio effectum habeat, cum aliquid secutum fuerit; veluti, cum mater filiæ donat sub conditione, si a patre emancipetur.

Servanda est distinctio inter Conditionem & Modum: quod Conditio præcise sit implenda, &, donec impleatur, non habet effectum donatio. At, sub Modo facta donatio statim valet, quamvis modus impletus non sit.

Tempus quoque addi potest donationi, aut certum, veluti, ut post annum res donata restituatur donatori; aut incertum, veluti, ut post mortem donatarii proprietas rei redeat ad donatorem; vel, ut alteri tertio res restituatur.

Titulus 56.

De Revocandis Donationibus.

Donatio inter vivos perfecta revocari temere non potest. Sed Donatio sub modo revocatur, si modus

us secutus non sit : & hoc nomine datur donatori
tum vindicatio, tum conditio ob causam.

Donatio Conditionalis deficiente conditione cor-
ruit, existente conditione purificatur: idem dicen-
dum de conditione ex tempore. *Donatio vero ad*
Tempus facta, lapsu temporis finitur. At, pura do-
natio non revocatur, nisi ob ingratitudinem dona-
tarii.

Titulus 57.

De Donationibus causa Mortis.

Videndus libri 39. Digestorum titulus 6. *De Mor-*
tis causa Donationibus & Capionibus.

Titulus 58.

De infirmendis Poenis Cælibatus, Orbi- tatis, & de Decimariis sublatiis.

Cum *Lex Papia* Cælibem ex testamento extranei
quicquam capere, nisi intra centum dies a mor-
te testatoris matrimonium contraheret; orbem, ul-
tra semissem; conjugem ex testamento conjugis ul-
tra deciman vel decimas capere prohiberet, adeo ut,
quod prædictæ personæ non caperent, confiscaretur;
Senatus-Consultum idem ad Donationes mortis causa
produxit, si forte cælibi, aut orbo, aut conjugis mortis
causa donatum esset: quia hujusmodi donationes le-
gatis recte comparantur.

Sed *hodie*, Cælibatus & Orbitatis poenis sublatiis,
dictæ personæ, & legata, & mortis causa donata, sine
impedimento, capere possunt. Permissum quoque
est, decimariis legibus sublatiis, conjugis, ex testa-
mento conjugis, etiam liberis non extantibus, soli-
dum capere.

Titulus 59.

De Jure Liberorum.

QUod superiore titulo dictum est, *Conjugem non potuisse ex testamento Conjugis solidum capere, sed tantum decimam, non erat perpetuum; sed excipiebantur aliquot casus, quos inter erat, si Conjux a Principe jus liberorum impetrasset.*

At vero Imperatores *Honorius & Theodosius* generaliter omnibus conjugibus concesserunt jus liberorum, etiam non petentibus, & ut inter se, solidi ex testamento capiendi, essent capaces.

C O D I C I S

LIBER IX.

Titulus 1.

De his, qui accusare non possunt.

Accusare possunt, quicunque non prohibentur. *Prohibitionis cause multæ & variæ sunt. 1. Sexus muliebris. 2. Ætas pupillaris. 3. Militia. 4. Magistratus sive potestas ejus, quem in jus vocare non licet. 5. Delictum & infamia. 6. Turpis quæstus ejus, qui duo judicia adversus duos reos subscripta habet, numosve ob accusandum vel non accusandum accepit. 7. Status: ut, quia libertus non potest Patronum suum accusare. 8. Suspicio calumniæ, ut in eo, qui falsum testimonium dixit. 9. Paupertas ejus, qui minus quam 50. aureos in bonis habet.*

Titulus 2.

De Accusationibus & Inscriptionibus.

Videndus libri 48. Digestorum titulus 2. ejusdem inscriptionis.

*Titulus 3.**De Exhibendis & transmittendis Reis.*

Videndus libri 48. Digestorum titulus 3. *De custodia & exhibitione Reorum.*

Transmissio Rei, est vel *Necessaria*, vel *Voluntaria*.

Necessaria est, cum quis Reum, quem ipse punire non potest, ad alium transmittit, qui punire poterit; ut, militem ad Magistrum militum remittit Præses, vel Præfectus; & gravius puniendos, ad Præfectum urbi remittit Præfectus Vigilum.

Voluntaria Transmissio est, cum is transmittit, qui potest transmittere, sed & punire; ut puta Præses, eum, qui in alia provincia deliquit, comprehensum punire potest; & nihilominus potest etiam eum ad Præsidem ejus provinciae, in qua delictum est admissum, remittere, sive sponte sua, sive ab illo rogatus per literas, sive per ministrum missum, ut Reum reducat, & exhibeat.

*Titulus 4.**De Custodia Reorum.*

Videndus titulus Digestorum jam modo allegatus.

*Titulus 5.**De Privatis Carceribus inhihendis.*

Publica Vincula permessa, non item privata: in quæ aliquem conjiciens, non est extra crimen læsæ majestatis, supplicio ultimo afficiendus; uti & Judices, tale quid dissimulantes.

Licet tamen interdum, testandi delicti gratia, aliquot horis Reum detinere; uti patri invenienti filiam in adulterio; marito, uxorem.

Titu-

Titulus 6.

Si Reus vel Accusator mortuus fuerit.

Morte Rei, vel Accusatoris, accusatio finitur: nam heres, accusatoris crimen persequi non cogitur; alius tamen eundem reum accusare potest. Item heres, in pœnam non succedit.

Si plures sint Rei, uno mortuo, in alios nihilominus perficitur accusatio.

Si Reus condemnatus appellavit, & pendente appellatione decessit, extinguatur quidem iudicium, nisi specialiter per sententiam, a qua appellatum fuit, bona accusati, vel pars ejus bonorum confiscata sint: quia tunc, rei persona subducta, & capitis causa perempta, nihilominus appellationis ratio examinabitur, utrum valeat bonorum publicatio.

A Regula, qua dicitur, morte crimen rei extinguere, ac iudicium cœptum aboleri, excipitur *Crimen læsæ Majestatis, Crimen Hæreseos, Crimen Repetundarum.* Hæc enim iudicia, etiam ante litem contestatam & condemnationem defuncto Reo, contra ejus heredes exercentur.

Idem est in eo, qui conscientia criminis mortem sibi conscivit: & generaliter in omnibus gravioribus delictis, ex quibus ipso jure pœna imponitur.

Titulus 7.

Si quis Imperatori maledixerit.

Si quis modestiæ nescius, & pudoris ignarus, improbis dictis Majestatem offenderit, eum humani Principes, nullam eo nomine pœnam sustinere volunt. Quia is, aut ex quadam levitate peccavit, & sic contemnendus; aut ex infania, & miseratione dignus est;

aut ex injuria, & remittendum est crimen, id est, condonandum; non etiam, ut quidam volunt, remittendum ad Principem, ut ipse de eo statuatur; cum bonus Princeps nequeat injuria affici, ut ex Græcis interpretatur Cujacius.

Attamen, si *exempli necessitas* pœnam requirat, recte Princeps eam statuet; quo pertinent verba finalia hujus leg. un. quæ volunt, pensare debere Principem ex personis hominum, utrum dicta permitti, aut exquiri debeant; ne lubricum linguæ facile trahatur in periculum.

Titulus 8.

Ad Legem Juliam Majestatis.

Videndus libri 48. Digestorum titulus 8. ejusdem inscriptionis.

Titulus 9.

Ad Legem Juliam de Adulteriis, & Stupro.

Videndus libri 48. Digestorum titulus 5. *Ad Legem Juliam de Adulteriis coercendis.*

Titulus 10.

Si quis eam, cujus Tutor fuerit, cor-
ruperit.

Pœna Stupri regulariter est publicatio dimidiæ partis bonorum, vel corporalis coercitio, cum relegatione, pro qualitate personæ delinquentis. Sed, in duobus casibus, pœna exacerbat.

Primus est, si quis puellam stupraverit, cujus tutor fuit; hic enim bonis omnibus confiscatis deportatur.

Titulus 11.

De Mulieribus, quæ se Servis propriis
junxerunt.

Alter casus est, cum Mulier Servo suo se junxit;
nam, ipsa capite punitur, Servus crematur.

Titulus 12.

Ad Legem Juliam de Vi Publica
vel Privata.

Videndus libri 48. Digestorum titulus 6. *Ad Le-
gem Juliam de Vi publica.* Itemq; titulus 7. *Ad
Legem Juliam de Vi privata.*

Titulus 13.

De Raptu Virginum, seu Viduarum,
nec non Sanctimonialium.

Raptus, est personarum, Rapina, rerum: atque Ra-
ptus est crimen publicum; Rapina, privatum: sæ-
pe tamen hæc verborum proprietas confunditur.

Pæna hujus criminis est multiplex. 1. Illius, quæ
rapitur, Parentes, Fratres, Tutores, Curatores, Ma-
ritus, Sponsus, Dominus, Patronus, possunt rapto-
rem, deprehensum in flagranti crimine, impune occi-
dere. 2. Raptor, Comites, Ministri, & conscii cri-
minis, capite plectuntur. 3. Bona Raptori, & Co-
mitibus, qui opem tulerunt, auferuntur, &, si inge-
nua rapta sit, vel ipsi raptæ cedunt, si in mundo de-
gat; vel Monasterio, si sit Sanctimonialis. Cæteris
autem Ministris & Consociis, bona non adimuntur,
licet capitali supplicio afficiantur; nec ulli personæ,
si Liberta, aut Ancilla rapta sit; quamvis hoc etiam

casu capitali poenae locus sit. 4. Condemnatus non potest appellare. 5. Inter Raptorem & Raptam matrimonium omnimodo prohibetur; sed, jure Canonico conceditur. Est autem illa differentia inter hæc Jura, quod etiam propria sponsa & consentiens, dicitur Jure Civili rapti, adeo, ut irrogetur poena raptus; quod jure Pontificio non obtinet.

Titulus 14.

De Emendatione Servorum.

Homicidium punitur lege Cornelia. Ab ea Lege, & ejus poena, olim excipiebatur Dominus, qui Servum occiderat, quia jus vitæ & necis in servum habebat. Sed, Constitutionibus Principum, dominica potestas coarctata est, adeo, ut qui Servum suum sine causa occiderit, non minus puniri jubeatur, quam si alienum occidisset, nimirum, si animum occidendi habuit; at, si alia mente percusserit, & percussus mori contingat, dominus non punitur: competit enim domino plena coercitio servi, etiam plagis & verberibus, sic tamen, ne durius eum tractet, quam ut ferri possit; alioquin bonis conditionibus eum vendere cogitur.

Titulus 15.

De Emendatione Propinquorum.

Levior Castigatio Senioribus propinquis in juniores conceditur: sed leviora tantum eorum crimina corrigere possunt, enormia vero delicta, notationi judicis reservantur.

Titulus 16.

Ad Legem Corneliam de Sicariis.

Videndus libri 48. Digestorum titulus 8. *Ad legem Corneliam de Sicariis & Veneficis.*

Titulus 17.

De his, qui Parentes vel Liberos occiderunt.

Videndus libri 48. Digestorum titulus 9. *De Lege Pompeja de Parricidiis.*

Titulus 18.

De Maleficis, & Mathematicis, & cæteris similibus.

Hic titulus multa delicta inter se affinia & similia continet, quæ omnia subjiciuntur poenis legis Corneliæ. Nempe, huc pertinent 1. *Magi*, qui & Chaldæi & Malefici vocantur, incantationibus utentes. 2. *Mathematici*, id est Pseudomathematici, qui mathematicis disciplinis, ad suas imposturas, abutuntur, ut qui ex aspectu siderum futura prædicere profitentur. 3. *Somniorum Interpretes*. 4. *Sacerdotes*, qui illicita sacra faciunt. 5. *Harioli*, id est vaticiniorum, ut Sibyllinorum Carminum, & Delphicorum Oraculorum interpretes. 6. *Augures*, qui ex avium volatu, pastu, cantu, futura divinant. 7. *Haruspices*, qui, harugis, id est hostiis, quæ in hata concludebantur & adservabantur, inspectis, divinant.

Titulus 19.

De Sepulchro violato.

Videndus libri 47. Digestorum titulus 12. ejusdem inscriptionis.

Titulus 20.

Ad Legem Fabiam de Plagiariis.

Videndus libri 48. Digestorum titulus 15. ejusdem inscriptionis.

Titulus 21.

Ad Legem Viscelliam.

VT *Lex Flavia* Personas Ingenuorum, ita & *Lex Viscellia* eorum dignitatem tuetur, ne ipsorum ordinem libertini polluant, gerentes se pro ingenuis, & usurpantes honores solis ingenuis debitos. Volebant enim Romani nonnisi per Ingenuos homines Rempublicam administrari, militiam geri, dignitates teneri. Hinc *Lucius Viscellius Varro*, Consul cum Cornelio Cethego, imperante Tiberio, hanc legem tulit, ne libertinæ conditionis homines, honores & dignitates assequerentur, nisi jus aureorum annulorum a Principe impetrassent: tunc enim, quoad vivunt, imaginem, non statum ingenuitatis obtinent, & sine periculo, etiam officia ingenuorum peragunt.

Libertinus, si se *Ingenuum* diceret, tam civiliter, quam ex hac lege criminaliter poterat accusari & puniri. Curiam autem ingrediens, quasi esset ingenuus, ex ea ejicitur, infamia notatur, & mulctatur pecunia.

Titulus 22.

Ad Legem Corneliam de Falsis.

VIdendus libri 48. Digestorum titulus 10. *De Lege Cornelia de Falsis*, & *de SC. Liboniano*.

Titulus 23.

De his, qui sibi adscribunt in Testamento.

Qui in testamento sibi, vel iis, quos in potestate habet, legatum adscribit, voluntate testatoris, etsi falsum non committit, tamen, SC. Liboniano ad legem Corneliam facto, poenæ falsi subijcitur.

Excen-

Excusatio dabitur ab hac pœna, 1. quando quis adscribit extraneo, uti filio emancipato; aut dato in adoptionem. 2. Si accesserit recognitio, & approbatio ipsius testatoris manu subscripta, quæ & faciet legatum capi. 3. Hereditatem totam retinebit filius emancipatus, qui eam sibi patre volente & dictante adscripsit, scilicet, cum esset solus filius. Frustra enim pro non scripto habetur, quod nihilominus, per bonorum possessionem unde liberi, ad eum perveniret. 4. Dabit veniam indulgentia Principis, quæ facilis est iis, qui jussu testatoris sibi adscripserunt; quia durum esset, eos hoc crimine teneri, quasi falsum commisissent. Sed hæc indulgentia facit quidem remitti pœnam, non tamen capi quod adscriptum.

Titulus 24.

De Falsa Moneta.

Pertinet ad crimen falsi, si quis *Aurum* & *Argentum* vitiarit, raserit, tinxerit, aut numum adulterinum conflarit, cuderitve, vel, si quis falsum signum vultumq; Principis impresserit.

Pœna, est ignis; domus, ubi scelus commissum, utut aliena, confiscatur, etiam ignorantis; si tamen dominus in proximo constitutus fuerit, quia non præsumitur ignorare, quid ibi actum, aut saltem ejus erat inquirere.

Titulus 25.

De mutatione Nominis.

Falsum committitur in Nomine; nam, qui dolo malo falsum nomen, vel pronomen, vel cognomen assumpsit, pœna falsi tenetur; qui vero sine dolo nomen mutat, pœnam non meretur.

Titulus 26.

Ad Legem Juliam de Ambitu.

Videndus libri 48. Digestorum titulus 14. *De Legge Julia Ambitus.**Titulus 27.*

Ad Legem Juliam Repetundarum.

Videndus libri 48. Digestorum titulus 11. *De Legge Julia Repetundarum.**Titulus 28.*

De Crimine Peculatus.

Videndus libri 48. Digestorum titulus 13. *Ad Legem Juliam Peculatus, & de Sacrilegiis, & de Residuis.**Titulus 29.*

De Crimine Sacrilegii.

Facit huc Digestorum titulus jam modo allegatus.*Titulus 30.*

De Seditiosis, & de his, qui Plebem contra Rempublicam audent colligere.

Q*ui tumultus alicujus autores sunt, excitando plebem contra jussiones, aut publicam disciplinam, itemq;, qui clamoribus tumultuosis quenquam interpellant, poena coërcentur varie. Interdum furca, interdum deportatione, fustigatione, gladio: interdum obiectantur bestiis.**Titu-*

Titulus 31.

Quando Civilis Actio Criminali præjudicet, & an utraq; ab eodem exerceri possit.

EX omni delicto duplex judicium nascitur: unum Civile, alterum Criminale.

Civile est, per quod non ad vindictam, sed ad rem familiarem & privatam agitur: veluti, cum petit Actor rem restitui, pœnamve pecuniariam sibi, aut parti læsæ applicari.

Criminale est, per quod agitur ad vindictam, vel pœnam alteri imponendam.

De utroq; judicio Regula est, quod idem contra eundem, ex uno eodemq; facto, potest utroq; judicio experiri, tam civili de re familiari, quam criminali de pœna; quoniam in illo privata utilitas, in hoc vigor publicæ disciplinæ spectatur. Nec obstat, rem semel judicatam non posse amplius retractari. Licet enim sit idem factum, res tamen est diversa: alia enim est petitio rei suæ, vel damni; alia persecutio vindictæ. Igitur, civili judicio finito, potest adhuc intentari criminale, ex eodem facto. Sic, qui per vim de possessione ejectus est, si de ea recuperanda interdicto, unde vi, fuerit usus, non prohibetur etiam, lege Julia de vi, publico judicio accusationem instituere. Et, qui ob suppressum testamentum de tabulis exhibendis egit, nihilominus ex lege Cornelia de falsis accusandi habet facultatem.

Utrumq; judicium simul cumulari nequit, & uno electo atq; intentato, alterum differtur, & suspenditur, donec prius finiatur.

Si utrumq; judicium vindictam contineat, is, qui uno judicio usus est, alterum postea movere non potest: neq; enim licet idem bis vindicare, prorsus, uti nec idem bis petere licet. Sic, qui Actione injuriarum civiliter egit, a criminali actione repellitur: & Maritus, qui criminaliter contra Vxorem adulteram egit, postea civiliter eam aggredi prohibetur; quia utrumq; judicium vindictam persequitur.

Titulus 32.

De Crimine Expilatæ Hereditatis.

*V*idendus libri 47. Digestorum titulus 19. *Expilatæ hereditatis.*

Titulus 33.

De Vi bonorum raptorum.

*V*idendus libri 47. Digestorum titulus 8. *De vi bonorum raptorum, & de turba.*

Titulus 34.

De Crimine Stellionatus.

*V*idendus libri 47. Digestorum titulus 20. *Stellionatus.*

Titulus 35.

De Injuriis.

*V*idendus libri 47. Digestorum titulus 10. *De Injuriis & famosis libellis.*

Titulus 36.

De Famosis Libellis.

*F*acit huc Digestorum titulus jam modo allegatus.

Titu-

Titulus 37.

De Abigeis.

Videndus libri 47. Digestorum titulus 14. ejusdem inscriptionis.

Titulus 38.

De Nili aggeribus non rumpendis.

Si quis Nili aggeres, qui Niloticam aquam continent & coërcent, ruperit, extra ordinem punitur, pro sua conditione, & delicti qualitate.

His aggeribus tribuitur *latitudo 12. cubitorum*; ex qua, si quis aliquid usurpaverit, flammis punitur, & criminis conscii deportantur, sine spe restitutionis, pro qua supplicare non licet.

Titulus 39.

De his, qui Latrones, vel aliis crimin...
reos occultaverunt.

Videndus libri 47. Digestorum titulus 16. *De Receptatoribus.*

Titulus 40.

De requirendis Reis.

Videndus libri 48. Digestorum titulus 17. *De requirendis Reis, vel absentibus damnandis.*

Titulus 41.

De Quæstionibus.

Videndus libri 48. Digestorum titulus 18. ejusdem inscriptionis.

Titulus 42.

De Abolitionibus.

Videndus libri 48. Digestorum titulus 16. *Ad SC. Turpilianum, & de Abolitionibus criminum.*

Titu.

Titulus 43.

De generali Abolitione.

Publica & generalis Abolitio est, quæ datur vel ipso jure, ratione solemnium Feriarum, vel propter causam subito exortam, veluti Victoriæ Principis, aliamve.

Datur principaliter ob Reos, citra ullam petitionem, Accusatoribus vero suspendit potius hæc abolitio accusationem, quam tollit: licet enim accusatori intra 30. dies post ferias, eandem repetere; impune tamen omittit.

Indulgentia specialis, concessa a Principe super crimine, imponit Accusatori perpetuum silentium, & statim plenissimam tribuit impunitatem.

Titulus 44.

Vt intra certum tempus criminalis quæstio terminetur.

Abolitione non impetrata, Accusatio & Causa criminalis instituta olim intra annum finienda erat. Sed Justinianus hunc annum prorogavit ad biennium, cum nulla unquam de morte hominis cunctatio longa sit. Biennium hoc currere incipit post litem contestatam, contra præsentem; aut, ex tempore, quo lis habetur pro contestata, cum judicium movetur contra absentem; curritq; sine intermissione, ita, ut post biennium elapsum reus absolvatur.

Accusator, si intra hoc tempus accusationem coeptam persequi superfederit, & multo magis, si ultima die adesse neglexerit, mulctatur amissione quartæ partis bonorum, manetq; cum infamia.

Iudex

Judex, qui litigatoribus admonentibus examinationem distulerit, pœna 20. librarum auri mulctatur.

Titulus 45.

Ad Senatusconsultum Turpillianum.

Videndus libri 48. Digestorum titulus 16. *ad SC. Turpillianum, & de abolitionibus criminum.*

Titulus 46.

De Calumniatoribus.

Videndus libri 3. Digestorum titulus 6. ejusdem inscriptionis.

Titulus 47.

De Pœnis.

Videndus libri 48. Digestorum titulus 19. ejusdem inscriptionis.

Titulus 48.

Ne sine jussu Principis certis Judicibus liceat confiscare.

Bona confiscantur, vel quia judex confiscari jussit, vel, quia reum affecit ea pœna, quam confiscatio bonorum consequitur, id est, pœna mortis, aut servitutis.

Magistratus, qui summam potestatem habent, utroq; modo bona damnatorum publicare possunt, etiam inconsulto Principe, ut Præfectus Prætorio, & Præfectus urbi, qui sunt Illustres. *Inferiores*, ut Clarissimi, & Rectores Provinciarum, licet eam pœnam infligere possint, cui tacite cohæret bonorum confiscatio, ut gladio punire, vel in metallum dare; tamen expresse bona confiscandi potestatem non habent.

Titu-

Titulus 49.

De Bonis Proscriptorum seu Damna-
torum.

Confiscantur Bona 1. Proscriptorum, id est, quo-
rum bona iudex confiscanda pronunciavit ex-
presse; dummodo aut sit Illustris, aut permissu Prin-
cipis id fecerit: 2. Damnatorum pœna capitali:
nam, pœnam capitale, etiam tacente iudice, sequi-
tur bonorum confiscatio. Videndus amplius libri 48.
Digestorum titulus 20. *De bonis damnatorum.*

Titulus 50.

De Bonis eorum, qui mortem sibi
consciverunt.

Videndus libri 48. Digestorum titulus 21. *De Bo-
nis eorum, qui, ante sententiam, vel mortem sibi
consciverunt, vel Accusatorem corruperunt.*

Titulus 51.

De sententiam passis, & restitutis.

Videndus libri 48. Digestorum titulus 23. ejusdem
inscriptionis.

CODICIS

LIBER X.

Titulus 1.

De Jure Fiscī.

Videndus libri 49. Digestorum titulus 14. ejusdem
inscriptionis.

Titulus 2.

De conveniendis Fiscī Debitoribus.

Si aliqui gesserunt administrationem publicam ipsius
Fiscī, & pro iis alii indemnitate promiserunt
fide-

fidejubendo, hi non ante conveniuntur, quam principales illi administratores fuerint excusati.

Titulus 3.

De fide & jure Hastæ Fiscalis, & de Adjectionibus.

Venditio Bonorum Debitoris, qui cessaverat in solutione fisci, itemq; bonorum caducorum vel commissorum, fiebat in foro, posita hasta; inde Subhastatio dicta, cum res præconis voce venduntur.

Ut fiscalis subhastatio procedat, oportet, ut debitor coram iudice interpellatus fuerit, & in solutione debiti cessaverit.

Res addicitur ei, qui licitatione vincit, id est, plus offerenti.

Post additionem alicui factam a Fisco, potest alius quispiam intra statuta tempora plus adjicere, ita ut nova licitatio fiat, & res iterum plus offerenti addicatur, sive idem, qui antea obtinuit, sive alius licitatione vincat: quamvis ob rem a Republica addictam adjectio non admittatur; in multis enim est melior conditio Fisci, quam Reipubl. quia Respubl. utitur jure privatorum.

Titulus 4.

De Venditione Rerum Fiscalium, cum privatis communium.

Speciale est in Fisco, ut, si rem cum alio communem habeat, totam vendere possit, quo facilius emptorem reperiatur.

Titulus 5.

Ne Fiscus rem, quam vendidit, evincat.

IS, qui bona fide ab una statione fiscali, sive ab uno Officiali fisci, rem emit aliquam, quæ ad aliam stationem & officium fiscale pertinebat, si fisco ejusve stationi vendenti verum pretium exsolvit, adeo securus est, ut non possit a præposito alteri stationi inquietari, nec ei, super tali re vendita, controversia moveri, nec fiscus ipse rem evincere, eo prætextu, quod res illa ad stationem vendentis non pertinebat. Non enim æquitatis ratio patitur, ut Fiscus, quod semel vendidit, retractet.

Titulus 6.

De his, qui ex publicis rationibus mutuam pecuniam acceperunt.

POtest quidem aliquis pecuniam mutuam accipere a Civitate, vel a Republica, Administratore pecuniam publicam fœnori dante; sed, nec ex Arca præfectoria, nec ex thesauris Principis mutuari licet. Qui inde mutuum acceperit, quadruplum restituit. Qui hinc mutuum sumserit, in exilium, bonis confiscatis, mittitur.

Titulus 7.

Pœnis Fiscalibus Creditores præferri.

Fiscus, qui regulariter aliis creditoribus præfertur, in pœnis exigendis, postponitur cæteris.

Titulus 8.

De Fiscalibus Vfuris.

VSuræ Fisco ex contractu debentur, etiam ob nudum pactum, sine stipulatione, videlicet usuræ semissiles; ex crimine & pœna non debentur.

Titu-

Titulus 9.

De sententiis adversus Fiscum latis
retractandis.

Res contra Fiscum judicata retractatur ex causa intra triennium, non post triennium, nisi ob prævaricationem, aut manifestam fraudem, aut nova instrumenta reperta.

Titulus 10.

De Bonis vacantibus, & de incorporatione.

Si quis sine herede decesserit, eo casu dicuntur bona vacantia, & ad fiscum pertinent.

Incorporare, est rebus fiscalibus addere, & quasi in unum corpus redigere atq; conjungere.

Titulus 11.

De Delatoribus.

Delator est, qui rem ad fiscum pertinentem, voluntarie, non officii necessitate coactus, præmii causa, non adversarii ulciscendi gratia, nec ut causam suam defendat, nec in crimine læsæ majestatis, fisco nunciat. Idem vocatur *Accusator*, præsertim si crimen publicum deferat, & *Quadruplator*, quia quartam partem eorum, quæ in fiscum rediguntur, plerunq; pro præmio accipit.

Quidam coguntur deferre, ut Palatini; quidam omnino prohibentur, ut Mulieres, Viri Clarissimi, Veterani; quidam non omnino a delatione arcentur, sed tantum prohibentur, ne quasdam personas deferant; ut, Filius non potest deierre Patrem vel Matrem, Libertus Patronum, Servus Dominum; alios, pro

libitu potest deferre vel non deferre. Potest quis & semetipsum deferre.

Causæ, ex quibus Delatio fit, variæ sunt: 1. Si fideicommissum incapaci sit tacite relictum. 2. Si heres sit indignus hereditate, ut, quia non vindicavit necem defuncti; aut testatorem infirmum neglexit, ut moreretur. 3. Si Princeps sit heres institutus, & in ejus fraudem testamentum vel codicilli subrepti dicantur. 4. Si quis thesaurum invenit; aut rem magni pretii a fisco emit vili pretio. 5. Si quis conscientia criminis, & metu pœnæ, sibi mortem consciverit. 6. Si defunctus dicatur obnoxius crimini perduellionis, vel alii, quod morte non exstinguitur. 7. Si quis in commissum ceciderit, ob vectigal non solutum.

Delationi bonorum vacantium præscribitur quadriennio, quod computatur ex die, quo certum esse cœpit, nullum esse successorem, ideoq; bona esse vacantia. Delationi ex causâ commissi præscribitur quinquennio. Cæteræ causæ fiscales finiuntur præscriptione 20. annorum.

Delator non admittitur, nisi, dato fidejussore, ad summam quinq; librarum auri caveat, se delationem probaturum.

Rebus delatis neq; sigilla imprimuntur, neq; circa eas aliquid innovatur, ante latam sententiam.

Delator punitur, 1. si delatio prohibita sit, uti Servi contra Dominum. 2. Si sine Advocato Fisci denunciaret; nam Advocatus Fisci & Delator hac in parte ita junguntur, ut alter sine altero nihil facere possit. 3. Si calumniatur, aut tergiversetur, non probans, aut non persequens institutam denunciationem.

Delat-

Delatus, qui dato pretio cum delatore paciscitur, vel eum corrumpit, pro confesso habetur.

Titulus 12.

De Petitionibus Bonorum sublati.

Bona vacantia, vel commissa, vel similia, non sunt petentibus concedenda, quamvis sine petitione concedi possint: hic enim habet locum illud, quod dicitur in l. 1. ff. de extraord. cognit. multa honeste accipi, quæ non honeste petuntur.

Titulus 13.

De iis, qui se deferunt.

Possunt omnes seipsos deferre, sive masculi sint, sive foeminae, nulla habita ratione dignitatis, ætatis, aut conditionis: nam & pupillis permittitur se deferre, post septimum ætatis annum.

Desert quis se ad hunc effectum, ut ex ea re, quam per leges retinere nequit, & ad fiscum spectat, portionem aliquam pro præmio delationis consequatur. Finge, fideicommissum tacite relictum esse incapaci. Si heres se deferat, trientem omnium bonorum habet pro præmio: si fideicommissarius, assis dimidiam partem.

Titulus 14.

Si Imperialis liberalitatis socius sine herede decesserit.

Si Princeps, duobus simul & communiter aliquid donaverit, & eorum alter sine herede decesserit, non ei succedit fiscus, ceu alias fieri solet, sed donationis consors, seu socius.

*Titulus 15.**De Thesauris.*

Thesauri inventi dimidia pars ad fiscum pertinet. Sed, ut hoc obtineat, *requiritur* 1. ut sit thesaurus proprie dictus: qui nihil aliud est, quam pecunia ante omnem memoriam deposita, cujus dominus ignoratur. 2. Vt sit inventus in loco fiscali, vel publico, vel Principis, vel religioso, vel in monumento: nam, qui in loco suo invenit, totum sibi acquirit; qui in alieno, si casu fortuito invenit, partitur cum domino fundi; si autem data opera invenit, totum domino fundi restituit.

*Titulus 16.**De Annonis & Tributis.*

Solent in fiscum redigi ex annuis proventibus privatorum *Annonæ*, & *Tributa*. *Annonæ* in speciebus consistunt, veluti frumento, vino, oleo, pane, carne, sale, melle. *Tributum*, in corporibus, veluti auro, argento, ære, equis, vestibus, quæ *Intributiones* & *Contributiones* vocantur.

Opus est annonis & tributis, ut Princeps exercitum alere, militibus stipendia præbere, & Rempublicam tueri possit.

Tributorum duo sunt genera, alia Soli, alia Capitis: illa, imponuntur fundis, hæc, personis: & ideo illa, quæ ex fundis rebusque colliguntur, proprie *Census* dicuntur; quæ vero a personis præstantur, vocantur *Capitationes*, eo quod per capita imponuntur.

Titulus 17.

De Indictionibus.

ANnonis & tributis duo accidunt, Indictio, & Ex-
actio, quorum utrumq; fit autoritate Principis.
Indictio deposcit, *Exactio* ad solvendum compellit.

Ex hac indictione cœperunt anni numerari; quod
factum sub Constantino, ceu Onuphrius probat ex
fastis Græcis.

Indictionum dinumeratio initium sumebat à *Kalen-
dis Septembribus*. Hodie tamen *tabelliones Imperiales*
Indictionem inchoant sub æquinoctium autumnale,
i. e. 8. Kal. Octobr. Pontificii vero 8. Kal. Januariæ.

Titulus 18.

De Superindictio.

Superindictum, est Indictionis augmentum, cum in-
dictio non sufficit ad necessitatem rei gerendæ.
Sublatum deinde hoc nomen, eo quod speciem quan-
dam tyrannidis referret, & ideo voluerunt Impera-
tores, superindictionem, potius Indictionem quoque,
& Canonem vocari.

Titulus 19.

De Exactionibus Tributorum.

AD exigenda tributa mittuntur Palatini, qui vo-
cantur *Exactores*, item *Canonicarii*, *Scriniarii*,
& *Susceptores*. Ii autem non debent prius aliquem
convenire, quam a Tabulariis Civitatis Breves acci-
piant debitorum. Sunt autem *Breves*, libelli vel
matriculæ, continentes nomina & quantitates debi-
torum.

*Titulus 20.**De Superexactionibus.*

Non plus exigi debet, quam continetur ea notitia, quæ appellatur *Delegatio* vel *Scriptio*, quæ manat a Principe, & mense Julio vel Augusto (quoniam sequenti mense Indictionis annus incipit) insinuatur apud Acta Præfectorum Prætorio. Anni initio mittitur a Præfectis Prætorio ad Præsides Provinciarum, & a Præsilibus proponitur in singulis civitatibus, ut omnes & singuli sciant, quantum conferre oporteat.

Quod si ultra debitam quantitatem exactor quid extorserit, in duplum id restituit; &, si in hoc crimine perseveret, capite punitur.

*Titulus 21.**De capiendis & distrahendis Pignoribus, tributorum causa.*

Si debitores, conventi & moniti, fiscalibus debitis per contumaciam satisfacere differant, res eorum distrahuntur, cum sint tacite obligatæ, habeatq; Fiscus in illas res, ob onera imposita, jus reale. Datur enim ad solvendum terminus, quo elapso, irrevocabiles fiunt alienationes, adeo, ut pro pecunia tributi, quod sua die non est redditum, quo minus prædium jure pignoris distrahatur, oblata moratoria cautio non admittatur.

*Titulus 22.**De Apochis publicis, & de Descriptionibus Curialibus, & de Distributionibus Civilibus.*

Collatoribus, ne bis eadem tributa solvant, cavetur apochis publicis, quæ alias vocantur securitates.

Collatoribus ne ultra debitum conveniantur, prospicitur descriptionibus curialibus, quæ erant appretiationes, seu patrimoniorum æstimationes. Non autem istæ descriptiones, a Curialibus factæ, ante effectum habebant, quam insinuatæ & approbatæ fuissent a Præsidibus, quorum muneri incumbit, ut in contributionibus æqualitas observetur, utq; aurum, quod ex hujusmodi contributionibus redigitur, Susceptori aurario consignetur, deturq; ab eo apocha de summa recepta, in qua & Collatoris nomen, dies, mensis, annus, & causa, ob quam præstita functio fuerit, contineantur.

Titulus 23.

De Canone largitionalium Titulorum.

C*Anon largitionalium titulorum, erat certa summa auri, vel argenti, vel reliquarum specierum pars, ex computatione redacta, & deputata Principis largitionibus, vel necessitatibus privatis, quæ id eo ex more inferebatur in arcam sacrarum largitionum; quam sacrum ærarium, thesaurum, aut privatum ærarium vocabant.*

Titulus 24.

Ne Operæ a Collatoribus exigantur.

H*Vjus tituli constitutio, Operarum præbitionem, quam a collatoribus exigere moris erat, cessare præcipit, quoniam satis tributis ordinariis aliisq; indictionibus gravantur; cum æquum non sit, ab aliquo plus exigere, quam debet.*

Titulus 25.

De Immunitate nemini concedenda.

Immunitas alia est onerum patrimonialium, alia personarum. A muneribus patrimonialibus, & præstandis tributis, raro olim immunitas concedebatur; quia Reipublicæ interest, habere ærarium opulentum.

Tabularii Civitatum, qui rationes tributorum tractant, si per fraudem, aut ambitum, injuste cujusquam immunitatis professionem admittant, vivi exuruntur.

Titulus 26.

De conditis in publicis Horreis.

Non tantum publicas functiones pendere, sed etiam *coëmta præstare*, id est, annonarias species fisco vendere, subditi compelluntur. A provincialibus itaque coëmtum frumentum, reponi voluerunt Impp. in publicis horreis, ut inde ului publico, & exercitui serviret, necessitatis tempore. Ideo ista horrea constituta erant in limitaneis locis, & castris veteranis, in quibus major pars militum degebat: atque in iis asservabantur, præter frumentum, etiam reliquæ species, uti vinum, acetum, oleum, lardum, fœnum, paleæ, quæ militibus erogabantur.

Titulus 27.

Vt nemini liceat in emtione specierum se excusare, & de munere sitocomiæ.

Vrgente necessitate, fiscus undiq; coëmebat frumenta, aliasq; annonarias species, quas etiam invitæ possessores ad forum mittere, justoq; pretio fisco vendere cogebantur, adeo, ut nullus privilegii alicujus, aut dignitatis prærogativa, sese potuerit excusare.

Cum

Cum in Civitate aliqua frumenti comparandi Curatore opus est, ejus creatio fit, non ex quibuslibet, sed ex Decurionibus, vel Cohortalibus, arbitrio primorum civitatis, & Episcopi. Hic autem annonæ curator, Sitionicus vocatur, qui frumentum non tantum, sed & oleum publica pecunia comparat: unde hoc munus Modestinus appellat sitioniam, & eleoniam.

Titulus 28.

De Collatione Donatorum, vel Relevatorum, aut Translatorum, seu Adæeratorum.

Pŕædiis, quibus onus collationis a supremo Principe impositum est, quatuor accidunt: Donatio, Relevatio, Translatio, & Adæratio. Nam Princeps interdum liberalitate benevolentiam subditorum sibi conciliat, dando eis possessiones liberas ab omni censu, aut gratiam faciendo, remittendoq; tributa præterita. Interdum relevat subditos ab onere solvendi tributa in futurum, ob deteriorationem prædiorum, vel ob damna aliqua gravia, quæ bello, tempestate, sterilitate, aut simili casu fortuito acciderunt. Interdum transfert onus tributi in aliud jus, aut functionem, ex una videlicet præstatione in aliam, vel, quod in una præstatione dandum erat, transfert in aliam. Aliquando mutat species tributorum, ut puta, si quibusdam prædiis tributum in annonis sit impositum, illud commutat pecunia sive ære; qua de causa prædia adærata dicebantur.

Adærare enim est, taxare, & æstimare pecunia, aut ære, quod in annonis præstandum erat.

Fuerat quidem olim, ex concessione Principum, lex certa ipsis possessionibus imposita, circa mensu-

ram & quantitatem, quam tributorum nomine solvere tenerentur vel non, ex illis prædiis donatis, relevatis, translatis, aut adæratatis. Tandem *Antiochus Præfectus Prætorio*, ex indulgentia Impp. ista prædia ad certam & determinatam tributi anniversarii præstationem redegit, atque hanc relevationem prædiorum, suam obtinere firmitatem, Impp. Valentinianus & Theodosius voluerunt.

Titulus 29.

De Collatione Æris.

Non est cogitandum, adærationem hoc efficere, ut omni modo æs præstetur: nam, & quæ provinciae æs præstant, ut Cyprus, *vice æris possunt justam æstimationem inferre*; quod & in argento obtinet. Itaque liberum collatoribus est, æs, vel argentum, aut ejus æstimationem solvere. *Æstimantur autem 20. æris libræ, uno auri solida; & argenti libra, quinque solidis.*

Titulus 30.

De Discussoribus.

Discussores, erant Cognitores & Disceptatores rationum fiscalium, vel publicarum, quæ jam ab aliis sunt dispunctæ ac tractatæ.

Consistit discussoris munus in eo præsertim, ut inquirat in qualibet civitate & municipio tributorum fiscalium debitores, eosque in tabulas referat, quot jugera, quotve possessiones quisque habeat, discutiat & æstimet cujusque facultates, onera, ut omnibus perpensis imponi possit tributum, pro modo patrimonii.

Creabantur Discussores, jussione & autoritate Principis, non Præfectorum; nec ex alio quam nobilium & honoratorum ordine assumebantur, idque munus sub-

subterfugere nemo poterat, quamvis esset Advocatus consistorii, aut Miles, dummodo non militaret.

Titulus 31.

De Decurionibus & Filiis eorum, & qui Decuriones habentur, & quibus modis a fortuna Curiae liberentur.

Videndus libri 50. Digestorum titulus 2. De Decurionibus & Filiis.

Decuriones sunt, qui consilio Reip. municipalis interfunt, ac praesunt; ita dicti, quod, cum e civitate Romanae coloniae deducerentur, decimus quisque ex iis, qui deducebantur, eligeretur, publici consilii gratia. Vti ergo Romae Senatores non judicabant, sed praerant tantum curae Reipublicae, ita Decuriones in municipiis non erant iudices, sed consilio Reipublicae intererant, & Curiae suae negotia tractabant, eorumque coetus *Ordo* dicebatur, & *Curia*.

A Curiae oneribus, & Decurionatus munere liberabantur, qui ex indulgentia Principis, praemii & honoris causa, summas dignitates Praefecti Praetorio, Urbis, Magistri militum, & alias fuissent consecuti; ita nimirum, si eas administrarent, non vero essent tantum honorariae; quae eadem dignitates eos quoque liberabant a patria potestate. At vero *Episcopalis dignitas*, quanquam & ea summa sit, & patriae potestatis vinculum tollat, non tamen liberabat a munere curiali, sed necesse erat, saltem per substitutum, officium decurionis implere.

Titu-

Titulus 32.

Si Servus aut Libertus ad Decurionatum
adspiraverit.

CUm Ordo Decurionum fuerit seminarium cun-
ctorum honorum municipalium, ideo *nec Servi,*
nec Liberti, eo adspirare poterant: & quidem, si *Ser-*
vus sciens adspirasset, gravissima poena afficiebatur,
si ignorans, illæsus domino reddebatur.

Nec etiam *Liberto* ad curiæ munera licitum erat
adspirare, qui jus aureorum annulorum adeptus non
esset, vel natalibus suis non restitutus: qui enim an-
nulo utebantur, censebantur ingenui, ideoq; annulus
libertinis dabatur, ut quasi ingenui viverent, licet
morerentur tanquam liberti, ac tenerentur, patronum
in debita parte instituere, & alia obsequia ei præ-
stare.

Jure novissimo, omnes liberti natalibus restituntur,
& jus habent annulorum, salvo jure patronatus,
Nov. 78. ita, ut quod ad personam Patroni spectat,
liberti intelligantur, nisi & ipse patronus hoc etiam re-
miserit; quoad alios autem, vere Ingenui censeantur,
admittantur in curiam, fruanturq; splendore ejus or-
dinis, cessante poena legis Viscellæ.

Titulus 33.

De Prædiis Decurionum sine decreto
non alienandis.

Non solum, ne unquam personæ Curiales deessent,
legibus provisum fuit, verum etiam ne iis facul-
tates deficerent, unde munus possent sustinere, *pro-*
hibita fuit iis idcirco prædiorum suorum venditio, sine
decreto Præsidis, vel judicis competentis, quod in-
terponi debet, causa proposita & probata apud acta,
sine

sine impendio contrahentium ; alioquin Emtor & Venditor versatur in mala fide, estque nulla venditio, cogiturque Emtor Venditori prædia restituere cum fructibus, nec ab eo pretium recipit, multo minus meliorationes.

Titulus 34.

Quando, & Quibus parta pars debetur ex Bonis Decurionum, & de modo distributionis eorum.

Quo magis Curia consuleretur, cautum fuit, ut *ex bonis Decurionis*, ex testamento vel ab intestato decedentis, quarta pars curia relinqueretur, si non curialis curiali successisset ex asse, cum onere tamen æris alieni hereditarii. Sin autem plures non curiales ex partibus heredes fuissent, vel bonorum possesores ex testamento, vel ab intestato, singuli pro rata conferrent, ad quartam partem curia debitam.

Titulus 35.

De imponenda lucrativa Descriptione.

Non solum quartam bonorum partem heredi non curiali aufert Curia, sed etiam ex sua portione eidem Curia, heres non curialis, quatuor siliquas prestare cogitur tributi nomine; est autem Siliqua vice-suma quarta pars Solidi, id est Aurei.

Imponitur autem hoc tributum quatuor siliquarum rebus immobilibus, & possessionibus alienatis titulo lucrativo, non rebus mobilibus, aut titulo oneroso acquisitis, nec item hominibus, id est Mancipiis, si alienentur. Lucrativi tituli sunt, hereditas, legatum, fideicommissum, mortis causa, vel inter vivos donatio.

tio. Onerosi sunt, emptio, permutatio, dos, donatio propter nuptias.

Titulus 36.

De præbendo Salario.

Constitutione hujus tituli prohibitum est, ex publico Salarium præbere, sine permissu Principis. Quo fit, ut ex juribus Reipub. aut pecunia Principis, non liceat Decurionibus Salarium constituere, in damnum Principis aut Reipub. Nam, si Decurionibus liceret Salaria constituere, in damnum Principis aut Reipub. plus forte amicis tribuerent, quam deberent; cum de alieno semper homines liberales esse soleant.

Titulus 37.

Si Curialis, relicta Civitate, Rus habitare maluerit.

Si Curiales, immemores suæ civitatis, eam deserant, & rus habitandi causa se conferant, eo quod ob rusticanum prædium civitatem contempserint, prædio privantur, ac fisco id acquiritur.

Titulus 38.

De Municipibus & Originariis.

Videndus libri 50. Digestorum titulus 1. *Ad Municipalem, & de Incolis.*

Municipes dicuntur suæ cujusque civitatis cives, suntque partim Originarii, partim Voluntarii, ut incolæ.

Originarii, non tam a propria, quam a patris origine dicuntur. Nempe qui ex duobus Campanis natus est, patre & matre, Campanus est, &, si pater sit alterius originis quam mater, patris, non matris ori-

originem filius sequitur, quamvis in matris natus sit civitate.

Qui in Vico ortus est, patriam intelligitur habere, & ortus esse ex ea civitate, cui vicus ille respondet. l. 30. ff. ad munic.

Titulus 39.

De Incolis, & ubi quis domicilium habere videtur, & his, qui studiorum causa in aliena civitate degunt.

I*Ncole*, dicuntur ratione domicilii.

Ibi quis *domicilium* habere dicitur, ubi larem rerumque & fortunarum suarum summam constituit, unde rursus non est discessurus, si nihil avocet: unde si profectus est, peregrinari videtur; quo si rediit, peregrinari desit.

Is, qui, *studiorum causa*, aliquo loco moratur, peregrinari creditur, nisi, decem annis transactis, eo loci sedes sibi constituerit: quin, nec ejus pater, crebro ad illum commeans, ibi domicilium habere existimatur.

Titulus 40.

De Muneribus & Honoribus non continuandis inter Patrem & Filium, & de Intervallis.

M*Vnera Civilia* sunt onera publica, quæ civibus imponuntur. *Honores*, sunt dignitatis gradus, cum administratione Reipublicæ, sine erogatione aliqua, aut onere.

Omnis *Honor* est personalis: *Munus* autem, partim est personale, partim patrimoniale.

De Honore & Munere personali notandum, neminem posse honorem aut munus semper continuare,

imo nec admitti inter patrem & filium continuacionem honoris vel muneris, quia pro una persona habentur; si modo alii idonei reperiantur, quibus injungi possit.

Post Temporis intervallum, jure constitutum, potest alicui idem, vel alius honor deferri, aut munus injungi. *Tempus autem varium est*, nam ab honore ad eundem honorem datur quinquennii vacatio; ad diversum, triennii; legatione autem perfunctis, biennii vacatio concessa est.

Titulus 41.

De Muneribus Patrimoniorum.

P*ersonalia Munera* sunt, quæ cum corporis labore, provisione & sollicitudine animi ac vigilantia, principaliter existunt, & sine aliquo gerentis detrimento pertractantur; veluti civitatis defensio, procuratio Reipubl. tutela, cura adulti vel furiosi, collectio publicorum reddituum.

Patrimonialia Munera censentur, in quibus sumtus postulantur, & quæ damno administrantium expediuntur: suntque vel Extraordinaria, vel Ordinaria.

Munus Patrimoniale Extraordinarium est, quod ex improvviso imponitur, nec singulis annis recurrit, uti Collecta.

Munus Patrimoniale Ordinarium est, quod possessionibus adhæret, & ab omnibus etiam non subditis, modo in loco illo aliquid possideant, sustinetur. Item sustinetur ab iis, qui immunitatem meruerunt, quoniam ea immunitas coarctatur quoad munera personalia; nam Realia, itemque Pecuniaria munera, quæ patrimoniis publicæ utilitatis gratia imponuntur, ut

omni-

omnino remittantur, opus est speciali Principis concessione.

Titulus 42.

Quemadmodum Civilia Munera indicuntur.

Honores & Munera gradatim deferri debent. Ideo Præsidi provinciæ curandum, ut munera & honores in civitatibus æqualiter per vices injungantur, atq; ut gradus munerum honorumq; qui statuti sunt, observentur. Itaq; nemo Majorem Magistratum gerere debet, nisi Minorem susceperit: nec in civilibus tantum, sed & militaribus officiis, per gradus ad honores eundum est.

Titulus 43.

De His, qui sponte Publica Munera subeunt.

Is, qui publici muneris vacationem habet, si aliquem honorem, excepto Decurionatu, sponte susceperit, ob patriæ suæ utilitatem, impofterum competens privilegium immunitatis sibi concessæ non amittit.

Excipitur Decurionatus: nam si quis, quantumvis Veteranus, Decurionem se fieri passus sit, in patria immunitatem amittit, nisi de ea servanda pactus sit, aut partem tantum Decurionatus agnoverit, puta ad aliquos honores suscipiendos; nam tunc a cæteris honoribus & corporalibus muneribus excusabitur.

Titulus 44.

De his, qui a Principe Vacationem acceperunt.

Sunt quædam Concessiones Principum, quæ vacationem vel excusationem a muneribus Reipublicæ

vel municipii præbent; idq; vel in perpetuum, vel ad tempus. In perpetuum eximitur quis, etiam a muneribus patrimonialibus, si nominatim id Princeps in sua concessione expresse- rit. Ad tempus conceditur rescripto Principis vacatio, ex veris & approbatis causis, veluti propter morbum, aut inopiam.

Ab alio, quam a Principe, concessa Immunitas, nulla est, nisi causa, ob quam petitur, expressa sit in corpore juris; quia tunc poterit ea allegari, & iudex, habita causæ cognitione, per suam sententiam declarabit, huiusmodi vacationem & immunitatem, alicui competere.

Titulus 45.

De Vacatione publici muneris.

Dictum est, a quo concedatur Vacatio; nunc notandum, quid concessa operetur. Nimirum, *Rescriptum, quo simpliciter concessa est immunitas, tantum porrigitur ad ea, quæ ad tempus extra ordinem indicuntur, non ad ordinaria munera, inter quæ censetur onus recipiendi hospites, vel milites, nisi speciali jussione id sit remissum.*

Qui publici muneris vacationem habet, collationes, per Magistratus ex improvviso dictas, recte recusat, eas vero, quæ a lege fiunt, recusare non debet.

Titulus 46.

De Decretis Decurionum, super Immunitate quibusdam concedenda.

Decurionum decreta firma sunt, quæ spectant publicam Reipublicæ salutem, dummodo legitime & sufficienti numero Decuriones convenient, id est duabus partibus adhibitis, & convocatis jussu Præfidis, ad sonum tubæ, vel campanæ.

Caveat

Caveat Iudex, pretextu equitatis, Ordinis ambitiosa decreta approbare: nam talia, utpote sacris Principum Constitutionibus improbata, nullam habent firmitatem.

Ambitiosa Decreta esse dicuntur, cum Decurionum ordo quid largitur ex publico, sine utilitate publica, aut remittit debitum gratis, liberando debitorem ab ære aut tributo, quo obstrictus est Reipublicæ. Pactis enim privatorum jus publicum lædi, aut forma juris fiscalis convelli non potest.

Titulus 47.

De Excusationibus Munerum.

SEquitur de Excusationibus, quibus illi, quibus munera indicuntur, uti possunt: & cum triplicia sint munera, de personalibus & mixtis hic potissimum tractatur, non vero de patrimonialibus, quia ab his paucissimi excusantur, & non nisi ex speciali Principis indulgentia.

Titulus 48.

De quibus Muneribus vel Præstationibus nemini liceat se excusare.

Sunt quedam Munera, a quibus nullus, etsi privilegio munitus, excusari potest: ut munus comparationis vel emtionis Frumenti, Vini, aliarumque specierum, tempore famis, belli, vel alterius publicæ necessitatis; ut videlicet nullus a venditione se excuset, sed quilibet ad vendendum urgeatur. Tale est munus Transvectionis specierum victualium, uti cum, expeditionis tempore, exercitus Principis de una provincia in aliam transit, vel locum aliquem obsidet,

det, omnes Subditi adstringuntur, Frumenta, Vinum, aliaque Edulia, illuc suis sumtibus portare, & transvehere ea omnia, quæ militibus conferuntur.

Titulus 49.

Qui Ætate vel Professione se excusant.

Æ*Tas* 70. annorum neutiquam sola ab honoribus, & muneribus his cohærentibus, excusationem præstat, sed a Muneribus tantum Civilibus, veluti tutelis, Officiis publicis, bellicis, aliisque personalibus.

Professio liberalium Artium, veluti Rhetorices, Musices, Grammatices, Geometriæ, Philosophiæ, excusationem præbet: qui enim hujusmodi studiis operam dant, merito postulant, ne ab iis ob munera civilia avocentur, maxime si civium inopia non sit. Convenit etiam, ne minores 25. annis a studio juris civilis avocentur, aut muneribus personalibus adstringantur.

Titulus 50.

Qui Morbo se excusant.

M*Orbus*, sive adversa valetudo corporis, aut mentis, excusationem præbet, modo talis sit, quæ impediatur, quo minus quis rebus suis propriis præesse possit; quia Lex noluit quempiam obligare ad id, quod fieri non potest: atque ita perpetuam a muneribus vacationem præbet, si morbus est perpetuus. At, si temporalis, & spes est valetudinis, temporalem præstat excusationem; prout de Tutore ægroto expressum est in l. 10. §. ult. ff. de excusat. tut. in cujus locum Curator interim datur.

Titulus 51.

De His, qui numero Liberorum, vel
Paupertate Excusationem
meruerunt.

Pater, & ejus exemplo Mater, qui *quinque* liberos
habent superstites, excusationem impetrant a mu-
neribus personalibus, eaq; semel impetrata in per-
petuum gaudent.

Numerus 12. aut 13. liberorum plenissimam excu-
sationem tribuit ab omnibus muneribus.

Liberi, qui a *Muneribus* excusationem praestant,
sunt naturales simul & legitimi, in potestate, sive e-
mancipati. Nihil autem interest, sive masculi sint,
sive foeminae, dummodo sint nati; nam non profunt
nascituri, dum in utero sunt, nec illi, qui ab hostibus
sunt capti. Quod vero dicitur, eum, qui nasci spe-
ratur, pro superstitite esse, tunc verum est, cum de
ipsius jure quaeritur; aliis vero non prodest, nisi na-
tus sit. Profunt tamen iis, qui pro Republ. ceciderunt;
siquidem hi in perpetuum vivere intelliguntur.

Paupertas quoque excusat, non tamen quaelibet,
sed tanta, per quam impar quis est muneri injuncto.
Cum ergo paupertas onus miserum sit & grave, me-
rito excusationem habet a muneribus civilibus is, qui
in tantas rerum angustias devenit, ut vix de suo vi-
ctum sustinere possit.

Titulus 52.

De Professoribus & Medicis.

A *Muneribus* personalibus immunitatem habet Me-
dicus, aut Philosophus, aut Rhetor, aut Gramma-
ticus, aut Jurisperitus: sive in patria sua medicinam

exerceat, dictasq; artes doceat, five Romæ; vel sit Medicus militum, aut in comitatu Principis. Jurisperitus tamen immunitatem non habet, nisi sit Romæ.

Titulus 53.

De Athletis.

Athleta quoque immunitatem habet, sed in hoc multa requiruntur: 1. ut per totam ætatem in sacris certaminibus se exercuerit. 2. Ut ter vicerit, & coronatus fuerit. 3. Ut ex merito, non æmulis corruptis, aut redemptis, fuerit coronatus. 4. Ut saltem una ex dictis vicibus Romæ, aut in antiqua Græcia, (quam Cujacius Italiam interpretatur) coronatus fuerit.

Titulus 54.

*De his, qui non impletis Stipendiis
Sacramento soluti sunt.*

Stipendia, sunt salaria, quæ Militibus in remunerationem laboris erogantur; erant autem hæc, Pecunia, Frumentum, & Vestis militaris. Nullis vero, nisi in numeros relatis, stipendia dabantur, nec ullis ante militare permissum, aut hostem gladio petere, quam militari sacramento adscripti essent.

Qui vicena compleverant militandi curricula, Veterani, & honeste missi, itemq; Legionarii dicebantur; atq; his ab oneribus personalibus & muneribus vacatio ipso jure concedebatur, ut non opus esset, eam a Principe impetrare.

Præterea Veterani sacramento soluti, ac rude donati, in colonias mittebantur, & in remunerationem meritorum, ibi agros accipiebant, & pecuniam ad emenda ruri necessaria, plenaq; immunitate fruebantur nobili-

bilibus concessa, quocunq; in loco degerent, nec eam amittebant, etiamsi eorum aliquis, sua voluntate, honorem aut munus suscepisset.

Immunitate non fruebantur, nisi qui *vigesimum annum* in legione, vel vexillatione implevissent, atque totum id tempus in militia perdurassent, honestamq; missionem fuissent consecuti.

Honesta missio equiparatur fere necessaria, quando ob senectam, aut valetudinem adversam, vitiumve corporis, minus militiæ idoneus quis renunciabatur.

Ignominiosa missio erat, cum miles vel centurio, ob delictum, sacramento solvebatur: atq; eo proprie solvebantur Veterani; exauكتورabantur autem puniendi.

Exauكتورatis militibus, non solum gregariis, sed etiam tribunis, detrahebantur insignia, & ignominia notabantur, ac sic notatis, aditus ad honores præcludebatur, nec in urbe iis consistere licebat, nec alibi, ubi Princeps erat.

Titulus 55.

Quibus Muneribus excusantur hi, qui, post impletam Militiam vel Advocationem, per Provincias suis commodis vacantes commorantur, & de Conductoribus Vectigalium Fisci.

HOC titulo de iis agitur, qui militiam impleverunt, vel advocationem, & nominatim recensentur munera, a quibus excusentur; cujusmodi sunt, cura frumenti comparandi, inspectio operum, defensio civitatis, curatio Reip. vel annonæ, &c. Exemplo militum, *Advocatis*, qui per viginti annorum spatium advocationis officio functi sunt, vacatio conceditur a

muneribus personalibus; cum etiam hi militare credantur, qui civium patrimonia, vitam, & posteros defendunt.

De *Conduktoribus vectigalium fisci* cavetur, non alios a muneribus & honoribus vacationem habere, quam qui vectigal a fisco conducunt, & praesentes exercent: atque tales, si maxime velint munera subire, admittendi non sunt; quod certe non conductorum honori datum, sed ne extenuentur eorum facultates, quae subsignatae sunt fisco.

Titulus 56.

De Libertinis.

Libertos & Libertinos olim diversos fuisse, observat Suetonius in Claudio, quod, qui manumittuntur, Liberti dicerentur, Libertini, qui ex manumissis orti erant. Sed, postea confundi nomina coeperunt, & pro his usurpari, qui post justam servitutem libertatem consequuti sunt.

Conditio libertinitatis, ut referunt Suetonius & Tacitus, Claudii temporibus, Equitum & Senatorum ordinem gloria sua deturbavit, imo & ceteros civitatis ordines infecit: non tamen a muneribus civilibus liberto tribuere potuit excusationem, ne in ea quidem civitate, in qua domicilium habuit, etiamsi praetendat, quod in patria Patroni munera subeat, in utroque enim loco munera subire cogitur.

Titulus 57.

De Infamibus.

Licet Infames personae nullis honoribus, qui integritas dignitatis hominibus deferri solent, uti possint, Curialium tamen vel civilium munerum excusatio-

sationem non habent, sed solemnibus indictionibus, id est, patrimonialibus muneribus, ob tutelam vel utilitatem publicam, satisfaciant necesse est, itemque personalibus muneribus, a quibus solum eximuntur, qui ex privilegio immunitatem habent; hanc vero prætereundum aut allegare nequeunt infamia notati, ne in commodum eis cedat, quod deberet in poenam vergere.

Titulus 58.

De Reis postulatis.

R *Ei Criminis postulati*, nisi innocentiam suam probaverint, novos honores appetere non possunt intra annum accusationis; quo olim criminales causæ finiendæ erant. Retinent interim pristinam dignitatem, ne velut inauditi damnentur.

Titulus 59.

De his, qui in Exilium dati, vel ab Ordine moti sunt.

Q *Vi ob crimen perpetratum in exilium dati, aut Ordine moti sunt*, interim ab honoribus arcentur. In perpetuum deportatis, certa Insula vel locus assignabatur, poenæ causa: eratque hæc poena gravissima, nam, adimebat civitatem & bona, ita ut deportati nec manumittere possent, nec testari, nec ab intestato filiis bona relinquere, sed ea omnia fisco applicabantur. At *Relegati*, sive in perpetuum, sive ad tempus, in potestate liberos retinebant, & nec testamenti factionem, nec bona omnia, sed ea tantum, quæ illis per sententiam mulctæ nomine erepta fuere, amittebant.

Titu.

Titulus 60.

De Filiisfamilias, & quemadmodum
pro his Pater teneatur.

Indubitati juris est, non solum eos, qui honores & Reip. munera gerunt, pro sua administratione teneri, sed etiam, qui pro illis fidejusserunt, tacite vel expresse. Hinc Pater consentiendo, ut filius Decurio creetur, universis muneribus, quæ decurioni filio iunguntur, obstrictus est Reipub. quasi fidejussor pro filio. Consensisse autem pater Decurionatui filii videtur, si præsens nominationi non contradixerit. Proinde, quicquid in administratione Reipubl. filius gesserit, Pater ut fidejussor præstabit, quoniam Rempubl. salvam fore videtur promittere, qui consentit, ut filius Decurio creetur.

Si quis una cum patre suo, in cuius potestate est, ad munus vocetur, liberandus est, ne duo ex eadem domo simul onerentur.

Titulus 61.

De Periculo Successorum Parentis.

Si filiusfamilias, vivo patre, ejus assensu Decurio creatus sit, &, ob aliquod munus male gestum, obnoxius fuerit Reipub. non solum tenetur Pater, sed etiam ejus Successores seu Heredes, idque pro portionibus hereditariis, dummodo filius in vita patris, tale munus gerere cœperit.

Titulus 62.

De Mulieribus, & in quo loco Munera
sexui congruentia, vel Honores
agnoscant.

Mulier, excusatur a muneribus personalibus, sexui non congruentibus, item a congruentibus, excusa-

cusatur in loco originis suæ, si alibi nupta sit; quia sequitur domicilium mariti, & ibidem honores atque munera sexui congruentia suscipit; munera vero patrimonialia ibi sustinet, ubi bona possidet.

Titulus 63.

De Legationibus.

Legatione functis, conceditur vacatio biennii, dummodo transmarina legatio fuerit. Multo autem magis, sine dubio, eo ipso tempore, quo quis legatione fungitur, ab aliis muneribus excusatur. Addendus libri 50. Digestorum titulus 7. ejusdem inscriptionis.

Titulus 64.

De Excusationibus Artificum.

Artifices artium mechanicarum, excusationem habent a muneribus civilibus, publicis, & personalibus; nam, & hæ artes, ad vitæ necessitatem, & honestatem publicam pertinent.

Artes Mechanicæ corporis labore, ac manuum operatione, & ministerio exercentur.

Titulus 65.

De Potioribus ad Munera nominandis.

Is, qui nominatus est ad munera civilia, justam habet causam se excusandi, si alii ipso potiores & digniores fuerint omitti.

Potiores, sunt locupletiores cives, & de Republ. bene meriti.

Rectores provinciæ & Magistratus, quibus, pro more regionis, aliqua creationis, aut nominationis autoritas competit, in id incumbere debent, ut optimos, & maxime idoneos designent, quibus se & Remp.

Reip. quam maxime fidere, ejusque munera sustinere posse existimant.

Titulus 66.

Si propter Inimicitias creatio facta sit.

Qui propter inimicitias ad munera civilia vocatur, potest se excusare, & a tali nominatione appellare; cum publicæ utilitatis interfit, non ex inimicitia creationes fieri, sed æstimatione vera, & pro commodo Reipub. Probabit igitur, se propter inimicitias capitales nominatum fuisse, ut tali onere vexaretur.

Titulus 67.

De Sumtuum Recuperatione.

Si ad munus publicum sit electus, qui de jure habet muneris vacationem, vel excusationem quinque liberorum, vel aliam, & a tali nominatione appellaverit, excusatione probata & admissa, *sumtus, quos in lite fecit*, recuperat ab injusto nominatore.

Titulus 68.

Si post Creationem quis decesserit.

Si is, qui creatus seu nominatus est ad aliquod munus, ante diem ejus muneris subeundi decessit, *ejus heres non est obligatus*; quia morte creati, finitur creatio.

Titulus 69.

De Tabulariis, Scribis, Logographis, & Censualibus.

Hæstenus generatim de muneribus & honoribus actum; nunc varia *speciatim* munerum genera recensentur. In primo genere collocantur Tabularii, Scribæ, Logographi, & Censuales.

Tabularii, eorum, quæ publico inferuntur & debentur, rationes conficiunt.

Scribæ, sunt Curiarum sive Magistratuum municipalium scribæ.

Logographi, sunt similes tabulariis, nam hi quoque rationibus tributorum scribendis occupantur.

Censuales sunt, qui operam suam accommodant Magistro census in urbe, & acta Senatus conficiunt.

Titulus 70.

De Susceptoribus, Præpositis, & Arcariis.

IN secundo genere ponuntur Susceptores, Præpositi, & Arcarii.

Susceptores sunt, qui annonis & tributis recipiendis vacant.

Præpositi sunt, qui horreis, in quibus species fiscales deponuntur, vel pagis, sunt præpositi.

Arcarii sunt, qui his, quæ in arcam Præfecti Prætorio inferuntur, suscipiendis, præpositi sunt.

Titulus 71.

De Ponderatoribus, & Auri illatione.

IN tertio genere sunt *Ponderatores*, qui Græce vocantur *ζυγασταί*, hi numos probant, & signa ponderum numis imprimunt.

Notandum, liberum esse Collatoribus, solidos cufos, vel massam auri fisco inferre; dummodo æquali lance omnia appendantur: *libra vero auri* constat 72. aureis.

Titu-

Titulus 72.

De Auri Publici Persecutoribus.

Q Volibet quinquennio tributa in auro exacta fuisse, constat. *Aurum hoc publicum* dicebatur, quia ad ærarium fisci pertinebat, vel ad largitiones Principis: atque illud deputati Exactores a Provincialibus exigebant, trans mittebantq; ad Præpositos Susceptoresq; particulares, quorum munus erat, tributa omnia ex manibus Exactorum recipere, eaque protinus ad generalem Susceptorem, in curia Cæsaris commorantem, remittere, qui *Comes sacrarum largitionum* appellabatur. Quoniam vero sæpe contingebat, ut particulares isti Susceptores, qui hoc loco vocantur *Persecutores*, penes se diu retinerent aurum, quod statim ubi collectum & supputatum, sub tabulariorum ob signatione, trans mittendum erat; ideo Imp̃p. Honorius & Theodosius prohibent, ne deinceps illi præsumant aurum publicum sine *persecutoria*, id est, licentia Comitum sacrarum largitionum, exigere, & exactum diutius apud se retinere.

Titulus 73.

De His, quæ ex publica Collatione illata sunt, non usurpandis.

A *Vrum, quod a Collatoribus in publicum infertur*, non est mutuo dandum, & omnino nihil eorum, quæ in publicum inferuntur, a quopiam ullo modo usurpandum. Est enim veluti sacra hæc pecunia, adeo, ut Sacrilegii & Peculatus crimen committere dicatur, qui pecuniam, ærario destinatam, interceptare, ac in suos usus convertere audeat.

Titu-

Titulus 74.

De Auro Coronario.

DEviſtis hoſtibus, inter oblationes, quas ad deco-
randum triumphum Imperatoribus ſuis offerre
conſueverant ſociæ civitates, & conſöderati Reges,
fuit *Aurum Coronarium*, ſic dictum, quod ex eo coro-
næ, inſignia triumphantium, fierent.

Non tamen coacti fuerunt provinciales, aurum hoc
tributi nomine pendere, quin, huius tituli conſtitu-
tione, Gratianus, Valentinianus, & Theodoſius Impp.
non ſolum Auri coronarii collationem remiſerunt,
ſed adeo eam omnino ſuſtulerunt, præcipientes, ut
nullus ad offerendum cogeretur, niſi conſuetudine
eſſet receptum.

Titulus 75.

De Irenarchis.

INter perſonalia munera refertur *Irenarchæ* munus,
quod animi proviſione, & aliquo gerentis detri-
mento, aut patrimonii diminutione, peragitur.

Sunt autem Irenarchæ, qui, ad provinciarum tute-
lam, quietis ac pacis per ſingula territoria faciunt
concordiam, a Decurionibus idonei nominati, pro-
batiq; iudicio Præſidis. Dicuntur aliàs *Curioſi*, eo-
rumq; præcipuum officium erat, delinquentes cape-
re; & ideo ſe ſuosq; ſtationarios, in limitibus aliſq;
locis, collocabant, ut latrones conquererent, & appre-
henderent, criminaq; patrata Præſidi indicarent.

*Titulus 76.*De Argenti pretio, quod Theſauris
infertur.

EXactoribus non licet aurum & argentum ex-
actum apud ſe retinere; ſed ſtatim in arcas fiſca-
les

les id deponendum, & thesaurorum præpositis consignandum est.

Provinciales, tributis obnoxii, quiq; aurum inferre debent, possunt, pro argento, aurum ejusdem valoris solvere, si velint, ita ut, pro singulis argenti libris, quinque solidos auri inferant; nam argenti libra aestimatur quinque solidis, ut auri libra 72. solidis, & 20. eris libras, uno solido.

CODICIS LIBER XI.

Titulus I.

De Naviculariis seu Naucleris, publicas species transportantibus, & de tollenda lustralis auri collatione.

IN quibusdam Codicibus, illud, de tollenda lustralis auri collatione, titulum facit separatum, eumque primum. Sed, nullæ Leges ea de re comparent. Cujacius aliquot Græcas Anastasii leges, latinitate donavit, & exponit, qualis & quanta fuerit istius lustralis auri collatio.

Lustrum, aliàs quinquennii spatium significat, locationi & conductioni tam publicæ, quam privatæ rei præstitutum. Hic loci lustrum pro quodam tributo accipitur, quod olim Imperatoribus de lustro in lustrum, id est quolibet quinquennio, a provincialibus præbebatur; quatuor autem præcedentes anni cujusque lustris, destinati ad iter faciendum, & transvectiones, propter longa interstitia itineris.

Mercatores præstabant aurariam pensionem, quæ vocatur *aurum lustrale*, quia singulis lustris præstabatur. Eam collationem Anastasius sustulit.

Navicularii seu Nacleri, sunt navium domini, Græce *Navarchi* dicti, qui singulis navibus præsunt, habentq; sub se *Exercitores*, *Remiges*, *Nautas*; eorumq; quondam certum *Corpus* fuit & *Collegium*, in *Urbe*, & in provinciis, uti in *Africa*, & in *Hispania*. His curæ erat, *privatas species* quocunq; transvehere; itemq; *publicas species*, in *frumento*, *hordeo*, *oleo*, *vino*, *pecunia* consistentes, a *Susceptoribus* per provincias dispositis, recipere, & eas ad urbem, vel castra, ad *militum sustentationem*, navibus propriis vel conductis, deferre. His *summa securitas* præstabatur, adeo, ut nec *detineri*, nec ad *vestigalium solutionem* compelli possent; *merces* tamen *profiteri*, easq; *publicanis* ostendere debebant.

Titulus 2.

De Prædiis, & omnibus Rebus Naviculariorum.

N*avicularii, cum annonam & alias publicas species vehendas acciperent*, contrahere solebant cum *Fisco*, ejusq; *Susceptoribus Particularibus*, atq; iis promittebant, istas *species* suis navibus se vecturos in locum destinatum. Ex ea conventionem, sive expressa, sive tacita, prædia & res omnes *Naviculariorum*, titulo *pignoris* vel *hypothecæ*, *fisco* obligatæ erant, ad hoc quidem, ut, si culpa eorum *species publicæ*, quas navibus suis vehebant, perirent, aut deteriores fierent, *Navicularii collegii & societatis* contributione, *damnum* sarciretur.

Hinc, qui *fundum navicularii juris* emerat, tenebatur, pro modo istius fundi, *onus agnoscere*; etsi ob hanc causam non fiebat *Navicularius*, nec *residuum* ejus *patrimonium* reddebatur isti *oneri obnoxium*.

Bona Navicularii, intestato sine successoribus defuncti, non pertinent ad fiscum, sed ad corpus naviculariorum.

Titulus 3.

De Navibus non excusandis.

Etiam alii, præter navicularios, possunt habere naves, sed ii *non excusantur a transvectione publicæ annonæ*, etiamsi veterani fuerint; imo neq; Ecclesiarum, neq; personarum in dignitate positarum naves excusantur, dummodo duc millia modiorum capiant.

Titulus 4.

Ne quid oneri publico imponatur.

Sicut in fiscalibus horreis nonnisi fiscalia frumenta constitui oportet; ita *navibus, oneratis publicis speciebus*, onus alienum imponi non debet, nec mercatoribus, & aliis privatis, oneri publico sarcinas suas ut imponant, concedendum.

Titulus 5.

De Naufragiis.

Naufragii periculum pertinet ad eum, qui privatum onus navi, publica annona onerata, imposuit, non ad Navicularium; si modo hic intra annum apud Præsidem provinciæ casum contestetur, & probet, ut res ad Præfectum Prætorio referatur. Navis autem, quocunq; sit per naufragium expulsa, ad dominum pertinet, non ad Fiscum.

Titulus 6.

De Metallariis, & Metallis, & Procuratoribus metallorum.

Metallorum exercitium quidam sponte suscipiebant, ut sibi & Reipubl. prodesse. Alii erant metal-

metallis adstricti, ut inibi perpetuo servire cogeren-
tur, censerenturq; ex corpore Metallariorum, cum
uxoribus & tota sobole, &, si alio migrassent, sine
ulla temporis præscriptione, ad propriæ originis stir-
pem laremq;, una cum sua progenie, revocabantur,
atq; fisco restituebantur.

Procuratores metallorum sunt, qui ex curialibus
ordinantur, ut metallicum canonem exigant: *Metal-*
larii vero dicuntur, qui metalla effodiunt.

Titulus 7.

De Murilegulis, & Gynæciariis, & Pro-
curatoribus Gynæcii, & de Monetariis,
& Bastagariis.

VTi Naviculariorum & Metallariorum erat cer-
tum corpus, ita quoque *Murilegulorum*. Ii le-
gebant murices & conchylia, ex quibus Tyrius color
conficitur, quo tingebantur Regum & Cæsarum ve-
stes; atq; *dipapba* erat bis tincta purpura, Principibus
& Senatoribus peculiaris.

Murileguli, non poterant ad ullam militiam vel
dignitatem aspirare; atq; sufficiebat, solum patrem,
vel solam matrem esse huic conditioni obnoxiam, ut
etiam filii sint murileguli.

Gynæciarii, proprie sunt textores, addicti conte-
xendis conficiendisq; vestibus Imperialibus, uti *Ba-*
pbii tinctores. *Gynæcium*, est textrinum, sic dictum,
quod eo scemina, ad opus lanificii exercendum, con-
veniant.

Procuratores Gynæcii erant, quorum curæ com-
missi erant textores lanificii, tinctores, cæteri; in
Gynæcio, circa pannos & purpuram, in usum Impe-
ratoris laborantes.

Monetarii sunt, qui Principis iussu monetam cudent. Eorum conditio, quamvis ita vilis erat, ut a dignitatibus prohiberentur, tamen corpus eorum late diffusum fuisse, argumentum est bellum, sub Aureliano ab iis suscitatum, in quibus comprimendis, multa militum millia interempta fuisse; ipse Aurelianus, in quadam apud Vopiscum epistola, profitetur.

Bastagariis incumbere rerum ad fiscum pertinentium vectura, quam propriis jumentis faciebant, excepto quinto quoque jumento, quod a fisco præbebatur.

Titulus 8.

De Vestibus holoberis & aufatis, & de intinctione sacri Muricis.

AD *Baphios* tinctio purpuræ, quæ Imperatorum propria erat, pertinebat; cæteris, & tinctio, & usus commerciumque purpuræ interdictum erat. *Vestes* autem *holoberæ*, id est *holosericæ*, sive quæ sunt totæ sericæ, si purpureæ sint, tam viris quam mulieribus interdicebantur: si non purpureæ, solis mulieribus permittebantur, quemadmodum & auratæ.

Titulus 9.

De Fabricensibus.

FVit quoque certum *Corpus Fabricensium*, qui in publicis fabricis seu officinis, arma bellica fabricabant. Erant in Romano Imperio publicæ fabricæ, in Illyrico quinque, in Italia sex, in Gallia octo, in aliis locis aliæ.

Fabricenses, arma nulli privato vendere poterant, sed, si quæ nova fabricassent, cogebantur statim deponere in armamentario publico, ex quo belli tempore eorum fiebat distributio, per Duces & Consules.

Titu-

Titulus 10.

De veteris Numismatis potestate.

Moneta, veterum Imperatorum nomine & imagine insignita, dummodo sint iusti ponderis, & speciei probæ, id est boni & iusti metalli, a contrahentibus & creditoribus recipi debent; qui contra fecerint, puniuntur arbitrio iudicis.

Titulus 11.

Nulli licere in frænis & equestribus sellis, & in baltheis, margaritas & smaragdos, & hyacinthos aptare, & de Artificibus Palatinis.

Quemadmodum vestes sericas, aut intextas, privatis habere aut conficere non licet; ita nec illis permissum est, in frænis, sellis, baltheis, margaritis, smaragdos, & hyacinthos aptare, vel inserere. Reservant enim sibi Principes, splendidum in equis & sellis equestribus apparatus, ac in vestibus ornatum, quo privatos uti non decet. Expedit enim Reipubl. subjectos habere locupletes, & ne divitiis suis male utantur.

Titulus 12.

De Classicis.

Ad officium Præfecti Prætorio Orientis spectat cura Classium, quæ instruendæ sunt, ad purgandum mare & flumina a piratis, ut navigationes sint securæ: item conferunt ad alias publicas necessitates; uti contra barbaros. Classicorum numerus semper suppletendus est ex incensitis, sive iis, qui libris censualibus nondum inscripti sunt, vel accrescentibus, id est liberis classicorum.

Titulus 13.

De Decurialibus Urbis Romæ.

Romæ Collegium erat Decurialium, qui SCta excipiebant, complebant, & in scriniis servabant; iis præerat Rector. Hi certa habebant privilegia, v. c. quod injuriis corporalibus non possent affici; non possent torqueri &c. Hæc, ipsis sine causa auferenda non sunt, nisi ex delicto accusentur, quod scilicet se ordine isto indignos fecerint, & privilegia amiserint. Nam, eo casu, non alibi tamen, nisi coram Rectore suo, qui est eorum iudex ordinarius, sunt conveniendi.

Titulus 14.

De Privilegiis Corporatorum Urbis Romæ.

Certa erant Collegia in urbe Roma, ut Pistorum, & aliorum; de quibus in sequentibus. Ii habebant sua privilegia. His ergo nova onera imponi vetat Imperator. In vicem jubet, ut Corporati, seu Collegæ istius collegii, si alibi versentur, Romam redire cogantur.

Titulus 15.

De Pistoribus.

Pistores, qui ex lege constitutum panem excoquebant, non debent alienam dignitatem (v. g. Comitum horreorum, cui Pistores in palatio Cæsaris, ut mancipēs seu mancipia, suberant) appetere; alioquin 30. libris auri mulctantur, & retrahuntur ad Collegium suum, licet Rescriptum per obreptionem impetraverint; cum hoc sit contra publicam utilitatem.

Titu-

*Titulus 16.*De Suariis, & Susceptoribus Vini,
& cæteris Corporatis.

Suarii, sive Porcinarii, suillam carnem a collatoribus suscipiebant, ad victum civium Romanorum, eamq; tenebantur popularibus affatim præbere; quin & porcos agebant in pascua publica.

Posterior tituli pars, est de *cæteris Corporatis*, seu adscriptis alicui collegio; quibus annumerat Cujacius *Susceptores Vini*; qui nimirum vina fiscalia suscipiebant, & vendebant incolis urbis Romæ. Institutum deinde ab Alexandro Imp. *Corpus & Collegium Vinariorum*, qui negotiationem Vini in Urbem vehendi exercerent, &, ne quid peccaretur, *Rationalis Vini* additus fuit.

Erant itaq; adstricti, vina, quæ a fisco accipiebant, aut aliunde advecta emerant, pura revendere in tabernis, uti Suarii carnes suas in macello, & ideo iisdem, quibus hi, privilegiis fruebantur.

*Titulus 17.*De Collegiatis, & Chartopratis,
& Numulariis.

Collegiati, constituebant certum collegium, erantque e diversis corporibus ordinati, numero 563. & hi incendiis arcendis, aliisq; necessitatibus publicis præpositi erant.

Chartoprati, chartas ex provinciis missas, vendebant.

Numularii, erant Collybistæ, seu monetæ permutatores.

*Titulus 18.**De Studiis liberalibus Urbis Romæ,
& Constantinopolitanæ.*

Imperatores eos infamia notant, & relegationem iis minantur, qui sibi usurpant publice docendi auctoritatem, si eis collata non fuerit: privata vero disciplina ac institutio cuique permittitur.

Interdicitur Professoribus publicis, ne privatim doceant, sub pœna amissionis privilegiorum: ne hac ratione a publico munere avocentur; quod tamen intelligendum, si publicæ lecturæ negligantur.

Ob vicinitatem auditorii, Fabri, & similes, ex vicinia expelli possunt, præsertim, si præverterit Auditorium tales fabros & malleatores.

Vicinus potest cogi, ut, in gratiam auditorii ampliandi, suas ædes vendat.

Studium, in hoc titulo, accipiendum de Academia & Vniversitate, in qua Magistri, Doctores, & Professores diversarum scientiarum, congregantur, & ibidem juvenes virtutibus & bonis literis imbuunt.

*Titulus 19.**De Honoratorum Vehiculis:*

Vrbis Roma hoc privilegio utitur, ne quis in ea vehiculis & carrucis utatur, nisi qui præditus est aliqua dignitate civili vel militari, aut honore aliquo cum administratione jam perfunctus fuerit, veluti si Præfectus Prætorio, Magister militum, Præfectus urbi, Prætor, Consul extiterit.

*Titulus 20.*De Privilegiis Urbis Constantino-
politanae.

Constantinopolis, nova Imperatoris sedes, iisdem privilegiis frui debet, quibus fruitur antiqua Roma, atq; exempta est ab extraordinariis oneribus.

Titulus 21.

De Metropoli Beryto.

Beryto tribuitur privilegium, quod Roma & Constantinopolis sortita fuit, ut imposterum sit Phoeniciae metropolis, prout Tyrus; erat enim Academia legum studio celeberrima.

Titulus 22.

De Canone Frumentario Urbis Romae.

Canon frumentarius, erat certa quantitas frumenti, olei, porcinae, bubulae &c. quae a provinciis conferebantur, ad alendam plebem Romanam, & ab illatione hujus canonis, nemo excusari poterat, etiam privilegii specialis intuitu; nam, pugnaret cum publica utilitate.

Sed, nec id privilegium valere vult Imperator, ut quis aliam speciem pro alia inferat, v. g. oleum pro frumento: nam, qui tale privilegium impetrat, in duplum condemnandus est.

Si Praesides, vel alii, ex annona hac urbis, sibi quid sumserint, vel usurpaverint, deportationis poena, Officiales eorum primi, etiam capitali supplicio, plectuntur. Ne autem vitiosa species Romam advehatur, aut negligentia Naviculariorum corrumpatur, aut ab his commutetur cum corrupta annona, ideo in Provinciis visitanda a Praesidibus & Magistratibus locorum

corum, & testimonium dandum nautis, de suscepti commeatus integritate. Navi autem Romam adpulsa, denuo inspectio commeatus a Præfecto annonæ facienda.

Titulus 23.

De Frumento Urbis Constantinopolitanæ.

Constantinus, certam annonæ quantitatem deputaverat, ut ex ea panis coqueretur, ad usum municipum, quam Theodosius adauxit.

Præfectus Vrbi, pecuniam, in frumenti publici coëmptionem destinatam, in alios usus convertere non debet, alioquin tenebitur in duplum, & in id præterea, quod ex pecunia lucri fecit, & ea pœna, auro frumentario associanda. Potest tamen hæc pecunia, ad coëmendum frumentum ordinata, mutuo dari Pistoribus, ut vel pecuniam reddant, vel frumentum. Sed id fieri debet testato; quomodo etiam solutio facienda,

Titulus 24.

De Annonis Civilibus.

Annona Civilis est, quæ civibus viritim gratis erogabatur, singulis diebus: atq; in ejus locum successerunt panes, qui, civiles, vocabantur, ad differentiam Palatinorum, qui ex palatio petebantur, atque civiles, dabantur etiam quibusdam Scholaribus. Erant quoque panes Fiscales, qui a Fisco, & panes gradiles, qui e gradibus, qui in unaquaque regione Romæ erant ad pistrina, cuiq; e populo præstabantur. Nimirum erant sui cuiq; tribui gradus destinati, quos mutare non licebat, nec alteri ad alterius gradum transire fas erat; idq; Officiales Præfecti annonæ prohibebant. Vnde in Numismatibus Trajani & Adriani

ni gradus visuntur, per quos populus ascendebat. In summo erat Scriba, & alius cum tessera, qui panes dividebat. De Constantino proditum est, cum anno, quo Consul fuit designatus, panem, carnem, vinum, & oleum inter cives divisisse; idem octoginta millia panum quotidie pauperibus largitus est.

Titulus 25.

De Mendicantibus validis.

ANnonæ Civiles dabantur civibus pauperioribus & mendicis. Sed, quia multi mendicantium fami sunt, & annis viribusque vegeti, qui tamen *agritudinem simulant*, ideo cuilibet licet eos pervestigare, ac, qui fraudem detexerit & probaverit, hic eum mendicum acquirit ut servum, si servilis sit conditionis, aut, ut colonum, si sit liber, salva tamen manente Domino actione servi corrupti, contra eum, qui servum corruerit. Sed huic derogatur in *Nov. 80. c. 5.* ubi ad opera publica, v. g. pannificia, cultum hortorum, & similia transferri jubentur.

Titulus 26.

De Nautis Tiberinis.

Nemo, cujuscunque sit dignitatis, vel qualicunque privilegio sit donatus, *qui navim in Tiberi habet*, poterit se excusare a subvectione canonis frumentarii urbis Romæ.

Titulus 27.

De Frumento Alexandrino.

Alexandria, exemplo veteris & novæ Romæ, præ aliis urbibus, hoc habebat præcipuum, *ut certus canon annonæ populo distribueretur.* Illi canoni in dies singulos Theodosius centum & decem modios addi-

addidit, & prohibuit, ne hoc congiarium vel donum vocetur *Perissochoregia*, id est, ne nomine ambizioso *Supererogationis* appelletur, sed simpliciter *Tessera Theodosiana*: quod erat fortasse signum frumentarium plumbeum, quo exhibito, unusquisq; annonam pro portione sua accipiebat a Præfesto annonæ.

Notandum discrimen inter Canonem Frumentarium, & reliqua frumenta. Canon gratis datur egenis civibus utriusq; Romæ & Alexandriæ; *Frumenta* vero, publica pecunia emta & condita in publicis horreis, omnibus indigentibus vendebantur tempore necessitatis; nam, gratis, præterquam mendicantibus invalidis, non dantur publica frumenta.

Titulus 28.

De Alexandriæ Primatibus.

VT frumentum Alexandriam vehi commodius posset, Nilus repurgandus erat, quo profundior & aptior navigationi fieret. Hujus repurgationis onus, olim *Corporatis Alexandriæ* incumbibat, ad *Primates* vero, sive viros præcipuos ejus urbis, istius rei cura pertinebat. Sed Theodosius Imp. utrosq; corporatos & incolas molestia repurgandi fluminis liberavit, ac ad purganda Nili ostia, ex *vestigali dinummio*, (a præstationis quantitate sic dicto) assignavit 400. solidos.

Titulus 29.

De Jure Reipublicæ.

Reipublica, hic pro civitate accipitur, & docetur, sententiam, contra civitatem indefensam latam, non valere: quæ tam in hac, quam in aliis causis, comparatur pupillo, vel adolescenti.

Respublica omnis, sive Romana, sive Municipalis, si læsa sit in contractu vel iudicio, potest petere *restitutionem in integrum*.

Civitates habebant hoc statutum, ut, si, in ruina collapsis ædificiis, dominus ædes non exstruat inter certum tempus, area cadat in commissum, & civitas eam pro lubitu vendere possit.

Titulus 30.

De Administratione Rerumpublicarum.

Videndus libri 50. Digestorum titulus 8. *De Administratione Rerum ad Civitatem pertinentium*.

Titulus 31.

De Vendendis Rebus Civitatis.

Vtilis sæpe & necessaria est rerum Civitatis venditio, atq; ubi decreta, primo debet fieri rerum mobilium, quæ servando servari non possunt, dein immobilium, pro reparatione murorum, instructione pontium, conservatione molarum, purgatione fluminis fontiumque.

Cum jam decreta est venditio, eaq; perfecta, non potest revocari, etiamsi alius augmentum pretii offerat; quoniam adjectio pretii non admittitur, licet admittatur in causa fiscali: Civitates enim privatorum jure utuntur, & minus eis favent jura, quam fisco.

Titulus 32.

De Debitoribus Civitatum.

Debitor Civitatis, non potest munus suscipere in Republ. gerendum, nisi Reipubl. solverit, aut satisfecerit, vel caverit. Quod intelligendum de eo, qui ex administratione quid civitati reliquum debuit, vel ex pollicitatione, non ex mutuo, vel alio contractu

tractu. Ratio petenda ex materia Tutorum ; nam tutela iis demandari non potest , qui sunt debitores pupillorum.

A debitore civitatis , qui est solvendo , non est repetenda sors , si usuras præstet.

Titulus 33.

De Periculo Nominatorum.

Qui jus habent nominandi Administratores Reip. æquum est , ut sustineant periculum suæ nominationis , si videlicet minus utiles Reipubl. personas elegerint , nec ab eis satis exegerint. Nempe , interdum Duumviri & Decuriones designare solebant Successores , item Officiales , Quæstores , Actuarios , Depositarios , Oeconomos nominare : ex qua nominatione Reipublicæ obligantur , si successores nominati , tempore depositæ administrationis , non sint solvendo.

Titulus 34.

De Periculo eorum , qui pro Magistratibus interveniunt.

Qui pro Magistratibus fidejusserunt , tenentur tantum ex administratione Reipubl. ad interesse , ut scilicet damnum Reipubl. restituant , sed ad pœnam , si quam Magistratus meruit , non tenentur , imo ad id , quod Reipubl. principaliter interest , tantum tenentur , non ad id , quod per consequentiam interest.

Titulus 35.

Quo quisq; Ordine conveniatur.

Docet hic titulus , quo ordine quisq; in judicio conveniatur , tam qui Magistratum aut munus aliquod publicum gessit , quam ejus Collega , Successor , Fide-

Fidejussor, Nominator, quibus omnibus imputantur damna, quæ ex mala administratione gestoris Respublica patitur. Imprimis itaq; si cura & conservatio pecunie publicæ duobus simul sit commissæ, nulla mentione facta, quis ex iis sit administraturus, ambo conveniuntur in solidum, non ex virili portione. Veruntamen, cum de indemnitate civitatis queritur, prius qui revera administravit, conveniendus est, & mox, eo deficiente, & non existente solvendo, convenitur collega.

Titulus 36.

Ne quis Liber invitus Actum Reipublicæ gerere cogatur.

Ministeria vilia & sordida nemo invitus suscipere cogitur. Unde is, qui decreto Ordinis ad libertatem deductus est, non debet invitus actum Reipubl. gerere, id est ministerium vile exercere, servis Reipubl. deputatum. Nimirum, Servis tantum vilia officia operaq; sordida demandabat Respubl. atque iis utebatur, in pecuniis dandis & suscipiendis, in stipulationibus contrahendis, rationibus tractandis, qui omnes tanquam Actores erant, sub dispositione Curatoris Reipublicæ.

Titulus 37.

Sumtus injuncti Muneris ad omnes Collegas pertinere.

Collega appellantur, qui sunt ejusdem muneris & collegii.

Si plures Collega creati sint, v. c. ad munus cogendarum angariarum, & unus solus coegerit, sumtus in eam rem factos, pro virili, a consortibus repetere potest.

Titulus 38.

De His, qui ex Officio, quod administra-
runt, conveniuntur.

Administratores, qui minus caute pecuniam Reipubl.
credidit, tantum in sortem tenetur Reipubl., non
etiam in usuras, si modo vacet culpa & dolo, ejus
vero pecuniarum, quae apud illum remansit, etiam usu-
ras praestat.

Titulus 39.

De Solutionibus & Liberationibus
Debitorum Civitatis.

Quemadmodum privati servos actores habent, ita
& Respublica servos habet, prepositos pecuniis
dandis, suscipiendis & exigendis, & stipulationibus
contrahendis, rationibusque tractandis, qui sunt sub
Curatore Reipubl. qui etiam Pater civitatis appella-
tur. Huic enim cura & potestas data est exigendi, per
hujusmodi publicos servos, debita civitatis, ejusque
rationes tractandi.

Debitor Civitatis, solvens Actori Reipublicae, non
prius liberatur, quam ab eo apocham de soluto ac-
ceperit, signatam a Curatore Reipublicae, vel ab eo,
cui exigendi jus est.

Titulus 40.

De Spectaculis, & Scenicis, & Le-
nonibus.

Cum gymnici agones (i. e. certamina, in quibus
athletae se mutuo exercebant) paulo ante fuissent
vetiti, Justinianus illos permisit illis, qui sponte sua,
recreandi populi gratia, talia spectacula edere volunt;
ita tamen, ut nemo ad ea edenda compelli debeat.

Hinc

Hinc ad ista certamina legari etiam potest, nisi spectacula illiberalia & turpia sint, aut magis necessariorum causarum Rempubl. urgeant. Diebus autem dominicis & festis, spectacula omnia prohibita.

Pater, qui filiam prostituit, & dominus, qui ancillæ peccandi necessitatem imponit, amittunt patriam vel herilem potestatem: nec filia aut ancilla patri aut domino quid acquirit; & filia vel ancilla implorare possunt opem Episcoporum, Præsidum, aut Defensorum plebis, ut a tyrannide parentum aut herorum liberentur.

Titulus 41.

De Expensis Ludorum Publicorum.

Licet Præsidum expensas, ad Ludos destinatas, in murorum refectionem necessariam convertere; ita tamen, ut, refectionis muris, Ludi in voluptatem populi rursus exhibeantur.

Titulus 42.

De Aquæductu.

I, per quorum prædia transit publicus Aquæductus, commoda habent, & onera. Onera sunt, quod ductus aquarum seu canales a sordibus mundare debent, vel eo nomine annuam solvere pensitationem, pro Aquæductus repurgatione. Nam, si hoc neglexerint, & ex neglectu eorum Aquæductus damnum accipiat, fisco prædium illud occupare licet. Item, ei curandum, ut ex utraque parte spatium ab arboribus liberum habeatur per 15. pedes, & ut pullulantes sua sponte arbores radicitus amputentur, ne radices aquæductui seu canalibus incumbant, & eos corrumpant. Commodum est, quod immunitas ab aliis oneribus extraordinariis talibus conceditur.

Qui, sine permissu Principis, ex aquæductu aquam in suum prædium derivaverit, ejus prædium confiscatur.

Qui Principis consensu, vel longo usu, acquisiverunt jus derivandæ aquæ, eo privilegio civiliter debent uti, ad necessitatem, non ad irrigandos agros ac hortorum delicias.

Titulus 43.

De Gladiatoribus penitus tollendis.

OMnia Spectacula cruenta, in quibus vel effunditur, vel effundi potest humanus sanguis, sunt prohibita, & contrarium permittens lex vel consuetudo, corruptela est habenda; & contrarium faciens, Ecclesiastica sepultura se reddit indignum.

Titulus 44.

De Venatione Ferarum.

Prohibitum quoque est cruentum spectaculum pugnantium cum bestiis in arena. Cæterum, ferarum noxiarum capiendarum & occidendarum quisque habet licentiam. Feræ autem, quæ a limitaneis Ducibus ad comitatum Principis transmittuntur, non diutius 7. diebus in urbibus detinendæ sunt.

Titulus 45.

De Majuma.

ERat Majuma prisca Romanorum celebritas, a Claudio Cæsare instituta, quam Calendis Maji, luxuriante jam floribus Vere, Majæ, seu Floræ Decæ, ut campis & arboribus faveret, expedierunt, apud Ostiam, in Æde Castorum. Id enim Numen ibi cul-

cultum, ventorum marisque causa. Ovid. lib. 4.
Fastor.

Mille venit variis Florum Dea nexa coronis,

Scena joci morem liberioris habet.

Exit & in Majas festum Florale Calendas.

Sed Floralia turpius peregerunt Romani veteres, quam posteriores Majumani. At, recidente hoc festo in pristinam spurcitiam, in Trullensi Synodo, sub Constantino M. damnatae sunt primae diei Maji festivitates. Restituere tamen eas Arcadius & Honorius, tituli hujus lege, qua testantur, clementiae illorum placuisse, ut Majumae provincialibus letitia reddatur: ita tamen, ut servetur honestas, & verecundia castis moribus perseveret.

Titulus 46.

Vt Armorum usus, inscio Principe,
interdictus sit.

VT fabricae armorum solius Principis sunt, sic arma comparare, bellum movere, privatis penitus interdictum: nam id solius Majestatis est. Sic & arma portare, extra casum peregrinationis, non licet.

Titulus 47.

De Agricolis, & Censitis, & Colonis.

Agricole erant, qui agrum colebant, & in eam rem adscripti glebae, unde nominati *Adscriptitii*. Successu temporis, ex his alii, ob annuam pensionem, quam Domino pendunt, ex cultura agrorum *Coloni* dicti sunt, aut *Partiarii Coloni*, quasi qui pro parte fructuum agros colunt. Qui pretio, & pecuniae pensione id faciunt, *Censiti* dicti, quasi censum

præstantes. *Inquilini* dicuntur, qui alibi, quam ubi nati sunt, in conducto habitant, & certam fructuum partem, aut pecuniæ summam domino præstant.

Titulus 48.

De Capitatione Civium censibus
eximenda.

Capitatio erat capitis census, singulis capitibus impositus: atque pauperiores, uti coloni censiti, cum, ob tenuitatem patrimonii, censum rei, seu patrimoniale tributum præstare non possent, ideo capita & personæ singulæ censebantur, & masculi a 14. anno, unum aureum, foeminae a 12. anno, usque ad 65. dimidium quotannis pro capite pendebant. Verum, quia odiosa erat hujusmodi capitatio, & ejus exactio nimis acerba, eam Constantinus sustulit, jussitq; , ne imposterum cives Romani pro capitacionis tributo convenirentur, sed haberentur immunes.

Titulus 49.

In quibus causis Coloni Censiti Dominos
accusare possint.

Coloni Censiti, libris censualibus inscripti, erant quodammodo servi; quia perpetuo obstricti erant culturæ agrorum, & ex conventionem aliquem censum domino solvere cogebantur, ex ipsis agris, eorumq; fructibus.

Quia sæpe contingebat, ut domini ampliores censum exigent, quam ex conventionem coloni præstare cogebantur, ideo statutum, ut, si domini coram judice convicti fuerint, id omne, quod supra modum extorserint, reddere compellantur.

Titulus 50.

De Colonis Palæstinis.

Colonorum Reip. exemplo, mittebantur novi Coloni, qui desertas captasq; bello civitates imple-
rent, agros colerent, sub pensionis annuæ præstatio-
ne. Erant autem coloni quasi æternitatis quodam
jure adstricti, ita ut non liceret ex locis, quæ colenda
susceperant, discedere, nec ea deferere.

Ejusdem conditionis erant etiam *Coloni Palæstini* :
quia verò terras suas se dimittere posse, proprio quo-
dam jure, existimabant, sancitum est, ut per totam
Palæstinam nullus omnino colonorum illo jure, vel-
ut vagus ac liber, exultaret, sed, exemplo aliarum pro-
vinciarum, ita domino fundi tenerentur, ut sine pœ-
na, etiam ejus, qui illos susceperat, non possent absce-
dere; &, si abscessissent, domino possessionis fugiti-
vum revocandi libera potestas dabatur.

Titulus 51.

De Colonis Thracensibus.

PER universam *Thraciam* coloni omnes immunes
erant a capitationis censu; jugationem tamen ter-
ræ solvebant.

Jugatio agrorum possessionumq; mensuram cer-
tam significat, pro cujus modo Imperatoribus pen-
satio præstabatur: Atque dicitur *Jugatio* eadem ra-
tione, qua veteres id agri spatium, quod juncti boves
uno die exarare poterant, *jugum* appellabant.

Coloni Thracenses non ideo, quod tributariæ sortis
nexibus soluti essent, vagandi, & quo libuisset rece-
dendi facultatem habebant; cogeantur enim, ut ca-

teri coloni omnes, terræ adherere, nec ullo pacto eam dimittere, aut permutare.

Titulus 52.

De Colonis Illyricianis.

Coloni quoque *Illyrici* jugationem terræ præstant, non capitationem; ab ea tamen terra recedere non possunt. Tales itaq; etiam si conditione viderentur liberi, erant tamen servi ipsius terræ, eiq; adhærebant.

Titulus 53.

Vt nemo ad suum patrociniū suscipiat Rusticanos, vel Vicos eorum.

Rusticani seu *Ruricolæ*, ruralia & terrestria opera faciunt, etiam si quandoq; in urbe degant, suntq; omnino liberi & ingenui, non perpetuæ agriculturæ addicti, uti coloni & tributarii. Quippe rustici fere proprios tantum agros colunt: coloni censiti alienis agris colendis adscripti erant.

Interim, si quos agros colendos Rustici suscepunt, illos durante conventionē deserere iis non licet, & se, aut vicos in clientelam dare; qui vero id fecisse probantur, digna castigatione coërcentur, & ad dominos suos redire coguntur.

Potentiores *Nobiles*, qui, contra publicam utilitatem, in suum patrociniū rusticos suscipiunt, centum librarum auri condemnationem subeunt; mediocris vero fortune facultatum suarum amissione plectuntur.

Titulus 54.

Ne Rusticani ad ullum obsequium devocentur.

PROpter utilem operam, quam Rustici Reipubl. exhibent, & ne cogantur agriculturam deserere, nihil præter jugationem & capitationem præstant, neq; alia onera aut sumtus iis imponendi. Hinc oves, boves, aut servos ipsorum, apparitoribus aut aliis officiatis, prætextu muneris publici, capere non permittitur.

Titulus 55.

Non licere habitatoribus Metrocomiæ loca sua ad Extraneum transferre.

METROCOMIA, est mater vicorum, seu villa major, quæ sub suo districtu plures pagos & vicos continet; uti Metropolis, est mater urbium.

Extranei non possunt terram metrocomiæ possidere, idcirco non licet vicans, extraneo terras suas vendere, sed tantum convicanis, id est habitatoribus ejusdem metrocomiæ.

Titulus 56.

Vt nullus ex Vicaneis, pro alienis Vicaneorum debitis teneatur.

CUM iniquus ille mos invaluisset, ut ex contractu vel delicto unius ex convicanis, vel rusticanis, alter convicanus teneretur, & ut liceret creditori ob unius vicani debitum, alium quemvis, ex eodem vico detinere, & bona apprehendere, quoad verus debitor satisfacisset, Zeno Imp. hujusmodi iniquitatem contra vicanos seu vicarios exerceri prohibet.

Quin & Honorius & Theodosius nullo modo voluerunt, ut pro publicis debitis alienis conveniretur alterius possessio, id est prædium; cum tamen aliqui publicorum debitorum seu fiscalium magnus sit favor.

Titulus 57.

De Censibus, & Censitoribus, & Peræquatoribus, & Inspectoribus.

Census, est æstimatio bonorum, facta, ut secundum eam tributa præstentur.

Æstimandis & censendis bonis præficiabantur *Censores* seu *Censitores*. *Peraquatores* & *Inspectores* vero dicti, qui censum emendabant, prædiis inspectis, ne alter alterius onus ferat, sed æqua lance tributa pendantur.

Titulus 58.

De omni Agro deserto, & quando steriles fertilibus imponuntur.

Agrorum hoc titulo varia genera, seu variaz qualitates, considerantur.

In primo genere sunt agri deserti, id est inculti, ac differunt ab iis, qui pro derelicto habentur. Hi enim statim ejus desinunt esse, qui dereliquit, & illico conceduntur occupanti. At, isti a domino, intra biennium meliorationis impensas restituente, recuperari possunt. Biennii autem silentio, dominus jus suum amittit, & ex eo tempore is, qui occupavit, & coluit, canonem fisco pendit.

Si agrum desertum nemo occupet, suscipere volenti addicitur, sine reliquorum onere; antiquus autem dominus, & creditores, præscriptione sex mensium excluduntur.

Desertum agrum nemo invitus suscipere cogitur, nisi ejusdem substantiæ bona possideat; aut, nisi extraneus alienum colonum, aut adscriptitium, mala fide susceptum, reddere noluerit, atq; ob eam causam ager desertus fuerit.

Quoniam igitur deseri solent agri steriles, atque hi regulariter adjiciuntur habentibus agros ejusdem substantiæ, qui scilicet eidem domino canonem præstant; ideo hæc adjectio significatur posteriori rubricæ parte.

Ex quo ager deseritur, fit sterilis, & sine fructu; non tamen omnis sterilis est desertus, quia desertus dicitur, qui a nemine possidetur, sed deseritur, & non seritur. At sterilis, tametsi infructuosus jacet, possideri potest, & adjungi fertilibus.

Titulus 59.

De Fundis Limitrophis, & Terris, & Paludibus, & Pascuis, & Limitaneis, vel Castellorum.

I*n secundo genere agrorum, sunt fundi limitrophi, vel limitanei, vel castellorum.*

Limitrophi fundi sunt, ex quibus ad Imperii limites annona defertur, ad alendos milites limitaneos, ideoque dicuntur limiti deputati.

Milites autem limitanei dicuntur, qui limites, id est fines Imperii, adversus barbaros tuentur.

Fundi limitanei sunt, qui ad limitaneos spectant, una cum paludibus & pascuis.

Fundi castellorum sunt, qui ad milites castellanos pertinent, id est ad eos, qui, præsidii causa, in locis munitis stationem habent.

In

In pascuis igitur limitaneis, vel castellanis, animalia militaria pascuntur.

Titulus 60.

De Pascuis publicis & privatis.

A *Nimalia militum, ceu dictum, in fundis limitaneis pascuntur, non item in publicis vel privatis. Pascua vero publica appellantur, quæ usui incolarum alicujus civitatis sunt deputata. Milites enim debent esse contenti suis stipendiis, & nihil ultra debitum subsidium extorquere, nec pascua aliena ingredi, nisi belli urgeat necessitas; tunc enim militum stationibus loca viciniora sunt communia.*

Titulus 61.

De Fundis Patrimonialibus, & Saltuensibus, & Emphyteuticis, & eorum Conductoribus.

I *N tertio genere sunt fundi, pertinentes ad substantiam Principis.*

Principis substantia duplex est: una Publica, seu fiscalis, quæ est quasi in patrimonio Principis; altera Privata, quæ vere & proprie est in ejus patrimonio.

Fundorum, ad privatam Principis substantiam pertinentium, alii appellantur Patrimoniales, qui sunt sub Comite sacri patrimonii; alii Rei private, constituti sub Comite rerum privatarum; alii Divine domus, qui pertinent ad curam Comitis domorum. Sunt insuper alii fundi Emphyteutici, alii Dominici, alii Tarniaci; de quibus omnibus ordine sequitur.

Fundorum Patrimonialium Principis triplex erat conditio. Alii enim colendi dabantur ad modicum tempus; & tunc pleno jure remanebant Principi. Alii trans-

transferebantur in privatos, salvo canone. Alii dabantur jure emphyteutico in perpetuam emphyteusin, steriles præsertim agri & inculti, ut fertiliores redderentur. Nam Respublica, aut Princeps, paucos agros sibi reservat, ut eo magis cives agriculturæ studeant.

Titulus 62.

De Mancipiis & Colonis Patrimonialium, Saltuensium, & Emphyteuticorum Fundorum.

Quemadmodum in fundis privatorum sunt varia genera agricolarum, nempe Servi, Coloni adscriptitii, & Coloni liberi: ita etiam eadem agricolarum genera reperiuntur in fundis patrimonialibus, saltuensibus, & emphyteuticis; nisi quod aliqui istos agros colendos ad tempus susciperent, certa pacta mercede, quæ erat decima frumenti: alii in perpetuum ita se obstringerent culturæ, ut ab ea recedere non possent, nec aliud munus appetere, aut militiæ nomen dare.

Titulus 63.

De fugitivis Colonis Patrimonialibus, Saltuensibus, & Emphyteuticis.

Si fundorum patrimonialium & saltuensium coloni ad militiam convolent, ab ea revocandi & retrahendi ad agros, quos antea colebant, ac quibus erant adscripti. Item parvuli, & orti ex colonis patrimonialibus, non obstantibus militiæ stipendiis, revocantur ad culturam, quam parentes eorum exercuerunt: uti ex curialibus orti, ad munera suæ patriæ.

Titu-

*Titulus 64.*De Collatione Fundorum Patrimonialium,
& Emphyteuticariorum.

Hic titulus ostendit, *quæ tributa & munera realia præstare teneantur, qui patrimoniales fundos possident, aut in emphyteusim acceperunt.* Docet autem imprimis, non liberari eos ab ordinariis muneribus, nec a munere viarum muniendarum, quoniam ista munitio & resectio omnibus prodest.

Idem dicendum, *de reparatione mœnium*, quæ etiam communem spectat utilitatem; nam, licet fundi & possessiones sint extra muros, aut munitiorem civitatis, tamen, ubi illa munita est, magis secure agricoluntur, fructus percipiuntur, & conservantur. Nimirum, nemo eximitur ab ordinariis muneribus; quæ in commune omnibus profutura sunt.

*Titulus 65.*De Fundis Rei privatæ, & Saltibus
Divinæ Domus.

Ad privatam Principis patrimonium pertinent fundi rei privatæ & divinæ domus, itemque, quas sequens titulus vocat rei dominicæ. His fundis colendis adscripti erant coloni, agricolæ, & servi, qui etiam Dominici, alibi Fiscales appellantur, nec unquam ab illis fundis discedere poterant. Qui tamen, per tempus 30. annorum, collegio, curiæ, vel corporibus serviverant, non revocabantur ad fundos rei privatæ vel dominicæ, quia diuturnitate temporis quasi liberi censebantur.

Erat autem inter fundos discrimen. Alii enim vel ad agriculturam, vel ad alios fructus producendos, erant apti,

apti: alii plane steriles & inculti, in quibus animalia pascuntur, nec alium fructum præter pascua ferebant: atque hi fundi appellantur *saltuenses*.

Titulus 66.

De Fundis & Saltibus Rei Dominicæ.

POterat hic titulus conjungi superiori, cum Res Dominica & Privata idem sit, & pertineat ad patrimonium Principis. Fortasse tamen ideo separatur, quod superior titulus differit de fundis rei privatæ, qui a Principe, vel ejus Procuratore, justo aliquo titulo dantur; hic vero de fundis rei dominicæ, qui nullo titulo ab aliis occupantur. Si quæ ergo prædia, ad sacrum dominium pertinentia, cujuslibet temeritas occupaverit, secundum veteris census fidem, in sua jura retrahuntur, per Comitem rei dominicæ, qui loca sacri patrimonii curat.

Titulus 67.

De Agricolis, & Mancipiis Dominicis vel Fiscalibus publicæ rei, vel privatæ.

Quamvis hæc tituli inscriptio sit recepta, rectius tamen omitteretur illud *publicæ rei*, aut, uti aliarum editiones habent, *Reipublicæ*; cum tantum hoc titulo de agricolis & Mancipiis fundorum rei privatæ, non publicæ Imperatoris, agatur; atque hanc lectionem probat Cujacius. Leges hujus tituli idem, quod superiores de Fundis privatorum hominum, & de Fundis patrimonialibus, præcipiunt; nimirum, ut coloni & servi dominici fundos rei privatæ colant, steriles assidua cultura fertiles reddant, terræ, cui adscripti, adhæreant, & si alio se transferant, cum omni sobole revocentur.

Titu-

Titulus 68.

De Prædiis Tamiacis, & de his, qui ex Colonis Dominicis, aliisq; liberæ conditionis procreantur.

Tamiaca prædia sunt, quæ Dispensatori sive Cellario Imp. sunt deputata, colunturq; per servos adscriptitios, & colonos tamiacos provincie Cappadociae. Hi enim tenentur fructus vectigales, ex hisce prædiis collectos, quotannis deferre, vel deferendos ad *Canonicarios Scholæ Palatinæ* dirigere, per quos dein deferuntur Constantinopolim, & dantur Dispensatori ac penus custodi, de quibus is postea domui, & cellario Imperatoris providere possit, & procurare domesticis cibaria & alimenta, quæ in *mensis* sive cellis reponerat & asservabat.

Filii vel filiae, ex colono libero & tamiaca, vel ex tamiaco & colona libera, procreati, vel procreatae, colonis dominicis annectuntur, & nascuntur tamiaci. Ex colono autem adscriptitio vel servo alieno, & tamiaca foemina, item ex tamiaco, & adscriptitia, vel ancilla aliena nati, matris conditionem sequuntur.

Titulus 69.

De diversis Prædiis Urbanis & Rusticis, Templorum & Civitatum, & omni Reditu Civili.

Predia Urbana hic non sunt ipsorum civium, aut communia ipsis, sed civitatum propria, uti enim privatae personae bona sibi propria acquirunt, ita & civitates proprio ac firmo jure redditus annuos, & prædia sibi acquirere possunt contractu, aut ultima voluntate

tate, si heredes instituantur, vel eis legetur. Cum itaq; bona habeant, ex suo contractu non minus obligantur, quam alios obligatos habent; non solum si omnes convocati cives, communicato consilio, verum & si administrator & magistratus civitatis nomine contrahat.

Ut urgente necessitate prædia sua alienare possit civitas, omnium, quorum interest, consensus intervenire debet, ac etiam Principis.

Vendi quoque poterant *prædia templorum*: quod in prædiis templorum Christianorum postea interdixere Leo & Justinianus, & certam solemnitatem præscripsere, quam sequimur; itemque quod ordinatum est jure Pontificio, *tit. de reb. Eccles. non alien.*

Titulus 70.

De Locatione Prædiorum Civilium, vel Fiscalium, sive Templorum, sive Rei privatae, vel Dominicæ.

DE locatione prædiorum Principis, & templorum vel civitatis, notandum, eam fieri vel ad tempus, vel in perpetuum. Sed proprie locatio dicitur, quæ ad tempus fit: nam, quæ in perpetuum fit, proprie appellatur emphyteusis, non conductio; & qui in perpetuum conducunt, proprie perpetuarii vel emphyteutæ appellantur. Hi, licet non sint veri domini, tamen interdum vocantur domini, quia dominium utile, ut & utilem in rem actionem habent. Idem est, si ad longum tempus conduxerint, videlicet si actum sit, ut dominium utile habeant; alioquin essent potius conductores quam emphyteutæ: unde non datur utilis in rem actio ei, qui ad longum tempus conduxit, nisi causa cognita.

Rr

Titu-

Titulus 71.

De Conductoribus, & Procuratoribus,
sive Actoribus Prædiorum Fisca-
lium Domus Augustæ.

Prædiorum ad fiscum, vel ad domum Principis per-
tinentium conductores; utuntur jure communi,
sive de his prædiis agant, sive conveniantur; quod
& de Procuratoribus & Actoribus eorundem præ-
diorum constitutum est.

Titulus 72.

Quibus ad Conductionem Prædiorum
Fiscalium accedere non licet.

Tituli inscriptio est de rebus fiscalibus, sive de iis,
quæ sunt publici patrimonii Principis; at, Con-
stitutio loquitur de possessionibus rei private, quia ha-
rum rerum eadem est ratio, & in utrisq; idem jus
servatur, nimirum, ne possessiones istæ locentur Pa-
latinis, sive Apparitoribus Comitum rerum privata-
rum, item nec militibus, aut Curialibus. Palatini
enim, ob fiduciam potentie, molesti esse possent pri-
vatis, & milites ab armis avocarentur.

Interim Palatini, Militantes, & Decuriones, etsi
agros in provincia, in qua munia sua peragunt, condu-
cere vel emere prohibentur, possunt tamen in anteces-
sorum suorum bona succedere, & agros ab illis pos-
sessos comparare, exemplo forensium, quibus in
loco, ubi agunt, bona emere non est permissum; si
tamen ibi sita fuerint & divendita majorum bona, jure
ea sibi acquirunt, & ab aliis occupata redimunt.

Titulus 73.

De Collatione Fundorum Fiscalium, vel
Rei privatæ, vel Dominicæ, vel Civi-
tatis, vel Templi.

Collatio hic accipitur, pro contributione & solu-
tione pensionum, quas debent pendere Condu-
ctores & Coloni prædiorum fiscalium, & rei priva-
tæ, vel dominicæ, vel civitatis; idq; ob conventionem
initio initam.

Omnia prædia, tam rei privatæ, quam quæ ex pro-
scriptorum bonis ad fiscum sunt devoluta, *prestant*
ordinaria munera, ut Annonas, Transvectionem,
Censum, & alia ejusmodi onera.

Titulus 74.

De Privilegiis Domus Augustæ, vel Rei
privatæ, & quarum Collationum
Excusationem habent.

In privato Principis patrimonio sunt *res dominicæ*,
& *res privatæ*, item possessiones domus Augu-
stæ. Harum possessionum conditio hæc est, ut lo-
centur, non ut in *jus privatorum transferantur*. Con-
ductores vero eo privilegio utuntur, quod immunes
sunt ab universis muneribus sordidis, neq; ob extra-
ordinaria munera & superindictiones conveniuntur.

Titulus 75.

De Grege Dominico.

Grex Dominicus hic Principis est. Dominicum
enim dicitur, quicquid est in privato ac domi-
nico patrimonio Principis, qui verus & summus est
Dominus.

Constitutio hujus tituli eum libra auri mulctat, qui equum, vel aliud animal, ex grege dominico occupaverit, neque reddiderit, ad vocem præconis quærentis; si ex aliis gregibus, semilibra auri, nisi sponte obtulerit: & hic casus est, quo restituens liberatur a pœna. Alioqui is, qui ea mente alienum quid contrectavit, ut lucrum faceret, tametsi, mutato consilio, id domino reddit, fur est; nemo enim tali pœnitentia nocens esse desinit. Quod autem hic contrectans, oblatione rei, pœnam evitat, est ex benignitate Principis, qui non vult pœnis ditari, nec subjectorum animos a se alienare.

Titulus 76.

De Palatiis & Domibus Dominicis.

PPrivati Principis patrimonii sunt domus dominica, & palatia, quæ Princeps habitat.

Solus Princeps Arces, in quibus habitet, & palatia splendida in civitatibus exstruere potest; & prohibere, ne privati, quantumvis potentes, imitentur, aut superbe nimis instruant & muniant ædes.

Multo minus licet privatis palatia & ædes Principi consecratas habitare; eæ enim ab omni usu & communi habitatione excipiuntur. Violare hujusmodi loca, utpote sacra, non oportet, nec inde aliquem vi eximere, aut gladio aggredi, vel eum evaginare: præbent enim palatia & statuæ Principum securitatem iis, qui ad eas confugiunt.

Titulus 77.

De Cupressis ex luco Daphnensi, vel Perseis per Ægyptum non excindendis.

NOn solum palatia Principum exempta sunt a privatorum usu, sed etiam Cupressi luci Daphnensis in

in Syria, Antiochia, item Platani, & Perseæ arbores per Ægyptum, privato commercio eximuntur. Talem itaq; arborem nec succidere licet, nec collapsam in alium locum transferre, nec emere, nec vendere, sine consensu Comitum sacrarum largitionum, sub poena quinque librarum auri.

Et quamvis liceret *Alytarche*, id est Sacerdoti in Syria, ludis sacris præfecto, antiquitus aliquibus cupressis plantatis, unam succidere; id tamen hic prohibetur, & loco cupressi, libra auri ipsi assignatur, ex largitionibus sacris danda. Quæ prohibitio inde manavit, quod antiquitas lucum Daphnensem Apollini, Perseam arborem Isidi consecravit; unde postea in Imperatorum jus transierunt,

Adde, quod cupressus succisa nunquam repullulat, & plantata tarde crescit; item, quod fluminum ripas continebat. Perseæ arboris folium corticemq; ajunt cuivis morbo mederi, eamq; fugienti Christo in Ægyptum sese inclinasse, ac umbram præbuisse.

CODICIS

LIBER XII.

Titulus I.

De Dignitatibus.

Dignitas, est honor, alicui propter merita, Principis vel Legis beneficio, tributus.

In Imperio Romano, Magistratuum distinctæ fuisse dignitates, certiq; tituli, quorum quatuor præcipue recensentur, *Illustres*, *Spestabiles*, *Clarissimi*, *Perfèctissimi*. Atque hæc dignitatum distinctio, orta demum posteriorum Imperatorum tempore; neque

enim illarum mentio fit in Pandectis, sed ibi omnes, qui Senatorii ordinis erant, indistincte *Clarissimi* vocantur.

Illustrium alii erant *Superillustres*, qui proximi Principi assidebant, nec alium præter ipsum superiorem agnoscebant, uti Dictatores, Senatores, Consules, Patricii. *Illustres*, erant in Imperio Orientis, Præfectus Prætorio Orientis, Præfectus Prætorio Illyrici, a quorum sententiis non appellabatur. *Illustrium* ordini intererant Quæstores Sacri Palatii, Præfecti urbi, Præfecti militum, & Comites sacrarum largitionum. In Imperio Occidentis, eadem quoq; erant *Illustrium* dignitates, atque recensentur in Notitia Imperii, erantq; insuper Præfectus Italiae, & Præfectus Prætorio Galliarum.

Spectabiles, censebantur omnes Provinciarum Duces, Proconsules, Vicarii urbis Romæ, Præfectus Augustalis &c.

Clarissimi, erant Præsides & Rectores provinciarum, Præfectus vigilum, Præfectus annonæ, & Prætores.

Perfectissimi nomen tribuebatur Præsidi Dalmatiæ, Arabiæ, Magistro census, Primicerio scriniorum.

Communicantur Dignitates etiam Vxoribus: hæc enim durante matrimonio, mariti dignitate nobilitantur, ejusq; forum & domicilium sequuntur.

Privilegia Dignitatum Privativa sunt: Senatores ab omni injuria præ aliis defendere oportet: li immunes habentur a muneribus personalibus, & a tormentis. De *Illustrium* criminibus nemo cognoscit, inconsulto Principe; de cæteris in dignitate constitutis, Præfectus Prætorio. *Illustres* carceri mancipari non debent, sed quando conveniendi sunt in civilibus vel criminalibus causis, tunc juratoriæ cautioni committendi

mittendi. Nuda Executoris voce conveniri & citari non possunt Illustres & Clarissimi, nec in Civilibus nec in Criminalibus causis; sed requiritur citatio in scriptis.

Privilegia Dignitatum Positiva sunt: Datur facultas omnibus Clarissimis & Spectabilibus, ubi velint, commorandi. Possunt libere accedere Sacrum Comitatum, id est Principis aulam. Privilegia prioris dignitatis retinentur, licet majorem quis consecutus sit dignitatem.

Titulus 2.

De Prætoribus, & Honore Præturæ, & Collatione, & Gleba, & Folli, & Septem Solidorum functione sublata.

IN libera Repub. magna fuit Prætorum autoritas, quippe quorum Edicta pro jure certo recipiebantur, & illis sex lictores cum totidem fascibus attribuebantur, & Consulibus absentibus, Consulare munus obibant; unde & Collegæ Consulum dicti sunt. Quin & ob causam publicam licebat iis jus civile corrigere, adjuvare, & supplere. Sed hanc autoritatem & potestatem posteriores *Principes* sibi reservarunt, atque ita sub iis, mutata pristina Reipub. forma, præsertim post Imperii sedem translatam Constantinopolin, Prætorum dignitas & potestas imminuta est, ac paucissima ex jurisdictione & Imperio præco retinuerunt, coepitq; esse onus Senatorum, in edendis populo scenicis & circensibus voluptatibus, & in fabricis oneribusq; publicis.

Qui Præturæ honorem suscipiebant, si fundos possiderent, glebam, seu glebalem functionem præstabant; id est aliquot folles. Qui fundis carebant, duos folles

in ærarium inferebant; erat autem *Follis* aurei numi genus. Tenuiores, præstabant septem tantum solidos. At Valentinianus & Martianus voluerunt, ut Prætores electi, ab his oneribus & oblationibus liberarentur.

Titulus 3.

De Consulibus, & non spargendis ab his pecuniis, & de Præfectis, & Magistris Militum, & Patriciis.

Consules dicti, quod *Rēsp.* consulerent, ejusq; negotia summo imperio tractarent. Translato in Cæsares imperio, pristinae dignitatis & autoritatis tantum nomen & umbra remansit, cœperuntq; plures Consules constitui; nam in annum unum, Commodus 25. designavit.

Etsi autem Consulum autoritas sub Principibus imminuta fuit, tamen non pauca in iis remanserunt *vestigia pristini splendoris*, atque inter cætera ornamenta consularia erant imprimis toga prætexta, id est, purpura circumtexta, sive stola latis clavis distincta; calcei aurati, & cum securibus fasces prælati, & sella curulis. Præterea addebantur Consulum nomina instrumentis, atque ab illorum Magistratu numerus annorum signabatur. *Proconsulibus* quoq; præferebantur fasces & secures, in provincia illis decreta, nisi in eam veniret Consul.

Signum majestatis erat, quod Consules Romæ, velut supremi Principes, *aurum in plebem spargerent*, & tesseras orbiculatas aut quadratas. Id *Martianus* Imperator prohibuit, constituens, ut, loco missilium, centum tantum *auri libras*, sub initium consulatus, ad refectionem aquæductuum præstarent. Nam, quam-

vis multorum hominum paupertas profusis largitionibus sublevaretur, Consulum tamen patrimonia exhauriebantur, nullo alio fructu, quam ut captarent plausum, & auram populi. Sed hanc Martiani constitutionem *Justinianus* temperavit, permisitq; Consulibus *sparsionem missilium*, idque septies quotannis: sed ita, ut duntaxat argentum spargerent, & in minoribus numis; auri, & majorum numorum sparsione, Principi reservata. Atque munificentia Consulum, nec non Conjugis, Matrisve eorum, restricta ad certam summam, & septenarium dierum numerum.

Patricii, accipiendi sunt non eo sensu, quo illi, qui a primis Patribus descenderant, vel a Julio Cæsare, Augusto, & Claudio fuere adsciti, *Patricii* dicti; sed, qui *Patriciatus dignitatem*, multo post a Constantino M. introductam, adepti fuerant, & quasi Imperatoris patres, ac in illius Concilium assumpti reputabantur, atque ideo patria potestate solvebantur. Tantæ vero venerationi erat hæc dignitas, ut nemini ad eam aspirare liceret, nisi prius aut Consulatus honore potitus esset, aut Præfectura Prætorio Illyrici, vel aliis summis Magistratibus.

De officio Magistri militum dictum est libri 1. Cod. tit. 29.

Titulus 4.

De Præfectis Prætorio, sive Vrbi, & Magistris Militum in Dignitatibus æquandis.

Præfectus Prætorio & Præfectus Vrbi, qui primum votum habebat in Senatu, ac Magister equitum & peditum, habuerunt quidem discretas dignitates.

Rr 5

sed

sed sunt pares honore, & ideo, deposita dignitate, quando de ordine, quo in Senatu sedere, & suffragia ferre debeant, quæritur, id judicandum est ex prioritate temporis, ut v. g. qui prius fuit Præfectus Urbi, quam alter fieret Præfectus Prætorio, præferatur, & ita Expræfectus antiquior, Exmagistro præfertur.

Titulus 5.

De Præpositis Sacri Cubiculi, & de omnibus Cubiculariis, & Privilegiis eorum.

Cubicularii erant, qui cubili Principis inserviebant: iis Præpositus, erat quasi supremus Camerarius. Cubicularii autem eligebantur ex ingenuis, libertinis, & servis.

Servi, qui potissimum erant Eunuchi, sponte a Dominis traditi cubiculo Principis, statim libertatem & ingenuitatem adipiscuntur, ne Majestas summa servilis conditionis famulis utatur, nec ullum jus Patronatus dominus habet: ideoq; eis intestato mortuis, fiscus succedit, cum nec patronos nec cognatos habeant; testamenta autem faciunt libere, præterito Domino.

Si autem, invito aut ignaro Domino, servus in cubiculum Principis irrepserit, intra quinquennium cum peculio vindicari potest.

Conveniuntur Cubicularii coram Officiorum Magistro, ne, dum ad alia Judicia trahuntur, Augusti & Augustæ (cum duplex sit cubiculum, & diversi cubicularii) ministeriis abstrahantur.

Privilegia Cubiculariorum sunt, quod non tantum immunes existant a sordidis muneribus, uti præstandis angariis, parangariis, & paraveredis: sed etiam ab hospitacione militum, vel officialium Principis.

Titu-

Titulus 6.

De Quæstoribus, & Magistris Officiorum,
& Comitibus Sacrarum Largitionum,
& Rei privatæ.

VIdendus libri 1. Codicis titulus 30. *De Officio Quæstoris.* item titulus 31. *De Officio Magistri Officiorum:* & titulus 32. *De Officio Comitum sacrarum largitionum.* nec non titulus 33. *De Officio Comitum Rerum privatarum.*

Titulus 7.

De Primicerio, & Secundicerio,
& Notariis.

HActenus de Illustribus Magistratibus. Inter Spectabiles numeratur *Primicerius Notariorum*, qui est velut primus, sive in prima cera scriptus: quia veteres in ceratis tabulis scribebant; unde illæ loquendi formulæ, *in prima & secunda cera, in ima cera.* *Primicerius* itaq; generatim in aliquo officio aut ordine primum locum obtinebat; qualis nobis nunc Decanus dicitur.

In hoc titulo tantum de *Primicerio Notariorum* agitur, neutiquam autem de *Secundicerio*.

Primicerius Notariorum cæteris Notariis præpositus erat, illis imperabat, eos in ordinem redigebat, arcas & scrinia curiæ imperialis custodiebat.

Notarii responsa componebant & efformabant, ac secretiora negotia peragebant ex delegatione Principis, quibus recte peractis, sibi quandoq; viam sternebant ad illustres dignitates.

Titu-

*Titulus 8.***Vt Dignitatum Ordo servetur.**

IN Dignitatibus ordo est servandus. Non solum enim, qui sunt in superiori gradu, iis præferuntur, qui sunt in inferiori gradu, ut Illustres Spectabilibus, Spectabiles Clarissimis: sed etiam in iis, qui sunt ejusdem gradus, est ordo aliquis. Etenim Superillustres præferuntur Illustribus: item ii, qui administratione, illustrem dignitatem annexam habente, functi sunt, iis, qui sunt illustri dignitate a Principe donati, præferuntur: deniq; præsentibus in comitatu Principis, absentibus & supernumerariis præferuntur.

*Titulus 9.***De Magistris sacrorum Scriniorum.**

Magistri Scriniorum plures erant. Inter eos primi erant *Magistri memorie*, qui annotationes omnes dictabant, eimittebant, & precibus respondebant, omniaq; Imperii gesta servabant, Alii erant *Epistolarum Magistri*, qui legationes civitatum, consultationes, conventiones, & preces tractabant. Alii *Magistri libellorum*, qui acta causarum & litium, quarum Principis erat cognitio, dictabant ac tractabant, & in scrinio sive arca libellorum reponebant.

*Titulus 10.***De Comitibus Consistorianis.**

Comitis nomen inde dictum, quod quis causa officii Principem comitaretur, & sequeretur. Hinc *Comites Consistoriani* dicti, quod Assessores & Consiliarii essent, & in Consistorio Principi assiderent. *Consistorium* enim est locus, in quo, qui Principi sunt a con-

a consiliis, consistunt, & salutaria ei consilia belli pacisque suggerunt.

Præter Patricios & Præfectos Prætorio, quorum summa dignitas, *Consistorium* ingrediebantur, & consilii intimi participes erant, *Quæstores*, *Magistri Officiorum*, *Præpositi sacri cubiculi*, *Comites sacrarum largitionum*, *Comites rerum privatarum*, & illustres omnes.

Titulus 11.

De Comitibus & Tribunis Scholarum.

Schola, sunt Collegia quædam militum, vel ministrorum Principis, &, qui illis adscripti erant, *Scholares*, eorumque *Præpositi*, *Comites*, *Tribuni*, ac *Primicerii Scholarum* dicti.

Titulus 12.

De Comitibus Rei Militaris.

Comites Rei Militaris dicuntur, qui mittebantur cum milite ad protegendam provinciam, & judicabant præcipue de negotiis militaribus. Inferiores erant *Proconsulibus*, sed *Ducibus* tamen aliarum provinciarum æquiparabantur.

Titulus 13.

De Comitibus & Archiatris Sacri Palatii.

Similes Comitibus primi ordinis, hoc est *Ducibus* belli, & *Vicario Præfecti Prætorio*, sunt *Archiatři*, sive præcipui Medici: & hoc ipso excellentes censendi, quod Principis cubiculum ingredi, & ejus

vale-

valetudini præesse merentur. Nunquam poterant, ob medendi curam & necessitatem, a Comitatu Principis discedere; inde Comites dicti.

Titulus 14.

De Comitibus, qui Provinciás regunt.

Titulum Comitum Constantinus Imp. omnibus illis attribuit, qui præcipuis Imperii officiis præerant, & sub se plures vicarios & ministros habebant; uti erat Comes Palatii, Comes sacrarum largitionum &c. qui omnes Principem sequebantur, quemadmodum alii officia honorifica in aula obeuntes. Aula enim Principis erat Schola magnorum magistratuum, in qua plures ad Rempublicam capeffendam formabantur. Inde quoque seligebantur, qui provincias regerent, vel legationes obirent, quibus vel dabantur, vel sponte se adjungebant Comites, qui legatos ipsos vel consultando juvabant, vel inspiciendo, ne prævaricarentur, retinebant in officio.

Titulus 15.

De Professoribus, qui in Vrbe Constantinopolitana docentes ex Lege meruerunt Comitivam.

Quemadmodum in urbe Constantinopolitana fuit collegium Archiatrorum, ita & Liberalium Artium, ac Juris Professorum, qui, si totos 20. annos professionem suam probe exercuissent, honorabantur comitiva primi ordinis, & æquiparabantur Præfectis Prætorio, atq; sic Illustres fiebant.

*Titulus 16.**De Silentariis, & Decurionibus eorum.*

HAstenus de Spectabilibus. Sequuntur *Clarissimi*, inter quos primo occurrunt *Silentarii*. Illi circa latus Principis militabant, & in anteriore ejus cubiculo excubias agebant. Erant *Silentarii* XXX. numero, quibus tres *Decuriones* praeerant, singuli denis, & hinc *Decuriones* dicti. Omnes, ne a sacris aristris herentur obsequiis, subijciebantur, tam in causis civilibus quam criminalibus, Magistro officiorum.

*Titulus 17.**De Domesticis, & Protectoribus.*

IN Praetorianorum militum locum successisse videntur, posteriori ævo, *Domestici* & *Protectores*, sive *Custodes corporis*, qui fere idem munus sustinebant. Sed *Domestici* proprie erant, qui domi, *Protectores*, qui in acie lateris sacri sollicitudinem gerebant.

*Titulus 18.**De Præpositis Laborum.*

Præpositi nomen generale est, quod plerisque tribuitur, qui personis vel operibus præsunt.

Nam *varie præpositurae* fuerunt in utraq; militia, armata, & togata; ut *Præpositus* pagorum, horreorum, annonarum, pistorum, sacri cubiculi, castrorum.

Qui fuerint *Præpositi laborum*, non satis constat. Plerique eos sub signanis militibus annumerant, quique præpositi erant magno illi vexillo, quod *Labarum* dicebatur,

cebatur, & deferebatur in acie ante Imperatorem, fulgebatq; gemmis, & lapidibus pretiosis: & ideo in Rubrica legendum censent *Labarorum*. Hos Brunemannus sequitur.

Alii existimant, Præpositos laborum non fuisse milites, sed *Magistros operum*, quibus mediastini omnes, cæterique Augustæ domus opifices suberant.

Titulus 19.

De Proximis sacrorum Scriniarum, cæterisque; qui in sacris Scriniis militant.

Sacra Palatii Scrinia dicebantur capsæ, sive armaria, in quibus literaria monumenta, ut *Cognitiones*, *Preces*, *Rescripta*, asservabantur.

De *Magistris sacrorum scriniorum* vide supra hujus libri tit. 9.

A Magistris proximum locum & dignitatem obtinent *Proximi sacrorum scriniorum*, etiam *Promagistri* dicti, quod absentibus, aut valetudine impeditis Magistris, eorum vices implerent.

Præter istos, erant alii plures militantes, sive operam locantes sacris scriniis, ut *Melloproximi*, id est ii, qui sequenti anno futuri erant proximi. *Librarii*, qui excepta in mundum redigebant. *Amanuenses*, qui ad manum præsto erant ad scribendum. *Pragmaticarii*, quorum ingeniis pragmaticæ annotationes, sanctiones, acta cognitionum, & arcana committebantur. *Laterculenses*, qui laterculo præerant. *Duplex autem erat laterculum*, unum *Majus*, quo totius Imperii notitia; alterum *Minus*, quo Dignitatum civilium, & militarium, & promotionum ordo continebantur.

Titulus 20.

De Agentibus in rebus.

Agentes in rebus sunt, qui in ipsis rebus, & actu Reipub. militabant, sive occupabantur; & præcipue rei frumentariæ, ac cursuum publicorum, & transvectionum curam gerebant. Horum *plures fuisse gradus*. Emeriti, dicti sunt Principes agentium in rebus; deinde erant Primicerii Senatores, Ducenarii, Centenarii, Biarchi, Circitores, Equites, Tyrones.

Schola huic nemo aggregandus est, sine probatoria sacra, id est, approbatione Principis. Defuncto Agente aliquo, heredes ejus totius anni salarium percipiunt; & ideo locus ejus tam diu vacare debet.

Titulus 21.

De Præpositis agentium in rebus.

Hic titulus a plerisque omittitur, & superiori conjungitur, agit autem de Schola Agentium in rebus, in qua diversa erant officia, & plures illis præpositi.

Titulus 22.

De Principibus agentium in rebus.

Princes, sunt primores Scholarum, qui officia administrabant. Princeps Officii, sive Primicerius, aut Primiscrinus, omnibus imperabat, & quid ubique agendum, disponebat, ab eoque omnium dispositionum forma procedebat.

Titulus 23.

De Curiosis & Stationariis.

Curiosi seu Stationarii ex Schola Agentium in rebus mittebantur in provincias, ad inspiciendas evectiones, ne quis in iis modum excederet. Aliqui cursui publico vacabant, & inspiebant, ne quis sine diplomate, aut supra modum evectionis curreret: item providebant, ne quis plures equos postulet, quam concesserat evectio. Verbo, Curiosus & Stationarius ea, quæ contra publicæ cursus leges, & contra quietem publicam commissa erant, curiose peruestigabant, & referebant ad Præfectos.

*Titulus 24.*De Palatinis sacrarum largitionum,
& rerum privatarum.

Palatinorum nomen ad multos extenditur: omnes enim hoc nomine vocantur, qui in Palatii scriniis militant. Hic tantum de Palatinis seu Apparitoribus Comitum sacrarum largitionum, & Rerum Privatarum agitur.

Titulus 25.

De Stratoribus.

Ad Stratorum officium pertinebat, Equos militares, qui a provincialibus conferebantur, probare, eorumque formam, staturam, & ætatem observare. Equum quoque fræno tenebant, & conscendendi Principi opem ferebant; nec minus reos sibi commissos custodiebant: unde de Cypriano in vita ejus legitur: *ductus & susceptus est custodiendus ab stratore officii*

officii proconsularis. Ex quo loco apparet, fuisse etiam aliquando proconsulibus stratores: quos tamen habere prohibentur *l. 4. §. 1. ff. de offic. proconsul. & legati.*

Titulus 26.

De Castrensiis, & Ministerianis.

Castrensiis ac Ministeriani dicti omnes, qui aliqui sacro ministerio erant deputati. Eorum omnium officia & numerum recensere, longum foret.

Inter Castrenses honoratiores aulæ Ministros, erant *Prægustatores*, qui epularum gustum explorabant. *Pincernæ*, qui vinum infundebant, & illud delibabant. *Pistores*, seu panis curatores: *Obsonatores*, qui comparandis obsoniis præerant: aliique magno numero.

Titulus 27.

De Decanis.

Inter Ministerianos computantur *Decani*, dicti olim *Decuriones*, quia decem viris præerant.

Istorum ministerium quale fuerit, non satis constat. Cujacius putat eos cadavera humasse. Panciro-
lus in Notit. Imp. Orient. c. 90. scribit, Decanos cubiculo sacro inservisse, Principem induisse, cubicula & lectos parasse. Addit præterea, eos non sub-
jectos fuisse Comiti Castrensi, ut erant Ministeria-
ni, sed Primicerio Cubiculariorum.

Titulus 28.

De Menforibus.

EX sententia Cujacii, *Mensores* a mensura, sive a metiendo dicuntur: quo sensu quoque hæc vox accipitur in rubrica tituli Digestorum, si *Mensor falsum modum dixerit*. Pancirolus minus probabiliter putat, *Mensores* esse *mensæ ministros*. Wesembecius intelligit *metatores*, qui hospitium Principi præparant.

Titulus 29.

De Privilegiis eorum, qui in sacro Palatio militant.

IN palatio militare dicebantur, qui non armis, sed consiliis, opem ferebant, & alia munia aulica obibant.

Tales excusationem habent a personalibus muneribus, & a patrimonialibus sordidis, cum liberis etiam secundi gradus.

Titulus 30.

De Privilegiis Scholarum.

Scholæ hic pro ordine militantium accipiuntur, præsertim eorum, qui tuebantur palatium Principis. Tales undecim erant, & constabant ex Agentibus in rebus, & Palatinis. Cuique Scholæ suus præerat Comes, hunc sequebatur Primicerius, post hunc erat Secundicerius, & post istum, Ducenarii, deinde Centenarii, mox Biarchi, & alii.

Concessum omnibus Scholaribus, ac præsertim iis, qui, post emensa stipendiorum curricula, ad Primiceriorum

riorum gradum pervenerant, ut Clarissimorum Comitum dignitate & privilegiis fruerentur, atque Magistri Officiorum jurisdictioni subjacerent.

*Titulus 31.***De Castrensi omnium Palatinorum Peculio.**

Palatini, id est, ii qui in Palatio Principis militant, quæcunq; industria sua, vel liberalitate Principis, acquirunt, tanquam Peculium Castrense possident: & ideo eorum usumfructum patri non acquirunt, & in his habentur pro patribusfamilias.

*Titulus 32.***De Equestri Dignitate.**

Equites, erant Cives honoratiores, ex quibus Judices, & Centumviri, & Senatores eligebantur.

Census Equitum erat quadringenta millia Sestertium, dimidio minor Senatorio. Seneca l. 2. de Benef. Senatorum gradum census ascendere facit; census Romanum Equitem a plebe discernit; census in castris ordinem promovet; censu deniq; in foro judex legitur.

Equites Romani in eo honore fuerunt, ut etiam haberint jus spectandi e quatuordecim ordinibus, id est gradibus theatri, velut Senatorius ordo in Orchestra spectabat. Verum, sub Claudio, Equitum ordo suo splendore cœpit privari, per Libertinos, quos Equites creabat, dabatque iis etiam jus sedendi in XIV. ordinibus.

Titulus 33.

De Perfectissimatus Dignitate.

Constantinus Imp. cujus est constitutio hujus tituli, ut plures extolleret ac animaret, multa honorum genera adinvenit, ac post Clarissimos instituit Equites, quos Perfectissimi præcedebant.

Perfectissimatus dignitate plerunq; decorabantur, qui minimas provincias regebant; uti erat Præses Arabiæ & Dalmatiæ, item Primicerius scriniorum, & quicumq; hujus dignitatis insignia a Principe impletraverant.

Titulus 34.

Qui militare possunt, vel non possunt: & de Servis ad Militiam, vel Dignitatem aspirantibus: &, ut nemo duplici Militia, vel Dignitate, & Militia simul utatur.

Duplex est Militia, armata, & inermis. *Armata* dicitur, quam milites cincti, & in numeros relati profitentur. *Inermis*, quam subeunt illi, qui Reipublicæ administrandæ præficiuntur. De utraq; agunt hujus tituli constitutiones, sed præsertim de Armata Militia.

Si quis militet, cui id non licet, grave crimen habetur.

Ad militiam non est recipiendus, multo minus compellendus, juri alieno adstrictus, v. g. Colonus, aut Saltuensis, id est saltibus adscriptus, ut domino juri, & publicæ utilitati, id est agriculturæ consulatur: unde nec admitti debent Curiales, vel Cohortales, id est, perpetui apparitores Præsidum.

Hinc

Hinc consequens est, multo minus servum ad militiam admitti, sed, si de facto lectus, Domino ignorantiam alleganti (quæ & præsumitur, donec contrarium probetur,) a Judice restituendus. Quod, si sciverit dominus, amittit dominium & jus patronatus, & servi fiunt ingenui, ac in militia retinentur, si habiles fuerint.

Duas militias diversi generis, aut dignitatem & militiam, eodem tempore quis habere non potest. Sed singulæ singulis personis committi debent. Cuiuscunque igitur duæ militiæ obtigerunt, sive ex armatis, sive ex civilibus, debet unam eligere, & alteram deponere intra sex menses. Causa est, quod una persona duobus in locis in solidum residere nequit.

Titulus 35.

Negotiatores ne militent.

Differunt Negotiatores, & Mercatores.

Negotiatores in advehendis magnis mercibus occupantur, & ergasterio, tabernæ, officinæ, mercimoniis deputatis præsunt. *Mercatores* sunt, qui minutariam procurant, ac per se exercent negotiationem.

Justinianus negotiatores, qui ergasteriis præsunt, militare prohibet, & Fridericus Imp. gladium gestare, nisi cum peregre abeunt, suæ sellæ alligatum, ut a prædone se defendant.

Solis ergo militibus & nobilibus usus armorum est relictus.

Vti vero Negotiatores militare non debent; ita nec *Milites negotiari*, aut occupari privatis negotiis. Non enim fieri potest, ut negotientur Milites

simul, & hostibus resistant; rationes suas, & simul excubias agant.

Titulus 36.

De Re militari.

Agitur de Militum Electione, Familia, Officio, Salario, Præmiis, Foro, Missione, Delictis, ac Pœnis.

Legebantur olim Milites a Magistro militum, & Ducibus, sed non sine sacra probatoria Principis, facta prius relatione Magistri militum vel Ducis. Sic nec ab uno numero ad alium, vel una vexillatione ad aliam, ab una legione ad aliam, aut ab uno exercitu ad alium, sine consensu Principis, transferri possunt.

Non licet militi *Familiam suam*, id est uxorem, liberos & servos, secum habere, sine consensu Principis.

Officium Militum est, parere Ducibus. Ideo Tribuni & Milites a signis & stationibus suis, sine licentia Principis non discedere, nec per agros oberrare, aut sua negotia administrare debent. Vagantes, a Præsidibus detinendi, & res ad Principem referenda.

Salarium militum consistebat in annona, & stipendio.

Milites conveniuntur apud Ducem suum, ut citius res expediantur.

Premium militum præcipuum est, quod, post 20. annos in militia transactos, Veteranorum privilegia consequuntur; & licet non dimittantur statim, ab omnibus tamen muneribus militiæ excusentur, uti & a muneribus civilibus.

Missio Militum est vel honesta, vel causaria, vel ignominiosa. *Ignominiose* missi redduntur infames, & honorum incapaces; morari tamen possunt ubivis locorum, præterquam in eo loco, qui ipsis est prohibitus.

Delicta sunt varia. Si per agros oberrent, Provinciales lædant, hostibus prædandi facultatem dederint, aut prædam cum iis diviserint, vivi exurendi sunt.

Titulus 37.

De Castrensi Peculio Militum, & Præfectianorum.

PECULII *Castrensis* milites liberam habent administrationem. Etsi enim militia a patria potestate non liberat, peculium tamen castrense illorum proprium est pleno jure.

In peculio castrensi sunt mobilia, quæ eunti in militiam a parentibus vel amicis donata; qualia etiam ea esse præsumuntur, quæ patre concedente filius in castra tulit. Amplius huc pertinent, quæ in castris occasione militiæ fuere acquisita.

Scriniarii, Apparitores, Præfecti Prætorio, & alii in officio Imperiali merentes, qui *Præfectiani* dicuntur, habent etiam castrense peculium.

Titulus 38.

De Erogatione Militaris Annonæ.

SOLEBAT olim *Stipendium militibus per annonam* distribui in singulos dies, ita ut buccellatum panem, sive biscoctum, duobus diebus, panem alium tertio, uno die vinum, alio acetum, uno die lardum, biduo vervecinam acciperent.

Interdum loco annonæ, ob justas causas, dabatur pretium, sed certa ac publica statuta quantitate, quæ adæquatio dicebatur, quam nec miles, nec Dux immutare poterant.

Milites, supra annonarias species, etiam *erarias* accipiebant, stipendia videlicet. Constat ex Tacito, pedites accepisse *denarium in diem*, qui paulo plus est, quam argenti drachma. *Equitibus triplum* concedebatur.

Titulus 39.

De Excoctione & Translatione Militarium Annonarum.

Provincialibus incumberebat onus, non tantum transferendæ annonæ ad castra aut loca, ubi milites degunt, ut ipsis distribuatur, sed etiam ex frumento excoquendi panis buccellati: & ab his duobus oneribus nemo excusabatur, ne quidem ipsius Principis patrimonialia, vel Ecclesiæ prædia.

Ab onere excoctionis eximuntur ea loca, ubi integra non est familia, quæ excoquere panem buccellatum possit. *Familia* autem non est, ubi unicus vel duo tantum sunt servi, licet in interdicto, de vi & vi armata, secus se res habeat.

Titulus 40.

De Militari Veste.

Quemadmodum ad militum vitam necessaria est annona; ita, ad conservationem corporis, *Vestes* requiruntur. Ideo victus & vestes paria cum sint, hinc de utrisque pari diligentia ab Imperatoribus cautum, atque *ineunte Vere & Hyeme* vestes dabantur.

Pecu-

Pecunia vestium militarium, a Kalendis Septembris, usque ad Kalendas Aprilis, inferenda erat sacris largitionibus, imposita pœna Rectori Provinciæ, si totum canonem non curasset exsolvi.

Titulus 41.

De Metatis & Epidemeticis.

Non solum veste militari, sed & *Hospitio* opus est, ut commode quis possit militare: ideo, quæ a provincialibus præbentur hospitia, vocantur *metata*. *Metatores* vero dicuntur, qui hospitii designandi & parandi gratia præcedunt. Appellati quoque sunt *Metatores*, qui præcedentes locum castris ponendis eligunt.

Epidemetica, sunt pretia, quibus provinciales se redimunt ab onere suscipiendorum hospitem. Sed hæc prohibentur *l. ult. hujus tit. § Nov. 130.*

Titulus 42.

De Salgamo Hospitibus non præstando.

Salgami nomine Cujacius significari existimat herbas conditas, quales sunt olivæ, cappares. Alii per Salgama intelligunt esculenta, quæ ad usum & victum patrisfamilias asservantur, uti oleum, sal, piper, & alia ad condiendos cibos necessaria. Hæc, licet vilis pretii sint, non tamen debent præstari militibus, ne, levi exigendi occasione arrepta, illa in immensum abutantur; stipendium enim, quod eis tribuitur, debet in ea, quæ necessaria sunt, converti, ne oneri sint hospitibus.

Titu-

*Titulus 43.**De Commeatu.*

Commeatus, est facultas, quæ a Duce exercitus militibus conceditur, excedendi & eundi ad tempus, quo velint. Olim hisce verbis dabatur: *Si quis vestrum suos invisere vult, commeatum do; primo vere adsitis, edico.*

Parcissime commeatus dandus est, & si quis, eo præfertim tempore, quo Barbarorum fiunt incursiones, commeatum dederit, vel, si quis miles cum apud signa esse deberet, abfuerit, capite plectitur.

Datur commeatus non tantum militibus armatis, sed etiam *togatis* & *Palatinis*, qui, si supra commeatus diem sex mensibus abfuerint, & sibi vacaverint, proprii gradus dignitatisque diminutione coercentur.

Commeatus præterea apud bonos autores pro *civiliis* accipitur, ad publicam alimoniam exercitus, vel civitatis, vel alicujus privati, comparatis. Cicero pro lege Manil. *Jam commeatu & privato & publico prohibemur.*

*Titulus 44.**De Tyronibus.*

Qui lecti erant noviter, & nondum in numeros relati, *Tyrones* vocabantur.

Minor 17. annis tyrocinio non erat ad scribendus; sed illa ætas completa, ut postulando, ita & militie apta censebatur. Laborantibus tamen Romanis contra Vejos, itemq; post Cannensem cladem, juniores conscripti, qui illam ætatem nondum attigerant.

Tyro-

Tyrones, priusquam militiæ adscriberentur, in *Scholis militaribus* se exercebant, & anno integro tyrocinii onera sustinebant gravissima.

Tyrones privilegium habent, ut illis, si quid erraverint, facilius ignoscatur; debet enim iudex partim ætati, partim imperitiæ, nonnihil condonare.

Titulus 45.

De Litorum & Itinerum custodia.

VT belli domique res bene gerantur, maxime *litorum & itinerum habenda est cura & custodia*: de qua Honorius & Theodosius Impp. saluberrimam legem promulgarunt, ut in litoribus maris & fluminum, & in itineribus custodes ponantur, qui observent, ne illicitæ merces ad barbaras gentes deferantur, & naves, quæ a portu vel litore dimittuntur, nullam concussionem vel damna sustineant, si modo naucleri declarent, in quam provinciam ituri sunt.

Titulus 46.

De Desertoribus & Occultatoribus eorum.

Desertores sunt, qui sine *tractoriis*, id est literis vel epistolis, quibus evocantur milites, sponte sua a castris recedunt, tempore belli, sive tyrones sint, sive veterani: & sunt vel *nec manifesti*, qui delitescunt; vel *manifesti*, qui deprædationes & latrocinia exercent.

Qui tales scienter suscipiunt, & diu foveant, si Procuratores prædiorum sint, capitali supplicio puniuntur. Domini vero prædiorum, id scientes, prædio mulctantur. Qui eos produnt, immunitate potiuntur,

tur, si ante non habuerunt. Desertor vero, si seipsum prodat, impunitatem recipit.

Præses, si negligat Desertorem proditum punire, infamiam patitur & mulctam, & Officiales ejus primipilares capitaliter puniuntur.

Titulus 47.

De Veteranis.

Veterani sunt, qui legitimis impletis stipendiis dimissi sunt, & certis gaudent privilegiis. Nimirum, exempti sunt a muneribus civilibus personalibus, a collectis omnibus, a gabellis, quæ pro mercimoniis solvuntur, itemque a portoriis, quæ in portu, vel ponte, a transeuntibus pendebantur.

Titulus 48.

De Filiis Officialium Militarium, qui in bello moriuntur.

Filii Officialium in parentum defunctorum militiam succedunt. Similiter viri militaris in bello defuncti filius unigenitus, vel major natus, in ejus locum succedit, & easdem annonas accipit; nisi pater altiorem *Biarcho*, id est, eo, qui victui curando præerat, gradum obtinuerit, puta ducenarius aut centenarius fuerit; quo casu, filius sit tantummodo *Biarchus*.

Titulus 49.

De Oblatione Votorum.

Quemadmodum a militibus lætæ acclamationes fiebant in exercitu, cum Imperator castra obiret, ita, ineunte anno, pro salute Imperatoris, Vota concipiebant.

piebantur. Circa hoc auspiciū anni, ab Imperatore quoque dabantur viris strenuis munera; *Strenae* inde dicta. Vicissim a Senatu Populoq; dona accipiebat Imperator.

Postea nomine totius Populi, a Præfecto Vrbi, Imperatori aurea munuscula oblata fuere, & quidem offerebatur libra auri in 72. solidis obryzatis; quod in necessitatem tractum videtur.

Titulus 50.

De Numulariis, Actuariis, & Chartulariis,
& Adjutoribus sive Scriniariis, & Excepto-
ribus Sedis excelsæ, cæterorumque
Judicum, tam Militarium,
quam Civilium.

Sunt diversa Officialium nomina; vel quia diversas res tractant, vel, quia in diversis officiis.

Numularii, pecunias publicas exigebant, & Susceptoribus numerabant.

Actuarii, numerorum rationes tractabant, & species annonarias, quas a susceptoribus accipiebant, militibus erogabant.

Adjutores & Chartularii, sedulo revidebant rationes, eisq; subscribebant, atque inspiciebant ea, quæ a scriniis emittebantur.

Exceptores, dictata breviter excipiebant.

Sedes excelsa, in hac rubrica intelligenda Sedes Præfecti Prætorio.

Titu-

Titulus 51.

De Cursu publico, & Angariis,
& Parangariis.

Imperatores per loca certa dispositos habebant equos, qui sumtu publico alebantur, ut, quoties repentinum aliquid accidisset, mutatione equorum, citissime, quo vellet Imperator, posset mittere nuncium: id vulgus a positis equis *Postas* appellat.

Cursus publicus, erat potestas utendi equis, vel mulis publicis.

Angaria, est onus, quo, ad species portandas, vel transferendas, vel commeatum ad exercitum comportandum, provinciales præbebant equos, plaustra, aut naves.

Parangaria, est onus, quo alioversum aliquid vehendum a provincialibus.

Titulus 52.

De Tractoriis, & Stativis.

Subserviebat *cursus publicus* iis, quibus Principes, Præfecti Prætorio, & Magistri Officiorum faciebant potestatem.

Potestas hæc concedebatur per diplomata, sive literas, quæ *Tractorie* aut *Evectiones* dicebantur, atque diem certum continebant, intra quem veredis uti licebat; eoque termino lapso, irritæ erant.

Tractoriis adscribebantur *Stativa*, id est diversoria, & mansiones, in quibus persecutores & ductores animalium onera ferentium, & nuncii Principis, alebantur sumtu publico; sed non alia ipsis necessariis præstabantur.

*Titulus 53.***De Apparitoribus Præfectorum
Prætorio, & privilegiis
eorum.**

Apparitores Præfecti Prætorio non poterant Susceptores fieri, nec horreorum Fiscalium curam subire, aut Curiosi esse: quia non potest quis diversis officiis rite vacare; & usurpans alienum officium, animo lucrandi & deprædandi id facere præsumitur.

Privilegia sunt, quod Apparitores Præfecti Prætorio ab omnibus indictionibus, id est, collectis, & oneribus personalibus, immunes sunt: & conveniuntur tantum coram Præfecto Prætorio, si præsens sit; in provinciis vero conveniuntur coram Præsidibus. Eorum sine herede mortuorum bona, non ad Fiscum, sed ad arcam Præfecti Prætorio, devolvuntur.

*Titulus 54.***De Apparitoribus Præfecti Urbis.**

Apparitoribus Præfecti Urbis, idem honor, deposito officio, tribuitur, qui Præfecti Prætorio Apparitoribus competit: ut scilicet purpuram Principis adorare possint singulis annis; quod tamen Præsidum Apparitoribus denegabatur.

Beneficii loco dabatur facultas adeundi Principem, & ejus purpuram adorandi, idque non omnibus, sed in dignitate constitutis, & emeritis. Hic autem ritus observabatur in adorando Principe, ut duo ejus vestem purpuream extollerent, quam adorans oscu-

T r

laba-

labatur. Ad ingressum cubiculi stabant *Scrutatores*, qui observarent ingredientibus, & inspicerent, num sub veste ferrum lateret.

Titulus 55.

De Apparitoribus Magistrorum Militum, & privilegiis eorum.

Habebat & Magister militum suos Apparitores, qui militaris conditionis erant: adeoque, ut Praefectiani, castrense peculium habebant, licet jure militari testari non possent.

Apparitorum istorum hoc privilegium est, quod ad susceptionis tutelae, aliudque officium publicum vocari non poterant, si Apparitores se esse probarent. Item, non alium judicem agnoscebant, nisi Magistrum militum; nequaquam vero ordinarium loci Magistratum.

Titulus 56.

De Apparitoribus Proconsulis & Legati.

In certis Provinciis a Senatu constituebantur Proconsules, qui nomine Senatus provincias istas proconsulares gubernarent; & iis adjungebantur Legati. Hi autem certos habebant Apparitores & Officiales: isti non poterant eligi ex numero Curialium, vel collegio Pistorum, Naviculariorum, aliisque Corporibus. Nam, qui certo Corpori addictus, Apparitor esse nequit, sed, si eligatur, statim suo Corpori est restituendus.

*Titulus 57.*De Apparitoribus Comitum
Orientis.

Comes Orientis majorem habebat numerum Apparitorum, sive Officialium ac ministrorum, quam Proconsul, adeo, ut pro lubitu eum numerum augeret. Sed, certum numerum hic definit Imperator, ut scilicet tantum sint 600. Nam, tot Apparitores officii hujus necessitatibus abunde prospicere queunt; cum superflui Officiales in officiis retinendi non sint, ne his oneretur potius, quam juvetur, Respublica.

Titulus 58.

De Cohortalibus, Principibus, Corniculariis, ac Primipilariis.

Cohortales, sunt Apparitores Præsidum, & Rectorum provinciarum. Horum quidam habent nomina specialia, uti Principes; sic dicti, quia primum inter cohortes locum obtinebant: Cornicularii, qui cornibus Secretarii præerant, hoc est, in consilio armati stabant, itemque sententiis damnatorum exequendis præfuerunt.

Primipilares, primipili, id est annonæ militaris curam gerebant.

Titulus 59.

De Apparitoribus Præfecti Annonæ.

Præfectus Annonæ erat sub dispositione Præfecti Urbis: ideo Apparitores Præfecti Urbis annonariis

riis se immiscebant negotiis; quod hic prohibet Imperator, & vult, ut Præfectus Vrbi, & Præfectus annonæ, separatas apparitiones, & separata ministeria habeant, & ut cura rei annonariæ non nisi per Præfecti annonæ Apparitores expediatur.

Titulus 60.

**De diversis Officiis, & Apparitoribus
Judicum, & Probatoriis
eorum.**

Subjiciuntur hic quædam generalia, quæ non ad hoc aut illud Apparitorum genus, sed ad omnes Apparitores in genere spectant. Ex iis sunt: 1. Qualiscunque sit Apparitor, qui chartis ac rationibus reddendis est obnoxius, ad Præposituram Castri & militum adspirare non debet, & si id fiat, a Magistro militum ad rationes reddendas retrahendus est. 2. Ille, qui a militia, vel munere aliquo, ob causam honestam vel inhonestam remotus est, eidem officio nomen suum dare non debet, sine speciali rescripto Imperatoris. 3. Is, qui ob culpam remotus est, non tantum non ad officium illud, a quo remotus est, sed nec ad aliam militiam adspirare potest: cum male leges de eo præsumant, qui semel officio publico indignus judicatus est. 4. Præfectus Prætorio, aliisque in potestate superiore constitutus, neminem Apparitorem in eam provinciam mittere debet, publici vel privati negotii expediendi causa, cujus ob nativitatem, sive ratione originis, municeps est, vel ratione domicilii, accidentalis incola. Præsumtio enim est contra ablegatum, quod in ea pro-

provincia; ex qua oriundus est, vel in qua larem constituit, multa in gratiam sit facturus. 5. Omnibus in militia constitutis potestas competit, ea finita, ad aliam splendidiorē ac superiorem adspirandi, modo laudabiliter compleverint officium, nec majus officium, causa lucri, vel delicti antea commissi occultandi, exigant. 6. Quædam Officia donabantur a Magistratibus; in quibusdam necesse erat Principem fieri autorem, & ab eo literas, quas vocant, probatorias obtinere. *Probatoriæ* autem non in exemplo, sed in authentico offerendæ erant, ne doli vel fraudis esset suspicio.

Titulus 61.

De Executoribus & Exacto- ribus.

Executores & Exactores mittebantur per provincias, ut monerent Præsides, & instarent, quo universa debita exsolverentur.

Si Executores, contra quam eis mandatum est, quid exegissent, licebat provinciæ moderatori eosdem vinctos ad Præfectum Prætorio mittere puniendos.

Exactores, intra annum, sibi commissam exactiōnem peragere, & ad judicem suum remeare, eiq; renunciare debent, quid sua opera exactum, quidve in debitis habeatur.

Titulus 62.

De Lucris Advocatorum, & Concussionibus Officiorum, seu Apparitorum.

SOlebant Apparitores, & præcipue Principes Agentium in rebus, nec non Exactores vectigalium, qui vel a numero eorum, quibus præerant, vel a summa vectigalis, *Ducenarii* ac *Centenarii* dicebantur, ut & *Advocati Fisci*, sæpe vexare privatos, & per calumniam ipsis aliquid extorquere. Id hoc titulo prohibetur, & præcipitur, ne ejusmodi Officiales præter solemnes & canonicas pensitationes, id est ordinaria munera, aliquid exigant in Civitatibus, vel diversoriis, a singulis provincialibus; imo nec ab integris corporibus & collegiis.

Compulsor, seu *Executor*, licet a Principe in provinciam sit missus; si tamen aliquem deprædatus sit, id est per calumniam quid extorserit, a iudice ordinario loci illius, etiam non consulto Principe, puniri potest.

Titulus 63.

De Primipilo.

Primipilus quibusdam est primi pili, sive Triariorum Centurio, quod nimirum Triariorum manipulo in prima cohorte præfuerit, atque reliquos omnes Centuriones dignitate superarit, consilii factus particeps: sic dictus a *pilo*, teli genere Romanis usitato, quod nonnulli Triariis proprium fuisse ajunt. *Triarii* vero erant natu maximi & fortissimi mili-

militēs, sic dicti, quod in acie tertio ordine, cæteris subsidio, deponebantur.

Primipilum Cujacius & Donellus definiunt illum, qui militari annonæ præpositus est. Ejus cura & administratio quia omnibus rebus potior esse debet, ideo multa habet singularia. Quippe, etsi *dos* omnibus hypothecariis præfertur, id tamen in debitis primipilaribus, scilicet, si quis primipili officium gessit, & ex causa primipilari, ac ob annonam, fisco quid debet, exceptionem habet; nam hoc debitum doti præfertur. Nempe, si universa debitoris, ut & nominatorum ejus, qui eum ad hoc officium nominaverunt, bona prius fuerint excussa.

Sic, licet *donatio, a marito in uxorem facta*, morte confirmetur; si tamen maritus primipilare debitum fisco debeat, eatenus etiam donatio illa, quamvis morte confirmata, retractatur, ut fisco satisfieri possit.

Si pater ex primipilari administratione Fisco quid debeat, liberi ejus ad id debitum solvendum obligantur, licet heredes non extiterint.

Titulus 64.

Publicæ Lætitiæ vel Consulū Nuntiatores, vel Insinuatores Constitutionum, & aliarum sacrarum vel judicialium litterarum, ex descriptione, vel ab invitis, ne quid accipiant immodicum.


Nunci Principis, si prospera Provinciis ac Populis nuncient, v. g. gentem aliquam esse devictam,

Etiam, vel insigni clade mulctatos esse hostes Imperii,
vel pacem esse compositam; vel, si novo anno no-
vorum Consulum nomina nuncientur, vel, si Prin-
ceps ipse nuncietur adventare, &c. ibi nuncii, *mo-
dico premio contenti* esse, nec magnum etiam ab iis
capere debent, qui illud sponte offerunt; pœna in-
famiae, & publicationis bonorum, recipientibus, vel
cogentibus, Judicibus vero 30. librarum auri,
si præceptum violantes dissimulent,
irroganda.

DEO GLORIA!



SYNOPSIS
JVRIS FEVDALIS.





SYNOPSIS JVRIS FEVDALIS.

CAPVT I.

*De Feudorum Origine, Juris Feudalis Com-
pilatoribus, & Feudi definitione.*

F Feudorum origo est antiquissima; quando autem,
& a quibus fuerint introducta, non constat.
Quidam, a Romanorum, sive clientelis, sive mi-
litiis, sive agris, qui militibus assignari solebant, ori-
ginem repetunt. Alii Alexandrum Severum eorun-
dem Autorem constituunt, quem Lampridius testa-
tur limitaneis Ducibus ac militibus, Imperii limites
tuentibus, agros hostiles occupatos hac lege donasse,
ut ad militantem heredem transfirent. Nonnulli vo-
lunt, a Gallorum Solduriis feuda promanasse. Re-
ceptior sententia Longobardis, qui Sec. VI. Italiam
invaserunt, feuda accepta refert. Sæpe enim in tex-
tibus feudalibus, uti l. 1. t. 39. & alibi, mentio legum
Longobardicarum injicitur. Deinde, nomen *Feu-
dum*, & multa ejus juris vocabula, sunt Longobardi-
ca. Deniq; in legibus Longobardicis etiamnum ex-
tat titulus de beneficiis & terris tributariis, quem ad
feuda attinere verisimile est. Et vero, non inele-
gantia sunt, quæ nuper Franciscus Mezeray in Hi-
storia Gallicana de Feudorum origine conjecturavit,
quæq; huc evadunt: Cum A. C. 754. Alboinus Lon-
gobardorum Rex a Rosemunda Conjuge veneno
esset peremptus, successit ei Clephus; quo ipso quoq;

ab aliquo suorum interfecto, nolebant porro Longobardi Regem eligere, sed XXX. *Duces* constituerunt, quorum cuique Civitas fuit concessa. Cum vero *Mauritius* Imp. Longobardis excidium minitaretur, ut melius adversus eum se tueri possent, denuo ad Regem eligendum animum converterunt, præfeceruntq; sibi *Autarin* Clephi filium. Is triginta *Duces* uti frui permisit suis quemq; Civitatibus, sed sub quibusdam legibus, quarum præcipua erat, ut se, expeditiones bellicas suscipientem, sectarentur. Hæc ergo occasio fuit Feudorum constituendorum.

De *Compilatore* Juris Feudalis non convenit inter Eruditos. Communiter hosce libros a *Gerbardo Nigro*, qui & *Capegistus* dicitur, & *Oberto de Orto*, quem alii *Ortensium* vocant, conscriptos esse perhibent, quorum uterque imperante *Friderico I.* in Consulari dignitate apud *Mediolanenses* vixit. Quidam ad *Fridericum II.* Feudalis Juris originem referunt, cujus jussu Consuetudines Feudales *Bononiam* & *Capuam*, vel, secundum alios, *Ticinum* missæ fuerint, ut in unum corpus colligerentur, idq; ab *Hugolino* J.C. factum, & ab Imperatore probatum contendunt. At *Cuspinianus* de *Friderico III.* scribit, ipsum *Antonio Pratenſi* J.C. Bononiensi præcepisse, ut jus feudale, confusum antehac, in ordinem redigeret, sibiq; confirmandum offerret. Tutissime, cum *Hotomanno*, *Ludwello*, aliisq; dicitur, eos libros ab incerto aliquo, & privato homine, ex variis libris Studiosorum, qui in foro *Mediolanensium* versabantur, variisq; Consuetudinibus collectos fuisse.

Opus Feudale a variis varie distinguitur. Communiter recepta divisio est in libros duos; ita ut prior liber contineat Titulos 28. a titulo: De his, qui

qui Feudum dare possunt, & qui non, & qualiter acquiratur & retineatur; usq; ad titulum: De usu Mediolanensium secundum quosdam. *Posterior* vero liber contineat Titulos 58. a titulo: De Feudi cognitione; usq; ad titulum: De Notis Feudorum. In communibus Editionibus est deinde quasi quidam hiatus, & dicitur *deesse liber Tertius*. Subjiciuntur postea quædam Fragmenta, & extraordinaria Capitula, sive Apocrypha *Libri Quarti*, in titulos 37. redacta, ita tamen, ut primum horum Capitulorum, quod est de Alienatione Feudi, *septuagesimum tertium* numeretur, isq; numerus sic ad titulum usq; *centesimum nonum*, qui inscribitur, Clericatu Feudum amitti, porro continuetur. Hæc vero Capitula *Cujacius* ex *Adrizone* & *Alvaroto* restituit: ideoq; pari cum cæteris autoritate minime gaudent, licet ad explicandas & decidendas Quæstiones, jure Feudali non decisas, adhiberi queant. Adjicitur amplius in Communibus Editionibus *Liber Quintus*; sed hunc *Jacobus Cujacius* ex variis Imperatorum Feudalibus Constitutionibus confecit.

Habent Constitutiones, sive, ceu alias appellantur, Consuetudines Feudales, *autoritatem*, & recte ad controversiarum decisiones allegantur, non quidem ad Longobardos, aut Obertum de Orto, & reliquos Prudentes habito respectu, sed, quia communi omnium Imperii Statuum consensu, sciente & non contradicente Imperatore, a tempore cujus memoria non extat, in forum & praxin fuisse admittæ.

Cum quædam exoritur *Controversia Feudalis*, principio leges investituræ, & conventiones ac pacta diligenter inspicienda sunt; quæ hic quoq; dant animam contractui. His deficientibus, recurrendum

ad

ad Consuetudinem, quæ in loco, ubi viget, juri communi derogat. Si in Consuetudine nullum sit præsidium, oportet confugere ad Jus Feudale, & ex illo controversias tam in foro Seculari, quam Ecclesiastico, dirimere. Quoties Feudale quoque Jus nos deserit, Juri Civili locus relinquitur.

Feudum, a *fide*, vel potius Germanorum *Fede*/ sic dictum, est ususfructus rei immobilis, aut æquipollentis, a Domino, sub conditione fidei & obsequii præstandi, concessus. Sic quoque Germanica vox *Lehen*/ dicitur a *Leihen*/ weil die Lehengüter/ mit gewisser Maß geborgte und geliehene Güter sind/ dessen Eigenthum der Lehenherr ihm vorbehält/ und dem Lehenträger die Mießung und nützlichen Gebrauch/ gegen geleistete Pflicht/ Lehen-Tax, oder Lehen-Geld/ und hergebrachte Schuldigkeit/ übergibt. Differt *Feudum* ab *Emphyteusi*, quod *Feudum* scripturam exigit, *Emphyteusis* vero etiam sine scriptura perficitur. Deinde, ob *feudum* præstatur fidelitas, in *Emphyteusi* nihil præter pensionem & mercedem annuam. Deniq; *Emphyteusis* amittitur ob non solutam pensionem; quod in *Feudo* secus se habet.

Feudo opponitur *Allodium*, ein Frey. eigen. Gut/ quod est proprium cujusq; patrimonium, sive bonum, quod quis a nemine tenet, aut recognoscit.

C A P. II.

De Feudi Divisionibus.

FEudum generatim dividitur in Proprium, & Impro-
 proprium.

Feudum Proprium est, quod propriam & communem feudi servat indolem, ita, ut sit simplex, purum, ad heredes transitorium, subinfeudationis capax, & ut eo vasallus sine sua culpa privari non possit.

Feudum Proprium, ratione *Causæ Efficientis*, est vel Nobile, vel Ignobile: item, Vetus, & Novum. Ratione *Materiæ*, est vel Ecclesiasticum, vel Seculare: item, vel in Curte, vel Extra Curtem. Ratione *Formæ*, feudum est vel Ligium, vel Non-Ligium.

Feudum Nobile, ein Ritter-Lehen / est, quod ab eo conceditur, qui habet & potestatem & voluntatem nobilitandi vasallum. *Quæ voluntas declaratur*, vel expresse, vel tacite; uti cum quis de Ducatu vel Principatu investitur.

Feudum Nobile, est vel *Regale*, vel *Non Regale*.

Feudum Regale est, quod a Summo Principe cum dignitate Regali confertur; uti sunt: Regnum, Ducatus, Comitatus, Baronatus: Germanis dicuntur *Fahn-Lehen* / quia de his Seculares Principes cum vexillo investiri solent; nam, in Ecclesiasticorum Investitura, Sceptrum quondam adhibebatur.

Feudum Ignobile, ein Beutel-Lehen / est, quod ab eo, qui nobilitare potest, nec tamen vult, vel ab eo, qui nobilitare non potest, privato alicui conceditur. Dicitur alias Plebejum, item Burgenſe.

Feudum Vetus est, quod quis non habet a seipſo, sed ab eo, qui primus feudum acquisivit & constituit; estq; vel *Paternum*, quod ab aliquo Ascendentium, usq; ad quartum gradum inclusive: vel *Antiquum*, quod ab aliquo Majorum ultra quartum gradum est acquisitum: Germanis dicitur ein Alt-Väterlich / Alt-Anherzlich Lehen / ein Stamm-Gut.

Feu-

Feudum Novum est, quod de novo ab aliquo est acquisitum, & in persona acquirentis consistit. Atq; notandæ sunt differentiæ, quæ inter *Feudum Novum* & *Vetus* intercedunt. Nam 1. in feudo Antiquo succedunt omnes, etiam collaterales; in Novo vero descendentes tantum. 2. *Feudum Antiquum* immediate successione acquiritur; *Novum* vero investitura. 3. Ad probandam Investituram, in Feudo Novo non admittuntur nisi Pares Curia; in Feudo vero Antiquo, etiam alii testes extranei. 4. *Feudum Antiquum* sine consensu Agnatorum, quamvis Dominus consentiat, alienari nequit; *Novum*, solo Domino consentiente, in alium licet transferre.

Feudum Ecclesiasticum est, quod in bonis Ecclesiasticis, a persona Ecclesiastica, uti Episcopo vel Abbate, constituitur. Germanice quondam dicebatur ein Krummstabs-Lehen / quia infeudatio fiebat Pedito.

Feudum Seculare est, quod in re profana consistit.

Feudum in Curte est, quod Vasallus in Domini territorio possidet.

Feudum extra Curtem est, quod in Prædiis, quæ Dominus in alieno territorio habet, consistit.

Feudum Ligium est, in quo Vasallus contra omnes, nullo excepto, fidelitatem Seniori sive Domino promittit. Dicitur *Ligium a ligando*, quia Vasallus arctissimo fidelitatis vinculo adstringitur adversus omnes homines. Proinde *Feudum Ligium* nemo concedere potest, nisi qui superiorem non recognoscit.

Feudum Non-Ligium est, in quo Vasallus fidelitatem Domino promittit, Imperatore & antiquiore Domi-

Domino excepto. Atq; hoc Feudum concedi potest ab eo, qui superiorem recognoscit: quin & potest quis esse duorum vel plurium Dominorum Vassallus non-Ligius; Ligius vero Vassallus plurium Dominorum fieri nequit.

Huc revocanda distinctio, inter Feudum Hereditarium, Feudum ex pacto & providentia, & Feudum Mixtum.

Feudum Hereditarium est, in quo, facta heredum mentione, secundum juris civilis dispositionem, jure hereditario succeditur; atque hoc ad quosvis heredes, etiam extraneos, pertinet.

Feudum ex pacto & providentia est, quod, sine heredum mentione, vassallo ita conceditur, ut, feudali & sanguinis jure, ad solos descendentes perveniat, non vero heredes extraneos.

Feudum Mixtum est, in quo succedens quidem heres est; non tamen succedit jure hereditario, sed sanguinis.

Feudum Improprrium, quod Hotomannus Feudastrum vocat, est, quod aliqua sui parte a communi feudorum natura recedit, sive ex ipsa juris feudalis dispositione, sive ex pacto contrahentium.

Feudi Impropii *variae species sunt*: tales habentur, Feuda Gvardiæ, Gastaldiæ, Soldatæ, Habitationis, Camerae, Cavenæ, Advocatiæ, Franca, Foeminea, Pigneratitia, Pactionata, Emtitia, & non-Jurata.

Feudum Gvardiæ est, quod ei, cui custodia alicujus castri vel oppidi commissa est, pro labore & custodia datur. Nomen habet a Germanico Warten; unde Warte pro custodia.

Feudum Gastaldiæ, vel, ut alii efferunt, Castaldiæ sive Gvastaldiæ, est, quod ei, qui res vel negotia ali-

cujus administrat, pro cura & solitudine conceditur. Gastaldus enim est Oeconomus sive Curator rei familiaris.

Feudum Soldate, est præstatio quædam annua, loco alimentorum alicui in feudum concessa, plerunq; in Solidis, sive pecunia, interdum vero in vino aut frumento consistens.

Feudum Habitationis est, cum alicui domus vel arx quæpiam, jure feudi, habitanda conceditur.

Feudum de Camera est, quando quis ex *Ærario* Domini, vel ex telonio, aliisq; redditibus, certum stipendium habet; quæ pensio non solvitur, si Dominus inopia laboret.

Feudum Cavene est, quando Dominus ex cella penaria Vasallo annonam, vinum, oleum, frumentum concedit, ut habeat unde se sustentet.

Feudum Advocatie est, quod, pro defensione Ecclesie aut Monasteriorum, confertur Nobilibus aut Principibus, ut sunt eorum Patroni & Advocati, *Schüz- und Schirmherren*.

Feudum Francum est, quod ita datur, ut Vasallus ab omnibus servitiis immunis sit, idq; literis investituræ expresse inserendum. Fidelitatem tamen jurare debet ejusmodi Vasallus, nisi & hoc juramentum remittatur.

Feudum Fœmineum, ein *Runcfel-Lehen* est, quod primum fœminæ conceditur, vel ea lege datur, ut, præter naturam & jura feudorum, ad fœminas quoq; transeat.

Feudum Pigneratitium est, quod Dominus pro certa pecuniæ summa ita alicui concedit, ut sibi integrum semper sit, pecunia restituta, feudum recipere.

Feudum Pactionatum est, quod Vasallus ea conditione habet, ut certa & determinata servitia exhibeat Seniori suo.

Feudum Emtitium est, quod pretio interveniente acquiritur. Atque hoc improprium est ratione initii; in reliquis autem naturam feudi proprii habet.

C A P. III.

De Personis, quæ Feudum dare & accipere possunt.

DARE possunt Feuda omnes, qui rerum suarum legitimam administrationem habent, sive Clerici sint, sive Laici.

Ii, qui Feuda concedunt, passim in jure Feudali vocantur *Domini*, nonnunquam etiam *Seniores*. Atque Domini dicuntur, non propterea, quod dominium & proprietatem in feuda retinent, & solum usumfructum alteri cedunt, sed honoris causa, propter fidem & servitia, quæ ipsis debentur. *Seniores* vero dicuntur, non ratione ætatis, quoniam & minores Domini esse possunt, sed similiter honoris causa; quemadmodum etiam Senatorem & Presbyterum dicimus, respectu habito, non ad personas, sed ad jura, quibus utuntur.

Non possunt Feuda dare, qui Domini non sunt, uti Tutores, Curatores, & Procuratores: quibus vetus quidem feudum renovare conceditur, quia hoc modo nihil alienant, sed tantum feudum semel concessum confirmant; novum vero iis constituere non licet, quia hæc constitutio veræ alienationis species est, quæ tutoribus & curatoribus in rebus immobilibus, sine decreto Judicis, interdicta est. Amplius, non

possunt Feuda dare, qui Domini quidem sunt, sed tamen liberam bonorum administrationem non habent, sive ob ætatis rationem, sive animi aut corporis morbum, aut ob eam, cui subsunt, potestatem.

E Clericis Feuda dare possunt, Papa, Patriarchæ, Archiepiscopi, Episcopi, Abbates, Abbatissæ, Præpositi, & reliqui, quibus libera rerum Ecclesiasticarum administratio concessa est. Atque Papam non tantum Ecclesiæ Romanæ, sed etiam cujuscunque alterius Ecclesiæ bona in feudum concedere posse, quidam ex Canonistis perperam contendunt.

Non possunt Clerici aliter bona Ecclesiæ in feudum dare, quam si antiquæ Ecclesiæ illius mos fuerit, ut Prælati feuda darent, & præterea res quoque in feudum dari solitæ sint, hoc est, si feudum antiquum fuerit. Nam res alias, quæ nunquam in feudum concessæ sunt, Prælatus in feudum concedere nequit; quia res Deo dicatas alienare prohibetur. Illud anxie disquiri solet, num Prælati Feuda antiqua, ad Ecclesiam reversa, suis consanguineis, sive nepotibus possit concedere? atq; affirmativa verior videtur; quia exinde jus Ecclesiæ non redditur deterius.

E Laicis Feuda dare possunt Imperator, Reges, Duces, Marchiones, Comites, Barones, Nobiles, imo & Plebeji, & Fœminæ: atque valet de posterioribus ratio, quod quisq; est rerum suarum moderator & arbiter, quodq; qui liberam habent rerum suarum administrationem, feuda concedere possunt. Unde expresse dicitur in jure Feudali, non tantum Valvasores Majores, sive Capitaneos Regni, a valvis, sive portis domini, ad quas excubabant, sic dictos, sed & Valvasores minores, sive Valvasinos, jus feuda constituendi habere.

De Jure Saxonico, cum nequeat uxor res suas alienare, sine Mariti, vel Curatoris consensu, ideo nec, absq; consensu ejusmodi, feudum constituere valet, nisi fuerit illustris dignitatis, uti Regina, Ducissa, Abbatissa.

Qui Feuda accipiunt, Vasalli, Fideles, Clientes, Milites vocantur. Atq; possunt accipere feuda omnes, cujuscunq; sexus, ætatis, conditionis, aut qualitatis fuerint, nisi lege expressa prohibeantur. Proinde *Fœminæ* quoque feudorum capaces sunt. Nec obstat, quod ineptæ sint ad militiam; possunt enim, per substitutos, servitia feudalia præstare: tum vero imputare sibi debet Dominus, quod Feudum in personam minus idoneam contulit. *Minor*, qui Curatorem habet, etiam sine illius consensu feudum potest accipere, sed præstatio juramenti fidelitatis in maturiorem ætatem differtur. *Furiosi, Prodigii, Muti, Surdi, Ceci*, ad feuda admittuntur: ita tamen ut furiosi & prodigi per Curatorem; reliqui etiam per se feudum accipiant. *Nec Impedimento est*, quod hæ personæ omnes ad pleraq; servitia ineptæ videntur: verisimile enim est, Dominum cum iis dispensasse, per substitutum serviendi potestatem tribuendo; atq; iste etiam jusjurandum alieno nomine dare potest, nisi Dominus id malit remittere.

Prohibentur Feuda accipere, Hæretici, Apostatæ, Excommunicati, Deportati, Banniti, Vsurarii manifesti, de crimine aliquo publico damnati, ex nefariis & incestis nuptiis progeniti; & denique Infames.

CAP. IV.

*De rebus, quæ in Feudum dari possunt,
itemq; de Regalibus.*

IN Feudum concedi possunt Res immobiles, & quæ immobilibus æquiparantur; nisi certa aliqua causa id facere prohibeat.

Debent res, quæ in feudum conceduntur, *Immobiles esse, aut Immobilium naturam habere*: quippe feuda natura sua perpetua sunt, & ad descendentes ac agnatos transeunt. At, res mobiles perpetuæ non sunt, sed earum substantia paulatim fit deterior. Deinde, feudorum hæc conditio est, *ut proprietas penes dantem remaneat*, ususfructus ad accipientem transeat. Hoc autem in rebus Mobilibus, quæ usu consumuntur, fieri non potest; cum harum rerum ipsa etiam proprietas in accipientem transeat.

Nefas est, in feudum concedere, fundum dotalem, prædia pupillorum, vel minorum, res litigiosas, item sacras, sanctas, religiosas, & spirituales; quales etiam sunt Decimæ, post Concilium Lateranense.

Res immobiles, vel soli sunt, vel solo coherent. Prioris generis habentur, fundi, agri, horti, fodinæ metallicæ. Posterioris, fructus pendentes, qui pars fundi esse censentur. De rebus autem omnibus, tam soli, quam solo coherentibus, notanda est *Regula*: quod iis in feudum concessis, omnia etiam illis coherentia concessa intelligantur; etiamsi nihil nominatim de his actum sit. Hinc, Fundo in feudum dato, non tantum fructus pendentes simul dati intelliguntur, sed etiam omnia, quæ ad instructionem hujus fundi pertinent, uti sunt equi, boves, vaccæ, oves, & simi-

& similia animalia, quæ ad laborandum, & colendum agrum necessaria sunt: quin & jura omnia, quæ fundo coherent, simul conceduntur, uti jurisdictio, vectigalia, molendina, servitutes reales, jus venandi, & alia ejus generis. Si Vrbs vel Castrum in feudum concedatur, etiam tormenta bellica, & similia, quæ perpetua destinatione ad defendendum castrum vel urbem ibi posita sunt, simul dari, tenendum est.

Immobilibus Rebus equiparantur res incorporales & jura, veluti cum de Camera aut Cavena feudum datur, aut cum annui redditus conceduntur. Hoc casu, substantiæ & rei loco est jus illud dominii, cujus vigore dominus feudum hoc concedit, ususfructus vero consistit in perceptione ejus, quod ex jure dominii resultat. *Actiones* quoque, quæ pro rebus immobilibus competunt, item jurisdictio & imperium, immobilibus annumerantur.

Pertinent huc imprimis *Regalia*, quæ sunt jura Imperatoris, vel alterius, superiorem non recognoscentis, quæ in signum supremæ potestatis, & Reipublicæ utilitatem, ei competunt. Dicuntur *Regalia*, quia Imperatori, quem jus Feudale Regem appellat, præcipue competunt.

Regalia, dividuntur in *Majora & Minora*. *Majora* Regalia sunt, quæ magis ad Principis supremum decus & auctoritatem, quam ad commodum pecuniarium, pertinent. *Talia sunt*: Jus Reges condendi; Magistratus majores creandi; Regales dignitates conferendi; veniam ætatis tribuendi; famæ, honoribus, & natalibus restituendi; jus Armandiæ, sive officinæ publicæ, in quibus arma fabricari solent, ad usum Reipublicæ; jus Belli, Pacis, Fœderum, Repressaliarum; jus cadendæ monetæ, itemq; alia bene multa.

Minora Regalia sunt, quæ ad Fiscum conservandum & augendum pertinent. Huc referuntur Veti-galia, sive telonia; jus occupandi bona vacantia, contrahentium incestas nuptias, condemnatorum & proscriptorum; Angariæ, parangariæ, & plaustrorum ac navium præstationes; Piscationum, Salinarum & Fodinarum metallicarum redditus; dimidium Thesauri, in loco Cæsaris vel religioso, non data opera, inventi. quæq; huc pertinent jura alia.

Acquiruntur Regalia duobus modis: Concessione nimirum, & Præscriptione. Concessione, uti si Imperator Regalia, quæ habet, alteri concedat: Præscriptione, si quis utatur per tempus immemoriale, quod privilegii vim habet.

Amittuntur Regalia, maxime Imperatoris, revocatione, sententia banni, proscriptione, modisq; aliis.

C A P. V.

De Feudi constitutione, & modis feudum acquirendi.

F*Feudum constituitur, vel mortis causa, ut in testamento, vel inter vivos, emtione, permutatione, stipulatione, & nuda conventionione.*

Mortis causa, puta, si quis moriturus certam rem alicui in feudum legaverit. Emtione, cum certo pretio feudum emitur. Permutatione, quando vel feudum feudo permutatur, vel proprietas pro feudo traditur; quam permutationem Feudistæ Cambium appellant. Stipulatione, si, solemnique interrogatione præcedente, & responsione congrua continuo subsequente, feudum alicui promissum fuerit. Nuda conventionione, quando sine stipulatione inter duos con-

convenit, ut unus rem immobilem alteri utendam fruendam concedat, alter vicissim, pro hoc beneficio, ad fidelitatem & officia obstrictus sit.

Modi Feudum acquirendi tres sunt, Investitura, Præscriptio, & Successio.

Investitura, die Belehnung / est rei feudalis cessio & confirmatio, a Domino, sub præstatione fidei, coram testibus, vasallo facta. Nilil autem interest, utrum ipse Dominus, an alius ejus nomine id faciat: cum per procuratorem ab utraque parte hoc negotium expediri possit: & hodie Investitura plerunque fit per Cancellarium & Consiliarios, durch Ranzler und Râthe.

In Testibus observanda est Qualitas & Quantitas. Qualitas in eo consistit, ut sint liberi homines, non servi; masculi, non foeminae; & Pares Curiae, non extranei. Rationem de posterioribus reddit Feudista §. item sciendum. 2. F. 58. ne quid excogitetur falsitatis in perniciem Domini, aliis testibus inductis, corruptis forte pecunia, vel odio, vel gratia, quæ præsumenda in Paribus non sunt. Sunt vero Pares Curiae, Vasalli ejusdem Domini, in eodem territorio, sic dicti, quod pares sint inter se respectu ejusdem Curiae, sive ejusdem domus & domini: Germanice vocantur, die übrigen Lehenträger: atq; hi, propter fidem domino jurejurando promissam, melius, quam alii, Domino consulere censentur. Si Dominus Pares non habeat, vel hi longius absint, aut ad testimonium ferendum inepti deprehendantur, tum, imprimis in feudo veteri, admittuntur extranei.

Quod ad Numerum Testium attinet, is, cum jure definitus non sit, duo sufficiunt; ceu obtinet in aliis

negotiiis omnibus, quæ certum numerum testium non exigunt: estq; pluralis locutio duorum numero contenta, l. 12. ff. de testib.

Locum testium, quorum præsentiam Investitura exigit, interdum supplet *instrumentum super Investitura confectum*, sive *Breve Testatum*, ut Feudistæ appellant, *Der Lehenbrief*/ quod subscriptione testium confirmandum.

Nostriis moribus, nec præsentia Parium Curia, nec aliorum testium requiritur, sed sufficit *Breve Testatum*, solius Domini *Sigillo* munitum.

Investitura est, vel *Vera*, sive *Propria*; vel *Abusiva*, sive *Verbalis*.

Investitura Vera, sive *Propria* est, qua rei feudalitatis possessio, revera & actualiter in Vassallum transfertur: sive, qua Vassallus, vel alius ejus nomine, præsentem Curiam, in possessionem feudi mittitur, wann er in das Lehen-Gut geführt und eingewiesen wird.

Investitura Abusiva, sive *Verbalis* est, quæ fit verbis, una cum actu corporeo, traditione videlicet baculi, sceptri, vexilli, gladii, hastæ, vel annuli. Atq; Vassallus sic investitus, propria deinde autoritate fundum ingredi, & possessionem ejus apprehendere potest.

Amplius, Investitura est vel *Novi feudi*, vel *Veteris*. Investitura de *Veteri feudo* proprie non est modus acquirendi, sed feudi jam antea acquisiti confirmatio, & investituræ renovatio.

Est quoque Investitura, vel *Simultanea*, qua plures simul de eodem feudo investiantur; vel non simultanea, sive *Singularis*.

Simultanea Investitura, vel simpliciter fit, vel cum pacto mutua successionis. *Priori casu* alter alteri non

non succedit, sed feudum ad dominum revertitur. Posteriori, vasallo sine filiis defuncto, superstes simul investitus in partem defuncti succedit.

Est moribus nostris aliud genus *Simultaneæ Investituræ*, quod *Conjunctæ Manus*, *Die gesamte Hand/ Die sämtliche Belehnung*/ dicitur, receptum. Per hanc duo simul quidem de eodem feudo investiuntur, sed ita, ut unus tantum id habeat & possideat; ad alterum vero non aliter, quam, priore sine heredibus defuncto, devolvatur.

Investitura fit, vel pure, vel in diem, vel sub conditione.

Pure fit Investitura, quando Dominus pura & simplici oratione utitur; atque hoc casu feudum statim constituitur.

Secus est, si *conditio vel dies adjiciantur*, quando Dominus velit feudum esse traditum; tum enim tam diu actus suspenditur, donec conditio existat, aut dies veniat.

Investituræ feudorum *Pacta adjici solent*; ea vero, si feudi substantiam perimant, non valent: quale est pactum de non præstanda fidelitate, aut, ne feudum ob feloniam vel ingratitudinem amittatur.

Ad *Formam Investituræ* pertinent *Solemnitates*: inter quas est, ut Vasallus, justo tempore, a Domino immediate proximo, reverenter investituram petat. Non tamen opus est, ut in genua procumbat, nisi infeudantis dignitas hoc ipsum videatur efflagitare.

Novi Feudi Investitura intra quod tempus petenda sit, jure feudali non est definitum: ideoque expectare potest Vasallus, donec ad juramentum præstandum citetur; & tunc, si post tertiam citationem non se sistat, feudo privatur.

Feudi Veteris Investituram Vasallus intra annum & diem petere debet. Atque Dies fortasse adjectus est, ad evitandum illud dubium, an dies termini computetur in termino.

Juramentum, quod Vasallus præstat, dicitur *Juramentum Fidelitatis*, *Die Lehen-Pflicht*: & differt a *Subjectionis Juramento*, *der Erb-Pflicht* / quod posterius magis ratione personæ, prius, ratione tantum rei in feudum datæ, præstat; unde Vasallus, respectu personæ suæ, non est subiectus Domino.

Alter modus acquirendi Feudum, est *Præscriptio*, quando quis rem aliquam, tanquam feudalem, per 30. annos possedit, & servitia de ea præstitit.

Requiruntur, ad *Præscriptionem* Feudi, tria potissimum: 1. Vt quis possederit feudum tanquam feudum; nam, si alio animo, puta pignoris, feudum quis possederit, non poterit jus feudi in eo præscribere, sed integrum erit domino, quandocunq; voluerit, pignus luere & recuperare; cum nemo possit sibi ipsi causam possessionis suæ mutare, *l. 3. ff. de acquir. possess.* *Requiritur* 2. ut per 30. annos quis in possessione fuerit. Etsi enim in jure Civili, in præscribendo usufructu, & aliis juribus, 10. vel 20. anni sufficiunt, tamen hic amplius spatium requiritur. Cujus rei hanc vulgo allegant causam, quod Longobardi nullam aliam præter 30. annorum *Præscriptionem* agnoverint. *Requiritur* 3. servitiorum feudalium præstatio, quæ semel præstita & exhibita fuisse sufficit.

Quemadmodum autem quis per *Præscriptionem* 30. annorum in prædio alterius feudum acquirit; ita vicissim, si quis per 30. annos, nomine alicujus fundi, qui revera liber erat, servitia feudalìa a domino fundi

acceperit, is dominium in eo prædio sibi acquirit, & ipso prædii domino pro vasallo deinde utitur. Similiter *Dominus adversus Vasallum præscribere potest*, si possessionem rei feudalis adeptus sit, eamq; per continuos 30. annos, sine contradictione Vasalli & Agnatorum, obtinuerit. Pari modo & *Vasallus, adversus Dominum suum directum, dominium præscribere potest*, si per 30. annos Dominus servitia, cum iis valde egeret, non exegerit, & Vasallus rem feudalem bona fide, non ut feudalem, sed tanquam suam & allodiamalem possederit.

Tertius modus acquirendi Feudum, est *Successio*, qua, occasione mortis, per consuetudines feudales, alicui feudum acquiritur.

Vetusta Feudorum origo, *successionem vel nullam, vel tenuem habuit*, quæ deinde, cum intruduci cœpisset, varias passa est mutationes. Scilicet, antiquissimo tempore, Domini feuda ad libitum, prout fit in precario, revocare poterant. Postea eo ventum est, ut *per annum* firmitatem haberent. Deinde cœperunt dari ad *vitam* vasalli fidelis. Tandem ad *omnes filios masculos* possessio fuit prorogata; inde paulatim concessum, ut ad *fratres fratrumq;* filios, qui patruales, & in quarto gradu sunt, feuda devolverentur. Deniq; *septimus gradus* successionis admisus est: hodie vero, usq; in infinitum succeditur.

Jure Communi duplex est Successio, *Testamentaria, & Legitima*. *Testamentaria* successioni in feudis regulariter locus nullus est, adeo, ut ne quidem pro anima quicquam relinquere Vasallus possit, §. *donare. 2. F. 9.* Hinc, si Vasallus alicui de facto Feudum per Legatum vel Fideicommissum reliquerit, dispositio hæc ipso jure nulla est: ideoq; nec ælimatio
ejus

ejus debetur, secundum testatorem Jureconsultorum sententiam. Porro, neq; Pater uni ex filiis totum feudum prælegare, aut uni eorum majorem partem feudi dare potest.

Cæterum, si feudum fuerit *absolute Hereditarium*, quod pro se & heredibus quibuscunq; alicui concessum, haud secus ac de bonis allodialibus Vasallo de illo testari conceditur: atque hoc casu coguntur filii in voluntate patris acquiescere. Similiter habet Vasallus facultatem testandi *de Feudo Novo*, si accedat consensus Domini, aut ejus ratihabitio. Neq; enim in hoc, sicut in feudo veteri, sit præjudicium Agnatis, quibus jus ex tenore primæ investituræ semel quæsitum non est auferendum. Idem dicendum est de *Feudis quibuscunq; aliis*, si domini, & illorum, quorum interest, consensu, testamentum fiat; aut si consuetudine alicujus regionis introductum sit, ut Vasallus de feudo testari possit.

Legitimæ Successionis, quæ ab intestato competit, secundum Juris novissimi constitutionem, tres sunt ordines: Descendentium, Ascendentium, & Collateralium.

Ascendentium Ordo in successione feudi non attenditur; sive feudum sit antiquum, sive novum.

Quamobrem, ab intestato primo loco ad successionem vocantur *Descendentes*, quibus naturalis ratio, quasi lex quædam tacita, parentum hereditatem addicit. Per *Descendentes* autem, secus ac in Jure Civili obtinet, hic soli Filii, & nepotes ex filiis, quiq; deinceps ex iis nascuntur, intelligendi sunt, filiabus, & ex iis natis, plane exclusis.

Succedunt Filii æqualiter in infinitum: atque feuda eodem modo, ut bona allodialia, pro numero personarum,

narum, in capita, si soli sint, dividunt. Si cum filiis concurrant nepotes, aut pronepotes, jure repræsentationis fit successio, & illam tantum partem capiunt, quam parens illorum accepturus erat, si superstes foret.

Quod dictum est, *Filios equaliter ad feudum succedere*, non capiendum est de Feudis Regalibus, cujusmodi sunt, Ducatus, Comitatus &c. talia enim non possunt in partes scindi inter plures coheredes, ob prohibitionem Friderici I. 2. F. 55. sed primogenitus feudum ejusmodi indivisum tenet; nisi quod consuetudo cujusq; loci sedulo attendenda.

Filios oportet esse legitimos & naturales simul, hoc est, ex justis nuptiis procreatos. Proinde, naturales tantum, item spurii, & incestuosi, quia honesto inter nobiles stare, dominoq; servire nequeunt, excluduntur. Nec proderit Naturalibus *legitimatio*, nisi ea expresse atq; nominatim ad feuda, non generaliter & simpliciter per Rescriptum Principis, sit facta. Quippe, *posse Principem*, ex plenitudine potestatis, Agnatis legitimando præjudicare, modo id fiat ex certa quadam & publicam utilitatem concernente causa, pleriq; Doctores asserunt.

De Legitimatis per subsequens matrimonium, an in feudis succedant, acris inter Jurisperitos est altercatio: sed negantium potior est sententia, quia naturalitatis cicatrix manet etiam post consolidationem vulneris.

Clerici regulariter ad successionem feudi aspirare non possunt. Excipiendi tamen casus: 1. si Feudum Francum fuerit, in quo Vasallus ad servitia non tenetur. 2. Si de feudo ejusmodi servitia exigantur, quæ non minus honeste a Clericis quam aliis præstari pos-

possunt. 3. Si quis a patre vel agnatis eo fine Clericatus devoveatur, ut feudum amittat.

Mutus, Surdus, Cecus, vel alio modo imperfectus, feudum retinere, h. e. in feudo antiquo succedere non potest; cum scilicet naturaliter vitium illud adhæret. 2. F. 36. at, si, ex accidenti, vitio laboret, successio conceditur, quia spes est, posse cum servitio, vitio sublato.

Fœminæ communiter feudorum incapaces sunt, quia feuda ad servitia militaria, quæ per fœminas expediri non possunt, conceduntur. Neque tantum fœminæ a successione in feudis excluduntur, sed etiam filii earundem masculi.

Sunt tamen *casus*, in quibus etiam ad fœminas successio feudalis devolvitur.

Nimirum 1. si feudum sit fœmineum, hoc est, a fœmina primum acquisitum. 2. Si feudum sit francum. 3. Si feudum ad certum servitium sit datum, quod honeste per fœminas expediri potest; qualia sunt, domini uxorem comitari, aut rem familiarem curare. 4. Si diserte in literis investituræ de fœminarum successione cautum sit. 5. Si alicujus loci consuetudine sit introductum, ut etiam ad fœminas successio devolvatur. *Notandum* autem, in his atque aliis casibus, tum demum mulieres admitti, si deficiant masculi. His enim a primo acquirente extantibus, fœminæ negliguntur, etiam si in literis investituræ, masculis per copulam et, vel similem aliquam, conjungantur.

Licet vero Fœminæ a successione feudi ordinarie removeantur, succedunt tamen in *meliorationibus & fructibus ejusdem*: sive illud domino aperiatur, sive ad Agnatos successione devolvatur; adeo, ut, si feudum possi-

possideant, tamdiu illud retinere possint, donec ob meliorationes iis fuerit satisfactum. Quod si non supersint alia bona hereditaria, ex quibus dos constitui possit, tum, fœminis ex feudo alimenta & dotem suppeditari, æquitas postulat.

Descendentibus non extantibus, admittuntur *Collaterales*: & hi, cum beneficio primi acquirentis, non proxime defuncti, succedant, ideo, defuncti hereditate repudiata, feudum nihilominus retinere possunt. Hoc tamen de feudo tantum veteri intelligendum, quippe, in novo collaterales non succedere, indubitati juris est. Nisi 1. Pactis investituræ aliud caveatur: aut 2. feudum novum concedatur jure feudi antiqui: aut 3. frater, feudum de communibus bonis, sciente domino, emerit.

Inter Collaterales, sive Agnatos, primi sunt Fratres, & hi, sive germani sint, sive consanguinei, æqualiter in feudum succedunt, & quidem, si soli, in capita: si vero cum ipsis fratrum defunctorum liberi concurrant, hi, propter jus repræsentationis, vocantur in stirpes. *Vterini fratres*, quia neque agnati sunt, neque a primo acquirente descendunt, ideo a successione in feudo masculino repelluntur.

Si fratrum prædefunctorum liberi soli sint, quomodo tum patruo succedant, difficilis quæstio est: magis autem verisimile, successionem tum fieri debere in capita, non in stirpes: atq; pro hac sententia Carolus V. in Comitibus Spirenlibus A. 1529. constitutionem fecit.

Post Fratres Fratrumq; filios, *ut quisq; Agnatorum gradu proximior est*, ita succedit in feudis, excluso remotiore. Proximitatem autem respectu defuncti Vasalli, non respectu ejus, qui feudum acquisivit,

metimur. Ac facienda est computatio graduum secundum Jus Civile, non vero Jus Canonicum; hoc enim fere ad causas tantum matrimoniales attinet.

Si nemo ex Descendentibus aut Agnatis supersit, nec vir uxori, nec hæc illi, multo minus Fiscus succedunt, sed Feudum ad Dominum revertitur.

C A P. VI.

De Renovatione Investituræ.

Successionis consequens est *Investituræ Renovatio*, quæ semper petenda, quando vel Domini, vel Vassalli persona mutatur.

Atq; *Investituræ Renovatio necessario petenda est in Feudo veteri*, nec expectanda citatio, ut in feudo novo; ac proinde ultro ad fidelitatem faciendam Vassallus sese offerre debet.

Petenda est Investituræ Renovatio, 1. quia petitio hæc est signum devotionis & reverentiæ, quam Domino Vassallus debet, & ut Vassallus intelligat, se feudum obtinere potius beneficio Domini, & primi acquirentis, quam successione. 2. Quia *juramentum fidelitatis ad heredes non transit*; cum, quoad obligationem animæ, & crimen perjurii, personale existat. 3. Ne Domini jus longinquitate temporis obscuretur, aut reddatur dubium.

Petere oportet renovationem *Investituræ congruo tempore*, non noctis, prandii, vel balnei: item *loco idoneo*, in domini videlicet territorio, & loco consueto habitationis: unde Vassallus Dominum extra territorium sequi non tenetur, nisi forte fuerit in loco vicino, quo sine magno sumtu pervenire licet. *Petenda amplius humiliter & devote*, non insolenter & am-

& ambitiose; ad fidelitatis præstationem, vel expresse, vel saltem tacite sese offerendo. Deniq; petenda *tempore præfixo*, quod est annus & dies.

Est autem hoc tempus, si semel currere cœpit, *continuum*, adeo, ut etiam dies feriati computentur. Quod si vero initium respicimus, utile est, quia currit demum a tempore scientiæ, postquam scilicet Vasallus mortem Domini, vel Vasalli mortem ejus, cujus sunt heredes, cognitam habuerunt.

Præter oblationem fidelitatis, regulariter Vasallus ad alia præstanda non tenetur: unde nec *Laudemium*, *Lehnwar-Ergehung* / solvere cogitur; nisi statuto, aut loci consuetudine aliud receptum fuerit. Atque, in Imperio nostro, communiter, *non nisi pro instrumento renovationis investituræ*, non quidem Domino feudi, sed ejus Cancellariæ, aliquid exsolvi solet.

Omissæ renovationis effectus est, respectu Domini, quod, si is intra legitimum tempus, sine justa causa, Vasallum petentem investire recusat, proprietatem rei feudalis amittit.

Respectu Vasalli, is effectus est, quod, si, citra justam causam, intra præfinitum tempus renovationem petere neglexerit, feudum amittat.

Quod si *justa aliqua causa impeditus Vasallus*, citra dolum & incuriam, investituram non petierit, feudo non cogitur carere. Sunt autem *causæ justæ*, ignorantiae: ignorantia nimirum mortis Domini, aut vasalli, vel ipsius rei, an ea feudalis sit; uti si quis rem in hereditate inveniatur, eamq; feudalem esse ignoret. Huc pertinent adversa valetudo, tempestas, vis fluminis, quæ itineri vel navigationi impedimento fuit; item, justus metus hostium, & locorum huc pestifera infectorum, ætas immatura, causæq; aliæ fonticæ.

CAP. VII.

*De Feudi Forma, Fine, & Effectu
quoad Dominum.*

Forma Feudi, sine qua constitui & esse nequit, est ipsa fides, sive fidelitas; qua Vasallus Domino, vel jurato, vel etiam citra juramentum, pollicetur, se ei fidelem fore, commoda ipsius promoturum, damna averfurum, & venerationem præstiturum. Vocatur hoc juramentum, *Vasallagium*, *die Lehens-Pflicht*; nonnunquam etiam *Homagium*, sive *Hominium*; quod tamen proprie notat juramentum subjectionis, quod subditi Principibus & Dominis territoriorum præstant, *die Huldigung*.

Præstatur fidelitas jurato a quovis Vasallo, sive Clericus, sive Laicus is sit, & de omni feudo; nisi expresse remissum, aut Ecclesie feudum concessum fuerit. *Ecclesia* enim, cum sit cultrix & auctrix justitiæ, nec patiatur contra justitiam aliquid fieri vel in se, vel in alterum, I. F. 13. ideo mirum non est, a juramenti præstatione eam excipi. *Excipiuntur tamen etiam minores*, sive impuberes, qui ante legitimam ætatem, quæ doli capax est, nec per se, nec per alium, fidelitatem præstare coguntur.

Jurant Vasalli vel ipsi, vel per Procuratores; qui tamen speciali mandato instructi esse debent. Illud certum, *vivo patre*, filios Vasalli ad jurandum Domino non teneri. Post mortem enim Patris demum ad ipsos feudum devolvitur, ex quo tempore juramentum fidelitatis præstabunt, etiamsi Parens illorum pro se, & suis heredibus jurasset. Nam jura-

men-

mentum, a Vasallo præstitum, ejus personam non egreditur, nec potest ligare heredem.

Finis Feudi, est vel Remotus, vel Proximus. *Remotus*, est Reipublicæ commodior defensio, & familiarum, maxime Illustrium, conservatio. *Finis Proximus*, est utilitas vel Domini, ut is sibi fide & officio devinctum habeat, in quem beneficium contulit; vel Vasalli, ut is, propter servitia & fidem, beneficiis & benevolentia Domini fruatur.

Jus Domini est, in re quidem feudali, reservata proprietas; in persona vero Vasalli, reverentiæ & officiorum præstatio. *Reverentiæ hujus effectus* sunt, quod Vasallus Dominum accusare nequit, nisi is crimen perduellionis commiserit. Quod nec juramentum calumniæ ab eodem exigere, nec actionem famosam adversus eum intentare, nec testimonium contra eum dicere debet. Atque reverentiæ vestigia, etiam refutato feudo, penes Vasallum remanent.

Officia, ad quæ tenetur Vasallus, consistunt in consilio & auxilio præstando. Nempe, & consilium fidele Domino dare, & Domini consilia sedulo celare debet. *Quod ad auxilium attinet*, si justa & rationabilis causa sit, Vasallus Dominum tam in defendendo, quam in offendendo, adjuvare tenetur. *Idem dicendum, si causa sit dubia*: nec enim determinatio ejus dubii ad Vasallum pertinet, sed debet obsequi Domino suo, ejusque personam sanctam & honestam reputare. *Dicitur autem ea causa dubia*, quando Dominus Procures & Consiliarios in consilium adhibuit. *Si causa notorie injusta sit*, in defendendo tenetur Vasallus Dominum adjuvare, non autem in offendendo alium. Quamvis hoc ipsum quoque, si velit id facere, jure Feudali in 2. F. 28. permissum

lit. Id tamen, ut & prius, de defensione in causa notorie injusta, Baldus, in Commentario ad illud capitulum, improbat, & Obertum ac Gerhardum hic duo pecora fuisse dicit, sive jus Divinum, sive Gentium, sive etiam Civile spectemus.

Auxilium Vasallus ferre debet regulariter contra omnes homines, etiam contra fratrem suum, & filium, & parentem, 2. F. 28. nisi quod Rex, sive Imperator, & Vasalli patria, atque propria ejus persona excipiuntur.

Ad *Reverentiam* præstandam Vasallus ita obstrictus est, ut nullam admonitionem expectare debeat; ad *Servitia* vero aliter non tenetur, nisi ea Dominus requirat. Quod si tamen periculum præsens sit, ac res moram non patiatur, æquum est, ut Vasallus Domino ultro succurrat.

Vocatus a Domino Vasallus, in propria persona comparere debet, cum ipsius fides & industria electa sit; nisi forte ad servitia præstanda, vel propter ætatem, vel alium defectum, sit inutilis. *Præstanda vero sunt servitia sumtibus Vasalli*; modo feudum non sit tenue, atque intra patriam & territorium subsistere Vasallo liceat. Quin, si inter serviendum arma, vel equum Vasallus amittat, ejus rei compensationem a Domino ei flagitare non licet.

Si ad egestatem redactus fuerit Dominus, non tenetur illum Vasallus alere; nisi vel ex facto Vasalli inops factus, vel feudum valde opimum sit, vel omnia bona sua in feudum dederit. *Est tamen alimentorum largitio pro qualitate feudi temperanda.* Hinc consequens videtur, si Dominus filiam suam elocare velit, nec ipse pro dignitate eam dotare possit, Vasallum aliquid contribuere debere. Quod si ab hostibus

bus captus sit Dominus, incumbit Vasallo, ut ipsum liberet, si vero ob æs alienum in vinculis detineatur, non item.

C A P. VIII.

De Effectu Feudi quoad Vasallum.

Jus, quod Vasallo competit ratione rei feudalis, est possessio, quasi-dominium, & consequenter jus percipiendi fructus, aliaq; incrementa: item locandi feudum, de eo transigendi, illud refutandi, & alium de eo subinfeudandi. Respectu personæ Domini, est mutua fidei & officiorum præstatio.

Potest Vasallus feudi conditionem meliorem quidem, non tamen deteriore, facere: unde servitutem fundo feudali acquirere quidem, non tamen imponere licet. Thesaurus, in prædio feudali inventus, item auri, argenti, plumbi, aliorumq; metallorum fodinæ, ad Vasallum pertinent.

Refutatio in quovis feudo locum habet, etiam ligio & franco. Sed non facienda est intempestive, vel dolo malo, puta, cum hostis imminet, aut Dominus jam in procinctu est suæ expeditionis, nec aliorum æque idoneorum militum parandorum copiam habet. Refutatio, si feudum novum fuerit, præjudicio erit descendentes; si vero antiquum sive paternum, ad vitam refutantis nocebit; mortuo autem eo, ad liberos vel agnatos ejus devolvitur. Nisi forte descendentes vel Agnati refutationi consenserint: hoc enim casu, nullum, etiam post refutantis obitum, ad feudum regressum habebunt.

Habet Vasallus jus subinfeudandi, i. e. feudum, quod habet, vel totum, vel aliquam ejus partem, alii

in feudum concedendi. Germani ejusmodi concessionem vocant die Pfisterbelehnung / & ipsum subfeudum, ein Pfisterlehen. Hæret quidem hic Julius Clarus in Comm. ad 2. F. 3. atque queritur, se non potuisse aliquam idoneam rationem apud Doctores reperire, cur, stante generali prohibitione alienationis feudi, subinfeudatio permessa esse debeat. Verum, causa in promptu est: per subinfeudationem enim Domini jus non redditur deterius; & vassallus, qui antea fuit, vassallus esse non desinit, ac præterea etiam alius subvassallus Domino acquiritur. Debet autem fieri subinfeudatio 1. sincere, & sine fraude, puta, ne sub prætextu subinfeudationis, venditio, aut alia prohibita alienatio celebretur; & ne in præjudicium fiat domini, uti eo casu, quo vassallus desperat, se liberos aut heredes habiturum. 2. Fieri debet subinfeudatio personæ ejusdem aut melioris conditionis, non quidem ratione officii, aut dignitatis, sed habilitatis ad serviendum. 3. Facienda iisdem conditionibus & pactis, sub quibus subinfeudans feudum a Domino accepit.

Effectus Subinfeudationis, est 1. quod jus quoddam quasi domini, sive dominium utile in subinfeudatum transit; ita tamen, ut non omne jus in feudo Vassallus abdicare, sed aliquod sibi reservare intelligatur, quo subinfeudatum ad servitia & fidelitatem præstandam obligatum habet: quod subinfeudantis jus, respectu domini proprietatis, utile, respectu vero subvassalli, directum quodammodo dici potest. 2. Subinfeudatus fit subinfeudantis Vassallus, ipsiq; ad fidem & servitia, æque ac subinfeudans ipsi Domino directo, obstringitur. Ipsius tamen Domini directi Vassallus non efficitur subinfeudatus, nisi per con-

consequentiam quandam: proinde ab eo ad servitia cogi non potest, nisi mediate per primum vasallum. Interim tamen ipsum sine gravi causa offendere non debet, neq; molestiam ullam ei creare. 3. Mortuo subinfeudante, jus hoc durat, & subinfeudatus feudum retinere potest, si dominum pro superiore recognoscere, eique servitia præstare paratus sit. *Aliud autem obtinet de Agnatis*, ad quos si feudum per mortem subinfeudantis devolutum fuerit, subinfeudatio ipsis præjudicio esse nequit, quo minus id revocare, & subvasallo auferre possint.

Notandum, penes Vasallum esse jus lucrandi & percipiendi incrementa naturalia rei feudalis, uti si forte per alluvionem fundo feudali (quando is limitatus non est) quid accesserit. Neq; nova investitura hic opus: id enim, quo per alluvionem crevit fundus, jus & conditionem principalis fundi sequitur.

Ratione personæ Domini, Vasallo debetur defensio, ut Dominus ipsum defendat: idq; non tantum in judicio civili, quando convenitur de feudo; tum enim potest Vasallus vocare Dominum, ut ipse adversario respondeat: sed etiam in bello, cum Dominus ad mutuam vicem, in omnibus, fideli suo, juramento excepto, obligatus sit, in tantum, ut si Dominus Vasallo suo, a quo specialiter vel generaliter requisitus fuit, opem ferre, cum possit, recuset, feudi proprietate privetur, proprietasq; ad Vasallum transeat, & cum usufructu consolidetur. Amplius, nec Dominus Vasallum injuria afficere, aut sine justa causa feudo privare debet.

Si *Feudum* fuerit evictum, hoc est, per sententiam judicis ablatum, de Evictione tenetur dominus Vasallo, ita ut cogatur ipsi tradere aliud feudum ejus-

dem bonitatis & quantitatis, vel justum feudi pretium numerare, pro quo æquivalens possit emi.

C A P. IX.

De Causis, ob quas Feudum amittitur.

Feudum legitime constitutum, finitur, sive amittitur, vel culpa Vasalli, vel sine ea. Culpa, vel in committendo, vel in omittendo consistit: & in committendo quidem, vel Dominum respicit, vel alium. Atque *Culpe* appellatio hic latissime accipitur, ut etiam dolum sub se comprehendat: quo sensu in Jure Feudali vocatur *Felonia*, & tam domino, quam vasallo, 2. F. 47. tribuitur, vel a Græco *Φήλωσις*, sive *Φήλωμα*, quod fraudem & imposturam significat, vel potius a Germanico *Fehlen* sic dicta.

Culpa, quæ Dominum respicit, vel personam ejus principaliter, vel per consequentiam, vel rem ejus familiarem concernit.

In personam Domini directo & principaliter delinquitur, vitam, incolumitatem, vel famam ipsius lædendo, testimonium atrox adversus eum dicendo, aut accusationem instituendo.

Vitam Domini lædit Vasallus, si necem armis aut veneno inferat, vel violentas manus intentet, aut insidias struat. Quod si tantum voluerit dominum offendere, nec tamen ad actum aliquem extraneum processerit, feudo non privabitur. Excipiuntur tamen casus duo, quibus Dominus, citra feudi privationem, a vasallo occidi potest. Quorum unus est defensio sui ipsius; alter, si Dominum in adulterio uxoris suæ deprehenderit: Dominus enim, adulterium cum

cum vasalli uxore committens, reciprocam fidem violat, & jure suo, quod in vasallum habuit, se reddit indignum. *Amplius*, vita, vel saltem incolumitas Domini oppugnatur, si Vasallus cum hostibus Domini amicitiam copulaverit, id est, contra Dominum conjuraverit, & in perniciem Domini se cum iis conjunxerit.

Fama Domini læditur, si Vasallus testimonium contra dominum sponte sua dicat. Nam, si judex, non admissa ejus excusatione, invitum eum & reluctantem ad testimonii dictionem coëgerit, feudum non amittit. Læditur præterea fama Domini *accusatione*: proinde ab ea abstinendum, nisi Vasallus suam suorumq; injuriam persequatur, aut crimen læsæ majestatis, in quo etiam liberis parentes accusare licet, Domino impingat: aut ex officio, vel legis necessitate, Dominum accuset; puta, si sit fiscalis, vel heres defuncti, cujus necem vindicare cogitur. Læditur deniq; fama Domini *injuriis verbalibus*, & atrocissimis convitiis.

Per Consequentiam in personam Domini delinquitur, cum in personas, potestati ipsius, vel affectui subjectas, aliquid committitur: uti si Dominum vasallus cucurbitaverit, id est cum uxore ejus concubuerit; si neptem ex filio, nurum, vel sororem ejus in capillo stupraverit; si cum uxore domini turpiter luserit; si, in odium & contumeliam Domini, gravi & inhonesta injuria, sive reali, sive verbali, affecerit Domini consanguineos, domesticos, confœderatos, nuncios.

Quod de Vxore Domini dictum est, etiam ad *Viduatam* ejus, intra tempus luctus, (quia sic suspicio adulterii, etiam vivo marito commissi, movetur) & *Sponsam* domini, quia ad contumeliam sponsi inju-

injuria, quæ sponsæ inferitur, spectat, producendum.

In sôrore domini, nonnulli conjunctim requirunt, ut cum fratre suo in eadem domo habitet, & ut adhuc in capillo, id est innupta, sit; sed verius est, posterius sufficere.

Ad turpes lusus cum domini conjugē refertur, si Vassallus manum in sinum ejus miserit, aut luxuriose osculatus, vel amplexus fuerit. Nec discrimen faciendum videtur inter Clericum, & Laicum; etsi *Glossa in c. absit. C. 11. Q. 2.* dicit: Si Clericus amplectitur mulierem, interpretandum id est, quod causa benedicendi eam hoc faciat. Pertinent huc *literæ amatoriæ*, quas ad Domini uxorem mittit Vassallus; item munusculorum illecebræ, aliæq; strophæ, quibus pudicitiam ejus expugnare nititur.

Occasione Rerum, in Dominum delinquitur, si Vassallus feudum dolo negaverit, deterioraverit, vel alienaverit: item, si in munitionibus, vel aliis possessionibus damnum dederit,

Circa *insciantionem Feudi* notandum, posse Vassallum pœnitere, & contumaciam suam purgare; adeoque si expensas & damna, quæ Dominus ob negationem hanc passus est, refundere paratus sit, feudum recuperare, idq; tam ante, quam post litem contestatam.

Vt Vassallus *ob feudi deteriorationem* illud amittat, requiritur, ut dolo, vel culpa rem deteriore fecerit, & ut notabilis ac insignis sit ea deterioratio: uti si arbores fructiferas perdat, in subditos sæviat, aut insolitas operas exactionesq; iis imponat, aut justitiam deneget.

Alienatione Feudi delinquitur, quia Vassallus, feudum alienando, dominum contemnere videtur, ejus conditio-

ditionem deteriore reddit, & ipsi invito alium Vassallum obtrudit. Ad hoc autem, ut Vassallus propter alienationem feudo cadat, requiritur 1. ut id fiat sine consensu Domini; nec successerit ejus ratihabitio; nec vassallus alienationi clausulam salutarem, sive hanc conditionem apponat, si Dominus consenserit. 2. Ut sciat vassallus, feudum esse; nam, si in justa ignorantia versetur, non videtur Dominum contempsisse. 3. Requiritur possessionis translatio. Nec enim sola conventio de alienando sufficit. 4. Non debet venditio facta esse in agnatum proximiorum, qui omnino heres est futurus.

Non potest autem Vassallus, invito Domino, non tantum non vendere feudum, sed nec permutare, donare, oppignerare, in solutum dare, in dotem, vel donationem propter nuptias concedere, in emphyteusim largiri. Pariter nec admittere debet, ut feudum ab alio, usucapione, vel præscriptione, acquiratur. His enim omnibus modis fit alienatio.

De *Venditione* sciendum est, Vassallum non tantum feudo privari, si illud sine Domini consensu vendiderit, sed & pretium, tam ipsi quam emtori auferri. Atque hoc quidam fisco adjudicant; alii autem, æquius, Seniori sive Domino, cujus persona contempta est,tribuendum censent.

Per *Oppignationem* intelligitur pignus in specie sic dictum, quo possessio in creditorem transfertur. Nam, propter hypothecam in feudo constitutam, jure suo vassallus non privatur.

De *Dotis datione* tenendum, hoc tam ipsum patrem, quam quemvis alium prohiberi: idque in tantum, si vel maxime pater nulla alia bona habeat, nec filia aliter, quam si dotata sit, nubendi conditionem accipere possit.

Et si

Et si vero Vasallus alium subinfeudare potest, tamen in *Emphyteusm* dare feudum ei non licet. Subinfeudatione enim vasallus eadem conditione & qualitate, qua ipse feudum habet, id in alium transfert. At emphyteusis aliis conditionibus peragitur, cum hæc ad omnes heredes, tam masculos, quam fœminas, & adeo etiam ad extraneos, transeat.

Quod si Vasallus modo aliquo ex enumeratis feudum, invito domino, alienaverit, si quidem *totum* alienavit, totum quoque amittit; si vero partem, ea tantum parte, quam alienavit, privatur.

Illud notandum, non Vasallum tantum alienantem, sed etiam Notarium sive Tabellionem, qui instrumentum alienationis conficit, puniri amissione officii, infamia, & manus amputatione.

Circa res non-feudales Felonia committitur, si Vasallus in munitionibus, vel aliis possessionibus, Domino damnum dederit; puta, si castrum, vicum, aut civitatem Domini oppugnaverit.

Præterea & oblique circa res domini delinquitur; veluti si secreta Domini sui Vasallus revelaverit, aut dominum detulerit, ut damnum inde reale sit secutum. In alium, quam dominum, culpa committitur, si Vasallus fratrem suum, nepotem ex fratre, aut alium, in quem parricidium committi potest, interemerit: si convasallum prodiderit; aut crimen læsæ majestatis, incestum, prodicionem, vel simile aliud flagitium, ex quo existimatio ejus ita læditur, ut amplius in Curia Domini stare nequeat, commiserit. Ita vero demum ob *parricidium* feudo cadit Vasallus, si illud eum in finem admisit, ut solus, vel eo citius hereditate, sive feudo potiretur; quia hoc demum casu respectu feudi delinquitur.

Ob culpam omissionis feudo privatur vasallus, si Domino periculum imminere sciens, id non indicaverit; si Dominum carceri inclusum non liberaverit; si alimenta inopi Domino denegaverit; si in periculo constitutum, vel pugnans in bello, adhuc vivum nec lethifere vulneratum deseruerit; item, si investituram petere neglexerit; si, tribus vicibus citatus, juramentum fidelitatis domino facere detrectet; si feudi nomine a domino ter in jus vocatus, venire supersedeat, hoc est justitiam facere recusaverit, vel, si servitia denegaverit.

Sine Culpa feudum amittitur, morte Vasalli, rei feudalis interitu, refutatione feudi, ac defectu & inhabilitate serviendi: uti, si Vasallus sit Clericus factus. Clericus enim, dum Christi miles esse incipit, ad servitia feudalina inhabilis redditur. Idem obtinet, si surdus, mutus, cæcus, mancus, vasallus factus fuerit: idq; sive naturale sit vitium, sive accidentale, & superveniens; modo perpetuum sit. Nam, qui vitio laborat, quod industria & cura medicorum sanari potest, feudum non amittit; cum interim per substitutum servire possit, donec sanitati restituitur.

Quemadmodum Vasallus, vel culpa sua, feudum amittit, vel sine ea; ita Dominus quoque, tam culpa, quam sine ea, feudum perdit: & culpa non commissionis tantum, puta si in vasallum vel etiam alium delinquerit; sed etiam omissionis, si vasallum, investituram petentem, intra legitimum tempus non investiverit.

Feudum modis recensitis, non ipso jure, sed per sententiam judicis, amittitur. Atque, si in dominum culpa commissa sit, ad ipsum dominum, si vero in alium, ad proximos Vasalli agnatos transit, exclusis descendantibus. Domino autem feloniam committente, proprietas indistincte Vasallo applicatur.

Cum

Cum feudum ad Dominum, vel agnatos devolvitur, circa fructus distinguendum, utrum feudum culpa Vasalli, an vero sine ea, extinctum vel amissum sit. Si sine culpa, puta morte vasalli, feudum amittatur, tum, moriente ante *Calendas Martias* vasallo, omnes illius anni fructus Domino cedere debent; si post *Calendas Martias*, usq; ad Augustum completum, diem obeat, fructus ad vasalli heredes pertinent. Si post Augustum fato fungatur, rursus fructus Domini sunt. Si vero ex culpa Vasalli feudum amissum fuerit, fructus pendentes omnes, una cum fundo ipso, ad Dominum vel agnatos pertinent.

CAP. X.

De Judicio Feudali.

IN Judicio feudali, Materiam & Formam considerare oportet. Materia Personas & Actiones continet. Personae, vel litigantes sunt, vel iudices. Litigantes, sunt Actor & Reus, quorum ille, ad iudicium contra Reum provocat, hic, ab Actore provocatur.

Judex, pro varietate casuum varius est, modo Dominus Feudi, modo Pares Curiae, modo ordinarius loci iudex, & interdum etiam Arbiter.

Litigatur vel inter Vasallos ipsos, vel inter Dominum & Vasallos, vel inter Dominum & Extraneum, vel deniq; inter Vasallum & Extraneum.

Lis inter solos Vasallos, est vel inter Capitaneos, id est Duces, Marchiones, Comites; vel inter Valvafores, id est minores, & inferiores vasallos. Inter Capitaneos solus Imperator iudex est, c. si contentio. l. f. 18. adeo, ut, si de feudis Regalibus controversia sit, ne Camera quidem Imperialis ullam cognitionem habeat, sed soli Imperatori ea reservata sit, O. C.

p. 3. t. 7. quamvis in aliis feudis, non regalibus, concurrentem cum Imperatore jurisdictionem habeat, & præventioni locus sit. Si inter Valvasores lis orta, Dominus feudi Senior competens judex est. Nec possunt Vasalli, invito Domino, jurisdictionem consensu suo prorogare, sive alium judicem eligere. Non enim locum habet prorogatio, quoties cum injuria alterius conjungitur; ceu hoc loco fieret, auferendo Domino jus suum, & jurisdictionem, a lege & consuetudine Feudali concessam, reddendo inutilem.

Quod si Dominus justitiam facere noluerit, vel distulerit, actor reum coram ordinario suo judice convenire poterit, ex communi juris Regula, quæ actorem rei forum sequi jubet.

Si lis sit inter dominum & vasallos, controversia apud Pares Curiae terminanda est: atque judicant hoc casu Pares, non Dominus; quia nemo in propria causa judex esse debet. Judicabunt autem Pares non omnes, nisi forte ita litigantibus placuerit, sed ii, qui a Domino & Vasallo electi fuerint.

In Electione is servetur ordo, ut prius eligat Dominus, quos & quot voluerit, postea Vasallus sequatur, & totidem quoque eligat. Quod si vel Dominus, vel Vasallus eligere tergiversetur, ab altera parte electi, soli judicabunt. Atque possunt Pares ad judicandum cogi, quia judicandi munus publicum est, quod etiam inviti suscipere coguntur. Et coget hoc casu eos, non tantum judex superior, sed etiam ipse Dominus. Sunt vero Pares Curiae Domini judices, etiam si is Princeps supremus sit, nec alium superiorem recognoscat. Si nulli sint Pares Curiae, ipsa necessitas cognitionem ad ordinarium Judicem deducit.

Quod si Dominus & Vasallus litigantes in alium judicem consenserint, quamvis invito Domino Vasalli

jurisdictionem in alium prorogare nequeant, consentiente tamen eodem, quin prorogatio fieri possit, non est dubitandum.

Si Dominus, vel Vasallus, cum extraneo litigent, neque Dominus, neque Pares judicare poterunt, sed ordinarius Judex adiri debet.

Competunt Actiones ex Feudo, tam Domino, quam Vasallo. Domino competit 1. Rei Vindicatio, qua a quovis possessore feudum repetit. Competit 2. Causa data, causa non secuta, qua agit ad feudum revocandum, si Vasallus requisitus servitia haud præstiterit, vel aliam quamcunque feloniam commiserit. Competit 3. Domino Conditio ex lege, sive moribus; quæ toties locum habet, quoties alia nulla actio suppetit. Competunt 4. etiam Interdicta domino, non tantum, si ipse turbetur aut spoliatur civili sua possessione; sed etiam si Vasallus turbetur, aut dejiciatur, & agere vel non possit, vel nolit.

Vasallo competit 1. utilis rei vindicatio, qua experiri potest, non tantum adversus extraneum feudi possessorem, sed etiam adversus ipsum Dominum, si is forte feudi possessionem nactus sit. Competit 2. Conditio ex lege adversus Dominum, ut si feudum fuerit evictum, aliud ejusdem bonitatis restituat, vel æstimationem ejus solvat. Competunt 3. Vasallo Interdicta, eaq; non tantum adipiscendæ, & retinendæ, sed etiam recuperandæ possessionis. Adversus Dominum tamen, non ipso interdicto unde vi, sed actione in factum ei utendum. Deniq; 4. & officium Judicis implorare potest, si fortassis nimis servitiis a Domino oneretur, vel alias in possessione sua turbetur.

Liberis & Agnatis Vasalli, competit Actio Revocatoria, qua feudum, a prædefuncto vasallo alienatum, revocare possunt.

Processus Feudalis in plerisq; conformis est *Processui Juris communis*. Sed specialia quædam notare convenit; quæ respiciunt vel *Præparatoria judicii*; vel ipsum *judicium*.

In *Præparatoriis*, singularis est *vocatio in jus*, sive *citatio*, quæ trina præcise requiritur; cum jure communi, una *peremptoria*, trium *citationum* vice fungatur.

Reconventio in *judicio feudali* non aliter *admittitur*, quam si & ipsa *reconventio* æque *causa feudalis* sit. Habet sane cæteroquin *reconventio* coram quovis *Judice* locum; sed excipitur casus, quo *jurisdictio* *limitata* est, ad *causas certarum qualitatum, specierum, & naturæ*, extra quos *limites* *extendi* non debet.

In *actibus disceputationis*, singulare est, quod *Dominus & Vasallus* *juramentum calumniæ* a se invicem *exigere* non possunt, idq;, sive *Vasallus* *juramentum fidelitatis præstiterit*, sive non. Cujus rei *causa*, *mutua reverentia & fides*, quam sine *juramento* quoque, *Dominus & Vasallus* sibi invicem debent.

Amplius, est hoc quoque singulare in *actibus disceputationis*, quod *ad probandum non admittuntur fœminæ*, sed *masculi tantum*. Item, quod, *ad novam investituram* *probendam*, non *admittuntur alii*, nisi *Pares Curiae*, vel *Instrumenta* a duobus aut tribus *Paribus* *subscripta*; nec minus, quod, *ad probandam ingrati- tudinem*, requiruntur quinq; *testes, summæ & integræ opinionis*. Accedit, quod, cum *jure communi*, *actore* non *probante*, *reus* etiam si nihil *præstiterit*, *obtineat*, *jure feudali* non *continuo absolvatur*, sed *purgare se debeat*, vel *juramento*, quod interdum *solus præstat*, interdum *assumptis 12. sacramentalibus*, sive *viris*, qui *similiter jurant*, se credere id *verum esse*, quod *liti-*

gator juravit. Vel, purgare se debet duello, vel etiam exploratione per ferrum candens, aquam ferventem, aut alium modum ejusmodi; qui tamen purgandi modi in desuetudinem abierunt.

Si in judicio proferantur investituræ plures de eodem feudo, inter se discrepantes, antiquior & prima attendenda est; posteriores enim investituræ, nihil aliud sunt, quam confirmationes & accessiones primæ, adeoque naturam ejus immutare non possunt, & mutatio, si qua contigit, errore facta præsumitur; cum in dubio nemo censeatur, mutando investituram, sibi, posterisq; suis, vel aliis jus ex ea habentibus, præjudicare voluisse, nisi forte, ex certa scientia & voluntate domini & vasalli, mutatio illa facta sit.


A sententia, quam Judex feudalís tulit, si iniqua videatur, appellatio concessa est, eaq; ceu jure communi, faciendâ gradatim, puta, si Dominus feudi pronunciaverit, ad proxime superiorem illius, & tandem ad Imperatorem. Insinuandæ autem appellationi, tempus sex septimanarum definitum.

Circa Executionem hoc singulare est, quod ea, invito Domino, in ipsum feudum fieri nequit, sed tantum in fructus. Exequi autem sententiam judicio feudali latam, poterunt ipse Dominus, & Pares, mandando videlicet reo, ut, sub periculo amissionis feudi, sententiæ pareat, vel etiam immisionem in bona decernendo. Realiter autem ipsi immittere nequeunt, sed ordinarii judicis opem & auxilium implorare debent.

Deniq; tenendum, Domino feudi condemnato, beneficium competentie competere, ne executio in eum fiat, ultra id, quod potest facere.

DEO GLORIA.

SYNOPSIS
JVRIS CANONICI.



SYNOPSIS JVRIS CANONICI.

LIBER I.

Titulus I.

De Jure Canonico.

Jus Canonicum sic dictum est, quia normam recte & bene vivendi continet; & distortum pravumq; corrigit.

Jus Canonicum, est jus positivum, quod ab Ecclesiæ Romanæ Summis Pontificibus traditum, constitutum, vel approbatum fuit.

Jus Canonicum absolvitur partibus VI. Decreto Gratiani: Epistolis Decretalibus Gregorii IX. Sexto Decretalium Bonifacii VIII. Clementinis: & Extravagantibus, tum Johannis XXII. tum Communibus.

Decretum, quod etiam Concordantia Discordantium Canonum appellatur, Gratianus Monachus Benedictinus A. C. 1150. post Isidorum Hispalensem, Burchardum Wormatiensem, & Ivonem Carnotensem, ex Canonibus Apostolorum, Synodorum statutis, Patrum dictis, nec non quorundam Pontificum decretis compilavit: idq; Eugenius III. Pontifex confirmavit, & in Scholis prælegere jussit.

Partes tres sunt: Prima habet Distinctiones 101. quarum 20. prioribus agitur de Jure in genere, reliquis, de Personis Ecclesiasticis. Secunda Pars complectitur Causas 36. in qua varix tractantur Quæstiones,

nes, ad formam judiciorum pertinentes. Hic, post *Causam* 33. & *Quæstionem* 2. insertus est *Tractatus de Pœnitentia*, constans 7. *Distinctionibus*. *Tertia Pars*, materiam *Consecrationis*, 5. *Distinctionibus* absolvit.

Decretalium Epistolarum Compilatio Seculo XIII. facta est auspiciis *Gregorii IX.* per *Raymundum de Penna forti*, Hispanum, *Ordinis Prædicatorum*, ex variis, tum ejusdem, tum aliorum Pontificum, *Epistolis*, *Constitutionibus*, & *Conciliis*, inde ab *Alexandro III.* usq; ad *Gregorium* editis. Constat libris 5. in quibus ipsa *Juris Pontificii* materia, ad res forenses accommodatissime exponitur. Hi libri dicuntur *Extra*, quia continent *Constitutiones*, quæ post *Decretum Gratiani* fuerunt editæ: eorum materia, hoc versu inclusa habetur:

Judex, Judicium, Clerus, Connubia, Crimen.

Sextum Decretalium, *Bonifacii VIII.* mandato, *Guiljelmus Archiepiscopus Ebrudunensis*, *Berengarius Episcopus Biterensis*, & *Richardus Vicecancellarius A. 1294.* composuere. Continet *Gregorii X.* *Innocentii IV.* *Clementis IV.* & aliorum Pontificum, quin & ipsius *Gregorii IX.* *Novellas Constitutiones*, ac præcipue duorum *Conciliorum Lugdunensium*, alterius sub *Innocentio IV.* A. 1245. alterius, sub *Gregorio X.* A. 1273. celebrati, decreta. Libri sunt totidem, quot *Decretalium*. *Sexti Decretalium* nomen inde ortum, quod velut *Sexti Libri*, ad quinque *Decretales*, hæc est accessio.

Bonifacio VIII. proxime successit *Clemens V.* Avignione sedens, qui, eodem servato ordine, qui est in *Decretalibus* & *Sexto*, similiter 5. libris, *Constitutiones Concilii Viennensis*, ipso Præsidente A. 1310. celebrati,

brati, una cum cæteris Constitutionibus ac Decretalibus suis Epistolis, editioni paraverat quidem, sed, eo rebus humanis exempto, per Successorem *Johannem XXII.* A. 1320. publicatæ sunt. Quia nihil præter solius Clementis, vel Concilii Viennensis a Clemente confirmati, Constitutiones continent, ideo *Clementinæ* vocantur.

Johannes XXII. ipse quoq; suas addidit Constitutiones, numero 20. titulis 14. secundum Decretalium ordinem; quæ tamen, sine ulla librorum distinctione, solis numeris discernuntur.

Johanne XXII. defuncto, variæ variorum Pontificum sequentium prodierunt Constitutiones, annorum plus minus 150. Hæ, tam *Johannis XXII.* quam aliorum, qui ei successerunt, Pontificum, quia paucæ erant, nec peculiaris alicujus Voluminis Decretalium nomen merebantur, ideo Priores, *Extragentes Johannis XXII.* Posteriores, *Extravagantes Communes* fuerunt appellatæ. Ac *Communes* quidem sic dictæ, quia multis Pontificibus communes, nec uni soli, sicut *Clementinæ*, aut *Johannis XXII.* debentur. *Extravagantes* dictæ, quod antea, extra Corpus Canonicum, incerta quasi sede vagarentur. Sic enim olim *Extravagantes* vocari cœperunt omnes Pontificiæ Constitutiones, quæ *Gratiani* Volumine non erant comprehensæ; quanquam postea, quoad *Decretales Gregorii IX. Bonifacii VIII. & Clementis V.* hæc appellatio in usu esse desiit. *Extravagantes Communes* in 5. libros, secundum seriem *Gregorianæ* compilationis, redactæ sunt; Quartus autem liber nullus comparet.

Petrus Matthæi J.C. Lugdunensis, proprio motu, ad imitationem *Sexti Bonifaciani*, e variis *Tridentini*

Concilio Canonibus, & Pii IV. ac V. aliorumq; Constitutionibus, e Bullario Laërtii Cherubini depromtis, librum confecit, quem *Septimum Decretalium* inscripsit.

Joh. Paulus Lancelotus J.C. Perusinus, privato usu, A. 1563. *Institutionum Juris Canonici* libros 4. composuit.

Titulus 2.

De Constitutionibus Ecclesiasticis.

JVs Canonicum, est vel *Scriptum*, vel *non-Scriptum*. *Scriptum* jus, sunt Constitutiones Ecclesiasticæ.

Constitutiones Ecclesiasticæ, sunt vel statuta Conciliorum, vel Decreta Pontificum, vel Dicta Sanctorum.

Concilium, est cœtus, conventus, aut congregatio Fidelium; Græcis dicitur *Synodus*. Concilium est vel Oecumenicum, vel Nationale, vel Provinciale, vel Diocesenum aut Episcopale.

Concilium Oecumenicum, sive Generale est, cum Episcopi ex universo Orbe, autoritate Sedis Apostolicæ, congregantur. Talia fuerunt, Nicænum, Constantinopolitanum, Ephesinum, & Chalcedonense.

Concilium Nationale est, quod constat omnibus Episcopis multarum provinciarum ejusdem nationis; cujus convocatio pertinet ad Primatem nationis.

Concilium Provinciale est, quod constat ex omnibus Episcopis ejusdem provinciæ; eosq; convocat Metropolitanus.

Diocesenum, aut Episcopale Concilium est, quod constat ex Abbatibus, Presbyteris, & Clericis ejusdem Diœceseos, ab Episcopo convocatis.

In Conciliis agitur, vel de fide, vel de disciplina. Atque in iis statuta, si ad fidem attinent, Definitiones & Anathematismi; si disciplinam concernunt, Canones vocantur. Sed invaluit, tam quæ fidem, quam quæ disciplinam respiciunt, Canones appellare. Possunt autem Canones ad fidem & disciplinam pertinentes, non tantum in Oecumenicis, sed etiam in Nationalibus, & Provincialibus Conciliis fieri; atque, si confirmentur a Romano Pontifice, omnes Christianos obligant.

Concilii forma, ex Concilio Toletano IV. est, ut corona fiat ex sedibus Episcoporum; ac Presbyteri ab eorum tergo sedeant, Diaconi stent in eorum conspectu.

Decreta Pontificum, sunt constitutiones Ecclesiasticæ, a summo Pontifice vel solo, vel Cardinalium consilio adhibito, ultro, aut aliquo interpellante, factæ. Ea, si generalia sint, omnibus; si specialia, iis, quibus concessa, legem imponunt; & tum Privilegia dicuntur.

Sanctorum Dicta, vim Constitutionum habent, puta ea, quæ Collectore Gratiano, ex scriptis Doctorum Ecclesiæ, autoritate Eugenii III. sub nomine Decretorum, juris nomen & vim acceperunt, & Sacris Canonibus inserta sunt.

Jus Canonicum non-scriptum, in Ecclesiæ Romanæ Consuetudine recepta consistit: eaq; si neque bonis moribus, neq; decretis, neq; Conciliis adversetur, Scriptæ constitutionis vigorem habet.

Stylus Curie Romanæ, sive formula, qua Aulæ Romanæ Curiales in negotiis expediendis utuntur, ubi jus non est contrarium, in decisionibus allegari potest.

Omne Jus Canonicum versatur vel circa Personas, vel Res, vel Judicia.

Titulus 3.

De Jure Personarium.

Personæ, quæ Jure Canonico considerantur, sunt vel Laici, vel Clerici.

Laicus est, qui in popularibus seu temporalibus negotiis occupatur.

Clerici sunt, qui sunt Ministri Ecclesiarum, in sortem Domini sic electi.

Clerici distinguuntur in *Regulares* sive Religiosos, & *Seculares*.

Clerici Regulares sunt, qui, omnium maxime religioni se devoteutes, monasteriorum angustiis circumscripti, sub unius Prælati nutu, propriis omnibus sponte exuti, & continentiam professi, degunt.

Clerici Seculares, sunt omnes illi, qui genus aliquod Monasticæ vitæ non sunt professi.

Clericorum *Secularium*, alii in *Majoribus*, alii in *Minoribus* Ordinibus sunt constituti.

Qui in *Majoribus* Ordinibus constituti deprehenduntur, existunt vel in *superiori*, vel in *inferiori gradu*.

In *Superiori gradu*, sunt Summus Pontifex, Patriarchæ, Primates, Archiepiscopi seu Metropolitani, & Episcopi.

In *Inferiori gradu* sunt, simplex Sacerdos, Diaconus, & Subdiaconus.

In *Minoribus* Ordinibus constituti, sunt Psalmista, Ostiarius, Lector, Exorcista, & Acoluthus.

*Titulus 4.*De Clericis in Majoribus Ordinibus
constitutis, supremi gradus.

S*ummus Pontifex*, est B. Petri successor, unitatis Ecclesiasticæ fundamentum, & totius Ecclesiæ caput. Is quæstiones de fide, majoresq; Ecclesiæ causas decedit, Concilia congregat, Episcopos transfert, & eorum sedes mutat; ipsos deponit, depositos restituit, cessiones ab iis accipit; eos, ne cui alii quam Sedi Apostolicæ parere teneantur, eximit; Episcopatus duos unit; unum partitur; vota commutat; illegitimos dignitatum capaces reddit; appellationes ad se, mediis omissis, interpositas, admittit; de iis cognoscit; sententias nulli appellationi subjectas fert.

Attamen, ex aliquorum opinione, potestas ejus Generali Concilio subjacet, ceu in Constantiensi, & Basiliensi Concilio est definitum: eaque constans est sententia Ecclesiæ Gallicanæ, omnium Parlamentorum, & Universitatum Galliæ.

Pontifex olim a Clero & Populo, item a Concilio, vel etiam ab omnibus Episcopis creabatur. Deinde, propter illorum colligendorum difficultatem, a Cardinalibus, & ex Cardinalibus, eligi cœpit, ac ab Ostiensi Episcopo consecrari.

Cardinales, sunt tanquam Senatores Pontificis, seu Senatus Ecclesiæ, & sic dicuntur a *Cardinibus*, id est Regionibus, in quibus sunt instituti. Fuerunt ab initio Parochi Urbis; eorumq; autoritas crevit, postquam Nicolaus II. in Concilio Lateranensi statuit, ut illi soli eligerent Pontificem.

Cardinales distinguuntur in Diaconos, Presbyteros, & Episcopos, habita ratione titularum, quibus

quibus insigniuntur: iisq; Innocentius IV. dedit *Vestem rubram, tubrumq; Pileum*; Urbanus vero VIII. ipsis *elogium Eminentissimorum* tribuit.

Cardinales apud Pontificem in *Consistorio* congregantur: ibi omnia, quæ ad cultum divinum, ac fidem Christianam, religionem, & pacem orbis Christiani, ac conservationem temporalem Ecclesiæ Romanæ pertinent, tractantur.

Cardinales, sede Pontificatus vacante, Ecclesiam regunt; illorumq; numerus non est definitus.

Patriarchæ sunt, qui primum post Romanum Pontificem tenent locum: quales sunt Constantino-
polititanus, Alexandrinus, Hierosolymitanus, & Antiochenus. His conceditur, ut suis Metropolitanis Pallium, a Romano Pontifice acceptum, tribuant; ut crucem sibi præferri jubeant ubiq; in suo Patriarchatu: habentq; sub se plures Metropolitas, a quibus ad eos appellatur.

Primates, alii sunt iidem cum Archiepiscopis & Metropolitibus, alii sunt illis superiores, ac multarum provinciarum curam gerunt.

Archiepiscopi, totius Provinciæ Episcopis præsunt, eosq; electos & confirmatos consecrant, ac deponunt; Concilia Provincialia convocant. Habent vero Archiepiscopi in Suffraganeos, non in Suffraganeorum subditos, paucis articulis exceptis, potestatem.

Episcopi simplices sunt, qui uni tantum præsunt Diocesi. Ii soli in Ecclesia Chrisma conficiunt, Altaria & Ecclesias consecrant, pollutas repurgant; Virgines velant; Clericos ordinant, suspendunt, deponunt; delinquentes excommunicant; dispensant; solemnem poenitentiam imponunt.

In Episcopis instituendis due potissimum Regule obtinent. Prima est, duos Episcopos in eadem Civitate institui non posse: ne unum corpus Ecclesie, quasi monstrum, duo habeat capita, can. 8. Syn. Nicene. Invaluit tamen, Episcopo seniori aut ægrotanti Coadjutorem dare, qui sit Episcopus, & Episcopali munere fungatur, cum futura successione. Secunda Regula est, ut Episcopi non instituantur in vicis, in villis, nec in minoribus oppidis. In eam rem multos Canones exscribit Gratianus dist. 80. quod ita placuit, ne vilescat nomen Episcopi, si non habeat se dignam frequentiam.

Aucto olim fidelium numero, quia Episcopi, in reagenda urbana plebe occupati, in agros excurrere, & Sacramenta rusticis administrare non poterant, ideo hi Vicarios assumebant, in quos magnam partem potestatis transferebant: ii *Chorepiscopi* dicti; illisq; concessum, Subdiaconos, Lectores, Exorcistas ordinare, non autem Diaconos aut Presbyteros, nisi impetrata ab Episcopo potestate.

Titulus 5.

De Electione.

Episcopi, cæteri; Prælati, ad dignitates, vel Electione, vel Postulatione promoventur.

Electio, est alicujus personæ idoneæ ad prælaturam canonice facta promotio.

Pertinet Prælati Electio ad Collegium, cui Pastor quæritur, & ad eos, qui pacto, vel privilegio, vel consuetudine, hoc jus obtinuerunt; nisi jure eligere prohibeantur.

Prohibentur eligere impuberes, ii, qui sacris ordinibus non sunt decorati, excommunicati, laici sive con-

conversi, qui scientes indignum elegerunt, absentes. Postremi tamen, si iuste impediti absint, uni vel pluribus ex Collegio vicem suam, sed in solidum, mandare possunt.

Eligi debent idonei, non jure prohibiti: quales sunt, minor 30. annis, spurius, indoctus, excommunicatus, suspensus, Simoniacus, avarus; qui plura beneficia curata habet; qui a laico antea se eligi passus; qui in sacris ordinibus, saltem Subdiaconatu, non est constitutus; schismaticus, corpore mutilus, neophytus, sive, qui propositum sacræ religionis noviter assumpsit, vel, ut alii interpretantur, qui nuper Christianam fidem amplexus est.

Qui sciens inidoneum elegit, per triennium ab electione arcetur.

Non potest fieri Electio, nisi Ecclesia, vel per Episcopi mortem, vel remotionem, vel renunciationem validam, vel ad aliam Ecclesiam transitionem, aut religionis ingressum, vacet.

Facienda est electio *intra tres menses*: cæteroquin jus eligendi amittitur, & ad Superiorem devolvitur.

Institui debet in Ecclesia Cathedrali; & citari debent omnes, qui eligendi jus habent.

Electio fit tribus modis: Per Scrutinium, Compromissum, & Inspirationem.

Electio per Scrutinium est, cum, præsentibus omnibus, qui debent, & volunt, & possunt commode interesse, assumuntur tres de Collegio, qui sigillatim & clam vota omnium exquirant, &, in literas redacta, deinde publicent: atque, tum electus censetur is, in quem omnes, vel major & sanior Capituli pars convenit.

In Electione Papæ, id peculiare est, quod neq; citatio est necessaria, neq; absens votum suum alii demandare, neq; a paucioribus, quam a duabus tertius Cardinalium, electus pro Papa se gerere potest.

Electio per Compromissum, est, cum eligendi potestas uni, vel pluribus viris idoneis, sive de Collegio, sive extra Collegium, ab omnibus, qui jus eligendi habent, committitur, qui, vice omnium, vel loco vacanti prospiciant, vel alios, qui hoc faciant, eligant.

Electio per Inspirationem est, cum simul omnes electores, quasi divino impulsu commoti, nullo tractatu præcedente, in unius electionem consentiunt. Ea, ut legitima habeatur, necesse est, ut citra vitium simoniæ, conspirationis, requisitionis, vel consensus extra capitulum, facta fuerit.

Titulus 6.

De Postulatione.

P*ostulatio*, est concors Capituli petitio, ut is in Prælatum promoveatur, qui non propter animi vel corporis vitium, sed ob alium defectum, propter quem non est inhabilis ad prospiciendum Ecclesiæ, veluti, quia est minor triginta annis, aut laicus, in minoribus ordinibus, illegitimus &c. eligi nequit. Proinde, si quis ad Episcopatum postulandus, Pontifici, si ad dignitatem Episcopatu inferiorem, ei, qui confirmandi jus habet, postulatio porrigi debet, dummodo impedimentum, quod removeri postulatur, ille possit abolere.

Postulatio fit, vel per scrutinium, vel per compromissum, &, ut valeat, necesse est, ut ex tribus partibus, duæ in eam conveniant.

Si Postulatio nondum Superiori porrecta fuerit, invito postulato, ab iis, qui postularunt, revocari potest: non enim ex postulatione, sed ex admissione, postulato jus quæritur.

Titulus 7.

De Confirmatione Electionis.

Electione facta, & scripturæ publicæ credita, *Electo octo dierum spatium offerri, ejusque consensus peti debet. Hanc, si acceptet, intra mensem assensum præstare tenetur.*

Assensu præbito, electus Confirmationem ab eo Prelato petere debet, cui dignitas, ad quam electus, immediate subest. Hinc Episcopum confirmabit Metropolitani; hunc, Patriarcha; Patriarcham, Summus Pontifex.

Petenda olim erat Confirmatio indistincte intra tres menses: sed postea obtinuit, ut, si a Summo Pontifice confirmatio proxime pendeat, electus ad illum intra mensem iter arripiat, intra tempus, pro modo itineris definiendum, eam petiturus.

Prelatus, a quo Confirmatio petitur, quamvis sine legitimo impedimento eam denegare non possit, non tamen temere eam debet concedere, sed vel peremptorium terminum præscribere, intra quem, si quis contra electionem opponere voluerit, id facere possit; vel, si quis simul electus, eum nominatim citare debet. Licet vero nemo se opposuerit, nihilo secius diligenter processum electionis, & electi personam examinare, & indignum rejicere, dignum confirmare oportet.

Confirmatus jurat fidelitatem Pontifici, & de non alienandis bonis Ecclesiæ. Atque quia per Confirmatio-

tionem matrimonium cum Ecclesia ratificatum esse dicitur, hinc nanciscitur confirmatus ea, quæ sunt jurisdictionis; puta, potestatem judicandi, excommunicandi, corrigendi, juramenta a vasallis accipiendi: item confirmandi, investiendi, & beneficia conferendi.

Titulus 8.

De Consecratione.

Consecratio est, quæ foedus conjugii spiritualis, inter Episcopum & Ecclesiam, quod electione fuerat initiatum, confirmatione ratificatum, consummat. Atq; per Consecrationem peragit Electus ea, quæ sunt Ordinis, uti sunt Clericorum ordinatio, & actualis depositio, Chrismatis confectio, Virginitum benedictio, Ecclesiarum & Altarium consecratio.

Peti & expediri debet Consecratio, intra tres a Confirmatione menses, nisi legitimum subsit impedimentum.

Episcopus consecratur a tribus minimum ejus provinciae Episcopis, cæteris consentientibus, præcedente Archiepiscopi jussu; aut ab ipso Archiepiscopo, una cum Suffraganeis. Archiepiscopus ab omnibus suæ provinciae Episcopis consecratur, in sede Metropolitana.

Fit consecratio, unctione capitis & manuum chrismate, solemnibus verbis precibusq; prævia examinatione. In Abbatibus vero, loco consecrationis, est benedictio.

Titulus 9.

De Receptione & Vsu Pallii.

Patriarchæ, Archiepiscopi, & quidam Episcopi, licet confirmati & consecrati sint, tamen non habent plenissimam officii administrationem, Pallio nondum impetrato.

Pallium, est ornamentum Patriarcharum, Archiepiscoporum, & quorundam Episcoporum, quod de corpore B. Petri sumitur, & Pastoralis officii plenitudinem designat. Existit vero Pallium fascia latitudinis trium digitorum, ex candida lana linoq; confecta, habens circulum humeros constringentem, & duas lineas seu chordulas, ab utraq; parte ante & retro pendentes, item quatuor cruces nigras seu purpureas, quarum una ad pectus, altera retro in humeris jacet, cæteræ hinc inde brachia exornant. Fuit id quondam genus Imperatorii indumenti, ad talos usq; demissi, cujus usum, sibi solis reservatum, Imperatores deinde Patriarchis communicarunt.

Pallium dicitur *sumtum de corpore B. Petri*, quia Altaria primum erigi cœperunt super sepulchra Martyrum & Confessorum.

Paratur Pallium hac ratione: Die 21. Januarii, quo B. Agnetis festum celebratur, in ejus templo, dum in sacris ministeriis canitur Agnus Dei, duo candidi agni super ara statuuntur, & Subdiaconis D. Petri traduntur. Agni in pascua missi, verno tempore tondentur: ex ea lana, alii permixta, & a Monialibus S. Marthæ in fila diducta, Pallia texuntur, quæ in extremo firmanantur tenuibus laminis plumbeis. Tum ad Aram Beatorum Petri & Pauli deferuntur: ibi solemnibus precibus a Papa con-

consecrantur, & per noctem relinquuntur. Mane, illa Subdiaconi recipiunt & servant, donec Archiepiscopis concedantur: & si præsens sit Archipræsul, de Ara Pallium accipit: absentibus magna cum veneratione mittitur, nec deferens ultra unam noctem in eodem loco morari debet.

Pallium cum defuncto Archiepiscopo *sepelitur*. Et quia eminentiam ac superioritatem notat, ideo extra provinciam eodem Archiepiscopus non utitur.

Ad Pallium suscipiendum, intra tres menses, quilibet Metropolitanus electus, confirmatus, & consecratus, ad Apostolicam Sedem mittere debet; eoque nondum impetrato, ea, quæ sunt Ordinis, peragere nequit.

Summus Pontifex semper & ubique in Missarum solemnibus Pallio uti potest: *Metropolitani* vero, non nisi in certis diebus festis; qui sunt: Nativitas Domini, festum S. Stephani, & S. Johannis, cum Circumcisione, & Epiphania; in Ramis palmarum, in Cœna Domini, in octava Paschæ, Pentecostes, in Dedicationibus Ecclesiarum, in Ordinationibus Clericorum, & in consecratione Episcoporum, ac in die anniversariæ Consecrationis Ecclesiæ.

Non licet Pallium alteri commodare. Quin, & si quis permutatione, vel quavis alia ratione sit alterius Ecclesiæ Metropolitanus, novum parare Pallium cogitur; nec minus quisque cum suo Pallio est sepeliendus.

Titulus 10.

De Translatione, Renunciatione, & Depositione.

T*ranslatio*, est dissolutio vinculi, quo Episcopus priori Ecclesiæ erat junctus, & ad Ecclesiam

aliam transitio, facta auctoritate Summi Pontificis.

Concedit hanc Pontifex, Episcopo etiam invito, vel propter *Utilitatem*, quia verisimile, Episcopum alibi plus profuturum; vel propter *Necessitatem*, quia non potest Episcopus in Ecclesia, in qua residet, ob persecutionem, seu metum hostilem, officio suo defungi.

Qui Ecclesiam suam sponte deserit, amittit utramque, & propriam, quam arroganter sprexit, & alienam, quam contra jus per avaritiam ambivit.

Renunciatio, est juris in Episcopatu quaesiti spontanea remissio, ex certis causis, & cum auctoritate Superioris facta.

Iusta causa, ob quas Renunciatio recipi debet, sunt: Conscientia criminis, debilitas corporis, defectus scientiae, malitia plebis, irregularitas, uti si sit bigamus, aut viduae maritus.

Depositio seu Degradatio, est de gradu, in quo positus erat Episcopus, praesente certo Episcoporum numero, facta dejectio.

Titulus II.

De Permutatione.

Permutatio est, cum quis alicui cedit beneficium suum, ut aliud in vicem, ab eo resignandum, consequatur.

Fieri debet Permutatio legitima de causa, in manus Episcopi vel Episcoporum, quorum jurisdictioni beneficia permutanda subsunt.

Potest permutari unum beneficium cum pluribus, & plura cum uno, simplex cum curato, & contra.

*Titulus 12.***De Officio Archidiaconi, Archipresbyteri,
Suffraganei, & Vicarii.**

Quia Episcopi grave est & late patens munus, ideo in partem sollicitudinis vocantur Archidiaconus, Archipresbyter, & Vicarius.

Archidiaconus, est Vicarius proximus Episcopi, omnem sollicitudinem & curam, tam in Clericos, quam in Ecclesias eorum, cognitionemq; & ordinariam jurisdictionem habens. Dignior est Archidiaconus Archipresbytero, quia ille curam habet fori contentiosi, hic tantum exercet curam fori poenitentialis.

Officium Archidiaconi est, omnia Ecclesiastica officia, ut rite expediantur, providere: Acoluthos ordinare, eorum officia dividere; vasa, usibus Ecclesiae dicata, custodire; de tertio in tertium annum Dioccesin, & Ecclesias Episcopo subjectas, parochiam propriam singulis annis visitare; quae emendatione indigent, corrigere; promovendos ad sacros ordines examinare, & postea Episcopo sistere; iurgia singulorum audire, ac cognitionem & jurisdictionem ordinariam exercere.

Archipresbyter, est Praelatus, caeteris Presbyteris eminentior, vicem Episcopi in spiritualibus gerens. Estq; vel *Urbanus*, domi in cathedrali Ecclesia officio suo fungens; vel *Ruralis*, qui foris partes suas agit.

Urbanus Archipresbyter, vicem Episcopi absentis gerit, curam praesentis minuit. Quippe, officia sacra, in cantanda Missa, benedictionibus conferendis, Sacramentis administrandis curat; poenitentem in-

firmum reconciliat, pœnitentiam injungit. Habet jurisdictionem voluntariam, non contentiosam, nec territorium ullum, nisi in foro pœnitentiali.

Suffraganeus sublevat Episcopum, sacros ordines conferendo, baptizatos confirmando, altaria consecrando, & id genus alia exercendo, quæ ipsi Episcopo competunt.

Solet autem Suffraganeo, ne videatur promotus sine titulo, assignari locus in Græcia, vel alia regione per infideles occupata.

Vicarius est, qui, absente aut impedito Episcopo, ejus vices gerit.

Constituuntur Vicarii, vel ad divina ministeria celebranda, & nomen retinent: vel ad jurisdictionem exercendam, & *Missi Domini* appellantur. Vtrique tales sunt, vel in perpetuum, vel ad tempus.

Habent Vicarii facultatem, administrandi tam spiritualia, uti sunt excommunicare, suspendere, confirmare, eligere, præsentare, visitare, corrigere, punire, dispensare, vota commutare; quam temporalia, uti jurisdictionem tam meri quam mixti imperii, quo pertinet facultas alienandi, exigendi census, redditus, & pensiones.

Gaudent Vicarii jurisdictione non delegata, sed ordinaria, & eadem, qua Episcopi, unde non ad Episcopum appellatur a Vicarii sententia, sed ad Archiepiscopum, etsi ab Archidiacono, deinde ad Episcopum appellatur.

Si Generalis sit Vicarius, & ab Episcopo in curia sua constituatur, *Officialis* dicitur: qui vero certæ Diœceseos parti præficiuntur, *Foranei*, hoc est, Extranei appellantur.

Titulus 13.

De Potestate Capituli, Sede vacante.

Capitulum, est cœtus Canonorum alicujus Ecclesiæ; atque Sede vacante, jurisdictio & potestas, quæ Episcopo competebat, tam in spiritualium quam temporalium administratione, ad Capitulum pertinet.

Sed, quæ Episcopalis Ordinis sunt, non exercet Capitulum; verum ad id vicinum Episcopum evocat.

Sede vacante, nihil contra Ecclesiam potest novari, nec Capitulum ea potest præscribere, quæ sibi cæteroqui non competunt.

Titulus 14.

De Officio Legati & Delegati.

Legati Pontificis, alii sunt de Latere, alii Missi seu Nuncii Apostolici, alii Nati.

Legati de Latere sunt Cardinales, qui ex latere Summi Pontificis sumuntur, ejusq; nomine mittuntur in provincias.

Legati Missi sunt, qui, extra ordinem Cardinalium, in provincias cum mandato Pontificis mittuntur.

Legati Nati sunt, qui ratione privilegii, beneficii possessi, potestatem a Pontifice habent, tanquam ejus Legati.

Pendet horum Legatorum potestas, ex *mandati tenore*. Ideoq; non creditur Legato, nisi literas suæ legitimationis ostendat.

Legati a latere amplissima est potestas. Licet enim ei quosvis excommunicatos propter manuum in Clericos injectionem absolvere; beneficia non va-

vacantia, in Collegiata vel Cathedrali aliqua Ecclesia, suæ collationi reservare; vacantia, licet ad alicujus Clerici præsentationem spectent, conferre: & in summa, omnia fere potest, quæ soli Pontifici sunt reservata. Sed prohibetur tamen, dignitates Ecclesiarum Cathedralium majores post Episcopos, quæ per electionem conferuntur, sibi reservare, nec Episcopatus unire, aut dividere.

Finitur Legatorum officium, lapsu temporis, si ad certum tempus dati; revocatione Pontificis; relatione Pontifici facta; & morte ejus, si res sit adhuc integra.

Delegatus est is, qui sibi demandatam ab alio jurisdictionem exercet. *Differt a Legato*, quod Legatus a Summo Pontifice tantum, Delegatus ab illius Legato, a Delegato, & ab Ordinario delegari potest.

Titulus 15.

De officio Primicerii, Sacristæ, & Custodis.

Primicerius, sic, ceu volunt, dictus, quod primus in cera, seu psallentium ordine describeretur, præest cæteris Clericis, præcipue in cantu dirigendo.

Sacrista, præter vasorum sacrorum, vestium consecratarum, & id genus aliorum ornamentorum custodiam, etiam luminarium in sacrario præparandorum, thuris incendendi, baptisterii instituendi, curam gerit.

Custodis officium est, ad Horas Canonicas pulsare, lampades accendere & extinguere, oblationes & elemosynas singulis Clericis distribuere, atq; omni tempore ad Missam habere præparatum panem & vinum.

Titu-

*Titulus 16.*De Sacerdote in inferiori gradu
constituto.

Sacerdos sive Presbyter, est minister sacratus, cui ex ordine suo licet offerre, prædicare, aliove ministerio sacro fungi.

Est ergo Sacerdotum officium, Dominici corporis & sanguinis consecrationem celebrare, infantes baptizare, benedicere, pœnitentes absolvere, graviter decumbentes sacro oleo delinire. Potest insuper permittente Episcopo, aut extrema necessitate urgente, baptizatos sacro chrismate inungere, Virgines Deo dicare,

Titulus 17.

De iis, qui in Sacris sunt constituti.

In Sacris, etsi Sacerdotes non sunt, constituti dicuntur Diaconi & Subdiaconi.

Diaconi, qui etiam Levitæ dicuntur, sunt Episcoporum & Ecclesiæ Ministri. Debent ergo Episcopum prædicantem, ne lædatur, custodire; Sacerdotibus celebrantibus assistere; Evangelium ad populum prædicare. Quod si vero extrema id postulet necessitas, licebit iis baptizare, & Eucharistiam populo largiri.

Subdiaconi, sic dicti, quia Diaconi præceptis subjacent, debent calicem & patinam ad altare deferre, Diaconis tradere, eis ministrare, urceolum, aquam, mantile, manutergium tenere.

Diaconi & Subdiaconi fiunt per manus impositionem. Atque Diaconi in ordinatione accipiunt librum Evangelii; Subdiaconi vero Calicem vacuum & Pa.

& Patinam vacuum ; at Sacerdotes accipiunt Calicem cum vino, & Patinam cum pane,

Titulus 18.

De iis, qui nec in Sacerdotio, nec in Sacris sunt.

Qui in *Minoribus Ordinibus* agunt, nec sunt in Sacerdotio, nec in Sacris; quippe, sine Sacramenti unctione, sola Episcopi benedictione, cum quadam vasorum vel indumentorum distributione, ordinantur. Tales sunt, qui primam tonsuram tulerunt, uti Acoluthus, Exorcista, Lector, Ostiarius.

Acoluthi, qui *Ceroferarii* alias dicuntur, sunt, qui lumina cerea, & funalia deferunt, vinumq; pro Eucharistia preparant. Mancipantur ad hoc officium, per cerei & urceoli vacui traditionem.

Exorciste sunt, qui catechumenis & energumenis manus imponunt, & solemnibus quibusdam imprecationibus & obsecrationibus, daemones fugare creduntur; a Salomone, una cum exorcizandi modo, inventi. Traditur his liber, quo exorcismi continentur.

Lectores sunt, qui sacras scripturas ex suggestu in Ecclesia populo legunt. Ordinantur per traditionem Codicis Testamenti.

Ostiarii sunt, ad quos Claves Ecclesiae pertinent, ut templum Dei claudant & aperiant, & omnia, quae intus extraque sunt, custodiant, fideles recipiant, excommunicatos & infideles ingressu arceant. Accipiunt claves in Ordinatione. His omnibus, utut in minoribus Ordinibus constitutis, citra excommunicationis poenam, a solo Pontifice, excepto mortis

articulo, relaxandam, manus injurias injicere nemo potest.

Cum sic sint certi Clericorum Ordines, fas requirit, ut *maiores minoribus dilectionem, minores majoribus reverentiam*, & interdum etiam obedientiam præstent.

Hinc *Majoritas*, dicitur prærogativa, qua quis cæteris paribus, vel inferioribus, dignior habetur, majoriq; honore est afficiendus.

Hujus prælationis multe possunt esse cause, uti, Ordo, Potestas, Tempus ordinationis, Dignitas ordinantis.

Abbas, Ostiario posterior est, quia omnes Monachi, qui non sunt Clerici, Clericis sunt inferiores.

Titulus 19.

De Ordinatione Clericorum.

Ordinatio, est personæ idoneæ, ad obeunda Ecclesiastica munera, consecratio. Estq; vel *Major*, quæ ordines Majores, vel *Minor*, quæ Minores confert. Utraq; fit ab Episcopis, in propria, non aliena diocesi, propriis, non alienis subditis, nisi ordinarii Episcopi præcedente licentia. Minor ordinatio fieri etiam potest a Prælato non Episcopo, si quidem ordinandi non sint irregulares, id est promoveri non prohibeantur.

Prohibitionem Ordinationis infert Ætas, Vitium animi, corporis, vel originis: Vinculum Reale, Personale, Civile.

Ætas affert impedimentum: nec enim infans minoribus Ordinibus; minor 18. annis, Subdiaconatu; minor 28. annis, Sacerdotio; & minor 30. annis, Episcopatu initiari potest. Si tamen minor ordinatus fuerit,

fuerit, ab executione muneris, usq; ad legitimam ætatem, suspenditur. Circa ætatem autem potest Episcopus, ut quis dignitatem vel personatum sine cura animarum obtineat, dispensare.

Ob *vitium animi*, ordinari prohibentur, qui fuit furiosus, aut afflictione diabolica vexatus est; qui in scena lusit; qui crimini, quod peccatum mortale, cum perpetua infamia, inducit, addictus, ut homicida, adulter, perjurus.

Ob *vitium corporis*, ordinari non potest, qui sibi volens, vel virilia, vel digitum, vel pedem amputavit; si autem vi vel medicorum consilio, id factum sit, nullum exinde oritur ordinationis impedimentum; quod tamen affert oculus, etiam per casum tantum excussus, maxime, si sinister fuit, qui oculus canonis dicitur.

Ob *vitium originis*, ordinari prohibentur, illegitimi, ex quocunq; coitu extra matrimonium procreati. Admittuntur tamen ad minores ordines, cum dispensatione Episcopi; cum Papæ, ad majores.

Ob *vinculum Reale*, ordinari vetantur, qui, sive publicam, sive privatam rem gesserunt, nisi administratione finita rationes reddiderint.

Vinculum Personale, ordinationem impedit in seruo, nisi per manumissionem libertatem sit consecutus; in Monacho, nisi Abbas consenserit.

Vinculum Civile, quo quis ita fori secularis coercionem se obstrinxit, ut inde recedere non possit, similiter ab ordinibus quem arcet, ut bigamum, qui, ne quidem uxore mortua, aut cum dispensatione, ad eos admitti potest.

Dicitur autem *proprie Bigamus*, qui secundas nuptias contraxit. *Improprie*, sed tamen ut irregularitatem

tatem incurrat, Bigamus dicitur, qui sciens uxorem adulteram cognovit, aut repudiatam duxit, vel viduam. Qui vero ab altero ductam, sed non cognitam, duxit, irregularitatem non incurrit; uti nec is, qui multas habuit concubinas, si quidem poenitentia imposita cum eo dispensatur.

Non sufficit, Sacerdotii Candidatum non notari vitio aliquo, quod ordinationem impedit, sed & necesse est, ut sit irreprehensibilis, sobrius, prudens, hospitalis, literatus, non vinolentus, aut percussor, sed modestus, non litigiosus, non cupidus, sed suae domui bene praepositus, non neophytus.

Vt cognoscatur, an quis talis sit, adhibendum est *Scrutinium*, quod est inquisitio scientiae, morum, vitae, fidei, institutionis, patriae, loci ubi educatus, generis, ætatis, ejus, qui ordines petit, per Archiepiscopum vel Episcopum facta.

Inquisitione per tres continuos dies facta, ii, qui probantur, *Episcopo praesentari debent*, qui Minores Ordines conferet diebus festis, Majores vero, non nisi statis temporibus anni, quibus Jejunia ab Ecclesia indicuntur; & Sabbato sancto, & Sabbato ante Dominicam de Passione. Diebus autem Dominicis, & aliis diebus festis, & sabbato Pentecostes, solus Pontifex Majores Ordines conferre potest.

Qui, scrutinium subterfugiens, *furtive Ordines surripuit*, puta, multitudini ordinandorum se ingerendo, is & Majorum Ordinum suscipiendorum spe, & Ordinis illius, quem suscepit, executione privatur.

Qui per *Saltum*, id est, intermissis certis gradibus, promotus, si id factum per negligentiam, cogitur, quamvis characterem recipiat, tam diu a Majoribus abstinere, quamdiu congruo tempore omissos accipere

pere distulit; si per Superbiam, ab Ecclesia abjici, nec amplius ordinari debet.

Ordinatione semel facta, ea, licet in Ordine quid sit prætermisum, non iterabitur: sed quoad fieri potest, id, quod per errorem, vel incaute neglectum, supplebitur; nisi omnino contra Ecclesiæ formam Ordinatio fuerit facta.

Titulus 20.

De Regularibus ac Monachis.

Regulares dicuntur, qui certæ Regulæ, ut religio-
se, & sub Prælati imperio vivant, sive in cleri-
catu, sive in laicatu, sunt adstricti. Hi, si Canonici
sint, Canonici Regulares vocantur, sin minus, Mo-
nachi.

Monachus, fit vel paterna devotione, vel propria
professione, vel voti emissionem.

Ex paterna devotione fit Monachus, cum pater
filium impuberem religioni offert. Hoc casu filius,
post pubertatis annum, a Prælato monitus, si volu-
erit, monasterio egredi potest. At, si professionem
fecerit, vel factam de se ratam habuerit, poenitentia
porro locus non conceditur.

Professio, est certæ religionis solennis promissio,
qua se quis ad observationem certæ alicujus mona-
chalis Regulæ obstringit.

Professio fit vel expresse, vel tacite.

Expresse fit Professio, quando quis post annum
probationis, coram Abbate, Priore, aliove Prælato,
universo Conventu præsentem, habitum monachalem
suscipiens, in scriptis promittit, se, quantum pro hu-
mana imbecillitate poterit, servaturum continentiam,

præ-

præstiturum Prælato obedientiam, & bona omnia repudiaturum.

Monachus nihil proprii habere potest, atq; si citra licentiam Prælati peculium teneat, ab altaris comunione removetur, & si sic decesserit, sepultura privatur.

Tacite fit professio, cum ea ex sufficientibus conjecturis colligitur; uti si quis, post probationis tempus, in monasterio manens, habitum professorum suscepit.

Tempus Probationis, est anni spatium, ut Prælatus possit mores Novitii spectare, & Novitius experiri, an ea vita sibi placeat, & an eam possit tolerare.

Ætas faciendi professionem, si regula strictior esset, erat quondam ætas 18. annorum; sed ex Concilio Tridentino, ad faciendam in quacunque religione professionem, anni 16. sufficiunt.

Obligatur quoque quis, ad religionis habitum assumendum, Voti emissionem.

Votum, est alicujus rei faciendæ, vel non faciendæ, cum deliberatione animi, Deo facta promissio. Quod enim votum ex facilitate potius animi, quam discretionis arbitrio, emittitur, non est obligatorium.

Votum est vel Necessarium, sive Præcepti, quando quis in baptismo Sathanæ renunciat, & se Deo fidelem fore promittit; *vel Voluntarium*, sive Consilii, quod quis libera voluntate facit, se ad ea obstringens, ad quæ ante votum non tenebatur: uti ad continentiam, peregrinandum.

Vota semel facta obligant jure Divino: proinde ea implere necesse est, nisi vovens liberam voluntatem non habeat; uti si servus voveat sine consensu domini, impubes sine consensu tutoris. Sic, nec obligant

gant vota turpia, item conditionata; nec ea, quæ, ex iusta causa, superiorum autoritate fuere redempta, vel mutata.

Religiones præcipue sunt quatuor: Basilii, Benedicti, Augustini, & Francisci; e quibus, tanquam fontibus, reliquæ manarunt.

Ad ætiores Regulam a laxiore, petita, licet non impetrata, a Prælato venia, transire Regulari conceditur. Sed Mendicantes Religiosi, quales sunt, Augustiniani, Dominicani, Franciscani, & Carmelitæ, sine speciali Sedis Apostolicæ licentia, ad ullum Ordinem Monasticum, Carthusiensium excepto, transire, sub pœna excommunicationis vetantur.

Abbas de congregatione Monachorum eligi debet, cui hi obedientiam præstant: is vero diligenter attendere debet, ut Monachi Statum, id est Regulam, observent.

Status consideratur, circa habitum, mores, disciplinam, conversationem, continentiam, obedientiam, paupertatem, abstinentiam ciborum, temperantiam, modestiam.

Titulus 21.

De Abbatissis & Monialibus.

Abbatissa, est fœmina canonice electa, ut Monasterio Sanctimonialium præsit, ne quid illud detrimenti patiatur: præcipue vero, ut sacratarum Virginum diligentem curam habeat, quo in lectione, Psalmorum modulatione, omniq; officio strenue sint, atq; ut his, in omnibus operibus bonis, præbeat ducatum. Appellantur Abbatissæ alio nomine Priorissæ; Prælatæ tamen proprie vocari nequeunt.

Ele-

Electio Abbatissæ pertinet ad Monasterium, cui illa præfici debet. *Habent jus eligendi*, Moniales omnes, etiam interdum, occasione id flagitante, Conversæ, nisi si quæ jure hoc facere prohibentur. Tales sunt: Moniales minores 12. annis, excommunicatæ, suspensione ab officio, interdictæ, quæ scientes indignam elegerunt, eæ, quæ non elegerunt intra tempus præscriptum, & irregulares.

Abbatissa eligenda, oportet non sit minor 40. annis, & ut 8. annis post professionem laudabiliter vixerit. Quod si his qualitatibus prædita non reperiatur in eodem Monasterio, ex alio ejusdem Ordinis eligi potest. Si hoc quoq; incommodum Superiori, qui electioni præest, videatur, ex his, quæ in eodem Monasterio annum tricesimum excesserint, & quinq; saltem annis post professionem recte vixerint, eligatur.

Præest Electioni Ordinarius Episcopus, si Monasterium ipsi, aut Sedi Apostolicæ immediate sit subiectum; Prælatus vero Regularis, si Monasterium fuerit exemptum. Atq; illi siue Episcopo, siue Prælato, a Monialibus significandum est tempus, si quæ instituenda est, electionis, ut illo ingruente, minimum duobus testibus comitatus, ad Monasterium se conferat.

Peragitur electio regulariter apud fenestellam Communionis. Ad eam Præses electionis ordine unam post aliam evocat, interrogatq; singulas, quam Monialem in Abbatissam eligant. Vota Præses in chartam describit, eamq; Abbatissam postea declarat, quæ plura ultra medietatem suffragiorum, aut duas ex tribus partibus, tulit.

Quod si *Moniales* circa electionem dissentiant, statuit illis Præses tempus, intra quod a similitudine discedere debent; eo elapso, si nec dum convenerint, Præses Abbatisse designandæ jus habet.

Inauguratio Abbatisse, fit porrectione Pedi, collocatione in Sedem, & formula: *Accipe plenariam & liberam potestatem, regendi hoc monasterium, & congregationem ejus, & omnia, quæ ad illius regimen interius, & exterius, spiritualiter & temporaliter pertinere noscuntur.*

Abbatissa in Moniales exercet solam potestatem domesticam, qualem habet materfamilias in liberos, & quæ in hortatione ac correctione consistit. Unde, si delictum aliquod graviorem pœnam postulet, ad Prælatum proprium recurrere debet. Pariter nec exercet spirituales jurisdictionem ordinariam. Hinc non potest imperare Monialibus præceptum spirituale, nec obligare eas in virtute sanctæ obedientiæ, aut sub pœna excommunicationis, vel alterius censure. Ita nec licet Abbatisse dispensare circa jejunium, concionem e pulpito habere, aut benedicere Monialibus.

Circa administrationem honorum temporalium sui Monasterii, liberam habet facultatem Abbatisa, nisi aliud consuetudine fuerit introductum. Itaq; contra-ctus facere, quin & donare potest, dummodo donationes ad remunerandum fiant, & non excedant rationes reddituum Monasterii.

Abbatissa Monasterio egredi non debet, nisi aut incendium grave, aut metus hostium, aut pestifera, vel epidemica lues, aut Summi Principis jussio, consentiente Episcopo, eam inde exire cogant. Hinc consequens est, quod *Abbatissa una, pluribus Monasteriis*

*nafteriis præſſe non poteſt, ſed, cum plura ei obun-
gunt, uno excepto, reliqua intra 6. menſes reſignare
debet; id, niſi fecerit, omnia ipſo jure vacabunt.*

*In Italia communiter receptum eſt, ut Abbatiffa
non niſi per triennium Monafterio præſſe queat,
& tantundem temporis priva honore manere de-
beat, priuſquam ei ruruſus ad hunc pateat adituſ.
In Germania & Gallia plerunque ad vitæ dieſ præ-
fectura Monafterii Abbatiffæ conceditur.*

*Religio Clauſuræ Monafterii, nulla ratione teme-
randa eſt; ac Monafteria Monialium citra ſpecialem
licentiam ingredientes, ſive viri, ſive fœminæ, ſive
minores, ſive adulti fuerint, non poſſunt abſolvi ab
hoc crimine, præterquam a ſolo Pontifice, citra mor-
tiſ articulum. Ipſe adeo electuſ Confeſſariuſ, ne-
dum Medici, tonſores, & opifices, non aliter juſ in-
grediendi clauſuram habent, niſi præſtito juramen-
to, quod ſint 40. annorum, quodq; nonniſi claro die
ingredi, & ante Soliſ occaſum egredi velint.*

*Monialiſ, eſt virgo, quæ tribuſ votis, paupertatiſ
ſcilicet, caſtitatiſ, ac obedientiæ, religioni ſe devovit,
& in monafterio degit, Abbatiffæ morem gerens.*

*Inter Monialeſ, etſi nulla eſt diſtinctio laicalium
& clericalium, tamen id diſcriminis inter eaſ obti-
net, quod aliquæ admittuntur tanquam Choriftæ, ut
vacent choro, cæq; recipiunt in profeſſione velum
nigrum: aliæ admittuntur ſolum, ut vacent miniſte-
riis temporalibuſ Monafterii, & vocantur Converſæ.*

*Puella, quæ ordinem regularem ſuſcipere vult, non
debet eſſe minor 12. annis: atq; debet priuſ Epiſco-
puſ, aut aliuſ hujuſ nomine, diligenter explorare
ejuſ voluntatem, annon coacta aut ſeducta ſit; num
ſciat, quid agat? num poſſit legere, ſcribere, canere?*

num fidei Articulos, præcepta Decalogi, & Ecclesiæ teneat? ac tum, si voluntas ejus pia ac libera cognita fuerit, habueritq; conditiones requisitas juxta monasterii & ordinis regulam, consensum suum indulgebit.

Puellæ admittendæ, non debent esse scandalosæ, petulantes, excommunicatæ, hæreticæ, aut schismaticæ: item, nec morbosæ, dæmoniacæ, aut furiosæ, sed irreprehensibiles, ut sponfas Christi decet. Surdas vero, cæcas, claudas, mutas, & gibbosas, recipere jura non vetant, imo nec illicite corruptas, post pœnitentiam; etsi pro fœminis ejusmodi, repertus est peculiaris ordo, qui mulierum pœnitentiæ, seu S. Mariæ Magdalenæ, aut Convertitarum dicitur.

Non recipiuntur regulariter, nisi *duæ sorores*, in eodem monasterio: unde si tertia velit ingredi, debet secum afferre duplum dotis, & tamdiu carebit suffragio in Capitulo, donec una e sororibus decesserit e vita.

Post sex menses a receptione, datur virgini *habitus regularis*, ejusq; capilli tondentur usq; ad aures, ad indicandum, in religione resecanda esse vitia, & inordinatos carnis affectus, in capillis significatos; item, ut adimatur occasio comendi capillos, & ornandi caput, terendiq; tempus inutiliter. *Solet insuper ejus nomen immutari*, ut agnoscat, se ex præcepto Christi Lucæ XIV. debere renunciare omnibus, quæ in seculo possidebat, etiam proprio nomini. Deinde, ut fiat omnino alia, ne quidem nomine amplius noscenda. Denique quia immutatio nominis in divinis scripturis facta legitur, quando quis ad munus valde dignum fuit electus, uti cum Abrahamus, Pater credentium, Petrus, Christi vicarius, constituerentur.

No-

Novissime, Monialis totam se addicit Dei Ministerio. At, ceu est apud Chrysostomum Hom. 15. in c. 1. Genes. Hominibus mos est, hoc facere in signum dominii, ut, cum servos emerint, ipsorum nomina mutant.

Post receptionem inchoari statim potest annus probationis, quamvis id non sit necessarium; nam Professio usque ad annum 16. completum differri debet. Atq; hic annus est continuus, & computatur de momento in momentum. Quod si Monialis novitia ante professionem resiliat a religione, restituenda ei sunt omnia, quæ ipsa dedit monasterio in ingressu religionis, & quidem una cum fructibus, excepto tamen victu & vestitu.

Professio fit coram Episcopo, aut Prælato Regulari; nec valet, si profecta fuerit ex metu, vel errore, aut ignorantia; uti si novitia profiteatur, putans se non obligari in perpetuum; vel, per professionem se non privari dominio rerum; vel, Regulam sui Ordinis non esse tam asperam.

Vti Pater tenetur constituere dotem congruam filix nubenti; sic etiam monasterium ingredienti, ut cedat in ejus sustentationem.

Moniali proficenti datur *Velum*, ut agnoscat, se assumi in veram Christi sponsam: nam, apud veteres, sponsa, quando tradebatur viro, solebat velare caput.

Consecratio Monialium, quæ tamen raro peragitur, spectat ad Episcopum, isq; tradit Moniali Virgini, nec alicui Mendicantium Ordinum addictæ, quæq; 25. ætatis annum explevit, Velum Consecrationis: & fit hoc in Epiphania Domini, aut in Albis Paschalis, vel etiam in natalitiis Apostolorum.

Possunt Moniales, non obstante voto paupertatis, retinere annuos redditus, ex bonis parentum assignatos, permittentibus id Prælati, si Monasteria non habeant sufficientes redditus, quibus necessaria ad victum & vestitum, tempore sanitatis ac infirmitatis, suppedientur, & his non suppetat tantum tempus, ut labore manuum talem defectum possint supplere.

Violant Moniales votum castitatis, si deliberate capiant delectationem ex rebus venereis; si munusculis, literis, aut internunciis, turpes foveant amicitias; si obscœnis sermonibus, cantilenis, librorum amatoriorum lectioni, indulgeant; si osculis & amplexibus se delectent; si retineant obscœnas imagines, vel imaginem amantissimam; si indebite se ornent ad nialum finem.

Clausuram introduxit Bonifacius VIII. & est ille locus, qui continetur clausa monasterii janua, ad quem externi nequeunt accedere, & extra quem Moniales non possunt egredi. Violatur igitur claustra duobus modis, quando nimirum monialis præter fas e monasterio egreditur, aut aliis facit ingrediendi potestatem.

Queq; Monialis debet sola dormire: ideoq; tot cellæ in unoquoque monasterio faciendæ sunt, quot ibi degunt moniales, hisq; bis aut ter in anno assignandus Confessarius extraordinarius.

Visitatio Monialium, est actus, quo legitimus Prælati, in Monialium statum & mores inquirat, ad corrigendos excessus, & promovendum bonum ipsarum, tam spirituale, quam corporale; idq; ex jurisdictione sibi competente, ad executionem sui pastoralis officii.

Confessarius Monialium, debet eligi ad tres annos tantum, isq: debet audire confessiones in sede confessionalis, collocata in ipsa Ecclesia exteriori. Quod si ingrediatur ad audiendam confessionem Monialis infirmæ, cellæ janua manet aperta, & ambæ comitantes ad ejusdem cellæ januam morantur, ita ut confessorius ab eisdem commode cerni possit.

Monialis, communicans mane, vespere ejusdem diei iterum communicare potest, per modum viatici; & communicans paulo ante mediam noctem per modum viatici, iterum communicat jejuna, elapso quadrante post mediam noctem.

Titulus 22.

De Vita & Honestate Clericorum.

ÆQuum est, ut omnes Clerici, quia Domini fors sunt, & a Laicis officiis ac ordinibus sejunguntur, sic hos vitæ honestate antecellere studeant.

Vitæ honestas Clericorum, vel ad negotia & officia eorundem, vel ad habitum & vestitum, vel ad mores attinet.

Circa negotia & officia incumbit Clericis, ne negotiis & commerciis secularibus se immisceant; ne usuras exercent; ne mimis, jaculatoribus, & histrionibus operam suam impendant; ne alea aut tesseriis ludant; ne chirurgiam, quæ unctionem aut incisionem exigit, exercent; ne domi suæ accipitres & falcones alant.

Circa habitum corporis & vestitum requiritur, ut Clerici vestes suo Ordini congruentes amiciant, & nec comam, nec barbam nutriant, nec armati incedant.

Circa vitam & mores observandum, ut ab avaritia, crapula & temulentia sint alieni; ne bibendi vel edendi causa tabernas intrent, nisi peregrinentur; ne concubinas alant. Matrem tamen, aviam, materteram, amitam, vel sororem, secum tenere possunt; quia in talibus personis, naturale fœdus nihil permittit sævi criminis suspicari.

Clerici concubinarum, vel fornicarii, si tales sint notorii, a beneficiis ipso jure sunt suspensi, atq; si, moniti ab Episcopo, non segregent a se concubinas, deponendi, sacrisq; exuendi Ordinibus.

Notorius fornicator dicitur, qui vel palam in judicio fornicationem suam confessus est, vel talis esse legitime convictus, aut sententia judicis condemnatus fuit; idq; vocatur notorium juris. Similiter notorius fornicator est, cujus crimen est publicum per evidentiam rei, ita, ut nulla tergiversatione possit celeri; quod vulgo dicitur notorium facti.

Titulus 23.

De Visitatione per Prælatos facienda.

VT Clerici, quin & Laici, a vitiis abstineant, debent Prælati, jurisdictionem habentes, loca sibi subiecta *quolibet anno semel invisere, & diligenter in vitam, Ecclesiis vel piis locis ministrantium inquirere, eosq; si male audiant, ipsorum Ordinariis indicare, aut notoria crimina ulcisci: populus vero de colenda religione, pace, & innocentia monendus est.*

Habent visitandi potestatem Cardinales Legati, Patriarchæ, Archiepiscopi, & Episcopi, proprio nomine. Alieno, nimirum Episcopi nomine, id peragunt,

agunt, Archidiaconi, & Decani. Abbates, Prioresq; monasteria, aliaq; loca sibi subiecta, similiter proprio nomine visitant.

Titulus 24.

De Privilegiis Clericorum.

CLerici, vitæ honestatem servantes, variis, tam circa Personas, quam Res, & Actiones, gaudent privilegiis.

Personarum privilegia sunt, quod Clerici Laicis habentur digniores; quod hi illis non debent imperare, nec violentiam inferre; quod Clerici a muneribus personalibus sunt immunes; quod, si peregrinentur, ad verbum faciendum, & oblationem consecrandam, invitantur.

Ob Res, quas Clerici secum non negotiandi causa deferunt, nulla pedagia, aut vectigalia solvunt: similiter res Deo consecratæ, & a Clericis possessæ, a censu liberantur.

Actiones, sunt vel Criminales, vel Personales. Cum ob Crimen, sive criminaliter, sive civiliter agitur, tantum coram Judice Ecclesiastico, minime vero Seculari, Clericus debet conveniri, adeo, ut a Seculari citatus, ne quidem per se, vel per procuratorem, clericatus exceptionem proponere cogatur.

Nimirum, *habent tantum Ecclesiastici in Clericos jurisdictionem*, nisi Laicis a Summo Pontifice in Clericos certi loci ea sit concessa, vel Clerici sint assassinii, degradati, aut in habitu seculari inventi fuerint delinquentes; vel Ecclesiastici Judices crimini puniendo non sufficiant.

Ob Actiones quoq; Personales, non aliter quam coram Ecclesiastico Judice Clerici conveniendi sunt.

Quod

Quod tamen privilegium circa *Actiones Reales* non habent; nam, his debent conveniri, coram Iudice loci, ubi res sunt sitæ; quippe, earum respectu, pro laicis habentur.

LIBER II.

Titulus 1.

De Rerum Divisione.

Post Personarum Ecclesiasticarum tractationem, de *Rebus Ecclesiasticis* instituenda disquisitio.

Res Ecclesiasticæ, sunt vel *Spirituales*, vel *Temporales*.

Spirituales Res sunt, quæ spiritui inserviunt, & animæ causæ sunt institutæ. Suntq; vel *Corporales*, quæ tangi, & humanis sensibus percipi possunt: uti *Sacramenta*, res sacræ, sanctæ, religiosæ; vel *Incorporales*, quæ solo intellectu percipiuntur, uti *virtutes* & dona Dei, & ea, quæ in jure consistunt, qualia sunt patronatus, decimarum exactio, immunitas.

Temporales Res sunt, quæ non tam spiritus, quam corporis gratia, pro Ecclesiasticis ministeriis, sacrorumque ministrorum usu, sunt comparatæ.

Titulus 2.

De Sacramentis in genere.

Sacramenta, sic desiniente Augustino, sunt invisibilis gratiæ visibiles formæ.

Sacramenta sunt septem: Baptismus, Confirmatio, Eucharistia, Pœnitentia, Ordo sacer, Matrimonium, Extrema Unctio. Ex his, alia sunt *Voluntaria*, ut Ordo, & Matrimonium: alia *Necessaria*, uti reliqua.

Sacra-

Sacramenta alia *characterem*, hoc est signum quoddam spirituale & indelebile, in anima imprimunt, proinde iterare ea non licet; uti Baptismus, Confirmatio, Ordo sacer. Alia nullum imprimunt *characterem*, ideoq; possunt iterari; uti Eucharistia, Matrimonium, Extrema unctio. In *Pœnitentia* distinguitur, num solemnis ea sit, an non-solemnis; illa non iteratur, hæc vero utique.

Sacramenta efficaciam habent a Spiritu S. non a ministro, qui ea præbet: unde collata ab Hæretico, aut Simoniaco, si forma Ecclesiastica observata fuerit, virtute sua non privantur, potissimum quoad *characterem*.

Qui Baptismum, Eucharistiam, & Extremam unctionem conferunt, Pœnitentiam admittunt, & Matrimonium sacrant, debent esse Presbyteri; qui confirmant, & ordinant, Episcopi.

Sacramentorum hic effectus est, ut gratiam conferant sanctificantem; primam quidem, ut Baptismus & Pœnitentia: secundam vero, seu primæ augmentum, ut reliqua.

Baptismus, est Sacramentum intrantium; Confirmatio, tribuit robur pugnantibus; Eucharistia, est viaticum progredientium; Extrema Unctio, est ex hoc seculo euntium; Ordo, divinis inservientium; Matrimonium, generantium.

Titulus 3.

De Baptismo.

Baptismus, est Sacramentum novæ Legis, a Christo Domino institutum, quo, per exteriorē corporis

poris ablutionem, interior ablutio animæ significatur, & efficitur.

Baptismi substantia, consistit in verbo & elemento; cætera, ad solennitatem ejus pertinent.

Verba sunt: *Ego te baptizo in nomine Patris, & Filii, & Spiritus Sancti.*

Elementum, sive *materia Baptismi*, est aqua vera & naturalis: nec refert, an calida, aut frigida sit. Ex glacie vero, nive, aut grandine expressa, admittitur.

Baptismus minus solennis ita peragitur: Sacerdos, sive alius baptizans, tantum profert verba: *Ego te baptizo in nomine Patris, & Filii, & Spiritus Sancti. Amen!* ter fundendo parum aquæ, etiam non consecratæ, super caput baptizandi.

Solennitates, ab Ecclesia introductæ, sunt, trina immersio, triduanam Christi sepulturam, & Trinitatis mysterium repræsentans; item exorcismus, exsufflationes, salis benedicti exhibitio, salivæ contactus, chrisma, preces, Patrini.

Baptismum suscipere potest quisq;, etiam infantes, ægri, muti, surdi, modo pro his, si ipsi respondere non possint, alii adsint, qui respondeant; qui patres lustrici seu spirituales, item patrini vocantur. Atq;, de jure communi, unus tantum vir, aut una mulier ad hoc officium præstandum exigitur; vel ad summum duo.

Patrini vero esse prohibentur, Abbates, Monachi, Moniales, & aliæ personæ religiosæ, item, qui non sunt baptizati, nec non parentes.

Judei baptizandi, prius 40. dierum pœnitentiam & abstinentiam agere debent. Dormientes & amentes, nisi ante somnum vel amentiam petierint baptizari, hoc sacramento initiari non debent.

Bapti

Baptismus debet conferri in Ecclesia, non in Abbatia, aut Monasteriis, ubi baptisteria erigere non licet; nec in ædibus privatis, nisi summa urgente necessitate.

Cum necessitas cogit, quilibet etiam Laicus, Hæreticus, Paganus, Judæus, fœmina, imo & pater baptizare potest, servata forma & intentione Ecclesiæ. Sed, si adsit Sacerdos, præfertur Diacono; Diaconus, Subdiacono; Vir, Fœminæ; nisi, pudoris gratia, doceat fœminam potius, quam virum baptizare. Scilicet ipsum tamen baptizare, nemini conceditur.

Semel baptizatus iterum baptizari non debet: in casu tamen dubio poterit baptismus iterum conferri, his verbis: Si baptizatus es, te non rebaptizo; sed si nondum baptizatus es, ego te baptizo in nomine Patris, & Filii, & Spiritus Sancti.

Presbyter non baptizatus, etiamsi sacerdotio fuerit initiatus, non tamen recipit Ordinis characterem, sed eum iterum baptizare & consecrare oportet. Si autem ab omnibus credebatur baptizatus, idemque id credidit de seipso, & post mortem demum constitit, eum non fuisse baptizatum, tum omissio baptismi ei non nocebit, sed perinde id est, quasi baptizatus fuerit, quia, ut ait S. Augustinus, baptismus invisibiliter ministratur, quem non contemptus religionis, sed terminus necessitatis excludit.

Præter Baptismum Fluminis, sive Baptismum proprie ita dictum, est quoque Baptismus Flaminis, & Baptismus Sanguinis.

Flaminis Baptismus est, quando quis per Spiritum S. mundatur, dum fidem suam coram persecutore confitetur, & dum, justo errore ductus, credit se fuisse baptizatum. Hoc Baptismo Apostolos & Disci-

Discipulos baptizatos fuisse, tradit Cyrillus Hierosolymitanus; ceterum Tertullianus Baptismo fluminis eos initiatos esse asseverat.

Sanguinis Baptismus est, cum quis animam cum sanguine, ob Christum, effudit, antequam baptizaretur. Talis fuit Baptismus latronis in cruce, & sanctorum Innocentium.

Titulus 4.

De Confirmatione.

Confirmatio, est Sacramentum novæ Legis, a Christo Domino institutum, quo, per solemnem Chrismatis in fronte, adhibita certa verborum formula, unctionem, confirmato, Spiritus S. illiusque donorum plenitudo, ad Christianam fidem constanter tuendam, & perpetuo retinendam, conferuntur.

Formula est: *Ego te consigno signo crucis, & confirmo te chrismate salutis, in nomine Patris, & Filii, & Spiritus Sancti.*

Olim Confirmatio Infantibus una cum Baptismo conferebatur: sed, quia ad salutem non omnino necessaria est, & tantum prodest ad propugnationem fidei, cujus tuendæ infantes ante usum rationis incapaces sunt, ideo nunc ante hunc non confertur.

Confirmans, debet esse jejunus, & Episcopus; Confirmandus excedere debet septennium, & esse confessus, ac jejunus.

Patrini adesse debent, sed alii, quam qui fuerint in Baptismo: atque peragi potest Confirmatio omni tempore; solet tamen fieri in Pentecoste.

*Titulus 5.**De Eucharistia.*

E*ucharistia*, est Sacramentum novæ Legis, a Christo Domino institutum, in quo, sub speciebus Panis & Vini, verum Christi Corpus, verusq; ejusdem Sanguis, continentur ac sumuntur.

Eucharistia, quatenus viam præbet perveniendi ad futuram Dei fruitionem in patria cælesti, proprie dicitur *Viaticum*; quatenus per eam communicamus Christo, & unimur ad invicem, vocatur *Synaxis*, sive *Communio*; quatenus Domini passio per eam offertur, dicitur *Sacrificium*, vel *Missa*.

Materia Eucharistiæ, est panis triticeus azymus, (quamvis Græci fermentato utantur, in eoq; tolerentur) & vinum, ex uvis expressum; cui, ex traditione Ecclesiæ, paululum aquæ infunditur, ut declaretur duarum naturarum in Christo hypostasis.

Forma Consecrationis panis, sunt verba: *Hoc est corpus meum*: & consecrationis vini: *Hic est sanguis meus*. Atq; his verbis, tota panis & vini substantia, in corporis & sanguinis Christi substantiam, convertitur: quod *Transubstantiationem* vocant.

Eucharistiæ minister, est solus sacerdos, rite ordinatus, etiam irregularis, interdictus, ab ordine suspensus, depositus, & degradatus, Simoniacus, & publicus peccator; etsi hi omnes consecrare jure prohibentur.

Ætas legitima ad communicandum sacramentaliter est, quæ judicium habet distinguendi & dijudicandi sacramentum hoc corporis & sanguinis Domini, ab alio cibo quotidiano, seq; probandi, sive, uti vulgo loquuntur, cum quis attigit annos discretionis.

Prohibentur communicare, scenici & histriones, raptores rerum Ecclesiæ, nauseam vel vomitum patientes, nocte hesternam ex nimia crapula vel cogitatione immunda polluti, infideles, notorie impœnitentes, excommunicati, interdicti, hæretici. Morientibus tamen, si pœniteant, non denegandum hoc sacramentum, etiamsi fuerint excommunicati.

Qui salutifere hoc sacramentum volunt suscipere, debent confiteri peccata, & injunctam implere pœnitentiam; debentq; esse jejuni.

Semel tantum die, nisi mortiferum crimen velit contrahere, tam Clericus quam Laicus Eucharistiam sumere debet.

Sumenda autem in tribus festivitatis primariis, Paschæ, Pentecostes, Nativitatis Domini, vel saltem in festo Paschæ, a seculari; monachis & monialibus singulis mensibus ea utendum; qui secus faciunt; vivi, Ecclesiæ ingressu, & mortui, Ecclesiastica sepultura prohibentur.

Hoc Sacramentum sumunt Sacerdotes per se ipsi, dum Missam celebrant; extra eam, non secus ac Laicis, species panis illis tantum porrigitur.

Qui communicavit, & eucharistiam ebrietate, vel voracitate evomit, si laicus, 40. diebus; si monachus aut clericus, 70. si Episcopus, 90. pœnitere jubetur. Ei, qui ex infirmitate id fecit, 7. dierum pœnitentia imponitur.

Titulus 6.

De Missa.

Missa, est sacrificium incruentum, corporis & sanguinis Domini, quod offertur in altari, cum precibus consuetis, & lectione Evangelii.

Missa

Missa varia est, non quidem ratione Sacramenti, sed circumstantiarum, puta vel solennitatis, dum alia alta, alia submissa voce cantatur; vel temporis, dum alia fit quotidie, alia die feriata; vel eorum, pro quibus offertur, dum alia pro vivis, ægrotis, amicis, alia pro mortuis fit; vel eorum in quorum honorem offertur, qua ratione alia de Spiritu S. alia de Trinitate, alia de B. Virgine Maria dicitur.

Missæ partes sunt vel Essentiales, vel Accidentales. *Essentiales*, consistunt in Corporis & Sanguinis Christi consecratione & oblatione. *Accidentales*, sunt ceremoniæ, quibus consecratio & oblatio rite perficiuntur. Tales sunt, orationes, gratiarum actiones, benedictiones, oscula, manuum expansiones, elevationes, complicationes, genu flexiones, crucis signacula, communio, fractio hostiæ in tres partes, memoriæ Sanctorum, & alia his similia.

Missam celebrare possunt tantum Presbyteri; atque hi quantum frequentius poterunt, id facere debent, sed semel tantum in die; excepto die Nativitatis Domini, quo quisque Sacerdos tres dicit: unam circa mediam noctem; alteram in aurora; ultimam, hora debita, quæ est tertia, sive nona antemeridiana.

Celebrare debet Sacerdos confessus & jejunus, accenso lumine; amictu, alba, cingulo, manipulo, stola, casula, indutus, in sacro altari, licet portatili, duobus sibi respondentibus.

Consecratio debet fieri in calicibus aureis, argenteis, aut stanneis; non ligneis, vitreis, aut cereis: & quidem super lineo panno, ab Episcopo consecrato, quem Corporale vocant, quod Pallæ inscribitur.

Missam quisque in dominicis & festivis diebus in parochia sua integram tenetur audire, donec finita, & benedictio data.

Titulus 7.

De Pœnitentiis & Remissionibus.

Pœnitentia, est Sacramentum novæ Legis, a Christo Domino institutum, quosdam Hominis pœnitentis & Ministri absolventis actus complectens. Est vero hæc *Externa*, atq; sic distinguitur ab *Interna*, quæ est virtus tantum mentis, & neutiquam Sacramentum.

Pœnitentia alia Publica est, alia Privata. Publica est vel Solennis, vel non Solennis. *Solenis* est, quæ ab Episcopo in capite jejunii, & nonnisi semel, pro criminibus maximis imponebatur. Hac affecti, non possunt communicare nisi in articulo mortis, nec licet eis secularem militiam exercere, in curia accusare, matrimonio jungi, ad sacros ordines adspirare.

Non Solennis, imponitur a Sacerdote publice, extra tempus quadragesimæ, ut quis ante fores Ecclesiæ stet, cum tæda ardente.

Privata Pœnitentia est, quæ in occulto fit, atque eam imponit Sacerdos pro tribunali confessionis, etiam pro peccatis gravioribus, sed occultis; occulta enim peccata, publice non sunt punienda.

Impositio pœnitentiæ est arbitraria: pœna enim imponenda est secundum peccatorum circumstantiam, adhibita contritionis pœnitentis, & qualitatis sexus, & ætatis delinquentis consideratione.

Sacramentum Pœnitentiæ constat partibus quatuor: Cordis contritione, Oris confessione, Operis satisfactione, & Peccati absolutione.

Cordis contritio, est animi dolor, & peccati commissi detestatio, cum proposito emendationis.

Contritio, alia est *perfecta*, *proprie Contritio dicta*, quando quis peccatum detestatur, propter Deum summe diligendum, autorem gratiæ, ac gloriæ: alia est *Imperfecta*, quæ dicitur *Attritio*, & est detestatio peccati, concepta, vel ob ejus turpitudinem, vel ob Gehennæ metum.

Contritionem, ut utilis evadat, sequi debet *Oris Confessio*, quæ est plena & legitima peccati per os proprium detectio. Fieri debet Sacerdoti proprio seu Parocho, non alii, nisi ex ejus licentia electo, aut ex facultate ab Episcopo data. In casu tamen necessitatis, si Presbyter haberi non possit, etiam laico confiteri licet. Potest & scripto fieri confessio, sed a præsentem tantum, non vero absente.

Enarranda sunt in confessione omnia & singula peccata mortalia, aperte, & distincte, quantum post diligens conscientiæ examen fieri potest, una cum circumstantiis, culpam notabiliter aggravantibus, aut minuentibus.

Venialia peccata, citra reatum, silentio premere licet: hæc enim recitatione Orationis Dominicæ, aquæ benedictæ aspersione, generali confessione, Eucharistiæ devota sumptione, jejuniis, eleemosynis, percussione pectoris, extrema unctione, & Episcopali benedictione possunt expiari.

Sacerdos, cui confessio facta, *adstringitur ad Sigillum seu secretum Confessionis*, per quod religiose occultare tenetur, non tantum peccata mortalia & venialia, quæ ei fuerunt revelata, sed omne id, per quod peccatum in confessione detectum, directe, vel indirecte, in genere, vel in specie, in notitiam possit

pervenire. Secus qui facit, aut Sacerdotio deponitur, aut intra arctum monasterium, ad agendam perpetuam pœnitentiam, concluditur.

Confessione facta, Sacerdos imponit *Satisfactionem*, quæ est pœnæ peccatis debitæ ac impositæ solutio, ut sic Deo fiat quædam compensatio, pro injuria ei illata.

Impositam Satisfactionem consequitur *Absolutio*, quæ est peccati commissi, & confessi, a Sacerdote remissio. Ea fit verbis: *Ego te absolvo a peccatis tuis, in nomine Patris, & Filii, & Spiritus S. præmissa oratione: Misereatur tui omnipotens Deus, & dimissis omnibus peccatis tuis, perducatur te ad vitam æternam.*

Non habet quisque Sacerdos potestatem absolvendi a peccatis quibuscunque, sed in casibus tantum sibi commissis, nec aliis per sacros canones reservatis.

Remissiones, sunt *Indulgentiæ*, per quas tollitur pœna temporalis peccati, quæ remanet, sublata per confessionem & contritionem peccati culpa.

Indulgentiæ sunt vel Private, quæ a singulis Sacerdotibus, qui curam habent animarum, dari possunt; vel *Publicæ*, quæ ab Episcopis, aut Summo Pontifice conceduntur. Atq; Episcoporum potestas limitata est ad certum tempus, certumq; numerum dierum: nimirum in consecratione Ecclesiæ ad annum unum, & in anniversario consecrationis est 40. dierum; solisq; subditis hæ indulgentiæ profunt.

Plenissimam & generalem potestatem, indulgentias in nomine Domini concedendi, habet Romanus Pontifex, easque concedit, verbo, literis, & qualibet scriptura.

Cui conceduntur Indulgentiæ, debet esse Christianus, contritus, & confessus; ac oportet credere, se illi

illi esse subditum, qui eas concedit, & ut impleat ea, quæ indulgentiæ implere jubent. Si quis tamen morte, aut alia causa impeditus, non possit ea adimplere, nihilo secius remissionem consequitur.

Titulus 8.

De Extrema Vnctione.

E*xtrema Vnctio*, est Sacramentum novæ Legis, a Christo Domino institutum, quod a Sacerdote per unctionem olei benedicti, certis precibus adhibitis, infirmo, in extremo discrimine posito, confertur.

Fit Extrema Vnctio per unctionem, in modum crucis, pollice Sacerdotis, in partibus sensualibus, ex quibus origo peccati: quales sunt oculi, per visum; aures, per auditum; nares, per odoratum; os, per gustum; manus, per tactum; pectus, per appetitum; & pedes, per motum. Et vero in iis partibus, quæ geminæ sunt, geminatur unctio.

Materia Extremæ Vnctionis, est Oleum olivarum, ab Episcopo benedictum, & quotannis, vetere combusto, renovatum. *Forma*, consistit in verbis: *Per istam unctionem, & suam piissimam misericordiam, indulgeat tibi Dominus, quicquid per visum (& sic de cæteris corporis partibus) deliquisti.*

Extremæ Vnctionis minister, est Sacerdos. Confertur ratione utentibus, & in vitæ discrimen, morbo naturali, non casu, deductis, idque, si fieri possit, Pœnitentiæ & Eucharistiæ Sacramentis, aut saltem Contritione, præmissis.

Vnctio hæc, delicta, si quæ sunt adhuc expianda, & peccati reliquias abstergit, & ægroti animum alleviat & confirmat: potestque iterari, si infirmus un-

Etus convalescat, & postea morbo iterum corripiatur.

Sunt & alie Vunctiones. Nam, infantes, dum baptizantur, oleo Catechumenorum ante Baptismum, & eo fere peracto, Chrismate inter scapulas & in pectore ungentur. Atque *Chrisma* ex oleo olivarum & balsamo conficitur, notatque oleum, nitorem conscientiae, Balsamum vero, bonae famae odorem. Episcopi, cum consecrantur, & in capite & manibus, chrismate, Sacerdotes reliqui, simplici oleo olivae per Episcopum benedicto, in manibus ungentur, Seculares Principes ungentur in brachiis & humeris, ad designandam illorum potestatem.

Titulus 9.

De Ordine.

Ordō, est Sacramentum novae Legis, a Christo Domino institutum, per quod homo Deo consecratur, potestatemque recipit, publica munia, quae ad ejus cultum, fideliumque salutem pertinent, exequendi.

Præter ea, quae supra ad Ordinem attinentia moventur, quaedam porro notanda veniunt. Scilicet, ex omnibus Ordinibus unum tantum Sacramentum constituitur; non autem singuli Ordines separatim Sacramentum efficiunt.

Examen Ordinandorum, præ cæteris incumbit Archidiacono, quem ideo Episcopus solet interrogare: An eum, quem exhibet ordinandum, sciat esse dignum? hic verò respondet: Se scire dignum esse, quantum humana fragilitas patitur. Atque ex responso Innocentii III. ad Episcopum Auriensem potest

potest Archidiaconus de eo testari, quod dignus sit, quem indignum esse nescit.

Ex decreto Concilii Tridentini, feria quarta ante Ordinationem, solent evocari omnes ad civitatem, in qua fit Ordinatio, ut per ipsum Episcopum, & alios prudentes ac peritos, quos adsciscit, *inquiratur in Ordinandorum* genus, personam, ætatem, instructionem, mores, doctrinam, & fidem.

Episcopus, qui renunciavit Episcopatu, regulariter Ordines conferre non potest. Inspicienda tamen mens renunciantis: quippe, si renunciaverit tantum loco, seu diœcesi, non etiam dignitati, recte conferet Ordines vice alterius Episcopi, ab eo rogatus. Potest enim quis oneri Pontificali renunciare, & honorem Episcopalem retinere: quemadmodum & a Principe dignitates interdum conceduntur sine administratione, quæ dici solent quietæ dignitates, & otiosa cingula.

Tonsuram suscipere potest, qui Confirmationem suscepit, si modo Christianæ fidei rudis non sit, ac legere & scribere noverit; Minores Ordines, qui saltem Latinam Linguam intelligit; Subdiaconatum, Diaconatum, & Presbyteratum, quotquot probatæ sunt vitæ & eruditionis, anterioresque suscipere; nec enim per saltum suscipere Ordines licet.

Certa ætas, singulis Ordinibus suscipiendis est definita. In Tonsura, & in aliis tribus minoribus Ordinibus, eadem ætas Concilio Tridentino retenta est, quæ jure veteri obtinebat, nimirum 7. anni. Ad Acoluthatum requiruntur anni 12. ad Subdiaconatum 22. ad Diaconatum 24. ad Presbyteratum 25. ad Episcopatum 30. ex Concilii Tridentini definitione.

ne, cum olim ad Subdiaconatum 18. ad Diaconatum anni 20. sufficerent.

Minister Ordinis, est Episcopus: ex dispensatione tamen Pontificis, simplex Sacerdos, quatuor Minores Ordines, quin & Subdiaconatum & Diaconatum conferre potest.

Similiter *Abbates*, *suis monachis*, Minores, quin Abbates Cistercii, ex privilegio Innocentii VIII. Subdiaconatum etiam ac Diaconatum, concedere possunt.

Semel Ordinatus non est iterum ordinandus, ob characterem indelebilem, animæ per ordinationem impressum. Vnde, si constet quidem de actu, sed aliquid solennitatis fuerit intermissum, id quod omissum est, statis temporibus, quibus Ordines conferuntur, caute suppleri debet.

Si quis ab alio, quam a suo Episcopo, ordinetur, iterum ordinandus non est, sed a susceptorum Ordinum executione tamdiu suspenditur, quamdiu Episcopo visum fuerit.

Filii Presbyterorum, vel ex alio illegitimo toro nati, ordinari prohibentur; nisi vitam monasticam amplecti velint, aut Ecclesiæ utilitas id postulet, aut natalibus per subsequens matrimonium, vel rescriptum Pontificis, fuerint restituti.

Filius Presbyteri, cum quo hoc modo dispensatum est, non potest obtinere beneficium in eadem Ecclesia, in qua pater simile habet, aut habuit, ne videatur velut hereditario jure Patri succedere: unde, ob hanc causam, etiam ex legitimo matrimonio natus, patri in eadem Ecclesia succedere prohibetur.

*Titulus 10.**De Sponsalibus.*

S*ponsalia*, sunt mentio & repromissio futurarum nuptiarum. sive: Sunt mutuus utrinque in matrimonium consensus. *Dicuntur a spondendo*, quia olim per solemnem verborum conceptionem spondebantur, hoc modo: *Spondes, te mihi uxorem futuram?* Respondente Sponsa: *Spondeo. Spondes, te mihi maritum futurum?* Respondente Sponso: *Spondeo.*

Sponsalia sunt vel de præsenti, vel de futuro.

Sponsalia de præsenti, sic dicta, quasi concepta per verba præsentis temporis, nihil aliud sunt, quam contractus matrimonii, quippe fiunt per verba exprimentia præsentem consensum conjugalem: v. g. *Ego te accipio in uxorem.* Sunt ergo ipsum matrimonium, licet nondum consummatum, aut benedictione Sacerdotali firmatum.

Sponsalia de futuro, quæ proprie *Sponsalia*, sunt promissio futurarum nuptiarum, ut: *Ego te uxorem ducam.*

Sponsalia de præsenti contrahens, si peregre proficiscatur, tum sponsa ejus reditum expectare cogitur, nec prius cum alio contrahere potest, nisi certum acceperit de morte ejus nuntium. Secus se res habet in *Sponsalibus de futuro.*

Sponsalia de futuro, sive proprie ita dicta *Sponsalia*, sunt vel *Nuda* & *Simplicia*, cum simpliciter nuptiarum fit repromissio: vel *Firmata*, cum annulus, arrhæ, aut pignora dantur, vel juramentum interponitur.

Contrahuntur Sponsalia consensu, sive is verbis, sive re, ut annuli vel munerum datione, sive literis,
sive

sive per procuratorem exprimatur. Atque, posterioribus modis, absentes, muti, & surdi, sponsalia recte contrahunt.

Contrahere Sponsalia possunt omnes, puta tam puberes, quam impuberes, qui septennium excesserunt: quippe voluntas, quæ in naturali consensu acquiescit, in eos, qui septem annorum complerunt ætatem, cadit. Ante id tempus, si Sponsalia fuerint contracta, post annum septimum, legitimo consensu, vel cohabitatione, aut nixu ad coitum, fiunt valida.

Non tantum quis ipse Sponsalia contrahere potest, sed & alius pro eo, ut pater pro filio, mater pro filia, patruus pro nepte, tutores & curatores pro pupillis; & alii. *Sed hæc effectum non habent, nisi filius, pro quo pater nuptias spondit, pubes factus, tacite; pro quo alii sponderunt, hoc casu expresse, consenserint. Tacite vero consentire videntur, qui præsentibus sunt, & tacent.*

Contrahi possunt Sponsalia, vel pure, vel adjecta die, vel sub conditione.

Pure contrahuntur Sponsalia, cum vir & mulier, simpliciter & absolute, se invicem futuros conjuges, pollicentur.

Dies Sponsalibus adjicitur, cum quis intra certum temporis spatium, aliquam se uxorem ducturum, promittit.

Sub conditione celebrantur Sponsalia, cum in aliquem casum, vel eventum differuntur. Hæc, pendente conditione, non sunt firma, nec ex eis obligatio oritur, nisi carnalis copula sit subsecuta, aut conditio turpis fuerit, vel impossibilis.

Rite contractis Sponsalibus, contrahendi matrimonii necessitas Sponsis incumit, ita ut ad hoc etiam censuris Ecclesiasticis compelli possint. Quod tamen ita intelligendum, si fieri queat, ut ex nolentibus evadant volentes. Cæteroquin summa vi compelli non debent, ne quidem cum juraverunt, se matrimonium inituros. Ex duobus enim malis minus eligendum est: hinc, fidem frangere satius fuerit, quam aliquem cogere, ut eam ducat, quam odio habet.

Si Sponsalia consequatur carnalis copula, verum efficitur marrimonium. Etsi enim non concubitus, sed consensus, matrimonium facit, tamen hoc ipso conjunctionis actu, consensus satis exprimitur: & Ecclesia præsumit, eodem sponsum potius promissionem ad effectum deducere, quam fornicationis crimen committere velle.

Si duo Sponsalia contracta sint, priora præferuntur, etiamsi secunda jurata fuerint, non vero, si copula carnali firmata.

Oritur ex Sponsalibus justitia publicæ honestatis, cujus causa, consanguinei sponsi, cum sponsa, per mortem sponsi, vel alio modo, sponsalibus dissolutis, matrimonium contrahere non possunt, & vice versa.

Dissolvuntur Sponsalia, mutuo consensu, etiamsi fuerint jurata; absolutione judicis, si hanc petat pubes, qui impubes sponsalia contraxit. Amplius solvuntur superveniente affinitate, etiam per illicitam copulam; ingressu religionis; fornicatione, sive corporali, uti si sponsa ab alio, etiam per vim, stuprum passa fuerit; sive spirituali, uti si alteruter in hæresin inciderit; lapsu temporis, vel diei, sive conventionalis, in contractu sponsalium per contrahentes adjecti, sive legalis, nulla a contrahentibus temporis facta

facta mentione, puta triennii; defectu conditionis, capitali inimicitia inter sponfos superveniente; morum asperitate alterius; & deformitate; aut morbo contagioso subsequente.

His casibus solvuntur Sponsalia etiam sine autoritate Judicis, si causa notoria, quantum ad veritatem, quia vera, & quantum ad justitiam, quia de jure sufficiens, utpote in eo expressa. Si causa non sit notoria, opus est autoritate judicis, cui ea probanda.

Titulus II.

De Matrimonio.

Matrimonium, est legitima conjunctio maris & foeminae, individuum vitae consuetudinem, & divini humaniq; juris communicationem continens. Dicitur *Conjunctio*, scilicet animorum, ut sit initiatum; & corporum, ut sit perfectum matrimonium. Atque continet matrimonium divini humaniq; juris communicationem; quia contrahentes debent esse ejusdem religionis: & propterea Christiani cum paganis, Judæis, vel Turcis, sub poena excommunicationis, matrimonium contrahere non possunt.

Matrimonium aliud Legitimum est, & non ratum; aliud Ratum, & non legitimum; aliud Legitimum & ratum.

Legitimum & non ratum matrimonium est, quod inter Judæos & Infideles, juxta Leges Mosaicas, & forenses cujusq; loci, contrahitur. Dicitur non ratum, quia non est firmum, & repudio potest dissolvi.

Ratum & non legitimum matrimonium est, quod Christiani & Fideles, citra solennitates Canonicas, contrahunt. Dicitur ratum, quia inter fideles ma-
tri-

trimonium, semel inchoatum & completum, non potest dissolvi.

Legitimum & ratum matrimonium est, quod fideles, servatis canonum solennitatibus, celebrant.

Matrimonium porro est vel *Publicum*, quod in præsentia testium, servatis debitis solemnibus, fit; vel *Clandestinum*, quod non in conspectu Ecclesiæ, coram Parocho, adhibitis duobus vel tribus testibus, nec observatis debitis solemnibus; vel trina denunciatione præmissa, est contractum.

Presbyteri, si Clandestinum Matrimonium promoveant, aut ei interfuerint, per triennium suspenduntur, aut, si culpæ qualitas postulaverit, gravius puniuntur. Liberi vero, ex hujusmodi matrimonio procreati, non sunt legitimi, nisi postea ab Ecclesia probetur.

Matrimonium legitimum & ratum ut contrahatur, necesse est, ut contrahentes *matrimonii sint capaces*, & ut contrahant *legitimo modo*. Masculinum matrimonii capaces esse judicantur, cum sunt puberes, hoc est majores annis quatuordecim; feminae, cum sunt viri potentes, seu majores annis duodecim.

Legitimo modo contrahunt, qui voluntarie consentiunt, citra vim majorem, metum gravem, & errorem, in persona, & statu personæ intervenientem. Proinde, errans in persona, ut, cum quis putat, se ducere Corneliam, quæ erat Sempronia; vel in statu, uti, cum servam ingenuam credit, nisi errore cognito, carnis commixtio sit subsequuta, contraxisse matrimonium non intelligitur. Error vero in qualitate, ut si corrupta sit, quam quis virginem putabat, aut in fortuna, ut si pauper sit, quæ dives credebatur,

batur, matrimonium non irritum reddit. Quin imo facti meritum habebit, qui publicam meretricem de lupanari extraxerit, & uxorem duxerit: est enim inter opera caritatis non minimum, errantem ab erroris sui semita revocare, c. 20. inter opera, de Sponsal.

Si contrahentes parentes habeant, eorum consensum olim ex necessitate requirere cogebantur: sed hodie, ob Concilium Tridentinum, Sess. 24. c. 1. ex honestate tantum adhibetur.

Præter vim, metum, erroremque, *Matrimonium quoque contractum dirimunt*, cognatio, iustitia publicæ honestatis, votum solemne, ordo, crimen, coeundi impotentia, cultus disparitas.

Cognatio est vel Spiritualis, vel Carnalis, vel Legalis.

Spiritualis cognatio, est propinquitas personarum, ex Baptismo vel Confirmatione proveniens. Estque vel *Compaternitas*, quæ est inter patrem spiritualem & patrem carnalem: uti inter baptizantem, vel suscipientem, & patrem baptizati seu suscepti: vel *Paternitas*, quæ est inter baptizantem & baptizatum, nec non inter suscipientem seu patrinum, & susceptum: vel *Fraternitas*, inter filios baptizantis vel suscipientis, & filios baptizati seu suscepti.

Si tamen maritus aut uxor, filium proprium de sacro fonte susceperit, quamvis, si id consulto faciant, peccent, non idcirco separari, aut a mutuo usu corporum abstinere debent, nisi ad continentiam servandam possint induci.

In Concilio Tridentino, Cognatio Spiritualis est restricta, ut jam non nisi inter susceptores, (quos vel unum tantum, sive virum, sive mulierem, vel ad summum unum & unam esse voluit) ac baptizatum ipsum,

ipsum, vel illius patrem & matrem, nec non inter baptizantem & baptizatum, baptizatiq; patrem & matrem contrahatur; similiter, uti cognatio, quæ ex Confirmatione contrahitur, confirmantem & confirmatum, confirmatiq; patrem & matrem, ac tenentem non egreditur. Proinde ex Concilio Tridentino *Compaternitas*, quæ ante oriebatur inter uxorem patrini & parentes baptizati, itemque *Fraternitas*, est sublata; adeoq; baptizatus, cum filia patrini recte contrahit matrimonium.

Cognatio Spiritualis, non tantum impedit matrimonium contrahendum, sed etiam *dirimit contractum*, utique inter eas personas, inter quas cognatio spiritualis contrahitur; idq; ob peculiarem reverentiam, quam sibi invicem debent.

Cognatio Carnalis est, quæ Consanguinitate, vel Affinitate contrahitur.

Consanguinitas, est vinculum, propinquitas, seu cohærentia personarum, ex eodem stipite, seu sanguine descendendum, vel ascendendum, carnali propagatione, in matrimonio, vel extra illud contracta.

In Consanguinitate tria potissimum sunt consideranda: nempe *Stipes*, *Linea*, *Gradus*.

Stipes, est persona, a qua aliæ, de quarum conjunctione quæritur, descendunt. Atque ea, ad gradum *Lineæ* æqualis vel inæqualis constituendum, non computatur.

Linea, est collectio personarum, ab eodem stipite descendendum, diversos continens gradus. Estq; vel *Recta*, ea; aut *Superior*, quæ est Parentum & Ascendentium; aut *Inferior*, quæ Liberorum seu Descendentium: vel *Transversa*, quæ est inter fratres, cæterosq;

terosq; cognatos. Atque Transversa Linea est vel *Æqualis*, quando cognati æqualiter a stipite distant; vel *Inæqualis*, quando ab eo distant inæqualiter.

Gradus, est habitudo distantium personarum, quæ propinquitatis distantia, inter personas duas, vel diversas, discernitur.

In Linea Recta, tam Superiori quam Inferiori, Quot generationes numerantur, tot numerantur gradus, demto stipite; a quo numeratio initium habet. Persona enim addita personæ, ascendendo vel descendendo, per carnis propagationem, addit gradum.

In Linea Transversa Æquali, (hoc est, quando illi de quorum cognatione quæritur, directe in diversis lineis sibi invicem sunt oppositi:) Quoto gradu unusquisq; eorum distat a stipite, eodem gradu distant inter se. v. g. Patrueles, & Consobrini, distant gradu secundo a communi stipite; ergo eodem gradu hoc jure inter se distant: & sic duo gradus juris Civilis, unum Canonicum constituunt.

In Linea Transversa inæquali, (hoc est, quando illi, de quorum cognatione quæritur, non directe, sed oblique sibi invicem sunt oppositi:) Quoto gradu remotior distat a stipite, eodem distant inter se. v. g. Fratris filius a Patruo distat gradu secundo, quia eodem distat ab Avo, communi stipite.

Inter Ascendentes & Descendentes, nuptiæ prohibentur, tam jure Canonico quam Civili, in infinitum: contractæ solvuntur: & quia hæc prohibitio juris est naturæ, quod mutari nequit, ideo a Summo Pontifice dispensatio impetrari non potest.

Inter eos, qui a latere juncti sunt sanguine, jure Civili usque ad quartum gradum exclusive prohibentur nuptiæ, ita ut quarto gradu sint permixtæ; jure vero

vero Canonico ad quartum gradum inclusive sunt prohibitz. Atque quia prohibitio hæc est juris positivi, ideo *Summus Pontifex*, inter personas a latere sibi junctas, potest & solet dispensare.

Matrimonium intra quartum gradum, *ab Infidelibus* contractum, si conversi fuerint, non est dissolvendum.

Affinitas, est vinculum, resultans ex unione duorum in unam carnem, per carnalem copulam, omni carens sanguinis parentela.

Affinitatem igitur parit commixtio corporum, tam licita, quam illicita, aut coacta: non autem extenditur ad affines personæ conjunctæ; uti nec cognatos viri & mulieris inter se.

Gradus Affinitatis, per se, & proprie nulli sunt, quia gradus ratione cognationis naturalis, quæ hic nulla subest, dicuntur. Veruntamen, quia Affinitas in cognatione naturali fundatur, ad illius imitationem etiam gradus habere dicitur, qui eadem ratione computantur, qua gradus consanguinitatis. Sic quoto gradu consanguinitatis aliquis junctus est marito, eodem affinitatis gradu erit junctus ejus uxori. Veluti, frater mihi junctus est primo gradu consanguinitatis, ergo & uxori meæ erit junctus primo gradu affinitatis.

Genera Affinitatis tria sunt: *Primum* est, quod per primam carnis copulam, seu mediante una persona contrahitur. *Secundum* est, quod per personam, primo generi additam, copula carnali interveniente, contrahitur. *Tertium* est, quod per tertiam personam, personæ secundi generis additam, copula carnali interveniente, contrahitur: atque ita copula addita copulæ, efficit hæc diversa genera affinitatis. v. g. Si Sempronius, consanguineus meus, ducat uxorem

rem Cajam, hæc mihi meisq; consanguineis erit adfinis in primo genere adfinitatis, atq; in eodem gradu, quo mihi junctus est consanguineus meus. Si, consanguineo meo mortuo, superites Caja affinis mei alii nubat, tum ille, cui nubet, mihi meisq; consanguineis erit affinis in secundo genere affinitatis, eodem gradu, quo mihi erat junctus consanguineus meus mortuus. Rursus, si Caja, affine mea mortua, ille secundus ejus maritus, in secundo genere affinitatis mihi junctus, aliam ducat, hæc mihi erit affinis in tertio genere affinitatis.

Ex Affinitatis impedimento, prohibentur utroque jure matrimonium in linea recta contrahere, Socer & Nurus, Socrus & Gener, Vitricus & Privigna, No-verca & Privignus.

In linea collateralis, jure civili, cum Glore, sive quæ quondam fratris uxor fuit, & Leviro, sive cum fratre mariti, itemq; sorore uxoris, matrimonium prohibetur. At Jure Canonico, ratione Affinitatis, eodem gradu, quo ratione cognationis, matrimonium prohibetur.

Et si vero *Jure Civili*, ex legitimis tantum nuptiis affinitas oritur, tamen *jure Canonico*, ex illegitima quoque conjunctione resultat, ac intra quartum gradum jure Decretalium, intra secundum autem jure Concilii Tridentini, nuptiis est impedimento.

Cognatio Legalis, est proximitas personarum, quæ ex adoptione oritur. Hæc, Matrimonio in recta linea, tam durante, quam soluta adoptione, perpetuo impedimento est, illudq; contrahi prohibet, & contractum dissolvit: in collateralis vero, impedimentum affert, quamdiu adoptio durat; soluta vero ea, potest quis sororem adoptivam uxorem ducere.

Justitia publicæ honestatis, quæ ad Affinitatem proxime accedit, est necessitudo quædam, vel ex Sponsalibus pure, legitime, vel illegitime contractis; vel ex matrimonio rato, necdum consummato, legitime, aut illegitime contracto, inter Sponsum & consanguineos Sponsæ, & vice versa, constituta. Hoc impedimentum, jure Decretalium intra quartum gradum circumscribitur. *Ex Concilio vero Tridentino*, ex utilibus tantum Sponsalibus oritur, nec ultra primum gradum extenditur.

Votum Castitatis solenne, quod religionis approbatæ professione expressa vel tacita, vel sacri ordinis susceptione celebratur, matrimonium impedit & dirimit. Hinc matrimonium contrahere prohibentur, tum solemniter religionem monasticam professi, tum, qui in sacris ac majoribus ordinibus sunt constituti: uti Presbyteri seu Sacerdotes, Diaconi, & Subdiaconi; atque ab his contractum matrimonium, ipso jure est nullum: qui autem minoribus tantum Ordinibus initiati sunt, matrimonium contrahere possunt.

Crimen Adulterii, etiam impedit matrimonium, & contractum dirimit, si nimirum quis cognoverit aliam adulterio, & insuper ei fidem dederit, de contrahendo matrimonio, vel ipso facto contraxerit, conjuge sua legitima adhuc vivente. Quippe, ob solum adulterium contractum cum adultera, postquam legitima conjux mortua est, rescindi non debet.

Amplius, impedit crimen adulterii matrimonium, & contractum dirimit, si aliquid in mortem prioris suæ conjugis maritus adulter, vel uxor adultera, in mortem mariti fuerint machinati, animo contrahendi cum adultero vel adultera matrimonium, sive

fidem dederint, sive non, modo machinatio morte secuta suum habuerit effectum.

Impotentia coeundi perpetua & immedicabilis dirimit matrimonium, quæ scilicet non sine miraculo, aut gravi læsione corporis, vel probabili periculo animæ, tolli potest: sive ea ex naturali causa contingat, puta ex frigidityte, aliove naturæ defectu vel excessu; sive ex causa accidentali & adventitia, veluti ex maleficio seu veneficio, aliterve vi adhibita: si nimirum alter conjugum hoc petat, & impotentia probetur.

Cum quis sciens cum impotente contrahit, non separatur matrimonium; verum, si non potest alter alterum habere ut maritum aut uxorem, habeat ut fratrem aut sororem.

Conjugato, adserenti se aut conjugem impotentem, statim credi non debet, sed probatione opus est: quæ, si statim ex solo aspectu corporis, per evidentia signa haberi possit, tunc confestim fit separatio conjugatorum, iudicio Ecclesiæ: vel, si non possit haberi probatio, jubentur per integrum triennium cohabitare. Hoc elapso, si ambo jurent, una cum septima manu propinquorum, id est, cum septem propinquis, vel, in horum defectu, cum septima manu vicinorum bonæ famæ, se frustra expertos esse, poterit ille, qui impotentem duxit, illa dimissa, aliam adsciscere, vel ea, quæ impotenti nupsit, alii nubere.

Quod si postea deprehendatur, eum, qui probatus & judicatus fuit impotens, non fuisse impotentem, tunc is, qui fuit absolutus per sententiam, & solutus vinculo conjugii prioris, cogitur ad priorem conjugem redire, & illi, qui impotentiam ejus juraverant, rei sunt perjurii, non obstante exceptione rei judicatæ. Quoniam sententia in causa matrimonii lata, nun-

nunquam transit in rem judicatam, & ideo, quando-
cunq; constat de ejus iniquitate, retractari potest.

Lepra superveniens, non est causa dissolvendi ma-
trimonii; nec aliter ob lepram permitti debet separa-
tio conjugum, quam ut uterq;, altero vivente, per-
petuo contineat.

*Impedimenta, quæ impediunt, non dirimunt matri-
monium*, sunt Furor, Interdictum, Feriæ, Sponsalia,
Catechismus, Votum simplex, Crimen.

Furor, quia consensus in nuptiis requiritur, impe-
dit futuras nuptias. Si tamen furiosus dilucida inter-
valla habeat, eo tempore recte nuptias contrahit.

Interdictum Ecclesiæ est, cum Episcopus, aut alius
judex Ecclesiasticus, aut Parochus, alicui, ne matri-
monium cum aliqua contrahat, ob aliquod impedi-
mentum, interdicat, donec de causa cognoscatur; uti,
quia forte dubitatur, annon contrahere volentes,
sanguine vel affinitate juncti sint in gradu prohibito,
vel aliud impedimentum subsit.

Matrimonium, contra interdictum contractum, va-
let, licet contrahentes peccent, & ideo poenitere de-
beant; quoad vero de impedimento cognoscitur, se-
parandi sunt. Si impedimentum probetur, dissol-
vendum matrimonium, non ob interdictum, sed ob
impedimentum.

Feriarum tempore, quod olim erat ab Adventu
usque ad Epiphaniam, a Septuagesima, usq; ad octa-
vam Paschæ, & a primo die Rogationum, usque ad
octavam Pentecostes, nunc vero ex Concilio Tri-
dentino est ab Adventu usq; in diem Epiphaniæ, &
a Feria quarta Cinerum, usque in octavam Paschatis,
non quidem matrimonium contrahere, sed contra-
ctum celebrare, & eidem benedicere nefas est.

Catechismus, est instructio baptizandi, solenniter a Sacerdote in janua Ecclesiæ facta, antequam baptizetur puer, de articulis fidei Catholicæ Romanæ credendis. Per hanc instructionem oritur spiritualis cognatio, sive compaternitas, & impedit matrimonium contrahendum, sed non dirimit contractum. c. per catechismum 2. de Cognat. spirit. in 6.

Votum simplex, quod religionis approbatæ professione, tacita, vel expressa, nec sacri Ordinis susceptione est solennizatum, non dirimit, sed impedit matrimonium.

Crimina, quæ impediunt, non vero dirimunt matrimonium, sunt: Incestus, Vxoricideum, Raptus, Susceptio proprii filii de fonte, Presbytericideum, Pœnitentia solennis.

Titulus 12.

**Qui Matrimonium accusare possunt,
vel contra illud testificari.**

Matrimonium probatur per testes, at, non suspectos, sed omni exceptione majores; per instrumenta super ipso matrimonio confecta; per solennem deductionem & pompam in Ecclesiam vel domum; per confessionem Conjugum; per judiciale juramentum, quod, cum plus quam semiplene probatum est, pro, non contra matrimonium est deferendum.

Accusatio matrimonii, est impedimenti matrimonii, ob quod illud consistere non potest, coram competente iudice legitime facta allegatio.

Accusatio, si delictum non contineat, puta, si fiat ob impedimentum aliquod, uti, quod vir sit frigidus, vel maleficiatus, fœmina admissionis incapax, ad
solos

solos spectat conjuges, quorum interest, minime vero ad extraneos.

Quod si delictum contineat accusatio, uti, quod in gradu prohibito contractum esse dicitur, quilibet admittitur ad accusandum; hoc tamen servato ordine, ut post parentes, consanguinei, & his deficientibus, extranei, ita, ut inter hos præstantiores præferantur, demum locum inveniant.

Accusator matrimonii, qui, cum publice matrimonium ex suggestu denunciaretur, tacuit, postea contracto matrimonio non auditur; nisi verisimiliter denunciationem ignoraverit, vel jurare paratus sit, se hæcenus impedimentum ignorasse, atque recenter id didicisse.

Testes, de impedimento testimonium dicturi, ipsi coram iudice comparere debent; atque admittuntur non tantum extranei, sed & proximi consanguinei, & parentes. Etsi enim cæteroquin testimonium domesticum rejicitur, tamen hoc casu, proxime conjuncti, omnium optime nosse præsumuntur consanguinitatem & affinitatem.

Titulus 13.

De Effectibus matrimonii contracti.

Effectus matrimonii contracti, sunt quatuor: *Primus* est, quod liberi eo procreati, vel sunt legitimi, vel fiunt. *Sunt legitimi*, qui stante matrimonio sunt suscepti; sive illud sit clandestinum, sed ab Ecclesia postea approbatum; sive jure non valeat, modo, alterutro conjugum impedimentum ignorante, in facie Ecclesiæ sit contractum. *Fiunt legitimi*, id est, per matrimonium subsequens legitimantur, qui antea nati; modo eo tempore, quo procreati, nuptiæ inter eorum parentes potuissent celebrari.

Secundus Effectus est, quod conjuges simul habitant, ita tamen, ut vir caput sit uxoris, & hæc illi serviat; & alter alteri exigenti, debitum matrimoniale præstare tenentur. Hæc redditio tamen debiti declinatur, si mulier sit in puerperio, vel infantem nondum ablactaverit; si morbo consueto laboret, vel conceperit: si tempus sit orationis, processionis, aut benedictionis. Si alter conjugum adulterium commisit, & insons eum retineat, cessat per triennium poenitentiae.

Tertius Effectus est, quod simplex donatio inter virum & uxorem regulariter non valet; donatio vero propter nuptias, a viro in mulierem collata, ad virum soluto matrimonio redit; nisi is propter adulterium ab uxore separetur, aut pactum de lucranda re donata intercesserit.

Quartus Effectus est, ut dos valeat, quæ tamen soluto matrimonio mulieri reddi debet; nisi ejus culpa matrimonium sit solutum, aut pactum de lucranda dote intercesserit.

Titulus 14.

De Divortiis.

D*ivortium*, est legitima mariti & uxoris separatio, apud competentem judicem, cum causæ cognitione, & sufficiente ejus probatione, facta.

Divortium, est vel Tori, cum usus matrimonii, puta conjugum cohabitatio ad tempus, aut nulla temporis habita ratione, interdicatur: *vel Vinculi matrimonialis*, cum matrimonium, quoad substantiam, penitus & in perpetuum rescinditur.

Quoad Torum fit divortium, propter adulterium alterutrius conjugum: nisi uterq; adulterium commise-

miserit, aut maritus, post adulterium, uxorem sibi reconciliaverit, vel uxor animum adulterii committendi non habuerit: puta, quod per errorem ab eo, quem maritum putabat, aut per vim cognita, aut, maritum credens esse mortuum, alii nupserit. Fit amplius separatio, quoad torum, ob vehementem furorem, hæresin, in quam alter conjugum prolabitur, & sævitiam, cum alter conjugum, vel veneno, vel fustibus, vel gladio vitæ alterius insidiatur.

Quoad Vinculum fit divortium, propter Infidelitatem, cum scilicet alter infidelium conjugum ad fidem catholicam convertitur, & fidelis, ne qua injuria Ecclesiæ, aut scandalum continuum proveniat, cum eo non vult cohabitare. Atq; solvi potest hoc matrimonium, quia, etsi verum extitit, non tamen ratum fuit, quippe haud in fide Ecclesiæ Catholicæ celebratum.

Matrimonio quoad vinculum dissoluto, conjuges libere ad secunda vota transire, vel religionem, altera parte invita, possunt intrare: non, si quoad torum tantum fiat separatio, hoc enim casu, conjuges manent.

Quæ ob causam justam decessit, repetenti viro restituitur, si reæ de securitate caverit. Si vero tanta sit viri sævitia, ut nulla ei sufficiat cautio, usq; ad causæ decisionem, honestæ mulieri custodienda committitur.

Titulus 15.

De Secundis Nuptiis.

S*ecundæ nuptiæ* dicuntur, quæ contrahuntur post primas, etiamsi sint tertiæ, vel quartæ, vel ultiores.

Abro-

Abrogant sacri Canones leges civiles, quæ *fœminam*, intra annum luctus a morte mariti alteri nubentem, notant infamia, damnantq; errorem Origenis, secundas nuptias prohibitas asserentis.

Habent secundæ nuptiæ quedam propria, uti, quod eis non benedicatur a Parocho vel Sacerdote, c. 1. *Extra h. t.* Benedictio enim in primis nuptiis impertita, semper durat, nec est iteranda. Si tamen aliud consuetudine introductum fuerit, id servandum; hæc enim constitutio est juris positivi, quæ contraria consuetudine tollitur. Amplius, Presbyter non debet interesse nuptiis secundis, *can. 8. de his 31. q. 1. &*, qui eas contraxit, ad dignitates Ecclesiasticas non potest aspirare.

Non debent contrahi secundæ nuptiæ, nisi prius *de morte prioris conjugis* constet.

LIBER III.

Titulus 1.

De Ecclesiis ædificandis, vel reparandis.

Post Sacramenta, videndum de rebus Sacris & Religiosis.

Res Sacræ, quæ & *Sanctæ* dicuntur, sunt, quæ principaliter ad cultum divinum sunt comparatæ; uti Ecclesiæ, Altaria, Sanctorum Reliquiæ, Vasa, Vestes.

Res Religiosæ sunt, quæ piis usibus sunt destinatæ; uti religiosæ domus, Xenodochia, Orphanotrophia, Nosocomia, Gerontocomia, Cæmeteria, Sepulcræ.

Eccle-

Ecclesia, est domus Deo dicata, ad Sacramenta & officia divina celebranda; appellatur alias *Templum*. Atq; hæc nomina ædi sacræ conveniunt tantum post consecrationem, nam ante eam dicitur *Basilica*: c. 2. de Consecrat. dist. 1.

Circa Ecclesiam tria sunt observanda: 1. Constructio. 2. Consecratio. 3. Immunitas.

Constructio Ecclesiæ, est duplex: aut enim novæ ædificantur, aut veteres restaurantur.

Novæ Ecclesiæ ædificantur, si iusta id causa suadeat: uti si fructus unius Ecclesiæ sint sufficientes ad duas, & parochia latiores habeat fines, quam ut tempore hiberno possit fieri conventus; si notabile populi sit incrementum.

Ædificare potest Episcopus, licet juraverit de rebus Ecclesiæ non alienandis. At alius nemo, sine consensu Episcopi loci, Ecclesiam ædificare potest; qui secus fecerit, jure Patronatus privatur.

Antequam Ecclesia construatur, *Episcopus ad locum debet accedere*, in eo crucem figere, publice atrium designare, & illud aqua lustrali adspargere. Debet amplius dispicere, an is, qui ædificare decrevit, id pietatis, an quæstus causa, facere instituat, item, num proventus ad luminaria, custodumq; stipendia, & onera Episcopalia sufficiant. Ad hæc enim fundatores tenentur, aut Episcopus ipse, si sine donatione ædificari permisit; exemplo ordinatorum sine titulo, quos vel alere tenetur, vel de beneficio eis providere.

Ecclesiæ Orientem spectare debent. Atque forma antiqua erat, ut primo pararetur Porticus seu *Atrium*, ubi essent Pœnitentes & Catechumeni. Deinde erat pars Ecclesiæ, quæ *Cella* seu *Navis* dicebatur, ad populum recipiendum. Tertia pars dicebatur *Sancta*,

ut

ut seorsum sederent Sacerdotes a Laicis. Succedebant deniq; *Sancta Sanctorum*, ad oblationem Sacrificii.

Reparantur Ecclesie, cum vetustate, vel aliam ob causam, ruinosæ sunt.

Titulus 2.

De consecratione Ecclesiæ & Altaris.

Ecclēsia edificata, non ante sacris ministeriis inservire potest, quam fuerit consecrata.

Ecclesiam consecrat Episcopus. Is primo aquam benedicit, cui sal admiscetur, & hac aqua, Ecclesiam, ter eam circumiens, aspergit; ea aspersio imaginem baptismi habet, cum trina immersio hic adhiberi non possit. In circuitu dedicandæ Ecclesiæ, 12. sunt luminaria accensa, notæ lucentis Apostolicæ doctrinæ.

Ad singulos circuitus, accedit Episcopus ad ostium Basilicæ, & percutit superliminare virga pastorali, cantando Antiphonam: *Attollite portas Principes vestras* &c. atq; trina hæc percussio notat, Cælum, Terram, & Inferos potestati Episcopali cedere.

Post trinam percussionem ostium aperitur, ac intrat Episcopus, dicens: *Pax huic Domui*; deinde, ad orationem se confert. Mox, incipiendo a sinistro angulo Orientis, describit *Alphabetum* usq; in dextrum angulum Occidentis, atque iterum a dextro angulo Orientis, usque in sinistrum angulum Occidentis. Alphabetum, rudimentorum doctrinæ sacræ index est.

Sequitur postea *benedictio aquæ*, cui sal, cinis, & vinum admiscuntur, eaq; interiores parietes consperguntur. In eandem Episcopus digitum intingens, facit crucem per quatuor cornua altaris, & asper-

aspergit illud septem vicibus. Deniq; effundit ad basin Altaris, quod de aqua purificationis remansit.

Dehinc, *extergitur ab Episcopo Altare* linteo, ac fit postea incensum, nec minus crux ex chrismate in medio Altaris, & quatuor angulis ejus describitur. Mox aperitur in medio altaris, vel in dextro cornu, *fenestella*, ibi conduntur Reliquiæ Sanctorum, cum nomine illius Sancti, cui altare dicatur; & Episcopi, qui sacrum facit. Fenestella deinde parvo lapide obtegatur, quem *Sigillum* appellant.

Consecrato Altari, chrismantur in parietibus 12. cruces, quæ imaginem gerunt Apostolorum, & albis velaminibus tegitur altare, super quo novissime fit Missæ celebratio.

Altari amoto, vel Sigillo fracto & diminuto, consecratio denuo adhibetur.

Solennitates Consecrationum Ecclesiarum, singulis annis debent celebrari.

Consecratio regulariter non iteratur. Excipiendū tamen casus, cum Ecclesia destructa restauratur, aut, cum homicidio, adulterio, in ea perpetrato, aut excommunicati corpore ibi humato, fuit polluta.

Polluta Ecclesia, pollutum quoque censetur cœmeterium contiguum; non autem, polluto cœmeterio, polluta quoque censetur Ecclesia.

Titulus 3.

De Effectibus Consecrationis Ecclesiæ.

C*onsecrationis Effectus* sunt varii.

Principio, in Ecclesia consecrata, & super Altari consecrato, *Missæ celebrantur*, non in aliis locis. Si Ecclesia desit, in Capellis, sub dio, vel in tentoriis,
si ta-

si tabula altaris consecrata, & alia ad officium Missæ pertinentia adsint, Missa celebrari potest.

Porro, in Ecclesia consecrata, *fidelibus Sacramentum Eucharistiæ præbatur*, & Baptismus celebratur: ibiq; Eucharistia, Chrisma, & Sanctorum Reliquiæ custodiuntur.

Lege Mosaica *muller post partum immunda habebatur*, & ideo, si masculum peperisset, quadraginta, si vero fœminam, octoginta diebus, a templi ingressu arcebatur. Sed ea lex abrogata est, & statim post partum mulieri templum ingredi licet, etsi pie facit, si aliquantisper ab hoc ingressu abstineat.

Gaudent quoq; Ecclesiæ consecratæ Immunitate, sive muneris vacatione, quæ est vel Personalis, vel Realis.

Immunitas Personalis est, quæ personis, puta Clericis, tribuitur, ut scilicet a jurisdictione Laicorum, & muneribus personalibus sint liberi; nisi aut pietas, ut in tutela & cura miserabilium personarum; aut necessitas, ut in murorum custodia, belli, tumultus, seditionis tempore, aliud suadeant.

Immunitas Realis est, quæ Ecclesiæ & Cœmeterio tribuitur: quod scilicet in iis causæ criminales, civiles, vel canonicæ exerceri non possunt; quod ab iis, si liber homo huc confugit, ad mortem aut aliam pœnam corpoream, quodcunq; crimen patrarit, extrahi non possit, nisi vel publicus latro sit, vel noturnus agrorum depopulator, vel, spe impunitatis, homicidium, aut membri mutilationem, in Ecclesiis ipsis patrare ausus fuit. Ad Ecclesiam autem, aut cœmeterium fugientem, abstrahens, excommunicationi, aliisq; pœnis subjacet.

Hæc Immunitas, non tantum Ecclesiis consecratis, sed & non consecratis, imo & loco adjacenti convenit. Quin imo, secundum jura vetera, Ecclesia major, seu matrix, in circuitu habere debet passus integros 40. minor vero Ecclesia, passus 30. asyli jure gaudentes. Id tamen hodierna consuetudine receptum non est; nisi tam late pateat ipsum cœmeterium.

Rebus Ecclesiasticis immunitas tribuitur, ut ab onere tributorum, aliarumq; exactionum, quæ a potestate seculari imponuntur, sint exemptæ; adeo, ut qui iis ea imponunt, aut exigunt, excommunicentur. Si tamen magna sit Reipublicæ necessitas, aut evidens Ecclesiæ utilitas, possunt, non coguntur, Clerici, consulto Pontifice, Laicis subvenire.

Titulus 4.

De Ecclesiarum Unionibus.

SI Necessitas aut Utilitas suadeant, possunt plures Ecclesiæ, in unam conjungi. Necessitas id suadet, si, ob paupertatem, singulæ singulos Sacerdotes alere nequeant; si, ob hostium incursum, aut crebras hospitalitates, altera Ecclesia sit desolata. Utilitas id suadet, si locorum opportunitas, vel temporum qualitas, id exposcat; uti, si Ecclesiæ tam sint vicinæ, ut facile unus Sacerdos iis possit sufficere; vel, si unius populus sit infrequens factus.

Summus Pontifex, ubiq; terrarum, ejusq; Legatus a latere, in sua legatione sitas quascunq; Ecclesias, unire possunt; at in diœcesi propria existentes, & ipsis subjectas, Episcopi.

Fit unio vel ad tempus, vel in perpetuum. Illa, tempore, ad quod concessa, elapso, vel, extincto eo, ad cujus vitam concessa, dissolvitur.

*Titulus 5.**De Religiosis Domibus, Monasteriis,
& Sepulturis.*

Res Sanctas excipiunt *Religiosæ*, quæ piis usibus sunt destinatæ; uti *Religiosæ domus, Monasteria, Sepultura.*

Religiosæ Domus sunt, quæcunq; religionis, vel pietatis intuitu, sunt constructæ. Tales sunt *Xenodochia*, ubi peregrini pauperes recipiuntur; *Brephotrophia*, ubi pauperum & expositi infantes aluntur; *Nosocomia*, in quibus ægroti pauperes a morbo curantur; *Gerontocomia*, ubi Senes & Valetudinarii sustentantur.

Hæ omnes Domus sub ejus Episcopi potestate sunt, in cujus territorio sitæ; nisi singulari privilegio se exemptas docere possint.

Monasterium, seu *Clastrum*, est species religiosæ domus, & pari ratione ei Episcopo est subiectum, in cujus diœcesi est situm, nisi exemptionem probet. Hoc casu, Monasterium quidem est exemptum, capellæ vero ei subiectæ, non item. Possunt etiam Episcopi, quamvis Monasteria sint exempta aut privilegiata, si Abbates & Præpositi sint negligentes, ad morum, secundum eorum Regulam, reformationem, procedere.

Rebus Religiosis accensentur Sepultura. Eæ, regulariter debentur Ecclesiæ Parœciali, in qua quis recipere consuevit Sacramenta, & audire divina: in eaq; vel ejus cœmeterio, vel, si quis sepulcrum majorum habeat, nec aliam elegerit sepulturam, in eo debet sepeliri.

Est cuiq; libera sepultura electio, sive sit vir, sive mulier nupta, quia in electione sepulturæ, uxor soluta est lege viri. Alias, si sepulturam non elegerit, sepelienda in sepulcro mariti, ut quos conjunxit unum conjugium, sepultura non separet. Si plures fœmina habuerit maritos, nec sepulturam elegerit, cum ultimo, cujus domicilium & honorem retinet, est tumultuanda. Filio impuberi, sepulturam, quo voluerit loco, pater eligere potest, si id consuetudo ferat.

Ob Sepulturam debetur *portio canonica* parœcialis: Ea, de jure, est ejus, quod pro anima sua Ecclesiæ, in qua sepeliri quis voluit, relictum, quarta, unde & *quarta funeralium* dicitur: ex consuetudine vero, modo tertia, modo dimidia.

Fieri debet sepultura Ecclesiastica, more & solennitatibus consuetis; puta, cum lumine, psalmis, & orationibus; oblatione quoque, in qua fit defuncti commemoratio. Mandatur sic defunctus terræ, in loco consecrato, accedente aqua benedicta.

Denegatur Sepultura Ecclesiastica Judæis, Paganis, Hæreticis, eorumq; fautoribus & receptatoribus, cæterisque excommunicatis, in excommunicatione mortuis. Imo, homo ejusmodi, sepultus in loco sacro, si internosci possit, effodi jubetur, & extra locum sacrum projici. Denegatur & Ecclesiastica sepultura usurariis publicis, nisi pœnituerint, & caverint, de restituendo; cæterisq; omnibus, quos in gravioribus peccatis decessisse constat.

Titulus 6.

De Parœciis, & alienis Parœcianis.

P*arœcia*, sive, uti vulgo enunciant, Parochia, sic dicta, quasi cohabitatio, est vicinorum, qui unum

aliquod commune templum accolunt, & Sacramenta percipiunt, conventus.

Parœcianus est, qui intra Parœciæ limites habitat, animo ibidem manendi, sive audierit ibi divina, sive non.

Ecclesia Parœcialis est, quæ populum habet certis finibus & limitibus distinctum, cum potestate fori pœnitentialis, id est ligandi & solvendi, subditis Sacramenta administrandi, idq; ex necessitate oneris Ecclesiæ impositi. Dicitur eadem *Curata*, nomine *Cure* propriæ & stricte accepto, pro potestate ligandi & solvendi in foro pœnitentiali: item *Plebanalis*, & *Baptismalis*.

Ecclesia Matrix, late dicitur Ecclesia parochialis, in qua parochiani recipiunt Sacramenta, & quæ alias Ecclesias minores, vel Capellas, sub se habet, pro parochianorum vicinorum commoditate, ut ibidem commodius sacra audiant, & non teneantur semper, ex loco distantiori, venire ad matricem Ecclesiam. Proprie Ecclesia Matrix vocatur Ecclesia Cathedralis, seu Episcopalis, in qua Episcopus, cum suo Collegio seu Capitulo, Cathedram seu Sedem habet. Nam, & Episcopo cura incumbit animarum, per totam diœcesin, & adeo magis, quam ipsi Parocho.

Ecclesia Collegiata, constituitur ex Collegio Canonicorum, id est hominum Ecclesiasticorum, instar Regularium, certis statutis, canonibus seu regulis, viventium, idq; numero plerunq; certo, quandoq; etiam incerto. Illam, vocant Ecclesiam *Numeratam*, hanc, *Non-numeratam*, vel *Receptivam*, in qua, secundum fructuum excrecentiam, Canonici, aut alii Beneficiati, crescunt, vel decrescunt.

Notandum, *Canonicatus seu Beneficia in Ecclesia Non-numerata nunquam posse dici vacare*: sed, quemadmodum *Canonicis assumptis* jus quoddam nascitur, ita, iisdem decedentibus, mox desinit, & cessat beneficium. Vnde neque devolutio ad Superiorem, ex causa negligentiae, intra semestre beneficio non providentis, neque etiam reservatio de beneficiis vacaturis, hic locum habere potest.

Vt evitetur confusio jurisdictionum inter Episcopos & alios Presbyteros, & ne alter alterius jurisdictionem invadat, veluti alienum Parochianum ordinando, vel judicando &c. cum extra territorium jus dicere non liceat, Parochias suis limitibus distinctas esse oportet.

De jure veteri Canonico, c. pen. Extra h. t. *Parochianus tenetur Dominicis & Festivis diebus suam frequentare Parochiam, & ibidem rem divinam audire; sed ea necessitas, consuetudine est sublata.*

Titulus 7.

De Canonizatione.

Sancti dicuntur, qui vitae sanctitate, & miraculis editis excelluerunt. Non omnes tamen, qui miracula faciunt, sunt venerandi, quia quandoque etiam per malos miracula fieri possunt, c. 56. *teneamus, l. q. 1.* sed ii tantum, qui auctoritate approbati, & in numerum Sanctorum relati, vel canonizati sunt.

Canonizare, est canonice & regulariter statuere, ut aliquis Sanctus honoretur pro sancto: puta, ut solenne officium pro eo fiat, sicut fit pro aliis Sanctis, qui ejusdem conditionis sunt; ut, si canonizetur Confessor, fiat pro eo officium Confessorum; si Martyr, officium Martyrum.

Fit Canonizatio, inquisitione prius facta, in canonizandi vitam, mores, res gestas, & miracula in vita, & post mortem edita.

In Miraculis quatuor sunt necessaria: 1. Ut a Deo, non ex arte quadam, procedant. 2. Ut sint contra naturam. 3. Ut non ex vi verborum, sed ex pietate hominis, contingant. 4. Ut fiant ad confirmationem fidei.

Canonizatione facta, Sanctorum festivitates celebrantur, & in earum festivitatum vigiliis jejunatur.

Titulus 8.

De Jejunio.

J*ejunium, est parsimonia victus, & ciborum abstinentia.*

Jejunium, est vel Generale, vel Consuetudinarium, vel Votivum, vel Peenale.

Jejunium Generale est, quod, certis ab Ecclesia institutis diebus, omnibus hominibus, nisi cum ipsis ex justa causa dispensetur, ex necessitate est observandum. Tale est Quadragesima: Jejunium Quatuor temporum anni, videlicet in Martio, hebdomade prima; in Junio, secunda; in Septembri, tertia; in Decembri, quarta. Amplius, Jejunium in quarta & sexta feria, ab initio noctis, usque in diem sequentem, scilicet in quartam & sextam feriam: Jejunium in vigiliis Apostolorum, Adventu Domini, & Vigiliis Sanctorum, sive festorum dierum vespere, quæ sic dicuntur, quia olim Christiani, in orationibus, ob majorem diei festi solennitatem, pernoctabant.

Qui annum ætatis vigesimum nec dum attigerunt, sexagesimum vero excessere, excusantur a jejunio,

junis. Non subiacet quoque legi paupertas, aut debilitas ex morbo.

Jejunium Consuetudinarium est, quod non generaliter observandum, sed tantum certis in locis, & certis in Ecclesiis, secundum earum consuetudinem, uti in vigilia Bartholomæi Apostoli, c. *consilium* 2. §. *de festivitate, de observat. jejun.*

Jejunium Votivum est, cum quis non propter Ecclesiæ præceptum, sed suum votum, jejunare tenetur.

Jejunium Pœnitentiale est, quod Confessis, a Canone vel Sacerdote imponitur.

Jejunium Voluntarium est, cum quis, ut se ad opera spiritualia reddat aptiorem, sponte sua jejunat.

Ratio jejunandi, a Pontificibus hæc præscripta est, ut vel semel tantum indie cibus sumatur, sive mane, sive vesperi, uti in Quadragesima, & Quatuor temporibus; vel, ut a cibis lautioribus, uti carne, vino, abstinenceatur, & aridiores tantum adhibeantur.

Titulus 9.

De Præbendis & Dignitatibus.

P*ræbenda*, est jus percipiendi redditus Ecclesiasticos, ratione divini officii, cui quis insistit. Seu, est Canonica portio, quæ de communi bonorum proventuumq; Ecclesiasticorum massa sumitur, & præbetur singulis, pro sua cuiq; portione.

Differt Præbenda a Canonica, quod Canonica est titulus ipsius beneficii, & quoddam jus spirituale, ac proinde in commercium non cadit: Præbenda vero, in abstracto considerata, temporale quid significat.

Potest igitur Præbenda conferri sine Canonatu, &, *vice versa*, Canonatus sine Præbenda, cum expectantia tamen proxime vacantis: atque Canonici,

quibus quidem competit stallum in choro, & vox in Capitulo, antequam præbendam consequuntur, sive de communibus redditibus, fructibus ac juribus canonicalibus participant, *Canonici Honorarii*, itemque *Canonici in Herbis*; qui vero præbendati sunt, *Canonici in Floribus* appellantur.

Introductus est Præbende usus, ut, qui in Ecclesia debitum servitium præstat, ab eadem Ecclesia, pro dignitate & officio, sufficienter sustentetur. Qui enim altari servit, de altari vivere debet.

Is, cui Præbenda data, aliquando in dignitate esse dicitur. Est autem *Dignitas*, quæ & alio nomine *Personatus* vocatur, prærogativa personæ Ecclesiasticæ, qua præditi, Prælati appellantur, & habent jurisdictionem Ecclesiasticam; ut Archiepiscopatus, Episcopatus, Archidiaconatus, Archipresbyteratus, Abbatia, Prioratus.

Præbenda, tribus modis erigitur: *Fundatione*, cum de novo fundatur; *Restitutione*, cum beneficium extinctum in pristinum statum restituitur: *Immutatione*, cum forma beneficii, & qualitas immutatur: uti, si Abbatia fiat Episcopatus, Episcopatus fiat Archiepiscopatus.

Erigere Beneficia possunt, Summus Pontifex, Episcopus, Capitulum, Privatus.

Summus Pontifex, solus erigit beneficia majora, uti Episcopatus, Archiepiscopatus, & similia: idem, in Ecclesiis collegiatis, novas & inusitatas dignitates ponit, ex regularibus beneficiis secularia facit, Canonicatum supernumerarium creat.

Episcopus, in sua diœcesi, omnia minora beneficia, Capituli sui consilio adhibito, creat, ex seculari regula-

gulare facit; non tamen contra, nisi Papæ autoritas accedat.

Capitulum, tantum præbendam in specie dictam, creat, & suppressam dignitatem restaurat.

Privatus, beneficium erigit, non per se, sed Episcopi autoritate accedente: ea si deficiat, privata oratoria construit, & dotat.

Beneficia Ecclesiastica varie dividuntur: nempe, in Secularia, & Regularia, Curata, & non Curata, Manualia, & non-Manualia, Patrimonialia, & non-Patrimonialia; sunt item quædam Consistorialia, de Mensa, nec non de Pertica, ac Monocula.

Beneficia Secularia sunt, quæ Clericis Secularibus, id est nullam religionem professis, conferri solent: uti sunt, Præposituræ, Decanatus, Canonicatus, Capellania in Ecclesia seculari. *Notandum* vero, Beneficium omne præsumiulare, nisi contrarium probetur.

Beneficia Regularia sunt, quæ per Regulares, seu Religiosos, regi consueverunt: idque vel ex institutione Ordinarii seu Superioris, vel ex fundatione, vel ex consuetudine, & præscriptione 40. aut plurium annorum; uti sunt Abbatia, Prioratus.

Beneficia Curata sunt, quibus incumbit cura & regimen animarum, cum potestate ligandi & solvendi in foro pœnitentiali.

Beneficia Manualia sunt, quæ ad nutum conferentis, seu Superioris, vel certo modo sunt revocabilia, occurrente nimirum legitima causa. *Non-Manualia*, revocari nequeunt.

Beneficia Patrimonialia sunt, quæ conferri non possunt, nisi Clericis patriæ, sive loci, vel parochiæ alicujus, originariis. *Non-Patrimonialia* sunt, quæ

quibus quidem competere
in Capitulo, antequam
sive de communibus
canonicalibus partibus
itemque Canonici
sunt, Canonici;

Introductum
debitum sermone in tali
dignitate & rationem.
altari sermone critica est, quod secundum

Is, ut quando beneficium pingue, cum te
dicuntur; ut quando beneficium pingue, cum te
per macilentum, nulliusque fere momenti, adeoque
per non beneficio, ficto & imaginarie permutatur.

Beneficium Monoculum est, quod Prælati, seu Col-
lator, unicum tantum habet conferendum.

Beneficii Ecclesiastici nomine veniunt interdum
præstimonium, seu portiones Præstimoniales, quæ sunt
fructus, census, seu emolumenta, quæ detrahuntur
a beneficio, & seorsim dantur personæ alicui Eccle-
siasticæ, sine Ecclesia.

Inter Beneficia Ecclesiastica, referunt aliqui etiam
Coadjutoriam, quia Coadjutor etiam vocatur Præla-
tus: isque plenam habet curam animarum, simulque ple-
nam & liberam administrationem, non tantum in
temporalibus, sed & in spiritualibus, proindeque be-
neficia Ecclesiastica conferre, & beneficiorum resi-
gnationes admittere potest.

Titulus 10.

De Commendis.

Commenda duplex est, una Ecclesiæ, altera Mi-
litiæ Sacræ. *Commenda Ecclesiæ*, est Ecclesiæ
ali-

alicujus, ob evidente

impus commissa

Commenda Mil

, propt

Magist

O

& po

etiam don

reservatio juris a

Vt Ordinis autoritas com

Domibus sive Prædiis ad Ordine

bus, quosdam præficere, qui Præcep

ger / item Commendatores, Commen

cantur.

Sunt inter Commendatores varii gradus hon

hoc ordine: Qui in Ordinem assumitur, vocat

Novitius, eique unus equus cum famulo assignatur.

Postmodum fit *Conventualis*; dehinc *Kuchenmeister*;

porro *Baumeister* / qui res tam domi quam ruri

curat; deinde *Überreiter* / qui est constitutus super

census & feuda, sive bona censitica. Vltiores ho-

nores sunt, *der Trappierer* / qui curat rem domesti-

cam, damit in Kuchen und Keller alle Nothdurfft

vorhanden sey. *Der Haus-Commenthur* / qui cu-

rat jurisdictionalia, audit causas rusticorum, mino-

res decedit, majores vero remittit. *Commenthur*

simplex: is gaudet Commenda prout potest, adhibi-

to decenti moderamine: Dann er muß Rechnung

leisten / hat sein gewisses Deputat, und Regalia, und

so dessen Commenda weitläufig / hat er einen Haus-

Commenthur oder *Trappierer* pro Assistente. Se-

quitur *Commenthur-Consiliarius*, *Rathsgebietiger*.

Horum

vacantis assignatio gratuita,

qui jus conferendi habet.

untur pactiones Simonia-

eneficia Simplicia, sive,

ersonatus, ipsaq; col-

beneficio. Per Ele-

eclesiastica, in qui-

matione.

-Libera.

andi potestatem

vel præsentat-

Non-Libe-

re ei co-

s nomi-

nt Re-

796

Horum regulam
quam Provis
dem est in
Commenda
in ratione
et electio

quibuslibet aliis, sive ex patria, sive aliunde oriundis, recte conferuntur.

Beneficia Consistorialia sunt, de quibus Papa in suo Consistorio, cum interventu Cardinalium, providere solet.

Beneficium de Mensa est, quod perpetuo incorporatum est mensæ Episcopali, sive Abbatiali: atq; hoc, nunquam vacare dicitur, nec in tali beneficio datur negligentia quoad provisionem.

Beneficium de Pertica est, quod secundum consuetudinem, ad effectum permutationis faciendæ, fingi solet; ut quando beneficium pingue, cum tenui ac macilento, nulliusq; fere momenti, adeoque cum non beneficio, fictæ & imaginariæ permutatur.

Beneficium Monoculum est, quod Prælati, seu Collator, unicum tantum habet conferendum.

Beneficii Ecclesiastici nomine veniunt interdum *Præstima*, seu portiones Præstimoniales, quæ sunt fructus, census, seu emolumenta, quæ detrahuntur a beneficio, & seorsim dantur personæ alicui Ecclesiasticæ, sine Ecclesia.

Inter Beneficia Ecclesiastica, referunt aliqui etiam *Coadjutoriam*, quia Coadjutor etiam vocatur Prælati: isq; plenam habet curam animarum, simulq; plenam & liberam administrationem, non tantum in temporalibus, sed & in spiritualibus, proindeq; beneficia Ecclesiastica conferre, & beneficiorum resignationes admittere potest.

Titulus 10.

De Commendis.

Commenda duplex est, una Ecclesiæ, altera Militiæ Sacræ. *Commenda Ecclesiæ*, est Ecclesiæ ali-

alicujus, ob evidentem necessitatem & utilitatem, ad tempus commissa custodia.

Commenda Militiæ Sacræ est, cum Militi sacro & emerito, propter exantlatos labores, & pericula in militia, Magister Ordinis beneficium confert.

Magister Ordinis, velut Rector & Princeps quidam militiæ Sacræ, exercet omne imperium, jurisdictionem, & potestatem, non tantum in milites sacros, sed etiam domos, & prædia sibi subjecta; nisi obstet reservatio juris a Domino territorii.

Vt Ordinis autoritas conservetur, solet Magister Domibus sive Prædiis ad Ordinem suum pertinentibus, quosdam præficere, qui *Præceptores*, *Gebietiger* / item *Commendatores*, *Commenthurer* / vocantur.

Sunt inter Commendatores varii gradus honorum, hoc ordine: Qui in Ordinem assumitur, vocatur *Novitius*, eique unus equus cum famulo assignatur. Postmodum fit *Conventualis*; dehinc *Kuchenmeister*; porro *Baumeister* / qui res tam domi quam ruri curat; deinde *Überreiter* / qui est constitutus super census & feuda, sive bona censitica. Ulteriores honores sunt, *der Trappierer* / qui curat rem domesticam, damit in Kuchen und Keller alle Nothdurfft vorhanden sey. *Der Haus-Commenthur* / qui curat jurisdictionalia, audit causas rusticorum, minores decedit, majores vero remittit. *Commenthur simplex*: is gaudet Commenda prout potest, adhibito decenti moderamine: Dann er muß Rechnung leisten / hat sein gewisses Deputat, und Regalia, und so dessen Commenda weitläufig / hat er einen Haus-Commenthur oder Trappierer pro Assistente. Sequitur *Commenthur Consiliarius*, *Rathsgebietiger*.
Horum

Horum regulariter sex esse solent, qui tam Magistro, quam Provinciali, in arduis consiliis assistunt. Tandem est *der Land-Commenthur*: is curat omnes Commendas ejus Provincie, cui præest, visitat illas, in rationes inquit, est quoque Capitularis, sive unus ex electoribus Magistri.

Milites Sacri, referuntur inter Personas Ecclesiasticas: sunt enim capaces juris spiritualis, percipiunt decimas, profitentur castitatem, paupertatem, & obedientiam; quæ tria sunt substantialia Regularis religionis: tenentur officium dicere, & matrimonium absq; consensu Magistri contrahere prohibentur; denique, quicquid iis relinquitur, piæ causæ relictum dicitur.

Titulus II.

De Collationibus.

Beneficium aliquod vacat tribus modis: Vel enim vacat de Jure & de facto; vel, de jure tantum, vel, de facto tantum.

De jure & de facto vacat beneficium, beneficiati morte, renunciatione, & degradatione. *De jure tantum vacat*, electione ad Episcopatum, & confirmatione ejus, qui Episcopatum habebat; acquisitione beneficii, curam vel dignitatem annexam habentis; negligentia, intra annum Sacerdotales Ordines accipiendi, ab eo, cui Parochialis Ecclesia commissa; Simonia, hæresi. *De Facto tantum vacat*, Spoliatione; sed tum beneficium spoliato debet restitui, non in alium conferri.

Beneficium duobus modis acquiritur: Collatione, & Electione: unde & Beneficiorum Ecclesiasticorum, alia dicuntur Collectiva, alia Electiva.

Collatio, est beneficii vacantis adsignatio gratuita, facta alicui Clerico ab eo, qui jus conferendi habet. Dicitur gratuita, ut excludantur pactiones Simoniacæ. Conferuntur autem Beneficia Simplicia, sive, quæ non sunt dignitates, aut personatus, ipsaq; collatione tribuitur plenum jus in beneficio. Per Electionem mandantur Dignitates Ecclesiasticæ, in quibus, post electionem, opus est confirmatione.

Collatio duplex est, Libera, & Non-Libera.

Libera est, in qua is, qui conferendi potestatem habet, omnino liber est, non alligatus vel præsentationi, vel ulli nominationi ab alio factæ. *Non-Libera*, qua is, qui jus conferendi habet, conferre ei cogitur, quem Patronus præsentaverit, vel alius nominaverit. Ejusmodi præsentandi jus sæpe habent Reges, Principes, & Universitates studiorum.

Conferendi Beneficia jus habet Summus Pontifex, qui, in Beneficiis Ecclesiasticis, quæ Christi, cujus ipse Vicarius est, patrimonium appellantur, plenam habet potestatem, etsi ea regulariter non utitur. Habent porro idem jus, alii ordinarii collatores, idq; varie, pro alia atque alia in singulis Ecclesiis consuetudine. Quædam enim a solis Prælatiis, quædam a Capitulis, quædam etiam a singulis Canonicis, in turno existentibus, conferuntur.

Collatio Beneficii Ecclesiastici, quia juris est spiritualis, ideo nullo modo laicis competit, nihilo secius jus quoddam conferendi, jam olim exercuerunt Reges & Principes quidam, ac etiamnum exercent, simplici nudoq; jure præsentandi, Patronis omnibus communi, non contenti.

Beneficia conferenda sunt Clericis, ordine, ætate, sapientia, vitæ morumq; probitate idoneis, qui vo-
lunt

lunt & valent, Deo ac Ecclesiæ gratum impendere famulitium, siue nobiles sint, siue ignobiles, modo non minores 17. annis deprehendantur.

Ei, qui dignitatem, vel personatum, vel curam animarum habet, non potest alia dignitas, personatus, vel cura conferri, neque in eadem, neque etiam in diversis Ecclesiis: adeo, ut beneficium non-simplex obtinens, per receptionem alterius similiter non simplicis, ipso jure amittat primum, altero etiam spoliandus, si primum retinere voluerit. In his tamen dispensare solet Papa, cum sublimibus & literatis personis.

Sed nec plura beneficia Simplicia, quia & hæc residentiam requirunt personarum, unus idemq; , citra dispensationem, secundum canones, tenere debebat; aliud tamen passim consuetudine est introductum.

Conferri debent Beneficia, intra sex menses, ab eo tempore, quo vacare cœperunt. Beneficia tamen, quæ in Curia Romana vacant, solus Pontifex, intra mensem a die vacationis, conferre debet; quod si facere distulerit, Ordinarius conferendi potestatem habet.

In Curia Romana vacare intelliguntur ea beneficia, quæ, Sedi Apostolicæ reservantur: uti sunt eorum, qui ratione officii, vel ex causa legitima, in Curia Romana morantes, ibi, vel in locis vicinis, aut a Curia ad negotia Sedis Apostolicæ curanda emissi, moriuntur: qui ad Curiam Romanam accedentes, vel ab ea recedentes, in loco, ubi Curia residet, aut in locis, a Curia itinere duorum dierum non remotioribus, decedunt, aliiq;.

Clericus egrotans, vel debilitatus, non est privandus fructibus, aut beneficii distributionibus quotidianis,

nis, quæ illi cedunt, perinde ac si sanus esset, & residens in Ecclesia. Quia, ceu ait Summus Pontifex, *c. pen. de cler. ægrot. & debilit.* afflicto afflictio non est addenda, sed potius ipsius miseriæ miserendum.

Reſtori Ecclesiæ, lepra, aut morbo incurabili alio laboranti, dandus est Coadjutor, qui vices ejus suppleat, alendus ex fructibus beneficii ægrotantis, si sit opulentum; sin minus, ab Ecclesia, cui servit.

Provisio, de Beneficio necdum vacante, non valet, quia continet votum mortis alterius, & est ipso jure nulla. Proinde, qui se patitur in beneficium viventis institui, jubetur deponi, id est, ordinibus, quibus est initiatus, deponi.

Titulus 12.

De Institutionibus.

VOcabulum Institutionis sumitur vel late, vel stricte.

Late accepta Institutio, est receptio ad beneficium Ecclesiasticum, juxta præscriptum sacrorum canonum.

Stricte accepta Institutio, est collatio vel translatio juris Ecclesiastici non libera, a Superiore ad præsentationem Patroni facta. *Dicitur non-libera*, quia Superior, velit nolit, tenetur jus illud conferre in præsentatum, quando idoneus deprehenditur.

Titulus 13.

De Jure Patronatus.

Jus Patronatus, est jus quoddam ecclesiasticum, spirituali annexum, præsentandi Clericum, seu ministrum Ecclesiæ, ad beneficium vacans.

Com-

Competit jus Patronatus illis, qui vel fundarunt, vel construxerunt, vel dotarunt Ecclesiam, sive ipsi hoc fecerunt, sive alii, a quibus causam habent. Atque competit hoc jus, non tantum Clericis & Monasteriis, sed interdum etiam Laicis, & adeo fœminis.

Concessum est Jus Patronatus Laicis, ex benignitate quadam Canonica, in vicem cujusdam remunerationis, ut hac ratione magis excitentur, ad fundandas & dotandas Ecclesias, cultumque religionis promovendum. Hinc Patrono Laico, honor & primus locus in confesso vel processu debetur, inter Clericos ejusdem Ecclesiæ, eique, si ad inopiam redigatur, succurritur ab Ecclesia, quam fundavit.

Fieri debet presentatio, a Laico Patrono, intra menses quatuor, ab Ecclesiastico, intra menses sex, licet jus Patronatus a Laico acquisiverit.

Patronus Ecclesiasticus, præsentando aliquem idoneum, non potest intra semestre postea alium præsentare: Laicus vero, uno aliquo etiam idoneo præsentato, potest adhuc, intra quadrimestre, præsentare alium tertium, & sic porro.

Legatus a Latere, Ecclesias & beneficia, quæ Patronos habent Ecclesiasticos, conferre potest, sine consensu Patroni Ecclesiastici: sed beneficia, quæ ad Patronos Laicos pertinent, non item; quia hi jurisdictioni Legati non subsunt.

Patronus, etiam Ecclesiasticus, seipsum præsentare non potest, quamvis sit idoneus: nemo enim se ingerere debet ministeriis ecclesiasticis; aut quicquam sibi donare potest; cum inter accipientem & donantem, personalis exigatur distinctio.

Si plures ejusdem Ecclesiæ vel beneficii sint Patroni, jus Patronatus spectat ad eos ut singulos; veluti

si Pa-

si Patronus, qui fundavit, vel dotavit, plures reliquerit liberos, vel heredes, transibit jus illud in solidum, & singuli separatim præsentare poterunt, aliis non vocatis, vel requisitis. Est enim jus Patronatus jus individuum; quale etiam jure civili sunt servitutes. *Quod si inter heredes non conveniat, & alii hunc, alii illum præsentent; interponet partes suas Episcopus, ad scandalum evitandum. Quippe dum, propter Patronorum discordiam, Ecclesia administratore caret; cessatur in ea a divinis, tolluntur reliquæ, & ostia clauduntur.*

Facta Præsentatione, institutio debet subsequi; etsi ejus tempus legibus non est definitum, sed arbitrio Judicis relinquitur.

An præsentatus sit idoneus, Episcopi est examinare. Excipiuntur tamen præsentati ab Vniversitatibus, seu Collegiis generalium studiorum, qui non sunt examinandi.

Amittitur jus Patronatus 1. si Patronus Rectorem Ecclesiæ, vel alium Clericum ejusdem Ecclesiæ, per se, vel per alios, occidere vel mutilare præsumserit; & hoc casu cedit jus Patronatus ei Ecclesiæ, cui injuria illata. 2. Confiscatione bonorum ex causa hæreseos, vel læsæ majestatis, vel ob crimen aliud; quo casu jus Patronatus transit in Fiscum. 3. Emens aut vendens jus Patronatus, eo excidit, fitque Ecclesia sic libera.

Notandum ergo, *per se non vendi posse jus Patronatus*: foret enim hoc Simonia, & daretur temporale pro spirituali, vel quod spirituali annexum est. Interim, cum ipsa rerum universitate, veluti si villa aliqua vendatur, vel in emphyteusin detur, cui jus Patronatus adhæret, etiam

jus patronatus ad emptorem transit, nisi nominatim in contractu fiat exceptio.

Titulus 14.

De Censibus, Exactionibus, & Procurationibus.

C*ensus*, generali notione, significat, quicquid annuatim penditur: sed hoc loco *stricte* notat onus reale, ipsi Ecclesiæ impositum, sive in pecunia numerata, sive in alia qualibet re subsistat. Vel, est annuus canon, qui ex proventibus Ecclesiæ, vel Monasterii, aliorumve piorum locorum, debetur: solviturq; aut Superioribus, uti Episcopo, in signum subjectionis; aut etiam Inferioribus, uti Patronis, sive Clericis, sive Laicis, ob protectionem.

Census debet esse moderatus, nec tertiam partem reddituum excedere: quin, nec augere illum, nec novum Ecclesiis imponere licet.

Exactio, est gravamen, quod extra ordinem, ratione personæ, facultatum, negotii, vel alterius cujusdam rei gratia, ex justa causa, imponitur. Nempe, permissum est Episcopo, si subsidio aliquo opus sit, postulare a subditis moderatum cum charitate auxilium; quod ideo *charitativum subsidium* appellatur.

Procuraciones, sunt expensæ necessariæ, quas Ecclesia, vel Monasterium suppeditare debet illi Prælato, cui ex officio incumbit visitare Ecclesiam, vel Monasterium; sive sit Episcopus, sive Archidiaconus, sive Decanus, sive etiam Legatus Summi Pontificis. Non debentur vero, nisi cum ipsi Prælati visitant, minime autem, cum alios substituunt.

Tenetur qualibet Ecclesia, vel Monasterium, visitationem admittere, & solvere procuraciones, nisi speciale privilegium exemptionis a Papa indultum alleget: non obstante, quod Ecclesia aliqua diu stetit, nec unquam procuraciones visitanti exhibuit. Quin, nulla præscriptione hæ tolli possunt: penduntur enim in testimonium subjectionis & obedientiæ, quam contra Prælatum subditus nequit præscribere.

Procuraciones debent esse moderatæ, habita personæ visitantis, opum ejus qui visitatur, & consuetudinis ratione.

Si Ecclesia visitata procurationi solvenda sola non sufficiat, vicinarum Ecclesiarum suppetiis, pro cujusq; Ecclesiæ redditibus, utetur.

Titulus 15.

De Testamentis, & Canonica portione.

T*estamentum Jure Canonico valet, quod factum coram duobus vel tribus testibus, & Parochorum quamvis non fiat principaliter ad pias causas, & laicus heres instituatur. Sed, attendendum, num hoc genus testamenti moribus receptum sit.*

Filius, gravatus Fideicommissio, detrahit & legitimam, ut debitum naturale, & insuper Trebellianicam, pro præmio aditionis, quod c. 16. & 18. de Testam. Pontifex sic definivit: atque idem de jure civili quoque valere, receptior sententia est.

Testamentum facere possunt omnes, qui non prohibentur. Atque, Clerici recte testantur de bonis patrimonialibus, & quasi-patrimonialibus, item de bonis, quæ sua industria acquisiverunt, quæq;, parcius

do, ex proventibus sui beneficii, congruæ sustentationi subtraxerunt. At, de bonis intuitu Ecclesiæ suæ, cui serviunt, acquisitis, uti de fructibus suorum beneficiorum, testamentum facere non debent; siue bona hæc sint mobilia, siue immobilia. Bona enim, intuitu Ecclesiæ a Clericis acquisita, post mortem illorum, ipso jure Ecclesiæ cedunt, in ejusdem dominio mansura. Vnde, ne quidem ad pias causas Clerici de his fructibus testari valent, etsi de iisdem donare inter vivos pauperibus, & convertere in pios usus possunt, quantum collibitum. Nihilo secius passim recepta est consuetudo, ut Clerici de fructibus beneficiorum suorum libere testentur, etiam ad usus profanos; quod valere dicendum est. Quia enim prohibitio e mero jure positivo proficiscitur, ideo contrario jure positivo, & contraria consuetudine, tolli potuit.

Executio testamenti, ab Executoribus, iisque vel heredibus ipsis, vel per testatorem datis, vel per judicem aut magistratum constitutis, fieri debet: idque intra tempus a testatore definitum, numerandum a die aditæ hereditatis, vel, nullo tempore definito, intra anni spatium. Quo elapso, jus exequendi devolvitur ad Episcopum.

Si ab intestato decedat Clericus, bona patrimonialia deferuntur cognatis, secundum legitimæ successioneis ordinem, jure civili definitum; in quo jus Canonicum nihil immutavit.

Si defunctus Clericus nullos habeat Cognatos, vel Agnatos, bona ejus Ecclesiæ addicuntur.

Religiosis, qui votum paupertatis, obedientiæ, & castitatis professi sunt, quamvis Abbates fuerint, testa-

testamentum condere nefas est, quia qui monasterium ingrediuntur, se & sua Deo dedicant.

Canonica Portio est, quæ de relictis, & proventibus Ecclesiæ obvenientibus, detrahitur, & Prælati debetur: estq; vel Parochialis, vel Episcopalis.

Parochialis est, quæ Parochiali Ecclesiæ, vel ipsius Curato & Rectori debetur, detrahiturq; ex rebus si-ve corporalibus, si-ve incorporalibus, mobilibus, si-ve immobilibus, quæ quis ægritudine correptus, in alia Ecclesia, quam in qua divina officia audit, & Ecclesiastica percipit Sacramenta, sepulturam sibi diligens, huic reliquit. Estq; vel quarta pars ejus, quod relictum, vel tertia, vel dimidia; prout hanc legitima consuetudo definiuit.

Episcopalis, est quarta pars, quam Episcopus detrahit, de legatis pietatis causa relictis Ecclesiæ, in sua diœcesi sitæ. Hæc tamen portio non deducitur ex legatis relictis Ecclesiæ, pro ornamentis, cereis, fabrica & rebus similibus; quia favor divini cultus id prohibet.

Titulus 16.

De Decimis, Primitiis, & Oblationibus.

D*Ecimæ*, sunt decima vel quota pars honorum mobilium, seu jure quæsitum omnium, Ministris Ecclesiæ debita, & quotannis persolvenda. Dicitur *quota pars*: nec enim semper decima pars solvitur, sed interdum duodecima, vigesima, vel alia; tsi portio illa semper vocatur & habetur pro decima.

Decimas jure Divino Clericis deberi, communis est Canonistarum sententia. Rationem allegant,

quod ab ipso Deo decimæ sint institutæ, quas sibi is in signum universalis dominii reservaverit. Sed, Theologi, quibus Covarruvias *l. 1. Var. c. 17.* quoque accedit, Decimas, a temporibus Apostolorum, solo jure Ecclesiastico deberi, contendunt: tum, quia nullum de iis in lege Evangelica extat præceptum; tum, quia, si decimæ essent juris divini, contraria consuetudine tolli aut minui non potuissent.

Decimæ sunt vel Prædiales, vel Personales, vel Mixtæ: item vel Majores, vel Minores.

Prædiales decimæ sunt, quæ debentur ex fructibus prædiorum, arborum, pecorum, apum, columbarum, ex obventionibus molendinorum, rerumq; similium.

Personales decimæ sunt, quæ solvuntur de rebus, quas quis sua industria & opera acquisivit: veluti ex negotiatione, venatione, militia, aliave professione.

Mixtæ decimæ, sunt partim prædiales, partim personales, ut quæ ex fructibus pecorum, aliorumve animalium, veluti fœtu, lana, lacte colliguntur.

Majores decimæ sunt, quæ percipiuntur ex frumento, filigine, avena, hordeo, & rebus similibus. Dicuntur Majores, quia uberiores, magisq; certæ deprehenduntur.

Minores, sive parvæ decimæ sunt, quæ percipiuntur ex fructibus hortorum, agnellorum, porcellorum, & similibus: suntq; leviores, & minoris momenti.

Inter Decimas Prædiales, & Personales, hoc intercedit discriminis, quod prædiales decimæ solvendæ sunt integræ, non deductis expensis, quæ fieri solent in prædia colenda, in quærendos & colligendos fructus, ac quoque sine deductione censuum & tributorum.

torum. Personales vero decimæ non solvuntur, nisi deductis expensis, quæ negotiationis causa fiunt: In hac enim nihil censetur acquisitum, nisi quod superest, deductis expensis.

Personales decimæ, debentur Ecclesiæ Parochiali, in qua quis Ecclesiastica percipit, vel percipere debet Sacramenta, quamvis alibi lucrum sit factum.

Prædiales decimæ, debentur ei Ecclesiæ, in cujus territorio ipsa prædia sita sunt; nisi consuetudine aliud fuerit introductum.

Debentur Decimæ, Parochiæ immediate: verum, ea mediante, etiam Cathedrali, aut Collegiali Ecclesiæ deberi possunt: quæ proinde, licet Ecclesia sit principalior, decimas recipiens, haudquaquam tamen eas alio titulo recipit, quam Parochiæ.

Regulariter ad solvendas decimas tenentur omnes, nisi qui docere possunt, se ab illarum præstatione singulari privilegio esse liberos. Etiam Pagani & Judæi, quia onus rerum sunt, si ad illos hæc pervenerint, decimas præstare coguntur. Nec aliter res se habet de Clericis, si prædia, titulo patrimonii, aut non spirituali alio, possideant: imo nec de Monachis, nisi prædia suis manibus excolant.

Decimarum Personalium obligatio, plerisque in locis abiit in desuetudinem, ut & earum, quas Mixtas vocant. Ipsæ Prædiales quoque decimæ, alibi aut sublatae, aut saltem mutilatae deprehenduntur.

A præstatione Decimarum immunes sunt, qui privilegio Summi Pontificis muniti deprehenduntur: is enim, etsi universum jus decimarum abolere non potest, saltem quibusdam personis, immunitatem concedere non prohibetur. Nec minus consuetu-

do, præscriptio 40. annorum, & compositiones, ac transactiones, consensu Episcopi factæ, robur habent.

Laicis nullo modo permittitur, ut sive donatione, sive remissione, sive præscriptione, jus percipiendarum decimarum sibi vindicent. Etenim decimæ solvuntur propter ministerium Ecclesiasticum, & sunt jus spirituale; ac ideo in laicos non cadunt. *Excipiuntur*, quibus nominatim decimæ a Summo Pontifice, non vero ab Imperatore, aut Principe aliquo, fuere concessæ. *Amplius excipiuntur* decimæ, quæ olim, ante Concilium Lateranense, Laicis de Ecclesia bene meritis, in feudum aut beneficium concessæ fuerunt; quæ ideo vocantur *Decimatio antiqua*.

Decimæ Novales debentur ex agro, de novo ad culturam redacto, de quo non extat memoria, quod aliquando cultus fuerit, & qui ante culturam, vel modicum, vel nullum fructum adferebat. Atq; decimæ novales debentur de jure communi Ecclesiæ Paræciali, in cuius finibus exurgunt.

Primitiæ, sunt primi fructus agrorum & arborum, Deo, ut bonorum omnium largitori, vel ejus Ecclesiæ debiti, in ministrorum Ecclesiæ usum. Hujusmodi Primitiæ olim ter in anno offerebantur, nempe in Paschate, de frumento novo; in Pentecoste, de pane novo; & Mense Septembri, de vino novo.

Quantitas Primitiarum, olim definita non erat, sed magis ex voluntate & devotione pendebat offerentis, quam juris aliqua necessitate. Postea in consuetudinem & necessitatem ea res abiit, modusq; certus præscriptus est, puta, ut de centum vitulis, (& sic de aliis animalibus) unus, de cæteris fructibus, uti vino, frumento, non minor quam sexagesima, nec amplius quam quadragesima pars, offerretur; Pa-
rocho

rocho autem non amplius quam quartam partem exigere liceret.

Oblationes, sunt voluntariæ & spontaneæ præstationes, quæ de propriis & licitis rebus, ad altare, Deo & Ecclesiæ, a fidelibus, pro peccatis offeruntur. Numerantur Oblationes (ut & Decimæ ac Primitivæ) in solis Ecclesiarum bonis, ceduntq; vel Parocho, si fiant in Ecclesia Parochiali; aut aliis Sacerdotibus, qui pro populo orare tenentur: minime vero Laicis; nam, qui eas accipit laicus, aut eas tradit laico, raptor & sacrilegus judicatur.

Titulus 17.

De Rebus Ecclesiæ non alienandis.

CLerici, in bonis seu rebus Ecclesiæ, ex quibus fructus percipiunt, ratione beneficii sui, quæq; Ecclesiæ ipsius dominio continentur, præter administrationem, nihil juris sibi vindicare possunt: unde minime jus habent eas alienandi.

Per Alienationem, hoc loco intelligitur, actus omnis, quo vel rei dominium, vel jus aliquod reale transfertur, quod fit donando, vendendo, permutando, locando, ad longum tempus in emphyteusim, vel in feudum dando, pignori vel hypothecæ obligando.

Alienatio rei, quæ ad Ecclesiam pertinet, ipso jure est nulla, & tam qui alienavit rem Ecclesiæ, quam qui eam accipit, excommunicatur: ipseque alienans, & quilibet alius ejusdem Ecclesiæ Clericus, eam vindicare a quolibet possessore potest; quia singulorum Clericorum interest, ne quid rerum Ecclesiæ, cui inserviunt, pereat.

Certis casibus, res Ecclesie etiam immobiles licite alienantur, si nimirum iusta causa subsit, & solemnitates requisitæ adhibeantur.

Iustæ causæ, sunt, 1. Necessitas æris alieni, quod ex fructibus Ecclesiæ non potest dissolvi. 2. Pietas, uti si redimendi sint captivi, aut tempore caritatis annorum alendi pauperes. 3. Utilitas, uti si alienetur res, quæ magis oneri est, quam emolumento.

Solemnitates requisitæ sunt, ut alienatio fiat a Prelato, cum Capitulo, vel Clero, prius habito desuper tractatu, id est, re prius in deliberationem deducta, an eam expediat alienari, & cum consensu expresso ac subscriptione totius Capituli, vel majoris ejus partis.

Hæ solemnitates, si non observentur, alienatio est nullius momenti: & alienans officio privatur, ac damnum Ecclesiæ illatum restituere compellitur. Recipiens rem, cum omnibus fructibus perceptis, restituit, pretium non recipit; regressum tamen adversus alienantem habet.

Res, quæ servari non possunt, sine ullis solemnitatibus alienantur. Quæ servari quidem possunt, sed sunt exiguæ, eas solus Episcopus, sine Cleri consensu, alienat.

Titulus 18.

De Precariis.

P*recarie, sunt contractus, quo veluti precarius ususfructus prædii Ecclesiastici, alicui ad vitam, vel in perpetuum, aut ad longum tempus, vel gratuito, vel certa mercede numerata, conceditur, ea lege, ut de quinquennio in quinquennium renovetur, in perpetuam rei memoriam.*

Dis-

Differunt Precaria, a Precario, quod est contractus, quo alicujus rei usus cuiquam gratis conceditur, revocandus pro arbitrio ipsius concedentis: Precaria vero, non possunt ad arbitrium concedentis revocari.

LIBER IV.

Titulus I.

De Judiciis.

Judicium, est causæ apud judicem competentem legitima tractatio, & dijudicatio.

Judicium aliud est Ecclesiasticum, vel Seculare; aliud Civile, vel Criminale; aliud Ordinarium, vel Extraordinarium, seu Summarium.

Judicium Ecclesiasticum est, quod coram Judice Ecclesiastico, inter personas Ecclesiasticas, vel saltem contra personam Ecclesiasticam, (cum Actor sequatur forum Rei) aut de causa Ecclesiastica agitur.

Judicium Seculare est, quod coram judice Laico, inter personas seculares, de causa seculari exercetur.

Judicium Civile est, quo agitur vel in rem, vel in personam, civiliter, commodi privati gratia.

Judicium Criminale est, quod publicum commodum, & publicam vindictam respicit.

Judicium Ordinarium est, in quo omnia peragi debent, certo juris servato ordine, & sollemniter.

Judicium Extraordinarium, seu Summarium est, quando non in figura judicii, sed ex judicis officio, per modum inquisitionis, vel denunciationis, vel alias de plano, ex æquitate proceditur.

Judi-

Judicium constituunt Actor, Reus, & Judex. *Actor*, intentionem suam proponendo, agere dicitur in judicio. *Reus*, exceptiones suas opponendo, se tuetur & defendit. *Judex* inter Actorem & Reum sententia sua litem dirimit. Ipsæ disceptationes appellantur *Judicia*.

Titulus 2.

De Judice.

Judex, est persona, quæ jurisdictioni præest, ac populo, juxta legis præscriptum, lociq; consuetudinem, jus dicit.

Officium Judicis duplex est; Nobile, & Mercenarium.

Officium Nobile Judicis dicitur, quod per se stat, & imploratur, nec ulli actioni ex præscripto subservit. Veluti, dum sponte sua Judex, ne turbetur Respubl. inquit, & punit malefactores. Item, dum non sponte, sed ad petitionem, nobili suo officio, minorem ætate lapsum, aut Ecclesiam, per suos administratores aut procuratores ejus nomine contrahentes læsam, in integrum restituit.

Mercenarium Judicis officium dicitur, quod actioni propositæ subservit, ut scilicet instituta actio melius procedat, & exitum suum habere possit. Ita ex mercenario judicis officio pendet, ut jubeat judex reum satisfacere, judicatum solvi: item alieno nomine experiri judicio volentem, cogere, ut satisfaciat dominum ratum habiturum, quicquid ejus nomine in judicio egerit.

Judex, est vel Ordinarius, vel Extraordinarius, sive Delegatus.

Judex

Judex Ordinarius est, qui jure suo, vel Superioris beneficio, Jurisdictionem potest universaliter exercere: uti Episcopus, Archiepiscopus.

Judex Extraordinarius est, qui non jure suo, vel Superioris beneficio, sed, vel ex partium consensu, ut Arbiter, vel ex Superioris commissione, ut Delegatus, alicujus causæ judicialem cognitionem suscipit.

Delegare Judicem possunt, & Ordinarii, & Papæ Delegati; non Delegati Ordinariorum, nisi causarum universitas delegetur. Delegari quidam impediuntur Natura, quidam Lege, quidam Moribus.

Natura delegari impediuntur, surdi, muti, perpetuo furiosi, & minores 25. annis.

Lege delegari impediuntur, Senatu moti, & infames. Sunt autem infames, hæretici, fures, sacrilegi, capitalibus criminibus irretiti, sepulcrorum violatores, & qui se Episcopis opponunt, incestuosi, homicidæ, perjuri, raptores, malefici, venefici, adulteri, anathematizati, & omnes, quos Ecclesiasticæ & civiles leges infames pronunciant.

Moribus delegari impediuntur, forminæ, & servi; quia receptum, ne civilibus officiis fungantur.

Non tantum unus, sed & duo, tres, vel plures, ad eandem causam judices dari possunt; idq; vel simpliciter, vel clausula aliqua adjecta.

Si simpliciter facta sit delegatio, tum unus, vel aliqui ex ipsis, sine aliis, vel horum, quæ permittitur, subdelegatione, in delegatæ causæ cognitione, procedere & sententiam ferre non possunt; si fecerint, illa ipso jure erit nulla.

Si delegatio pluribus facta, cum clausula: *Si non omnes interesse potuerint*, reliqui nihilominus exequantur; vel, cum clausula: *Si ambo interesse nequiverint*.

quiverint, unus ex illis cognoscat: tum, si unus, vel plures interesse non possint, vel nolint, cæteris ad causæ cognitionem procedere licet.

Fieri potest delegatio, circa principium, medium, & finem causæ.

Debet delegatus *mandati formam*, si præscripta, sin minus, formam juris, diligenter servare.

Delegati jurisdictio expirat, Revocatione, Morte, Impedimento, temporis lapsu, contrario rescripto: Recusatione item, cum iudex datus, ab altero litigatorum, ob justam causam removeri postulatur: denique, cum sententia definitiva executioni mandata. Hanc autem non exequitur delegatus, sed ipse Iudex Ordinarius.

Titulus 3.

De in Jus vocando.

Circa *Judicium consideranda*, ejus Præparatoria, Principium, Medium, & Finis.

Præparatoria Judicii futuri sunt: In jus vocatio, Libelli oblatio, Reconventio, seu mutua petitio.

In jus vocatio, seu Citatio, est actus judicialis, seu judicii præparatorius, quo is, quem coram sisti opus est, iudicis mandato legitime vocatur, juris experiundi gratia. *Partes ejus tres sunt*: Præceptio iudicis, Verbalis citatio, quam Nuncius exequitur; & ejusdem Nuncii Relatio; cui in hac re creditur, utpote jurato, & de suo officio testificanti, nisi contrarium probetur.

Citatio, est vel juris, cum Lex, vel Canon, certum dierum terminum, intra quem quis ad actum aliquem exercendum, se iudicio debeat sistere, statuit: *Vel est Hominis*, cum quis mandato iudicis in

jus vocatur. *Viraq;* est vel *Generalis*, qua, quicunq; sua interesse putaverit, negotio ut adsit, & in *jus* veniat, admonetur: vel *Specialis*, qua persona certa, & vocandi causa exprimitur.

Specialis citatio, est vel *Verbalis*, eaq; aut *Publica*, aut *Privata*; vel *Realis*.

Verbalis est, quæ fit verbo. *Publica*, quæ fit publice, affixis citationis literis, quam *Edictalem* vocant, aut per præconem, campanam, vel tubam. *Privata* est, cum quis privatim per nuncium, partem, vel Notarium, ad domum citatur. *Realis*, est personæ citandæ apprehensio.

Edictalis citatio, tum demum fieri potest, si quis alio modo citari nequeat; uti, si citandus per se, vel per alios efficiat, ne citatio possit ad se pervenire: si locus, ubi citari debet, non est tutus: si citentur omnes, quorum interest.

Fieri debet citatio in locis vicinis, hoc est, iis, quæ domicilio citandi ita propinqua sunt, ut verisimiliter citationis notitiam habere possit.

Fit citatio, jussu Judicis, per apparitorem, ad instantiam litigatoris, citra quam Judex neminem citare debet, nisi causa sit publica.

Citare possunt, sed non extra locum, ubi judicare tenentur, Judices Ordinarii, & Delegati; non tamen nisi per edictum, sine speciali concessione.

Citari debent omnes, quorum interest, quorumcunq; causa agitur, præsentem personaliter, absentes ad domum habitationis; personæ vero, quibus reverentia debetur, non, nisi venia prius impetrata, citari sunt, sub pœna quinquaginta aureorum.

Citatio facienda non modo in singulis causis, sed etiam in singulis causarum actibus; nisi ad totam causam,

fam, cum citandus in loco remoto degit, facta fuerit citatio.

Edictalis citatio continere debet 1. Nomen judicis citantis. 2. Nomen & cognomen ejus, qui citatur. 3. Illius, ad cujus petitionem fit. 4. Causam, propter quam fit citatio. 5. Locum judicii, si quidem judex fuerit Delegatus. 6. Diem & terminum comparendi.

Fieri debet citatio tribus Edictis, intervallo decem dierum discriminatis; vel uno peremptorio, tantum temporis, quantum tria Edicta, continente. Nec licet hoc tempus abbreviare, nisi ob justam causam, in citatione exprimendam.

Citatione legitime facta, reus in judicio debet comparere, non autem, si illegitime fuerit citatus. Sed nec ad legitimam citationem comparere tenetur spoliatus, nec restitutus; facto adversarii impeditus; ad majus tribunal vocatus; vinculis, aut infirmitate detentus; vel aliis similibus causis implicatus, quoad impedimentum cessat.

Citatio operatur praeventionem, perpetuat jurisdictionem, inducit litis pendentiam.

Lis pendere dicitur, postquam a Judice competente citatio emanavit; & ad partem citatam pervenit, vel per eam factum fuit, quo minus ad notitiam ejus pervenerit.

Titulus 4.

De Foro Competente.

VOcari Reus debet ad Judicem competentem: Actor enim sequi debet forum Rei.

Forum, est locus vel sedes, ubi lites & controversiae judiciales exercentur.

Forum

Forum Reus sortitur quinq; modis. Nimirum ratione Domicilii, Rei sitæ, Contractus, Delicti, & Privilegii. Hoc est: Ejus judicis jurisdictioni reus subest, in cuius territorio, vel domicilium habet; vel res, de qua controvertitur, sita est; vel in quo contraxit, licet alibi domicilium habeat; vel ubi deliquit. Ex privilegio vero, *Clericus* non nisi coram Judice Ecclesiastico conveniri potest.

Potest is, qui, extra domicilii locum, alibi ex aliis causis forum sortitur, *in loco domicilii* ab Actore conveniri: etsi enim quis est extra territorium sui Judicis, non tamen per id definit esse subditus suo Judici.

Domicilium quis habere dicitur, ubi larem, rerumq; ac fortunarum summam constituit; vel saltem, ubi majorem bonorum suorum partem possidet.

Potest quis renunciare foro, & prorogare jurisdictionem judicis non sui, etiam absq; consensu sui judicis; quia cuilibet licet renunciare favori suo, ergo & exceptioni declinatoriæ fori competentis. *Clericus* tamen non potest in se prorogare jurisdictionem judicis laici: quoniam hoc privilegium datum est Clericis, in favorem totius Ordinis clericalis, atq; sic publicum evasit, cui pacta privatorum derogare nequeunt.

Titulus 5.

De Pactis, Transactionibus, & Arbitris.

Quia fere semper litis eventus dubius est, solent litigantes, controversias privatas inter se componere per Pacta, & Transactiones, aut ad Arbitros declinare.

Pactum, est duorum, vel plurium, in idem placitum consensus, ad aliquid dandum, vel faciendum.

Ff f

Pacta

Pacta varie dividuntur. Præcipua, quæq; huc pertinet, divisio est: quod pacta alia sunt *Nuda*, quæ in puris placiti seu conventionis stant terminis, neq; causam aliquam habent obligandi, quippe nullo facto interveniente; itaq; jure civili non pariunt actionem. Alia Pacta non *Nuda*, sed *Vestita* sunt, quæ in specificum nomen contractus abeunt, ut Emptionis, Locationis, Pignoris &c. atq; hæc causam obligationis habent, & pariunt actionem, seu jus petendi validum, utroq; jure.

Licet Jure Canonico pacisci de dignitatibus, prælaturis, & omnibus beneficiis, tam curatis, quam non curatis; item, de rebus, quæ in commercio sunt, modo ex earum conventionem, nec periculum animæ, nec turpitudine, nec impossibilitas, nec Ecclesiæ damnum inferatur. Secus enim pacta non valent.

Transactio, est rei dubiæ, & litis incertiæ, neq; finitiæ, aliquo dato vel remisso, conventa decisio.

Super beneficio Ecclesiastico, vel alia re spirituali, transigere non licet. Cum enim transactio fiat aliquo dato vel accepto, si super beneficiis, vel aliis rebus spiritualibus, transigere liceret, incideret ea res in crimen Simonie: pro rebus enim spiritualibus, nec pretium, nec aliam rem pretio æstimabilem, dare vel accipere conceditur. *Licet tamen tale quid facere, ob redimendam vexam*: quia tum non illud agitur, ut numerato pretio, beneficium, vel alia res spiritualis, acquiratur, sed ut bonum jam acquiritum, ne litibus a potenti adversario vexemur, aliqua re data, illæsum retineamus.

Lis semel transactione finita, non potest amplius resuscitari, ne quidem sub prætextu novorum instrumentorum, post ab actore reperorum,

Arbitri sunt, qui, nullam potestatem in litigantes habentes, consensu litigantium, in iudices eliguntur, in quos compromittitur, ut eorum sententia stet.

Differunt Arbitrator & Judex, quod Judex habet auctoritatem judicandi publicam, quam jurisdictionem appellamus: sed Arbitrator, nullam habet jurisdictionem, utpote consensu privatorum assumptus, ad litem dirimendam; privati vero publicam auctoritatem, quam non habent, impertiri non possunt.

Inter *Arbitros & Arbitratores* verum discrimen non intercedit, & vulgo hæc vocabula promiscue usurpantur. Volunt tamen quidam, *Arbitrum* eum proprie esse, qui, tanquam vir bonus, inter aliquos sub pœna eligitur, ut finem sua sententia controversiis imponat. *Arbitratorem* eum dicunt, qui sine pœna ad hoc eligitur, ut totis animi viribus exploret jus controvertentium, & æqua compositione definiat. *Alii sic distinguunt*, quod *Arbitrator*, qui & Judex Compromissarius dicitur, ad instar iudicum, ordine iudiciario, auditis hinc inde partibus, procedat ad sententiam; *Arbitrator* vero, seu Amicabilis compositor, controversiam, prout æquum ei videtur, sine aliquo juris ordine definiat.

Arbitri eligi possunt, qui neq; legibus, neq; Canonibus prohibentur. *Prohibentur*, pupilli, minores 20. annis, muti, surdi, mulieres, & laici in rebus spiritualibus.

Possunt Arbitri eligi, vel unus, vel plures. Quod si plures adsumantur, satius est, impari numero eligi, ut, si dissensio oriatur, iudicio majoris partis arbitrium finiatur. Potest tamen in plures pari numero compromitti, verum non ita, ut, si convenire non possint, ipsi tertium eligant.

Arbitri assumi possunt in controversiis omnibus, nisi si quæ nominatim excipiuntur. Tales sunt beneficia Ecclesiastica, nisi id fiat auctoritate Superioris, itemque causæ matrimoniales, & exemptionis.

Quia Arbitri assumuntur, ut per eos lites tollantur, ideo coguntur dicere sententiam, atque cogit eos Prætor, ut officium, quod susceperunt, impleant. Standum autem sententia Arbitri, sive æqua ea sit, sive iniqua: quia sibi debet imputare, qui compromisit: unde sequitur, non licere a sententia Arbitri appellare.

Arbitrorum potestas finitur, morte omnium, vel alterius ipsorum; morte litigantium, aut alterius; lapsu temporis compromisso inserti, & prolatione sententiæ definitivæ.

Titulus 6.

De Postulando.

Quod si neque pactionibus, neque transactionibus, neque compromissis lis componi queat, Partes vel per se, vel per Patronum, *Judicem accedunt*, & desideria sua exponunt. quod dicitur postulare.

Est ergo Postulare, desiderium suum, vel amici sui, in jure, apud eum, qui jurisdictioni præest, exponere, vel alterius desiderio contradicere.

Postulare possunt omnes, qui aut Edicto, aut Lege, aut sententia Judicis, aut Canone non prohibentur.

Canone prohibentur postulare, Clerici Regulares, nisi pro utilitate Ecclesiæ, vel sui Monasterii, & præcepto Abbatis. Sic nec excommunicatis postulare licet.

Titulus 7.

De Procuratoribus, & Syndico.

Procurator est, qui aliena negotia, mandato Domini, aut Prælati, alteriusve Clerici, Domini vicem gerentis, administrat: atque alii ad negotia, alii ad lites, ut in judicio alieno nomine versentur, constituuntur.

Procuratores esse prohibentur, excommunicati, infames, si dentur clericis, non laicis; Monachi & Clerici, tam Regulares quam Seculares; & minores viginti quinque annis.

Constitui potest Procurator, tam in causa spirituali, quam civili, imo & criminali, si civiliter ad pœnam agatur, non criminaliter.

Constituatur Procurator, vel unus, vel plures, idque Domini consensu expresso, aut tacito, si nimirum Dominus præsens patiatur, aliquem rem suam agere in judicio, aut extra illud.

In judicio constituitur Procurator, cum Dominus mandatum actis insinuat, aut coram judice Procuratorem eligit. Extra judicium, coram Notario & Testibus, aut, si hi haberi non possint, literis, privato vel publico sigillo consignatis.

Mandatum Procuratorium continere debet nomen Judicis, coram quo litigatur, constituentis, constituti, & ejus, contra quem, in qua causa, & ad quid, puta, an ad agendum, an vero defendendum constituatur, & quod Dominus id, quod cum eo erit actum, ratum habeat, & potissimum, si a Reo detur, satisfactionem, qua Dominus, sub hypotheca rerum suarum, procuratoris fidejussorem, judicatum solvi, se constituit.

Procurator ad lites constitutus, alium substituere non potest, nisi litem sit contestatus, vel id mandato suo contineatur.

Procurator revocari ante litem contestatam semper potest; postea, cum jam dominus litis factus, non nisi volens, nisi iusta causa revocationem suadeat: quales sunt, si procurator sit suspectus, affinis, heres adversarii, aut valetudine, vel alia re impediatur.

Revocatio Judicii vel Adversario insinuari debet; alioqui, si hi eam ignorant, quæ gesta sunt, rata habentur.

Præter Revocationem, *expirat quoque potestas procuratoria*, sententia lata, nisi appellationem interposuerit, quam tamen invitus prosequi non tenetur. Amplius, *expirat morte constituentis*, etiam quoad negotia jam cœpta, vel causas, in quibus ante mortem fuerat lis contestata.

Syndicus a Procuratore differt: quod Procurator est persona privata, quodque a domino ac privato constituitur; Syndicus vero est persona publica, auctoritatem habens agendi vel defendendi causas in iudicio, ab universitate, collegio, vel corpore aliquo.

Titulus 8.

De Libelli oblatione.

SIve per se, five per Procuratorem compareat Reus, Actor, a Reo quid petat, coram Iudice exponere debet. Facere id potest, in causis summaris, & aliis nonnullis, verbo tantum, sine scriptura, per se, vel per Advocatum, factum & quæstionem proponendo; in plenariis causis, scriptura, quæ libellus dicitur, opus est.

Libellus est brevis scriptura, claram Actoris petitionem continens, & contra Reum concludens.

Libellus, est vel Conventionalis, seu Postulatorius, qui in negotiis Civilibus; vel Accusatorius, seu Querimonialis, qui in Criminalibus adhibetur.

Accusatorius libellus, sive crimen publicum persequatur, sive privatum; sive civiliter, sive criminaliter agatur, continere debet diem, & annum; nomen & cognomen accusantis & accusati, & iudicis, coram quo accusatio fit; crimen, & tempus, quo commissum fuit; cum inscriptione interdum.

Libellus Conventionalis eadem fere continere debet; nempe, non solum agentis & conventi nomen, sed & jus dicentis, & petitiæ rei, & actionis qualitatem, atque, si personali actione agatur, petendi causam.

His cautionibus opus est, tum Rei, tum Iudicis gratia. Rei, ut deliberare queat, num contendere, an cedere malit. Iudicis, ut sciat, qualiter debeat formare sententiam, quippe quæ secundum petitionis formam ferenda est.

Si libellus recte sit conceptus, & Reo oblatus, ubi is respondet, vel partem negat, partem autem defendendo confitetur, *lis censetur contestata*.

Titulus 9.

De Mutuis Petitionibus.

REUS conventus, si ei nulla suppetat exceptio, qua iudicium differat, potest Actorem, quem vel ratione rei, vel alicujus negotii, obligatum habet, vicissim apud eundem Iudicem reconvenire. Cujus enim in agendo quis observat arbitrium, eundem habere contra se iudicem, in eodem negotio, recusare non debet.

Reconventio. est mutua petitio, contra convenientem vel agentem, in eodem iudicio constituta.

Proponi debet Reconventio, libello comprehensa, ante litem contestatam, vel statim post, & deinde cum conventionis simultaneo processu, eodemq; iudiciorum ordine & figura procedere. Nempe, oblato libello Conventionis ex parte Actoris, & libello Reconventionis ex parte Rei, prius Reus ad libellum Actoris, deinde Actor ad libellum Rei respondebit, & sic deinceps utriusq; causæ singuli actus judiciales, vicissim ac simultanee, ad finem usque litis, decurrent, iudexq;, causa utrinq; cognita, si de utraq; pariter liquet, utramq; una eademq; sententia definiet.

Reconventio Actoris etiam coram iudice ali. re incompetente locum invenit: Veluti, Clericus, qui Reum convenit coram iudice laico, reconvenitur coram eodem iudice; quia reconventio tollit exceptionem incompetentiæ.

Reconventio locum habet in omnibus causis, iure non prohibitis, sive in rem, sive in personam agatur. Prohibetur autem in causis criminalibus, in causis spiritualibus coram laico; in causa spoliationis, depositi, momentaneæ possessionis.

Titulus 10.

De Litis contestatione.

L *Itis Contestatio*, est Rei, ad petitionem Actoris, vel contra, (ceu sit in reconventionem) Actoris, ad Rei petitionem, negando vel affirmando, responsio, animo litem contestandi. Proinde non necesse est, ut Reus respondendo dicat, se respondere animo litem contestandi; facere enim id præsumitur: nisi respondeat

deat cum protestatione, de non contestando; hæc enim protestatio impedit litis contestationem.

Nuda facti narratio, & responsio, in negando non consistens, non inducit litis contestationem.

Litem contestantur, vel ipsæ personæ principales, si habent personam standi in judicio; vel eorum nomine Procuratores, Tutores, Curatores, Syndici, Actores, Advocati. Idq; facere debent coram iudice competente, tempore ad agendum legitimo.

In omni causa iudicii ordinarii, necessaria est litis contestatio, & adeo de ejus substantia, ita ut sine ea iudicium ordinarium sit ipso jure nullum. In iudicio vero extraordinario & summario, hæc omitti potest, ut iudex, audita utrinq; facti narratione, judicet, quod æquum ei videbitur.

Litis contestationis effectus, alii sunt a parte Judicis, alii a parte Actoris, alii a parte Rei, alii Communes.

Effectus a parte Judicis sunt, quod litis contestatio jurisdictionem ipsi demandatam perpetuat; quod in præjudicium unius litigantis nihil innovare potest.

Effectus a parte Actoris sunt, quod litis contestatio actiones temporales perpetuat, quamlibet præscriptionem interrumpit, quod rem petitam litigiosam facit, quod actor libellum mutare nequit.

Effectus ex parte Rei sunt, quod res petita, post litis contestationem, Reo perit, puta, si fur sit, aut prædo; quod post eam possessores in mala fide constituentur.

Communis Effectus est, quod litis contestatio novationem inducit, quodq; ab ea iudicium incipit.

Lite non contestata, non procedi potest ad testium receptionem, aut sententiam definitivam. Etenim, lite non contestata, nihil adhuc extat in iudicio, super

quo testes produci possint; nihil adhuc petatum, de quo sententia queat ferri.

Si Reus, ter, vel semel peremptorie, citatus, non compareat, atque ita impediatur contestatio, neque hoc casu recipi testes possunt, sed Reus habebitur pro contumace, Actorq; mittetur in possessionem rerum petitarum, custodiæ causa, ut hac ratione cogatur tandem Reus comparere in iudicio, litemq; contestari.

Sunt nihilo secius casus aliqui, in quibus, citra litem contestationem, recipi testes possunt. Vti in causa matrimonii, sive Spiritualis, (quale est inter Prælatum & Ecclesiam) sive carnalis, an illud valeat, vel non; ne Ecclesia, destituta Pastore, detrimentum patiat, aut alterutri conjugum detur occasio fornicationis. Idem licet, quando agitur per viam Inquisitionis; aut quando testes petuntur audiri, ad perpetuam rei memoriam, veluti, si testes sint valetudinarii, si senes, si peregrini, ne, ob mortem, vel absentiam testium, post litem contestatam, veritas possit elidi. Id quod hodie fieri solet, Rescripto impetrato a Principe.

Titulus II.

De Juramento Calumniæ.

L Itē contestata, ne vel Actor vexandi tantum causa, vel Reus tantum differendæ solutionis gratia, litem instituere fovereq; videantur, succedit juramentum calumniæ, utrinq; præstandum.

Calumniari dicitur, qui sciens & prudens, vel falsum defendit, vel verum oppugnat, ac tergiversatur. Est igitur Juramentum calumnie, juramentum, a litigantibus, super causa bona fide suscepta, & deinceps prosequenda, præstandum.

Jurab

Jurat nimirum Actor, quod non calumniandi animo litem moverit, sed quod existimet ac credat, se justam habere causam litigandi. *Reus jurat*, quod putet se juste resistere, opinione juris sui.

Jurat uterq;, quod nullam ab adversario superfluum exiget probationem, extrahendæ litis causa; quodq; nihil dederit aut promiserit Judici, ejus corrumpendi gratia. Si hoc juramentum non petitum sit, *Judex illud partibus imponere tenetur*. Impositum si quis præstare recusaverit, Actor ab instituta cadet actione, Reus pro confesso habetur.

Præstant hoc juramentum, litigantes omnes, etiam Universitas, Municipium, personæ Ecclesiasticæ in causis propriis, non in causis Ecclesiæ, sive suo, sive alieno nomine judicium suscipiant. Nihil interest, sive quis in propria persona, sive per procuratorem illud præstet.

Sed *Procurator*, quando hoc juramentum præstat, debet ad hoc speciale habere mandatum, & tum in animam Domini sui jurat.

Præstatur hoc juramentum in omnibus causis, in quibus necessitas probationis incumbit, tam in prima, quam secunda appellationis instantia, etiam in causis criminalibus, & spiritualibus.

Titulus 12.

De Dilationibus.

Dilatio, est justum temporis spatium, quod, ad actum aliquem judicialem perficiendum, conceditur Actori, vel Reo, a Lege, Judice, vel ex Conventionem partium.

Dila:

Dilatio Legalis est, quam ipsa lex concedit, citra iudicis aut litigantium operam. *Judicialis* est, quam dat Iudex, ex præcepto seu permissione legis. *Conventionalis*, ex conventionione partium oritur.

Dilationum Judicialium aliae sunt Citatoriae, aliae Deliberatoriae, aliae Probatoriae.

Dilationes Citatoriae sunt, quæ dantur citatis, & in jus vocatis, ut commode pervenire possint ad iudicium, idque tribus vicibus, iusto temporis intervallo, inter singulas citationes. Tempus hoc variat ex consuetudine cujusq; Curiae, & fere est arbitrium.

Pro ternis citationibus, potest Iudex, si causa iusta subsit, uti *unica peremptoria*; quo casu, peremptorie citatus si non veniat, perinde habetur ac punitur, ut contumax, & quasi ter citatus fuisset.

Dilationes Deliberatorie sunt, quæ dantur Reo, ut, viso Actoris libello, secum deliberet, cedere ne, an iudicio experiri velit, & ut cogitet, quid Actori in iudicio respondendum sit. Tempus hujus dilationis, olim fuit 24. dierum, a porrecto per Actorem libello. Hodie est arbitrium.

Dilationes Probatorie sunt, quæ dantur Actori, ad suam intentionem, Reo, ad exceptionem probandam. Et, ne in his modum excederent Iudices, definitum est spatium trium mensium, si in eadem provincia, sex mensium, si trans mare testes fuerint, ad eos producendos; etsi nunc hic quoq; Iudicis standum est arbitrio. Iudex dilationes non debet concedere, nisi sedens pro tribunali, prævia causæ cognitione, & utraq; parte præsentente.

*Titulus 13.**De Feriis.*

Quemadmodum dilatione durante Judicis officium interim quiescit, ita quiescit idem hoc, durantibus Feriis.

Feriae, sunt dies ab actibus judicialibus vacui, quibus scilicet forensis strepitus, & exercitium jurisdictionis conquiescere jubetur.

Feriae, aliae sunt Solennes & Ordinariae, aliae Repentinae seu Extraordinariae. Solennes & Ordinariae, sunt vel Sacrae vel Profanae.

Solennes Sacrae feriae, sunt dies cultui Dei, & Sanctorum honori dicati, easque ferias, singulis diebus Dominicis, Parochus populo significare debet.

Profanae Feriae sunt, quae propter utilitatem vel necessitatem hominum sunt institutae, quales sunt feriae messis & vindemiarum.

Repentinae Feriae sunt, quas Princeps aut Magistratus, ob inaugurationem, triumphum, rem prospere gestam, aut causam similem, indicit.

Hisce feriatis diebus expediri non possunt, quae sunt jurisdictionis contentiosae; uti est citatio ad causam licendam, respondendum, jurandum, sententiam audiendam, damnatio ad mortem, vel aliam poenam. Expediri tamen possunt, quae sunt jurisdictionis voluntariae, ut tutorum vel curatorum datio, emancipatio, testamenti, aut donationis, aut contractus confirmatio.

Actus Judicialis, die festo, sive feriis ad divinum cultum institutis, licet ex utriusque partis consensu, celebratus, est ipso jure nullus. Actus vero judicialis, tempore feriarum ob messem & vindemiam, mutuo litigantium

tium consensu, celebratus, non item. Feriæ enim Sacræ juris sunt publici, non tam in singulorum gratiam, quam totius Reip. causa introductæ, & mandatae autoritate Ecclesiæ: igitur his privata pactioe renunciare non licet. At, de profanis feriis secus se res habet.

Titulus 14.

De Ordine Cognitionum.

INterdum accidit, ut aliqua cognitio differatur, donec altera terminetur: proinde *servandus est Ordo Judiciorum*, seu Cognitionum, hoc est, dispositio, quæ unum iudicium alteri antepositur.

Quod si igitur *quæstio præjudicialis* v. c. an quis sit filius, vel proximus cognatus, incidat in iudicium petitionis hereditatis, prius definiendum erit, quem esse filium legitimum, vel cognatum proximum, quam, an hereditas ei restituenda sit, vel non? Causa enim major, qualis est quæstio natalium, trahit ad se causam minorem, id est de hereditate restituenda: sive coram eodem iudice agatur, sive coram diversis; veluti de causa natalium coram iudice Ecclesiastico, & causa hereditatis, coram laico.

Si utraq; causa sit Principalis, & civilis prius proposita, prius erit tractanda; si sint criminales, major minori præponetur; si una civilis, altera criminalis, posterior prius tractari debet.

Titulus 15.

De plus Petitionibus.

INter incidentes Quæstiones sæpe illa se offert, an *Actor plus petierit, quam oporteat?*

Plus

Plus quis petere dicitur *quatuor modis*, Re, Tempore, Loco, & Causa.

Tempore plus petere dicitur, qui petit ante diem, vel conditione; obligationi adjecta, nondum existente.

Re plus petere dicitur, qui maiorem summam vel quantitatem petit, quam debetur.

Loco plus petere dicitur, qui petit alio loco, quam ubi convenit, ut solveretur.

Causa plus petere dicitur, qui id, quod in genere vel alternatim debetur, in specie vel præcise petit.

Re plus petens, sine dolo malo, condemnatur adversario in expensas litis.

Tempore plus petente Actore, duplicantur Reo induciæ: nec cogitur postea Reus litem excipere, nisi expensæ ipsi solvantur litis prioris, ante diem motæ.

Loco plus petens, tenetur, quanti Rei interest, alio loco peti, quam ubi oportebat.

Causa plus petens, in expensas omnes, & damnum, quod Reus occasione institutæ actionis tulit, condemnatur.

Titulus 16.

De Causa Possessionis & Proprietatis.

Incidit frequenter quæstio, inter Actorem & Reum, de causa possessionis & proprietatis instituenda, utrum simul in eodem iudicio proponi possint, an vero singulæ causæ singulis iudiciis tractandæ sint.

Causa Proprietatis est, in qua principaliter agitur de proprietate seu dominio, vel quasi dominio, quando scilicet Actor contendit, se esse dominum rei controversæ, Reus vero e contrario negat: & hoc appellatur *Judicium Petitorium*.

Causa

Causa Possessionis est, in qua principaliter agitur de possessione, vel quasi; veluti, cum Actor contendit, possessionem rei sibi esse restituendam, & Reus negat: quod vocatur *Judicium Possessorium*.

Possessio, est jus reale, insistendi vel incumbendi re corporali, sive mobili, sive immobili, tanquam suæ, non prohibitz possideri. Dicitur *Jus reale insistendi*, quia non statim, qui rem aliquam detinet, ejus possessor dicendus est: nam, & commodatarius, & depositarius, & inquilinus, ac colonus, quamvis rem detineant & occupent, non tamen dicuntur possidere: quia non habent jus aliquod insistendi rei, sed tantum jus personale ex contractu. Est vero *jus insistendi vel incumbendi rei*, ut excludatur dominium, quod per se & formaliter est tantum jus disponendi de re: cum interim hoc jus in eo consistat, ut possessor possit rem pacifice tenere, & juris remediis, subinde etiam armis, se tueri, adversus turbantes. Dicitur, *Rei corporali*, quia rei incorporalis, proprie loquendo, nulla est vera possessio: sed res hujusmodi dicuntur tantum quasi-possideri. Dicitur, *tanquam suæ*, quia, si quis insistat rei, nomine alterius, non erit vera possessio. Et hinc rursus commodatarius, depositarius, inquilinus, & colonus, non dicuntur possidere, sed ipse dominus per eos. Dicitur, *non prohibitz possideri*, quia nulli potest competere jus possidendi contra juris dispositionem, sed tantum potest detinere rem, puta, rem sacram, religiosam, locum publicum.

Possessio triplex est, Civilis tantum, Naturalis tantum, & Naturalis ac Civilis simul.

Possessio Civilis est, quæ in jure consistit, & solo animo retinetur. Etsi enim, ad acquirendam possessionem, requiritur adminiculum corporis & animi, nempe

nempe, ut quis rem apprehendat & occupet, animumq; & affectum possidendi habeat: tamen, ut postea retineatur, & continuetur ejus possessio, sufficit animus retinendi rem, nec desistendi a possessione ejus, idque, ne per singula horarum momenta rebus nostris insistere necesse sit. Hoc modo possidet, & retinet animo possessionem, quia re, quam possidet, corpore discedit, nullo in possessione relicto. *Nec obstat*, quod solo animo non acquiritur possessio; quippe, facilius retinetur, quam acquiritur.

Possessio Naturalis est, quæ corpore & animo simul retinetur, atq; sic fit per corporalem insistentiam, uti, quando quis occupat rem ut suam.

Potest Naturalis Possessio conjungi cum Civili, uti, quando quis est præsens per se, vel per alium, rebus, quas civiliter possidet; & tum dicitur naturaliter & civiliter possidere.

De Possessione agitur tribus modis, atq; sic judicium Possessorium triplex est: scilicet Adipiscendæ, Retinendæ, & Recuperandæ Possessionis. Nam, omnis controversia de possessione, instituitur, vel ad adipiscendam possessionem, quam actor nunquam habuit; vel ad retinendam, quam habet; vel ad recuperandam, quam amisit.

Judicium Possessorium retinendæ & recuperandæ Possessionis, ad Judicem Secularem spectare videtur, etiam cum de possessorio beneficiorum Ecclesiasticorum, juris decimarum, & juris patronatus agitur. Possessorium enim rei spiritualis, non est spirituale, sed temporale, & potius in facto, quam in jure, consistit.

Judicium Possessorium & Petitorium cumulari possunt, hoc est, potest utrumq; hoc judicium, ab initio

simul proponi, tractari deinde, & finiri, coram uno eodemq; iudice, & adversus eundem adversarium. Nec minus cumulari possunt causa proprietatis, seu petitorium, cum possessorio retinendæ. Neque obstat Regula, quod, quando alicui competunt plures actiones ejusdem rei nomine, una aliqua eligenda sit, & una tantum experiri oporteat. Etenim Regula illa accipienda, quando plures actiones competunt, ad unam & eandem prorsus rem. Hic autem duæ quidem sunt actiones, sed quæ competunt ad diversa, nimirum possessorium, ad possessionem, & petitorium, ad proprietatem, seu dominium: atqui possessio & dominium, nihil commune habent.

Titulus 17.

De Restitutione Spoliatorum.

Spoliatus est, qui vel vi, vel clam, de possessione rei alicujus corporalis, vel incorporalis, veluti beneficii Ecclesiastici, aut alterius juris, ejectus est, vel alias injuste privatus.

Spoliatio, fit vel per vim Expulsivam, vel Ablativam, vel Compulsivam. Spoliasse etiam dicitur, tum Iudex, qui, prætermisso juris ordine, vel cum non esset competens, aliquem jure suo, aut re sua privatum, qui spoliium mandat, suo nomine factum, ratum habet, aut rem a spoliatore accipit.

Actio de Spoliatione datur ei, qui dejectus est, sive dominus rei fuerit, sive non, puta usufructuarius, item heredibus, eorumq; successoribus, adversus eum, qui per se, aut per alium dejeci, aut dejici mandavit.

Spoliatus ante omnia restituendus, atque restitutio facienda una cum fructibus.

Titu-

*Titulus 18.**De Contumacia.*

Contumax fieri dicitur, qui tribus edictis, vel uno pro tribus, juridice citatus, & nulla iusta causa impeditus, nec per se, nec per procuratorem, comparet; vel, qui comparet quidem, sed non obedit, aut recedit sine iudicis licentia.

Reo facto contumace ante litem contestatam, mittitur Actor in possessionem bonorum ipsius Rei, pro modo declarati debiti. *Post litem vero contestatam*, si iudici ex actis liqueat de rei veritate, poterit sententia sua litem terminare. Neque tunc licebit condemnato appellare, saltem de iure civili, cum non de iudice, sed de seipso, queri debeat. *Æquitas tamen Canonica* nonnihil hunc rigorem personis Ecclesiasticis remittit. Quod si de causa non liqueat iudici, tunc veram rei possessionem Actori adjudicabit, Reo absenti sola proprietatis relicta quaestione.

Actor, si contumax sit, nec compareat in termino, ad quem Reum citavit, damnatur Reo in expensas, nec ad novam citationem admittitur, nisi caveat, se in assignato termino compariturum. Potest etiam Reus, adversus Actorem legitime citatum, probare Exceptionem suam, atque iudex, si ei constat ex actis de veritate, Reum absolvet ab Actoris petitione. *Quod si Actor lite contestata contumaciter absit*, & tempus instantiæ, puta triennium, usque ad semestre præterlapsum sit, potest similiter iudex, si causa liquida fuerit, ad definitivam sententiam progredi, etiam in favorem Actoris, si eum meliorem causam fovere videat: alioqui Reum absolvet, Actore in expensas condemnato.

Titulus 19.

De missione in Possessionem.

Reus Contumax, missionem in bona patitur, quæ duplex est, ex Primo nempe, & ex Secundo decreto.

Missionem in bonorum possessionem ex primo decreto, neque dominium rei, neque etiam veram possessionem Actor consequitur, sed tantum detentionem. Fit enim hæc missio, non nisi rei servandæ causa, ut eam custodiat Actor, dum interim veniat Reus responsurus, idque obtinet tam in actione in rem, quam in personam.

Fit missio, primo in possessionem rerum mobilium, post immobilium, denique incorporalium.

In Secundo Decreto, distingendum inter Actionem Realem, & Personalem.

In Reali actione, opus non est secundo decreto, scilicet Reo post missionem non comparente intra annum: nam, tunc Actor, anno elapso, statim, hoc est, citra aliud iudicis decretum, consequitur veram rei possessionem, in quam missus est. In Actione Personali, Reo contumace intra annum non comparente, anno illo elapso, non illico acquiritur Actori possessio rei, in quam missus fuit, sed opus est secundo iudicis decreto, ad hoc, ut veram rei possessionem consequatur.

Secundum Decretum, Iudex pro circumstantiarum varietate, varie interponit. Modo enim bona contumacis distrahi jubet, modo in solutum dat, modo Actorem rei possessæ dominum facit, modo solum possessorem. Bona distrahi jubet, si ad res alienum, hoc est, ad quantitatem debitam, agatur. In solutum dat, si res possessa, publicæ distractioni exposita, em-

torem

torem non invenit: & tum creditor, cui res in solutum data, justam habet possidendi & præscribendi causam, sive debitor illius fuerit dominus, sive non. *Actorem rei possesse dominum facit*, potissimum in materia damni infecti, propter periculum sumtus, & molestias ædium ruinosarum, quæ non facile emptorem inveniunt. *Actorem deniq; possessorem solum facit rei possessæ*, Reo jus suum rei repetendæ etiam post annum reservans, cum defensionis causa, qua contumacia purgari & excusari potest, subest.

Titulus 20.

Vt lite pendente nil innovetur.

I*n ea quisq; possessione vel quasi manere debet, quam initio litis habuit, adeoq; lite pendente nihil est innovandum, id est, nihil fieri debet, quo litis qualitas statusve aliquo modo immutetur.*

Lis pendere dicitur, non solum post contestationem, sed etiam post citationem reo intimatam, usque ad sententiam definitivam.

Citatio ut litis pendentiam inducat, sex omnino requiruntur: 1. Vt citatio emanarit. 2. A iudice competente. 3. Ad citatum pervenerit, aut per eum steterit, quo minus perveniret. 4. Citatus, ex citationis tenore, plene cognoscere potuerit, qua de re controversia sit futura. 5. Citatio sit apta. 6. Nuncius eam legitime & sufficienter insinuaverit.

Lite pendente, nec Judici, nec adversario, sive propria, sive etiam Principis autoritate, *sine causæ cognitione, aliquid innovare licet*. Hinc, non permissum est in jus vocato super aliqua re, eam alienare.

Quod lite pendente innovatur, nullum est, & qui innovavit, in expensas damnatur, & jure sibi competente privatus, infamis efficitur.

Titulus 21.

De Sequestratione possessionum & fructuum.

Sequestratio, est rei controversæ, vel fructuum ejus, apud Sequestrum depositio, ut ab eo custodiatur, & lite finita victori restituatur.

Sequestratio duplex est: una Conventionalis seu Voluntaria, quæ fit partis utriusque consensu. Alia Judicialis seu Necessaria, quæ fit per Judicem: idque vel ex officio, dum rem litigiosam mandat sequestrari, uti, si vereatur, ne partes ad arma & rixas procedant: vel ad petitionem partis unius, altera contradicente, quæ regulariter est prohibita; nec enim oportet judicium ab executione inchoare, aut possessorem, durante lite, privare commodo suæ possessionis.

Permittitur tamen hæc sequestratio certis casibus: uti, si missus in possessionem ex primo decreto fructus, quos ex bonis percepit, distrahat & dissipet. Item, si Reus possessor condemnatus a sententia contra se lata appellaverit, & fructus ex re possessa dilapidet,

Titulus 22.

De Confessis.

Certissima probatio, est ipsius Rei confessio. Non tamen omnis confessio nocet confitenti, nec relevat Actorem ab onere probandi, sed tantum ea, quæ a domino litis, majore 25. annis, sanæ mentis, contra se,

se, in jure, coram competente judice & adversario, aut ejus procuratore, libere, sponte, & scienter facta. *Fit hæc confessio etiam tacite*; nam, qui tacet, consentire videtur: puta, si in jure id faciat, & Judici interroganti contumaciter nolit respondere; vel ab adversario allata non neget.

Confessio Judicialis revocari nequit, nisi statim id fiat, aut nisi quis probet, se iracundia, aut aliter lapsum, erravisse in facto, quod ei facere licet, usque ad sententiam.

Confessio Extrajudicialis vim probationis plenam non inducit, sed tantum in causa criminali indicium facit ad torturam, contra confitentem, non alium; in causa civili, si ex aliqua certa causa, coram adversario & testibus facta, vim pacti obtinet.

Reus, in judicio conventus, confessionem edere solet, præstato prius juramento calumniæ, vel de veritate dicenda, ad Actoris sub simili juramento propositas positiones, per verbum *Credo*, vel, *Non credo*: atque eas, ad quas respondet per verbum *Credo*, probandi, Actori non incumbit necessitas.

Quod si Reus in judicio simpliciter quid confiteatur, non tantum id relevat Actorem ab onere probandi, verum etiam facit, ut confessus pro judicato habeatur, etiamsi nullam causam adjecerit, cur id, quod confessus est, ita se habeat. Nemo enim præsumitur in judicio temere quid confiteri.

Titulus 23.

De Probationibus.

S*I Reus non confiteatur de intentione Actoris, sed ad aliquas ejus positiones respondeat per verbum Non credo, necessitas eas probandi incumbit Actori.*

Probare, est iudici fidem facere. de facto aliquo dubio, de quo in iudicio est disceptatio.

Probatio alia est Artificialis, alia Inartificialis: item Plena, vel Semiplena.

Probatio Artificialis est, quæ, ex ipsa causa, argumentis & indiciis deducitur. *Inartificialis* probatio est, quæ, extranea iam, desumitur, vel a legibus, testibus, tabulis, confessione, juramento, aut rebus ejusmodi aliis.

Probatio Plena est, quæ plenam fidem Iudici de eo, quod propositum est, facit. Talis fit per duos testes, instrumenta publica, partium confessiones judiciales. *Semiplena probatio* est, quæ Iudici non facit plenam fidem, sed tantum opinionem generat, non tantam tamen, ut inde moveri possit ad ferendam sententiam. Talis fit per unum testem omni exceptione majorem, instrumentum privatum, comparisonem literarum, confessionem extrajudicialem, famam, & similia. Possunt tamen plures probationes semiplenæ conjungi, ut faciant plenam, si tendant ad unum finem.

Probandi onus regulariter incumbit Actori, cujus est probare suam intencionem, nimirum ejus, qui ait, non qui negat. Negantis enim factum, per rerum naturam nulla est probatio, c. quoniam contra 11. de probat. *Reus* tamen, qui excipit, & in eo quid asserit, probare debet, cum hætenus censeatur Actor. Per indirectum etiam potest admitti, ut factum negantis, admitatur probatio, dum a negativa in affirmativam quodammodo fit transitus.

Actore laborante in sua probatione, Reus cogi non potest ei propria edere documenta: debet enim Actor proprias asserre probationes, non eas petere ab Adversario: qui etiam urgeri nequit, ad exhibitionem eorum

rum, per quæ sibi negotium fiat : Aëtoresq; non probante, absolvendus est Reus, etiamsi nihil ille præstiterit.

In iudicio de communi dividundo, familiæ herciscundæ, finium regundorum, item in interdictione retinendæ possessionis, quia uterq; litigantium velut Aëtor & Reus est, probandi onus utriq; parti incumbit. Quod si igitur uterq; probet, tunc iudex dispiciet, uter melius probet, & utrius testes sint magis idonei; vel in possessione, uter antiquiorem possessionem, & iustiores titulum probaverit.

• *Fit probatio*, per testes, confessionem partium, instrumenta debita solennitate confecta, evidentiam facti, famam, per libros antiquos, & scripturas antiquas, in lapidibus vel columnis scriptas, literas sigillo Episcopi sigillatas, & alia adminicula. *Fama*, veluti publicum testimonium, auget quidem & confirmat rei, de qua quæritur, fidem, non tamen cedit in vicem iustæ probationis.

Titulus 24.

De Testibus & Attestationibus.

Testis est, qui de aliquo facto controverso testimonium dicit.

Testis esse potest, non omnis, sed tantum idoneus, & fidelis, hoc est, qui omni exceptione major, sive, qui jure non potest rejici.

Testes aliqui rejiciuntur in totum, aliqui pro certis personis, aliqui contra certas personas, aliqui in certis causis.

– *In totum rejiciuntur*, Impubes, præterquam in crimine læsæ majestatis; furiosus, mente captus, infamis,

sive publico judicio damnatus; hæreticus, nisi contra hæreticum; perjurus, mulier quæ corpore quæstum facit.

Pro certis Personis probibentur testimonium dicere, domesticus, familiaris, cognatus, affinis, is, cui imperari potest, ut testis fiat, amicus pro amico, socius pro socio, sive ejusdem criminis, sive contractus.

Contra certas personas testari probibentur, Reus de se crimen confessus, contra socios criminis, exceptis quibusdam occultis & gravioribus criminibus, ut læsæ Majestatis, hæreseos, Simonix: inimicus contra inimicum; libertus contra patronum; filius contra patrem; pater contra filium, nisi in causa matrimoniali; hæreticus & judæus contra Christianum; Laicus contra Clericum in causa Criminali.

In certis causis testimonium ferre probibentur, mulier in testamento, & in criminali causa, quæ criminaliter intentatur; Procurator, in causa quam defendit; Judex, in causa, in qua Judex; quisq; in sua causa.

Produci debent testes ad minimum duo, etiam ab homine in dignitate posito, sive de causa civili, sive de criminali agatur; nisi jus nominatim plures requirat: uti in Cardinali Episcopo convincendo, opus est 72. Cardinali Presbytero 42. Cardinali Diacono 24. Subdiacono, Acolutho, Exorcista, Lectore, Ostiario septem.

Vnus vel singularis testis, cujuscunq; sit dignitatis, regulariter nihil probat. *Excipiendi tamen casus,* cum alicui non sit præjudicium: uti cum dubitatur, an quis sit consecratus; an Ecclesia sit consecrata; cum dubitatur de voluntate morientis; cum dicit Sacerdos aliquem prænituisse; cum de crimine læsæ Majestatis agitur.

Judex non plures admittere debet testes, quam ad probandam causam sunt necessarii. *Quia dmittuntur*, non se ultro offerre, sed vocari, & velut inviti deponere debent: qui enim ultro se offert, pro subornato & suspecto habetur.

Produci & recipi debent testes, regulariter post litem contestatam; nisi forte de morte testium, vel absentia diuturna timeatur, vel de causa matrimonii, inquisitionis, denunciationis agatur.

Fieri debet productio, coram eo iudice, qui de causa cognoscit, nisi testes sint valetudinarii, senes, debilitate confecti; tum enim ad ipsos examinandos, personæ idoneæ & discretæ mittuntur.

Testes antequam examinet Judex, debet & partem citare, ut videat testes produci, & jurare, non tamen trina, sed una citatione: postea, a testibus de veritate dicenda, prævia admonitione super perjurio facta, iurandum exigendum.

Juramentum hoc, nisi a partibus remittatur, præstare debent testes omnes, tam Regulares, quam Seculares.

Juramento præstato, quemq; testem, Judex, aut is, cui examen commissum, examinat, clam partibus, separatim, adhibito Notario, qui dicta consignet: tam super articulis ab Adversario exhibitis, quam super interrogatoriis, ab eo, contra quem testes producuntur, propositis, omnibusq; circumstantiis, videlicet causis scientiæ, persona, loco, tempore, visu, auditu, credulitate, fama, certitudine. Debet enim testis, si id peccatur, scientiæ rationem reddere; sola enim attestatio, nec aliis legitimis adminiculis probata causa, nullius est momenti.

Testis debet interrogatoriis respondere, non absens per scripturam, sed præsens, verbis, veram depositionis causam continentibus, non ex credulitate, aut auditu alieno.

Depositione facta, iudex diligenter annotari curabit, quid testis, tam super interrogatoriis, quam articulis, deposuerit: annotata testi præleget, ut sic se corrigere, & dictis suis addere, vel demere possit. Postea, facta de silentio servando admonitione, dimittendus est.

Examinatione peracta, operam iudex dare debet, ut partes ulteriori productioni renuncient. Possunt nihilo secius litigantes, intra terminum a Iudice productionibus præstitum, usque ad tertiam super iisdem articulis testium productionem, progredi, quartam vero non item, nisi, qui hanc postulat, juræt, se eam dolo malo non petere, neque testificata aliquo modo didicisse, id est, testimonia intellexisse, sed, quia, quos producere de novo desiderat, prius habere nequiverit.

Cognitis testificationibus, earum copia litigatoribus a Iudice communicari debet, quo contra excipere possint.

Exceptionem probare Reus, contra quem testes sunt producti, potest intra terminum ad reprobandum datum, per testes alios, qui reprobatorii dicuntur; quos Actor rursus per alios reprobare potest; ultra vero, neutra pars audietur.

Exceptione proposita & probata, iudex cognoscit, quibus plus fidei debeat tribuere. Quod non ex testium sola multitudine, aut testimoniorum verisimilitudine, sed ex testium fide, dignitate, moribus, fortuna, constantia, religione ponderat.

Si testes Actoris & Rei, autoritate & conditione pares sint, pro Reo judicandum; semper enim promtiores ad absolvendum esse debemus, quam ad condemnandum, nisi Actoris causa sit favorabilior. Tales sunt, quæ instituuntur pro re aut persona favorabili; uti pro libertate, dote, testamento, legitimatione, pupillo, vidua, orphano, fisco, Ecclesia.

Testes, si vocati, sponte noluerint veritati testimonium perhibere, a Iudice Ordinario, vel ejus Delegato, etiamsi juraverint, se testimonium non dicturos, cogi possunt. Publice enim interest, ne veritas occultetur; tum vero testimonium perhibere, est munus publici, ad quod etiam invitus quis compellitur.

Cogi non potest quis testimonium dicere, contra socerum, generum, vitricum, privignum, sobrinum, sobrinove natum, eosque qui priore gradu sunt: item, nec libertus contra patronum, nec senex, valetudinarius, miles, qui cum Magistratu abest, aut cui venire non licet, Episcopus, Clericus, aliaque Ecclesiastica persona: nisi aliter de veritate constare nequeat.

Suntus, evocatis testibus, a producente suppeditantur, alioqui venire non tenentur.

Titulus 25.

De Fide Instrumentorum.

Instrumenta, sunt scripturæ, rei controversæ fidem facientes. Suntque vel Publica, vel Privata.

Publica Instrumenta sunt, quæ a publica persona, veluti a tabellione vel Notario publico, solemniter ac debita forma sunt conscripta, aut publico & authentico Sigillo Principis, Episcopi, vel Capituli signata, vel
auto-

autoritate Magistratus interveniente, publicata; quæ ex archivis publicis extracta; quæ a scribente, licet privato, & duobus testibus subscripta, quamdiu testes vitam agunt supersites.

Privata Instrumenta sunt, quæ autoritate privata fiunt a privatis personis, nullis adhibitis testibus; uti sunt rationes, privatæ annotationes, apochæ, antapochæ, epistolæ, cautiones.

Privata Instrumenta non probant, nisi contra scribentem, & non inficiantem, aut eum, qui ea acceptavit.

Instrumenta coram iudice facta, plenam fidem faciunt, ut nulla in contrarium probatio admittatur. Si a Notario facta sint, itidem plenam fidem faciunt, si omnia solennia in eorum confectioe observari solita, intervenerint; ita tamen, ut probationem in contrarium admittant.

Solennia, quæ Notarii in instrumentis conficiendis observare debent, sunt: Invocatio nominis Domini, annus, indictio, dies, nomen Imperatoris, vel Papæ, vel Regis, locus, testes, nomen & signum Notarii. Oportet quoque, integra sint hæc Instrumenta, non cancellata, innovata, rasa, suspecta, aut scripta literis, quæ legi non possunt.

Eduntur Instrumenta interdum, si producenti ita videatur, non in totum, sed in tantum, quantum causæ convenit.

Reus non tenetur Actori Instrumenta sua edere, vel in iudicio contra se proferre, nisi sint communia.

Qui contraria duo Instrumenta in iudicio profert, fidem sibi derogantia, neutro probat.

*Titulus 26.**De Præsumtionibus.*

P*ræsumptio*, est conjectura probabilis, ex certo aliquo signo proveniens, ad adstruendam rei dubiæ fidem, quæq; alio non adducto, pro veritate habetur.

Præsumptio est quadruplex: Temeraria, Probabilis, Violenta, Necessaria.

Præsumptio Temeraria, est ex levibus causis proficiscens vana hominis opinio. Hujus exemplum dant Canones, Presbyterum, mulierem amplexantem, atq; ajunt, temere judicare quem, si hoc ex libidine factum existimet, cum benedicendi, vel ad pœnitentiam exhortandi gratia, id cum fecisse, verisimilius sit. Tales præsumptiones olim etiam in foro fuerunt, indicia ex aqua frigida, fervente, ferro candente, duellis, sorte, quas Pontifices, tanquam fallaces, jure bono sustulerunt.

Præsumptio Probabilis, quæ & *Præsumptio hominis* dicitur, est conjectura, quam facit homo, ex facti qualitatibus & circumstantiis aliquid conjiciendo, & adsumendo pro vero, donec aliud demonstretur, ac doceatur. Sic præsumitur, non esse pudicam fœminam, quæ cum viris vagatur.

Præsumptio Violenta, alias *Præsumptio Juris* dicta, est verisimilis probatio, ex multis indiciis, vel uno multum efficaci, & veritati proximo, collecta. Vt, fugiens cum gladio sanguinolento, præsumitur vulnerrasse. Hæc, onus probandi in adversarium transfert, & tam diu stat, donec contrarium probetur. In Criminibus facit indicium ad torturam, non sufficit ad condemnationem.

Præsumptio Necessaria, Juris & de Jure dicta, est dispositio Legis, aliquid præsumentis, super præsumto, tanquam sibi comperto statuentis. Sic, qui semel declaratus est pejerasse, cum præsumit lex semper imposterum pejaturum, nec probationem in contrarium admittit. Similiter, pro eo, qui probavit intentionem suam per testes & instrumenta, stat juris præsumtio, quam iudex sequi cogitur.

Cause, ex quibus Præsumptiones proficiuntur, sunt infinitæ, atq; desumuntur ex persona, tempore, qualitate, taciturnitate, fletu, vicinitate, fuga, dilectione, rebusq; similibus.

Titulus 27.

De Jurejurando.

QUOD si Actor in probatione deficiat, *jusjurandum* sive *juramentum* ei interdum deferitur, quod est maximum expediendarum litium remedium.

Juramentum, est invocatio Divini Nominis, ad id, quod asseritur, confirmandum. *Juramentum* est vel *Promissorium*, vel *Assertorium*.

Promissorium Juramentum est, quo quis sancte promittit ac jurat, se quid daturum aut facturum. Adhucitur contractui, vel alteri actui, confirmandi, sive non retractandi juris causa. Tale est *juramentum obedientiæ, fidelitatis*.

Assertorium Juramentum est, quo rei præsentis, vel præteritæ, veritas asseritur. Tale est *juramentum Veritatis*, quod præstant testes, indicendo testimonio.

Juramentum Calumniæ, quo Actor jurat, se non calumniandi animo, sed existimans, se justam causam solventem ad litigandum venire: & quo Reus jurat, se arbitrari, justam sibi causam esse defendendi. Item

Jura-

Juramentum Purgatorium, quod præstat accusatus vel diffamatus de aliquo crimine, quod non fuit probatum, jurans, se illud non commisisse. Denique *Juramentum litis decisorium*, quo alter litigatorum aliquid jurejurando confirmat, quo lis finiatur.

Juramentum litis decisorium triplex est: Voluntarium, Judiciale, & Necessarium.

Juramentum Voluntarium est, quod ex conventionne, per modum transactionis, pars parti extra judicium defert. Dicitur Voluntarium, quia sponte ab uno defertur, ab altero suscipitur.

Juramentum Judiciale est, quod in judicio pars parti, judice approbante, defert.

Juramentum Necessarium est, quod Judex ex officio, in defectu legitimarum probationum, ubi neque nihil, neque plene probatum est, alterutri litigatorum defert; sic dictum, a necessitate præstandi.

Juramentum ut valeat, debet deferri, sive a Judice, sive a parte ad deferendum habili. Nemo enim debet sine necessitate, aut nisi aliquo compellente, jurare.

Habiles ad juramentum Voluntarium & Judiciale deferendum, sunt, qui rerum suarum, & litis sunt domini. Necessarium defert solus Judex, ad instantiam partis, vel ex officio, sive Ordinarius is sit, sive Delegatus. Debet autem, inspectis personarum & causæ circumstantiis, judicare, Actorine, an Reo, illud sit deferendum.

Voluntarium & Judiciale juramentum, deferri potest omnibus, qui ex conventionne, vel sibi, vel aliis, actionem & exceptionem acquirere possunt. Necessarium deferri potest omnibus semiplene proban-

tibus, nisi sint viles, infames, perjuri, aut de perjurio suspecti.

Juramentum Voluntarium & Judiciale, in omni actione, quæ in judicio proponi potest, locum inveniunt; quod etiam de Necessario regulariter asserendum. Excipiuntur tamen causæ civiles magnæ & arduæ, criminales, matrimoniales, imo omnes, in quibus jura plenas & evidentissimas probationes exigunt.

Juramentum Voluntarium delatum, nemo suscipere tenetur; qui tamen suscepit, illud præstare debet, nec potest hoc referre.

Judiciale delatum, aut præstandum, aut referendum. *Necessarium*, ab eo, cui defertur, necessario est suscipiendum, & præstandum, aut causa cadendum.

Juramentum omne exigit Justitiam, ut sit licitum; Veritatem, ut falsum absit; & Discretionem, ut deliberate fiat, non ex ira, odio, vel amore.

Juramentum præstitum, regulariter est servandum, si sine æternæ salutis detrimento servari queat, & qui id non servat, perjurus habetur.

Juramentum, quoad perjurii vinculum, ex parte jurantis est personale, & personam ejus non egreditur, neque ad heredes transit, nisi quoad effectum obligationis; ex parte recipientis, reale est, & ad heredes transit.

Perjurium committit, qui mendacium juramento firmat, & qui post juramentum profert contraria. Atque in foro conscientiæ, pro juramento temerario, unius anni, pro directo perjurio, septem annorum poenitentia imponitur.

De Perjurio cognoscit iudex Secularis & Ecclesiasticus, quisque in suo foro. Alias, regulariter juramenti, cum inter res spirituales sit, cognitio ad forum Ecclesiasticum pertinet.

Quamvis Juramentum omne, quod sine detrimento salutis æternæ servari potest, utut bonorum detrimentum imminet, sit servandum; tamen, si ex eo contra aliquem sequeretur peccatum vel delictum quoddam, super illo dispensari potest.

Fit Dispensatio ab eo, qui potestatem habet Ecclesiasticam, ut Episcopo, Pontifice, causa cognita, & vocatis, quorum interest absolvi.

Episcopus de iis solis juramentis dispensat, circa quæ dubitatio est, num licita sint, an non. *Summus Pontifex*, propter plenitudinem potestatis, de omnibus dispensat, per viam commutationis, dispensationis, & totalis relaxationis. In omni enim juramento Superioris voluntas censetur excepta.

Dolo, vi, vel metu extortum juramentum, de jure civili nullum est, ob defectum consensus, cui nihil tam contrarium, quam vis & metus. *Jure Canonico*, non licet violare juramentum, etiam per vim aut justum metum extortum, quia coacta voluntas, voluntas esse non desinit; proinde Superioris absolutio requiritur.

Titulus 28.

De Exceptionibus & Replicationibus.

Probata Actoris intentione, Reus condemnabitur, nisi aliqua *Exceptione* se defendat.

Exceptio, est defensio, ex justa & legitima causa competens, adversus id, quod ab Adversario intenditur.

Summa Exceptionum divisio est, quod aliæ sunt Dilatoriae, aliæ Peremptoriae.

Dilatoriae Exceptiones sunt, quæ principalem actionem & causam non perimunt, sed tantum differunt ad tempus. Harum Exceptionum aliquæ concernunt Judicem, aliquæ Litigantes, aliquæ Modum actionis instituendæ.

Judicem concernunt Exceptiones, quod sit incompetens, aut suspectus, propter cognationem, affinitatem, necessitudinem domesticam, aut familiaritatem, qua Actorem contingit; quod imperitus sit juris, aut impar magnitudini causæ. Huc pertinent, exceptio loci non tuti, termini angusti, feriarum.

Atq; notandum, Jure Civili Judicem ordinarium recusari non posse ut suspectum, ad hoc ut removeatur; sed ei, si sit aliqua causa suspicionis, alius adjungendus est.

Exceptionum, quæ Litigantes concernunt, aliæ ad personas principales, hoc est Actorem vel Reum, aliæ ad Accessorias, puta Procuratores. attinent.

Ex Persona Actoris, oritur Exceptio non impetratae veniæ, si agat contra personam, cui reverentiam debet. Ex Persona Rei, Exceptio competens Legatis, tempore Legationis; & Studiosis; item exceptio spoliationis.

Ex Persona tam Actoris, quam Rei, competunt Exceptio justiciæ impeditenti, cautionis, & similes.

Ex Procuratoris persona, descendit Exceptio procuratoria, qua vel contra Procuratoris personam, vel contra Mandatum ejus excipitur.

Exceptiones, Modum Actionis concernentes, sunt, quod libellus sit ineptus, incertus, quod ante tempus & conditionem, plus quam debetur, petatur.

Per-

Peremptoriae Exceptiones sunt, quæ actiones, quibus agitur, non differunt tantum, sed & perimunt atque elidunt: uti Exceptio Rei judicatæ, Exceptio Transactionis, & Jurisjurandi.

Dilatoriæ Exceptiones, regulariter objicere oportet ante litem contestatam, vel intra terminum a Judice constitutum. *Peremptoriae* objici possunt, ante, & post litis contestationem, usque ad sententiam, quia post sententiam, res judicata habetur pro veritate.

Contrariæ Exceptionibus sunt *Replicationes*: uti enim Exceptio Actionem, ita Replicatio Exceptionem enervat. Porro, quemadmodum Replicatio Exceptionem, ita Replicationem *Duplicatio*, *Duplicationem* *Triplicatio*, *Triplicationem* *Quadruplicatio*, & ita deinceps, excludit.

Tempus ad replicandum, duplicandum &c. in arbitrio Judicis consistit.

Titulus 29.

De Præscriptionibus.

NON tantum Exceptionibus, sed & Præscriptionibus, sive *Vsucapionibus*, se defendere Reus potest, obijciendo Actori, quod rem, vel jus, de quo agitur, jure præscripserit.

Præscriptio sive *Vsucapio*, est adjectio dominii, per continuationem possessionis, temporis lege definiti.

Ad Præscriptionem requiruntur, *Possessio continua*, *Bona fides*, & *justus titulus*, id est *justa acquirendi causa*.

Tempus Præscriptionis, varie a jure, pro varietate *matarum*, est circumscriptum; unde & diversæ oriuntur *Præscriptionum species*. Quædam enim est

triennalis, uti in rebus mobilibus; quædam *quadriennii*, uti cum res a Fisco emuntur; quædam *decennii*, videlicet in rebus immobilibus & incorporalibus, inter præsentibus; quædam *vicennii*, uti inter absentes; quædam *annorum 40.* uti in rebus Ecclesiæ præsentibus; quædam *centenaria*, aut tanti temporis, ut de ejus initio non extet memoria, uti in Rebus Ecclesiæ Romanæ, & Regalibus.

Actionibus omnibus spatium triginta annorum præscribitur, ita ut exceptione elidantur. In nonnullis tamen *unicus annus*, sicut in actione injuriarum; in nonnullis *biennium*, uti in actione de dolo; in nonnullis *quinquennium*, uti in querela Inofficiosi; in aliis *quadriennium*, uti in restitutione in integrum, sufficiunt.

Res præscribi possunt, quæ sunt in commercio, & possideri queunt.

Bona fides, est credulitas, qua quis putat, tradentem esse dominum, vel jus distrahendi habere, licet in facto erret.

Iustus Titulus, est iusta causa possidendi, ita, ut si a domino res fuisse habita, dominium potuisset transferre. Tales tituli sunt, Solutionis, Emptionis, Transactionis, Hereditatis, Occupationis, Apprehensionis rei pro derelicto habitæ, Legati, Dotis, Pro suo.

Quod si ab initio quis bona fide rem possideat, verum, ante completam usucapionem, superveniat mala fides, hæc jure civili non interruptet usucapionem: quia mala fides superveniens, facti est; usucapio vero juris.

At, jure Canonico, non attenditur subtilitas juris civilis, quippe involvens peccatum mortale, ita, ut nulla valeat sine continua bona fide præscriptio.

Si interruptatur præscriptio, in nihilum evadit. Interruptitur autem, vel *naturaliter*, quia possessor possi-

possidere desiit; vel *civiliter*, per citationem solennem, denunciationem, litis contestationem.

Præter possessionem continuam, requiritur, ut possessor sciat, *se rem suo nomine, sive per se, sive per alium possidere*, unde Colonus, Emphyteuta, Vasallus, & is, qui precarias ab Ecclesia consecutus, nullo unquam tempore præscribere queunt.

Titulus 30.

De Sententia & Re judicata.

Postquam Actor & Reus ea omnia allegarunt, quæ ad causæ instructionem pertinere videbantur, concluditur tandem in causa, & utrinq; petitur ferri sententia.

Sententia, est pronuntiatio Judicis, controversiæ, condemnatione, vel absolutione, finem imponens. Atque hæc proprie est *sententia Definitiva*, quatenus totum negotium principale, definit ac terminat.

A Definitiva differt *Sententia Interlocutoria*, quæ non finit controversiam, sed tantum incidens aliquod impedimentum removet, ut lis instituta expeditius procedat, & exitum suum consequatur: uti de libello corrigendo, dilatione danda, vel deneganda, rebusq; similibus.

Interlocutoria sententia, semel lata, ab eodem Judice revocari potest. Definitiva, revocari non potest, quia postquam Judex sententiam dixit, jam definit in ea causa esse Judex, quippe officio suo functus.

Judex is fert sententiam, qui jurisdictionem habet in quæstione proposita. Nam, a non competente Judice lata sententia, ipso jure non valet.

Plures si sint Iudices competentes, omnes simul sententiam ferre debent, nisi quis per contumaciam absens sit, vel unus de mandato aliorum pronunciet.

Ferenda est sententia de omnibus, quæ veniunt in controversiam, si quidem de negotio liqueat, debetque esse libello conformis.

Debet etiam Iudex, in ferenda sententia, servare ordinem juris. Is autem requirit, ut pronuncietur in scriptis, publice, die juridica, a Iudice sedente in loco constituto, pure, non sub conditione, secundum allegata & probata, citatis ad hoc litigatoribus.

Sententia recte lata, post decem dies, si ab ea non fuerit appellatum, transit in rem judicatam. Est autem Res judicata, ipsa causa controversa, quæ finem controversiæ, pronuntiatione iudicis, accepit.

Sententia, quæ a Iudice per sordes, aut imperitiam magnam dicta, non transit, quoad Iudicem, in rem judicatam, omnino autem quoad partes. Iudex vero, qui per sordes male judicavit, parti læsæ tenetur in litis æstimationem; si per imperitiam id accidit, condemnabitur, in quantum judicantis religioni visum fuerit, & ab executione officii, per annum suspenditur.

Titulus 31.

De Executione Rei judicatæ.

Post Sententiam latam, maxime si ea transierit in Rem judicatam, Executio differri non debet.

Executio aliter sit in Actione Personali, aliter in Reali. In Reali statim facienda, post decennium. In Personali, non nisi post emensa quatuor mensium spatia. Id tamen quadrimestre tempus nonnunquam,

per-

personarum locorumq; qualitate, aliisq; circumstantiis consideratis, arctari, extendiq; a Judice potest.

Executionem aliter præstat Judex Secularis, aliter Ecclesiasticus.

Judex Secularis, primo bona mobilia & se moventia, capi jubet; secundo immobilia; tertio, ad nomina sive jura, id est ad ea quæ debentur condemnato, modo sint liquida & confessa, progreditur; recusantem dare, manu militari cogit.

Judex Ecclesiasticus, pro conditione personæ victæ, vel suspendit, vel deponit, vel excommunicat, vel degradat. Quod si quis censuræ Ecclesiasticæ morem non gerat, brachium seculare implorat; Judicem secularem, auxilium denegantem, excommunicat.

Qui executionem injustam putat, precibus, non violentare debet, an ea, donec superior Magistratus consulatur, differri possit.

Titulus 32.

De Appellationibus, Recusationibus, & Relationibus.

SI victo, sententia, ab Inferiore Judice lata, videatur iniquior, licebit ab ea appellare.

Est autem *Appellatio*, ab inferiore judice, ad superiorem facta provocatio, ratione gravaminis illati, vel inferendi.

Appellatio duplex est, Judicialis, & Extrajudicialis.

Judicialis Appellatio est, quæ in judicio, de his, quæ in illud veniunt, vel circa illud accidunt, ante, vel post sententiam definitivam, a minore Judice, ad majorem interponitur. Atque jure quidem Civili regulariter interlocutoria appellare non licet, sed de jure Ca-

nonito, ab omni interlocutoria, imo & ab omni gravamine, etiam extra iudicium alicui illato, vel inferendo, recte appellatur. Hodie tamen, ex Decreto Concilii Tridentini, non aliter permittitur appellare a sententia interlocutoria, quam si vim definitivæ habeat & gravamen contineat irreparabile.

Extrajudicialis Appellatio est, quæ fit extra iudicium, a gravamine illato, vel inferendo. Vti, quia beneficium alteri in præiudicium meum collatum, aut, ne fiat Electio, Postulatio, Beneficii collatio.

Appellare possunt, sive suo, sive alieno nomine, omnes, quorum interest, non ita fuisse iudicatum. Atque appellari potest in omnibus causis, tam civilibus & levioribus, quam criminalibus & majoribus.

Sed tamen, si crimen fuerit notorium, Reus condemnatus appellans non auditur; quia tunc constat, eum tantum appellare, pœnæ differendæ causa. Similiter appellare prohibentur, qui condemnati ob contumaciam veram; qui jurarunt, se a iudice non appellaturos; aut ejus sententiam quoquo modo probarunt.

Sunt etiam causæ aliquæ, in quibus appellatio prohibita. Tales sunt: Ea, per quam quis impedire conatur, ne testamentum aperiatur, & sic scriptus heres in possessionem mittatur: Causa possessionis momentaneæ, Executionis, Regularis disciplinæ correctio, & aliæ.

Ab una eademque sententia ter appellare non conceditur: quia præsumit lex & Canon, illud esse justum, quod tribus diversorum iudicum conformibus sententiis est firmatum; eaque præsumtio est juris, & de jure.

Appellandum a iudice inferiore, qui sententiam tulit, ad ejus proxime superiorem, & sic gradatim ad huius quoque proxime & immediate superiorem, ne ex-

tero.

teroqui confundantur jurisdictiones, adeo, ut jure Civili, omisso aliquo Judice intermedio, ne quidem ad ipsum Principem appellare liceat. *Jus* autem *Canonicum* indulget cuiq; potestatem, appellare, a quolibet Judice inferiore, ad Summum Pontificem, omissis intermediis. Pontifex enim, omnium inferiorum Judicum jurisdictionem habet, omniumq; & singulorum est Judex. At Princeps inferiorum Judicum jurisdictione se abdicavit.

Appellatio regulariter interponenda est, coram eodem judice, qui sententiam tulit, nisi vel justus metus prohibeat, vel is, qui appellare desiderat, copiam Judicis a quo, habere non possit. Hoc casu sufficiet, coram probis viris, vel coram Notario & testibus, appellare.

Appellandum, vel statim a sententia lata, quod vocant, *illico, vel stante pede appellare*; sive libello, & viva voce, satisq; est dicere, Appello. Vel, si quis non appellaverit illico, appellandum intra decendium, id est decem dies, a die latæ sententiæ, vel a die, quo sententiam latam intellexerit is, qui appellare vult, & quidem in scriptis; atq; decem illi dies, de momento in momentum computantur.

Appellatione rite interposita, appellans *litteras dimissorias*, quibus scilicet causa ad eum, qui appellatus est, dimittitur, (quæ vulgo *Apostoli* dicuntur) intra triginta dies continuos, a lata sententia, numerandos, ab eo, a quo appellatum est, ad eum, qui de appellatione cogniturus est, sæpius, & instanter, instantius, instantissime, petere debet; alioqui Appellationi suæ renunciassse censetur: quæ præsumptio, est juris, & de jure. *Sunt igitur Apostoli*, litteræ dimissoriæ, quas Judex a quo, transmittit ad judicem superiorem, ad quem appella-

appellatum est, in testimonium & fidem appellationis interpositæ.

Apostoli sunt triplices: Dimissorii, Reverentiales, & Refutatorii. *Dimissorii*, sunt literæ ad Judicem appellatum directæ, testificantes de appellatione, coram Judice a quo, vel honestis personis, admissa, aut interposita.

Apostoli Reverentiales sunt, quando non ob causæ justitiam, sed solum ob reverentiam Superioris, ad quem appellatur, Judex a quo, deferret Appellationi.

Apostoli Refutatorii sunt, quibus Judex a quo, significat Judici ad quem, se non admisisse appellationem, adjecta etiam causâ, cur appellationem rejecerit: nam, si recuset absq; justa causâ deferre appellationi, puni-
tur: lædit enim sic, & turbat superiorem Judicem in sua Jurisdictione,

Apostolis concessis, appellatio Judici ad quem, intra certum terminum debet præsentari. Atque præfigitur *is terminus, vel a Lege*, cum lex vel statutum, certum præsentandæ appellationis tempus præscribit; *vel ab Homine*, cum Judex, personæ causæq; circumstantiis perpensis, illud statuit. Vterq; est ejusdem effectus, nisi quod terminus Legis, a Judice a quo, minui, non prorogari potest: Hominis vero, ab ipso Judice a quo, intra tempus a se præscriptum, recte prorogatur.

Præsentatione facta, si Judex, ad quem appellatum, appellationem recipiat, debet appellans Judici a quo, suam præsentationem, una cum Compulsorialibus & Inhibitionibus, referre.

Compulsoriales, sunt literæ, quibus Judex ad quem, post appellationis receptionem, Judici a quo man-
dat;

dat, ut acta causæ ad se intra certum terminum transmittat.

Inhibitiones, sunt literæ, quibus Judex appellationis, judici a quo provocatum, interdicit, ne, appellatione pendente, quid in causa attentet, innovet, vel ulterius procedat.

Appellatione & inhibitione facta, si quid nihilo secius innovatum vel attentatum, sive a Judice a quo, sive a parte fuerit, id omnino rescinditur.

Appellatio, intra annum, vel si sit justa causa, intra biennium, aut aliud tempus, a Judicibus, prout causarum qualitas desiderat, definitum, quodq; a die interpositæ appellationis computandum, proseguenda est, secus, appellatio intelligitur esse deserta.

Qui appellationem deseruit, itemq; qui temere appellavit, in expensas condemnatur.

Appellationi affinis est Recusatio, qua alter litigantium recusat Judicem, & negat, se ejus stare velle iudicio in præsentī causa, quamvis alias sit iudex competens, eo quod ex justa causa sit suspectus.

Proponi potest recusatio, ante litis contestationem, vel post, in quacunq; litis parte, etiam post conclusionem, si tum demum suspicio oriatur; atque fieri debet in scripto, justam suspicionis causam, postea probandam, continente.

Justæ causæ, inter alias sunt: Si Judex litigatori sit inimicus, aut amicus, cognatus, affinis adversarii; aut, si in eodem negotio fuerit Advocatus, Procurator; vel, si ipse cum alio habeat litem similem, ne jus inter alios dicat, quod sibi dici postulat.

Effectus Recusationis est, quod, causa recusationis pendente, iudex in lite supersedere, non progredi ulterius debet.

Causa

*Causa intra annum non probata, iudex perinde pro-
cedit, ac si recusatus non fuisset.*

*Causa probata, debet iudex abstinere, & causam al-
teri remittere, vel ad Superiorem transmittere.*

*Appellationi affinis quoq; est Relatio, quæ est Judicis
competentis, de jure, ob difficultatem, vel ejus ambi-
guitatem dubitantis, ad Papam, aut Principem, missa
consultatio.*

*Fieri debet Relatio, ante sententiam definitivam, in
scripto, dubitationis articulis & juribus, e quibus per-
plexitas oritur, insertis.*

*Debet quoq; illius exemplum partibus edi, ut, si for-
te Relatio alicui minus plena videatur, suas opponere
rationes, & refutatorios libellos, Pontifici, aut Principi
offerre possit.*

*Relatione pendente, quæ innovantur, vel de causæ
meritis inquiruntur, aut fiunt, irrita habentur.*

Titulus 33.

De Supplicationibus.

*Supplicatio, est quædam superioris imploratio, ad-
versus sententiam, contra quam ordinarium appel-
lationis remedium non competit.*

*Est Supplicatio remedium extraordinarium, ex gra-
tia Principis, seu Superioris, concessum: & locum tan-
tum habet in casibus, ubi remedium appellationis or-
dinarium cessat: puta propter Judicis vel excellentiam,
vel privilegium, non vero eo casu, ubi de jure commu-
ni appellare non licet.*

*Fit Supplicatio, prorsus uti Appellatio, vel in conti-
nenti, vel post in scriptis.*

Intra decem dies si facta, sententia non aliter executioni mandatur, nisi victor tantum restituendi, si ipsum postea succumbere contingat, quantum fuerit in condemnatione, satisfactionem præstiterit. Intra biennium, post decem dies, si facta supplicatio, indistincte, sine ulla satisfactione, fit executio.

Titulus 34.

De in Integrum Restitutione.

Restitutio in Integrum, est remedium quoddam extraordinarium, quo iudex lapsis vel circumventis subvenit; siue metu, siue calliditate, siue ætate, siue absentia, inciderint in captionem.

Restitutio in integrum datur imprimis minoribus 25. annis, siue sententia iudicis, vel alio judiciali actu, siue & contractu, alioque casu læsi fuerint. *Datur & Majoribus*, si iusta causa subsit restituendi, uti, si dolo adversarii inducti, quid fecerint, vel iusta ex causa absentes aliquid non fecerint. *Datur & Ecclesiæ*, quoquo modo læsa sit, siue alienando, siue contrahendo, siue extra iudicium, siue in iudicio, per Episcopum, Procuratorem, vel Syndicum; etiam contra aliam Ecclesiam. Gaudet enim Ecclesia jure minoris, & se ac bona sua defendere ipsa nequit.

Petebatur Restitutio in Integrum olim a Prætore, nunc *petenda a Principe*, vel Iudice ordinario, administrationem habente, aut ejus Delegato, si nimirum specialiter ea causa ipsi delegata sit, vel alii causæ delegatæ incidat.

Restitutio in Integrum, si contra sententiam concessa fuerit, causa ex integro agitur: si contra contractum, aliumve actum, res retractatur, & in pristinum statum reponitur, ita, ut unusquisque, tam qui restituitur, quam

quam alius, contra quem restitutio postulata, jus suum integrum recipiat.

Pendente causa Restitutionis, nihil innovari debet, sed, donec ea finita, omnia in suo statu relinquenda; nisi restitutio, contra sententiam petita, malitiæ & tergiversationis suspicione laboret: tum enim sententia executioni mandatur, præstita tamen ab adversario cautione idonea, de restituendo eo, si superatus in restitutione petenda fuerit, quod medio tempore, sententiæ ipsius occasione, percipiet.

Titulus 35.

De Confirmatione utili, vel inutili.

Confirmatio utilis dicitur, quando Summus Pontifex, sententiam aliquam, sive privilegium, sive aliud quid, confirmat ex certa scientia: atque tunc iudex inferior de eo amplius cognoscere non potest; & talis confirmatio, jus tribuit illi, cujus negotium confirmatum est.

Confirmatio Inutilis, est, quando rescriptum confirmationis, a Summo Pontifice factæ, probatur esse subreptitium vel obreptitium, scilicet re non satis intellecta, ut se habebat, sed, vel falso narrato, vel vero occultato. Ideo vero est inutilis sic facta confirmatio, quia, licet ipso jure non sit nulla, tamen, per exceptionem repelli potest.

LIBER V.

Titulus 1.

De Delictis.

Post Civile judicium, de *Criminali* agendum, in quo de crimine, sive delicto, publicæ disciplinæ causa, agitur.

Etsi Jus Pontificium pœnarum atrocitatem averfatur, præsertim quibus de sanguine & vita hominis agitur; tamen, ut mali coercerentur, & boni inter malos quieti vivant, certas adinventit pœnas, quibus fontes, citra sanguinis vindictam, aut membrorum debilitationem, plecti possunt. Sustulit etiam hoc jus, distinctionem juris Civilis inter privata delicta & publica, & omnia voluit publica esse.

Delicti sive *Criminis* nomine, in Jure Canonico venit, non tantum quod dolo malo admittum, sed & Damnum, culpa, licet levissima, datum.

Delicta alia, Divinam Majestatem, alia, Proximum ledunt.

Divinam Majestatem ledunt, Simonia, Hæresis, Schisma &c. *Proximum ledunt*, Homicidium, Adulterium, Stuprum &c.

Titulus 2.

De Simonia.

Simonia, (a Simone Mago, qui primus hoc crimen admisit, cujus historia Act. 8. extat, sic dicta,) est studiosa voluntas, emendi, vel vendendi aliquid spirituale, vel spirituali amexum. Dicitur *voluntas studiosa*, ut excludantur leviores, & minus deliberati vo-

luntatis motus. Verba, *emendi, vel vendendi*, designant contractum omnem onerosum, pretio, vel quod pretii rationem habet, intercedente. Veluti, si pecunia detur, vel promittatur, ex pacto sive tacito, sive expresse, pro Sacramentorum administratione; pro sepultura & exequiis mortuorum; pro benedictionibus nubentium; pro ingressu Religionis; pro beneficiis Ecclesiasticorum collatione. Immo, si tantum obsequium aliquod aut munus præstetur, pro beneficio obtinendo.

Nimirum, contrahitur Simonia, non tantum, cum pecunia ipsa pro resacra datur, recipitur, promittitur; sed &, cum dans, a manu, vel lingua, vel obsequio recipientis, munus exigit. Proinde *Munus sive Pretium triplex est*, Munus a Manu, Munus a Lingua, & Munus ab Obsequio.

Munus a Manu, est pecunia, & res quælibet, quæ est in commercio, & cujus æstimationem numus metitur, sive corporalis res sit, sive incorporalis.

Munus a Lingua, est favor, sive preces & supplicationes humanæ, si ex pacto, vel promissione fiant.

Munus ab Obsequio, est servitus indebite præstita, ut quis ejus respectu aliquid spirituale consequatur.

Ad cognoscendum Simoniam, considerandum, quid, quale, a quo, pro quo, qua intentione, & quantum offeratur.

Simonia alia est Juris Divini, alia Juris Humani sive Ecclesiastici. Item, alia est Mentalis, alia Conventionalis; ad quam referenda quoque Confidentialis seu Confidentia, denique alia Realis.

Simonia juris divini, committitur circa res mere spirituales, & maxime circa eas, quibus confertur potestas Clavium.

Simo-

Simonia Juris Ecclesiastici, est, quæ ex jure positivo prohibitionem suam habet, & committitur circa rem, natura quidem sua vendibilem, prohibitam tamen vendi jure positivo Ecclesiastico: uti est venditio beneficiorum secundum id, quod temporale est, ob connexionem, quam hoc habet cum re sacra. Huc pertinent quoque venditiones officiorum minus spirituum: qualia sunt, Officium Oeconomi Ecclesiæ, Advocati Ecclesiæ, Sacristæ, & similia.

Simonia Mentalis, est, quæ mente tantum concepta, in solo proposito consistit interno, siue res tradatur, siue non tradatur, citra ullum pactum, seu conventionem.

Simonia Conventionalis est, quando a proposito interno proceditur ad conventionem, dandi aliquid temporale pro spirituali, citra tamen executionem, ex utraque, vel altera parte tantum.

Pertinet huc *Simoniæ species*, quæ *Confidentialis* seu *Confidentie* vocatur, quæ proprie locum habet in renunciationibus, & collationibus, aliisque provisionibus beneficiorum Ecclesiasticorum: v. g. quando quis illi cui providet de beneficio, cum certa fiducia & spe, ut provisos illud ipsum resignet, cedat, vel ei, a quo beneficium obtinuit, vel illius nepoti, vel etiam alteri. Alii hanc *Simoniæ speciem*, si conventio absit, potius ad Mentalem referunt.

Simonia Realis, est, quando, ultra conventionem dandam, accedit traditio ipsius rei, idque ex parte utriusque tam dantis, quam accipientis; uti cum quis pecuniam dat, & in vicem accipit Præbendam.

Simoniæ vitium incurrunt tam ementes, quam vendentes, secundum veterem constitutionem: *Anathema sit danti, Anathema sit accipienti.* Incurrunt amplius

plius idem vitium, qui sive dantis, sive accipientis, pro-
xenetæ, intercessores, & cooperatores fuerunt.

Excusationem a Simonia crimine inducit, 1. si aliquid detur ex mera liberalitate, & elemosyna, nec animus addit emendi, vel vendendi. 2. Si modicum & exiguum sit pretium, quod pro re spirituali datur, ita ut pervertere animum accipientis non soseat; modo non ex pacto detur, sed ex mera liberalitate. 3. Quando temporale aliquid intervenit non primario, sed secundario, & tanquam pro causa impulsiva & excitativa. Cujus rei exemplum in eo, qui servit Episcopo, sive futuræ alicujus remunerationis, absq; ulla vel pactione, vel conditione; & modo non principaliter hac intentione serviat. 4. Necessitas, quæ legem non habet, item redemptio injustæ vexationis, sive vexæ, pro jure in beneficio sibi quæsito tuendo, ac retinendo. 5. Laudabilis est & pia consuetudo, exigendi vel solvendi aliquid pro sepultura, & exequiis mortuorum, pro benedictionibus nubentium, & similibus. Dicitur laudabilis consuetudo, quasi quæ, nulli pactioni alligata, ex pia fidelium devotione, spontanea; & libera oblatione originem habuit. Sed &, quod sic solvitur, dici potest, solvi intuitu laboris extrinsecus impensi, & in stipendium sustentationis.

Synodus Tridentina Sess. 24. c. 14. damnat eas consuetudines, quibus pro institutione, admissione ad possessionem, seu installatione, aliave provisione, aliquid dari consuevit, vel deduci de fructibus; mandatq; Episcopis, ut ingressus eos, qui Simoniacæ labis, aut sordidæ avaritiæ suspensionem habent, fieri non permittant; illis tantum consuetudinibus, quas ut laudabiles probaverint, exceptis.

Paſſa illa & conventiones, quæ fiunt de dote certa, pro receptione Monachi, vel Monialis, in Monasterium inferenda, a vitio Simonix sic excusari poſſunt, quod id, quod dicitur dari pro ingreſſu Religionis, non tam detur pro ingreſſu ſtatuq; Religionis, qui vere ſpiritalis eſt, & natura ſua inæſtimabilis: ſed, vel intuitu ſuſtentationis, quod eſt onus temporale, pretio æſtimabile, ad evitandum gravamen ipſius monaſterii, maxime ſi inopia prematur, & deſtitutum ſit redditibus ac proventibus ad ſuſtentationem neceſſariis: vel intuitu reparationum, & onerum ſimilium, etiam in monaſteriis utcunq; divitibus.

Accuſare Simoniam poteſt quilibet Catholicus, imo & ſervi adverſus Dominos, & criminoſi quilibet admittuntur, non ſolum ad accuſandum, verum etiam ad teſtificandum.

Convicti de Simonia, varie puniuntur, pro varia inter Simoniacos diſtinctione. Nam alii ſimoniace ordinantur a Simoniacis, alii ſimoniace a non Simoniacis, alii non ſimoniace a Simoniacis.

Simoniace ordinantes, vel ordinati, deponuntur, fructus, quos perceperunt, ſub periculo animæ reſtituere debent: excommunicantur inſuper, nec niſi a Pontifice abſolvi poſſunt; pecunia data conſiſcatur.

A Simoniacis, licet non ſimoniace, ordinati, tamen deponuntur, niſi probent, ſe, cum ordinarentur, neſciſſe eos eſſe Simoniacos, illoſq; pro Catholicis fuiſſe habitos in Eccleſia.

Qui pecunia aliquid Eccleſiaſticum redemit, quin & is, qui pecuniam ab eo accepit, & ille, qui pro eo interceſſit, infamia notantur.

Titulus 3.

Ne Prælati vices suas, vel Ecclesias, sub annuo censu concedant,

Simoniz species est, quando Prælatas certam pecuniam summam accipit, & alteri in vicem *Jurisdictionem* suam, vel Ecclesie regimen concedit. *Jurisdictionis* enim Ecclesiastica, & potestas, est res spiritalis, quæ uti haud vendi, ita nec locari aut aliter cedi sine simonia potest. Licet interim Prælato, si absens aut infirmus sit, certo salario constituto, alteri *jurisdictionem* exercendam committere: fructus item Ecclesiarum, licite sub annuo censu conceduntur.

Qui vices Prælati, vel Ecclesie administrationem, *pretio dato, & annuo censu constituto*, suscepit, officio suscepto privatur, & a Clero removetur.

Titulus 4.

De Magistris, & ne aliquid exigatur pro licentia docendi.

Simoniz speciem præ se fert, etsi Simonia proprie non est, cum *Docendi licentia* pro pretio conceditur.

Qui docendi munere fungitur, *Magister* vocatur, eo quod magis quam alii, monet ac monstrat. Tali debet in qua ibet Ecclesia Cathedrali, imo & alia, cujus sufficiunt facultates, a Prælato cum Capitulo constitui, eiq; de beneficio, quo siturus, quamdiu in docendi perstiterit munere, prospici, ut Clericos & pauperes, in humanioribus literis, aliisque facultatibus gratis doceat.

Qui docendi licentiam vendit, aut idoneæ personæ licentiam docendi petenti, interdicit ne doceat, beneficio Ecclesiastico privatur.

Qui pretio docent, quod promissum est & non acceptum, remittere, acceptum vero restituere tenentur; beneficiis insuper privantur.

Titulus 5.

De Judæis, Saracenis, & eorum Servis.

Judæi vocantur, qui Veteri Testamento, superstitiose intellecto, fidem habent, Novum vero rejiciunt.

Hi, in quibusdam casibus, eodem cum Christianis jure utuntur; in aliis, deterior est illorum conditio. Eodem jure cum Christianis utuntur, in contractibus & matrimoniis; quin & pariter, uti Christiani, neutiquam die Dominico, ita nec ipsi Sabbato, inviti ad judicium trahendi.

Judæi, propter spem conversionis, tolerantur inter Christianos, sed ita, ut dura utantur conditione. Nempe, novas Synagogas exstruere prohibentur; Arcentur ab honoribus & dignitatibus; Christiana mancipia, famulos, nutrices, obstetrices Christianas habere prohibentur; a Christianorum consuetudine & connubiis abstinere debent; in die parasceves, ostia & fenestras clausas habere coguntur; in diebus passionis dominicæ, in publicum iis prodire non licet; habitu, per quem a Christianis discernantur, utriusq; sexus uti jubentur; Judæis Medicis, Christianos in infirmitatibus invisere, eis medicamenta præbere, in iisdem cum eis balneis esse, neutiquam concedendum. Si quem Christianum circumcidant, vel ad suam religionem perducere conantur, capitali supplicio afficiendi.

Christianum mancipium si Judæus habeat, illud cui-
cunq; Christiano, datis duodecim solidis, vel ad inge-
nuitatem, vel ad servitutem, redimere licet.

Judæi, leges iis dictas servantes, *nec ad fidem Chri-
stianam cogi*, nec in personis, nec bonis violari, nec in
festivitatibus molestari, nec eorum cœmeteria vio-
lari, nec corpora humata effodi debent. Qui secus
faxit, vel officii privatione, vel excommunicationis
censura plectitur.

Saraceni sic dicuntur, vel a Sara Abrahami uxore,
vel a Saraca, Arabiæ sive urbe, sive regione; nam & Sa-
racenorum gentem, inter Arabes Plinius numerat.

Per Saracenos, Canonistæ vulgo intelligunt Paga-
nos. At vero *Pagani* proprie dicuntur, qui neq; Ve-
tus, neque Novum Testamentum agnoscunt, idola
autem colunt, usq; sacrificant.

Saraceni utrumq; Testamentum, saltem ex parte ad-
mittunt; sed varie peccant, præcipue, quod Christum
pro Dei filio, & humani generis Redemptore, non
agnoscunt.

Circa Saracenos eadem fere statuta, quæ circa
Judæos. Peculiare est, quod illis subsidium tempore
belli dantes, arma, & prohibitas merces vendentes,
curamque eorum navium gerentes, excommuni-
cantur, bonorum privatione mulstantur, & capien-
tium servi fiunt.

Titulus 6.

De Hæreticis, Schismaticis, Apostatis,
& Anabaptistis.

Hæreticus est, qui sibi eligit doctrinam singula-
rem, a sensu Catholicæ Ecclesiæ alienam,
eamque pertinaciter defendit.

Qua-

Quatuor requiruntur, ut quis Hæreticus cenſeatur.

1. Vt falſum dogma teneatur, & in articulis fidei, & contra Eccleſiæ decreta, erret. 2. Vt ſcienter erret, & ſic perverſæ ſit voluntatis. 3. Vt pertinaciter errorem defendat, nec correctionem admittat. 4. Vt ſit baptizatus. Nam Pagani, Judæi, & a Chriſtiana fide alieni, non ſunt Hæretici.

Hæretici nomen habent, vel ab Auctore ſectæ, ut Eutychediani, ab Eutyche; Nicolaitæ, a Nicolao; vel a dogmatibus, quæ eligendo inſtituerunt, ut Aquarii, Anthropomorphi.

Hæretici, ut inquirantur, & exſtirpentur, ordinariæ, ad ſingulos Episcopos in illorum diœceſibus pertinet.

Extraordinariæ ea cura incumbit Inquiſitoribus hæreticæ pravitate, a Summo Pontifice ad hoc conſtitutis, ut adverſus Hæreticos, vel conjunctim cum Episcopis, vel ſoli, ſecundum formulam a jure iis definitam, procedant.

De hæreſi convicti, & vivi & mortui, varie puniuntur. Nimirum, eorum bona conſiſcantur, nec filiis orthodoxis reſervantur; ſepultura Eccleſiaſtica iſtis denegatur; ſepulti eccleſiaſtice, exhumantur; qui eos ſepelivit, excommunicatur, & niſi propriis manibus illos extumulet, & in terram projectos relinquat, non abſolvitur; pollutum cœmeterium reconciliatur.

Vivi hæretici puniuntur & in Perſona, atque hæc ſive propria, ſive liberorum; & in Bonis.

In perſona propria pœna manent Hæreticos, quod excommunicantur, & una cum ſcriptis damnantur; quod iis ſubjecti, a debito fidelitatis, dominii, & obſequii abſolvuntur, quod eorum liberi a potestate

patria liberantur ; quod ab officiis publicis remouentur ; quod acta illorum rescinduntur ; quod ad testimonium dicendum , accusandum , testandum , contrahendum , patrocinium , si sunt Advocati , præstandum , non admittuntur.

In persona liberorum , pæne manent Hæreticos , quod liberi ipsis succedere , licet orthodoxi sint , nequeant : quod , usque ad secundum lineæ paternæ , ad primum lineæ maternæ gradum , eorum filii ad beneficium Ecclesiasticum , vel officium seculare , non admittuntur , nisi parentes ante mortem se emenda-
verint.

In Bonis , pæne manent Hæreticos , quod ad hereditatis successionem non admittuntur ; quod bona acquisita , & cum iis dotes uxorum , quæ , scientes ipsos esse hæreticos , illis nupserunt , ipso jure confiscantur ; & , si Clerici sint , Ecclesiæ , a qua stipendia perceperunt , si Laici , fisco Principis temporalis adjudicantur.

Hactenus enarratas pœnas effugiunt , qui , continuo post erroris deprehensionem , ad fidei Catholicæ unitatem recurrunt , errorem suum ad arbitrium Episcopi Regionis publice abjurando , & satisfactionem congruam exhibendo.

Qui , post Erroris abjuracionem , in abjuratam hæresin recidisse deprehenduntur , seculari judicio , instar Hæreticorum pertinacium , sunt relinquendi , sine ulla penitus audientia.

Schismatici , a scissura sic dicti , sunt , qui se ab universâ Ecclesiâ per inobedientiam diviserunt.

Schismatici excommunicantur , & damnantur , ne gradu & dignitate Ecclesiastica , si quam habent , deiciantur . Si Laici fuerint , privantur dignita-

gnitatibus, & Principibus Secularibus corporaliter puniendi traduntur.

Ordinationes, beneficiorum collationes, rerum Ecclesiasticarum alienationes, a Schismaticis factæ, sunt irritæ; ab iis ordinati, ab officio repelluntur, nisi super eos dispensaverit, qui dispensandi potestatem habet.

Hanc potestatem habet Summus Pontifex, si scientes a Schismaticis sint ordinati; si ignorantes, quilibet discretus Prælat us.

Apostatae sunt, qui a statu fidei, obedientiæ, vel religionis, quam se tenere professi sunt, temerarie recedunt.

Apostasiæ species tres sunt, Perfidia, Inobedientia, & Irregularitatis.

Apostasia Perfidia est, cum quis Christianam religionem, ejusq; verum cultum deserit, & ad Judaicos, aliosq; detestabiles ritus deflectit. Poena hujus eadem est, quæ hæretici.

Apostasia Inobedientia est, cum quis superioris præcepta transgreditur, vel sacris statutis & canonibus obedientiam non præstat, quibus tamen obediendum esse credit. Tales sunt infames, accusare vel testimonium dicere prohibentur, excommunicantur, deponuntur, & quandoq; degradati Judici seculari traduntur.

Irregularitatis Apostasia est, cum quis ab ordine assuetæ religionis recedit. Tales, apostasia durante, ipso jure sunt infames, ab accusatione & testimonio repelluntur, a dignitatibus removentur; si admoniti se non corrigant, deponuntur, privilegiis Clericis concessis privantur; fœdo carceri, donec sui pertæsi erroris resipiscant, mancipantur.

Anabaptistæ sunt, qui sacrum baptismum iterant. Hi, si Clerici sunt, deponuntur; si Laici, excommunicantur, nec ad Ordines admittuntur. *Rebaptizati ignoranter*, ad Ordines, nisi maxima necessitate urgente, admitti non possunt; *scienter rebaptizati*, per septem annos debent pœnitere.

Titulus 7.

De Parricidio, & Infantibus, ac languidis expositis.

P*arricidium* est, quando occiduntur parentes, vel liberi, vel aliæ personæ, sanguine conjunctæ.

Pœna parricidarum veteri jure Civili fuit, ut virgis sanguineis verberati, ac culeo insuti, cum cane & gallo gallinaceo, vipera & simia, in mare vel in amnem projicerentur. *Jure vero Canonico* suadetur matri, quæ iracundiæ calore ducta, uti, quod maritus illi exprobrare solitus, filium suum non esse, eundem filium occidit, si quidem vidua sit, ut in monasterium se conferat, & ibi reliquo vitæ cursu peccatum deploret; si vero est conjugata, non ideo a marito separari debet, sed alia pœna ei imponenda.

Mulier, partum animatum, hoc est post 40. diem a conceptione, medicamentis, vel aliter sponte abi-gens, vel abortum ita faciens, capitali supplicio ple-ctenda est.

Si infans in lecto parentum suffocatus inveniatur, nec constet, quis eum ex conjugibus oppresserit, indicitur utrisq; pœnitentia trium annorum, quorum unum in pane & aqua peragere debent; siquidem in eo peccarunt, quod, infantem in communem lectum recipiendo, eundem periculo oppressionis exposuere.

Qui

Qui matrem occiderit, pœnitere debet per annos decem, secundum formam præscriptam in can. latorem 33. q. 2.

Qui infantes, ac minores septennio exponunt, ut vel pereant, vel ab aliis ex commiseratione suscipiantur, pœna digni sunt: & si pater fuerit, amittit jus patriæ potestatis; si dominus, jus dominicæ potestatis, non tantum si ipse exposuerit, sed & si ab alio expositum sciverit, vel postea ratum habuerit; atque ita expositus, hoc ipso, consequetur libertatem. Insuper exponens filium aut filiam, privatur successione eorundem, ab intestato decedentium.

Eadem pœna statuitur in eum, qui filium languidum, id est, sic viribus ob infirmitatem privum, ut ad functiones præstandas inutilis sit, cujuscunq; ætatis is fuerit, exponit. Qui tamen hunc suscipit, non ideo jus aliquod in ejus personam acquisivisse censendus est.

Titulus 8.

De Homicidio voluntario, vel casuali.

Homicidium, est delictum, quo quis directe, vel indirecte, hominem interfecit: estq; aliud Voluntarium, aliud Casuale, aliud Necessarium.

Homicidium Voluntarium dicitur, quod committitur animi proposito, & dolo: & vel aperte, & sine insidiis; vel proditorie ex insidiis, quod *Assasinium* dicitur. Occidisse etiam videtur, qui dolo malo causam mortis præbuit, qui mandando, consulendo, opem ferendo intercessit, qui sciens sarcinas occidentium custodivit.

Quia Ecclesia homicidas ad pœnitentiam cogere debet, pœnitentiali pœna in homicidas animadvertit.

In

In Episcopo homicida, pœna est depositio, peregrinatio, & annorum 15. pœnitentia; in Presbytero, annorum 12. cum depositione; in Diacono, annorum 10. in aliis Clericis & Laicis, annorum septem; quorum tres in pane & aqua exigendi. Qui Presbyterum occidit, 12. annis debet pœnitere, & sine militæ cingulo, ac spe conjugii, usq; ad ultimum vitæ tempus, manere.

Qui sibi ipsis violentas manus quolibet modo inferunt, cum Psalmis ad sepulturam deduci non debent, nec pro illis ulla in oblatione debet fieri commemoratio; nisi ex insania, aut mentis impotentia id fecerint.

Homicidium Casuale dicitur, quod præter intentionem & opinionem occidentis, citraq; dolum committitur. Tale etiam est, quod ab infantibus nondum doli capacibus, furiosis, aut dormientibus patrat. Hoc homicidium, quia fato quodammodo imputatur, extra noxam est; nisi forte culpa casum præcesserit; atque tum Clericus irregularitatem incurrit.

Homicidium Necessarium dicitur, quod fit ad necessariam corporis sui defensionem, ob vim illatam, quam repellere leges omnes permittunt; modo id fiat cum moderamine inculpatae tutelæ, hoc est, non ad vindictam, sed tantum injuriæ propulsandæ & avergendæ gratia. Hoc non punitur, licet Cardinalis fuerit occisus. Est quoque Necessarium homicidium, quod fit autoritate vel legis, vel Superioris, jus gladii habentis.

*Titulus 9.**De Torneamentis , Duellis,
& Sagittariis.*

Non tantum homicidium jure prohibetur , sed etiam ea , per quæ ad homicidia perveniri solet, ut sunt Torneamenta , Duella, Ars sagittariorum.

Torneamenta, sunt Nundinæ vel Feriæ , in quibus milites ex condicito convenire solent , & ad ostentationem virium suarum , pugnando temere congregari.

Hæc Torneamenta jure Canonico prohibentur, quia ex iis frequentes cædes hominum , & animarum pericula proveniunt. Ista tamen prohibitio , non extendenda ad ea hastiludia , quæ in nativitate aut inauguratione Principis, nunc exhiberi solent.

Jure Civili si quis alterum *in lucta vel pugillatu* occiderit , nulla hunc pœna manet : de jure vero Canonico, qui alium in Torneamentis interfecerit, reus est homicidii ; interfecto autem Ecclesiastica denegatur sepultura , si animo ludendi ac pugnandi accesserit ad torneamenta , non si ob causam familiam.

Duellum, est singularis pugna , quam quis sponte alteri offerit, vel ab alio oblatam suscipit, ad controversiarum decisionem , veritatis assertionem , & in defectum probationis, adhiberi solita.

Duellum aliud est Solemne, aliud Privatum.

Duellum Solemne est, quod fit servata certa forma & ordine , habita loci securitate , (id campum francum vulgo vocant) adhibitis patrinis , ac iudice , qui causas duelli audiat, & examinet.

Duel-

Duellum Privatum est, quod fit absque solemnitatibus, ex conducto tamen, & statuto tempore, ac loco opportuno.

Olim apud Romanos licita fuere duella, publici spectaculi causa exhiberi solita: ea postea Constantinus Imp. sustulit. Usurpata deinde iterum duella, non spectaculi gratia, sed criminis purgandi, veritatis asserendæ, & honoris defendendi causa, cum Longobardi in Italia rerum potirentur; unde origo duelli Solemnis. Hujusmodi duella plerarumque gentium legibus, sub certis formis aliquando tolerati fuerunt; nunc vero eorum usu non Clerici tantum, sed & Laici, penitus prohibentur.

Clericus ad duellum, per se, vel per alium, se offerens, aut oblatum suscipiens, irregularitatem incurrit, & deponendus est; nisi, morte, vel membri mutilatione non secuta, misericorditer cum eo dispensetur.

Sagittarii dicuntur, qui sagittas emittunt ex arcu minori; cujus usus olim in bello fuit, & etiamnum apud Turcas servatur.

Balistarius est, qui balista, sive machina bellica, e qua saxa ad quatendos muros ejiciuntur, utitur.

Si quis Sagittariorum & Balistariorum arte utatur adversus Christianos, excommunicationi subiacet. Qui eam exercens aliquem occidit, incurrit irregularitatem, quia versatur in re illicita.

Titulus 10.

De Adulteriis, & Stupro.

A *Dulterium generaliter dicitur* omnis conjugatio, quæ potestatem aut naturam legitimam conjugii

ugii non habet: *Proprie vero Adulterium* est violatio
 lterius tori, sive commixtio cum conjugato, vel
 conjugata. Atque committitur Adulterium de jure
 Canonico, etiam in solutam mulierem a conjugato,
 cum eadem a marito, quæ ab uxore, castimonia requi-
 atur.

Accusatio Adulterii, vel Criminaliter instituitur,
 coram Iudice seculari, vel Civiliter, coram Iudice Ec-
 clesiastico.

Criminaliter agitur ad pœnam, quæ in adultero est
 gladii, in adultera secundum Nov. 134. castigatio, &
 detrusio in monasterium.

Civiliter agitur ad separationem tori, cuius cogni-
 tio ad solum Ecclesiasticum iudicem pertinet, qui &
 excommunicatione adulteros ferire potest.

Separatio hæc, non est vinculi matrimonii, sed tan-
 tum cohabitationis, & tori divisio. Ea concessa, dos
 & donatio propter nuptias conjugii innocenti appli-
 cantur. Non conceditur Separatio, si eam petens,
 ipse quoque adulterium commisit, aut si ejus commit-
 endi autor fuit, aut factum postea probavit. Sic
 nec uxor, ab alio, quam a marito, violenter oppressa,
 vel ignoranter cognita, adulterii accusari potest.

Non licet de jure Canonico, uti de jure Civili, ma-
 rito uxorem adulteram, in adulterio deprehensam,
 ut ejus adulterum occidere.

Clericus, si adulterium commisisse, aut confessus, aut
 convictus fuerit, depositus ab officio, reliquum vitæ
 tempus, concessa tamen communionem, in monasterio
 exigere debet. *De adulterio tantum infamatus* ex
 confessione adulteræ, debet s. cum vicinis quinque
 presbyteris jurantibus purgare; si se purgare non pot-
 est, ab officio suspendendus.

Stuprum, generatim est illicitus congressus, cum virgine aut vidua, honeste vivente; proprie & stricte accipitur pro virginis defloratione.

De Jure Canonico, stuprator vidue honestæ, pœnitentiæ subditus, pecuniaria pœna coercetur. *Virginis honestæ stuprator*, tenetur eam dotare, & habere uxorem; nisi pater dare nolit, quo casu dotasse sufficit. Si vero ipse recuset illam ducere, corporaliter castigatus excommunicatusq; , in monasterium, detrudendus. Si non possit eam ducere, uti quia cognatus, aut ordine sacro insignitus, nihilominus dotabit, quia utrumq; est in obligatione.

Clericus stuprator, deponitur, & insuper pecuniaria pœna, vel corporali, veluti detrusione in carcerem, aut monasterium, puniri potest.

Qui Sacris Virginibus stuprum intulit, si Clericus, deponitur, si Laicus, excommunicatur: de jure vero Civili capite plectitur.

Sacerdos, qui cum filia spiritali, aut pœnitentiali fornicatus fuit, ab officio deponi, & 12. annis pœnitere debet, posteaq; monasterium ingredi: scœmina quoque, si laica, bonis suis pauperibus distributis, similiter, ut monasterium ingrediatur, compellenda.

Ex Pauli IV. constitutione, conciliatores, proxenetae, lenones, ac lenæ, qui puellam virginem interpellant, flagitio perfecto, capitali pœna; nondum perfecto, deportatione perpetua in Insulam, plectendi.

*Titulus II.*De Incestu, Raptu, Fornicatione,
& Sodomia.

Incestus, est consanguineorum, vel affinium, intra gradus jure prohibitos, abusus, seu cum iis concubitus.

De Jure Canonico, Clericus de incestu accusatus, & infamatus, deponendus est, & beneficiis privandus. Omnes vero incestu polluti, indiscriminatim sunt infames, excommunicati ipso jure, & a se invicem separari debent. Alterutro mortuo, alter, quam diu vivit, graviter pœnitere debet, omni spe conjugii præclusa. Quod si vero cum alia contraxerit matrimonium, illud subsistit; quia est impedimentum impediens, non autem dirimens matrimonium.

Qui scienter *matrem* & *filiam*, aut *duas sorores* germanas carnaliter cognovit; aut mulier, quæ patri & filio, aut duobus fratribus germanis sui copiam fecit, ex constitutione Sixti V. pœna ultimi supplicii electi jubetur.

Liberi ex incestu progenerati, non censentur legitimi, nec parentibus succedunt.

Raptus est, quando puella vel vidua violenter abducitur, ut corrupta in uxorem habeatur. Pœna Raptorum, si Laici sunt, est anathema; si Clerici, ordinis & honoris amissio.

Qui sibi desponsatam parentibus invitis abducit, de jure Canonico raptor non dicitur, & potest quoque, de hoc jure, rapta puella cum raptore matrimonium contrahere, si prior dissensio in consensum transeat, nec aliunde sit impedimentum. At, qui *Deo dicatas* virgines rapiunt, vel volentes matrimonio sibi jun-

gere tentant, tanquam sacrilegi plectuntur, nulla sacrarum virginum voluntatis habita ratione.

Fornicatio simplex, a fornicibus, id est concameratis cellis, sub quibus Romæ meretrices omnibus expositæ, habitare consueverant, sic dicta, est omnis concubitus illegitimus cum meretricibus, & aliis.

Meretrix dicitur, quæ multorum libidini patet, & corpore quæstum facit.

Pæna fornicationis simplicis, in Laico, est arbitraria; in Clerico, si, post tertiam admonitionem, cum scæmina, de qua fornicationis criminis est suspectus, inveniatur fabulari, excommunicatio. Si monitus a focaria non abstineat, ab Ecclesiasticis beneficiis, usque ad satisfactionem, est suspendendus; si suspensus eam retineat, perpetuo ab officio removendus.

Contra naturam commixtio, quæ Sodomia vocatur, in Clerico dejectione, ac in monasterium, ad penitentiam agendam, detrusione, in Laico excommunicatione, & a cœtu fidelium remotione, vindicatur.

Titulus 12.

De Furto, Rapina, Incendiariis, & Sacrilegio.

F*urtum*, est contrectatio rei alienæ fraudulenta, lucri faciendi causa, vel ipsius rei, vel etiam usus, possessionisve.

Furtum etiam facere dicitur, qui furtum recipit & celat: eoque casu non tantum ex iudicis officio, sed & ad instantiam partis læsæ, tenetur quis furem indicare, si conscius sit furti. Atque hinc origo Monitoriarum.

Monitoriæ sive *Monitoria*, sunt literæ, ad finem revelationis emissæ, quas Episcopi, aut Vicarii generales Episcoporum, ad instantiam cujuscunque petentis, in genere, contra detentores rerum alienarum, concedere solent, ut eas intra certum terminum restituant, contraque detentionis illius seu furti confcios, ut fures furtaque indicent, sub pœna excommunicationis, hac fere formula: *Moneatis Titium, vel quemcunque alium, qui furtum hoc fecit, aut damnum dedit, ut intra certum terminum satisfaciat, alioqui noverit, sese per hanc nostram sententiam excommunicatum.*

A furto excusat 1. *Necessitas extrema*, id est tanta, ob quam periculum vitæ imminet. Hoc enim casu, jure naturali omnia sunt communia, ut, rem alienam accipiendo, quis propriam accipere videatur. 2. *Rei exiguitas*, etsi inter Canonistas non convenit, quæ res minima dicenda sit. 3. *Causa compensandi*, dum quis aliter suum recuperare nequit.

Jure Canonico, præterquam quod ad restitutionem obligantur fures, iique insuper, qui suadent, mandant, consulunt; Clericus, furti reus, depositus, falsusque incorrigibilis, excommunicari debet.

Rapina, est violenta & manifesta rei alienæ, mobilis & corporalis, invito domino, contrectatio.

Rapinam committentes, sive sint Laici, sive Clerici, a Prælato loci, ubi deliquerunt, excommunicantur, aliisque pœnis coërcentur, nisi ablata restituant, vel de restituendo caveant. Si nolint, nec pœniteant, Ecclesiastica sepultura iis denegatur.

Incendiarii dicuntur, qui data opera, & dolo malo, ex odio & vindicta, ignem in Ecclesiam, vel alia loca, injiciunt, vel injici faciunt.

Incendiarii Ecclesiarum, seu rerum Ecclesiasticarum, ipso jure sunt excommunicati; aliarum vero rerum profanarum, demum per sententiam Ecclesiae, seu pronuntiatione Judicis: quo casu, a solo Summo Pontifice, extra articulum mortis, possunt absolvi. Tum vero Ecclesiastica iis conceditur sepultura, & tenentur heredes ad damni restitutionem, occasione incendii vel alio modo dati, secundum defuncti facultates.

Sacrilegium est, cum quis sacrum violat, aut auferendo sacrum de sacro, vel sacrum de non sacro, vel non sacrum de sacro.

Committitur Sacrilegium, vel in Rebus, vel in Personis Ecclesiasticis.

In Rebus Ecclesiasticis committitur sacrilegium, Ecclesiam infringendo, vel quippiam circa eam intra triginta passus diripiendo, vel inde auferendo, quin & prædia Ecclesiastica invadendo.

In Personis committitur Sacrilegium, manus violentas Clericis, vel aliis Personis Ecclesiasticis, injiciendo, eas vinciendo, pulsando, aliq; injuria afficiendo.

In Rebus commissum Sacrilegium, varie, pro modo sceleris admissi, nisi satisfactum sit, aut de satisfaciendo plena securitas data, punitur. Nunc enim sacrilego beneficium poenitentiae penitus denegatur, nunc anathemate vincitur, nunc perpetua damnatus infamia carceri traditur, aut exilio perpetuo deportationis & depositionis, aliquando & pecuniaria poena, coercetur.

In Personis commissum Sacrilegium, excommunicatione majore punitur, a qua non nisi a Pontifice absolutio concedi potest.

*Titulus 13.**De Usuris.*

V*Sura* est, quicquid, ultra sortem principalem seu debitum, creditor, ratione mutui, ex pacto, vel præcedente sua intentione, lucri accipit.

Lucri nomine hic intelligitur omne, quod sorti accedit, sive pecunia fuerit, sive alia res, natura sua pretio æstimabilis.

Jure Civili, licet Creditori, accepto pignore, pacisci fructus pignoris, donec mutuum reddatur: id pactum vocant *ἀνταρχέσις*, id est reciproci usus, quia creditor utitur re oppignorata, & debitor pecunia: atque sustinetur hoc pactum ratione creditoris, propter incertum fructuum eventum, incertumque pretium. At, *Jure Canonico*, improbatur hoc pactum, tanquam usurarium: Fructus ex pignore perceptos creditor imputare debet in sortem, id est, quantum fructuum percepit, tantum ei de sorte detrahendum.

Usura alia est Mentalis, alia Realis; item alia est Compensatoria, Punitoria, & Lucratoria.

Usura Mentalis est, quando mutuans, citra ullam conventionem, ea mente dat, ut ultra sortem aliquid recipiat, alias non daturus.

Usura Realis, sive Conventionalis est, quando quis pecuniam credit, cum pacto capiendi aliquid lucri ultra sortem.

Usura Compensatoria, est legitima pensatio, seu præstatio ejus, quod interest, ratione vel lucri cessantis, quod scilicet creditor facere potuisset, si pecuniam suam mutuo non dedisset, vel damni emergentis,

quia scilicet tantum damni inde accepit. Et hæc proprie usura non est, quia non est lucrum, sed quanti interest creditoris.

Usura Punitoria est, quæ pœnam debitoribus morosis infligit, statò die non solventibus: quæ species similiter non involvit injustitiam aliquam.

Usura Lucratoria est, quæ merum lucrum continet, & ideo improba ac detestabilis est, damnata lege Naturæ, Evangelica, & Pontificia.

Montes Pietatis, qui in Italia passim constituti deprehenduntur, immunes sunt ab usuræ vitio. Nihil enim hic principaliter datur vi mutui, & ultra sortem, lucri causa, quod fit in usuris; sed tantum ratione damni emergentis, sive pro sola indemnitate & conservatione Montis, pro stipendio scilicet domini & ministrorum, qui Montis curam habent, idq; moderatum, secundum quantitatem pecuniæ numeratæ, accepto a singulis pignore idoneo, venditoq; deinde, post lapsum temporis, ob defectum solutionis, pignore, atq; ex pretio ejus deducta sorte, eoq; quod ultra sortem, pro detrimentis mensuris, Monti debetur, residuo pretii domino pignoris restituto.

Pœne Usurariorum sunt 1. quod omnes, sive manifesti, sive occulti, & tam Mentales, quam Reales, tenentur ad restitutionem usurarum, & adeo heredes illorum, acceptas a defuncto usuras, pro parte hereditaria, restituere tenentur. 2. Exercens usuras, & monitus non desistens, si Clericus sit, suspendendus est ab officio, & deponendus, laicus vero excommunicandus. 3. Manifesti usurarii, neque ad communionem altaris, neque ad Ecclesiasticam sepulturam, neque ad oblationes, vel ad confessionem peccatorum faciendam, neque etiam ad testamenti factionem sunt admit-

admittendi; nisi vel de usuris satisfecerint, vel de satisfaciendo cautionem idoneam præstiterint.

Titulus 14.

De Crimine falsi.

F*alsum seu falsitas*, est veritatis immutatio, quæ, quando cum dolo fit, crimen habet. Vt ergo quis falsi reus sit, tria concurrere debent: 1. Vt dolo malo, seu animo fallendi, & corrumpendæ veritatis committatur. 2. Vt noceat alteri. 3. Vt lege aliqua statutum sit, talem immutationem veri, esse puniendam pœna falsi.

Falsum committitur, vel circa Homines, vel circa alias res.

Circa Homines falsum committit, qui falsum partum supponit; qui nomen falsum in præjudicium alterius usurpat; qui testimonium falsum dicit, vel verum suppressit; qui judicem corrumpit; literas sigillatas aperit; qui de manu alia, quam Bullatoris, vel Papæ, Bullas accipit,

Circa alias Res falsum committit, qui numos adulterinos fingit, veros radit; qui in instrumento rasis literis aliud in locum substituit; qui chirographum alienum imitatur; qui testamentum falsum scribit; qui in testamento quid sibi adscribit; qui falsis literis scienter utitur. Item, qui falsam mensuram, bilancem, adhibet; qui falsos canones vel leges allegat; qui instrumenta suppressit, aut adversariis tradit; qui Alchymiam exercet.

Falsum, quod fit *circa literas Apostolicas*, in Laico excommunicatione, in Clerico, officiorum & beneficiorum amissione punitur. Si Clerici circa alias Res falsum commiserint, deponendi sunt.

Titulus 15.

De Sortilegiis.

Sortilegium, in genere, omnem divinationis vanitatisq; magicæ speciem complectitur.

Sortilegi, autore Isidoro, sunt, qui sub nomine sacræ religionis, per quasdam, quas Sanctorum seu Apostolorum Sortes vocant, divinationis scientiam profitentur, aut quarumcunq; scripturarum inspectione, futura promittunt. Vel, *Sortilegi* dicuntur, qui id, quod occultum est, eventu alicujus reexplorant.

Sortes sunt triplices: Divisorie, Consultorie, & Divinatorie.

Sortes Divisorie sunt, quarum eventus plerumq; a solo casu pendet; uti cum sortem velut judicem facimus, in litibus ac controversiis dirimendis; in hereditatibus & communibus bonis dividendis; ut sciatur, quid cuiq;tribuendum sit; quibus propterea nihil mali per se inest.

Sortes Consultorie sunt, quibus divina voluntas consulitur, ut sciatur, quid agendum, aut fugiendum sit: atque hoc, necessitate cogente, licite fit, uti cum Apostoli, post preces ad Deum fusas, Matthiam in Apost. lit. in sorte elegerunt.

Sortes Divinatorie sunt, ex quarum inspectione, futura prænunciantur, & præsentia aut præterita occulta deteguntur. Id, quia ordinarie non fit sine pacto aliquo cum dæmone, sive expresso, sive tacito, ideo tales sortes, tanquam illicitæ, jure Canonico prohibentur.

Sortilegorum, jure Canonico, pœna est Excommunicatio: quam pœnam, consulentes quoque incur-
runt.

runt. Emendari recusantes, si servi fuerint, verbis castigandi sunt; si liberi, in carcerem detrudendi. Clerici sortilegi, aut consulentes magos, depositi ab omni ordine sacro, & exuti beneficiis, in monasterio, crimen admissum perpetua poenitentia luere debent.

Titulus 16.

De Calumniatoribus, & Collusione.

Calumniatores dicuntur, qui falsa crimina scienter, animo calumniandi, vel vexandi reum, intentant.

Judex, qui accusatorem calumniose crimen intente deprehendit, illum similitudine supplicii, quod probato crimine subiisset reus, cum existimationis dispendio plectit.

Collusio, est occulta conventio eorum, qui inter se iudicio contendere simulant. Atque, qui partem adversam adjuvant, proditis causis suis, si quidem criminales sint causæ, prævaricari, si spirituales, colludere dicuntur.

Pœna collusionis est, quod Accusator, collusionis convictus, sit infamis, & ab accusatione repellitur. Reus vero, si per collusionem aut prævaricationem absolutus fuerit, potest ex integro accusatio institui, & per iudicem ex officio inquiri, super eodem crimine.

In Criminalibus vel Matrimonialibus causis, quia eæ, jure Canonico, omnes quasi publicæ censentur, per transactionem aut collusionem non licet a lite recedere: si id fiat, causæ iterum in iudicium deducuntur, possuntq; Rei, abolitione non obstante, accusari, & in eos inquiri.

Titu-

Titulus 17.

De Clerico Venatore, Percussore,
& Maledico.

Cum Venatio, teste Aristotele 1. Polit. sit pars bellicæ virtutis, ideo ea Clericis, qui ab omni contentionis & belli specie abstinere debent, est interdicta.

Intelligenda est *Venatio saltuosa & clamosa*, quæ fit cum accipitribus, aut alia ejusmodi ratione, non ea, quæ fit sine strepitu canum & armorum, cum retibus; modo raro exerceatur, nec avocet ab officio. Nam, quod ait S. Hieronymus: *Non invenimus in scripturis sanctis, sanctum aliquem venatorem, piscatores invenimus sanctos.*

Clericus Venator, deprehensus sæpius in venatione, si Episcopus sit, tribus mensibus a Communionem; si presbyter, duobus; si diaconus, pro arbitrio Judicis, ab omni officio suspenduntur.

Clericus Percussor dicitur, qui, ex prava consuetudine, pronus & facilis est ad verberandum: sive per se & suis manibus hoc faciat, sive per alium.

Pœna percutientis Clerici, est suspensio ab officio, &, nisi monitus se corrigat, degradatio.

Permissum judici Ecclesiastico, præter pœnam pecuniariam, virgis cedere delinquentes: nec incurrit irregularitatem, moderatione nempe adhibita, ne in vindictam sanguinis transire videatur.

Maledictum est, cum quis asserit, alteri malum inesse, quod non inest; vel negat, inesse bonum, quod inest.

Sunt igitur duæ species maledicti: una *Affirmativa*, veluti, tu es latro: altera *Negativa*, veluti, tu non credis in Deum; tu non fungeris officio.

Cl.

Clericus maledicus, maxime Sacerdos, ad veniam postulandam, per sententiam excommunicationis, compellitur; si noluerit, ab officio suspenditur.

Maledictum, quod adversus Deum, B. Virginem, aut Sanctos pronunciatur, *Blasphemia* proprie dicitur. Blasphemix pœna Canonica in Laicis, est excommunicatio; in Clericis, depositio.

Titulus 18.

De Clerico excommunicato, deposito, interdicto, vel non ordinato ministrante.

S*I Sacerdos aliquis*, cum sciret, etiam per rumorem tantum, se majori excommunicationi implicitum, & monitus prius, ut desistat, celebrare, ac divinis sese officiis ingerere præsumpserit, fit irregularis. Et, si nec sic desistat, Ordinibus suis spoliatus, implorato iudicis laici auxilio, in exilium mittitur.

Si Sacerdos minore tantum excommunicatione ligatus fuerit, etsi celebrando graviter peccat, non tamen fit irregularis, quo minus possit Ecclesiastica Sacramenta administrare, sed ipse tantum ea percipere prohibetur.

Eadem hæc & in Clerico deposito & interdicto, si in Ordine suo ministraverint, locum pariter inveniunt.

Si Clericus ministerium ordinis, quod non est consequutus, exsequatur, fit perpetuo irregularis ad susceptionem ejus ordinis, in quo non Ordinatus ministravit, & præterea excommunicandus est. Beneficium tamen Ecclesiasticum ei auferri non debet, ut habeat, unde vivat. Hodie, ex Constitutione
Cle-

Clementis VIII. quilibet, non Sacerdos, dicens Missam, aut confessionem Sacramentalem audiens, ex Ecclesia ejicitur, & ab Ordinibus, si quos habet, rite degradatus, Curia seculari traditur, debitis poenis plectendus.

Titulus 19.

De Clerico per saltum promotus, & eo, qui furtive Ordinem suscepit.

Clericus per saltum promotus, dicitur, qui non gradatim, sed a minori ad majorem ordinem, omisso medio, fuit promotus: uti ad Diaconatum, ante Subdiaconatum: ad Presbyteratum, ante Diaconatum.

Clericus per saltum promotus, tamdiu ab usu executione suscepti Ordinis suspenditur, donec omnis Ordo inferior suppleatur, utique, si ignoranter ad superiorem Ordinem ascenderit. Qui scienter id fecit, non est ordinandus.

Furtive Ordines suscipere dicitur, qui sine praevio examine, & sine praevia admissione, in numerum ordinandorum clam se insinuat, aut qui plures Ordines, eodem tempore, suscipit. Hic, nec in suscepto Ordine ministrare, nec ad superiores ascendere potest, nisi cum eo, ab Episcopo, aut Ordinario, dispensetur.

Titulus 20.

De Excessibus Prælatorum, & Subditorum.

Peccat Prælati, cum excedit officium suum erga subditos; & peccant Subditi, cum erga Prælatos officium suum excedunt.

Officium Subditi erga Prælatum est, ut ei honorem & obedientiam exhibeat.

Officium Prælati erga subditos est, ut eos tanquam Clericos honoret ac diligat; nec solum eis præsit, sed & profit.

Excedunt & Prælati inferiores suum officium, quando se rebus, non ad se, sed ad Superiorem pertinentibus, ingerunt: uti si Prælatus sibi quid ex iis, quæ ad dignitatem & jurisdictionem Episcopalem pertinent, vindicare nitatur.

Qui contra officium peccarunt, variis modis, pro admissi qualitate, coërcentur.

Titulus 21.

De Operis Novi Nunciatione.

Nunciare novum opus, est denunciare & inhibitionem facere vicino, ne ædificet. Nunciare igitur, hoc loco, nihil aliud significat, quam prohibere.

Opus vero novum facere videtur, qui ædificando vel detrahendo aliquid, pristinam operis faciem immutat. Proinde, Nunciatio Novi Operis, est prohibitio, ædificanti, in publico, vel privato, legitime facta, ad hoc, ut desistat ab opere, saltem tantisper, donec jus ædificandi fuerit discussum, jurene, an injuria ædificet.

Quod si ædificans, Nunciatione neglecta, non desistat ab opere, cogitur, quicquid post nunciationem construxit, suis sumptibus demoliri, licet postea deprehendatur, eum jure ædificasse; quia autoritati judicis non obtemperavit.

Opus novum nuncians, intra tres menses probare debet, opus inchoatum injuria construi.

Titu.

Titulus 22.

Quibus modis de Criminibus agatur.

Crimina in iudicium deducuntur, aut per Accusationem, aut per Denunciationem, aut per Inquisitionem.

Accusatio, est criminis alicujus, & ejus, qui illud admisit, ad iudicem delatio, publicæ vindictæ, & poenæ causa facta.

Accusatio instituenda est coram idoneo & competente iudice, ab iis, quibus accusandi jus est, contra eos, quos accusare licet.

Competens iudex, est alius, si Clericus, alius, si Laicus accusetur.

Clericus accusandus est coram iudice Ecclesiastico ordinario, vel alio, cui ex consuetudine, vel privilegio, data fuit jurisdictio, & potestas cognoscendi: nisi quidem Clericus sit incorrigibilis, & exautoratus, & a iudice Ecclesiastico Curiae Seculari traditus, vel relictus.

Laicus accusandus est coram iudice Seculari, qui cum potestate est; nisi tale objiciatur crimen, quod ad forum Ecclesiasticum pertinet; uti sacrilegium, usuræ, perjurium, adulterium. Tum enim Ecclesiasticus iudex, in quantum illud crimen, peccatum & detrimentum animæ continet, cognoscit.

Accusare possunt omnes, qui expresse non prohibentur. *Prohibentur vero jure Canonico accusare*, omnes, qui & jure Civili ab accusatione repelluntur. Præter illos, nefas est accusare inimicis, inimicos; criminosos, criminosos; Laicis, Clericos; nisi suam vel suorum injuriam persequantur; Clericis, Laicis, nisi testentur, se non ad sanguinis vindictam

dictam seu pœnam attendere; sed nec viles personæ Clericos accusare possunt, nisi hi antea eorum consuetudine fuerint usi; nec subditi improbi Prælatos vel Magistratus suos, nisi a fide exorbitaverint. Admittuntur tamen fere omnes, in criminibus atrocioribus, puta læsæ Majestatis, Hæresis, Simonix.

Accusari possunt, nisi prohibeantur expresse, Rei utriusque sexus, cujuscunque ætatis, (modo doli sint capaces) & conditionis, etiam servi. Expresse autem accusari prohibentur Jure Canonico omnes, qui & jure Civili prohibentur. Amplius, nec Imperator potest accusari, nisi hæreseos, perjurii, & sacrilegii; nec Papa, nisi de hæresi, & tum a Principe, vel Synodo judicatur.

Rei accusari debent regulariter in eo loco, ubi crimen commiserunt.

Nemo ad accusandum admittitur, nisi per se, vel, si literas nesciat, per alium, se ad *pœnam talionis* inscribat, id est, libello subscribat, quo facilius puniri possit, si deprehendatur calumniari.

Ei, qui ob publicum munus denunciatur, hæc inscribendi necessitas remittitur, ut & ei, qui de levibus accusat.

Libellus inscriptionis debet complecti nomen Judicis coram quo criminis fit delatio, nomen accusatoris & accusati, locum & tempus, crimen & ejus qualitatem, & personam cum qua crimen perpetratum, item subscriptionem ejus qui dat libellum.

Accusatione instituta, causa agitur eodem modo, per litis contestationem, exceptiones &c. quo in civilibus procedi solet; exceptis criminibus levioribus,

item læsæ majestatis, & hæresis, quæ de plano cognoscuntur; & notoriis, in quibus nulla alia probatione, nulloq; ordine judiciario opus est.

Debet uti Accusator *probationibus* luce meridiana clarioribus, expeditis, idoneis testibus, apertissimis documentis, indiciis ad probationem indubitatis.

Legitime convicto Reo, sententia sine mora in eum ferenda est, & executioni mandanda.

Alter modus, quo crimina in Judicium deducuntur, est *Inquisitio*. Ea est, cum Judex ex officio, nemine accusante, disquirat, an aliquis deliquerit, vel quis delictum admiserit.

Inquisitio, est vel omnino *Generalis*, uti cum Præses inquirat, an in sua provincia sint homines facinorosi; vel omnino *Specialis*, qua contra certam personam, certo de crimine, inquiratur: vel *partim generalis*, *partim specialis*, uti, cum Titio occiso, Judex inquirat, quis eum occiderit.

Inquirere possunt, Prælati, vel Superiores merum Imperium habentes, uti Papa, & Imperator per suos Legatos & Delegatos, Episcopi in suis Diocæsesibus, Metropolitani in suis provinciis, & omnes, quibus competit cognitio causarum criminalium.

Inquiri potest super criminibus gravibus & enormibus, uti Homicidio, Simonia, Adulterio &c. non super levibus, & dissimulandis. Nec fieri debet *inquisitio specialis* de criminibus occultis, sed tantum de his, de quibus præcessit infamia, id est late sparsa fama, & quæ sit publica & constans de crimine commisso, & non a malevolis, nec data opera disseminata, ita ut Reus sine scandalo tolerari nequeat. Hoc vero obtinet, quando *Inquisitio* contra certam

per-

personam, puta Titium, instituitur. De cætero vero, non prohibetur Judex generaliter inquirere, ut hac ratione ad specialem, contra certam personam, deveniat.

In Speciali Inquisitione, Reo edi debent articuli, de quibus est inquirendus; item, nomina & dicta testium; nec non exceptiones & replicationes illi permittendæ.

Inquiri debet ex viris idoneis & fide dignis, non ex delati inimicis, & perjuris.

Crimine non probato, Canonica purgatio delato indicitur.

Tertius modus, quo crimina in judicium deducuntur, est *Denunciatio*. Ea est criminis latentis, facta Judici vel Fisco, non observata formula accusandi, nuntiatio: estque vel Evangelica, vel Canonica, vel Judicialis.

Denunciatio Evangelica est, quæ fit ad emendationem & bonum animæ; ut, cum uxor occultum mariti adulterium Sacerdoti denunciat.

Denunciatio Canonica, est criminis alicujus, apud competentem judicem, citra inscriptionem, legitime facta delatio. Fit hæc denunciatio super crimine quidem occulto, quod tamen aliquo modo probari possit, & instituitur potissimum ad poenitentiam agendam, vel aliam legitimam poenam peragendam. Et hanc Canonicam denunciationem præcedere debet, vel unica tantum, vel etiam altera monitio charitativa; in quo differt a denunciatione Evangelica, quæ triplicem admonitionem necessario requirit.

Denunciatio Judicialis est, quæ fit per ministros publicos, ad hoc constitutos, ut delicta ac delinquentes

tes denuncient Magistratibus: idque vel ad vindictam publicam, & dicitur Publica; vel ad privatum interesse, & dicitur Privata.

Fit Denunciatio, sine inscriptione, & sine onere criminis probandi, proindeque sine metu talionis: tantum enim denunciatus de calumnia jurare, & testes, criminis conscios, nominare debet.

Accidit interdum, ut alicui, nec accusando, nec denunciando, nec inquirendo, crimen objiciatur, sed *Excipiendo*: quod fit vel Actori, ut ab accusatione repellatur; vel testibus, ut eorum testimonia improbentur. Fieri debet ante publicationem testimoniorum, nisi crimina objicienda, post publicationem, excipienti innotuerint.

Per Exceptionem crimen objiciens, non tenetur inscribere, nec punietur, si crimen objectum non probaverit; prorsus uti nec punietur is, contra quem, in exceptionis tantum vim, ut repellatur, fuit objectum.

Titulus 23.

De Pœnis.

Reo crimen confitenti, vel testibus aliisque juris remediis convicto, pœna legitima imponitur.

Pœna, est læsio, quæ punit, vindicans, quod quisque commisit. Ea est vel *Æterna*, ignis puta infernalis; vel *Temporalis*, quæ ad tempus, vel in hoc seculo infertur, ut castigati meliores reddantur.

Temporalis Pœna, est vel *Spiritualis*, vel *Corporalis*, vel *Realis*, vel *Mixta*.

Spiritualis Pœna est quintuplex: Pœnitentia, Excommunicatio, Interdictum, Suspendio, Remotio ab Oblatione, seu ab Ordine.

Corporalis pœna, est vel in ipso corpore, ut damnatio ad furcas, fustigatio; vel circa existimationem personæ, ut infamia, relegatio.

Realis pœna, est in possessionem rei petitiæ, vel pro modo debiti declarati, missio; officii & beneficii perpetuum privatio; confiscatio bonorum, multa pecuniaria.

Mixta pœna est, quæ partim est realis, partim corporalis: uti proscriptio, exilium.

Pœnam imponere possunt omnes iudices competentes, tam Laici, quam Ecclesiastici. Sed Ecclesiastici, sanguinis pœnam non irrogant; verum, si quis ex delegatione Principis, vel alio jure, cognitio criminum competit, eam, si sanguinis pœnam irroget, vel ad ipsum Principem remittunt, vel alicui Laico demandant.

Debent Iudices, si criminibus certæ pœnæ a jure statuti, eas sequi; si non, ex illorum arbitrio irrogandæ permittuntur.

Licet Iudices a præscripta in jure pœna discedere non debeant, possunt tamen, si causa subsit, pœnam vel augere, vel minuere, vel etiam prorsus remittere; inspectis circumstantiis causæ, personæ, sexus, dignitatis, scientiæ, ætatis, loci, temporis, quantitatis, qualitatis, eventus.

Cavere debent Iudices, ne pœna major sit delicto, quam vero, ne alios quam autorem maneat, paucis casibus exceptis. Tales sunt, cum servitus filiis ob-

peccatum patris infligitur, aut, propter Regis peccatum, Regnum interdicto subijcitur; aliique.

Titulus 24.

De Pœnitentia.

Pœnitentia, est quædam dolentis vindicta, punientis in se, quod dolet commisisse. Hinc, secundum Augustinum, pœnitere dicitur, quasi pœnam tenere: quia pœnitens punit in se ulciscendo, quod commisit peccando.

Titulus 25.

De Excommunicatione.

Excommunicatio, est censura Ecclesiastica, qua Christianus a corpore Ecclesiæ, vel saltem Sacramentorum ejus perceptione, excluditur.

Excommunicatio duplex est: alia Major, alia Minor.

Excommunicatio Minor est, quæ tantum a participatione Sacramentorum removet, ac proprie dicitur Excommunicatio.

Excommunicatio Major est, quæ non solum a Sacramentorum perceptione, sed etiam ab Ecclesiæ, & omni fidelium communione segregat: dicitur alia Anathema, sive damnatio æternæ mortis.

Excommunicatio alia est *Solemnis*, quæ fit adhibitis quibusdam ritibus & cæremoniis, erga incorrigibilem, feriendo illum anathemate; quod præter avulsionem a corpore Christi, sive Ecclesiæ, solemnem præterea maledictionem & execrationem involvit, in majorem detestationem excommunicati.

Alia

Alia est *non Solemnis*, quæ fit sine solemnitate, & unico verbo, *Excommunico*. Infert avulsionem a corpore Christi, sive Ecclesia. Utraque, tam Major, quam Minor *Excommunicatio*, est vel a Jure, vel ab Homine; item, vel *Sententiæ latae*, vel *Sententiæ ferendæ*.

Excommunicatio a Jure est, quæ infligitur a lege, seu Canone, vel Synodo aliqua generali aut particulari, & hæc durat perpetuo, & dicitur alias *Canonica*.

Excommunicatio ab Homine est, quæ per sententiam infertur Judicis, & hæc, mortuo aut deposito Judice, qui eam tulit, exspirat.

Excommunicatio Sententiæ latae, convenit quodammodo cum *Excommunicatione a Jure*, & est, quæ ipso facto, ante denunciationem, aut sententiam Judicis infertur; non aliter tamen, quam si hoc ipsum verbis exprimatur; veluti, ipso facto, ipso jure, sit excommunicatus, vel, sub pœna latae sententiæ.

Excommunicatio Sententiæ ferendæ est, quæ non infligitur ipso jure, sed per sententiam: quamvis *Excommunicatio minor* hoc modo vix infligi soleat, quia sententia hujusmodi nullam aut exiguam vim haberet, & parum ultra peccatum mortale operaretur.

Quæ ab Homine infertur Excommunicatio, non nisi trina prius monitione, in scriptis legitime facta, irri potest. Neque sufficit una monitio pro tribus, sed per terna, quorum, quod minimum, sex dierum sit, interstitia, fieri debet. *Quæ vero a Canone infligitur excommunicatio*, nullam requirit præceden-

tem monitionem : est enim ipse Canon pro monitore.

Cum Judex aliquem simpliciter excommunicat, non exprimendo, majorene, an minore excommunicatione eum feriat, intelligi debet lata excommunicatio major, ut vocabulum analogum stet pro famosiore suo significatu; etsi cæteroquin, in pœnalibus, mitior interpretatio facienda.

Majore Excommunicatione ipso jure notantur, divini, sortilegi, hæretici, & eorum receptatores & fautores; literarum Apostolicarum falsarii, Simoniaci, Ecclesiarum violatores, nova telonia imponentes, Clericos Romam euntes spoliantes, res mortui Episcopi, quæ ejus successoris servari debent, diripientes, manus violentas personis Clericorum inferentes, aut mandantes inferre.

Minore Excommunicatione ipso jure afficiuntur, mortale peccatum committentes; Ecclesiam de manu Laici recipientes; cum majori excommunicatione excommunicatis, oratione, salutatione, mensa, communicantes, nisi sint eorum familiares & domestici, aut ex ignorantia vel necessitate id fecerint.

Potestatem majorem excommunicationem imponendi habent omnes, quibus jurisdictio spiritualis de consuetudine vel jure communi competit. Tales sunt, Summus Pontifex; Episcopus in sua diœcesi; cæterique Prælati, quibus jurisdictio Episcopalis communicata est: uti Abbates, Præpositi, Capitulum Sede vacante.

Minorem Excommunicationem infligere potest quisque, qui curam habet animarum.

Non excommunicat Laicus, nisi ex delegatione solius Papæ: nec, qui est extra Ecclesiam, uti excommunicatus, hæreticus; nisi fortasse hæreticus hæreticum excommunicaverit.

Excommunicari possunt tantum excommunicantis subditi; Christiani, non pagani; vivi, non mortui; nisi in tali reatu decesserint, ut post mortem accusari & damnari possint; qualis est crimen hæreseos. Pariter, nec alii excommunicandi sunt, quam qui deliquerunt; nisi committi crimen mandarunt, aut non prohibuerunt, vel major pars universitatis deliquerit.

Subditi Episcopi dicuntur, ratione jurisdictionis spiritualis, omnes, qui sunt in ejus diœcesi, etiam terræ Principes: qua ratione Papæ subditi sunt omnes Imperatores & Reges.

Non tantum censentur Subditi ratione territorii, sed & delicti: unde & alienigena, a Prælato loci, in quo deliquit, excommunicari potest. Fieri autem tantum potest excommunicatio, ob crimen commissum, non vero committendum.

Excommunicationis Effectus, alii Spirituales sunt, alii Humani.

Spirituales Effectus sunt: quod excommunicatus Deo separatur, & Diabolo traditur, & proinde sacra ministeria peragere vetatur; quod ad sacros ordines nequit promoveri; quod beneficium Ecclesiasticum in eum conferre non licet. *Humani Effectus* sunt, quod excommunicatus pro mortuo habetur; sacramentorum omnium, matrimonio excepto, participatione privatur; quod ab Ecclesia, cum divina officia celebrantur, expellitur; quod

feudis Ecclesiæ privatur; quodque subditi & vassalli illius ab ejus servitio liberantur; quod in cœmeterio non sepelitur; sepultus eximitur. Quod a limine judicii, etiam parte non opponente, repellitur: unde nec proprio, nec alieno nomine, agere, accusare, testificari, judicare ei licet.

Tollitur Excommunicatio, Revocatione Excommunicantis, Retractione per viam Appellationis, aut citra eam; itemque Absolutione; denique admissione ad osculum ejus, qui absolvere potest.

Revocatio Excommunicantis, est, cum Judex interlocutione errorem suum corrigit.

Retractatio per viam Appellationis est, cum Superior, apud quem injuste excommunicationem esse factam probatum est, excommunicatum vel absolvit, vel absolvendum, ad excommunicantem dimittit.

Retractatio citra Appellationem est, quando Superior absolvit excommunicatum, cum videt, sententiam esse aperte & manifeste injustam; & hoc faciet, si periculum sit in mora absolutionis.

Absolutione tollitur excommunicatio. Est enim Absolutio nihil aliud, quam censuræ Ecclesiasticæ, per eos, qui absolvendi jus habent, facta relaxatio.

Jus absolvendi habent, qui ligandi; nisi aliter jure sit exceptum. Nempe Summus Pontifex reservavit sibi absolutionem, in casu injectionis manus violentæ in Clericos, persecutionis Cardinalium, effractionis Ecclesiarum, & similibus. *Episcoporum* quoque absolutioni nonnulli casus sunt reservati; uti levis injectio manuum in Clericos, & delicta alia.

Ab ipsi Pontifici Reservatis quilibet Sacerdos, in articulo mortis, moriturum, aut mortale periculum, puta militiam, aut iter dubium, aditurum, absolvere potest, adeo, ut evaso periculo, in excommunicationem non reincidat.

Fit Absolutio, vel verbo tantum, si excommunicatio verbo facta; vel solemniter, si sollemnis processit excommunicatio.

Fieri debet Absolutio gratis, libere; non vi, vel metu extorqueri; alias nulla est, & qui sic extorsit, ipso jure est excommunicatus. Absolutio etiam per obreptionem impetrata non prodest.

Absolutione rite impetrata, is, qui Minore excommunicatione fuerat excommunicatus, Sacramento-um participationi, qui Majore, communioni, aliisque rebus, quibus privatus fuerat, restituitur. Secus tamen res se habet in Absolutione, quæ ad Cautelam facta.

Absolutio ad Cautelam fieri dicitur, cum quis excommunicationis sententiam asserit esse nullam, vel iudicem esse incompetentem, vel excommunicatum, vel intrusum, aut a jurisdictione suspensum. Hæc est extraordinaria, & ægre conceditur; cetero concessa, pendente probationis articulo, absolutus extra iudicium, in officiis, postulationibus, electionibus, aliisque canonicis & legitimis actibus, admittitur.

Titulus 26.

De Interdicto, & Suspensione.

Interdictum, est censura Ecclesiastica, per quam certis personis, aut locis interdicitur, ne pro illis, aut in

in illis divina officia celebrentur. Sive, est censura Ecclesiastica, qua certis personis, aut loco, a jure, vel judice Ecclesiastico, divinis officiis & sepultura, Sacramentorumque perceptione, donec imperatis satisfecerint, interdicitur.

Interdictum est aliud Canonis sive juris, aliud Judicis.

Interdicto juris tenetur, communitas vel civitas, quæ usuras permittit, repressalias contra personas Ecclesiasticas indulget, Cardinalem vel Episcopum suum cepit: Ecclesia, sanguinis vel humani seminis effusione polluta, vel Simoniacè consecrata.

Judicis Interdictum est, quod per sententiam judicis competentis inducitur. Estque hoc Interdictum vel *Generale*, cum Regnum, aut provincia, aut oppidum, aut eorum populus interdicitur: vel *Speciale*, cum ex pluribus Ecclesiis una vel paucæ interdiciuntur; aut aliqua multitudo, sub certo vocabulo comprehensa, in populo tamen inclusa, ut Collegium, Capitulum, aut homo nominatim interdicitur.

Interdictum debet præcedere *Monitio in scriptis*.

In Interdicto personali stricta fit interpretatio. Unde, si populus interdictus, non est propterea Clerus interdictus, & contra: quin, interdicto Clero & Populo, non tamen Episcopus interdictus. At, Civitatis interdictum extenditur etiam ad ædificia, & suburbia continentia. Universitate vero interdicta, singuli, qui ex ea universitate sunt, interdicti censentur.

In Interdicto prohibentur omnia divina officia sacra, Ecclesiastica sepultura, item solemnitas conducendi

ducendi corporis comitatu Cleri , in superpelliceis & processionaliter procedentis , etsi , si quis sepeliatur in Ecclesia tempore interdicti , non est exhumandus , quia multa facta tenent , quæ fieri prohibentur. *Permittuntur interim* Baptismus , Confirmatio , Pœnitentia , & Eucharistia , sed duo postrema tantum morientibus. Item , permittitur Missæ , aliorumque divinorum officiorum , celebratio ; dummodo id fiat submissa voce , januis clausis , non pulsatis campanis , præterquam in festivitatibus Natalis Domini , Paschæ , Pentecostes , & Assumptionis B. Virginis. Similiter & potest *Concio* haberi interdicti tempore ; & ad eum finem pulsari campana , sicut & pro Ave Maria. *Matrimonium* , tempore interdicti contractum , non est irritum ; sponsis tamen solemnem benedictionem dare non licet.

Scienter celebrans in loco interdicto , nisi super hoc privilegiatus existat , aut a jure sit ei concessum , irregularitatem incurrit , a qua nequit per alium , quam per Romanum Pontificem , liberari.

Suspensio , est censura Ecclesiastica , qua personæ Ecclesiasticæ exercitium ejus officii , vel in totum , vel pro parte , ad certum tempus , vel in perpetuum interdicitur.

Suspensio , est *vel Canonis* , seu juris , cum quis ob notorium crimen , ipso jure , a sui Ordinis vel officii executione arcetur : *vel Judicis* , cum id fit per sententiam Judicis. Hanc præcedere debet monitio in scripto , causa expressa.

Suspensionis affinis est *Irregularitas* : Ea dicitur impedimentum Canonicum , quo quis prohibetur Ordinem Ecclesiasticum suscipere , aut in suscepto mini-

ministrare. Ea non contrahitur, nisi in casibus a jure expressis; uti, irregularitatem incurrit, qui, suspensione durante, officia divina exequitur.

Titulus 27.

De Depositione & Degradatione Clericorum.

Depositio, est de dignitate, Ordine, vel gradu turbatio. Fit per sententiam, a solo Episcopo, ob causam in jure expressam.

Depositus Clericus si celebrat, excommunicationem incurrit.

Degradatio, est depositio sollemnis, quando post sententiam, insignia Ordinum, publica ceremonia detrahuntur.

Nempe, Episcopus proprius, si Abbas degradandus, presentibus Abbatibus vicinis; si Presbyter, presentibus sex Episcopis; si Clericus in minoribus Ordinibus constitutus, presente Capitulo, coram Judice Seculari, cui degradandus est tradendus, publice Rei caput tondet; loca capitis & manuum, in quibus tempore Ordinationis unctio facta, vitro vel ferro radit, habitum seu vestimentum Clericale, ordine retrogrado, quo ei datum, exuit. Atque sic degradatus efficitur velut Laicus, &, omni privilegio exutus, Curie seculari puniendus relinquitur.

Habet degradatio in tribus tantum locum: Puta in Hæretico, in falsatore literarum Summi Pontificis, & in eo, qui Episcopo suo, est insidiatus, vel cum fuit calumniatus.

Manet nihilo secius in degradato, etiam actualiter, *character Ordinis* & potestas, quamvis ei interdictum sit exercitium.

Titulus 28.

De Purgatione Canonica & Vulgari.

SI Reus, de crimine suspectus, convinci idonee nequeat, non ideo absolvendus est, sed purgatione innocentiam suam probare debet. Est ergo *Purgatio*, innocentiae, super objecto crimine, certis a jure inventis mediis, facta ostensio.

Purgatio est vel Canonica, vel Vulgaris.

Canonica Purgatio est, quæ a Canonibus inventa & prodita; uti, cum aliquis juramento suo de veritate, & compurgantium juramento de credulitate, innocentiam suam ostendit.

Indicere eam is Judex tantum potest, qui de negotio, cujus diffamatio invaluit, cognoscit: idque plerumque facit ad instantiam ejus, qui purgandus est, interdum etiam ultro.

Purgatio Canonica non debet injungi cuilibet Reo, sed tantum fide digno, & quem verisimile est non facile pejeraturum, quique neque legitima probatione, neque sua confessione convictus est, neque crimen notorium admisit, de eo tamen apud bonos viros, ex verisimilibus suspicionibus, est diffamatus.

Compurgantes, qui jurant, se omnino persuasos esse, Reum criminis insontem esse, ac proinde verum jusjurandum dedisse, eligit Judex, vicinos Rei.

Rei, viros honestos, & vitam ac mores ejus exploratos habentes, interdum duodecim, interdum septem, interdum plures paucioresve, pro arbitrio, prout nimirum delicti ipsius, tum vero personæ Rei, & Compurgatorum qualitas, id exigere videntur.

Locus Purgationis debet esse idoneus, hoc est, ut si a populo Reus infametur, coram eodem, si inter Clericos, coram his purgatio & compurgatio instituatur.

Purgatus criminis vacuus censetur; deficiens vero in purgatione, legitimis pœnis, tanquam confessus aut convictus, subjicitur.

Purgatio Vulgaris est, quam olim vulgus usapabat, fiebatque per judicium aquæ frigidæ, tinctum ferri candentis, aquam ferventem, & duelum.

Hæc Purgatio, Canonibus sacris improbat, quia facit potius ad Deum irritandum, & tentandum, quam ad exhibendum innocentiae testimonium, & adeo sæpe evenit, ut, Diabolo sese huic negotio ingerente, obtineret illud:

Dat veniam Corvis, vexat censura Columbas.

DEO GLORIA.



PRÆFATIO

ANALECTA
DE
DOCTRINA
ET
RITIBVS
ROMANÆ ECCLESIAE.

ANALYSTA

DE

DOCTRINA

RITIBVS

ALMAE ECCLESIAE

PRÆFATIO.

Quintus nunc agitur annus, ex quō ad me venit Vir quidam prudens, & tum in aliis doctrinæ generibus, tum in Theologia maxime, haud proleteria eruditionis. Exponebat is pluribus, quomodo non impetu quodam, sed consilio & ratione, cupido ipsum ceperit, pernoscenti eas Religionis Christianæ controversias, quæ Europæ Ecclesias excruciant sollicitantque; & circa Reformatorum quidem, ac eorum etiam, qui, vix Christiano nomine digni, Socini dogmata sequuntur, fidei capita, nihil quicquam difficultatis sibi objectum esse, quo minus illa perspecta ac explorata reddere posset. At vero, cum Romanæ Ecclesiæ placitis discendis se tradidisset, contraria sibi evenisse: eorum enim bonam partem, ad ceremonias ritusque externos attinere, quorum quia penitus audis fuerit, utpote in dissita ab iis locis, ubi instituta hæc exercentur, terrarum regione agens, adeo factum esse, ut passim & ubique animi penetrare, & quasi in illuni nocte, palpando, quomodo res se habeant, vel hariolando potius, pertingere cogeretur. Ergo decrevisse secum, iter incedi, & aliquo gentium se conferre, ubi in rem præsentem venire, & ceremonias ipsas oculis inspicere liceret. Primam se Germaniam obsecutus, atque in hac, simul ac eo, ubi Romanus cultus viget, delatus esset, nihil intermisisse sese industria,

dustriæ, ut desiderio satisfaceret, ob eamque cau-
 sam substituisse in magna aliqua Imperiali Civi-
 tate, quam Protestantium & Romana Religio-
 nes ex æquo tenent, per complures hebdoma-
 das, ita tamen, ut ne hilum quidem profecerit.
 Interfuisse se sane Missæ Sacris multoties, spe-
 ctasse Baptismum Infantum, Nuptialem bene-
 dictionem, Justa funebria mortuorum, edentes
 peccatorum confessionem, Sanctæ Hebdomadis
 ritus omnes, dieique, quæ Christi Corpori dica-
 ta est, panegyricum; intervenisse se cominodum
 ceremoniis, quibus adulti confirmantur, conse-
 crationi novi Sacelli, quin & puellæ, quam ge-
 nii mali inhabitare credebantur, adjurationibus:
 sed ab istis omnibus semper incertiore rediisse,
 quam dudum fuerit. Mussare enim in loquendo
 Sacrorum Antistites, & verba insuper præcipi-
 tare, ut nihil quicquam exaudiant etiam proxi-
 me lateribus eorundem adstantes, nedum illi, qui,
 tanquam profani, procul consistere necesse ha-
 bent. In his angustiis constitutum, consilium
 & auxilium petiisse se ab aliis, atque idem se-
 cum in Religione sentientes plurimum depre-
 hendisse Romanæ Ecclesiæ institutorum incuriosos,
 ex huic ipsi vero addictis, cum rogaren-
 tur, ut subvenirent, multos respondisse, *sandum*
ac reverentius esse, de actis Romanæ Ecclesiæ cre-
dere, quam scire; aliquos ad Durandi Rationa-
 le Divinorum Officiorum se ablegasse, librum
 non contemnendum quidem, sed qui Lectorem
 rituum & ceremoniarum gnarissimum requirat.
 Quapropter me per omnia sacra precabatur, ne
 se defererem, sed modum demonstrarem, quo

Roma-

Romanos ritus cognoscere possit; nec enim aliter operæ pretium se laturum Italicæ, quam meditetur, peregrinationis. Cum loquendi finem fecisset, paria, inqueiebam ego, o Hospes, tecum animatus sum: Et Romanæ Ecclesiæ Ritus intelligentia non jucunda tantum & utilis est, sed adeo necessaria quoque, qua nulli, qui ultra vulgus eruditorum sapere volunt, carere debent. Discimus alia; ergo discamus hos quoque, quorum ignoratio sæpe multos in pericula coniecit, & vitæ ultimum discrimen: juvenes præsertim, qui, Romanæ Ecclesiæ templa ingressi, ita se gerere solent, quasi in alium orbem delati sint, nec a risu, & cachinnis sibi temperant. Et vero, fieri aliter non potest, quam ut in admirationem rapiantur nunquam prius Romana Sacra spectatum admissi. Est in hac rem apud Sleidanum, libro 21. Commentariorum, locus insignis, quem age evolvamus. Perinvestigato eo, sic legebamus. *Tunc in tribus illis templis, quæ Senatus (Argentinensis Episcopo urbis) per transactionem concesserat, Sacrificantiones suas atq; preces vespertinas, & postridie Missam rursus inchoant, totos jam XXI. annos intermissam. Ingens autem erat hominum concursus, maxime juventutis. Nam his omnibus novum erat spectaculum, & inauditum, multos ibi, raso vertice, novo genere vestitus, cantare simul, quæ nemo intellegat, cereos atq; lampades ardere, in ipso, quod dicitur, meridie; fumigationes atq; suffitus excitari turibulis, Sacrificum adstare cum Ministris ad precam, pronunciare omnia sermone peregrino, variis uti geniculationibus atq; gestibus, inclinari stri-*

Etis manibus, modo distendere, modo reducere brachia, subinde sese convertere, nunc esse clamorū, nunc magno silentio quadam demurmurare, suspicere in altum, esse pronum, consistere non uno loco, nunc in dextram, nunc in levam partem altaris commigrare, micare digitis, inbalare in calicem, eumq; tollere in sublime, postea reponere, certis locis nominare nunc vivos, nunc mortuos, panem azymum frangere, & in calicem immittere, pectus ferire pugio, suspirare, clausis oculis representare somnum, rursus expergisci, manducare partem unam panis, alteram haurire cum vino toto, ne qua guttula remanest, abluere manus, patellam deauratam, aversum, extenso brachio, demonstrare populo, admovere eandem fronti atq; pectori, deoculari nunc altare, nunc imagunculam, materia vel metallo inclusam: hec, inquam, & id genus alia, juvenis, non sine admiratione & stupore, neq; sane sine risu, spectabat, & vix cohiberi potuit. Enim vero, inquiebam porro, ubi aliquo numero est Romanæ Ecclesiæ coetus, non tantum facile cohibentur immodesti Spectatores, sed & male mulctati recedunt, in Italia præcipue; de qua regione non male præterea judicas, operam & pecuniam propemodum perdere, qui illam, citra Rituum Ecclesiasticorum peritiam, lustrare sustinent. Amplius, quia, ceu vere dixit Plinius Junior, plerumq; parvæ res maximas trahunt, ita sæpenumero evenit, ut Viri etiam eximii, ex neglectu addiscendi Ceremoniarum Romanæ Ecclesiæ habitudinem, in gravissimis disputationibus turpiter se dederint, suam prodentes elenchi, statusque quæstionis nescientiam, Vnum sufficiat exemplum

plum allegasse, in quod his proximis diebus inci-
di. Legerat non nemo, Vir cætera minime ineptus,
& in rerum divinarum disciplina subacti iudicii, in
cujusdam Romano Catholici Hodœporico, inter-
fuisse illum peregrinatorem, die quodam, *Misse*
Spiritus Sancti, in Lauretana Æde. Id autem iste
sic accepit, quasi dicatur, ipsissimum Sancti
Spiritus Numen humanam personam induisse,
atque, in ara Lauretanæ Ædis, solemni sacrificia-
tionis officio defunctum esse: debacchatus ideo
publice adversus mendacii enormitatem, ipse
odio dignus, ob fœdum & puerilem errorem.
Cæterum, quotquot Canonici Juris peritiam ali-
quam parare sibi postulant, nihil agent, nisi
Romanæ Ecclesiæ Ceremonias probe calleant,
cum ad eas identidem fere fiat provocatio: nec
credo opus esse, ut etiam id, quod res ipsa loqui-
tur, argumentis insuper adstruam. Exitus ser-
monis erat, ut pollicerer Hospiti, ac libentem
me cum eo communicaturum (quod & actum
reapse præstiti) ea, quæ in proprios usus,
de Romanæ Ecclesiæ Ritibus ac Institutis, varie
excerpta, olim congefferam, partem ipse com-
polui: ad quod promissum Homo meus pæne
exsiluit gaudio, illud Phormionis apud Comicum
ingeminans: *pulchre discedo, & probe, & præter*
spem. Eadem hæc Analecta Filio, cum Juris
Canonici scitis initiandus esset, legenda & me-
mori mente tenenda commisi: neque me
pœnituit consilii, aut ipsum
obsequii.

SALVTATIO ANGELICA.

Ave Maria, gratia plena, Dominus tecum, benedicta tu in mulieribus, & benedictus fructus ventris tui, Jesus. Sancta Maria, Mater Dei, ora pro nobis peccatoribus, nunc, & in hora mortis nostræ. Amen.

SALVE REGINA.

Salve Regina, Mater misericordiæ, vita, dulcedo, & spes nostra salve. Ad te clamamus exules filii Evæ. Ad te suspiramus gementes, & flentes, in hac lachrymarum valle. Eja ergo, Advocata nostra, illos tuos misericordes oculos ad nos converte, & Jesum, benedictum fructum ventris tui, nobis post hoc exilium ostende: o clemens, o pia, o dulcis Virgo Maria.

ORATIO AD ANGELVM

CVSTODEM.

Angele Dei, qui custos es mei, me tibi commissum pietate superna, hodie illumina, custodi, rege, & gubernare.

HORÆ CANONICÆ.

Hæc sunt, sptenis propter quæ psallimus horis.
*Matutina ligat Christum, qui crimina purgat.
 Prima replet sputis, causam dat Tertia mortis.
 Sexta cruci nectit, latus ejus Nona bipertit:
 Vespera deponit, tumulo Completa reponit.*

LITANIA.

Kyrie eleison.
 Christe eleison.

Kyrie eleison.

Christe audi nos.

Christe exaudi nos.

Pater

Pater de cœlis Deus: }
 Fili Redemptor mundi Deus: }
 Spiritus Sancte Deus: } Misere nobis.
 Sancta Trinitas unus Deus: }

Sancta Maria: }
 Sancta Dei genitrix: }
 Sancta Virgo Virginum: } Ora pro nobis.
 S. Michaël: }
 S. Gabriel: }
 S. Raphaël: }

Omnes Sancti Angeli, & Archangeli:
 Orate pro nobis.

Omnes sancti beatorum Spirituum ordines:
 Orate pro nobis.

S. Johannes Baptista: Ora pro nobis.

Omnes Sancti Patriarchæ & Prophetæ:
 Orate pro nobis.

S. Petre: }

S. Paule: }

S. Andrea: }

S. Jacobe: }

S. Johannes: }

S. Thoma: }

S. Jacobe: }

S. Philippe: }

S. Bartholomæe: } Ora pro nobis.

S. Matthæ: }

S. Simon: }

S. Thaddæe: }

S. Matthia: }

S. Barnaba: }

S. Luca: }

S. Marce: }

Omnes Sancti Apostoli & Evangelistæ :

Orate pro nobis.

Omnes Sancti Discipuli Domini : Orate pro nobis.

Omnes Sancti Innocentes : Orate pro nobis.

S. Stephane :

S. Laurenti :

S. Vincenti :

Ora pro nobis.

Sancti Fabiane, & Sebastiane :

Sancti Johannes & Paule :

Sancti Cosma & Damiane :

Sancti Gervasi & Protasi :

Orate pro nobis.

Omnes Sancti Martyres :

S. Sylvester :

S. Gregori :

S. Ambrosi :

S. Augustine :

S. Hieronyme :

S. Martine :

S. Nicolai :

Ora pro nobis.

Omnes Sancti Pontifices & Confessores :

Orate pro nobis :

Omnes Sancti Doctores : Orate pro nobis.

S. Benedicte :

S. Antoni :

S. Bernharde :

S. Dominice :

S. Francisce :

Ora pro nobis.

Omnes Sancti Sacerdotes & Levitæ :

Orate pro nobis.

Omnes Sancti Monachi & Emeritæ :

Orate pro nobis.

S. Maria Magdalena : Ora pro nobis.

S. Agatha : Ora pro nobis.

S. Lucia: }
 S. Agnes: }
 S. Cæcilia: } Ora pro nobis.
 S. Catharina: }
 S. Anastasia: }

Omnes Sanctæ Virgines & Viduæ:

Orate pro nobis.

Omnes Sancti & Sanctæ Dei:

Intercedite pro nobis.

Propitius esto: Parce nobis Domine.

Propitius esto: Exaudi nos Domine.

Ab omni malo:

Ab omni peccato:

Ab ira tua:

A subitanea & improvisa morte:

Ab insidiis Diaboli:

Ab ira, & odio, & omni mala
 voluntate:

A spiritu fornicationis:

A fulgure & tempestate:

A morte perpetua:

per mysterium sanctæ Incarna-
 tionis tuæ:

Libera nos Domine.

per Adventum tuum:

per Nativitatem tuam:

per Baptismum & sanctum je-
 junium tuum:

per Crucem & Passionem tuam:

per Mortem & Sepulturam
 tuam:

per sanctam Resurrectionem
 tuam:

per admirabilem Ascensionem
 tuam:

Pet

Per adventum Spiritus S. Paracliti:

Libera nos Domine.

In die iudicii: Libera nos Domine.

Peccatores:

Vt nobis parcas:

Vt nobis indulgeas:

Vt Domnum Apostolicum, & omnes
Ecclesiasticos Ordines, in sancta
religione conservare digneris:

Vt inimicos sanctæ Ecclesiæ humiliare
digneris:

Vt Regibus, & Principibus Christia-
nis, pacem, & veram concordiam
donare digneris:

Vt cuncto Populo Christiano pacem
& unitatem largiri digneris:

Vt nosmetipsos in tuo sancto servitio
confortare, & conservare digne-
ris:

Te rogamus,
audi nos.

Vt mentes nostras ad cœlestia deside-
ria erigas:

Vt omnibus benefactoribus nostris,
sempiterna bona retribuas:

Vt animas nostras, fratrum, propin-
quorum, & benefactorum nostro-
rum, ab æterna damnatione eri-
pias:

Vt fructus terræ dare & conservare
digneris:

Vt omnibus fidelibus defunctis re-
quiem æternam donare digneris:

Vt nos exaudire digneris:

Fili Dei:

Agnus

Agnus Dei, qui tollis peccata mundi:

Parce nobis Domine.

Agnus Dei, qui tollis peccata mundi:

Exaudi nos Domine.

Agnus Dei, qui tollis peccata mundi:

Miserere nobis.

Christe, audi nos.

Christe, exaudi nos.

Kyrie eleison.

Christe eleison.

Kyrie eleison.

MYSTERIA ROSARII.

Rosarii B. Mariæ Virginis Mysteria sunt XV. quibus Domini nostri vita continetur. Ex his

Quinq, habentur Leta : Annunciatio Angeli ; Visitatio Elisabethæ ; Nativitas Christi ; Præsentatio in templo ; Disputatio Jesu cum Doctoribus.

Quinq, habentur Acerba : Oratio in horto ; Flagellatio ad columnam ; Coronatio spinarum ; Decoratio Crucis ; Crucifixio, & Mors Salvatoris.

Quinq, habentur gloriosa : Resurrectio a mortuis ; Ascensio in cœlum ; Adventus Spiritus S. Assumptio B. Mariæ Virginis ; Coronatio & exaltatio ejusdem, supra Choros Angelorum.

NOVISSIMA sunt quatuor : Mors, Judicium, Infernus, Paradisus.

DONA SPIRITVS S. sunt VII. Sapientia, Intellectus, Consilium, Fortitudo, Scientia, Pietas, Timor Dei.

VIRTVTES THEOLOGICÆ sunt III. Fides, Spes, & Charitas.

VIRTUTES CARDINALES sunt IV. Prudentia, Iustitia, Temperantia, & Fortitudo.

CONSILIA PERFECTIONIS sunt III. Paupertas voluntaria; Castitas perpetua; & Obedientia in omni re, quæ non est peccatum.

OPERA MISERICORDIÆ CORPORALIA sunt VII. Cibare esurientes; Potum præbere intimentibus; Vestire nudos; Recipere peregrinos; Visitare ægros; Visitare captivos; Sepelire mortuos.

OPERA MISERICORDIÆ SPIRITUALIA sunt VII. Consilium præbere hæsitantibus; Eradicare ignaros; Monere peccatores; Solari afflictos; Condonare offensas; Perferre patienter personas molestas; Deum orare pro vivis & mortuis.

VITIA CAPITALIA sunt VII. quibus opponuntur totidem Virtutes:

<i>Superbia,</i>	ei opponitur	<i>Humilitas.</i>
<i>Avaritia,</i>	ei opponitur	<i>Liberalitas.</i>
<i>Luxuria,</i>	ei opponitur	<i>Castitas.</i>
<i>Ira,</i>	ei opponitur	<i>Patientia.</i>
<i>Gula,</i>	ei opponitur	<i>Abstinencia.</i>
<i>Invidia,</i>	ei opponitur	<i>Amor fraternus.</i>
<i>Acedia,</i>	ei opponitur	<i>Diligentia.</i>

PRÆCEPTA ECCLESIAE sunt VI.

1. Audire Missam omnibus diebus Dominicis, aliisque Festis de præcepto.

2. Jejunare in Quadiagesima, in Vigiliis præceptis, & in Quatuor temporibus: & abstinere a carne Feria sexta, & Sabbato.

3. Saltem semel in anno confiteri peccata.

4. Saltem circa Festum Paschatos frui Sacra Eucharistia.

5. Sol-

5. Solvere Decimas.

6. Non celebrare Nuptias temporibus prohibitis, hoc est, a prima Dominica Adventus, usque ad Epiphaniam: & a prima die Quadragesimæ, usque ad Octavam Paschatos.

PECCATVM duplex est: Originale, & Actuale. Actuale dividitur in Mortale, & Veniale.

PECCATVM ORIGINALE est, in quo omnes nascimur, & quod hereditate primi parentis Adami in nos derivatur. Hoc tollitur Baptismo; & proinde, qui sine Baptismo decedit, privatur in perpetuum gloria Paradisi.

PECCATVM MORTALE est, quod committitur adversus charitatem Dei, & proximi. Dicitur mortale, quia privat animam vita spirituali, quæ est gratia Dei. Peccatum Mortale dimittitur Baptismo in adultis, itemq; Sacramento Pœnitentiæ. Qui in peccato mortali moritur, exors est æternæ beatitudinis.

PECCATVM VENIALE est, quod non est contra charitatem, nec privat animam gratia, nec reum æternam facit poenarum infernæ. Displicet nihilo minus Deo, quia non est conforme illius voluntati, & minuit fervorem charitatis. Itaque purgandum est, aut in hac vita, aut in Purgatorio vitæ futuræ.

A DEO VINDICTAM EXIGENTIA PECCATA, sunt IV. Homicidium voluntarium; Peccatum carnale contra naturam; Oppressio pauperum; Defraudare operarios mercede.

PECCATA IN SPIRITVM S. sunt VI: Detractio de salute; Præsumptio, posse se salvari sine meritis; Impugnare veritatem cognitam; Invidere fratri, ob gratiam, quam a Deo accepit; Obstinatio in peccatis; Impœnitentia finalis.

MISSÆ SACRIFICIUM.

Sacerdos celebraturus, quoad præviam Confessionem, & Horas Canonicas, matutino saltem absoluto, orationi aliquantulum vacet, & orationes ordinatas, pro temporis opportunitate, dicat. Deinde accedit ad locum, in Sacristia, vel alibi præparatum, ubi paramenta, aliq, ad celebrationem necessaria habentur. Accipit Missale, perquirat Missam, & signacula ordinat ad ea, quæ dicturus est. Postea lavat manus, dicens orationem inferius positam. Deinde præparat Calicem, ponens super ejus os Purificatorium, & super illud Patenam cum Hostia, quam tegit parva Palla & Velo serico: super Velo ponit Bursam coloris paramentorum, intus habens Corporale plicatum.

His ita dispositis, accedit ad Paramenta. Oportet autem calceatus sit pedibus, & indutus vestibus convenientibus, ita ut exterior talum pedis attingat. Sic ornat se sacris indumentis, dicens ad singula singulas orationes.

Ac primum accipiens Amictum, circa extremitates & cordulas, osculatur in medio, & ponit super caput, & mox declinat ad collum, & eo circum circa vestium collaria tegens, ducit cordulam sub brachiis, & circumducens per dorsum ad ventrem, reducit & ligat.

Tum Alba induitur, caput submittens, manicam dextram brachio dextro, & sinistram sinistro imponens. Albam ipsam corpori adaptat, elevat ante & a lateribus hinc inde, & Cingulo, per ministrum à tergo sibi porrecto, se cingit. Minister elevat Albam supra Cingulum circum circa; ut honeste dependeat, & tegat vestes, ac ejus fimbrias diligenter aptat,

ut id latitudinem digiti, vel circa, suprà terram æqualiter fluat.

Postea accipit Manipulum, osculatur Crucem in medio, & imponit brachio sinistro.

Deinde, ambabus manibus accipiens Stolam, simili modo deosculatur, & imponit medium ejus collo, ac transversando eam ante pectus in modum Crucis, ducit partem a sinistro humero pendentem, ad dextram, & partem a dextro humero pendentem, ad sinistram. Sicq; utramq; partem Stola, extremitatibus Cinguli hinc inde ipsi Cingulo conjungit.

Si celebrans sit Episcopus, non ducit stolam ante pectus in modum crucis, sed sinit hinc inde utraq; extremitates pendere: & accipit Cruculam, a collo ante pectus cordulis pendentem.

Postremo Sacerdos accipit Planetam.

**Orationes, cum Sacerdos induitur
sacris Paramentis.**

Cum lavat manus.

DA, Domine, virtutem manibus meis, ad abstergendam omnem maculam: ut, sine pollutione mentis & corporis, valeam tibi servire.

Ad Amictum.

Impone, Domine, capiti meo galeam salutis, ad expugnandos diabolicos incursus.

Ad Albam.

Dealba me, Domine, & munda cor meum: ut, in sanguine Agni dealbatus, gaudiis perfruar semper æternis.

N n n

Ad

Ad Cingulum.

PRæcinge me, Domine, Cingulo puritatis, & extingue in lumbis meis humorem libidinis; ut maneat in me virtus continentiae, & castitatis.

Ad Crucem.

MVnire digneris me, Domine Jesu Christe, ab omnibus insidiis inimicorum omnium signo sanctissimæ crucis tuæ: ac concedere digneris mihi indigno servo tuo, ut sicut hanc Crucem, Sanctorum tuorum reliquiis refertam, ante pectus meum teneo: sic semper mente retineam, & memoriam passionis, & sanctorum victorias Martyrum.

Ad Manipulum.

Merear, Domine, portare manipulum fletus & doloris: ut cum exultatione recipiam mercedem laboris.

Ad Stolam.

Redde mihi, Domine, stolam immortalitatis, quam perdi in prævaricatione primi parentis: & quamvis indignus accedo ad tuum sacrum mysterium, merear tamen gaudium sempiternum.

Ad Planetam sive Casulam.

Domine, qui dixisti, jugum meum suave est, & onus meum leve: fac, ut istud portare sic valeam, quod consequar tuam gratiam. Amen.

De ingressu Sacerdotis ad Altare.

Sacerdos, omnibus Paramentis indutus, accipit in manu sinistra Calicem, ut supra præparatum, & Bursum manu dextra super calicem tenens, capite cooperito accedit ad altare, Ministro cum Missali, & aliis

ad celebrandum necessariis, præcedente. Procedit autem oculis demissis, incessu gravi, erecto corpore. Si vero contigerit, eum transire ante Altare maius, capite cooperto facit ad illud reverentiam: si ante locum Sacramenti, genu flectat: si ante altare, ubi celebratur Missa, in qua elevatur Sacramentum, similiter genu flectat, & detecto capite illud adoret.

Cum pervenerit ad Altare, stans ante illud in infimo gradu, caput detegit, biretum ministro porrigens: & altari, sive imagini crucifixi desuper posita, profunde inclinat. Si autem in eo sit Tabernaculum sanctissimi Sacramenti, genu flectens debitam facit reverentiam. Tunc ascendit ad medium altaris, ibi ad Cornu Evangelii sistit Calicem: extrahit Corporale de bursa, quod extendit in medio Altaris, & super illud calicem velo coopertum collocat. Si in Altari paramenta accepit, hoc idem facit, antequam descendat ab Altari, Missam inchoaturus.

Si est consecraturus plures Hostias, pro Communione facienda, quæ ob quantitatem super Patena manere non possint, locat eas super Corporale ante Calicem, aut in aliquo Calice, vel vase mundo consecrato eas ponit retro post Calicem, & alia Patena cooperit.

Collocato Calice in Altari, accedit ad cornu Epistolæ, Missale super cussino aperit, reperit Missam, & signacula suis locis accommodat. Deinde rediens ad medium Altaris, facta primum Cruci reverentia, descendit ad gradum infimum Altaris, pro Missa inchoanda.

In Missa solemni, Calix, Missale, & alia necessaria, præparantur, antequam Sacerdos veniat ad Altare. Ipse autem procedit cum ministris: & cum pervenerit ad infimum gradum Altaris, ibi medius in-

ter Diaconum a dextris, & Subdiaconum a sinistris, antequam ascendat ad Altare, facit cum ipsis (ut infra) Confessionem.

De principio Missæ, & Confessione facienda.

Sacerdos, cum primum descenderit ad infimum gradum Altaris, convertit se ad ipsum Altare; ubi stans ante illud, junctis manibus ante pectus, deiecit capite, facta prius Cruci vel Altari reverentia, cretus incipit Missam.

Si autem celebraturus sit coram summo Pontifice, sistit se in infimo gradu altaris a cornu Evangelii, ante ipsum Pontificem, ubi genuflexus expectat: accepta benedictione erigit se, & stans aliquantum versus ad altare, incipit Missam.

Si autem sit coram Cardinale, Patriarcha, Archiepiscopo, vel Episcopo, in eorum residentiis, vel loco jurisdictionis, stans in infimo gradu, a cornu Evangelii, ut supra, expectat: dato signo, facit profundam reverentiam Prelato, & versus ad Altare, incipit Missam.

Stans igitur Celebrans, ante infimum gradum Altaris, producens manu dextra a fronte ad pectus signum crucis, dicit intelligibili voce:

In nomine Patris, & Filii, & Spiritus S. Amen.

Et postquam id dixerit, non debet advertere quemcumque in alio Altari celebrantem, etiamsi Sacramentum elevet, sed continuate prosequi Missam suam usque ad finem. Cum seipsum signat, semper sinistram ponit infra pectus; in aliis benedictionibus, cum est ad altare, & seipsum non benedicit, sed Oblata, vel aliquid aliud, ponit eam super altari. Seipsum benedicens, vertit

ad se palmam manus dextræ, & omnibus illius digitis
unctis & extensis, a fronte ad pectus, & ab humero
sinistro ad dextrum, signum crucis format.

Postquam dixerit, In nomine Patris &c. ut supra:
ungit manus ante pectus, pronuncians clara voce An-
tiphonam:

Introibo ad altare Dei.

Minister, retro post eum ad sinistram genuflexus, &
in Missa solemni, ministri hinc inde stantes, prosequun-
tur:

Ad Deum, qui lætificat juventutem meam.

Deinde Sacerdos, eodem modo stans, incipit & pro-
sequitur, cum ministro vel ministris, alternatim Psal-
mum XLII.

Judica me Deus, & discerne causam meam de gen-
te non sancta: ab homine iniquo & doloso erue me.
M. Quia tu es Deus fortitudo mea: quare me repulisti?
& quare tristis incedo, dum affligit me inimicus?
S. Emitte lucem tuam & veritatem tuam: ipsa me de-
duxerunt & adduxerunt in montem sanctum tuum,
& in tabernacula tua. M. Et introibo ad altare Dei: ad
Deum, qui lætificat juventutem meam. S. Confitebor
tibi in cithara, Deus, Deus meus: quare tristis es,
anima mea? & quare conturbas me? M. Spera in Deo,
quoniam adhuc confitebor illi: salutare vultus mei,
& Deus meus. S. Gloria Patri, & Filio, & Spir. S. sic-
ut erat in principio, & nunc, & semper, & in secula
seculorum. Amen.

Quo finito, repetit Antiphonam Introibo, cum mi-
nistris, ut supra. Qui psalmus nunquam prætermi-
tatur, nisi in Missis defunctorum, & in Missis de tem-
pore, a Dominica passionis inclusive, usque ad Sabba-
tum sanctum exclusive.

Cum in fine Psalmi dicit, Gloria Patri &c. caput cruci inclinat. Repetita Antiphona Introibo, dextera manu producens signum Crucis a fronte ad pedus, dicit:

Adjutorium nostrum in nomine Domini.

R. Qui fecit cælum & terram.

Deinde caput seq. profunde altari inclinans, dicit:

Confiteor Deo omnipotenti, Beatæ Mariæ semper virgini, Beato Michaëli Archangelo, Beato Joanni Baptistæ, Sanctis Apostolis Petro & Paulo, omnibus Sanctis, & vobis, Fratres: quia peccavi nimis, cogitatione, verbo, & opere, (percutit sibi pedus ter, dicens:) mea culpa, mea culpa, mea maxima culpa. Ideo precor Beatam Mariam semper Virginem, Beatum Michaëlem Archangelum, Beatum Joannem Baptistam, Sanctos Apostolos Petrum & Paulum, omnes Sanctos, & vos, Fratres, orare pro me ad Dominum Deum nostrum.

Prosequitur hanc confessionem inclinatus, donec a ministro, vel ministris, dictum sit:

Misereatur tui omnipotens Deus, & dimissis peccatis tuis, perducatur te ad vitam æternam.

Sacerdos dicit:

Amen.

Deinde ministri repetunt Confessionem, Sacerdote se erigente, & ubi a Sacerdote dicebatur, Vobis Fratres, & Vos Fratres, a ministris dicitur, Tibi Pater, & Te Pater.

Facta a circumstantibus confessione, Celebrans respondet stans:

Misereatur vestri omnipotens Deus, &, dimissis peccatis vestris, perducatur vos in vitam æternam.
R. Amen.

De-

Deinde, produciens manu dextra a fronte ad pectus
signum Crucis, dicit:

Indulgentiam, absolutionem, & remissionem
omnium peccatorum nostrorum, tribuat nobis omni-
potens & misericors Dominus. R. Amen.

Deinde stans, capite inclinatus, prosequitur:

Deus, tu conversus vivificabis nos.

R. Et plebs tua lætabitur in te.

S. Ostende nobis, Domine, misericordiam tuam.

R. Et salutare tuum da nobis.

S. Domine, exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Deinde, ascendens ad Altare, dicit:

Oremus:

secreto effert:

Aufer a nobis, quæsumus, Domine, cunctas iniqui-
tates nostras: ut ad sancta sanctorum puris merea-
mur mentibus introire. Per Christum Dominum
nostrum. Amen.

Dicto, Aufer a nobis &c. Celebrans, junctis mani-
bus, accedit ad medium Altaris: ubi stans, capite in-
clinato, & junctis manibus super altare positis, ita
digiti parvi duntaxat frontem seu medium antero-
ris partis tabulae sive mensae altaris tangant, residuo
manuum inter altare & se retento, pollice dextro
per sinistram, in modum crucis, posito (quod semper
observatur, cum manus junctae super altare ponuntur)
secreto dicit:

Oramus te, Domine, per merita Sanctorum tuo-
rum.

Quo dicto, osculatur Altare in medio, manibus extensis hinc inde super altare positis: (quod in omni deosculatone Altaris servatur) sed, post consecrationem, pollices ab indicibus non disjunguntur. Deinde pergit:

Quorum Reliquiæ hic sunt, & omnium Sanctorum: ut indulgere digneris omnia peccata in ea. Amen.

Deinde accedit ad cornu sinistrum Altaris, i. e. Epistole, ubi stans versus Altare, & producens a fronte ad pectus signum Crucis, incipit intelligibili voce Introitum Missæ, & prosequitur junctis manibus. Cum repetit Introitum, non signat se ut prius: & eo repetito, junctis manibus ante pectus, accedit ad medium Altaris: ubi stans versus illud, similiter manibus junctis, dicit simili voce:

Kyrie eleison. Kyrie eleison. Kyrie eleison.
Christe eleison. Christe eleison. Christe eleison.
Kyrie eleison. Kyrie eleison. Kyrie eleison.

alternatim cum ministris. Si ministri, vel qui interfunt, Celebranti non respondeant, ipse novies solus dicit. Dicto ultimo Kyrie eleison, Sacerdos ibidem, ut prius, stans, & manus extendens elevansq; & jungens, voce prædicta incipit, si dicendum sit:

Gloria in excelsis Deo.


Cum dicit Deo, caput cruci inclinatur, & erectus stans, junctis manibus, ut prius, prosequitur usq; ad finem:

Et in terra pax hominibus bonæ voluntatis. Laudamus te, Benedicimus te, Adoramus te, Glorificamus te. Gratias agimus tibi propter magnam gloriam tuam. Domine Deus Rex cælestis, Deus pater omnipotens. Domine Fili unigenite Jesu Christe. Domine Deus, Agnus Dei, Filius Patris. Qui tollis

pec

peccata mundi, miserere nobis. Qui tollis peccata mundi, suscipe deprecationem nostram. Qui sedes ad dextram Patris, miserere nobis. Quoniam tu solus Sanctus, Tu solus Dominus, Tu solus altissimus, Jesu Christe, cum Sancto Spiritu, in Gloria Dei Patris, Amen.

In Missa solemni, Sacerdos, facta Confessione, ascendit cum ministris ad altare, quo, per eum osculato, ponit incensum in thuribulo, ministrante Diacono naviculam, & thuriferario thuribulum. Antequam ponat incensum, illud benedicit, dicens:

Ab illo bene  dicaris, in cuius honore cremaberis. Amen.

Postea Diaconus, reddita navicula thuriferario, accipit ab eo thuribulum, & dat Celebranti, osculata prius ejus manu, qui, facta Cruci reverentia, eam ter incensat, dicens:

Dirigatur, Domine, oratio mea, sicut incensum in conspectu tuo: elevatio manuum mearum sacrificium vespertinum. Pone, Domine, custodiam ori meo, & ostium circumstantiæ labiis meis: ut non declinet cor meum in verba malitiæ, ad excusandas excusationes in peccatis.

Deinde Reliquias, si quæ adsint, incensat, primum eas, quæ a dextris sunt, deinde quæ a sinistris, cuiq; bis ducens thuribulum. Postea Imagines, vel earum loco Candelabra, semel singulis thuribulum ducens: item partem inferiorem & superiorem sive tabulam Altaris incensat: & reddito thuribulo ipsi Diacono, ab eo ipse solus incensatur. Deinde cum illis, Diacono a dextris Celebrantis, Subdiacono a dextris Diaconi stantibus, prosequitur Introitum, & Kyrie eleison. Cum vero intonat hymnum Gloria in excelsis, Dia-

conus & Subdiaconus, unus post alium, stant a tergo celebrantis: postea ascendunt ad Altare, & hinc inde cum Celebrante hymnum submissa voce prosequuntur usq; ad finem.

Dicto hymno Gloria in excelsis, vel, si non sit dicendus, eo omisso, celebrans osculatur Altare in medio, manibus hinc inde super illo, ut supra, extensis. Tum, junctis ante pectus manibus, demissis ad terram oculis, vertit se ad manum sinistram, sive ad latus dextrum, versus populum, & extendens, ac jungens manus ante pectus, ut prius, dicit voce pedicta:

Dominus vobiscum.

R. Et cum spiritu tuo.

& junctis, ut prius, manibus, revertitur per eandem viam, ad librum: ubi, extendens & jungens ante pectus manus, caputq; cruci inclinans, dicit:

Oremus.

Tum extendit manus ante pectus, ita ut palma unius manus respiciat alteram, & digitis simul junctis, quorum summities humerorum altitudinem distantiamque non excedat: quod in omni extensione manuum ante pectus servatur. Stans autem, ut supra, extensis manibus, dicit orationem.

Dictis Orationibus, Celebrans, positus super librum, vel super altare, manibus, ita ut palmae librum tangant, vel, (ut placuerit) librum tenens, legit

Epistolam,
intelligibili voce.

Si solemniter celebret, legat demissa voce, cum Ministris, similiter

Graduale, & Evangelium.

Leſta Epistola, respondetur a Ministris:

Deo Gratias.

& si-

§ similiter stans, ut prius, prosequitur

Graduale, Alleluja, & Tractum, ac Sequentiam, dicenda sint. Quibus dictis, Celebrans si privatim celebret, ipsemet, sive minister, portat librum Missalem ad alteram partem altaris, in cornu Evangelii, §, dum transit ante medium Altaris, caput cruci inclinat: § Missale sic locat, ut posterior pars libri respiciat ipsum cornu Altaris, § non ad parietem, sive ad partem ejus contra se directam. Locato Missali in Altari, celebrans redit ad medium altaris, § ibi stans, profunde inclinatus, junctis manibus ante pectus, levatisq; ad Deum oculis, secrete dicit:

Munda cor meum ac labia mea, omnipotens Deus, qui labia Isaïæ Prophetæ calculo mundasti ignito, da me tua grata miseratione dignare mundare, ut sanctum Evangelium tuum digne valeam nunciare.

§:

Dominus sit in corde meo, ac labiis meis, ut digne ac competenter annunciem Evangelium suum, in nomine Patris, & Filii ✠ & Spiritus Sancti.

Quibus dictis, vadit ad librum Missalem, ubi stans versus illum, junctis manibus ante pectus, dicit intelligibili voce:

Dominus vobiscum.

R. Et cum spiritu tuo.

Deinde pollice dextræ manus, signo crucis signat primo librum super principio Evangelii, quod est dicturus: postea seipsum in fronte, ore, § pectore, dicens:

Sequentia, vel

Initium sancti Evangelii §c.

R. Gloria tibi Domine.

Tum junctis iterum, ut prius, manibus, stans, ut supra, prosequitur Evangelium, dicens:

Per

Per Evangelica dicta, deleantur nostra delicta. Osculatur deinde Evangelium. Sed, si celebret coram Summo Pontifice, aut Cardinale, vel coram Patriarcha, Archiepiscopo, vel Episcopo, in eorum residentibus, defertur cuilibet predictorum osculandus liber, & ipse Celebrans tunc non osculatur.

Dicto Evangelio, stans in medio Altaris, versus Crucem, elevans & jungens manus, caputq; Cruci inclinans, incipit:

Credo in unum Deum, Patrem omnipotentem, factorem cœli & terræ, visibilium omnium & invisibilium. Et in unum Dominum, Jesum Christum, Filium Dei unigenitum, & ex patre natum, ante omnia secula. Deum de Deo, lumen de lumine. Deum verum de Deo vero. Genitum, non factum, consubstantialem Patri, per quem omnia facta sunt. Qui propter nos homines, & propter nostram salutem, descendit de cœlis: & incarnatus est de Spiritu S. ex Maria virgine. Et homo factus est. Crucifixus etiam pro nobis, sub Pontio Pilato passus, & sepultus est. Et resurrexit tertia die, secundum scripturas. Et ascendit in cœlum: sedet ad dextram Patris. Et iterum venturus est cum gloria, judicare vivos & mortuos: cujus regni non erit finis. Et in Spiritum S. Dominum & vivificantem: qui ex Patre Filioque procedit. Qui cum Patre & Filio simul adoratus, & conglorificatur: qui locutus est per Prophetas. Et unam sanctam Catholicam & Apostolicam Ecclesiam. Confiteor unum Baptisma in remissionem peccatorum. Et expecto resurrectionem mortuorum. Et vitam venturi seculi. Amen.

Cum dicit in unum Deum, caput Cruci inclinatur: quo erecto, stans ibidem, junctis ante pectus manibus,

ut prius, prosequitur usq; ad finem. Cum dicit Jesum Christum, caput cruci inclinat. Cum dicit, & incarnatus est, usq; ad, & homo factus est, inclusive, genua flectit. Cum dicit, & vitam venturi seculi. Amen. producit sibi manu dextra signum Crucis, a fronte ad pectus.

Dicto symbolo, Celebrans osculatur altare in medio, & junctis manibus ante pectus, ibidem a manu sinistra ad dextram, vertit se ad populum, & extendens ac jungens manus, dicit:

Dominus vobiscum.

& junctis manibus revertitur per eandem viam ad medium altaris, ubi, extendens & jungens manus, caputq; cruci inclinans, dicit:

Oremus.

Tum, junctis, ut prius, manibus, dicit Offertorium.

Dicto Offertorio, discooperit calicem, & ad cornu Epistolæ sistit, & amota parva Palla desuper hostiam, accipit Patenam cum hostia, & ambabus manibus usq; ad pectus eam elevatam tenens, oculis elevatis ad Deum, dicit:

Suscipe, Sancte Pater, omnipotens æterne Deus, hanc immaculatam hostiam, quam ego, indignus famulus tuus, offero tibi, Deo meo vivo & vero, pro innumerabilibus peccatis & offensionibus & negligentis meis, & pro omnibus circumstantibus, sed & pro omnibus fidelibus Christianis, vivis atque defunctis: ut mihi, & illis, proficiat ad salutem, in vitam æternam. Amen.

Si fuerint aliæ hostiæ, non super Patenam, sed super Corporale, vel in alio vase, pro communione Populi, consecrandæ, calicem illum, sive vas, dextra discooperit,

rit, & intentionem suam ad illas etiam offerendas & consecrandas dirigens, dicit, ut supra, *Suscipe Sc.* Quo dicto, faciens signum Crucis cum dicta Patena, ponit hostiam super Corporale, circa medium anterioris partis Corporalis ante se, & Patenam ad manum dextram aliquantulum subtus Corporale. Si autem adsit vas, sive calix, cum aliis hostiis, ipsum cooperit Patena ipsa.

Deinde accipit Calicem, purificatorio extergit: & accipiens ampullam vini de manu ministri, ponit vinum in calicem: deinde producit signum Crucis super ampullam aquæ, & dicit:

Deus, qui humanæ substantiæ

Imponens parum aquæ in calicem, prosequitur:

dignitatem mirabiliter condidisti, & mirabilis reformasti: da nobis, per hujus aquæ & vini mysterium, ejus divinitatis esse consortes, qui humanitatis nostræ fieri dignatus est particeps, Jesus Christus, Filius tuus, Dominus noster, qui tecum vivit & regnat, in unitate Spir. S. Deus, per omnia secula seculorum. Amen.

Imposita aqua in Calice, & finita oratione prædicta, accipit Calicem discoopertum, & stans ante medium altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis, offert, dicens:

Offerimus tibi, Domine, Calicem salutaris, tuam deprecantes clementiam, ut, in conspectu divinæ majestatis tuæ, pro nostra & totius mundi salute, cum odore suavitatis, ascendat. Amen.

Qua oratione dicta, signum Crucis cum Calice super Corporale facit, & ipsum in medio post hostiam collocat, & Pal-

Et Palla cooperit. Deinde, junctis manibus super altare positis, capite inclinato, dicit secreto:

In spiritu humilitatis, & in animo contrito, susciamur a te, Domine, & sic fiat sacrificium nostrum in conspectu tuo hodie, ut placeat tibi, Domine Deus.


Postea elevans oculos, manusque expandens, Et stans jungens ante pectus, (quod semper facit, quando aliquid est benedicturus) dicit:

Veni, sanctificator, omnipotens, æterne Deus, & bene ✠ *dichoc sacrificium, tuo sancto nomini præparatum.*

Tunc, junctis ante pectus manibus, accedit ad cornu Epistolæ, ubi stans, ministro aquam fundente, lavat manus, sive extremitates digitorum pollicis Et indicis, dicens Psal. XXV. a vers. 6. usque ad finem:

Lavabo, inter innocentes, manus meas: & circumdabo altare tuum, Domine: ut audiam vocem laudis, & enarrem universa mirabilia tua. Domine, dilexi decorem domus tuæ, & locum habitationis gloriæ tuæ. Ne perdas cum impiis animam meam: & cum viris sanguinum vitam meam. In quorum manibus iniquitates sunt: dextera eorum repleta est murderibus. Ego autem in innocentia mea ingressus sum: redime me, & miserere mei. Pes meus stetit in directo: in ecclesiis benedicam te Domine. Gloria Patri, & Filio, & Spir. S. Sicut erat in principio, & nunc, & semper, & in secula seculorum. Amen.

In Missa solemni, dicto Oremus: Diaconus Et Subdiaconus accedunt ad altare a cornu Epistolæ. Diaconus amovet calicem, detegit, dat Patenam cum hostia

stia Celebranti : Subdiaconus extergit calicem purificatorio. Diaconus imponit vinum : Subdiaconus interim, ampullam aque ostendens Celebranti, dicit, Benedic, Pater reverende : qui, facto versus eam signo Crucis, dicit orationem Deus, qui humane &c. interrim Subdiaconus infundit paulum aque in Calicem. Diaconus illum celebranti dat, & pedem calicis tangens, sive brachium Celebrantis sustentans, cum eo dicit : Offerimus tibi Domine &c. Postea positum in altari, ut supra, palla cooperit. Subdiacono deinde ponit in dextra manu Patenam, quam cooperit extremitate veli, ab ejus humero pendentis, qui vadit post Celebrantem ante medium altaris, & ibi stat in loco convenienti. Dicit, Veni sanctificator &c. Celebrans ponit incensum in thuribulum, ministrante Diacono naviculam, dicens : Per intercessionem Beati Michaelis Archangeli, stantis à dextris Altaris incensum & omnium electorum suorum, incensum istud dignetur Dominus bene  dicere, & in odorem suavitatis accipere. Per Christum Dominum nostrum Amen. Deinde, accepto thuribulo per manum Diaconi, incensat Oblata, ter ducens thuribulum super calicem & hostiam simul, in modum Crucis : & ter circum calicem & hostiam ; scilicet bis à dextra ad sinistram, & semel à sinistra ad dextram, dispensans verba in qualibet incensatione hoc modo : In prima incensatione : Incensum istud : in secunda : a te benedictum : in tertia : ascendat ad te Domine : in quarta : & descendat super nos : in quinta & sexta : misericordia tua. Deinde incensat altare, ut supra, dicens : Dirigatur, Domine, oratio mea, sicut incensum in conspectu tuo : elevatio manuum mearum sacrificium veper-tinum. Pone, Domine, custodiam ori meo, & ostium circum-

circumstantiæ labiis meis : ut non declinet cor meum
in verba malitiæ , ad excusandas excusationes in pec-
catis. *Dum reddit thuribulum Diacono , dicit : Ac-
cendat in nobis Dominus ignem sui amoris , &
flamman æternæ charitatis. Amen. Deinde incen-
satur ipse , postea Diaconus incensat chorum , & po-
stremo Subdiaconum tenentem Patenam : & ipse Dia-
conus incensatur a thuriferario ; & thuriferarius ,
postea incensat populum.*

*Celebrans, lotis manibus, eas tergit, & illis ante pe-
ctus junctis ; revertitur ad medium altaris ; ubi stans,
oculosq; ad Deum elevans, & statim demittens, manibus
junctis super altare , capiteq; inclinato, dicit secrete :*

*Suscipe, sancta Trinitas, hanc oblationem, quam tibi
offerimus, ob memoriam passionis , resurrectionis,
ascensionis Jesu Christi, Domini nostri : & in honore
Beatæ Mariæ semper virginis , & B. Johannis Bapti-
stæ , & Sanctorum Apostolorum Petri & Pauli , &
istorum, & omnium Sanctorum : ut illis proficiat ad
honorem, nobis autem ad salutem : & illi pro nobis
intercedere dignentur in cœlis , quorum memoriam
agimus in terris. Per eundem Christum Dominum
nostrum. Amen.*

*Qua dicto, manibus hinc inde extensis, & super Al-
tare positis , osculatur illud in medio. Tum junctis
manibus ante pectus, demissisq; oculis ad terram, a si-
nistra manu ad dextram , vertit se ad populum, &
versus eum extendens & jungens manus, dicit voce
aliquantulum elevata :*

Orate Fratres :

& secrete proferens :

*Vt meum ac vestrum sacrificum acceptabile fiat
pud Deum Patrem omnipotentem.*

Sic perficit circulum, revertens, junctis manibus ante pectus, a manu dextra ad medium altaris. Et responso a ministris, vel circumstantibus:

Suscipiat Dominus sacrificium de manibus tuis, ad laudem & gloriam nominis sui, ad utilitatem quoque nostram, totiusque Ecclesiae suae sanctae. Amen.

postea Celebrans, stans in medio Altaris, depositis super eo manibus hinc inde extensis, dicit convenienti & intelligenti voce:

Per omnia secula seculorum. R. Amen.

S. Dominus vobiscum. R. & cum Spiritu tuo.

S. Sursum corda. R. Habemus ad Dominum.

S. Gratias agamus Domino Deo nostro.

R. Dignum & justum est.

S. Vere dignum & justum est, æquum & salutare, nos tibi semper & ubique gratias agere: Domine sancte, Pater omnipotens, æterne Deus, per Christum Dominum nostrum. Per quem majestatem tuam laudant Angeli, adorant Dominationes, tremunt Potestates. Cœli cœlorumque virtutes, ac beata Seraphim, sociâ exultatione concelebrant. Cum quibus & nostras voces ut admitti jubeas, deprecamur, supplici confessione dicentes: Sanctus, Sanctus, Sanctus, Dominus Deus Sabaoth. Pleni sunt cœli & terra gloria tua, Oïanna in excelsis.

Benedictus, qui venit in nomine Domini, Oïanna in excelsis.

Cum dicit, Sursum corda, elevat manus hinc inde extensas. Cum dicit, gratias agamus Domino, jungit manus: cum dicit, Deo nostro, Cruci caput inclinat. Cum dicit, Sanctus, junctis manibus ante pectus, & inclinatus, voce mediocri prosequitur, ministro interim parum

arum campanula pulsante. Cum dicit, Benedictus,
qui venit in nomine Domini &c. signum crucis sibi
producit a fronte ad pedus.

Dehinc, Praefatione finita, Celebrans, manibus junctis
per Altare positis, stans ante medium Altaris, versus
ad illud, elevatis oculis ad Deum, & sine mora de-
missis, profunde inclinatus, incipit CANONEM, se-
crete dicens:

Te igitur, clementissime Pater, per Jesum
Christum, filium tuum, Dominum nostrum,
supplices rogamus ac petimus, osculatur
Altare. uti accepta habeas, & benedicas,
tingit manus, & signat ter super Oblata. hæc
& dona, hæc ✙ munera, hæc ✙ sancta sa-
crificia illibata. *extensis manibus prosequi-*
tur. Imprimis, quæ tibi offerimus pro Ec-
clesia tua sancta Catholica, quam paci-
ficare, custodire, adunare, & regere di-
stiteris, toto orbe terrarum: una cum fa-
mulo tuo, Papa nostro N. & Antistite no-
stro N. & Rege nostro N. & omnibus or-
thodoxis, atque Catholicæ & Apostolicæ
dei Cultoribus. Memento, Domine, fa-
mularum famularumque tuarum N. & N.
tingit manus, orat aliquantulum, pro quibus ora-
re intendit: non tamen necesse est, eorum nomina
exprimere, sed sufficit, mente illorum memoriam
habere. Deinde, manibus extensis, prosequitur: &
omnium circumstantium, quorum tibi fi-
des cognita est, & nota devotio: pro quibus

tibi offerimus ; vel qui tibi offerunt hoc
sacrificium laudis, pro se, suisque omnibus
pro redemptione animarum suarum; pro
spe salutis & incolumitatis suæ: tibi; red-
dunt vota sua, æterno Deo, vivo & veni-
Communicantes, & memoriam veneran-
tes, imprimis gloriosæ semper Virginis
Mariæ, genitricis Dei & Domini nostri Je-
su Christi. Sed & Beatorum Apostolorum
ac Martyrum tuorum, Petri, & Pauli, An-
dreæ, Jacobi, Johannis, Thomæ, Jacobi,
Philippi, Bartholomæi, Matthæi, Simo-
nis, & Thadæi: Lini, Cleti, Clementis,
Xytti, Cornelii, Cypriani, Laurentii, Chry-
sogoni, Johannis & Pauli, Cosmæ & Da-
miani. Et omnium Sanctorum tuorum,
quorum meritis precibusq; concedas, ut
in omnibus protectionis tuæ muniamur
auxilio; *jungit manus.* per eundem Christum
Dominum nostrum. Amen. *Tenens manus*
expansas super Oblata dicit. Hanc igitur obla-
tionem servitutis nostre, sed & cunctæ fi-
milie tuæ, qua si Domine, ut placatus
accipias: dic, & in tua pace dispo-
nas. *pro oblatione nos eripi,*
in

trum

aptam, ratam, rationabilem, acceptabi-
 lemque; facere digneris. *Signat semel super Ho-*
stiam, & semel super Calicem. Vt nobis Cor-
 pus, & San-ctus sanguis fiat dilectissimi Filii tui,
 Domini nostri Jesu Christi. *Inclinans caput*
cruci, si opus fuerit, extergit pollices & indices
super Corporale. Qui pridie, quam patere-
 ar, accipit Hostiam, accepit panem in san-
 ctas ac venerabiles manus suas, elevat ocu-
 los ad cælum, & statim demittens, dicit, & ele-
 vatis oculis in cælum, ad te Deum patrem
 num omnipotentem, tibi gratias agens,
 benedixit, fregit, deditque Discipulis suis,
 dicens: Accipite, & manducate ex hoc o-
 mnes: Tenens ambabus manibus Hostiam inter
 indices & pollices, cubitis super Altare positus,
 profert verba consecrationis secrete, distincte,
 lente, & continue, Hoc est enim Cor-
 pus meum. Prolatis verbis consecrationis,
 statim Hostiam consecratam geniflexus adorat:
 extergit, & intentis in eam oculis, ostendit populo
 adorandam, mox ipsam extergit super Corporale,
 iterumque adorat: extergit pollices & in-
 dices, nisi quando est, usque ad ab-
 solutionem digitorum. Celebrans ele-
 vat Hostiam, accipit Calicem, Minister
 a se ele-ctus extergit anteriores Planetæ,
 & in elevatione brachio-
 rum:

rum: quod & facit in elevatione Calicis, ac simul dextra campanula sonitum edit. Tunc, detecto Calice, in quem, si opus sit, extergit digitos, quod semper facit, cum aliquod fragmentum digiti adhaeret, dicit: Simili modo postquam coenatum est, ambabus manibus accipit Calicem juxta nodum, infra cuppam, accipiens & hunc praeclarum Calicem in sanctas ac venerabiles manus suas, item tibi gratias agens, Sinistra tenens Calicem, dextra signat super eum, bene & dixit, deditq; Discipulis suis; dicens: Accipite, & bibite ex eo omnes. Postea proferit verba Consecrationis secrete & devote super Calicem, tenens illum parum elevatum, & sinistra quidem pedem, dextra nodum infra cuppam, cubitis super altare positis: Hic est enim calix Sanguinis mei; novi & aeterni testamenti: mysterium fidei: qui pro vobis, & pro multis effundetur; in remissionem peccatorum. Prolatis verbis Consecrationis, deponit Calicem super Corporale, dicens secrete: Haec quotiescunq; feceritis, in mei memoriam facietis, genuflexus Calicem adorat: surgit, elevat duabus manibus, & quantum commode potest, ostendit populo, deponit, cooperit, & iterum adorat. Deinde, disjunctis manibus, dicit: Unde & memores, Domine,

ne, nos servi tui, sed & plebs tua sancta,
 ejusdem Christi Filii tui, Domini nostri, tam
 beatæ Passionis, nec non ab inferis Resur-
 rectionis, sed & in cœlos gloriosæ Ascen-
 sionis, offerimus præclaræ Majestati tuæ,
 de tuis donis ac datis, hostiam ✠ puram,
 hostiam ✠ sanctam, hostiam ✠ imma-
 culatam: Panem ✠ sanctum vitæ æternæ,
 & Calicem ✠ salutis perpetuæ. Supra quæ
 propitio ac sereno vultu respicere digneris,
 & accepta habere: sicuti accepta habere
 dignatus es munera pueri tui justi Abel,
 & sacrificium Patriarchæ nostri Abrahæ:
 & quod tibi obtulit summus Sacerdos tuus
 Melchisedec, sanctum sacrificium, imma-
 culatam hostiam. *Profunde inclinatus, jun-*
ctis manibus, & super altare positus, dicit. Sup-
 plices te rogamus, omnipotens Deus: jube
 hæc perferri, per manus Sancti Angeli tui, in
 sublime altare tuum, in conspectu divinæ
 Majestatis tuæ: ut, quotquot, *osculatur al-*
tare, ex hac altaris participatione, sacrosan-
 ctum Filii tui, *jungit manus, & signat semel*
super Hostiam, & semel super Calicem. Cor ✠
 pus, & San ✠ guinem sumpserimus, *seipsum*
signat, omni benedictione cœlesti & gratia
 repleamur. Per eundem Christum, Domi-
 num nostrum. Amen.

Memento etiam, Domine, famulorum
 famularumq; tuarum N. & N. qui nos præ-
 cesserunt cum signo fidei, & dormiunt in
 somno pacis, *jungit manus, orat aliquantulum*
pro iis defunctis, pro quibus orare intendit, de-
inde, expansis manibus prosequitur: ipsis, Domi-
 ne, & omnibus in Christo quiescentibus, lo-
 cum refrigerii, lucis, & pacis, ut indulgeas,
 deprecamur. Per eundem Christum Do-
 minum nostrum. Amen.

Manu dextra percutit sibi pectus, elata parum
voce dicens:

Nobis quoq; peccatoribus vivis, famulis
 tuis, de multitudine miserationum tuarum
 sperantibus, partem aliquam & societatem
 donare digneris, cum tuis Sanctis Aposto-
 lis, & Martyribus: cum Johanne, Step-
 hano, Matthia, Barnaba, Ignatio, Alexandro,
 Marcellino, Petro, Felicitate, Perpetua,
 Agatha, Lucia, Agnete, Cæcilia, Anasta-
 sia, & omnibus Sanctis tuis. Intra quo-
 rum nos consortium, non æstimator me-
 riti, sed veniæ, quæsumus, largitor
 admitte. Per Christum Dominum no-
 strum.

Per quem hæc omnia, Domine, semper
 bona creas, *Signat ter super Hostiam & Ca-*
licem simul, dicens: sancti-
 ficas, vivi-
 cas,

cas, bene✠dicis, & præstas nobis. *Discooperit Calicem, genu flectit, accipit Sacramentum dextra, tenens sinistra Calicem, signat cum Hostia, ter a labio ad labium Calicis, dicens: Per ip✠sum, & cum ip✠so, & in ip✠so, bis signat inter Calicem & pectus, est tibi Deo Patri ✠ omnipotenti, in unitate Spiritus ✠ Sancti, elevans parum Calicem cum Hostia, dicit: omnis honor & gloria. Reponit Hostiam, cooperit Calicem, genu flectit, surgit & dicit: Per omnia secula seculorum &c. Amen.*

Oremus. Præceptis salutaribus moniti, & divina institutione formati, audemus dicere: *extendit manus:*

Pater noster, qui es in coelis, sanctificetur nomen tuum, adveniat regnum tuum, fiat voluntas tua, sicut in coelo, & in terra: panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris. Et ne nos inducas in tentationem. &c. Sed libera nos a malo.

Sacerdos secrete respondet. Amen.

Deinde accipit Patenam inter indicem & medium digitos, & dicit:

Libera nos, quæsumus Domine, ab omnibus malis, præteritis, præsentibus, & futuris, & intercedente Beata & gloriosa sem-

semper Virgine Dei genitrice Maria, cum Beatis Apostolis tuis Petro & Paulo, atque Andrea, & omnibus Sanctis, *signat se cum Patena a fronte ad pectus*: da propitius pacem in diebus nostris; ut, ope misericordiae tuae adjuti, & a peccato simus semper liberi, & ab omni perturbatione securi.

Submittit Patenam Hostia, discooperit Calicem, genu flectit, surgit, accipit Hostiam, frangit eam super Calicem per medium, dicens:

Per eundem Dominum nostrum, Jesum Christum, Filium tuum.

Partem, quae in dextra est, ponit super Patenam; deinde ex parte, quae in sinistra remansit, frangit particulam, dicens:

Qui tecum vivit & regnat, in unitate Spiritus S. Deus,

Aliam mediam partem ponit super Patenam, & dextera tenens particulam parvam super Calice, sinistra Calicem, dicit:

per omnia secula seculorum. *R.* Amen.

Cum ipsa particula signat ter super Calicem, dicens:

Pax ✠ Domini, sit ✠ semper vobis ✠ cum. *R.* Et cum spiritu tuo.

Particulam ipsam imponit in Calicem, dicens secrete:

Hæc

Hæc commistio, & consecratio Corporis
& Sanguinis Domini nostri Jesu Christi, fiat
accipientibus nobis in vitam æternam.
Amen.

Cooperit Calicem, genu flectit, surgit, & in-
clinatus Sacramento, junctis manibus, & ter pe-
ctus percutiens, dicit:

Agnus Dei, qui tollis peccata mundi:
miserere nobis.

Agnus Dei, qui tollis peccata mundi:
miserere nobis.

Agnus Dei, qui tollis peccata mundi: do-
na nobis pacem.


Si adsit, qui pacem recipiat, osculatur Altare,
& dans pacem, dicit:

Pax tecum. &. Et cum Spiritu tuo.

Deinde persequitur:

Domine Jesu Christe, Fili Dei vivi, qui ex
voluntate Patris, cooperante Spir. S. per
mortem tuam mundum vivificasti, libera
me, per hoc sacro sanctum Corpus & Sangui-
nem tuum, ab omnibus iniquitatibus meis,
& universis malis: & fac me tuis semper
inhærere mandatis, & a te nunquam sepa-
rari permittas. Qui cum eodem Deo Pa-
tre, & Spir. S. vivis & regnas Deus in se-
cula seculorum. Amen.

Perceptio corporis tui, Domine Jesu
Christe, quod ego indignus sumere præ-
fumo,

stia Celebranti : Subdiaconus extergit calicem purificatorio. Diaconus imponit vinum : Subdiaconus interim, ampullam aque ostendens Celebranti, dicit, Benedic, Pater reverende : qui, facto versus eam signo Crucis, dicit orationem; Deus, qui humanæ Sc. interim Subdiaconus infundit paulum aque in Calicem, Diaconus illum celebranti dat, & pedem calicis tangens, sive brachium Celebrantis sustentans, cum eo dicit : Offerimus tibi Domine &c. Postea positum in altari, ut supra, palla cooperit. Subdiacono deinde ponit in dextra manu Patenam, quam cooperit extremitate veli, ab ejus humero pendentis, qui vadit post Celebrantem ante medium altaris, & ibi stat in loco convenienti. Disto, Veni sanctificator &c. Celebrans ponit incensum in thuribulum, ministrante Diacono naviculam, dicens : Per intercessionem Beati Michaëlis Archangeli, stantis à dextris Altaris incensum & omnium electorum suorum, incensum istud dignetur Dominus bene  dicere, & in odorem suavitatis accipere. Per Christum Dominum nostrum Amen. Deinde, accepto thuribulo per manum Diaconi, incensat Oblata, ter ducens thuribulum super calicem & hostiam simul, in modum Crucis : & ter circum calicem & hostiam ; scilicet bis a dextra ad sinistram, & semel a sinistra ad dextram, dispensans verba in qualibet incensatione hoc modo : In prima incensatione : Incensum istud : in secunda : a te benedictum : in tertia : ascendat ad te Domine : in quarta : & descendat super nos : in quinta & sexta : misericordia tua. Deinde incensat altare, ut supra, dicens : Dirigatur Domine, oratio mea, sicut incensum in conspectu tuo : elevatio manuum mearum sacrificium vespertinum. Pone, Domine, custodiam ori meo, & ostium circum-

circumstantiæ labiis meis : ut non declinet cor meum
in verba malitiæ , ad excusandas excusationes in pec-
catis. *Dum reddit thuribulum Diacono , dicit : Ac-
cendat in nobis Dominus ignem sui amoris , &
flammam æternæ charitatis. Amen. Deinde incen-
satur ipse , postea Diaconus incensat chorum , & po-
stremo Subdiaconum tenentem Patenam : & ipse Dia-
conus incensatur a thuriferario ; & thuriferarius ,
postea incensat populum.*

*Celebrans, lotis manibus, eas tergit, & illis ante pe-
tus junctis, revertitur ad medium altaris; ubi stans,
oculosq; ad Deum elevans, & statim demittens, manibus
junctis super altare, capiteq; inclinato, dicit secrete :*

*Suscipe, sancta Trinitas, hanc oblationem, quam tibi
offerimus, ob memoriam passionis , resurrectionis,
ascensionis Jesu Christi, Domini nostri : & in honore
Beatæ Mariæ semper virginis , & B. Johannis Bapti-
stæ , & Sanctorum Apostolorum Petri & Pauli , &
sanctorum, & omnium Sanctorum: ut illis proficiat ad
honorem, nobis autem ad salutem : & illi pro nobis
intercedere dignentur in cœlis, quorum memoriam
agimus in terris. Per eundem Christum Dominum
nostrum. Amen.*

*Qua dicto, manibus hinc inde extensis, & super Al-
tare positis, osculatur illud in medio. Tum junctis
manibus ante pectus, demissisq; oculis ad terram, a si-
nistra manu ad dextram, vertit se ad populum, &
versus eum extendens & jungens manus, dicit voce
aliquantulum elevata:*

Orate Fratres:

& secrete proferens:

*Vt meum ac vestrum sacrificum acceptabile fiat
apud Deum Patrem omnipotentem.*

Sic perficit circulum, revertens, iunctis manibus ante pectus, a manu dextra ad medium altaris. Et responso a ministris, vel circumstantibus:

Suscipiat Dominus sacrificium de manibus tuis, ad laudem & gloriam nominis sui, ad utilitatem quoque nostram, totiusque Ecclesie sue sanctae. Amen.

postea Celebrans, stans in medio Altaris, depositis super eo manibus hinc inde extensis, dicit convenienti & intelligenti voce:

Per omnia secula seculorum. R. Amen.

S. Dominus vobiscum. R. & cum Spiritu tuo.

S. Sursum corda. R. Habemus ad Dominum.

S. Gratias agamus Domino Deo nostro.

R. Dignum & iustum est.

S. Verè dignum & iustum est, æquum & salutare, nos tibi semper & ubique gratias agere: Domine sancte, Pater omnipotens, æterne Deus, per Christum Dominum nostrum. Per quem maiestatem tuam laudant Angeli, adorant Dominationes, tremunt Potestates. Cœli cœlorumque virtutes, ac beata Seraphim, sociâ exultatione concelebrant. Cum quibus & nostras voces ut admitti jubeas, deprecamur, supplici confessione dicentes: Sanctus, Sanctus, Sanctus, Dominus Deus Sabaoth. Pleni sunt cœli & terra gloria tua, Osanna in excelsis.

Benedictus, qui venit in nomine Domini, Osanna in excelsis.

Cum dicit, Sursum corda, elevat manus hinc inde extensas. Cum dicit, gratias agamus Domino, jungit manus: cum dicit, Deo nostro, Cruci capus inclinat. Cum dicit, Sanctus, iunctis manibus ante pectus, & inclinatus, voce mediocri prosequitur, ministro interim parum

arum campanula pulsante. Cum dicit, Benedictus,
qui venit in nomine Domini &c. signum crucis sibi
producit a fronte ad pectus.

Dehinc, Præfatione finita, Celebrans, manibus junctis
super Altare positis, stans ante medium Altaris, versus
ad illud, elevatis oculis ad Deum, & pæ mora de-
missis, profunde inclinatus, incipit CANONEM, se-
crete dicens:

Te igitur, clementissime Pater, per Jesum
Christum, filium tuum, Dominum nostrum,
supplices rogamus ac petimus, osculatur
Altare. uti accepta habeas, & benedicas,
tingit manus, & signat ter super Oblata. hæc
dona, hæc munera, hæc sancta sa-
crificia illibata. *extensis manibus prosequi-*
tur. Imprimis, quæ tibi offerimus pro Ec-
clesia tua sancta Catholica, quam paci-
ficare, custodire, adunare, & regere di-
neris, toto orbe terrarum: una cum fa-
mulo tuo, Papa nostro N. & Antistite no-
stro N. & Rege nostro N. & omnibus or-
thodoxis, atque Catholicæ & Apostolicæ
dei Cultoribus. Memento, Domine, fa-
mularum famularumque tuarum N. & N.
tingit manus, orat aliquantulum, pro quibus ora-
intendit: non tamen necesse est, eorum nomina
exprimere, sed sufficit, mente illorum memoriam
habere. Deinde, manibus extensis, prosequitur: &
omnium circumstantium, quorum tibi fi-
des cognita est, & nota devotio: pro quibus

tibi offerimus ; vel qui tibi offerunt hoc sacrificium laudis, pro se, suisque omnibus : pro redemptione animarum suarum ; pro spe salutis & incolumitatis suæ : tibiq; reddunt vota sua, æterno Deo, vivo & vero. Communicantes, & memoriam venerantes, imprimis gloriosæ semper Virginis Mariæ, genitricis Dei & Domini nostri Iesu Christi. Sed & Beatorum Apostolorum ac Martyrum tuorum, Petri, & Pauli, Andreae, Jacobi, Johannis, Thomæ, Jacobi, Philippi, Bartholomæi, Matthæi, Simonis, & Thadæi : Lini, Cleti, Clementis, Xysti, Cornelii, Cypriani, Laurentii, Chrysogoni, Johannis & Pauli, Cosmæ & Damiani. Et omnium Sanctorum tuorum, quorum meritis precibusq; concedas, ut in omnibus protectionis tuæ muniamur auxilio; *jungit manus.* per eundem Christum Dominum nostrum. Amen. *Tenens manus expansas super Oblata dicit.* Hanc igitur oblationem servitutis nostræ, sed & cunctæ familiæ tuæ, quæsumus, Domine, ut placatus accipias : diesq; nostros in tua pace disponas, atq; ab æterna damnatione nos eripi, & in electorum tuorum jubeas grege numerari. Per Christum Dominum nostrum. Amen. Quam oblationem tu, Deus, in omnibus quæsumus bene-
✠dictam, adfici-

✠ptam

Aptam, ratam, rationabilem, acceptabilemque; facere digneris. *Signat semel super Hostiam, & semel super Calicem.* Vt nobis Corpus, & Sanguis fiat dilectissimi Filii tui, Domini nostri Jesu Christi. *Inclinans caput Cruci, si opus fuerit, extergit pollices & indices super Corporale.* Qui pridie, quam pateretur, accipit Hostiam, accepit panem in sanctas ac venerabiles manus suas, elevat oculos ad cælum, & statim demittens, dicit, & elevatis oculis in cælum, ad te Deum patrem suum omnipotentem, tibi gratias agens, bene dixit, fregit, deditque Discipulis suis, dicens: Accipite, & manducate ex hoc omnes: *Tenens ambabus manibus Hostiam inter indices & pollices, cubitis super Altare positis, profert verba consecrationis secrete, distincte, intente, & continue.* Hoc est enim Corpus meum. *Prolatis verbis consecrationis, statim Hostiam consecratam genuflexus adorat: surgit, & intentis in eam oculis, ostendit populo adorandam, mox ipsam reponit super Corporale, iterumque adorat: & non disjungit pollices & indices, nisi quando hostia tractanda est, usque ad ablationem digitorum.* Interim, dum Celebrans elevat Hostiam, accenso prius intorticio, Minister manu sinistra elevat fimbrias posteriores Planetæ, & Celebrantem impediatur in elevatione brachio-

rum: quod & facit in elevatione Calicis, ac simul
dextra campanula sonitum edit. Tunc, detecto Ca-
lice, in quem, si opus sit, extergit digitos, quod
semper facit, cum aliquod fragmentum digiti
adhaerit, dicit: Simili modo postquam coe-
natum est, ambabus manibus accipit Calicem
juxta nodum, infra cuppam, accipiens & hunc
praeclarum Calicem in sanctas ac venerabi-
les manus suas, item tibi gratias agens,
Sinistra tenens Calicem, dextra signat super eum,
bene & dixit, deditq; Discipulis suis; dicens:
Accipite, & bibite ex eo omnes. Postea profert
verba Consecrationis secrete & devote super Cali-
cem, tenens illum parum elevatum, & sinistra
quidem pedem, dextra nodum infra cuppam, cu-
bitis super altare positis: Hic est enim calix
Sanguinis mei: novi & aeterni testa-
menti: mysterium fidei: qui pro vo-
bis, & pro multis effundetur; in remis-
sionem peccatorum. Prolatis verbis Con-
secrationis, deponit Calicem super Corporale, di-
cens secrete: Haec quotiescunq; feceritis, in
mei memoriam facietis, genuflexus Calicem
adorat: surgit, elevat duabus manibus, & quan-
tum commode potest, ostendit populo, deponit,
cooperit, & iterum adorat. Deinde, dijunctis
manibus, dicit: Unde & memores, Domi-
ne,

ne, nos servi tui, sed & plebs tua sancta,
 ejusdem Christi Filii tui, Domini nostri, tam
 beatæ Passionis, nec non ab inferis Refur-
 rectionis, sed & in cœlos gloriosæ Ascen-
 sionis, offerimus præclaræ Majestati tuæ,
 de tuis donis ac datis, hostiam ✠ puram,
 hostiam ✠ sanctam, hostiam ✠ imma-
 culatam: Panem ✠ sanctum vitæ æternæ,
 & Calicem ✠ salutis perpetuæ. Supra quæ
 propitio ac sereno vultu respicere digneris,
 & accepta habere: sicuti accepta habere
 dignatus es munera pueri tui justî Abel,
 & sacrificium Patriarchæ nostri Abrahamæ:
 & quod tibi obtulit summus Sacerdos tuus
 Melchisedec, sanctum sacrificium, imma-
 culatam hostiam. *Profunde inclinatus, jun-*
ctis manibus, & super altare positus, dicit. Sup-
 plices te rogamus, omnipotens Deus: jube
 hæc perferri, per manus Sancti Angeli tui, in
 sublime altare tuum, in conspectu divinæ
 Majestatis tuæ: ut, quotquot, *osculatur al-*
tare, ex hac altaris participatione, sacrosan-
 ctum Filii tui, *jungit manus, & signat semel*
super Hostiam, & semel super Calicem. Cor ✠
 pus, & San ✠ guinem sumpserimus, *seipsum*
signat, omni benedictione cœlesti & gratia
 repleamur. Per eundem Christum, Domi-
 num nostrum. Amen.

Memento etiam, Domine, famulorum famularumq; tuarum N. & N. qui nos præceperunt cum signo fidei, & dormiunt in somno pacis, *jungit manus, orat aliquantulum pro iis defunctis, pro quibus orare intendit, deinde, expansis manibus prosequitur*: ipsis, Domine, & omnibus in Christo quiescentibus, locum refrigerii, lucis, & pacis, ut indulgeas, deprecamur. Per eundem Christum Dominum nostrum. Amen.

Manu dextra percutit sibi pectus, elata parum voce dicens:

Nobis quoq; peccatoribus vivis, famulis tuis, de multitudine miserationum tuarum sperantibus, partem aliquam & societatem donare digneris, cum tuis Sanctis Apostolis, & Martyribus: cum Johanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, & omnibus Sanctis tuis. Intra quorum nos consortium, non æstimator meriti, sed veniæ, quæsumus, largitor admitte. Per Christum Dominum nostrum.

Per quem hæc omnia, Domine, semper bona creas, *Signat ter super Hostiam & Calicem simul, dicens*: sancti+ficās, vivi+ficās,

cas, bene✠dicis, & præstas nobis. *Discooperit Calicem, genu flectit, accipit Sacramentum dextra, tenens sinistra Calicem, signat cum Hostia, ter a labio ad labium Calicis, dicens: Per ip✠sum, & cum ip✠so, & in ip✠so, bis signat inter Calicem & pectus, est tibi Deo Patri ✠ omnipotenti, in unitate Spiritus ✠ Sancti, elevans parum Calicem cum Hostia, dicit: omnis honor & gloria. Reponit Hostiam, cooperit Calicem, genu flectit, surgit & dicit: Per omnia secula seculorum &c. Amen.*

Oremus. Præceptis salutaribus moniti, & divina institutione formati, audemus dicere: *extendit manus:*

Pater noster, qui es in coelis, sanctificetur nomen tuum, adveniat regnum tuum, fiat voluntas tua, sicut in coelo, & in terra: panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris. Et ne nos inducas in tentationem. &c. Sed libera nos a malo.

Sacerdos secrete respondet. Amen.

Deinde accipit Patenam inter indicem & medium digitos, & dicit:

Libera nos, quæsumus Domine, ab omnibus malis, præteritis, præsentibus, & futuris, & intercedente Beata & gloriosa sem-

semper Virgine Dei genitrice Maria, cum
 Beatis Apostolis tuis Petro & Paulo, atque
 Andrea, & omnibus Sanctis, *signat se cum
 Patena a fronte ad pectus*: da propitius pa-
 cem in diebus nostris; ut, ope misericor-
 diæ tuæ adjuti, & a peccato simus sem-
 per liberi, & ab omni perturbatione se-
 curi.

Submittit Patenam Hostia, discooperit Calicem, genu flectit, surgit, accipit Hostiam, frangit eam super Calicem per medium, dicens:

Per eundem Dominum nostrum, Jesum Christum, Filium tuum.

Partem, quæ in dextra est, ponit super Patenam; deinde ex parte, quæ in sinistra remansit, frangit particulam, dicens:

Qui tecum vivit & regnat, in unitate Spiritus S. Deus,

Aliam mediam partem ponit super Patenam, & dextera tenens particulam parvam super Calice, sinistra Calicem, dicit:

per omnia secula seculorum. *℞. Amen.*

Cum ipsa particula signat ter super Calicem, dicens:

Pax ✠ Domini, sit ✠ semper vobis ✠ cum. *℞. Et cum spiritu tuo.*

Particulam ipsam imponit in Calicem, dicens secrete:

Hæc

Hæc commistio, & consecratio Corporis
& Sanguinis Domini nostri Jesu Christi, fiat
accipientibus nobis in vitam æternam.
Amen.

Cooperit Calicem, genu flectit, surgit, & in-
clinatus Sacramento, junctis manibus, & ter pe-
ctus percutiens, dicit:

Agnus Dei, qui tollis peccata mundi:
miserere nobis.

Agnus Dei, qui tollis peccata mundi:
miserere nobis.

Agnus Dei, qui tollis peccata mundi: do-
na nobis pacem.

Si adsit, qui pacem recipiat, osculatur Altare,
& dans pacem, dicit:

Pax tecum. &. Et cum Spiritu tuo.

Deinde persequitur:

Domine Jesu Christe, Fili Dei vivi, qui ex
voluntate Patris, cooperante Spir. S. per
mortem tuam mundum vivificasti, libera
me, per hoc sacro sanctum Corpus & Sangui-
nem tuum, ab omnibus iniquitatibus meis,
& universis malis: & fac me tuis semper
inhærere mandatis, & a te nunquam sepa-
ari permittas. Qui cum eodem Deo Pa-
tre, & Spir. S. vivis & regnas Deus in se-
cula seculorum. Amen.

Perceptio corporis tui, Domine Jesu
Christe, quod ego indignus sumere præ-
sumo,

sumo, non mihi proveniat in iudicium & condemnationem: sed, pro tua pietate, profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre, in unitate Spir. S. Deus, per omnia secula seculorum. Amen.

Genus flectit, surgit, & dicit:

Panem cœlestem accipiam, & nomen Domini invocabo.

Parum inclinatus, accipit ambas partes hostie, inter pollicem & indicem sinistra manus, & Patenam inter ejusdem indicem & medium, & dextra percutiens pectus, dicit ter devote & humiliter:

Domine, non sum dignus, ut intres sub tectum meum: sed tantum dic verbo, & sanabitur anima mea.

Postea, dextra se signans cum hostia super Patenam, dicit:

Corpus Domini nostri Jesu Christi custodiat animam meam in vitam æternam. Amen.

Sumit ambas partes hostie, jungit manus, & quiescit aliquantulo. Deinde, discooperto Calice, genus flectit, extergit Patenam super illum, & dicit:

Quid retribuam Domino, pro omnibus quæ retribuit mihi? Calicem salutaris accipiam

piam, & nomen Domini invocabo. Laudans invocabo Dominum, & ab inimicis salvus ero.

Accipit Calicem, & eo se signans, dicit:

Sanguis Domini nostri Jesu Christi, custodiat animam meam in vitam æternam. Amen.

Sumit totum Sanguinem, cum particula: quo sumpto, si qui sunt communicandi, eos communicat, antequam se purificet; postea dicit:

Quod ore sumpsimus, Domine, pure mente capiamus, & de munere temporali, fiat nobis remedium sempiternum.

Inde porrigit Calicem ministro, qui infundit ei parum vini, quo se purificat; deinde profequitur:

Corpus tuum, Domine, quod sumpsi, & Sanguis, quem potavi, adhæreat visceribus meis: & præsta, ut in me non remaneat ulla scelerum macula, quem tam pura & sancta refecerunt Sacramenta. Qui vivis & regnas in secula seculorum. Amen.

Abluit digitos, extergit, & sumit ablutionem; extergit os & Calicem, quem operit, & plicato Corporali, collocat in Altare; deinde profequitur Missam.

Dominus vobiscum. &. & cum spiritu tuo.

Deinde dicit, pro Missæ qualitate.

Ite

Ite Missa est. *vel*, Benedicamus Domino.
 R. Deo gratias.

In Missa Defunctorum dicit:

Requiescant in pace. R. Amen.

Dicto, Ite Missa est, *vel*, Benedicamus, *inclinat se ante medium Altaris, & dicit, manibus junctis super illud:*

Placeat tibi, sancta Trinitas, obsequium servitutis meæ, & præsta, ut sacrificium, quod oculis tuæ majestatis indignus obtuli, tibi sit acceptabile, mihiq; & omnibus, pro quibus illud obtuli, sit, te miserante, propitiabile. Per Christum Dominum nostrum.

His dictis, extensis manibus hinc inde super Altare positis, ipsum in medio osculatur. Tum erigens se, & adhuc stans versus illud, extendit, elevat, & jungit manus, caputq; Cruci inclinans, dicit voce intelligibili: Benedicat vos omnipotens Deus, & junctis manibus, ac demissis ad terram oculis, vertens se ad populum, extensa manu dextra, junctisq; digitis, populo benedicit, dicens: Pa-ter, & Fi-lius, & Spiritus S. & circum perficiens, revertitur ad Cornu Evangelii, ubi, dicto, Dominus vobiscum. R. Et cum spiritu tuo: pollice dextro signans primo signo Crucis Altare, seu librum, deinde frontem, os, & pectus, dicit: Initium sancti Evangelii, secundum Johannem.
 R. Glo-

x. Gloria tibi, Domine: atq; sic, junctis manibus, legit Evangelium. In principio, vel aliud, uti convenit. Cum dicitur: & Verbum caro factum est, genua flectit, & progreditur usq; ad finem.

Quibus absolutis, extinguuntur per Ministrum candelæ. Interim Sacerdos, cooperto capite, accipit sinistra Calicem, dextram ponens super bursam, ne cadat, descendit super infimum gradum Altaris, & ibi in medio, vertens se ad illud, caput inclinat, & facta reverentia, præcedente ministro, eo modo, quo venerat, redit ad Sacristiam.

Nota: Parochus, in gravi necessitate, potest sine Ministro celebrare, & sibi ipsi respondere: neutiquam autem utendum ministerio sceminae. Ministro vero, necienti respondere, præibit Sacerdos.

Sæpius in die celebrare potest, qui plures Parochias administrat, quibus una Missa non satisfacit. In hoc casu, purificatio Calicis, post sumtum Sanguinem, non est sumenda, nisi in ultima Missa, ne, post primam, sequentes celebret non jejunus; sed in vase & loco honesto est servanda, ut in alia Missa eam sumere possit, post Sanguinem sumtum.

Vinum purificati Calicis, non est consecrandum in alia Missa, quia digiti eo Vino abluti sunt.

Sed nec distribuendum est populo pro ablutione, quia in Calice fere semper aliquid consecrati humoris adhæret.

Si ante Oblationem superveniat Episcopus, vel Princeps, vel multitudo iter facientium, die, quo ad Missam obligantur, potest interrumpi Missa, & repeti ab initio, ut audiant. Imo, si purificationem Calicis Sacerdos non sumisset, posset dici altera, superveniente Episcopo,

po, Principe, Cardinale Legato, Nuncio, Patriarcha, Duce: non Comite, Marchione, aut similibus.

Si Parochus evocetur ab Altari ad Baptismum, aut Sacramentum Pœnitentiæ, aut Viaticum conferendum ei, qui periclitatur, potest relinquere Sacramentum, etiam peracta consecratione, & quo necessitas vocat, properare. Monendus tamen est populus de causa, & aliquis ad Altare statuendus est, qui observet, ne quod periculum Eucharistiæ interim creetur.

Deficientibus Hostiis minoribus, fas est Sacerdoti, partem hostiæ, a se consecratæ, Laico præbere; sive hic causa infirmitatis, ne sine viatico decedat, sive causa devotionis, Synaxin sumat.

De Paramentis.

Paramenta Altaris, Celebrantis, & Ministrorum, sunt coloris convenientis Officio, & Missæ diei; secundum usum Romanæ Ecclesiæ: quæ quinq; coloribus uti consuevit: Albo, Rubeo, Viridi, Violaceo, & Nigro.

Albo colore utitur, a Vespere Vigiliæ Nativitatis Domini, usq; ad Octavam Epiphaniæ, inclusive: item, in Missis de Spiritu S. de B. Maria Virgine, de Confessoribus, de Virginibus, & in Paschate.

Rubeo colore utitur, a Vigilia Pentecostes in Missa, usq; ad Sabbatum sequens, inclusive: in diebus Apostolorum, (excepto Johanne,) & Martyrum.

Viridi colore utitur, ab Octava Epiphaniæ, usq; ad Septuagesimam.

Violaceo colore utitur, a Dominica prima Adventus, usq; ad Missam Vigiliæ Nativitatis Domini, inclusive: & in Quadragesima.

Nigro colore utitur, in Feria Sexta, in Parasceve, & in Missis Defunctorum.

Ordo

Ordo ad faciendam Aquam Benedictam.

Die Dominica, in Sacristia preparato Sale & Aqua, Sacerdos celebraturus Missam, vel alius ad hoc deputatus, Alba vel Superpelliceo indutus, cum Stola circa collum, primo dicit:

Adjutorium nostrum in Nomine Domini. R. Qui creavit cœlum & terram.

Deinde absolute incipit Exorcismum Salis.

Exorcizo, te, creatura Salis, per Deum ✠ vivum: per Deum ✠ verum: per Deum ✠ sanctum: per Deum, qui te per Elisæum Prophetam in aquam mitti iussit, ut sanaretur sterilitas aquæ: ut efficiaris Sal exorcisatum in salutem credentium: & sis omnibus sumentibus, sanitas animæ & corporis: & effugiatque discedat a loco, in quo aspersum fueris, omnis phantasia, & nequitia vel versutia diabolicæ fraudis, omnisque spiritus immundus, adjuratus, per eum, qui venturus est judicare vivos & mortuos, & seculum per ignem. R. Amen.

Oremus. Immensam clementiam tuam, Omnipotens, æterne Deus, humiliter imploramus, ut hanc creaturam Salis, quam in usum generis humani trixisti, bene ✠ dicere, & sancti ✠ ficare tua pietate digneris: ut sit omnibus sumentibus salus mentis & corporis, & quicquid ex eo tactum vel respersum fuerit, careat omni immunditia, omni que impugnatione spiritualis nequitie. Per Dominum nostrum.

Exorcismus Aquæ: & dicatur absolute:

Exorcizo te, creatura Aquæ, in nomine ✠ Dei Patris Omnipotentis, & in nomine ✠ Jesu Christi,

P p p

Filii

Filij ejus, Domini nostri, & in virtute sancti ✠ Spiritus, ut fias aqua exorcizata, ad effugandam omnem potestatem inimici, & ipsum inimicum eradicare, & explantare valeas, cum angelis suis apostolicis: per virtutem ejusdem Domini nostri Jesu Christi, qui venturus est judicare vivos & mortuos, & seculum per ignem. R. Amen.

Oremus. Deus, qui, ad salutem humani generis, maxima quæque sacramenta in aquarum substantia condidisti: adesto propitius invocationibus nostris, & elemento huic, multimodis purificationibus preparato, virtutem tuæ bene ✠ dictionis, infunde, ut creatura tua, mysteriis tuis serviens, ad abigendos demones, morbosque pellendos, divinæ gratiæ sumat effectum: ut, quicquid in domibus, vel in locis fidelium hæc unda resperferit, careat omni immunditia, liberetur a noxa, non illic relideat spiritus pestilens, non aura corrumpens: discedant omnes invidiæ latentis inimici: &, si quid est, quod aut incolumitati habitantium invidet, aut quieti, aspersione hujus aquæ effugiat: ut salubritas, per invocationem sancti tui, nominis exoptata, ab omnibus sit impugnationibus defensæ. Per Dominum nostrum.

Hic mittat Sal in aquam, in modum crucis, dicendo semel:

Commistio Salis & Aquæ pariter fiat, in nomine Patris, & Filii & Spiritus S. R. Amen.

Oremus. Deus invictæ virtutis auctor, & insuperabilis Imperii Rex, ac semper magnificus triumphator: qui adversæ dominationis vires reprimis: qui inimici ragientis sævitiam superas: qui hostiles nequitias potenter expugnas: te, Domine, trementes &

suppli-

applicēs deprecamur ac petimus : ut hanc creaturam Salis & Aquæ dignanter aspicias : benignus illures : pietatis tuæ rore sanctifices : ut, ubicunq; fuerit aspersa, per invocationem sancti tui nominis, omnis infestatio immundi spiritus abigatur; terrorque venenosi serpentis procul pellatur; & præsentia S. Spiritus, nobis, misericordiam tuam poscentibus, ubique adesse dignetur. Per Dominum nostrum Jesum Christum.

Finita benedictione, Sacerdos celebraturus, indutus luviali, coloris officio competentis, accedit ad Altare, & ibi, cum ministris ad gradus genuflexus, accipit a Diacono aspersorium, & aspergit primo terram, deinde se, & ministros, semel singulos, incipiens Antiphonam : Asperges me; Chorus prosequitur. Domine, hyssopo, & mundabor : lavabis me, & super nivem dealbabor. Psal. Miserere mei, Deus, secundum magnam misericordiam tuam. V. Gloria Patri, & Filio, & Spir. S. sicut erat in principio, & nunc, & semper, & in secula seculorum. Amen.

Notandum : Aquam benedictam renovare singulis diebus Dominicis, & aspergere populum debet is, qui Missam Parochialem celebraturus est.

Parochus, in die Paschatis, & Pentecostes, non benedicit aquam, sed aspergitur Clerus, & populus, aqua benedicta.

Aqua non benedicta, addita benedictæ, in minori quantitate, fit benedicta; quia virtus supernaturalis ignioris, perficit minus dignum. Quod si iterum addatur alia minor, fit sancta in infinitum. Sed, si sanctæ adderetur major, vel equalis portio, neutra esset sancta, quia non stat unitas sanctæ prioris. Idem dicendum de Oleo non consecrato, si consecrato addatur.

*Vas Aqua benedicta in Ecclesia existat, & quidem
a dextro latere ingredientis.*

Benedictio Agni Paschalis.

S. Adjutorium nostrum in nomine Domini.

R. Qui fecit cœlum & terram.

S. Dominus vobiscum, R. Et cum Spiritum tuo.

Oremus. Deus, qui, per famulum tuum Moysen, in liberatione populi tui de Ægypto, agnum occidi-
jussisti, in similitudinem D. N. J. C. & utrosque po-
stes domorum de sanguine hujus agni perungi præ-
cepisti: ita bene + dicere & sancti + ficare digneris
hanc creaturam carnis, quam nos famuli tui, ad lau-
dem tuam, sumere desideramus: per resurrectionem
D. N. J. C. qui tecum vivit, & regnat, in secula secu-
lorum. R. Amen.

Et mox aspergit aqua benedicta.

Benedictio Panis.

S. Adjutorium nostrum &c.

Domine Jesu Christe, panis Angelorum, panis vi-
vus, & æternæ vitæ; bene + dicere dignare panem
istum, sicut benedixisti quinque panes in deserto: ut
omnes, ex eo digne gustantes, inde corporis & ani-
mæ desiderabilem percipiant sanitatem. Per Chri-
stum Dominum nostrum. R. Amen.

Postea aspergit aqua benedicta.

Benedictio Novorum Fructuum.

S. Adjutorium nostrum &c.

Bene + dic, Domine, hunc novum fructum N. &
præsta, ut, qui ex eo, in tuo sancto nomine, vescetur,

corporis & animæ salute potiatur. Per Dominum
nostrum &c.

Aspergatur aqua benedicta.

Benedictio ad quodcunque co- mestibile.

. Adjutorium nostrum &c.

Bene ✠ dic, Domine, creaturam istam N. ut sit
medium salutare generi humano: & præsta, per in-
vocationem sancti nominis tui, ut quicunque ex ea
umpserint, corporis sanitatem, & animæ tutelam ac-
cipiant. Per Dominum &c.

Aspergat id aqua benedicta.

Benedictio Loci.

. Adjutorium nostrum &c.

Bene ✠ dic, Domine, Deus omnipotens, locum
tum, ut sit in eo sanitas, castitas, victoria, virtus,
humilitas, bonitas, & consuetudo, plenitudo legis,
& gratiarum actio, Deo Patri, & Filio, & Spir. S. &
hec benedictio maneat super hunc locum, & super
habitantes in eo. Per Christum Dominum no-
strum. R. Amen.

Aspergatur aqua benedicta.

Benedictio Domus Novæ.

. Adjutorium nostrum &c.

Te, Deum Patrem omnipotentem, supplices ex-
amamus, pro hac domo, & pro ejus habitatoribus, ac
bus: ut eam bene ✠ dicere, & sanctificare, ac bo-
s omnibus ampliare digneris. Tribue igitur eis,
Domine, de rore cœli abundantiam, & de pingue-

dine terræ, vitæ substantiam, & desideria voti eorum ad effectum tuæ miserationis perducas. Ad introitum ergo nostrum, bene⁺dicere, & sanctificare dignare hanc domum, sicut benedicere dignatus es domum Abraham, Isaac, & Jacob: & intra parietes domus istius, Angeli tuæ lucis inhabitent, eamque & ejus habitatores custodiant. Per Christum Dominum nostrum. R. Amen.

Aaspergat aqua benedicta.

Benedictio Thalami.

S. Adjutorium nostrum *Ec.*

Bene⁺dic, Domine, Thalamum hunc: ut omnes habitantes in eo, in tua pace consistent, & in tua voluntate permaneant, & senescant, & multiplicentur in longitudine dierum. Per Christum Dominum nostrum. R. Amen.

Aaspergat aqua benedicta.

Benedictio Novæ Navis.

S. Adjutorium nostrum *Ec.*

Propitiare, Domine, supplicationibus nostris, & bene⁺dic navim istam, dextera tua sancta, & omnes, qui in ea vehentur, sicut dignatus es benedicere arcam Noë, ambulanti in diluvio. Porrigere eis, Domine, dexteram tuam, sicut porrexisti Beato Petro, ambulanti supra mare: & mitte sanctum angelum tuum de cœlis, qui liberet & custodiat eam semper a periculis universis, cum omnibus, qui in ea erunt: & famulos tuos, repulsis adversitatibus, portu semper cursuque tranquillo tuearis: transactisque riteque perfectis negotiis omnibus, iterato tempore,

d propria, cum omni gaudio, revocare digneris.
er Dominum &c.

Aspergatur aqua benedicta.

Benedictio Sacerdotalium Indu- mentorum, in genere.

Adjutorium &c.

Omnipotens, sempiterne Deus, qui per Moysen
amulum tuum, Pontificalia, & Sacerdotalia, atque
levitica vestimenta, ad explendum ministerium eo-
um, in conspectu tuo, ad honorem & decorem No-
minis tui, fieri decrevisti, adesto propitius invoca-
tionibus nostris: & hæc indumenta Sacerdotalia,
desuper irrigante gratia tua, ingenti benedictione, per
nostræ humilitatis servitatem, puri-⁺ficare, benedi-⁺
ficere & conse-⁺crare digneris: ut divinis cultibus &
sacris mysteriis apta & benedicta existant: hisque
sacris vestibus Pontifices, Sacerdotes, seu Levitæ
tui, induti, ab omnibus impulsione, sive tentatio-
nibus malignorum spirituum, muniti & defensi esse
mereantur: tuisque mysteriis apte & condigne ser-
vire, & inhærere, atque in his tibi placere, & devo-
te perseverare tribue. Per Christum Dominum no-
strum.

Aspergantur Indumenta aqua benedicta.

Benedictio Vini S. Johannis, in so- lemnitatibus Nuptiarum.

Initium S. Evangelii secundum Joannem: In Prin-
cipio erat verbum &c.

Per istos sermones sancti Evangelii, & per mentis S. Joannis Apostoli & Evangelistæ, quæsumus, omnipotens Deus, benedicere, & sanctificare digneris hanc creaturam Vini, dextera tua, & præsta, ut omnes in te credentes, & de isto potu bibentes, a te protegantur & benedicantur, sicut B. Joannes, de calice venenum bibens, non est læsus, ita & isti homines, in amore tui, & S. Johannis, de potu isto bibentes, ab omni ægritudine corporis & animæ absolvantur. Per Christum Dominum nostrum. Amen. Et benedictio Dei Patris ☩ omnipotentis, & Filii, & Spiritus ☩ Sancti, descendat super hanc creaturam Vini, & maneat semper. Amen.

Deinde aspergatur Aqua benedicta.

Benedictio Vini, in die S. Johannis Evangelistæ.

Sacerdos, Superpelliceo, seu Alba, & Stola indutus, stans in cornu Epistolæ, Vino, extra dictum cornu, juxta se in mensa posito, & vasis, quibus continetur, apertis, dicat:

Adjutorium nostrum in nomine Domini:

℣. Qui fecit cælum & terram.

S. Dominus vobiscum.

℣. Et cum spiritu tuo.

S. Initium sancti Evangelii secundum Joannem.

℣. Gloria tibi Domine,

S. In principio erat Verbum &c.

In fine ℣. Deo gratias.

Dicitur Psalmus totus XXII.

Dominus regit me, & nihil mihi deerit &c.

Gloria Patri, & Filio, & Spiritui S. Sicut erat &c.

Kync

Kyrie eleison. Christe eleison. Kyrie eleison.

Pater noster, &c.

S. Et ne nos inducas in tentationem.

R. Sed libera nos a malo.

S. Salvos fac fideles tuos.

R. Deus meus sperantes in te.

S. Esto nobis, Domine, turris fortitudinis.

R. A facie inimici.

S. Gustate, & videte, quoniam suavis est Dominus.

R. Beatus vir, qui sperat in eo.

S. Et, si mortiferum quid biberint.

R. Non eis nocebit.

S. Domine exaudi orationem meam.

R. Et clamor meus ad te veniat.

S. Dominus, vobiscum.

R. Et cum spiritu tuo.

Oremus: Deus, & Pater Domini nostri Jesu Christi, cujus imperio cœli firmati sunt, cui omnis creatura deservit, & omnis potestas subiecta est, & meruit, & expavescit: nos, te in auxilium nostrum invocamus, cujus audito nomine serpens conquiescit, Draco fugit, vipera fileat, & subdola illa, quæ dicitur, rana inquieta, torpescit, scorpio extinguatur, & angulus vincitur, squalangus nihil noxium operatur, & omnia venenata, & adhuc fortiora animalia noxia, occurrunt. Tu, Domine, extingue omnes diaboli- cas fraudes, & omnes humano generi adversantes equitias, & hunc liquorem vini, per intercessionem Joannis Evangelistæ, tua virtute benedicito; & omnes ex eo gustantes, meritis & precibus Sanctissimæ Genitricis Mariæ, & omnium Sanctorum intervenientibus, ab omni malo custodias,

& ad regnum gloriæ tuæ perducas. Per Dominum nostrum Iesum Christum, Filium tuum &c.

Oremus : Deus , qui , mirabili potentia , vinum producis ex vite , ut inde exhilaretur cor hominis ; qui , mirabili potentia , in Cana Galilææ , ad potandum , nuptiali populo , aquam convertisti in vinum , quique mirabilissima potentia , per manus Sacerdotum , elementum vini quotidie in sacratissimum tuum transformas Sanguinem : Deus , cujus potestate Joannes Evangelista venenosi potus digessit toxicum , bene + dicere dignare hanc creaturam Vini , ut omnes ex eo gustantes , expulso toto genere nocivo , infuso tuæ bene + dictionis mysterio , in anima & corpore mereantur misericorditer exhilarari. Per Dominum nostrum &c.

Oremus : Beati Joannis Evangelistæ , quæsumus , Domine , supplicatione placatus , & veniam nobis tribue , & remedia æterna concede. Per Dominum nostrum &c.

Et Benedictio Dei Patris omnipotentis , & Filii , & Spiritus Sancti , descendat super hunc liquorem Vini , & maneat semper. R. Amen.
Deinde aspergit Vnum aqua benedicta.

Benedictio Candelarum.

In die Purificationis B. Virginis, Sacerdos, indutus stola & pluviali violaceis, benedicit Candelas, super aliqua mensa, linteo cooperta, repositas, easque ter aqua benedicta aspergit, & ter adolet incenso. Dicit deinde, præter preces alias :

Benedic , Domine Iesu Christe , hanc creaturam ceræ , supplicantis nobis , & infunde ei , per Crucis tuæ sanctæ virtutem , benedictionem cœlestem : Vi,

ui, eam, ad repellendas tenebras humano generi tri-
 uisti, talem signaculo sanctæ Crucis tuæ fortitudi-
 nem & benedictionem accipiat, ut, in quibuscunque
 locis accensa, sive imposita fuerit, discedat & con-
 remiscat ille malignus diabolus, & effugiat pavidus,
 cum omnibus ministris suis, de habitationibus illis,
 nec præsumat amplius inquietare servientes Deo.
 Proinde supplices quæsumus, Domine, ut emittas
 Angelum tuum Raphaëlem, ut, qui evulsit & expul-
 sit a Sara & Tobia dæmonem mortiferum & infe-
 stantem, conterat illum, & perdat de cunctis habi-
 tationibus colentium Deum, de basilicis, de angu-
 stis, de lectulis, de refectoriis, de cunctis locis, in
 quibuscunque Deo famulantes habitant & requiescunt,
 dormiunt, vigilant, ambulant, & consistunt, non va-
 leat amplius inquietare, vel pavorem immittere super
 illos, quos tui chrismatis unctio fecit esse inunctos.
 Benedico, te creatura ceræ, in nomine Domini Dei
 nostri, & Sanctæ Trinitatis, ut sis exterminatio
 diaboli, & omnium contubernalium ejus. Per eum,
 qui vivit & regnat Deus &c.

*Postea Diaconus assistens, Sacerdoti pulchriorem
 candelam, prius deosculatam, offert, atque etiam ejus
 manum deosculatur. Sacerdos candelam alicui mi-
 nistro tenendam tradit, & candelas, a Subdiacono
 successive acceptas, aliis distribuit. Post distributio-
 nem manus lavat; & postea fit processio.*

Benedictio Tempestatis.

*Hæc Dominicis & Festis diebus, per æstatem, in
 Ecclesiis Parochialibus, ante, vel post sacrificium
 Missæ, peragitur.*

S. A fulgure, & tempestate.

R. Libera nos, Domine Jesu Christe.

S. Fiat misericordia tua, Domine, super nos.

R. Quemadmodum speravimus in te.

S. Domine exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Oremus: A Domo tua, quæsumus, Domine, spirituales nequitiae repellantur, & aërearum discedat malignitas tempestatum. Per Christum Dominum nostrum. R. Amen.

Oremus: Quæsumus, omnipotens Deus, ut, intercessionem Sanctæ Dei Genitricis Mariæ, & Sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, atque omnium Sanctorum tuorum, continuum nobis præstes subsidium, tranquillam auroram permittas, atque contra fulgura, & tempestates, desuper nobis indignis tuam salutem effundas de coelis, & generi humano semper æmulas, dextera potentiae tuæ, aëreas conteras potestates.

Deus, qui omnium rerum tibi servientium naturam, per ipsos motus aëris, ad cultum tuæ majestatis instituis, tranquillitatem nobis tuæ misericordiae, remotis aëris terroribus, permanere permittas, ut, ejus iram expavemus, clementiam sentiamus. Per Christum, Dominum nostrum. R. Amen.

Processio ad petendam Pluviam.

Dictis Litaniis de omnibus Sanctis, usque ad illa verba: Vt fructus terræ &c. bis dicitur: Vt congruen-

gruentem pluviam fidelibus tuis concedere digneris:
Te rogamus, audi nos.

In fine postea dicitur, Pater noster &c. secreto. Et
ne nos inducas in tentationem. *R.* Sed libera nos
a malo.

Dicitur deinde Psalmus CXLVI. totus : Laudate
Dominum, quoniam bonus est psalmus: &c.

Hoc finito dicuntur preces :

S. Operi, Domine, cœlum nubibus.

R. Et parâ terræ pluviam.

S. Ut producat in montibus fœnum.

R. Et herbam servituti hominum.

S. Riga montes de superioribus tuis.

R. Et de fructu operum tuorum satiabitur terra.

S. Domine, exaudi &c.

Oremus : Deus, in quo vivimus, movemur, &
umus, pluviam nobis tribue congruentem, ut,
præsentibus auxiliis sufficienter adjuti, sempiterna
fiducialius appetamus.

Oremus : Præsta, quæsumus, omnipotens Deus,
ut, qui in afflictione nostra de tua pietate confidimus,
contra adversa omnia, tua semper protectione mu-
niamur.

Oremus : Da nobis, quæsumus, Domine, plu-
viam salutarem, & aridam terræ faciem fluentis cœ-
lestibus dignanter infunde. Per Dominum no-
strum &c.

S. Dominus vobiscum. *R.* Et cum Spiritu tuo.

S. Benedicamus Domino. *R.* Deo gratias. *S.* Ex-

audiat nos omnipotens & misericors Dominus.

R. Amen. *S.* Fidelium animæ per misericordiam

Dei requiescant in pace. *R.* Amen.

PRO-

Processio ad postulandam Sere- nitatem.

Dictis Litanis de omnibus Sanctis, usque ad illa verba: Vt fructus terræ &c. bis dicitur: Vt fidelibus tuis aëris serenitatem concedere digneris. Te rogamus, audi nos. Ad finem obsecrationum dicitur, Pater noster &c. prout præcessit.

Dicitur deinde Psalmus LXVI. Deus misereatur nostri &c.

S. Adduxisti, Domine, Spiritum tuum super terram.

R. Et prohibita sunt pluviae de cælo.

S. Cum obduxero nubibus cælum.

R. Apparebit arcus meus, & recordabor fœderis mei.

S. Illustra faciem tuam, Domine, super servos tuos.

R. Et benedic sperantes in te.

S. Domine exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Oremus: Deus, qui culpa offenderis, pœnitentia placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte.

Oremus: Ad te nos, Domine, clamantes, exaudi, & aëris serenitatem nobis tribue supplicantibus; ut, qui iuste pro peccatis nostris affligimur, misericordia tua præveniente, clementiam sentiamus.

Oremus: Quæsumus, omnipotens Deus, clementiam tuam, ut inundantiam coërceas imbrum, & hi-

hilaritatem vultus tui nobis impertire digneris.
per Dominum &c.

Preces ad repellendam Tempe- statem.

*Pulsantur Campanæ, & illis, qui adesse possunt,
in Ecclesiam convocatis, dicuntur Litanie ordi-
nariæ, in quibus bis dicitur: A fulgure & tempesta-
&c. & post Litanias, Orationemq; Dominicam,
dicitur Psalmus CXLVII. Lauda Jerusalem, Do-
minum &c. Gloria Patri &c.*

S. Adjutorium nostrum in nomine Domini.

R. Qui fecit cœlum & terram.

S. Ostende nobis, Domine, misericordiam tuam.

R. Et salutare tuum da nobis.

S. Adjuva nos, Deus salutaris noster.

R. Et, propter gloriam Nominis tui, Domine,
libera nos.

S. Nihil proficiat inimicus in nobis.

R. Et filius iniquitatis non apponat nocere nobis.

S. Fiat misericordia tua, Domine, super nos.

R. Quemadmodum speravimus in te.

S. Salvum fac populum tuum, Domine.

R. Et benedic hereditati tuæ.

S. Non privabis bonis eos, qui ambulant in in-
nocentia.

R. Domine, Deus virtutum, beatus homo, qui
sperat in te.

S. Domine exaudi &c.

Oremus: Deus, qui culpa offenderis, pœniten-
tia placaris; preces populi tui supplicantis propitius
respice, & flagella tuæ iracundiæ, quæ pro peccatis
nostris meremur, averte.

A Do-

A Domo tua, quæsumus, Domine, spirituales nequitia repellantur, & æreorum discedat malignitas tempestatum.

Oremus: Omnipotens sempiterne Deus, parce metuentibus, propitiare supplicibus; ut, post noxios ignes nubium, & vim procellarum, in misericordiam transeat laudis comminatio tempestatum.

Oremus: Domine Jesu, qui imperasti ventis & mari, & facta fuit tranquillitas magna; exaudi preces familiae tuae, & præsta, ut hoc signo sanctæ Crucis ✝ omnis discedat sævitia tempestatum.

Oremus: Omnipotens & misericors Deus, qui nos & castigando sanas, & ignoscendo conservas, præsta supplicibus tuis, ut & tranquillitatibus optatæ consolationis lætemur, & dono tuæ pietatis semper utamur. Per Dominum &c.

Postea aspergitur Aqua benedicta.

Ordo servandus in Festo Corporis Christi.

Sacerdos, in Festo Corporis Christi, Sacramentum gestans, aut reponens, caute ac reverenter se gerat, nec vagetur oculis inter eundum, nec nimium properet, sed pietatem & gravitatem quandam præferat, præsertim cum, Sacramentum assumens, populo benedicit. Quæ ratio benedicendi, per totam hujus Festi Octavam, in templo etiam continuatur.

Curet Parochus, ut in quatuor locis diversis, ad quæ Processio ventura est, collocentur Mense, instarque Altarium ornentur, apud quas Initia quatuor Evangeliorum, cum suis Antiphonis, versiculis, & Collectis cantentur, populusque cum venerabili Sacramento benedicatur.

Vbi igitur ad primam Mensam ventum fuerit, Sacerdos Sacramentum super illam decenter collocet, et, flexis genibus reverentiam exhibeat. Veniat deinde ad ipsum unus ex Diaconis, vel Sacerdotibus, librum Evangeliorum ambabus manibus ante pectus tenens, qui, pro cantando Evangelio, benedictionem ab eo flexis genibus petat, dicens: Jube, Domine, benedicere. Ad quem Sacerdos: Dominus sit in corde tuo, & in labiis tuis, ut digne pronuncies Evangelium ejus. Pax tecum. Diaconus: Et cum Spiritu tuo.

Postea, paululum a mensa recedens Diaconus, atque versus Orientem, junctis ante pectus manibus, incipiat: Dominus vobiscum. Chorus respondeat: Et cum Spiritu tuo. Iterum Diaconus: Initia Sancti Evangelii secundum Matthæum. Chorus: Gloria tibi Domine. Diaconus: Liber generationis Jesu Christi Filii David, Filii Abraham &c. Et persequitur caput primum Matthæi, usque ad versum 17. exclusive.

Vbi Diaconus Evangelium finierit, portet librum ad Sacerdotem, eiq; textum cantatum deosculandum exhibeat. Ille autem, signo crucis facto super Evangeliorum textum, eoque exosculato, dicat: Per istos sermones Evangelii, & intercessionem Sancti Evangelistæ Matthæi, indulgeat nobis Dominus noster Jesus Christus universa delicta nostra. Amen.

Tunc omnes flectant genua, cantetq; Chorus Antiphonam, aut Mottetam festo convenientem. Qua finita, Sacerdos, stans versus Sacramentum, cantet:

Domine, non secundum peccata nostra facias nobis.

Chorus : Neque secundum iniquitates nostras retribuas nobis.

S. Oremus : Deus, qui culpa offenderis, & poenitentia placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte. Per Christum Dominum nostrum. *R. Amen.*

Posthæc Sacerdos, facta Corpori Christi reverentia, Monstrantiam, vel Ciborium decenter in manus apprehendat, illudq, ante se tenens, cantet:

Sit nomen Domini benedictum.

R. Ex hoc nunc, & usque in seculum.

S. Adjutorium nostrum in Nomine Domini.

R. Qui fecit cælum & terram.

Deinde, populo, undiq, circumstanti, cum Sacramento benedicat, formans cum Monstrantia, vel Ciborio, in quatuor partibus signum crucis: primo quidem ante se; deinde ad dextrum latus; tertio retro; ac postremo ad sinistrum latus, hunc in modum inter benedicendum cantans:

Bene + dictio Dei omnipotentis Pa + tris, & Fi + lii, & Spiritus + Sancti descendat super vos, & fructus terræ, & maneat semper. Chorus. Amen.

Eadem ratione, ceremoniæ peraguntur ad reliquas mensas, nisi quod Evangelia & Collectæ mutantur.

Vbi ad templum reversa fuerit Processio, ascendat Sacerdos cum venerabili Sacramento gradus altaris, ibiq, ad populum conversus, sequentem Hymni versiculum incipiat: Tantum ergo Sacramentum. Chorus reliquum prosequatur. Deinde, facto supra populum, cum Christi Corpore, Crucis signo, Ciborium reverenter ad Altare collocatur. Hostiam deniq, illam,

*Festo Corporis Christi publice circumgestatam, atq;
per Octavam subinde adoratam, Sacerdos proximo
die, quo post Octavam Missam celebraverit, in ea-
dem sumat.*

Ritus baptizandi infantes.

*Fons Baptismalis debet esse decenter ornatus, &
ante occlusus, servans intus aquam mundam.*

*In Baptismo Nomina tantum Sanctorum Infantibus
imponenda sunt: atq; Sanctus, cujus quis nomen gerit,
patronus existit, ad omnes animæ & corporis mole-
stias superandas. Susceptores in Baptismo sunt Ca-
tholici, sanæ mentis, bonæ famæ, scientes doctrinam
Christianam. Non sint muti, excommunicati, inter-
dicti, aut facinorosi. Pueri cujuscunq; ætatis possunt
esse Susceptores legitimi; modo habeant usum ra-
tionis.*

*Materia Baptismi, est aqua simplex, seu elementa-
ris: qualis etiam censetur, quæ ex sulphure, nive, ge-
ni, aut sale defluit.*

*In dubio, an aliqua sit aqua naturalis, an non, pot-
est, in casu necessitatis, sub conditione, si materia hæc
est idonea, Baptismus moribundo conferri, & ite-
rum sub conditione repeti. In extrema necessitate,
melius est, applicare cum nive, vel glacie, Sacramen-
tum Baptismatis, quam illud omnino prætermittere.*

*Sacerdos, Baptismum administrare volens, indutus
superpelliceo & stola, paratis Candela accensa, Oleo
catechumenorum, & S. Chrismate, baptizandum
adiens, interroget Patrinos: Quid petitis? Quibus
id, quod est respondentibus, quærat: Cujus sexus sit
proles? Ac deinde: Quo nomine vocari velint pro-
geniem? Patrini vero significantibus nomen infanti im-*

ponendum: eo intellecto, illud in Matricula Baptizatorum, una cum Susceptorum & Parentum nominibus, scribat, & denunciēt, solos inscriptos pro Susceptoribus ab Ecclesia recipi, etiamsi forte plures, ut rei gerendae testes & comprecatores, adstent.

Antequam aggrediatur baptizandi ritum, Sacerdos alloquatur Patrinum, ut, loco infantis, ad omnia interrogata respondeat.

Quo annuente, incipiat:

Adjutorium nostrum in nomine Domini.

R. Qui fecit cœlum & terram.

Postea, Sacerdos insufflet in faciem infantis, crucis forma, dicatq;: Exi ab eo Sathana, & da honorem Deo vivo & vero.

Iterum insufflet, & dicat:

Exi immunde spiritus, & da honorem Jesu Christo, Filio ejus, Domino nostro.

Tertio insufflet, & dicat:

Fuge immunde spiritus, & da locum Spiritui S. Paracletō.

Deinde dicat: Pax tecum. R. Et cum Spiritu tuo.

Deinde, pollice dextro, faciendo cruces in partibus infra nominandis, baptizandum signet, dicatq;:

Ad Frontem: Signo te in Fronte ✠, in nomine Domini nostri Jesu Christi, ut confidas in eum.

Ad Oculos: Benedico Oculos tuos ✠, ut videas claritatem ejus.

Ad Aures: Aures tuas ✠, ut audias verbum veritatis ejus.

Ad Nares: Nares ✠, ut percipias odorem suavitatis ejus.

Ad Pectus: Pectus, † ut credas in eum.

Ad Scapulas: Scapulas, † ut suscipias jugum ser-
tutis ejus.

Ad Os: Os, † ut confitearis eum, qui cum Pa-
tre, & Spiritu S. vivit & regnat Deus, per omnia
secula seculorum. R. Amen.

Deinde, signum Crucis fronti & pectori impri-
ens, dicat:

N. accipe signum crucis Domini nostri Jesu Chri-
sti, tam in fronte †, quam in pectore †, ut templum
ei efficiaris, & ab hoc tempore, apostata Diabo-
lus, in vase suo, pristinae suae interemptionis cognō-
ens signaculum, jam sibi deinceps illud sciat esse
venenum. Per eundem Dominum &c.

Deinde dicat: Dominus vobiscum. R. Et cum
ritu tuo. Omnipotens, sempiternus Deus, Pater
omni nostri Jesu Christi, respicere dignare super
hunc famulum tuum N. *vel famulam tuam* N. quem,
vel quam, ad rudimenta fidei vocare dignatus es:
omnem cæcitatem cordis ab eo, *vel ea*, expelle, dis-
rumppe omnes laqueos Sathanæ, quibus fuerat alli-
gatus, *vel alligata*; aperi ei, Domine, janua piet-
atis tuæ, ut signo sapientiæ tuæ imbutus, *vel im-
buta*, omnium cupiditatum fœtoribus careat, & ad
gloriam suavem præceptorum tuorum lætus, *vel læ-
tus*, tibi in Ecclesia tua deserviat, & proficiat de die
in diem, ut idoneus, *vel idonea*, efficiatur, accedere
gratiam Baptismi. Per eundem Dominum no-
strum &c. R. Amen.

Oremus: Preces nostras quæsumus, Domine,
clementer exaudi, & hunc electum tuum, *vel ele-
ctam tuam* Crucis Dominicæ (cujus impressione eum,
vel eam, signamus †) virtute custodi, ut, magnitu-

dinis gloriæ tuæ rudimenta servans, per custodiam mandatorum tuorum, ad regenerationis gloriam pervenire mereatur. Per Christum Dominum nostrum &c. R. Amen.

Oremus: Deus, qui humani generis ita es conditor, ut sis etiam reformator: propitiare populis adoptivis, & novo testamento sobolem novæ prolis adscribe, ut Filii promissionis, quod non potuerunt assequi per naturam, gaudeant se recepisse per gratiam. Per Dominum nostrum &c. R. Amen.
Exorcismus Salis, si non habeatur benedictum:

Exorcizo te, creatura Salis, in nomine Patris + omnipotentis, & in charitate Domini nostri + Jesu Christi, & in unitate Spiritus + Sancti. Exorcizo te, per Deum + vivum, per Deum + verum, per Deum + sanctum, qui te ad tutelam humani generis procreavit, & populo, venienti ad credulitatem, per servos suos consecrari præcepit, ut, in nomine Sanctæ Trinitatis, efficiaris salutare Sacramentum, ad effugandum inimicum. Proinde, rogamus te, Domine Deus noster, ut hanc creaturam Salis sanctificando + sanctifices, benedicendo + benedicas, ut fiat omnibus sumentibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos & mortuos, & seculum per ignem. R. Amen.

Imponendo Salis modicum ori infantis, dicat:

N. accipe sal sapientiæ, ut propitietur tibi Dominus in vitam æternam. Amen.

Dominus vobiscum. R. Et cum spiritu tuo.

Oremus: Deus patrum nostrorum, Deus universæ conditor creaturæ, te supplices exoramus, ut hunc famu-

mulum tuum, *vel hanc famulam tuam*, respicere digneris propitius, & hoc primum pabulum salis instantem, non diutius esurire permittas, quo minus cibo expleatur cœlesti, quatenus sit semper Domini spiritu fervens, spe gaudens, tuo semper Numini serviens, & perduc eum, *vel eam*, Domine, ad novæ regenerationis lavacrum, ut, cum fidelibus tuis, promissionum tuarum æterna præmia consequereatur. Per Christum Dominum nostrum. Amen.

Oratio super Masculos tantum:


Deus Abraham, Deus Isaac, Deus Jacob, Deus, cui Moyse famulo tuo in monte Sinai apparuisti, & filios Israël de terra Ægypti eduxisti, deputans eis Angelum pietatis tuæ, qui custodiret eos die ac nocte: te quæsumus, Domine, ut mittere digneris sanctum Angelum tuum, qui similiter custodiat & hunc famulum tuum N. & perducat eum ad gratiam Baptismi tui. Per Christum &c. R. Amen.

Oratio super Fœminas tantum:


Deus Cœli & terræ, Deus Angelorum, Deus Archangelorum, Deus Prophetarum, Deus Martyrum, Deus Virginum, Deus omnium bene viventium, Deus, cui omnis lingua confitetur, & omne genu flectitur, cœlestium, terrestrium, & infernorum, te invoco, Domine, super hanc famulam tuam N. ut perducere eam digneris ad gratiam Baptismi tui. Per Christum &c. R. Amen.

Adjuratio, repetenda, quoties infra signabitur:

Ergo, maledicte Diabole, recognosce sententiam, & da honorem Deo vivo & vero, da honorem Jesu Christo, Filio ejus, Domino nostro, &

Spiritus S. Paraclete, & recede ab hoc famulo, *vel hac famula* Dei, quia istum, *vel istam*, sibi Deus & Dominus noster Jesus Christus, ad suam sanctam gratiam & benedictionem, fontemque Baptismatis, dono suæ pietatis, vocare dignatus est. *Et faciat Crucem in fronte infantis pollice dextro, dicendo:* Et hoc signum sanctæ  Crucis, quod nos fronti ejus damus, tu, maledicte Diabole, nunquam audeas violare, per eum, qui venturus est judicare vivos & mortuos, & seculum per ignem. *R. Amen.*

Oratio super Masculos tantum:

Oremus: Deus, immortale præsidium omnium præstolantium, liberatio supplicum, pax rogantium, vita credentium, resurrectio mortuorum: te invoco super hunc famulum tuum N. qui, Baptismi tui donum petens, æternam consequi gratiam spirituali regeneratione desiderat. *Sacerdos hic, supposita manu sua capiti infantis, offerat eum Deo, dicens:* Accipe eum, Domine, qui dignatus es dicere: petite, & accipietis, quærite, & invenietis, pulsate, & aperietur vobis. Petenti itaque præmium porrige, & januam pande pulsanti, ut, æternam cœlestis lavacri benedictionem  consecutus, promissa tui muneris regna percipiat. Qui vivis & regnas cum Deo Patre &c. *R. Amen.*

Repetitur, Ergo, maledicte Diabole &c.

Oratio super Fæminas:

Deus Abraham, Deus Isaac, Deus Jacob, Deus, qui Tribus Israël, de Ægyptiaca servitute liberatas, per Moysen famulum tuum, de custodia mandatorum tuorum in deserto monuisti, & Susannam de falso crimine liberasti: te supplex deprecor, Domine,

ut liberes hanc famulam tuam N. & perducere
am digneris ad gratiam Baptismi tui. Per Chri-
tum Dominum &c. *R.* Amen.

Repetatur: Ergo, maledicte Diabole &c.

Alia Adjuratio super Masculum tantum:

Audi, maledicte Sathana, adjuratus es per nomen
eterni Dei, & Salvatoris nostri Jesu Christi, Filii
ejus, cum tua victus invidia, tremens gemensque
discede: nihil tibi sit commune cum servo Dei N.
jam cœlestia cogitante, & renunciaturo tibi, ac secu-
lo tuo, & beatæ immortalitati victuro. Da igitur
honorem advenienti Spiritui S. Paracieto, qui, ex
summa arce cœli descendens, perturbatis fraudibus
tuis, divino fonte, purgatum pectus, sanctificatum
Deo templum & habitaculum perficiat, ut, ab omni-
bus penitus noxiis præteritorum criminum liberatus,
hic servus Dei gratias perenni Deo referat semper,
& benedicat nomen ejus sanctum, in secula seculo-
rum. *R.* Amen.

*Deinde fit Exorcismus, & ter signatur
puer, dicendo:*

Exorcizo te, immunde Spiritus, per Patrem ✠,
& Filium ✠, & Spiritum ✠ Sanctum: ut exeas,
& recedas, ab hoc famulo Dei N. ipse enim tibi im-
perat, maledicte; dammate atque damnande, qui pe-
dibus suis super mare ambulavit, & Petro, ne mer-
geretur, dextram porrexit.

Repetatur rursus: Ergo, maledicte Diabole &c.

*Deinde fit Exorcismus, & ter signatur
puella, dicendo:*

Exorcizo te, immunde Spiritus, per Patrem ✠,
& Filium ✠, & Spiritum ✠ Sanctum, ut exeas, &

recedas ab hac famula Dei N. ipse enim tibi imperat, maledicte, dammate, qui cæco nato oculos aperuit, & quatrduanum Lazarum de monumento suscitavit.

Repetatur denuo: Ergo, maledicte &c.

Oremus: Æternam & justissimam pietatem tuam, deprecor Domine sancte, Pater omnipotens, æterne Deus, auctor luminis & veritatis: respice super hunc famulum tuum, *vel hanc famulam tuam*, ut digneris eum, *vel eam*, illuminare lumine intelligentiæ tuæ. Munda eum, *vel eam*, & sanctifica, ✠ da ei scientiam veram, ut dignus, *vel digna*, efficiatur, accedere ad gratiam Baptismi tui: teneat firmam spem, consilium rectum, doctrinam sanctam, ut aptus, *vel apta*, sit, ad percipiendam gratiam Baptismi tui. Per Christum &c. R. Amen.

Hic ponit Sacerdos Stolum super infantem in modum crucis, & faciens crucem in fronte baptizandi, dicat:

Nec te ✠ lateat, Sathana, imminere tibi pœnas, imminere tibi tormenta, imminere tibi diem judicii, diem supplicii sempiterni: diem, qui venturus est, velut clibanus ardens: in quo tibi, & universis Angelis tuis, æternus veniet interitus. Et ideo, pro tua nequitia, dammate & dammande, da honorem Deo vero & vivo, da honorem Jesu Christo Filio ejus, da honorem Spiritui Sancto Paracleta, in cujus nomine atque virtute præcipio tibi, quicumque es, Spiritus immunde, ut exeas, & recedas ab hoc famulo Dei N. *vel hac famula Dei N.* quem, *vel quam*, hodie idem Deus & Dominus noster, Jesus Christus, ad suam sanctam gratiam, benedictionem,

tem, fontemq; baptismatis vocare dignatus est, ut
 iat ejus templum, per aquam regenerationis, in re-
 missionem omnium peccatorum. In nomine ejus-
 dem Domini nostri Jesu Christi, qui venturus est ju-
 dicare vivos & mortuos, & seculum per ignem.
 R. Amen.

Deinde legatur Evangelium sequens:

Dominus vobiscum. R. Et cum spiritu tuo.

Sequentia sancti Evangelii secundum Matthæum.

R. Gloria tibi Domine.

In illo tempore oblatis sunt Jesu parvuli, ut ma-
 nus eis imponeret, & oraret. Discipuli autem incre-
 pabant eos. Jesus vero ait illis: Sinite parvulos ve-
 nire ad me, & nolite prohibere eos; talium est enim
 regnum cœlorum. Et, cum imposuisset manus eis,
 abiit inde.

R. Laus tibi Christe.

*Deinde Sacerdos accipiat modicum de sputo oris sui,
 cum pollice & indice dextro, addito modico
 luto, vel cinere, dicendo:*

In nomine Patris ✠, & Filii, ✠ & Spiritus ✠
 Sancti.

*Postmodum, tangat dextram aurem infantis,
 & dicat:*

Ephata, quod est, adaperire.

Deinde nares tangendo, dicat:

In odorem suavitatis.

Tangens quoq; aurem sinistram, dicat:

Tu autem effugare, Diabole, appropinquabit enim
 judicium Dei.

*Circa locum dextræ manus, imprimendo signum
Crucis, dicat Sacerdos:*

N. trado tibi signaculum Domini nostri Jesu Christi, ✠ in manu tua dextra, ut te signes, & a te adversarium ex omni parte repellas, & habeas vitam æternam, & vivas cum eo, in secula seculorum.
R. Amen.

Introductoria benedictio ad S. Fontem.

Ingredere in templum Dei, ut merearis videre
Filium Dei vivi, in nomine Patris ✠ &c.

Benedictio Dei Patris ✠ omnipotentis, & Filii, & Spiritus ✠ Sancti, descendat & maneat super te, & Angelus Domini custodiat te, usque dum venias ad sanctum Baptisma. Amen.

*Quibus finitis, præparetur infans per mulieres ad Baptismum, & cum ad Baptisterium pervenitur, stans
Sacerdos, versa facie ad Orientem, faciat eum
abrenunciare Diabolo, expresso nomine
infantis, his verbis:*

Quis vocaris?

Respondeat Patrinus N. vel N.

*Sacerdos pergit interrogando: N. Abrenuncias
Sathanæ?*

Patrinus: Abrenuncio.

S. Et omnibus pompis ejus?

Patrinus: Abrenuncio.

S. Et omnibus operibus ejus?

Patrinus: Abrenuncio.

*Pergat Sacerdos interrogare de credulitate
infantis, hoc pacto:*

N. credis in Deum Patrem omnipotentem, Crea-
turam cœli & terræ?

Patrinus: Credo.

N. credis in Jesum Christum, Filium ejus unicum,
Dominum nostrum: quod conceptus sit de Spiri-
tu S. natus ex Maria Virgine, crucifixus & mor-
uus, descenderit ad inferos, tertia die resurrexerit
a mortuis: ascenderit ad cœlos, sedeatque ad dex-
tram Patris, venturus judicare vivos & mortuos?

Patrinus: Credo.

N. credis in Spiritum S. sanctam Ecclesiam Ca-
tholicam; Sanctorum communionem; remissionem
peccatorum; carnis resurrectionem, & vitam æ-
ternam?

Patrinus: Credo.

*Deinde faciat Crucem in pectore Infantis de oleo
sancto, quod dicitur Catechumenorum,
dicens:*

N. ego te oleo salutis linio:

*Et, faciendo alteram crucem, de eodem oleo, inter
scapulas infantis, dicat:*

*in Christo Jesu, Domino nostro, ut habeas vitam
eternam. Amen.*

Tunc interrogat Sacerdos ter, dicens:

Quis vocaris?

Patrinus: N. vel N.

S. N. vis baptizari?

Patrinus: Volo.

Quæ-

Quærat deinde Sacerdos, an, propter periculum formidatum, sit circa Baptismum Infantis aliquid attentatum a quopiam? Et, si respondeatur, nihil ejusmodi factum, baptizet eum immergendo, vel superfundendo aquam, semel, aut ter, secundum consuetudinem loci, tenente infantem Patrino, atque dicat:

N. ego te baptizo, in nomine Patris, ⁊ & Filii, & Spiritus ⁊ Sancti. Amen.

Si, re diligenter perquisita, fuerit dubium, utrum sit infans baptizatus, atq; obstetrix præsertim sit imperita aut suspecta, sub conditione baptizetur, dicendo:

N. si es baptizatus, ego te non baptizo: sed, si non es baptizatus, ego te baptizo, in nomine Patris, ⁊ & Filii, & Spiritus ⁊ Sancti. Amen.

Deinde dicat Sacerdos hanc orationem:

Deus omnipotens, Pater Domini nostri Jesu Christi, qui te regeneravit ex aqua & Spiritu S. quique tibi dedit remissionem omnium peccatorum,

⁊ ungendo Chrismate Infantem, in modum Crucis in vertice, dicat:

ipse te liniat Chrismate salutis, in eodem Christo Filio suo, Domino nostro, in vitam æternam.

Tunc, imponendo albam vestem capiti infantis, dicat:

N. accipe vestem sanctam, candidam, & immaculatam: quam perferas ante tribunal Domini nostri Jesu Christi, ut habeas vitam æternam, & vivas in secula seculorum.

Deniq;

Deniq; Candelam ardentem applicat manui baptizati, dicens:

N. Accipe lampadem ardentem, irreprehensibilem, custodi Baptismum tuum, ut, cum Dominus venerit ad nuptias, possis occurrere ei, una cum omnibus Sanctis, in aula cœlesti, & vivas cum eo, in secula seculorum. R. Amen.

Baptismo sic expleto, lavet Sacerdos supra pelvim manus, cum sale & aqua, præsertim vero pollicem, quo in unctionibus usus est, tum etiam Patrinus:

Lotionis vero aqua in locum sacrum effundatur.

Titulus Matricule baptizatorum sic concipiatur:

Liber Baptizatorum in Ecclesia Parochiali S. N. pro Anno . . .

Baptizatos describendi formula potest esse talis:

Die . . . Mense . . Anno . . . Ego N. Rector, aut Curatus Ecclesiæ Sancti N. baptizavi N. filium (hic ponantur nomina & cognomina parentum, & loca, ubi habitant) secundum ritum & præscriptum S.R.E. Patrinus & Matrina fuerunt N. & N. (hic ponantur nomina & cognomina Patrini & Matrinae.)

Ordo introducendi Mulierem in Ecclesiam post partum.

Quando mulier, post partum, expleto certo dierum numero, ad Ecclesiam purificanda accedit, Sacerdos indutus Superpelliceo & Stola, adiens ad ostium templi, dicat:

Adjutorium nostrum in nomine Domini.

R. Qui fecit cœlum & terram.

Postea

Postea dicat Psalmum CXX. Levavi oculos meos in montes &c. totum. Et subjiciat. Gloria Patri &c. Et Pater noster &c.

Deinde Parochus ad mulierem conversus, dicat:

Salvam fac ancillam tuam, Domine.

R. Deus meus, sperantem in te.

S. Mitte ei, Domine, auxilium de sanctis.

R. Et de Sion tuere eam,

S. Nihil proficiat inimicus in ea.

R. Et filius iniquitatis non apponat nocere ei.

S. Esto illi, Domine, turris fortitudinis.

R. A facie inimici.

S. Domine, exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Oremus : Omnipotens sempiterne Deus, Pater Domini nostri Jesu Christi, benedicere digneris hanc famulam tuam quæ, ad imitationem sanctissimæ Virginis Mariæ, sese cum gratiarum actione purificandam in templo exhibet : & concede propitius, ut, sicut ei prolis foecunditatem, & vires templum tuum ingrediendi contulisti, ita, per intercessionem ejusdem immaculatæ Virginis, ab omni mentis & corporis contagio liberatam, ad sancta sanctorum puras facias mente accedere, & post finem præsentis vitæ, templum cœleste intrare. Per eundem Christum &c.

R. Amen.

Benedicamus Domino. R. Deo gratias.

Benedictio Dei Patris, ⁊ Filii, ⁊ Spiritus Sancti, ⁊ descendat super te, & maneat semper.

R. Amen.

inde aspergatur mulier, candelam accensam habens, aqua benedicta, & dicat

Sacerdos:

Aspergat te Deus rore gratiæ suæ, in vitam æternam. R. Amen.

Porrecta denique Stola, ex collo dependente, manui ejus, introducat eam, dicens:

Dominus custodiat introitum tuum, & exitum tuum, ex hoc, nunc, & usque in seculum. Ingredere in templum Domini, ut habeas vitam æternam. R. Amen.

Si contigerit, mulierem adversa valetudine certo tempore a purificatione impediri, differatur purificatio, donec, utcumque restituta, in Ecclesiam ingredi possit, etiam si mortis immineat periculum: quia purificatio extra Ecclesiam facienda non est; neque substituenda alia mulier purificanda, in locum defunctæ verperæ.

Quædam ad Confirmationis Sacramentum attinentia.

Collatio hujus Sacramenti, jure divino, ad Episcopum spectat. Parochi autem officium est, eos, quorum curam habet, admonere, ut, post Baptismum, ad hoc Sacramentum festinent; quo plene Christiani inveniuntur, & corda eorum ad illud robur dilatentur: unde hoc Sacramentum, vernacula lingua *Sirung* appellatur.

Quamvis non semper certam ætatem, & annos, quos vocant discretionis, in pueris expectare debeamus, ad hujus Sacramenti susceptionem; ut tamen certi aliquid vulgo præfixum habeatur, commodum

erit, si non ante septennium (nisi forte malitia praeveniat etatem) quis ad sacrum hoc dominicum sigillum sistatur.

Cum ad Confirmationem est accedendum, praecipue adulti, (si fieri possit) jejuni, atque a peccatorum sordibus per Confessionem purgati esse debent, ut mundi, amplissima Spiritus S. dona accipere queant.

Quod si quis semel fuit confirmatus, confirmari iterum non debet. Confirmandus autem unum sibi tantum deligat Patrinum, alium ab eo, a quo in Baptismo susceptus fuerat. Si tamen ita necessitas cogeret, idem, tam in Baptismo, quam in Confirmatione, Patrinus esse potest.

In hoc Confirmationis Sacramento, non potest alium suscipere in filiolum, qui ipse confirmatus non est.

Cognatio, quae ex Confirmatione contrahitur, confirmantem & confirmatum, illiusque patrem & matrem, ac tenentem, non egreditur.

Sciant Confirmati, frontem suam fascia munda triduo debere esse alligatam, ob reverentiam sacri Chrismatis. Quo peracto, fascia per Sacerdotem deponatur, & conservetur in Sacrario, aut alio honesto loco, comburenda ad cineres sacros, in diem cinerum Quadragesimae. Et meminerint, hoc frontis velum, sicut & mysticam alapam, symbola esse animi, ad omnia opprobria & adversa parati, pro nomine Christi, cujus facies velata est, & alapis cesa.

Cum deponitur fascia, fundat Patrinus, vel alius, aquam in pelvim, & si Sacerdos sit, dicat:

Adjutorium nostrum in nomine Domini.

R. Qui fecit caelum & terram.

S. Sit

S. Sit nomen Domini benedictum.

R. Ex hoc nunc, & usque in seculum.

Dehinc mittat fasciam, qua frons fuit ligata, in aquam, & hujusmodi madida fascia frontem confirmandi lavet, adhibitoq; modico sale, & faciendo crucem, dicat:

Ab omni immunditia mentis & corporis, mun-
det te Dominus noster Jesus Christus, in nomine
Pa-tris, & Fi-lii, & Spiritus S-ancti. R. Amen.

Chrismatis ablutio, sit tibi omnium peccatorum
tuorum remissio, ut habeas vitam æternam, in Chri-
sto Jesu, Domino nostro. R. Amen. Pax S-tecum.
Vade in pace. R. Amen.

*Facta ablutione, mittatur aqua ablutionis in cœ-
meterium, vel supra ossa mortuorum, vel, si id non
licet, in profluentem. Cavendum autem est, ne in
terquilinium, vel in cœnum, aut alium locum immun-
dum effundatur hæc aqua, ob sacri Chrismatis reve-
rentiam.*

*Matricula debet fieri a Parocho, illorum, quibus in
oppidis Episcopus confert Confirmationem, ejusq; ti-
tulus sic concipiatur:*

Liber Confirmatorum Sacramento Chrismatis in Parochia Sancti N.

*Descriptio modo sequenti fit: Die . . . Mense . . .
Anno . . . N. ætatis annorum . . . filius N. & N.
ex Parochia Sancti N. Chrismatis Sacramento fuit
confirmatus a Reverendiss. D. Episcopo N. Patrinus
seu Matrinx fuit N. ex Parochia Sancti N. Admini-
stratum verofuit hoc Sacramentum in Ecclesia Pa-
rochiali Sancti N.*

Rr r 2

Ratio

Ratio servanda in Confessione Pœnitentiali, & Forma Absolutionis.

Sacerdos Confessiones auditurus, tanquam Judex, sedeat indatus superpelliceo, & stola, idque in aperto templi loco, ut ab omnibus videri possit. Vnde, si tenebræ sint, etiam lumen habeat apud se, ad tollendam omnem suspicionem. Ipsum Confessionale, ne Sacerdos pœnitentem videat, debet habere fenestellam, crate ferrea obductam. Confessurus autem, Sacerdotem accedens, utrumq; genu coram eo, tanquam Christi Vicario, flectat, & sic se collocet, ut ejus faciem non aspiciat Sacerdos, potissimum, si mulier sit, sed, averso paulisper vultu, auribus ejus se præbeat, dicatq; primum:

Benedicite: aut potius: Benedic Domine.

Tunc subjungat Sacerdos:

Dominus sit in corde tuo, & in labiis tuis, ad digne confitendum peccata tua, in nomine Patris & Filii & Spiritus Sancti.

Quo dicto, Sacerdos pœnitentem, sua enumerantem peccata, patienter, sine interruptione, audiat, usq; ad finem. Et, si taceat, aut interrogari petat, ipsum ad peccatorum suorum explicationem moveat & inducat, suggerendo, illud demum esse vere confiteri peccata sua, & neminem melius nosse peccata sua, quam eum, qui commisit. Si autem Sacerdos, post hujusmodi monitionem, confitentem viderit adhuc nimis timidum, vel minus aptum, ad propria sua peccata explicanda, juvabit eum, & examinabit, juxta ejus conditionis exigentiam. Vbi autem confitens cessaverit narrare, quæ admisisse se putat, admonebit illum

Sacer.

acerdos, si viderit expedire, ut bene ponderet, gravitatem, multitudinem, & assiduitatem suorum peccatorum, ut serio detestetur suas iniquitates: ad quam detestationem ingerendam, proponat etiam etiam in Deum ingratitudinem, ac metuendum Dei iudicium. Si autem illum ex corde pœnitere perspexerit, consolabitur eum, ostendendo infinitam Dei misericordiam, atq; veracitatem in promissis, nec non pretiosissimi sanguinis Christi efficaciam. Deinde pœnitentem monebit, ut vitam ac mores in melius commutet, ac voluntarie pro peccatis satisfaciat.

Postremo, quando Sacerdos pœnitentis confessionem audivit, & de peccatis ipsius diligenter cognovit, pro delictorum gravitate, & quantitate, salutarem ei pœnitentiam imponat, commendans ei operam pietatis & misericordiae, uti orationes & eleemosynas, jejunia, & pias, circa passionem Domini, meditationes. Et, quoniam infirmitas hominum jam notatur, ut condignae eis pœnitentiae, juxta veteris Ecclesiae disciplinam, imponantur, (ad quam tamen, quantum fieri potest, redeundum est,) exponatur pœnitenti gravitas pœnitentiae, peccatis ejus debita, quodq; ad eam utcunq; exsolvendam, expediat, eum frequenter ad passionem Domini, & Sanctorum merita recurrere, petendo ab eis, sibi suppleri a Deo, quod suae infirmitati deest. Item, ut omnes suos labores, atq; adversitatem hujus vitae, patienter suscipiat, in pœnitentiam suorum peccatorum. Unde & sacerdos, eundem absoluturus, primum dicat:

Misereatur tui omnipotens Deus, & dimissis omnibus peccatis tuis, perducatur te in vitam æternam. Amen.

Indulgentiam, absolutionem, & remissionem omnium peccatorum tuorum, tribuat tibi omnipotens & misericors Dominus. Amen.

Postea, pro absolutione, dicat:

Dominus noster Jesus Christus te absolvat, & ego auctoritate ipsius, mihi licet indigno concessa, absolvo te imprimis ab omni vinculo excommunicationis, in quantum possum, & tu indiges. Deinde ego te absolvo, ab omnibus peccatis tuis, in nomine Patris ✠ & Filii ✠ & Spiritus ✠ Sancti.

Porro subjungat:

Passio Domini nostri Jesu Christi, & merita B. Mariæ semper Virginis, & omnium Sanctorum, & quicquid boni feceris, & mali sustinueris, sit tibi in remissionem omnium peccatorum, in augmentum gratiæ, & præmium vitæ æternæ. Amen.

Et, dimittens confessum, dicat:

Ecce, jam sanus factus es, noli amplius peccare, ne tibi aliquid deterius contingat. Vade in pace.

Caveat autem Sacerdos, ne pluribus verbis utatur, in impendenda absolutione, dicendo: Absolvo te a confessis, contritis, & oblitis; quoniam hæc verba non sunt de absolvendi necessitate, & convenit, Sacramentorum formas esse simplicissimas, nec continere aliquid superfluum. Conveniens autem est, quamvis non omnino sit necessarium, ut absolvens manum suam imponat capiti pœnitentis, ex more veteris Ecclesiæ.

Si confitens, excommunicatione sit innodatus, sive a jure lata, sive ab homine, (cum omnis excommunicatione major ut plurimum sit casus vel Papalis, vel

Item Episcopalis) nullus Sacerdos ab ea, sine mandato speciali sui Superioris, aliquem absolvere præsumat, nisi confitens sit in periculo mortis, imo, nec a peccatis ejus, priusquam illum ad Superiorem remiserit, ut ab illo absolutionem obtineat.

Si Confitens, ob periculum mortis, ab excommunicatione majore, a proprio Sacerdote, sit absolutus, & convalescat, debet se illi, qui potestatem absolventi ab excommunicatione habet, præsentare, ejusque arbitrio se submittere. Atque hoc se facturum, dum a proprio Sacerdote, in periculo mortis constitutus, absoluitur, promittere tenetur.

Forma Absolutionis ab Excommunicatione majore, in foro conscientie:

Dominus noster Jesus Christus, per suam piissimam misericordiam, dignetur te absolvere, & ego, auctoritate N. mihi concessa, absolvo te, imprimis a vinculo excommunicationis majoris, quam incidisti propter hanc vel illam causam, & restituo te sanctis sacramentis Ecclesiæ, communioni & unitati fidelium. Deinde, eadem auctoritate, absolvo te ab omnibus peccatis tuis, in nomine Patris & Filii & Spiritus Sancti. Amen.

Advenæ, & peregrini, possunt, ex tacita Ordinarium voluntate, per consuetudinem confirmata, cuiusque approbato Sacerdoti confiteri, & Euchariam etiam tempore Paschali suscipere, si ad propriam Parochiam facile accedere nequeunt. Parochiis autem poscentibus Schedam Confessionis & Communionis, tenenter exhibere.

Potest quilibet ex Diœcesi, recipere Sacramentum Pœnitentiæ in Ecclesia Cathedrali.

Fideles , habentes usum rationis , & sibi conscii peccati mortalis , ad præceptum annuæ Confessionis , tempore Quadragesimæ vel Paschali faciendæ , obligantur. Liberi sunt ab hoc præcepto , si tantum venialium peccatorum sibi sint conscii. Tenentur tamen suo se Parocho sistere , declarando ei , se non habere peccata mortalia : quia debet Pastori aliquo modo constare , tales non teneri præcepto Confessionis , ut eos ad Communionem possit admittere ; teneturque Pastor , illud de se affirmantibus credere , nisi habeat justissimas rationes , contrarium suspicandi.

Potestatem Confessiones suorum Parochianorum audiendi , potest Parochus alteri Sacerdoti delegare , dummodo ille alter Sacerdos , sit ab Ordinario , ad audiendas confessiones , approbatus.

Curatus , qui præsumere potest , subditum habere justam causam confitendi alieno , debet ipsi petenti licentiam dare. Quod si Parochus subdito , postulanti licentiam , eam injuste deneget , hic autem eidem ob periculum confiteri nequeat , subditum in eo statu esse dicendum est , quasi copia Confessarii destituatur , neutiquam vero illi concedendum , ut , sine alia facultate , possit alieno Sacerdoti confiteri.

Parochianus debet exhibere schedulam Confessionis annuæ , Parocho petenti , qui non tenetur credere dicenti , se implevisse præceptum.

Sacramentum poenitentiae , in extrema necessitate , licite ab excommunicato , & adeo ab hæretico , peti & administrari potest. Sicut igitur , in extrema necessitate , quilibet , a quolibet Sacerdote baptizari potest & debet ; ita etiam , a quibuscunque peccatis & œnsuris , absolvi a quolibet Sacerdote potest , & debet ,

et : cum utrumque Sacramentum necessitatis sit , & de jure divino præceptum ; Baptismus quidem simpliciter non-regeneratis ; Sacramentum vero poenitentiae , lapsis omnibus post Baptismum.

De Confessione , quæ fit hæreticis , sciendum , eam tantum permitti , quando non timetur periculum infectionis seu corruptionis , & quando certum , contentem non approbaturum sectam hæretici , nec hæreticum male sentire de Sacramento Poenitentiae.

De Administratione Sacramenti Eucharistiae.

Sacerdos Communicandos admoneat , ut genuflexi , facto primum super se crucis signo , sequentem generalem suorum peccatorum Confessionem dicant ; vel recitet ipse Sacerdos , tractim & intelligibili voce , ut ipsum dicendo sequi possint :

*Ich armer Sünder / widersag dem bösen Feind /
allen seinem Eingeben / Rath und That. Ich
glaub in Gott den Vatter / in Gott den Sohn /
und in Gott den Heiligen Geist. Ich glaub an
ich / was die gemain Christlich Kirch befehlt zu
glauben. Mit diesem heiligen Catholischen Glauben
en / beicht ich und bekenne Gott dem Allmächtigen
gem / Mariæ seiner hochwürdigen Mutter / allen
lieben Heiligen / und gib mich schuldig / daß ich von
meinen Kindlichen Tagen an / bis auf diese Stund /
oft und viel gesündigt hab / mit Gedancken / Worten
en / und Wercken / und Unterlassung vieler guten
Werck : wie denn solches alles geschehen ist / heimlich
ch / oder öffentlich / wissentlich / oder unwissentlich /
wider die Zehen Gebot / in den sieben Tod-Sünden /*

an den fünff Sinnen meines Leibes / wider Gott /
wider meinen Nächsten / und wider das Heil meiner
armen Seel. Solche und alle meine Sünde seynd
mir leid von Herzen : Bitte darum demüthiglich /
dich ewigen barmherzigen Gott / du wollest mir
deine Göttliche Gnad verleihen / mein Leben fristen
so lang / bis daß ich alle meine Sünd mög beichten
und büßen / dein Göttliche Huld erwerben / und /
nach diesen elenden Leben / die ewige Freud und
Seeligkeit erlangen : Derothalben flopf ich an mein
sündliches Herz / und sprich mit dem offenen Sün-
der : O HErr Gott / bis gnädig mir armen Sün-
der. Amen.

*Sic subjungat Sacerdos absolutionem
generalem:*

Misereatur vestri omnipotens Deus &c.

Indulgentiam &c.

*Facta absolutione, Sacerdos, sacram hostiam in
manu tenens, Et ad communicandos se
convertens, dicat:*

Nun spricht mir nach / die demüthige Wort des
Evangelischen Hauptmanns:

O HErr / ich bin nicht würdig / daß du eingehest
unter mein Dach / sondern sprich nur ein Wort / so
wird mein Seel gesund. *Et hæc verba ter dicat.*

*Post hæc, tradat illis caute Et modeste sacram
Eucharistiam, dicens ad unum-
quemq;*

Corpus Domini nostri Jesu Christi, custodiat ani-
mam tuam, in vitam æternam. ✠. Pax tecum.

Post

*Post sacram Communionem, Vinum ablutionis de-
ur, ex poculo vel vase ad hoc ordinato, de quo
communicantes, sine genuum flexione, sumant, & mo-
e solito, paululum os abluant.*

*Eucharistiam, extra casum necessitatis, non jejuno
lare minime licet.*

*Qui buccellam habet masticans, & audit primum
pulsus duodecimæ noctis, tenetur continuo, eam ex
ore ejicere, si, die sequenti, Eucharistiam sumere ve-
rit. Quando enim primus pulsus auditur, hora jam
est expleta.*

*Si reliquæ cibi, quæ hærent inter dentes, mane
deglutiantur, impedit hoc sumtionem Eucharistiæ.
At, si quis aliquantulum aquæ per nares attrahat,
quæ in stomachum demittitur, aut, si quis, per mo-
dum respirationis, attrahat muscam, aut rem aliam,
quæ potest nutrire, vel alterare; item, qui deglutit
parum papyri, aut alterius rei non comestibilis, licite
sumit Eucharistiam.*

Modus administrandi Infirmis Sacramentum Eucharistiæ.

*Parochus infirmos, quos habet, visitet, etiam ad
eos non vocatus, si diuturnior sit infirmitas; & si
ipsi susceptionem Sacramentorum negligant, eos, ut
se ad suscipiendum præparent, moneat. Administra-
turus autem, Superpelliceum & Stolam induat, &
Custos, superpelliceo indutus, lumen & campanulam
præferat, cæteris comitibus, viris piis, sequentibus.
Deferat autem Hostias duas, ut in regressu quoq; fieri
possit adoratio, sicq; domum ægri petat, & inter
eundem caveat, ne vagos oculos huc illucq; leviter
conjiciat; sed timide potius, ac graviter ambulet,
cæle-*

cœlestemq; illum, quem manibus gestat, thesaurum, fide portet, & linguam ac mentem precando exerceat, quoad in ægrotantis cubiculum introducatur. In cujus limine dicat :

Pax huic domui.

R. Et omnibus habitantibus in ea.

Postea impendat infirmo benedictionem.

Tum deinde reposito, in mensa ad hoc aptata, venerabili Eucharistiæ Sacramento, ægrotum brevibus verbis, ac suavibus, ad hanc divinæ visitationis gratiam excitet, & ad peccatorum contritionem, ac reconciliationem, (si quæ illi, post confessionem, peccata confitenda in mentem venirent) & ad patientiam, meliorisq; vitæ frugem, eum exhortetur, & inquirat, an sit excommunicatus, aut injuste aliquid possideat? an habeat debita occulta? an sit votis aut peregrinationibus obnoxius? Deinde, blande & leniter infirmum alloquatur, admoneatq; illum ad patientiam, rogetq; si quem adhuc conscientie scrupulum habeat: si sic, illum iterato audiat, & absolvat, nec non ipsum inducat, ut ab ibi præsentibus fieri pro se preces petat, rogetq; in genere, quos offendere, vel verbo vel facto, potuit, veniam. Specialiter vero accedere jubeantur, qui de familia, aut sanguine illius sunt, ut ab eo veniam precentur. Quod si capitalem aliquam inimicitiam adversus quempiam gerat, studeat Parochus, dissidentes, quantum in se est, conciliare. Ipse quoq; ægrotus, injurias sibi forte illatas, se dimittere declaret. Postea hortetur infirmum, ad devote, & cum firma fide, suscipiendum Corpus Domini ibi præsens: & circumstantes moneat, ut pro infirmo orent, quatenus ad salutem animæ suæ possit sumere.

mere sacrosanctum Corpus Domini nostri Jesu Christi.

Hac admonitione generaliter sic facta, languentem ad Sacramentalem peccatorum Confessionem adhortetur, & si paratum senserit, omnibus exire jussus, confessionem ejus secretam audiat, ipsumque, in consuecendis, & recensendis peccatis, si opus fuerit, jubet, aliaque faciat, quæ, pro sua prudentia & discrezione, in tali casu, ad animæ salutem facienda judicaverit.

Sic ergo deinde Confessionem infirmi attente audiat sacerdos, qua peracta, pro qualicunque satisfactione, vel eleemosynas, vel orationes, vel alia pietatis opera, juxta perpetratorum peccatorum exigentiam, injungat. Quod si tamen infirmum, propter vim morbi, seu vehementem ægritudinem, ad ejusmodi opera satisfactoria perficienda, minus idoneum, vel omnino impotentem deprehenderit, nihil, vel certe periculum, injungat, sed, loco satisfactionis, ad morbi dolores patienter perferendos, eosque loco satisfactorum operum amplectendos, hortetur.

Ad eum deinde absolvendum, præsertim si mortis periculum adesse viderit, utatur ampla & generali solutionis formula.

His peractis, iterum intromittat, quos antea exire iussit, eosque, ut pro infirmo devote orent, hortetur.

Post hæc Sacerdos, ad communicandum Ægrotum procedere volens, redeat ad mensam, in qua venerabile Sacramentum collocavit, ibique flexis genibus precetur:

Domine, exaudi orationem meam:

R. Et clamor meus ad te veniat.

Oremus : Omnipotens & misericors Deus, quæsumus immensam pietatem tuam, ut, ad introitum humilitatis nostræ, famulum tuum, *vel famulam tuam*, N. in hoc habitaculo ægrotantem, salutare digneris, sicut visitasti Tobiam & Saram, socrum Petri, & servum Centurionis, ut, sanitate animæ & corporis, per tuam visitationem, recepta, gratiarum tibi actionem in Ecclesia referat. Per Christum Dominum nostrum. *R. Amen.*

Deinde, omnibus præsentibus, pronunciet infirmo Confessionem generalem, in lingua vernacula: Ich armer Sünder wider sag dem bösen Feind / x. prout supra.

Qua finita, dicat Sacerdos Absolutionem: Misereatur tui Omnipotens Deus &c. prout supra.

Post hæc, Sacerdos reverenter sacrosanctam Eucharistiam in altum extollat, mente devota dicens:

Exsurgat Deus, & dissipentur omnes inimici ejus, & fugiant, qui oderunt eum, a facie ejus, & justi epulentur, & exultent in conspectu Dei, & delectentur in lætitia.

Tum ægrotus dicat: O Herr ich bin nicht würdig / x. prout supra: Sacerdos vero ei tradat Eucharistiam, & dicat:

Corpus Domini nostri Jesu Christi, custodiat animam tuam, in vitam æternam. ✠ Pax tecum.

Si infirmus, ob aliquod corporis incommodum, sacram Eucharistiam sumere non possit, moneatur, ut spiritualiter accipiat, voto propositum illum panem edens, ac fide viva, quæ per dilectionem operatur, fructum ejus & utilitatem sentiens. Proinde ipsum

S. Au.

Augustini verbis consoletur: Crede, & manducaſti. ſui propterea, ad ejus animum excitandum, ac mentem in Deum elevandam, ſanctiſſimum hoc Sacramentum oſtendi poterit. Vbi ille, D. Thomæ exemplum ſecutus, magna fide & reverentia dicat:

Dominus meus, & Deus meus. Adoro te, Corpus ſalvatoris mei Jeſu Chriſti, & benedico tibi, quia per ſanctam crucem redemiſti mundum: Domine redime animam meam.

Postea recondat ſacram Eucharistiā in pyxide, & post ablutionem, genibus flexis ante venerabile Sacramentum, dicat:

O ſacrum Convivium, in quo Chriſtus ſumitur, recolitur memoria paſſionis ejus, mens impletur gratia, & futuræ gloriæ nobis pignus datur. Vel: O quam ſuavis eſt, Domine, Spiritus tuus, qui ut dulcedinem tuam in filios demonſtrares, pane ſuaviſſimo, de cælo præſtito, eſurientes repleſ bonis, & faſtidiosos divites dimittis inanes.

Kyrie eleiſon. Chriſte eleiſon. Kyrie eleiſon.
Pater noſter.

S. Et ne nos inducas in tentationem.

R. Sed libera nos a malo.

S. Benedictus, qui venit in nomine Domini.

R. Deus Dominus illuxit nobis.

S. Dominus opem ferat illi ſuper lectum doloris ejus.

R. Univerſum ſtratum ejus verſaſti in infirmitate ejus.

S. Ego dixi, Domine, miſerere mei.

R. Sana animam meam, quia peccavi tibi.

S. Salve.

S. Salvum fac famulum tuum , *vel famulam tuam.*

R. Deus meus, sperantem in te.

S. Mitte ei auxilium de sancto.

R. Et de Sion tuere eum.

S. Esto ei, Domine, turris fortitudinis.

R. A facie inimici.

S. Domine, exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Oremus: Domine sancte, Pater omnipotens, æterne Deus, te suppliciter deprecamur., ut huic famulo *vel famule*, sacrosanctum Corpus Domini nostri Jesu Christi, Filii tui, accipienti, ad animæ & corporis sui prosit remedium sempiternum. Per eundem Dominum nostrum &c.

Oremus: Protege, Domine, hunc famulum tuum, *vel famulam tuam*, subsidiis pacis, & B. Mariæ Virginis patrociniiis confidentem, a cunctis hostibus redde securum, *vel securam.*

Omnipotens, sempiterne Deus, salus æterna credentium, exaudi nos pro famulo tuo, *vel famula tua*, misericordiæ tuæ implorantis auxilium, ut, redita sibi sanitate, in Ecclesia tua gratiarum tibi referat actiones. Per Dominum nostrum Jesum &c.

Quibus finitis, redeat ad egrotum, ipsumq; consoletur & instruat, ac aqua benedicta aspergat, impen-saq; ei benedictione cum venerabili Sacramento, ad Ecclesiam redeat.

Quando extra Civitatem defertur Eucharistia, per vias difficiles & periculosas, omittitur umbella, & portatur pyxis, continens unam tantum hostiam, & reponi-

ponitur in bursa sericea, condecenter ornata, collocando eam Sacerdos ad collum, ad vitandam irreverentiam, aut scandalum, quod oriretur, si contineret, ut Sacerdos in via caderet. Non potest autem Parochus, cum Sacramento, super equo, nisi is valde sit mansuetus, & consuetudo loci id permittat, ehi.

Non est licitum Parocho, tempore pestis, Eucharistiam in loco decenti ponere, ut inde ab ipsis peste infectis, ore, vel propriis manibus, capiatur; quia est contra praxin Ecclesiæ, & cedit in irreverentiam sacramenti.

De administratione Sacramenti Extremæ Vnctionis.

Extremæ Vnctionis Sacramentum, conferri debet firmis in periculo mortis constitutis; nec tamen observari debet tempus, in quo sit de infirmi salute desperatum, ita ut sensibus carere incipiat. Constat enim, ad uberiores Sacramenti gratiam percipiendam, plurimum valere, si egrotus liniatur, cum in integra mens, & ratio vigent, ut fidem & religionem voluntatem afferat.

Nemini, qui gravi morbo affectus non sit, Sacramentum Vnctionis dare licet, quamvis periculum mortis adeat, vel quia periculosam navigationem patitur, vel quia prælium initurus sit, a quo certa mors impendeat, vel, etiamsi capitis damnatus, ad supplicium raperetur.

Pueri, qui carent usu rationis, aut amentes, qui ipso ortu nunquam fuerunt mentis compotes, uncti non sunt. Qua vero ætate pueris conceditur eorum communio, unctio quoque concedenda est.

Amentes & furiosi, habentes interdum usum rationis, si eo potissimum tempore piam animi significationem dederunt, aut petierunt, ut sacro oleo ungerentur, licet postea in furorem aut insaniam incendant, ungendi sunt.

Infirmus, periculose decumbens, in una infirmitate semel tantum ungendus est: quod si post susceptam unctionem convaluerit, quoties postea in idem vitæ discrimen inciderit, toties hujus Sacramenti subsidio juvari poterit.

Cum infirmus non habet pedes, aut manus, Sacerdos ungat locum propiorem manibus aut pedibus.

Presbyteri manus inungendæ sunt exterius, non interius, quia ibi ab Episcopo prius inunctæ sunt, in ordinatione Sacerdotii.

In morbis contagiosis, & peste grassante, ut periculum vitetur, sufficit inungi sensus organum magis ad unctionem expositum ac detectum, dicendo: Per istam sanctam Vnctionem, ac suam piissimam misericordiam, indulgeat tibi Deus, quicquid deliquisti per visum, auditum, odoratum, gustum, tactum & gressum. Et tunc preces, quæ præmittendæ & subiungendæ forent, poterunt in Ecclesia, coram venerabili Sacramento, devote legi.

Sacerdos egrotum uncturus, indutus Superpelliceo & Stola, accepto secum oleo infirmorum, reverenter ab Ecclesia progrediatur, prævio lumine, & aqua benedicta, concomitantibus amicis, & custode, interque eundum aliquot Psalmos recitet, atque in limine ipsius domus, pacem divinam sic precetur:

Pax huic domui.

R. Et omnibus habitantibus in ea.

Deinde dicat super infirmum:

Adjutorium nostrum in nomine Domini:

R. Qui fecit cœlum & terram.

S. Dominus vobiscum.

R. Et cum spiritu tuo.

Oremus : Omnipotens & misericors Deus , qui sacerdotibus tuis, præ cæteris, tantam gratiam contulisti, ut, quicquid in tuo nomine digne perfecteque tibi agitur, a te fieri credatur: quæsumus immensam clementiam tuam, ut quicquid modo visitaturi sumus, visites; quicquid benedicturi, benedicas; **✠** itque, ad nostræ humilitatis introitum, Sanctorum tuorum meritis, fuga Dæmonum, & Angeli pacis ingressus. Per Dominum nostrum Jesum &c.

Tunc Sacerdos, gravi & prudenti oratione, benigna salutatione præmissa, egrotum consoletur, ac confirmet, explicetq; res & effectus hujus Sacramenti, habita temporis & ægritudinis ratione.

Post Exhortationem, admoneat Sacerdos assistentes, ut devote orent pro infirmo, quatenus dignetur illum Deus, salutaribus illis effectibus, ab Apostolo Jacobo commemoratis, suaq; protectione munire, adversus omnes insidias inimici.

Deinde ad egrotum dicat:

Adjutorium nostrum in nomine Domini:

R. Qui fecit cœlum & terram.

S. Dominus vobiscum.

R. Et cum spiritu tuo.

Oremus : Adesto, Domine, supplicationibus nostris, & me indignum, qui primus misericordia tua indigeo, clementer exaudi, & quem, non electione meriti, sed dono gratiæ tuæ, constituisti hujus operis

ris ministrum, da fiduciam tui muneris exequendi, & ipse in nostro ministerio, quod tuae virtutis est, operare.

Deinde, in modum crucis, aspergat egrotum aqua benedicta, dicendo:

Aspergat te Deus rore gratiae suae, in vitam eternam.

Oremus: Omnipotens & misericors Deus, immensam clementiam tuam humiliter imploramus, ut, ad introitum humilitatis nostrae; hunc famulum &c. prout supra.

Quo facto, infirmum roget, si quem adhuc remansum conscientiae habeat, ac ejus, si opus sit, confessionem audiat. Et, etiamsi tunc non confiteatur infirmus, dicat tamen. aut Custos, ipsius nomine: Confiteor &c. Quo dicto. subjungat Sacerdos: Misereatur tui &c. Indulgentiam, absolutionem &c. Et statim absolute dicat hanc preceationem:

Deus omnipotens, Salvator & Redemptor generis humani, qui Apostolis dedit ligandi atque solvendi potestatem, ipse te absolvere dignetur ab omnibus iniquitatibus tuis. Et, quantum meae fragilitati permittitur, auxiliante ipso, sis absolutus ante faciem illius. Qui vivit & regnat in secula seculorum. Amen.

Tunc Presbyter, & Minister, dicant Psalmos penitenciales, aut, si non omnes, ob brevitatem temporis, legere possint, legant saltem Psalmum L.

Miserere mei, Deus &c. & Litanias.

Postea moneat Sacerdos circumstantes, ut pro infirmo orent, ut ad salutem animae suae suscipiat
hoc

*c Sacramentum extremae Vnctionis. Porro dicit:
ter noster &c.*

Saluum fac seruum tuum, *vel ancillam tuam*, Domine.

R. Deus meus, sperantem in te.

S. Convertere, Domine, usque quo?

R. Et deprecabilis esto super seruum tuum, *vel ancillam tuam*.

S. Dominus conservet eum, *vel eam*, & vivificet eum, *vel eam*, & beatum faciat eum, *vel eam*, in terra.

R. Et non tradat eum, *vel eam*, in animam inimicorum ejus.

S. Dominus opem ferat illi, super lectum doloris ejus.

R. Universum stratum ejus versasti in infirmitate ejus.

S. Dominus custodiat eum, *vel eam*, ab omni malo.

R. Custodiat animam ejus Dominus.

S. Mitte ei, Domine, auxilium de sancto.

R. Et de Sion tuere eum, *vel eam*.

S. Nihil proficiat inimicus in eo, *vel ea*.

R. Et Filius iniquitatis non apponat, ut noceat ei.

S. Esto ei, Domine, turris fortitudinis.

R. A facie inimici.

S. Domine, averte faciem tuam a peccatis ejus.

R. Et omnes iniquitates ejus dele.

S. Cor mundum crea in eo, *vel ea*, Deus.

R. Et spiritum rectum innova in visceribus ejus.

S. Adjuva eum, *vel eam*, Deus, salutaris noster.

R. Propter gloriam nominis tui, Domine, libera eum, *vel eam*, & propitius esto peccatis ejus, propter nomen tuum.

S. Domine, exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

Oremus: Respice, Domine, famulum tuum, *vel*, *famulam tuam*, in infirmitate corporis sui laborantem, & animam refove, quam creasti, ut castigationibus emendatus, *vel emendata*, continuo se sentiat tua medicina esse sanatum, *vel sanatam*. Per Christum Dominum nostrum &c.

Oremus: Domine sancte, Pater omnipotens, æterne Deus, qui, benedictionis tuæ gratiam ægis infundendo corporibus, facturam tuam multiplicitate custodis, ad invocationem tui nominis benignus assiste, ut famulum tuum, *vel ancillam tuam*, N. ab ægitudine liberatum, *vel liberatam*, & sanitati donatum, *vel donatam*, dextera tua erigas, virtute confirmes, potestate tuearis, atque Ecclesiæ tuæ, sanctisque altaribus tuis, cum omni desiderata prosperitate, restituas. Per Christum Dominum &c.

Oremus: Domine Deus, qui per Apostolum tuum locutus es: Infirmatur quis in vobis, inducat Presbyteros Ecclesiæ, ut orent super eum, ungentes eum oleo sancto, in nomine Domini, & oratio fidei salvabit infirmum, & alleviabit eum Dominus, & si in peccatis sit, dimittentur ei: Cura, quæsumus, Redemptor noster, gratia Spiritus S. languores hujus infirmi, *vel infirmæ*, & sua sana vulnera, ejusque dimitte peccata, atque dolores cunctos cordis & corporis ab eo expelle, plenamque ei interius exteriusque sanitatem misericorditer redde, ut, opere misericordiæ restitutus, *vel restituta*, ad pristina reparetur officia. Qui cum Patre & Spiritu S. &c.

His dictis, Sacerdos peragat unctiones, & pollicem, vel virgulam, intingat in oleum sacrum, habeatq; lili-um vel stuppam paratam, ad detergendum sacrum oleum membris inunctis, & dicat:

In nomine Patris, & Filii, & Spiritus S. sit tibi hæc unctio olei sanctificati, ad purificationem mens & corporis, & ad munitionem, ac defensionem, contra sæva jacula immundorum spirituum. Amen.

Deinde subjungat:

Pax tecum. R. Et cum Spiritu tuo.

Et inungens Oculos, in modum crucis, dicat:

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Visum. In nomine Patris, & Filii, & Spiritus S. R. Amen.

Post abstersionem Oculorum, dicat:

Pax tecum. R. Et cum Spiritu tuo.

Aures ungendo, dicat:

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Auditum. In nomine Patris &c.

Post abstersionem Aurium, dicat:

Pax tecum. R. Et cum Spiritu tuo.

Nares ungendo, dicat:

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Odoratum. In nomine Patris &c.

Post abstersionem Narium, dicat:

Pax tecum. R. Et cum Spiritu tuo.

Labia ungendo, dicat :

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Gustum, & illicitum Sermonem. In nomine &c.

Post abstersionem Labiorum, dicat :

Pax tecum. R. Et cum Spiritu tuo.

Pectus ungendo, dicat :

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti, per Cogitationes, & effectus cordis. In nomine &c.

Post abstersionem Pectoris, dicat :

Pax tecum. R. Et cum Spiritu tuo.

Manus ungendo, dicat :

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Tactum. In nomine &c.

Post abstersionem Manuum, dicat :

Pax tecum. R. Et cum Spiritu tuo.

Pedes ungendo, dicat :

Per istam sanctam ✠ unctionem, & suam piissimam misericordiam, indulgeat tibi Deus, quicquid deliquisti per Incessum. In nomine &c.

Inter abstergendum Pedes, dicat :

Sit tibi hæc unctio olei sanctificati, ad purificationem mentis & corporis, & ad munitionem, ac defensionem contra sæva jacula immundorum spirituum. R. Amen.

Deinde, ablutis manibus suis, & stappa accensa, vel in ignem projecta, dicat Sacerdos, stans ante infirmum:

Vnxi te oleo sanctificato, invocato nomine ipsius, qui olim Sacerdotes, Reges, Prophetas, olei unctione consecrari voluit, obsecrans immensam clementiam ejus, ut det tibi, secundum divitias gloriæ suæ, virtute corroborari, per spiritum ejus, in interiori homine, ut, oleo exultationis ejus misericorditer perfruas, morbi molestiam æquo animo feras, & in charitate radicatus & fundatus, cum omnibus Sanctis comprehendas supereminentem scientiæ charitatem Jesu Christi, Domini nostri, qui vivit & regnat Deus, in secula seculorum. R. Amen.

Jam Sacerdos, manum super caput infirmi ponens, dicat:

Virtutum cœlestium Deus, qui ab humanis corporibus omnem languorem & infirmitatem tua potestate depellis, adesto propitius famulo tuo, vel famulæ tuæ, ut, fugatis infirmitatibus, & viribus receptis, per nomen sanctum tuum, instauratam pronus percipiat sanitatem: qui vivis &c.

Exhibeat deinde Sacerdos infirmo imaginem Crucifixi, ut in eam oculos conjiciat, cum salubri confidentia in passionis merita;

& dicat:

Deus, qui pro nobis Filium tuum crucis patibulum subire voluisti, ut inimici a nobis expelleres potestatem, concede huic famulo tuo, vel famulæ tuæ, ut & patientiæ ipsius habere documenta, & resurrectionis consortia mereatur. Per eundem Christum Dominum nostrum. R. Amen.

Oremus: Deus, humani generis benignissime conditor, & misericordissime Reformator, qui hominem, invidia Diaboli, ab æterna felicitate dejectum, unici Filii tui pretioso sanguine redemisti, vivifica hunc famulum tuum, *vel, hanc famulam tuam*, & jacenti manum porrige salutarem, ne Ecclesia tua aliqua sui corporis portione vastetur; ne grex tuus detrimentum sustineat; ne de familiæ tuæ damno inimicus exultet: reple eum, *vel, eam*, omni gaudio cordis, & lætitia spirituali; expelle ab eo, *vel, ea*, omnes hostiles insidias, & mitte ei medicum salutis, Angelum pacis, qui eum, *vel, eam*, in angustiis positum, *vel, positam*, consolationibus tuis attollat, quibus in præsentī consequatur auxilium, & æterna remedia comprehendat. Per eundem Christum Dominum nostrum. *R. Amen.*

Sequuntur Benedictiones infirmi, quæ fiunt assumpto vasculo olei sacri:

Benedicat ✠ tibi Dominus, & custodiat te. *R. Amen.*

Ostendat Dominus ✠ faciem suam tibi, & misereatur tui. *R. Amen.*

Convertat Dominus ✠ vultum suum ad te, & det tibi pacem. *R. Amen.*

Dominus Jesus Christus apud te sit, ut te defendat; ✠ intra te sit, ut te reficiat; ✠ circa te sit, ut te conservet; ✠ ante te sit, ut te deducat; ✠ post te sit, ut te confortet; ✠ super te sit, ut te undique munitum in miserationibus coronet, & benediciat: qui in Trinitate perfecta vivit, & regnat, in secula seculorum. *R. Amen.*

Benedictio Dei Patris ✠ & Filii ✠ & Spiritus ✠ S. descendat super te, & maneat semper.

His peractis, Sacerdos infirmum, brevi consolationis verbo confortatum, atq; aqua benedicta aspersum, commendabit Domino in pace. Meminerint autem Pastores, infirmos suos, post administrationem hujus sacramenti, subinde visitare, & consolari in Domino.

Notandum, Os rabidi hominis, seu salivam ejus, non esse tangendam in extrema unctione; habet enim vim inficiendi: sed tangenda pars ori vicina,

Tempore pestis, in Extrema Vnctione, adhiberi potest virga argentea, sive lignea, ad ungendum e loco remotiore.

Officium Sepulturæ adulti, sive Clerici, sive Laici.

Pro laudabili & antiqua Ecclesiæ consuetudine, corpus adulti defuncti, ante meridiem, cum Missa, orationibusq;, & ceremoniis debitis, (casu necessitatis excepto) sepeliri convenit.

Exequiarum celebratio, ultra sex septimanas, a die obitus, nisi iustis de causis, per Ordinarium approbandis, differri non debet.

Nullus Hereticus, Judæus, Paganus, excommunicatus, & publice denunciatus, sacra sepultura est condonandus: sicut nec manifestus fœnerator; nisi aut de perceptis usuris satisfecerit, aut, de iis restituendis, sufficientem cautionem, juxta juris dispositionem, posuerit. Arcendi sunt etiam a sepultura sacra ii, qui sana mente, ex intentione, seipsos interemerunt, vel, qui in duello occubuerunt.

Cum corpus defuncti fuerit sepeliendum, Sacerdos, Superpelliceo & Stola indutus, procedit de Ecclesia,
præ-

precedente Cruce & Clero, ad locum, ubi jacet corpus, & in domo defuncti, seu ante fores, dicat:

Oremus pro fidei defuncto, vel, defuncta.

Deinde legitur Psalmus L. Misere mei, Deus &c. vel CXXIX. De profundis clamavi ad te, Domine &c.

Subjicitur Collecta sequens:

Suscipe, Domine, animam famuli tui, vel, famulae tuae, quam, de ergastulo hujus seculi vocare dignatus es, & libera eum, vel, eam, de principibus tenebrarum, & locis poenarum, ut, absolutus, vel, absoluta, omnium vinculo peccatorum, quietis ac lucis aeternae beatitudine fruatur, & inter Sanctos & Electos tuos, in resurrectionis gloria resuscitari mereatur. Per Dominum nostrum &c.

Requiescant in pace. R. Amen.

Deinde aspergatur funus aqua benedicta, dicendo:

Rore caelesti perfundat animam tuam Deus, in nomine Patris &c.

Tunc etiam thurificetur, dicendo:

Odore caelesti pascat animam tuam Deus, in nomine Patris &c.

His dictis, per personas, pro cujusque loci more, ad hoc assumptas, effertur funus, subsequentibus vicinis & amicis, atque, inter ducendum, Parochus, & alii Officiales ac Ministri Ecclesiae, cantant Responsoria, aut legunt Psalmos poenitentiales, vel Vigilias.

Deposito corpore ad fores Ecclesiae, vel caemeterii, dicat Sacerdos:

Ore-

Oremus pro fideli defuncto, *vel defuncta.*

R. Requiem æternam dona ei, Domine, & lux
perpetua luceat ei.

Deinde legitur Psalmus L. Miserere, *vel CXXIX.*
e profundis.

Deinde aspergatur funus, & thurificetur,
ut supra.

His peractis, corpus defuncti defertur ad locum se-
pulture, Sacerdote interim dicente:

In Paradisum deducant te Angeli, in tuo adventu
scipiant te Martyres, & perducant te in civitatem
sanctam Hierusalem, Chorus Angelorum te susci-
at, & cum Lazaro quondam paupere, æternam
beas requiem.

Cum perventum est ad Sepulchrum, aspergat illud
aqua benedicta, dicendo:

Sanctificetur illud sepulchrum, in nomine Pa-
tris &c.

Corpore in sepulchrum demisso, aspergitur locus
aqua benedicta, dicente Parocho:

Hodie sit in pace locus tuus, & habitatio tua in
sancta Sion, per Christum Dominum nostrum. R.
amen.

Deinde, trina immissione aliquantulæ terræ loculum
tegendo, dicat Sacerdos:

De terra plasmasti eum, *vel, eam*, ossibus & ner-
vis compegisti eum, *vel eam*, Domine, resuscita
eum, *vel eam*, in novissimo die. Per Jesum Chri-
stum, Dominum nostrum. R. Amen.

Demum

*Demum, apud quosdam, consuevit Sacerdos facere
signum Crucis super sepulchrum,
dicendo :*

*Signum Salvatoris Domini nostri Jesu Christi, si
signatum super te, qui, in hac imagine redemit te.
Pax tecum.*

*Iustis his funeralibus persolutis, populus in pace
dimittitur, aut, pro consuetudine loci, sacrum incipi-
tur, aut comites funeris domum reducuntur, in glo-
riam ejus, qui deducit ad inferos, & reducit.*

De Sepultura Parvulorum, qui post Baptismum moriuntur.

*Parvuli, qui post Baptismum, ante usum rationis,
eripiuntur, oratione Ecclesiae non indigent: quia nihil
damnationis est in his, qui sunt in Christo Jesu, &
non secundum carnem ambularunt. Et, sicut inju-
riam faceret Martyri, qui pro Martyre oraret; ita
innocentiae baptismali injurius esset, si quis eis salutis
requiem precaretur, qui, innocentes, immaculati, pu-
ri, ac Deo dilecti effecti, sunt coheredes Christi, ita,
ut nihil prorsus eos ab ingressu cœli remoretur.*

*Quia tamen horum corpusculis, tanquam organis
& vasis, sanctus infusus fuit Spiritus; etiam illorum
funera officiosa sunt pietate curanda, in protestatio-
nem fidei, resurrectionis, & ad laudem divina pro-
videntiae, sub qua & ista regeneratorum corpora, re-
quiescere creduntur.*

*Si vero, ex Ecclesiae more, horum sepultura, una
cum Missa, exequiis, aut Psalmis, pro fidelibus de-
functis legi consuetis, (quod tamen abrogari debebat)
procuretur, tunc Parochus in memoriam revocet fi-
delibus.*

elibus id, quod dicit *Augustinus*: Sacrificia, sive al-
aris, sive quarumcunq; eleemosynarum, quæ pro
aptizatis defunctis omnibus offeruntur, pro valde
onis, gratiarum actiones sunt. Et, occasione hujus
parvuli, qui in albis ad Dominum raptus est, oretur
pro defunctis, qui precibus Ecclesiæ indigent; idque
iorum more, qui, dum uni benefecit divina clemen-
tia, illius occasione, pro alio orare solent, ut ei simi-
ter fiat.

Ergo, in domo parvuli mortui, aut ad portas cæ-
meterii, ubi funus positum est, dicat Sacerdos, Super-
pelliceo & Stola indutus:

Sit nomen Domini benedictum, ex hoc, nunc, &
usque in seculum.

Postea recitat Psalmum CXII. Laudate, pueri, Do-
minum &c.

Deinde subjungit:

Oremus: Omnipotens sempiterne Deus, sanctæ
puritatis amator, qui animam hujus parvuli, ad cœ-
lorum regnum hodie misericorditer vocare dignatus
es, digneris etiam nobiscum misericorditer agere,
ut, meritis tuæ sanctissimæ passionis, in eodem regno,
illos, cum omnibus Sanctis & Dilectis tuis, semper
facias congaudere. Qui vivis & regnas &c.

Benedicamus Domino. R. Deo gratias.

Postea fiat thurificatio, & aspersio, eodem modo, quo
supra super adultos, projiciendo etiam terram super
unus parvuli, in sepulchro positum, dicatq; Sacerdos
tribus vicibus:

Sume terra, quod tuum est; sumat Christus, quod
uum est; caro de te, terra, creata est, Spiritus de-
ursum inspiratus est.

Deinde, ubi consuetudo loci habet, occasione hujus infantis, oretur pro fidelibus defunctis, horteturque Sacerdos circumstantes, dicendo:

Oremus, Dilectissimi, pro hujus parvuli propinquis, & omnibus fidelibus defunctis, in spe misericordiae requiescentibus.

Deus, in cujus miseratione animae fidelium requiescunt, famulis & famulabus tuis omnibus, hic & ubique in Christo quiescentibus, da propitius veniam peccatorum, ut, a cunctis reatibus absoluti, tecum sine fine lætentur. Per eundem Dominum &c.

Requiescant in pace. R. Amen.

De Sepultura Parvulorum non Baptizatorum.

Pueruli, & quicunque alii, ex hac vita sine Baptismo migrantes, in loco sacro sepeliri non debent; estque in iis observandus canon 35. Concilii 1. Braccarensis: Catechumenis, sine redemptione Baptismi defunctis, non oblationis sanctae commemoratio, nec psallendi impendatur officium. Nec tamen sunt eorum corpora insepulta projicienda, more belluarum, propter humanæ naturæ dignitatem, sed in loco honesto recondenda; quod fiat, sine ullis precibus ac sollemnitate, a laico: nec quisquam ex clero, etiam vocatus, profanæ sepulturæ intersit.

De Matrimonii Sacramento.

Matrimonii Sacramentum, ex Ecclesiae consuetudine, præcedere debent Sponsalia, quibus, pro consuetudine loci, Parochus interesse solet, vel non: modo Sponsus & Sponsa, cum testibus, Parocho Sponsalia celebrata significaverint.

Ante.

Antequam Matrimonium in facie Ecclesiæ contrahatur, tribus continuis diebus festivis, hoc est, qui ex præcepto Ecclesiæ observantur, intra Missarum solennia, aut in Concione antemeridiana, publice denuntiatur, inter quos matrimonium sit contrahendum. Quando Sponsi sunt diversarum Parochiarum, tunc utraq, Sponsi scilicet, & Sponsæ, parochia denunciationes sunt faciendæ.

Matrimonia Magnatum non denunciantur, quia illis cessat omne periculum occultationis impedimentorum. Parochus, exteros nequaquam denunciavit, nisi eorum conditionem noverit, & allato in scriptis testimonio, quod alium virum vel uxorem non habeant.

Qui novit impedimentum secretum matrimonii, non tenetur illud denunciare, cum suo gravi & considerabili incommodo, vel aliorum scandalo probabili; quia in his casibus, nec fraterna correctio, nec præcepta Ecclesiæ obligant. Unde etiam in tali casu non denuncians impedimentum occultum, quod probare possit, non incurrit excommunicationem, latam in Edicto denunciationum, contra scienter non denunciantes. Hinc, si fœmina ex proprio filio, eo id ignorante, filiam suscepit, filio postea cum hac sorore nuptias contrahere volente, non tenetur manifestare impedimentum consanguinitatis. Similiter Parochus, qui ex diversis fœminis suscepit masculum & fœminam, his nuptias contrahere volentibus, non tenetur manifestare impedimentum.

Parochus, qui tantum ex confessione novit impedimentum inter contrahere volentes, hortari eos debet, ut dispensationem quærant: quod si id facere negligant, non potest impedire matrimonium. Denun-

ciationibus factis, si nullum legitimum opponatur impedimentum, ad celebrationem Matrimonii, in facie Ecclesiae, procedatur.

Irritum est Matrimonium, quod contrahitur aliter, quam praesente proprio Parocho, hoc est eo, in cujus parochia matrimonium celebratur, vel alio Sacerdote, de ipsius Parochi aut Ordinarii licentia, & duobus aut tribus testibus.

Parochus non ante in Sponsaliorum contractum consentiat, quam perspexerit, desponsandos esse Catholicos, rudimentorum fidei gnaros, ab excommunicatione liberos, ac impedimenti nullius, quod matrimonio obstare possit, conscios.

Matrimoniis eorum, qui vagantur, & incertas habent sedes, Parochi, nisi forte Ordinarius licentiam dederit, interesse non debent.

Habeat Parochus librum, in quo Conjugum & testium nomina, diemque, & locum contracti matrimonii scribat, hac forma:

Ego N. Rector Parochialis Ecclesiae Sancti N. tribus diebus festivis continuis, publice denunciavi matrimonium inter A. & B. nulloque legitimo impedimento opposito, ac viro & muliere a me interrogatis, eorumque mutuo consensu intellecto, matrimonium inter dictos A. & B. in facie Ecclesiae, juxta formam Concil. Trident. die . . . mense . . . Anno . . . in dicta Ecclesia Sancti N. fuisse celebratum, fidem facio, praesentibus N. & N. testibus &c. Ego N. Rector Parochialis Ecclesiae Sancti N. manu propria.

Sacerdos, celebraturus Matrimonii Sacramentum, indutus Superpelliceo & Stola, in Ecclesia tantum, & non in alio loco, illud aggrediatur. Post debi-

am igitur bannorum proclamationem, cum jam de-
 bonfi ad eum locum, ubi, pro consuetudine, hoc Sacra-
 mentum celebrari solet, pervenerint, stante viro ad
 extram, muliere vero ad sinistram, vultu converso
 ad utrumq, explicet eis vim & efficaciam hujus Sa-
 ramenti; item, quanta sit hujus vinculi, quo se mu-
 tuo obstringere volunt, obligatio: ut neq, propter
 meliorem, neq, ditio rem, neq, pulchriorem, neq, no-
 biliorem, neq, ob ullum defectum, vinculum hoc dis-
 solvi possit.

Exhortatione finita, altā & intelligibili voce, pro-
 clamet Sacerdos:

Ist jemand hie / der etwa Irrung oder Hinder-
 niß zwischen diesen Personen wüßte / das Sacra-
 ment der H. Ehe betreffend / der sage und eröffne
 solches / bey Christlichen Gehorsam / allhier öffentlich /
 im erstenmal / zum andernmal / und zum dritten-
 mal.

Inquirat deinde Sacerdos nomina contrahentium:
 licens:

Wie heißt ihr?

Accepto utriusq, responso, pergat interrogare
 Sponsum:

N. ist das noch euer endlicher und beständiger
 Will und Meinung / mit dieser gegenwärtigen N.
 in Ehren ehelich zu werden / ihr auch eheliche Treue
 und Glauben zu halten / Sie / als euren eignen Leib /
 zu lieben / ernähren / und verwahren / Sie auch / in keiner
 zufallenden Widerwärtigkeit / und Trübsal / nicht
 zu verlassen / sondern bey Ihr zu verbleiben / und zu
 verharren / bis daß euch endlich beede der Tod schei-
 det / so spricht / Ja.

Postea, eodem modo interrogetur Sponsa.

*Si uterq, affirmat, dicat ulterius Sacerdos
ad Sponsum:*

*Zu mehrerer Befräftigung des heiligen Werdes
gebt einander die Mähl-Ringe/ und die Hände.*

*Dum annulos sibi invicem porrigunt, dicat:
Annulo suo subarrhavit me Dominus, & tanquam
Sponsum decoravit me corona.*

*Tunc amborum manus Stola sua circumvolvat,
atq, dicat:*

*Matrimonium in facie Ecclesiæ, inter vos, me an-
nuente, contractum, Deus confirmet, & ego illud
approbo, perficio, & solennizo, in nomine Patris †
& Filii † & Spiritus † S. Amen.*

*Recitentur deinde benedictiones, pro consuetudine
Ecclesiæ, & Psalmus CXXVII. Beati omnes, qui
timent Dominum &c. Item sequens oratio:*

*Omnipotens sempiterne Deus, qui primos nostros
parentes bona societate copulasti, henc † dic &
sancti † fica hos adolescentulos, & semina in eis se-
men vitæ æternæ. Corda eorum tui sancti Spiritus
mundes infusione, & sinceri amoris copules nexu
perpetuo, Angelo pacis comitante, a mortifera Dæ-
monum infestatione eos custodias, & omnes men-
tis & corporis adversitates ab eis repellas; ut, muni-
mine tuo protecti, & te donante, devote laudent
nomen sanctum tuum, quod est benedictum in secu-
la seculorum. R. Amen.*

*Benedictio Dei Patris † omnipotentis, & Fi-
lii, & Spiritus † S. descendat super vos, & ma-
neat semper. R. Amen.*

Postre-

*Postremo , Aqua benedicta novos conjuges
aspergat , dicens :*

*Aspergat vos Deus rore gratiæ , in vitam æternam.
men.*

*Animadvertat Parochus, illorum Conjugum nuptiis
n esse benedicendum , quorum alter in prioribus nu-
tis benedictionem accepit ; alioquin, secundis nuptiis
medicens, ipso facto in pœnam suspensionis incidit.
terit autem, si opportunum ei videbitur, pro Con-
gibus, coram altari genua flectentibus; ad divinam
atiam invocandam, recitare Psalmum LXVI. Deus
sereatur nostri &c. Et postea addere :*

*Gloria Patri &c. Kyrie eleison &c. Pater no-
r &c.*

Et ne nos inducas in tentationem.

R. Sed libera nos a malo.

*S. Salvum fac Servum tuum, & Ancillam tuam,
Domine.*

R. Deus meus, sperantes in te.

S. Mitte eis auxilium de sancto.

R. Et de Sion tuere eos.

S. Nihil proficiat inimicus in eis.

R. Et Filius iniquitatis non nocebit eis.

S. Esto eis, Domine, turris fortitudinis.

R. A facie inimici.

S. Domine, exaudi orationem meam.

R. Et clamor meus ad te veniat.

S. Dominus vobiscum.

R. Et cum spiritu tuo.

*Oremus: Deus Abraham , Deus Isaac , & Deus
ob sit vobiscum, vosque conjungat, & ipse im-
at hereditatem suam in vobis, ut videatis Filios*

Filiorum vestrorum, usque in tertiam & quartam generationem, ut postea vitam æternam habeatis sine fine, adjuvante & præstante Domino nostro Iesu Christo, qui vivit & regnat in secula seculorum. Amen.

Modus Concionandi.

Erstlich sollen die Priester / wann sie auf die Kanzel treten / etwas wenig / und so lang / als ein kurzes Ave Maria, still stehen / bis sich das Volk am Aufstehen recolligirt. Darauf / in Lateinischer Sprach / mit dem Creutz Zeichen / anfangen.

In nomine Patris ⁂ & Filii ⁂ & Spiritus ⁂ S. Amen.

Nach dem folgt Lateinisch das Thema, aus dem Evangelio / welches dem Prediger gefällig: Als zum Beispiel / am Neuen-Jahrstag: Et vocatum est nomen ejus Iesus. Lucæ 2. Capite.

Darnach soll er mit lauter Stimm anfangen: Die Gnade Gottes des Allmächtigen / das reichliche Verdienst unsers Heylands und Seligmachers Iesu Christi / die Erleuchtung Gottes des Heiligen Geistes / sey mit uns allen. Welche solches von Herzen begehren / die sprechen das einige Wörtlein / Amen.

Folgend soll er sagen: Die Wort / so Eurer Lieb und Andacht aus dem Heiligen Evangelio / in Lateinischer Sprach / seynd fürgetragen worden / beschreibt der Heilig Evangelist und Kanzler Christi / Lucas / am 2. Capitel / und lauten auf unser Teutsch also:

Und sein Name ward genannt Iesus.

Als dann soll er / mit niedergelassener und halber
 Stimm / folgende Wort sagen: Etwas mehrers
 und weiters mir zu reden / und euch anzuhören /
 an und vermag ich / ohne sondere Gnad und
 Beystand Gottes des H. Geistes / nicht verrich-
 ten. Bitte derohalben Euer Lieb und Ans-
 icht / die wollen mit mir nieder knien / bemeldte
 Göttliche Gnad / mit einem andächtigen
 Vater Unser / und Englischen Gruß / andäch-
 tig und demüthig begehren.

Nach Vollendung dieses alles / stehet der Predi-
 ger auf / und ermahnt das Volck / mit nachfolgen-
 den Worten:

Stehet auf / und bezeichnet Euch mit dem
 Zeichen des H. Creuzes. Und also macht der
 Priester / sein langsam / damit es Junge und Alte /
 sehen und lernen können / das Zeichen des H. Creuz-
 es / mit dem Daumen / an die Stirn / Mund / und
 Brust / und sagt darauf: Höret den Text des
 H. Evangelii / so / nach Ordnung der H. all-
 gemeinen Christlichen Kirchen / in Ampt der
 H. Mess gesungen und gelesen wird / beschreibt
 uns der H. Evangelist und Cantzler Christi N.
 in der Evangelischen Beschreibung am N. Ca-
 pitel / und lauten die Wort / von Latein / auf un-
 ser Teutsch also.

Solches Evangelium soll der Prediger langsam
 und verständlich / nicht in einem Ehon / sonder wie
 die Wort mancherley Sachen anzeigen / also auch
 denen gleich / die Stimm formiren und verlesen.

Wann nun das Evangelium ein End hat / so
 soll der Prediger sagen: So viel seynd der Wort
 des heutigen H. Evangelii: durch welcher Wort

Kraft und Macht / verzeihe uns Gott alle unsere Sünd und Missethat. Amen.

Nach der Predigt.

Nach der Predigt/ soll der Prediger das gemeine Gebet dem Volck fürbeten. Hernach den Kranken und Betrübten / so des gemeinen Gebets begehren / nicht vergessen / und diese Wort vermelden: Für diese / und alle andere / so unsers Gebets bedürfftig seynd / kniet nieder / und betet ihnen allen zu Trost und Hülff / ein andächtig Vatter unser / und Englischen Gruß.

Alsdann soll der Prediger die Heyrathen / item die Feyer- Fest- und Fast Tage / so in folgender Wochen werden einfallen / verkündigen. Wann nun dieses geschehen / soll er weiter sagen: Damit unser Gebet und Kirchgang Gott dem Allmächtigen desto angenehmer sey / so reiniget euer Gewissen / mit Bezeichnung des Heiligen † Creuzes / und sprecht mir nach die offene Schuld und Beicht: Ich armer Sünder widersteh dem bösen Feind &c.

Nach Vollendung der Beicht/ soll der Priester also sprechen: Der allmächtig / gnädig und barmherzig GOTT / wolle sich unser erbarmen / und uns unsere Sünden gnädig verzeihen und vergeben. Amen. Und alsdann mit nachfolgenden Worten beschliessen: Jegund nicht mehr / dann ich setz Eure Seelen und Leib in den Schutz und Schirm (allda macht er ein † Creuz über das Volck) Gottes des Vatters / des Sohns † und des Heiligen † Geistes. Bitter Gott für mich armen Sünder ; der gleichen will ich auch thun in meinem Gebet.

Parochus debet, minimum Dominicis diebus & festis solemnibus, in Ecclesia sua populo prædicare. Idem, vel per se, vel per alios, impensis suis, conciones habeat, omnibus diebus festis, & in Quadragesima, si non quotidie, saltem tribus in hebdomade diebus.

Vnusquisque, pro audienda Concione, tenetur Parochiæ suæ interesse, si id commode fieri possit. De hoc monendus est populus; non tamen excommunicandus, si non paruerit.

De Exorcismo Obsessorum.


Laboriosam, difficilem, ac planè divinam exorcizandi praxin, aggressurus, imprimis conscientia puritati studeat, Apostoli Ephes. 6. monitum mente volutans: non esse nobis luctamen adversus carnem & sanguinem, sed adversus Principes & Potestates; contra mundi rectores tenebrarum, ac spiritualia nequitia in cœlestibus. Non igitur, nisi spiritualibus armis, spirituales vinci potestates, certissimum est, quæ bona sunt conscientia, & mens, omni criminum labe munda.




Fides etiam, in hoc Dei opere, est necessaria, tanquam fundamentum, quo deficiente, omnia ruunt. Per hanc autem, non intelligitur tantum Christianæ Religionis firmitas, sed & illa, quæ Christi sponsonem Marc. 16. In nomine meo ejicient dæmonia; inubitatque credit. Quod si vero eventus semper non respondeat, id vel nostris flagitiis, vel ipsius Dei reconditis judiciorum arcanis,tribuendum erit, ut videlicet frænum sit Diabolus, ne in graviora scelera labantur homines, aut, ut majori præmio dignificentur.

Krafft und Macht / verzeihe uns GOTT alle unsere Sünd und Mißthat. Amen.

Nach der Predigt.

Nach der Predigt/ soll der Prediger das gemeine Gebet dem Volck fürbeten. Hernach der Kranken und Betrübten / so des gemeinen Gebets begehren / nicht vergessen / und diese Wort vermehren: Für diese / und alle andere / so unsers Gebets bedürfftig seynd / kniet nieder / und betet/ ihnen allen zu Trost und Hülff/ ein andächtig Vatter unser / und Englischen Gruß.

Alsdann soll der Prediger die Heyrathen / item die Feyer- Fest- und Fast Tage / so in folgender Wochen werden einfallen / verkündigen. Wann nun dieses geschehen / soll er weiter sagen: Damit unser Gebet und Kirchgang GOTT dem Allmächtigen desto angenehmer sey / so reiniget euer Gewissen / mit Bezeichnung des Heiligen  Creuzes / und spricht mit nach die offene Schuld und Beicht: Ich armer Sünder widertrag dem bösen Feind 2c.

Nach Vollendung der Beicht/ soll der Priester also sprechen: Der allmächtig / gnädig und barmherzig GOTT / wolle sich unser erbarmen / und uns unsere Sünden gnädig verzeihen und vergeben. Amen. Und alsdann mit nachfolgenden Worten beschließen: Jegund nicht mehr / dann ich seg Eure Seelen und Leib in den Schutz und Schirm (allda macht er ein  Creuz über das Volck) Gottes des Vatters/ des Sohns  und des Heiligen  Geistes. Bitter GOTT für mich armen Sünder ; der gleichen will ich auch thun in meinem Gebet.

Parochus debet, minimum Dominicis diebus & festis solemnibus, in Ecclesia sua populo prædicare. dem, vel per se, vel per alios, impensis suis, conciones abeat, omnibus diebus festis, & in Quadragesima, si non quotidie, saltem tribus in hebdomade diebus.

Vnusquisq, pro audienda Concione, tenetur Parochiæ suæ interesse, si id commode fieri possit. De hoc monendus est populus; non tamen excommuniandus, si non paruerit.

De Exorcismo Obsessorum.

Laboriosam, difficilem, ac planè divinam exorcizandi praxin, aggressurus, imprimis conscientia puritati studeat, Apostoli Ephes. 6. monitum mente volutans: non esse nobis luctamen adversus carnem & sanguinem, sed adversus Principes & Potestates; contra mundi rectores tenebrarum, ac spiritualia nequitia in cœlestibus. Non igitur, nisi spiritualibus armis, spirituales vinci potestates, certissimum est, quæ bona sunt conscientia, & mens, omni criminum labe munda.

Fides etiam, in hoc Dei opere, est necessaria, tanquam fundamentum, quo deficiente, omnia ruunt. Per hanc autem, non intelligitur tantum Christianæ Religionis firmitas, sed & illa, quæ Christi sponsonem Marc. 16. In nomine meo ejicient dæmonia; inlubitato credit. Quod si vero eventus semper non respondeat, id vel nostris flagitiis, vel ipsius Dei reconditis judiciorum arcanis,tribuendum erit, ut videlicet frænum sit Diabolus, ne in graviora scelera labantur homines, aut, ut majori præmio dignificentur.

Dehinc, exactissimam morbi investigationem, circa eum, qui obsessus creditur, facere debet Exorcista, ne, quod a causis naturalibus, uti malincolia, vere procedit, a Dæmonum malitia manare credatur, atq; sic tempus frustra teratur, non sine Dei, ejusq; Ministrorum contemptu.

Amplius, paret Exorcista varia remedia, juxta diversitatem obsessionis: quæ sunt vel mere spiritalia, uti exorcismi; vel mixta, scilicet corporalia, cum benedictionibus, Ecclesiæq; Catholicæ ceremoniis, semper copulata. Talia sunt, aqua benedicta, unctiones, brevia sacra, amuleta, orationes, scripta Dei nomina atq; Sanctorum, lapides virtute præditi, ac benedicti; herbarum varia genera; vivifica Crucis lignum, Divorumq; reliquiæ; fumigationes, aromata; locorum, stratorum, indusiorum, & indumentorum frequentes mutationes; lustrationes; & vini, salis, panis, ciborumq; omnium benedictiones exorcismales.

Est quoq; necessarium, observare Dæmonum naturam, si videlicet sint timidi, si arrogantes, si taciti, si loquaces, si pertinaces, si faciles, si hilares, si tetrici, si feroces, si mendaces, si aliquoties vera proferentes. Præterea, si se præferant aëreos, si aquaticos, si terrestres, si igneos; si septentrionales, si meridionales, si orientales, si occidentales; si infimos, si principes, si fortes, si imbecilles; si extrinsecos, si intrinsecos, si adjunctos, si solutos; si tandem patii vinculo detentos: ut, juxta ipsorum genera, naturas, propensiones, ac modos, prudens Exorcista, in exorcismorum applicatione, Dæmonumq; expulsionem, certam regulam servet; cum varia torqueantur ratione, & expellantur.

*Signa, ad dignoscendum Dæmoniacum, sive obses-
m, sunt varia. Sed, primum atq; certissimum dia-
licæ præsentia, est actio, humanas superans artes &
dustriam: ut, locutio alieni idiomatis, quod nun-
am didicerit creatura vexata; aut, prolatio rerum,
ejusdem capacitate longe remotarum; vel, si con-
entus musicos, suis numeris perfecte digestos, Musi-
e imperitus emittat; aut, si fœmina, vel alia debilior
creatura, multorum superet vires. Istis porro nunc ac-
edunt, occulta renunciare, prædicere futura, occul-
a adducere; abhorrere a sacris, Sacerdotes, Sancto-
um tumulos atque reliquias fugere, ita, ut ad eorum
dmotionem, fremere Dæmon audiat, & videatur
rigidi sudoris guttas emittere; difficulter sacra &
reces proferre; Exorcismos, Evangelia, maximo
um tædio audire; præcipites se dare, aut in ignem
bonte conjicere; stridere dentibus, & spumare; vo-
es emittere, brutorum sonis non absimiles; vestes, ac
propria dilacerare membra; terribiles monstrare ocu-
orum acies; & alia ejus generis.*

*Cum constat, aliquem a Dæmone obsideri, ad Exorci-
smos progrediendum, atq; ut Dæmon occultus
detegatur, sic conjurare eum oportet,
iteratis vicibus:*

✠ Clemens ✠ Creator ✠ Eloha ✠ te formidant
omnes Angeli, te adorant Archangeli, Verbum Pa-
tris ingeniti. Amen.

✠ Exorcizo vos, ut compareatis, per hæc terri-
bilia Dei Creatoris vestri nomina, Scemamphoras ✠
Jehoya ✠ Tetragrammaton ✠ Jesus Christus. Amen.

Porro dicatur devote, genibus flexis:

Oremus: Præceptis salutaribus moniti, & divina
insti-

institutione formati , audemus dicere : Pater noster qui es in cœlis &c.

Postea, in capite infirmi cruce signando, dicatur :

✠ Christus autem, transiens, per medium illorum ibat. ✠

✠ Christus Rex venit in pace ✠ Deus homo factus est. ✠

Deinde, in ore signando, dicatur :

✠ Verbum caro factum est , & habitavit in nobis. ✠

In colli nuca signando, dicatur :

✠ Si ergo me queritis , finite hos abire ✠

In pectore signando, dicatur :

✠ Christus vincit ✠ Christus regnat ✠ Christus imperat.

Præceptum spiritui faciendum, ut in linguam ascendat.

Deus verax est, quem nulla latet cogitatio, scrutans corda, & renes. Oculi ejus de cœlo in terram aspiciunt ; & non est , qui se abscondat a scientia ejus. Præcipio igitur tibi , in virtute istorum verborum ✠ Yschiros ✠ Agios ✠ Otheos ✠ Alpha ✠ Omega ✠ Jesus : & in virtute magna, illius, qui vocat ea, quæ non sunt, tanquam ea, quæ sunt : ut nullo pacto veritatem me celetis, nec numerum demonum hoc in corpore habitantium : sed statim omnes & singuli superius ascendatis : nec loquatur unus pro cunctis, sed singuli pro singulis : & hoc ex imperio illorum Angelorum , Deique nunciorum, Michaël ✠ Gabriel ✠ Raphaël ✠ Amen.

Deum,

Deum, qui te genuit, reliquisti, & oblitus es Domini Creatoris tui. † Declinate † a me maligni, & scrutabor mandata Dei mei. †

Forma interrogatoria, Dæmoni facienda.

Ego indignus Sacerdos, & minister Altissimi, auctoritate mihi tradita a Sancta Romana Ecclesia, super inferni Principes, præcipio tibi, nomine Divinæ Majestatis, ac Domini nostri Jesu Christi, item in virtute, & per virtutem suæ Humanitatis, Divinitatis, & Excellentia; nec non imperio potentia; Throni Sanctissimæ Trinitatis, ut statim, nullo mora interjecta & fallacia, patefacias mihi nomen tuum. Insuper, ex qua legione sis, & de qua hierarchia: etiam, an sis aëreus, terreus, vel subterraneus, aut ex alia aliqua specie; &, de qua natura, cuique potestati subjaceas. Item, quomodo huc es ingressus; qui sint socii tui, & quomodo vocentur. Ex qua regione, potestate, hierarchia, sint & ipsi, & quomodo eorum magistri nominentur. Etiam præcipio tibi, ut exponas, absque mendacio, in quo clinante & hemispherio cecideris, cum, per defectionem tuam, ab Omnipotente expulsus fuisti. Præterea, impero tibi, ut explices, unde sis, a partene orientali, meridionali, occidentali, an septentrionali. Præcipio etiam tibi, ut dicas mihi, num alias in aliud corpus fueris ingressus; &, quisnam te ejecerit, atque unde expulerit: qua die, quave hora, de quo loco vel membro illius corporis egressus sis, & qui vocetur princeps præceptoris, vel magistri tui. Etiam dicas mihi, ad honorem Dei vivi, magni, terribilis, atque mirabilis, cujus nomine te conjuro, † & potestatem habeo expellendi te ab hoc corpore, quam
die

diu est, cum ingressus es in locum istum: qua forma, qua die, qua hora, qua tandem ex causa; cum hoc corpus humanum, nec sedes, nec domus, nec mansio tua sit. Præcipio tibi præterea, ut sincerè mihi fatearis verum, an in hunc eundem locum accesserint spiritus, in auxilium & favorem tuum, & ex qua hierarchia & legione: An intus, vel extrapermaneant: an sint maiores, minores, vel tibi æquales, & sub cuius potestate reperiuntur, cujusque naturæ & regionis ipsi sint. Hæc omnia, supra relata, & singula, sigillatim atque distincte adjuro te & exorcizo te & conjuro te & tibi que præcipio & per Deum verum & vivum, ut vere mihi enarres, ad honorem & gloriam ejusdem Altissimi & ac Domini nostri Jesu Christi & utriusque Curie celestis.

Præceptum Spiritui taciturno, dum se loquela expertem simulat.

Laudate Dominum de terra, dracones, & omnes abyssi, omnisque spiritus laudet Dominum. Præcipio tibi, in virtute istorum verborum, Agios & Yschiros & Haniel & Cherub, ne claudas ora contentium Deo in confessione; & hunc, quem mutum ostendis, finas loqui, quemadmodum Jesus Salvator noster dixit: Ephata, quod est aperire os; & solutum fuit vinculum linguæ obmutescentis: & ad cuius imperium, ejiciendo Dæmonem, statim, qui erat mutus, loquutus fuit. Loquere ergo, tu spiritus immunde, nec te elinguem similes, cum sis centiloquus; & hunc patientem ne impedias ad loquendum, & ad canendas laudes Domini Dei sui. In nomine Patris & Filii & Spiritus S. Amen.

Præceptum Spiritui loquaci, ut taceat.

✠ Verbo Domini Dei cœli firmati sunt : sic tu taceas, & obmutescas. ✠

✠ Deus noster Omnipotens in medio terræ recordatus est facere misericordiam. ✠

✠ Deus superbis resistit ✠ Quis ut Deus omnipotens? Quis ut Deus fortis atq; mirabilis? Eloym ✠ Eloha ✠ Tetragrammaton ✠ Jesus ✠ Messyas. ✠

Præceptum, ad cohibendam falsam Dæmonis latitiam, & risum.

✠ Exultabunt Sancti in gloria, lætabuntur in cubilibus suis. Sicut Beatis in cœlorum patria, jam non erit amplius luctus, neque clamor, neque tristitia, sed risus jucunditatis sempiternus. Ita ego præcipio ac mando tibi, damnate spiritus, in virtute istorum verborum, Athanatos ✠ Otheos ✠ Agla ✠ Jehova ✠ Eloha ✠ Sabaoth ✠ quod super te, vice versa, sit perpetuus luctus, ignis, sulphur, ac spiritus tempestatum, quibus teneris, & cruciaris, & ne risum simules; cum potius lugendum sit, ac ululandum, rugitusque leonum mittendi, ob tuam maximam miseriam: quia nulla tibi superest gloriæ spes, & quietis, unde ridere possis & exultare, quin potius perpetuo lugere.

Præceptum Spiritibus faciendum, ne in circumstantes maledicta congerant.

Cave, cruenta bestia, ne verbum ullum in aliquem instantium proferas, eosque contumeliis offendas, nec quicquam contra eos mussites, neque occultum, neque manifestum, sed taceas ea, ac prorsus obmutescas, virtute istorum divinorum verborum, El ✠ El ✠ Eloym ✠ Eloha ✠ Tetragrammaton ✠ Jesus Christus. ✠

Præ-

Præceptum, ne Spiritus recedat a lingua.

✠ In capite libri scriptum est de me, ut faciam voluntatem tuam, Deus meus. Præcipio tibi, in virtute verborum istorum ✠ On ✠ El ✠ Tetragrammaton ✠ ut, sicuti Deus magnus & omnipotens, mari legem & terminum posuit, quem non transgredietur, neque convertetur, ut terram operiat, sic, ad imperium ipsius nominis Dei, moveri non possis de loco, in quo manes, &, quodocunque vis, nequeas, nisi ego tibi dixerim. In nomine Patris ✠ & Filii ✠ & Spiritus ✠ S. Amen.

*Cum fingit se Dæmon obdormire, dicat
Sacerdos.*

Expergiscimini, & laudate, qui habitatis in pulvere. ✠

Obscurentur oculi vestri, ne videant; & dorsum vestrum semper incurvet Deus. ✠

Non dormitabit, neque dormiet, qui custodit Israël. ✠

Cum percutit, vel elidit obsessi caput.

Convertatur dolor ejus in caput ejus, & in verticem ipsius iniquitas ejus descendat. ✠

Tu contribulasti capita draconum in aquis ✠ Baptismatis.

Ipsa Virgo virginum conterat caput tuum. ✠

Cum obsessi membra contorquet.

Tu quidem, scelestissime, in præsentī vitā nos perdis, sed Rex mundi, defunctos nos, in æternæ vitæ resurrectione suscitabit.

Cum stridet dentibus, & minatur.

Molas leonum confringet Dominus. ✠

Dentes eorum contrivisti, Domine, ✠

Haben

Habentur amplius, in Exorcismariis, cujusque diei festi, per totum annum, Exorcismi peculiare: e quibus illi, qui in festo Omnium Sanctorum adhibentur, valeant pro exemplo.

Exorcismus in Festo Omnium Sanctorum.

✠ Sapientiam Sanctorum narremus omnes, & laudes eorum, in Dei Ecclesia alacriter propalemus; quia Justorum nomina vivent in seculum seculi. Memoria autem vestra, o iniquissimi Dæmones, o pessimi damnati, pereat cum sonitu: quoniam Jesus Christus, unicus Dei genitus, Beatorum Pater & Caput, Cœlorum Angelorumque Dominus, de Virginis utero carnem sumens, Sanctorum Sanctus vocari, ac sanctitatem suam hominibus communicare, æternamque gloriam, a vobis spiritibus immundis amissam, Justis elargiri voluit; alios præmittens, ante suum adventum, Patriarchas, & Prophetas; alios, post suum adventum, creans Apostolos; alios, post gloriosum in cælos ascensum, designans Martyres; alios Pontifices, alios ordinans Confessores atque Doctores; aliosque Virgines, & continentia præditos; de quibus omnibus a Joanne audistis, turbam ipsum vidisse magnam, quam dinumerare nemo valeret, ex cunctis gentibus, tribubus, populis, linguis; stantes ante thronum, in conspectu Agni, amictos stolis albis; habentes nomen Dei Tetragrammaton scriptum in frontibus; palmasque in eorum manibus, in signum victoriæ, tenentes, quam, de vobis, inferni hostibus, referre digni fuerunt.

Hanc igitur felicissimam, lucidissimam, inclytamque Beatorum copiosam turbam, & cœlestium armatorum exercitum invictissimum, in nostrum au-

xilium humiliter invocantes, ut vobis, hanc Dei creaturam infestantibus, occurrat, vos mecum conjuret
 ✠ vos adjuget ✠ vos exorcizet ✠ ut virtute omnipotentis Dei Patris ✠ Dei Filii ✠ Deique Spiritus ✠ cogamini (sive unus, sive plures sitis,) Sacerdotes obedire voluntati, & ad mei nutum, atque præceptum, tanquam excelsi Dei ministri (licet immeriti) incunctanter cedere. Vt videlicet, si hic simpliciter maneatis, illico, absque ullius læsione creature, procul abscedatis, & veloces fugiatis, amplius ad eam non reversuri. Si vero sub alicujus malefici, atque incantationis detentione, hic, sive intus, sive deforis, commoramini, per aliquod signum, pactum, dictum, scriptum, opus, & artem, quomodolibet, sive ab homine, sive a spirituali potentia compactam, initam, efformatam, sive mediate, sive immediate, per auctoritatem sacerdotalem mihi concessam, & in nomine Dei Sothor ✠ Sabaoth ✠ Adonay ✠ Tetragrammaton ✠ & per merita Sanctorum omnium, vos omnes exorcizo ✠ adjuro ✠ cogo ✠ nec non cunctis vobis faventibus, vos juvantibus, ac impredientibus, impero ✠ huc illa adducere; vel cuncta mala figmenta vestra prædicta omnino evertere: uti & in præsentia ego ipse, eadem, superna Dei mihi tradita virtute, & in Altissimi nomine, destruo ✠ solve ✠ absolvo ✠ deleo ✠ atque ad nihilum redigo. ✠

Si vero intra, vel extra hoc humanum corpus, aliqua visibilis, vel invisibilis adsit potentia, quæ Dei jussis, per me injunctis, & injungendis, resistere audeat, opem ferendo, obstando, aut aliter præcipiendo: ego ipse Dei minister, Deique instrumentum, nomine potentissimæ atque individue Trinitatis,

ec non & omnium Angelorum, Archangelorum, Patriarcharum, Prophetarum, Apostolorum, Martyrum, Confessorum, ac Virginum, illam exorcizo ✠ adjuro ✠ debilito ✠ deleo ✠ ac penitus de-ruo ✠ in nomine, & potentia sanctissimæ Trinitatis. ✠

Quod si tum vos, tum socii vestri, ubicunque commorantes, consueta vestra atque diabolica duricie, sacerdotalibus institutis atque præceptis reluctante audeatis; iterum ego ipse, nomine Dei excelsi, qui mundum ex nihilo condidit, & rebelles spiritus, iure optimo, ob eorum superbiam, in inferni septis eternaliter clausit, condemno vos, & illos, ad augmentum pœnarum vestrarum infernalium accidentalium: ita ut, singulis quibusque momentis, augeantur contra vos semper, donec mihi, excelsi Dei ministro, admissim obtemperetis. Verba igitur con-urationis meæ vobis, sociisque vestris, cujuscunq; ordinis, velut ignis, sulphur, ac spiritus procellarum de cœlo cadentium sint, ad vestrum omnium cruciatum, flagellum, ardorem, ac sine fine tormentum.

Sanctorum igitur exercitus, in cœlo gaudentium, vos damnatos mihi parere cogat ✠ vos turpissimos iuxta præfatum meum propositum & sententiam, obtemperare coarctet ✠ vos coërceat ✠ vos exorcizet ✠ vos adjuret ✠ vos conjuret ✠ vos ad cecidendum compellat. ✠ Et ego iterum, nomine tremendissimæ majestatis, in throno divinitatis excelso sedentis, vos conjuro: ✠ in nomine Agni, stantis in cœlis, tanquam occisi, vos flagello: ✠ nomine Dei Jehova; vos debilito: ✠ nomine Dei Agla, vos incendio: ✠ nomine Dei Sabaoth, vos pessundo: ✠

nomine Dei Agyos , vos percutio : † nomine Dei Otheos , vos fugo : † nomine Dei Athanatos , vos jaculis confodio. † Conjuro vos per Deum vivum † per Deum verum † per Deum sanctum † per Deum unum. † Conjuro vos † per Dei majestatem , quæ ab Angelis , & hominibus adoratur. Adju- ro vos † per Sanctum Sanctorum , qui promisit Abraham , semen suum se aucturum sicuti cœli sidera , & veluti arenam maris , quæ numerari nequaquam possunt. Conjuro vos † nigerrimas belluas , per Deum summum , qui posuit animas servorum suo- rum , lapides vivos , in templo gloriæ suæ ; vosque da- mnatos spiritus , lapides duros , & mortuos , in in- ferni barathrum præcipites labi jussit. Conjuro vos , infames dæmones , † per Dei sapientiam , qui per- misit servos suos electos in paucis vexari , ut in mul- tis bene dispositi , virtutum probationibus , illos di- gnos se inveniret : vos autem in malo pertinaces , absque fine , & præmio , perennibus affici cruciati- bus. Conjuro vos † per Dei clementiam , cujus gra- tia & misericordia , est in electos ejus tantummodo : non autem erga vos , qui in æternum omni bono privamini. Conjuro vos † per Dei pulchritudi- nem , qui posuit speciem cœli , gloriam stellarum ; servorum videlicet suorum in supernis , Dei lumine lucescentium , in perpetuas æternitates : illo , inquam , lumine , o damnati dæmones , quod vos peccantes perpetuo amisistis , atque indeficientibus tenebris convoluti estis. Conjuro vos † scelestissimos , per Dei magnificentiam , qui laudabiles viros gloriosos , parentes nostros , in generatione sua effecit : oppro- brium inducens supra vos protervos spiritus interna- les , qui ante Domini majestatem vos supplices pro-
sternere

ernere renuistis, & Creatorem vestrum, o ingratissimi, reliquistis. Conjuro vos spurcissimos dæmones, ✠ per Dei bonitatem, qui elegit Justos ex omni carne: dealbavit eos, & veluti aurum igne probavit los. Vos autem spiritus tartarei regni reprobavit, ammisque sempiternis concremandos merito destinavit. Conjuro vos execrabiles ✠ per Dei gloriam, ut, uti æthereus refulgens Sol in clypeos aureos, Sanctorum montes splendere fecit; ex qua exarsistis & vos Dei hostes, Deique rebelles, tanquam ignis in cinis: quoniam magna sunt Excelsi opera in concilio Justorum, congregationeque Sanctorum.

Hi enim sunt, quos delegit Dominus, in charitate non ficta. Hi sunt, qui suum super cuncta dilexere factorem; & Jesum Redemptorem, in vita sua, ex tota anima, ex toto corde, ex tota mente; item & proximos, tanquam seipsos, propter Deum, ardentissimo prosecuti sunt amoris affectu. Hi sunt, qui eum sequuti sunt Dominum Redemptorem in morte sua. Hi sunt, qui ad cælorum venerunt culmen, de tribulatione magna, lavaruntq; stolas corporum suorum in sanguine Agni. Illius, inquam, Agni, quem magnus præmonstravit Baptista, dicens: ecce Agnus Dei, qui tollit peccata mundi. Mundi crimina sustulit Dei Filius Jesus, hominum videlicet, non Angelorum apostatarum, non spirituum immundorum, non vestra, o dæmones perversi, qui obstinati, atque radicati in sceleribus vestris permansistis. Hi sunt, qui fortiter cum Jesu in tentationum, & passionum quarum certamine, perseveravere. Hi sunt, quorum sublimia opera voces suas in omnem effuderunt terrarum orbem. Hi sunt, quorum doctrina, uti Solis ac Lunæ sideribus, sancta refulget Ecclesia. Hi sunt lucernæ,

super ipsius Ecclesiæ candelabrum appositæ ; ut lucem irradiant omnibus , qui intra Dei habitant domicilium : non autem vobis obscurissimis , teterrimis , nigerrimis , qui tenebras dilexistis magis , quam veram Dei lucem. Hi sunt , qui magna Excelsi opera , pleno ore annuntiaverunt , & facta illius , valde mirabilia intellectu , firmiter perceperunt. Hi sunt , quorum os indefesse Dei sapientiam meditabatur , & aspernabatur mundi stultitiam. Hi sunt , qui , nefandorum , ac tyrannorum principum jussa fortiter contemnentes , præmia meruere perpetua. Hi sunt Nazaræi candidi , splendorem Dei Eloym dantes , & adversus tenebras vestras jugiter concertantes. Hi sunt , qui non esurient , neque sitient amplius ; nec severitatis , atque justitiæ Sol super illos cadet , sed nec ullus afflictionum æstus eos tangere potuit : quibus & vos , infelicissimi dæmones , merito sine fine ardetis in pœnis vestris. Hi sunt , qui , fide vincentes , regna Altissimi adepti sunt cœlorum promissa. Hi sunt gentes mites , tranquillæ , habitantesq; confidenter. Hi sunt olivæ fructiferæ , in domo Dei in excelsis. Hi sunt palmæ Domini exercituum. Hi sunt , qui neque mortem , neque luctum , neque clamorem , neque dolorem gustabunt amplius : quia ipsemet Omnipotens , omnem jam lachrymam ab eorum oculis tergere dignatus est. Hi sunt , qui , beatitudine pleni , in domo Domini Sabaoth perpetuo commorantur. Hi sunt palmites , a Christi excelsa vite germinantes. Hi sunt , qui ex toto corde Deum ipsum exquisierunt : quem & vos , beneficii immemores , deseruistis. Hi sunt Paradisi fontes , qui exemplis , atque doctrinis , terram desertam & sterilem irrigare non desinunt. Hi sunt nubes , rorem stillantes gratiarum a Deo desu-

per orbem: attamen ignem, atque tonitrua, contra vos pessimos inferni cultores, validissime demittentes. Hi sunt lapides pretiosi, quibus plateæ Jerusalem cœlestis atque sublimis sterni dicuntur. Hi sunt stellæ, maximo cum ordine in cœlestibus motum habentes: unde & vos miseri dejecti fuistis, post Luciferum principem vestrum. Hi sunt, quorum animæ in manu excelsi repositæ; ideoque eas mortis tormentum, ac cruciatus tangere nunquam possunt. Hi sunt aurum in fornace tribulationum probatum, acceptumque a Deo, quasi holocausti hostia in sublime recepta. Hi sunt, quorum capita, corona aurea a Domino redimita fuere, in signum sanctitatis, in gloriam honoris, opusque fortitudinis singulare: quæ quidem corona, o infelicissimi spiritus, cecidit jam, jam cecidit de capite vestro, elatione plenissimo: cumque ingratis contra Deum vestrum peccastis, illius loco, cornua, veluti brutis animalibus, germinata sunt vobis, in opprobrium falsæ vestrorum arrogantiae. Hi sunt, quos replevit Deus spiritu suo, & intelligentia, & scientia: quæ omnia, vos dæmones, ictu oculi, miserandum in modum amisistis, cum Conditorem vestrum colere renuistis. Hi sunt, qui, velut imbres, miserunt nobis eloquia sapientiæ, & in oratione confessi sunt Domino: quem vos impii reliquistis; ac per terrarum gyrum, mendacia, hæreses, falsa dogmata, pessimasque promulgare doctrinas, nequaquam desistitis. Hi sunt, qui operati sunt, ac populos docuere cœlestia; factis videlicet, & sermone Deum jugiter confitentes: ideoque magni & excelsi in cœlorum regno vocati sunt; unde vos miseri, qui quondam eratis magni, præcipites corruistis. Hi sunt, qui contra vestrum Luciferinum institutum, elucida-

verunt Deum: & ideo æternæ cum ipso vitæ sortem fuerunt adepti; quam etiam cum ipsomet principe vestro, vos miseriamifistis. Hi sunt, quorum semen a Deo nunquam desertum fuit; sicuti dereliquit & ipsemet vos ingratissimos in æternum: ideoque corpora eorum fuerunt in pace tumultata, atque sepulta. Hi sunt, qui quasi splendor firmamenti, & veluti sidera, in perpetuas fulgent æternitates: quorum lumen nunquam vestris in latebris coruscare videbitur. Hi sunt, qui de mundi Libano advenerunt, & coronam adepti sunt ante Regem, atque honorifice in sedibus, ubi vos per modicum sedebatis, collocati fuere. Hi sunt, quorum memoria mortis est expers, & apud Deum & homines valde inclyta: vestra autem, o dæmones, recordatio cum sonitu periiit, atque ictu oculi in inferni sedibus consepulta fuit. Hi sunt tandem, qui adducti fuerunt post Regem, de vestris triumphantes versutiis: quoniam laquei, quos ad deceptionem illorum impie parastis, contriti sunt; ipsi vero, libere remanserunt, & cum Deo suo, ac Redemptore Jesu, in æternum congaudere cernuntur.

In nomine igitur ejusdem Jesu Nazareni ✠ in nomine Jesu Electorum Capitis ✠ in nomine ac virtute Jesu Regis Regum, & Domini Dominantium ✠ vos diabolos iterum conjuro ✠ iterum adjuro ✠ iterum, eodemque pacto, conditione, forma, mente, qua supra, exorcizo ✠ coarcto ✠ urgeo ✠ ut meis pareatis mandatis, jam vobis injunctis, atque injungendis. Exorcizo vos damnatos ✠ per Jesum Christum, Prophetarum objectum ✠ Exorcizo vos per Jesum Christum Patriarcharum principem. ✠ Exorcizo vos per Jesum Christum, summum Apostolorum

rum præceptorem. Exorcizo vos tartareos cives ✠ per Jesum Christum, Evangelistarum Doctorem. Exorcizo vos execrandos ✠ per Jesum Christum, Martyrum præcursores. Exorcizo vos belluas ✠ per Jesum Christum, Confessorum exemplar. Exorcizo vos monstra infernalibus ✠ per Jesum Christum, Pontificum normam. Exorcizo vos infames ✠ per Jesum Christum, Virginum speculum. Exorcizo vos malignos dæmones, per Jesum Christum, continentium fortitudinem. Exorcizo vos turpissimos ✠ per Jesum Christum, Doctorum magistrum. Exorcizo vos scelestissimos ✠ per Jesum Christum, coronam Sanctorum omnium. Exorcizo vos mendaciis assuetos ✠ per Mariam, almam Dei matrem. Conjuro vos tartareos ✠ per Mariam Virginem, Patriarcharum Reginam. Conjuro vos lupos infernales ✠ per Mariam Virginem, Prophetarum Dominam. Conjuro vos scarabæos ✠ per Mariam Virginem, Apostolorum magistram. Conjuro vos abyssi dæmones ✠ per Mariam Virginem, Evangelistarum lucem. Conjuro vos canes rabidos ✠ per Mariam Virginem, Martyrum ducem. Conjuro vos veneficos ✠ per Mariam Virginem, Confessorum principem. Conjuro vos ranas foetidissimas ✠ per Mariam Virginem, Virginum caput. Conjuro vos bubalos ✠ per Mariam Virginem, Sanctorum imperatricem, ut mea, sine cunctatione, exequamini iussa, nomine Altissimi vobis mandantis, præcipientis, atque validissime fugam ab hoc corpore imperantis. ✠

Sed ulterius exorcizo vos diabolos, ✠ per sanctorum Angelorum choros: & præcipue per Sanctum Michaëlem, principem cœlestis militiæ, potentem in prælio, quique contra Luciferum, vosque perti-

naces dæmones, fortissimam fecit victoriam; ac validissime cunctam vestram infernalem debellans potentiam; ad cuius de cœlo descensum concutitur mare, terraque simul contremiscere dicitur. Hic Dei Ecclesiæ præpositus fuit, ut pugnet cum dracone acerrime, atque in adiutorium Dei populo veniat. Exorcizo vos perversos diabolos ✠ per sanctum Gabrielem, Virginis Mariæ, Deiq; sponsalium nuncium singularem. Hunc vestitum lineis vidisse testatur Daniel, & accinctum renibus auro obryzo; habentemque corpus veluti chrysolitum, ac faciem quasi fulgurem coruscantem: oculi autem ejus lampadi similes; aliaque membra, ad modum æris candentis describuntur. Exorcizo vos ingratissimos spiritus ✠ per Sanctum Raphaëlem, qui Dei potentia apprehendit, ligavitque dæmonem Ægyptium; oculorum lumen Thobiæ reddidit, eripuit filium a pisce devorante; illumque domum incolumem duxit, atque reduxit. Exorcizo vos nequissimos dæmones ✠ per sanctos Angelos, principes operum Dei, præstantissimæ virtutis duces coram Altissimo. Exorcizo vos nefarios ✠ per sanctos Angelos, qui apparuerunt Loth, atque hospitio fuerunt ab eo recepti. Exorcizo vos versutissimas inferni vulpes ✠ per illum Angelum, qui, de cœlo clamans, vocavit Abraham: ✠ per illos etiam, quos vidisse narratur Jacob: ✠ per illum, qui præcedere dicitur Dei castra: ✠ per illum, qui stetit contra Balaam: ✠ per illum Angelum vos exorcizo ✠ quem vidit Gedeon: per illum, qui apparuit Annæ sterili: ✠ per illum cœlestem spiritum vos adjuro, qui fuit ultor populi David, illius occidendo plebem: ✠ per illam Angelicam potentiam vos infames exorcizo ✠ quæ lo-

quata

quata est ad Eliam Thesbitem: ✠ per illam, quæ percussit de castris Assyriorum centum octoginta quinque millia: ✠ per illam, quæ piam Judith custodivit in Holofernīs obtruncationem: ✠ per illum Angelum vos conjuro ✠ qui descendit cum Azaria ac sociis in fornacem: ✠ per illum, qui in lacum leonum descendit, ut Danieli assisteret: ✠ per illum, quem in vertice apprehendisse Abacuc, atque in Babylonem asportasse scribitur. Conjuro vos dæmones pertinaces ✠ per sanctum Angelum vociferantem cum sociis juxta pastorum caulas, & illis gaudium magnum, de inclyta Jesu Dei Filii nativitate, annunciantem. ✠ Per illum, qui in somnis admonuit Joseph de fuga, quam arripere illum oportebat cum puero, & Maria semper Virgine, ejus conjuge, Deiq; matre. ✠ Exorcizo vos per illos Angelos, qui ad Jesum Dei genitum accesserunt, ministrantes illi post triumphum, quem de Sathana principe vestro potentissime retulit in deserto: ✠ per illum, qui aquæ motum in piscina, a Deo missus, faciebat: ✠ per illum, qui Dei Filium cohortabatur in horto ab instantis necis agonia: ✠ per illum vos conjuro, qui lapidem sepulchri magno cum terræ motu revolvit: per illum, quem Maria Magdalena sedentem vidisse in albis legitur, juxta Jesu tumulum. ✠ Conjuro vos immundos dæmones ✠ per illum Angelum, qui carceris ostia Petro aperuit, ejusque catenarum vincula solvit: ✠ per illum, qui Paulum etiam illæsum de carcere exemit: ✠ per illum, qui Philippum est allocutus, ut baptizaret Eunuchum: ✠ per illos Angelos vos conjuro ✠ qui sunt præsides Ecclesiarum, & populorum fidelium: ✠ per illos, qui stare dicuntur in circuitu throni Altissimi in cœlestibus, quique, videntes faci-

ciem

ciem Patris, laudant Agni virtutem, & fortitudinem magnam: ✠ per illos, qui ad diversa ministeria a summo omnium Conditore missi describuntur a Sancto Joanne in Apocalypsis libro; ad denotandum Dei magnalia, tum præterita, tum præsentia, tum futura. ✠ Conjuro vos diabolos ✠ per novem Angelorum choros, in tres divisos turmas, quæ hierarchiæ nuncupantur, ut incessanter divinæ adstent majestati: e quorum consortio, vos, miseri, ac infelices, sejuncti, ob vestram obstinatam superbiam, confusim cecidistis. Exorcizo vos perfidos ✠ per sanctos Angelos, hominum custodiæ, a Deo salutari nostro, benignissime destinatos, ut nos amabiliter instruant, dirigant, hortentur, protegant, tueantur, avertant, consolentur, sanent, & tandem, ad Deum ipsum, ac proximum nostrum perfectissime diligendum, inflamment. Et præcipue exorcizo vos nequissimos ✠ per Angelum hujus creaturæ N. custodiæ delegatum, quem contra te, vosque omnes iniquissimos spiritus, in hac ærumnarum palæstra, supplex invoco; nec non & Angelum meum dilectum, cujus tutelæ superna sum pietate commissus, humiliter precor, ab eoque efflagito, ac devotissime, quantum in me est, eum adoro, ut, una cum Angelis custodibus harum adstantium creaturarum, me validum, & hoc in bello potentem reddant, ad vos compellendos, ad vos dejiciendos, opprimendos, atque ab hac creatura, Christi sanguine redempta, procul pellendos; ita ut nunquam in ea, vel circa eam, amplius locum obtineatis.

Conjuro vos præcipue ✠ per Archangelos, quibus altissimorum ministeriorum est cura; quique summi nuncii dicti sunt; ipsi namque a Dei creatu-

ris vos diabolos expellunt, & sublimia, atque occulta revelare assolent. Conjuro vos inferni colubros ✠ per Virtutes cœlorum, miracula perpetrantes; præsules & summos Ecclesiæ ministros edocentes, & cohortantes. Conjuro vos Dei rebelles, ✠ per Angelicas Potestates, comprimantes vos diabolos, cœlorum apostatas, ne vestra virtute, ac voluntate perversa nos lædatis; & justos, in via virtutis, atque laboris hortantes, ne forte a bono desistant jam cœpto. Conjuro vos nequissimos, ✠ per Principatus, qui cæteros, quibus præsunt, spiritus, ad divinum ministerium implendum, summopere disponunt; conservant in unitatem regimina; instruunt subditos majoribus exhibere reverentiam; tantummodo ad Dei honorem justitiam exequi. Conjuro vos perfidos ✠ per Dominationes, quæ nullis subjici dicuntur spiritibus: docent in spirituali certamine prælationis exercere officium; ac, servili rejecto timore, Deo incessanter instruunt famulari. Conjuro vos per Thronos ✠ in quibus sedens Altissimus, sua per eos decernit, ac designat occulta judicia. Conjuro vos obstinatos, ✠ per Cherubim, divinis præ cæteris perfusos radiis; & plenitudinem lucis, quam a proximitate, cum prima veritate, suscipiunt, cæteris transfundunt cœlorum spiritibus; hominesque ad divinam ac summam ducunt agnitionem. Conjuro vos teterrimos, ✠ per Seraphim, qui, divina succensi dilectione, eorum ardore, cæteros ad Deum amandum accendunt. Exorcizo vos pessimos ✠ per beatorum prælationes spirituum, in quibus perpetuo absque ulla controversia perseverant. Conjuro vos nigerrimos ✠ per confirmationem sanctorum Angelorum, ex gratia ✠ per confirmationem ipso-

ipsorum ex gloria, ✠ per confirmationem eorundem ex natura. ✠

Exorcizo vos tandem ✠ per omnes Angelicos spiritus, ac spiritales potestates, quæ sunt cœlorum cives, aulici Dei omnipotentis, Paradisi Duces; sapientiæ & scientiæ doctores veracissimi, contra hæreses vestras; hominum, ad Dei imaginem effectorum, amatores zelantissimi, ductores, patroni, ac defensores, animarum illuminatores; custodes pervigiles, qui mala a nobis arcent, dolores leniunt, tentationibus resistunt. Exorcizo vos damnatissimos ✠ per sanctos cœlorum spiritus, qui sunt dæmonum destructores acerrimi, eversores maleficiorum, consummatores figmentorum vestrorum infernalium, adversatores instigationum pessimarum, protectores destitutorum, miserorum, ac pauperum; calefactores tepidorum in Dei proximorumq; dilectionem, consolatores afflictorum, desperatorum refugium, ostensores mysteriorum Dei, cohortatores debilium, & infirmorum. Conjuro vos reptilia infernalialia ✠ per sanctos Angelos, qui nos homines, in extremis laborantes, in Creatoris fide corroborant, ad peccatorum pœnitentiam incitant, ad lachrymas excitant, ad orationes provocant, ad cœlestia nostras erigunt mentes, ad salutis opera juvant, in Paradisum, vel purgationis locum, nos perducunt, ibique animas sæpissime invisere non cessant, donec, purgatis culparum maculis, cœlorum januas ingredi, Dei benignitate, dignemur; ad vestras, o damnati dæmones, desertas sedes replendas: ubi exultantes secum nos excipiunt Angeli sancti, Angeli lucis, Angeli pacis atque lætitiæ, mirifico gaudio gestien-

gestientes super nos peccatores, jam per pœnitentiam de vobis palmam reportantes.

Tandem, ut Dei minister indignus, & per hoc supra vos, per ejusdem gratiam, constitutus, vobis impero, ut vestram frangatis duritiem, ac cedatis, non mihi, sed Dei instrumento, Christique famulo.

✠ Conjuro vos ✠ per piissimum Dei Filii præcurso-
rem, Joannem Baptistam, in matris utero sanctita-
te donatum, Prophetarum vaticinio prædictum, ab
infidelibus honore habitum, baptizatum a Dei Filio,
auditum a discipulis, ac tandem ab impiis innocen-
ter occisum. Impero vobis immundissimis, ✠ per
sanctissimum Joseph Christi alumnum, ac Deiparæ
virginis sponsum dignissimum. Præcipio vobis per-
versis, hinc fugam arripere, ✠ per sanctum Petrum,
Apostolorum Principem, Christi Jesu in terris Vica-
rium, Clavicularium regni cœlestis, de fluctibus ere-
ptum, piscatorem hominum effectum, a Jesu ma-
gnopere dilectum, Spiritu sancto repletum, ac pro
Domino cruci affixum. Impero vobis diabolis, ut
pareatis, ✠ per sanctum Paulum, Doctorem gentium,
vas electionis effectum, Prædicatorem veritatis con-
stitutum, Spiritus sancti tubam positum, Apostolo-
rum novissimum; cui, post multas clades, pro Jesu
caput fuit amputatum. Impero vobis nequissimis,
✠ per sanctum Andream Apostolum, Petri germa-
num, cruci quoque affixum: per sanctum Joannem,
a Christo, præ cæteris discipulis, dilectum, virginitatis
flore redolentem, quique in cœna supra ejusdem
Domini pectus recubuit; in quo revelata illi fuerunt
arcana cœlestia: per Sanctos Jacobum Majorem, &
Minorem: per sanctum Philippum: per Sanctum
Matthæum: per Sanctum Bartolomæum, cui, pro
Christi

Christi nomine, propria pellis, ab impiis carnificibus fuit detracta: per Sanctum Tadeum: per Sanctum Simonem Apostolum. Præcipio vobis impiis spiritibus, ut obtemperetis, per cunctos Christi Discipulos. Præcipio vobis mendacissimis, ✠ per pios Evangelicæ veritatis promulgatores. Mando vobis, per omnes Sanctos Innocentes, pro Jesu nomine cæsos.

Præcipio vobis nefandissimis, ✠ per Sanctum Stephanum, Martyrum principem, lapidibus obrutum. Præcipio vobis ✠ per Sanctum Laurentium, pro Christi fide, in craticula constantissime combustum. Præcipio vobis ✠ per Sanctum Vincentium, pro Domino excarnificatum. Præcipio vobis ✠ per Sanctum Clementem, Ignatium, Theodorum, Vitum, Blasium, Januarium. Præcipio vobis vilissimis ✠ per Divas Luciam, Catherinam, Eulalam, Agatham, Agnetem, Cæciliam, Anastasiam, Barbaram, Irenem, Ireniam, Dorotheam, Teclam, Ursulam, suis cum sociis. Præcipio vobis ✠ per omnes Sanctos, & Sanctas Christi Martyres, celeberrimas inferni victrices.

Præcipio vobis durissimis ✠ per Sanctum Sylvestrum, Christi Vicarium: per Sanctum Gregorium, summum Pontificem, & Ecclesiæ Doctorem: ✠ per Sanctum Hieronymum, ✠ per Sanctum Augustinum, Doctorem maximum, atque hæreticorum malleum. Præcipio vobis ✠ per Sanctum Ambrosium, Hilarium, Chrysostomum, Nazianzenum, Thaumaturgum, Nyssenum, Alexandrum, Cyrillum, Urbanum, Zenonem, Bonaventuram, Carolum. Præcipio vobis ✠ per omnes Sanctos Pontifices, & Ecclesiæ Doctores. Præcipio vobis perversis ✠ per Sanctum Antonium eremicolam, Hilarionem, Serapionem, Moysen, Colum.

Columbanum, Ægidium, Onufrium, Gulielmum, Malcum, Paphnutium, Martinianum, Benedictum, atque Basilium, plæclarissimos Monachorum Primates. Præcipio vobis obstinatis ✠ per Sanctum Antoninum Abbatem, Surrentinorum patronum, ac flagellum vestrorum dæmonum valde terribile ✠ per Sanctum Brunonem ✠ per Sanctum Bernardum ✠ per Sanctum Albertum ✠ per Sanctum Vbaldum ✠ per Sanctum Zenonem ✠ per Sanctum Dominicum ✠ per Sanctum Franciscum, verum Christi pauperem, humilem, ac ferventem Jesu amatorem: ✠ præcipio vobis per Sanctum Thomam Aquinatem, Angelicum Doctorem ✠ per Sanctum Bernardinum ✠ per Sanctum Franciscum de Paula ✠ per Sanctos Ignatium, & Franciscum, novissimos Indiarum Apostolos ✠ per Sanctum Philippum Nerium, per Beatum Cajetanum, Regularium Clericorum auctorem ✠ per Beatum Andream Avellinum, inclytum charitatis amatorem. Impero vobis per omnes Sanctos Christi Confessores ✠ integerrimos.

Impero vobis ✠ per Sanctam Annam ✠ per Sanctam Mariam Magdalenam ✠ per Sanctam Mariam Ægyptiacam ✠ Mariam Salome ✠ Mariam Cleophe ✠ Claram ✠ Catharinam Senensem ✠ Thaidam ✠ Euphrosinam ✠ Theodoram ✠ Brigitam ✠ Theresiam ✠ Elisabetham ✠ Franciscam ✠ Vrsulam Benincasa ✠ ac tandem per omnes Sanctas Dei Virgines, ac Viduas, vos dæmones exorcizo, ✠ adjuro, ✠ cogo, ✠ ut, omni mora postposita, omni fallacia rejecta, omnique devicta obstinationis duritie, voci Sacerdotis, ac ministri Christi obtemperetis, atque incunctanter cedatis, fugam hinc prorsus arripientes.

Præcipiat igitur vobis mecum, Verbum caro factum ✠ mandet vobis mecum efficacissime Sanguis Christi Redemptoris ✠ mandet vobis mecum Crucis mysterium ✠ mandet vobis Sacrosancta Mater Ecclesia ✠ mandent vobis Christi Sacramenta ✠ mandet vobis gloria Virginis Dei genitricis Mariæ, supra choros sedentis Angelorum ✠ mandet vobis cedere turba cœlestium potestatum. ✠ Mandet vobis mitescere Patriarcharum fides ✠ Prophetarum mysteria ✠ Apostolorum charitas ✠ Evangelistarum veritas ✠ mandet vobis sanguis Martyrum ✠ sollicitudo Pontificum ✠ vigilantia Doctorum ✠ perseverantia Confessorum ✠ mandet vobis continentia Virginum.

Et ego, nomine, & virtute Altissimi, auctoritate prædicta, mihi communicata a Sancta Romana Ecclesia, atque in Christi sanguine roborata; & in virtute omnium Beatorum, ac per merita eorundem, iterum ut supra, & sub iisdem pœnis, vos diabolos conjuro ✠ vos perfidos spiritus adjuro ✠ vos infames Dei rebelles exorcizo ✠ in virtute omnium prædictorum, centies, ac millies, acerrime vobis inſto, ut meis pareatis mandatis ✠ vobis viriliter impero ✠ ut subjiciamini præceptis Sacerdotalibus, illico recedendo, per Sanctorum merita, per Sanctorum coronas, per Sanctorum gloriam, per Sanctorum gaudium, per Sanctorum lumen, per Sanctorum aureolas, per Sanctorum vitam, &c. Vos cedere cogo ✠ per Sanctarum animarum dona sublimia. Vos compello ✠ per Sanctorum corporum glorificatorum agilitatem, impassibilitatem, subtilitatem, atque splendorem: Vos coarcto ✠ per cuncta Sanctorum bona ineffabilia, eis a Deo communicata,

nicata, quæ nec auris audire, nec oculus videre, nec in cor hominis ascendere posse compertum est: quibus muneribus, & privilegiis, vos infelices damnati, in perpetuum orbatî remansistis. Verba igitur Prophetarum vos bubulos pungant, ✠ virtutes Patriarcharum vos mecum flagellent, ✠ labores, fides, ac prædicationes Apostolorum, vos canes, cædant. ✠ Dolores, ac patientia Martyrum, vos comburant ✠ perseverantia Confessorum vos pessundet ✠ Pontificum zelus vos tartarorum mancipia condemnet: ✠ sapientia Doctorum vos vilissimos confundat: ✠ puritas Virginum vos ad fugam compellat: ✠ lachrymæ, sudores, gemitus, singultus, atque suspiria pœnitentium Anachoretarum, vos confodiant ✠ vos feriant ✠ vos transverberent ✠ vos æternis cruciatibus torqueant: In nomine Patris, ✠ Filii, ✠ & Spiritus Sancti, ✠ Trini, uniusque Dei, qui est corona Sanctorum omnium. Amen.

De die Cinerum, & Hebdomade Sancta.

FERIA QUARTA CINERVM, ante Missam, benedicuntur Cineres, facti de ramis olivæ benedictis, anni præteriti.

Completa Cinerum benedictione, primum imponitur Cinis Sacerdoti celebraturo Missam, ab alio Sacerdote, si adest: alioquin Sacerdos ipsemet, genibus flexis, coram altari sibi Cineres imponit.

Postea veniunt alii, primo Clerus, per ordinem, deinde populus, & genibus flexis ante altare, sigillatim recipiunt cineres, a Sacerdote dicente: Memento, homo, quia pulvis es, & in pulverem reverteris.

Benedictio Cinerum, his maxime verbis peragitur:

X x x 2

Omni-

Omnipotens sempiterne Deus, parce pœnitentibus, propitiare supplicantibus: & mittere digneris Sanctum Angelum tuum de cœlis, qui bene † dicat, & sancti † ficiet hos cineres, ut sint remedium salubre, omnibus nomen tuum humiliter implorantibus, ac semetipsos pro conscientia delictorum suorum accusantibus, ante conspectum divinæ clementiæ tuæ facinora sua deplorantibus, vel serenissimam pietatem tuam suppliciter obnixequæ flagrantibus: & præsta, per invocationem sanctissimi nominis tui, ut quicunq; eos super se asperserint, pro redemptione peccatorum suorum, corporis sanitatem, & animæ tutelam percipiant. Per Christum Dominum nostrum &c.

IN DIE PALMARVM, Sacerdos procedit indutus pluviâ violaceâ, cum Ministris indutis habitu ejusdem coloris, & Ramis, in medio ante altare, vel ad cornu Epistolæ positus. A Choro cantatur Antiphona: Hosanna filio David. Post recitatas aliquas Orationes, Rami asperguntur aqua benedicta, & incensantur. Deinde, Sacerdos stans ante altare, versus ad populum, distribuit Ramos, primo Clericis, deinde Laicis. Postea fit Processio. In reversione Processionis ad Ecclesiam, duo vel quatuor Cantores intrant, & clauso ostio, stantes, versa facie ad processionem, incipiunt, Gloria laus &c. & totum decantant, usq; ad, Israël es tu Rex: Sacerdos vero, cum aliis stantibus extra Ecclesiam, repetit idem illud. Postea intrat Processio in Ecclesiam, cantando.

Cum cantatur in Hebdomade Sancta Passio Christi, & perventum est ad illa verba, quibus mors Christi describitur, uti apud Marcum hisce: Jesus autem emissâ

emissa voce magna, exspiravit: pausatur aliquantulum, & genu flectitur.

FERIA V. COENÆ DOMINI, in Missa, Agnus Dei dicitur, sed Pax non datur. Eo die, reservat Sacerdos, in loco honesto & convenienti, unam hostiam consecratam, pro die sequenti, in quo non conficitur; vel etiam plures, si necesse fuerit, pro infirmis: Sanguinem vero totum sumit. Deinde fiat Communio; postea compleatur Missa.

Finita Missa, accenduntur intorticia, & fit processio more solito. Celebrans, genu flectit ante altare, imponit incensum in duobus thuribulis, & cum altero incensat ter Sacramentum. Deinde, de manu Diaconi accepto Calice cum Sacramento, & cooperto extremitatibus veli, quo ejus humeri teguntur, procedit medius inter Diaconum a dextris, & Subdiaconum a sinistris, sub baldachino, duobus Acoluthis Sacramentum continue incensantibus, usq; ad locum præparatum, ubi pro crastino servandum est. Interea, dum fit Processio, cantatur Hymnus: Pange lingua gloriosi. Reposito Sacramento, & rursus incensato, in Choro dicantur Vesperæ. Postea, Sacerdos cum Ministris, denudet Altaria, legendo Antiphonam: Diviserunt sibi vestimenta mea, & super vestem meam miserunt sortem: cum toto Psalmo XXI.

Post denudationem Altarium, facto signo cum tabula, conveniunt Clerici, ad faciendum mandatum. Major abluit pedes minoribus, tergit, & osculatur. Interim cantantur Antiphonæ variae.

FERIA SEXTA, finita nona, Sacerdos & Ministri, induti vestimentis nigris, procedunt sine luminaribus & incenso, & ante Altare prostrati, aliquandiu orant. Interim Acoluthi unam tantum to-

baleam extendunt super *Altare*. Sacerdos cum Ministris, facta oratione, accedit ad *Altare*, recitantur deinde preces, & passio Domini, secundum Johannem.

Completis Orationibus, Sacerdos, deposita casula, procedit ad Cornu Epistolæ, & ibi, in posteriori parte anguli Altaris, accipit Crucem a Ministris sibi præparatam: quam, versa facie ad Chorum, parum discooperit, incipiens *Antiphonam*: Ecce lignum Crucis: juvatur deinde a Ministris, & Choro cantante: Venite adoremus: mox omnes se prosternunt. Deinde procedit ad anteriorem partem Anguli ejusdem cornu Epistolæ, & discooperiens amplius Crucem, elevans eam paulisper altius quam primo, incipit: Ecce lignum Crucis: aliis cantantibus & adorantibus. Deinde Sacerdos procedit ad medium Altaris, & discooperiens Crucem totaliter, ac elevando eam tertio altius, incipit: Ecce lignum crucis: Aliis cantantibus & adorantibus. Postea Sacerdos deponit Crucem, in loco ad hoc præparato ad *Altare*.

Circa finem adorationis Crucis, accenduntur Candelæ super *Altare*, & Diaconus, accipiens bursam Corporalium, extendit Corporale more solito, & finita adoratione, Crucem reverenter recipit, & portat ad altare. Postea ordinatur Processio ad locum, ubi pridie Sacramentum repositum fuerat. Præcedit Crux inter duos Acoluthos, deferentes Candelabra cum cereis accensis, & Clerus per ordinem, ultimus Sacerdos cum Ministris. Cum perventum fuerit ad locum Sacramenti, accenduntur intorticia, quæ non extinguantur nisi post sumtionem Sacramenti, & Sacerdos genu flexit ante Sacramentum, orat aliquantulum. Diaconus interim aperit capsulam, in qua reconditum est Corpus Domini. Postea Sacerdos im-

ponit

ponit incensum in duobus thuribulis, Diacono naviculam ministrante, & genu flexus incensat Sacramentum. Deinde Diaconus, extrahens Calicem cum Sacramento de Capsula, dat ad manus Sacerdotis, & tegit extremitatibus veli, quod humeros Sacerdotis circumdat: & procedunt ordine, unde venerunt. Defertur baldachinum supra Sacramentum, & duo acoluthi, cum thuribulis continue Sacramentum incensant. Interim cantatur Hymnus: Vexilla Regis prodeunt. Cum venerit Sacerdos ad Altare, posito super illud Sacramento, genu flexus id rursus incensat, & accedens ponit Hostiam super Patenam, quam Diaconus tenet. Deinde accipiens Patenam cum Sacramento, de manu Diaconi, Hostiam sacram ponit super Corporale, nihil dicens. Interim Diaconus infundit vinum in Calicem, & Subdiaconus aquam. Sacerdos, accipiens Calicem a Diacono, ponit super Altare, nihil dicens, & Diaconus illum cooperit: deinde Sacerdos imponens incensum in thuribulo, incensat Oblata & Altare, more solito. Reddit deinde thuribulum Diacono, postea lavat manus, recitatq; aliquas Orationes. Tunc, facta reverentia usq; ad terram, Sacramentum in dextram accipit, & elevat, & statim dividit in tres partes, quarum ultimam mittit in calicem. Post recitatam Orationem, sumit Corpus Domini, itemq; Vinum cum particula Hostiæ: & more solito abluat digitos.

IN SABBATO SANCTO, hora competenti, cooperiuntur Altaria, & dicuntur Horæ. Interim excutitur Ignis de lapide, & accenditur. Dicta Nonna, Sacerdos, indutus amictu, Alba, Cingulo, Stola, & Pluviali violaceo, a stantibus Ministris cum Cruce, Aqua benedicta, & Incenso, benedicit novum

Ignem: *dicens inter alia* : Deus, qui per Filium tuum, angularem scilicet lapidem, claritatis tuæ fidelibus ignem contulisti productum ex filice, nostris profuturum usibus : novum hunc ignem sanctifica, & concede nobis, ita per hæc festa paschalia celestibus desideriis inflammari, ut ad perpetuæ claritatis, puris mentibus, valeamus festa pertingere. Per eundem Dominum nostrum. *R. Amen.*

Deinde benedicit quinque grana Incensi, ponenda in Cereo, dicens hanc Orationem :

Veniat, quæsumus, Omnipotens Deus, super hoc incensum, larga tuæ benedictionis infusio: & hunc nocturnum splendorem, invisibilis Regenerator; accende: ut non solum sacrificium, quod hac nocte litatum est, arcana luminis tui admistione refulgeat: sed, in quocunque loco hujus sanctificationis mysterio fuerit deportatum, expulsa diabolicæ fraudis nequitia, virtus tuæ majestatis assistat. Per Christum Dominum nostrum. *R. Amen.*

Dum benedicit Incensum, Acoluthus, assumens de carbonibus benedictis, ponit in thuribulum. Finita vero benedictione Incensi, Sacerdos Incensum & Ignem benedictum aspergit Aqua benedicta : & de navicula posito incenso in thuribulo, inde adolet prædicta grana incensi, & ignem benedictum. Interim omnia luminaria Ecclesiæ extinguuntur, ut de Igne benedicto accendantur.

Deinde Diaconus, indutus Dalmatica albi coloris, accipit arundinem cum tribus candelis, in summitate illius, triangulo distinctis. Præcedit Thuriferarius cum Acolutho, deferente in vase quinque grana Incensi. Sequitur Subdiaconus cum Cruce, & Clerus per ordinem, deinde Diaconus cum arundine, post eum Celebrans.

brans. Cum Diaconus ingressus est Ecclesiam, inclinat arundinem, & Acoluthus, deferens Candelam accensam de novo igne, accendit unam ex illis tribus candelis, desuper positis: & Diaconus, elevans arundinem, genu flectit, similiter & omnes alii cum eo, & cantat solus: Lumen Christi. R. Deo gratias. Procedens deinde ad medium Ecclesiae, & ibi accenditur alia Candela: & iterum genuflexus, altius cantat: Lumen Christi. R. Deo gratias. Idem tertio fit. Deinde dat arundinem Acolutho, & accipiens Librum, petit a Celebrante benedictionem. Postea vadit ad pulpitum, & ponit super eo librum, & incensat. Ad dextris Diaconi, stent Subdiaconus cum Cruce, & Thuriferarius; a sinistris, duo Acoluthi, ille, qui tenet arundinem, & alius, tenens in vase quinq; illa grana Incensi benedicti, figenda in Cereo. Tunc, surgentibus & stantibus omnibus, Diaconus cantat:

Exultet jam Angelica turba cœlorum. Exultent divina mysteria, & pro tanti Regis victoria, tuba insonet salutaris. Gaudeat & tellus, tantis irradiata fulgoribus, æterni Regis splendore illustrata, totius orbis se sentiat amisisse caliginem. Lætetur & mater Ecclesia, tanti luminis adornata fulgoribus: & magnis populorum vocibus hæc aula resultet. Quapropter astantes vos, Fratres Charissimi, ad tam miram hujus sancti luminis claritatem, una mecum, quæso, Dei omnipotentis misericordiam invocate: ut, qui me, non meis meritis, intra Levitarum numerum dignatus est aggregare, luminis hujus claritatem infundens, Cerei hujus laudem implere perficiat, per Dominum nostrum Jesum Christum, Filium suum, qui cum eo vivit &c. R. Amen.

Dominus vobiscum. R. Et cum spiritu tuo.

Sursum corda. *R.* Habemus ad Dominum.

Gratias agamus Domino Deo nostro. *R.* Dignum & justum est.

Vere dignum & justum est, invisibilem Deum, Patrem omnipotentem, Filiumque ejus unigenitum, Dominum nostrum Jesum Christum, toto cordis & mentis affectu, & vocis ministerio personare. Qui pro nobis, æterno Patri, Adæ debitum solvit, & veteris piaculi cautionem pio cruore deterfit. Hæc sunt enim festa Paschalia, in quibus verus ille agnus occiditur, cujus sanguine postes fidelium consecrantur. Hæc nox est, in qua primum patres nostros, filios Israël, eductos de Ægypto, mare rubrum sicco vestigio transire fecisti. Hæc igitur nox est, quæ peccatorum tenebras, columnæ illuminatione, purgavit. Hæc nox est, quæ hodie, per universum mundum, in Christo credentes, a vitiis seculi, & peccatorum caligine segregatos, reddit gratiæ, sociat sanctitati. Hæc nox est, in qua, destructis vinculis mortis, Christus ab inferis victor ascendit. Nihil enim nobis nasei profuit, nisi redimi profuisset. O mira circa nos tuæ pietatis dignatio! O inæstimabilis dilectio charitatis! ut servum redimeres, filium tradidisti. O certe necessarium Adæ peccatum, quod Christi morte deletum est. O felix culpa, quæ talem ac tantum meruit habere Redemptorem. O vere beata nox, quæ sola meruit, scire tempus & horam, in qua Christus ab inferis resurrexit. Hæc nox est, de qua scriptum est: Et nox sicut dies illuminabitur, & nox illuminatio mea in deliciis meis. Hujus igitur sanctificatio noctis, fugat scelera, culpas lavat, & reddit innocentiam lapsis, & mœstis lætitiā. Fugat odia,

Hic

*Hic Diaconus infigit quinque grana incensi benedicti
in Cereo, in modum Crucis.*

concordiam parat, curvat imperia. In hujus igitur noctis gratia, suscipe, Sancte Pater, incensi hujus sacrificium vespertinum, quod tibi in hac cerei oblatione solemni, per ministrorum manus, de operibus apum, Sacrosancta reddit Ecclesia. Sed, jam columnæ hujus præconia novimus, quam in

Hic Diaconus accendit cereum.

honorem Dei rutilans ignis accendit. Qui, licet sit divisus in partes, mutuati tamen luminis detrimenta non solvit. Alitur enim liquantibus ceris, quas in substantia pretiosæ hujus

Hic accenduntur lampades.

lampadis apis mater eduxit. O vere beata nox, quæ exspoliavit Ægyptios, ditavit Hebræos. Nox, in qua terrenis cœlestia, humanis divina junguntur. Oramus ergo te, Domine, ut Cereus iste, in honorem tui Nominis consecratus, ad noctis hujus caliginem destruendam, indeficiens perseveret, & in odorem suavitatis acceptus, supernis luminaribus misceatur. Flammas ejus Lucifer matutinus inveniat: ille, inquam, Lucifer, qui nescit occasum; iste, qui regressus ab inferis, humano generi serenus illuxit. Precamur ergo te, Domine, ut nos famulos tuos, omnemque Clerum, & devotissimum populum, una cum Beatissimo Papa nostro N. & Antistite nostro N. quiete temporum concessa, in his paschali-bus gaudiis, assidua protectione regere, gubernare, & conservare digneris. Respice etiam ad devotissimum Imperatorem nostrum N. cujus tu, Deus, desiderii vota prænosces, ineffabilis pietatis & misericordiæ

cordiæ tuæ munere, tranquillum perpetuæ pacis accommoda, & cœlestem victoriam cum omni populo suo. Per eundem D. N. J. C. filium tuum, qui &c. R. Amen.

Completa Benedictione Cerei, Diaconus, depositis albis, sumit violacea paramenta, & vadit ad celebrantem. Postea leguntur Prophetiæ sine titulo, & in fine Prophetiarum dicuntur Orationes.

His expletis, si Ecclesia habuerit Fontem Baptismalem, Sacerdos, benedicturus Fontem, accipit Pluviale violaceum, & procedit usq; ad Fontem, precedentibus Ministris cum Cruce, & Cereo benedictio accenso. Recitatis aliquibus precationibus, dum cantat Hymnum, dividit aquam manu, in modum Crucis; aquam manû tangit; facit Cruces supra fontem; dividit aquam, & effundit in quatuor mundi partes: balat ter in aquam, in modum Crucis; ponit cereum parum intus in aquam, dicens: Descendat in hanc plenitudinem fontis virtus Spiritus S. & resumit. Deinde extractum Cereum de aqua iterum profundius mergit, inquiens: Descendat &c. Postea extractum rursus Cereum tertio immergens, usq; ad fundum, repetit: Descendat &c. Et deinde, sufflans ter in aquam, tollit Cereum de aqua.

Mox, per assistentes Sacerdotes, spargitur de ista aqua benedicta super populum. Et interim unus ex Ministris Ecclesiæ accipit in vase aliquo de eadem aqua, ad aspergendum in domibus, & aliis locis. His peractis, Sacerdos, qui benedicit Fontem, infundit de Oleo Catechumenorum in aquam, in modum Crucis, dicens: Sanctificetur & fœcundetur fons iste, oleo salutis, renascentibus ex eo in vitam æternam. R. Amen. Deinde eodem modo infundit de Chri-
smate

smate dicens : Infusio Chrismatis D. N. I. C. & Spiritus S. paracleti, fiat in nomine Sanctæ Trinitatis. R. Amen.

Postea, accipit ambas ampullas, dicti olei sancti, & chrismatis, & de utroq; simul, in modum Crucis, infundens, dicit: Commistio Chrismatis sanctificationis, & olei unctionis, & aquæ baptismatis, pariter fiat in nomine Patris, & Filii, & Spiritus Sancti. R. Amen.

Tunc miscet ipsum oleum, cum aqua per omnem fontem. Si aderunt baptizandi, baptizat more consueto. Deinde dicuntur Litanie. Postea rediens, preparat se pro Missa solemniter celebranda.

Vbi non sunt Fontes Baptismales, finita ultima Prophetia cum sua oratione, Celebrans, casula deposita, cum Ministris ante Altare procumbit, & aliis omnibus genuflexis, cantantur Litanie in medio chori, a duobus Cantoribus, utroq; Choro idem simul respondente. Circa finem Litaniarum, Sacerdos & Ministri induantur paramentis albis, & interim accenduntur luminaria in Altari.

Formulæ Licentiarum.

Licentia pro comedenda carne in Quadragesima.

N. Dei & Apostolicæ Sedis gratia Episcopus &c.

Dilecto nobis in Christo N. salutem in Domino sempiternam. Exposuisti Nobis, quod, ob quasdam corporis indispositiones, per hujus Anni Quadragesimam, a Carnium esu, absque notabili sanitatis detrimento, abstinere non possis, rogans, ut tibi carnibus

bus vescendi licentiam impertiremur. Attendentes itaque S. M. Ecclesiæ benignitatem, ex causis, pro Medici Consilio coram nobis producto, insinuatis, (quas ejusdem conscientia relinquimus) ut, iis causis durantibus, hoc sacro Quadragesimali tempore, exceptis Feriis 4. 6. & Sabbatho, ad Dominicam usque Judica, secreto, & absque aliorum scandalo, carnibus vesci possis, licentiam in Domino concedimus: hortantes, ne hanc licentiam, aliis piis operibus compensare intermittas. In quorum fidem, præsentibus, Consistorii nostri Sigilli impressione, & Officialis propria subscriptione, communiri iussimus. Ex Curia Episcopali N. Die . . Mensis . . . Anno . . .

Licentia recipiendi puellam in Monasterio, ad habitum religionis.

Nos &c. Cum voluntatem N. diligenter exploraverimus, eamque liberam & piam esse, quantum humano judicio existimari potest, compererimus, eandem quoque N. ætatem annorum XVI. explevisse noverimus, juxta Monasterii Ordinis S. N. instituta, vidimus quoque fidem instrumenti depositi, & obligationis dotis, seu eleemosynæ monasterio debitæ, licentiam & facultatem concedimus, ut ea in Monasterio S. N. ad Religionem admittatur recipiaturque, & Professionem emittere valeat, cujus tempus Præfecta nobis ante mensem denunciaret, sub pœna Concilii Tridentini decreto expressa. Datum &c.

Licentia visitandi Monasteria Monialium.

Nos N. tibi dilecto nobis in Christo, Reverendo N. per præsentibus facultatem damus, & mandatum,

datum , ut Monasteria Monialium S. S. N. N. & N. Ordinis S. N. existentia in diœcesi N. prout expediens tibi videbitur, visites , & de ipsorum Monasteriorum statu , ac ipsarum Monialium vita, & moribus, Regularibus institutis , ac Monasticæ disciplinæ observantia diligenter inquiras , ac super his, & quibuscunque abusibus, nec non criminibus, excessibus, & delictis, si quæ deprehenderis, processus facias, informationes quascunque sumas, atq; alia, quæ tibi ad aures commisimus , & quæcunque in præmissis, & circa ea necessaria, seu quomodolibet opportuna fuerint, facias, geras, & exequaris. Facultatem tibi dantes , causa & occasione hujus visitationis, ut, quoties opus fuerit, septa & clausuram eorundem Monasteriorum possis, una cum N. tibi adjuncto comite, ingredi, cui etiam comiti, eo casu, intra eadem septa ingrediendi licentiam impertimur. Mandantes omnibus & singulis Abbatissis, Priorissis, Præfectis, & aliis quibuscunque Superioribus dictorum Monasteriorum, in virtute sanctæ obedientiæ, & sub pœna privationis officiorum obtentorum, atque etiam censuris, aliisque pœnis Ecclesiasticis, arbitrio tuo infligendis, ut mandatis tuis pareant, ne te in visitatione, correctione, aliisque per te faciendis, quoquo modo impedian, per se, nec per alios, quovis quæsito colore vel prætextu. In quorum fidem &c. Dat. &c.

Licentia pro Confessario Ordinario Monialium.

Nos &c. Licentiam concedimus tibi Presbytero N. per examinatores nostros idoneo reperto, & per nos approbato, ut in Ecclesia & Monasterio S. N. Confessiones Monialium audire, & secularium

rium etiam, si quæ in in eodem Monasterio erunt, easque absolvere valeas, præterquam a casibus & censuris nobis reservatis, a quibus absolvendi facultatem, cum opus erit, tibi impertiemur. In clausuram Monasterii non ingredieris, nisi superpelli-cco & stola indutus, ut administres tantummodo Sancta Sacramenta Pœnitentiæ, Eucharistiæ, & Extremæ Vnctionis, & spiritualem opem agonizantibus præstes. Quibus casibus semper tuo hoc munere perfungeris, sociatus a duabus ex senioribus monialibus, quæ, cum Confessiones audis, te etiam videre possint, licet non audire. Cave, ne te Monasterii, aut Monialis alicujus quibuscunque negotiis immisceas, nec ad crates aut rotas colloquaris, nisi ut tantummodo petas ea, quæ Ecclesiæ cultui, & Divinorum officiorum celebrationi, aut Sacramentorum administrationi, sunt necessaria. Vocatus tamen, ut aliquod præstes spirituale consilium, id effice ad crates, quæ clausæ sint, præsentisque adsint Moniales auscultatrices, & non aliter, sub pœnis, in Constitutionibus fel. record. Clementis Papæ VIII. & aliorum Summorum Pontificum inflictis, & arbitrio nostro infligendis. Datum &c.

Licentia pro Servo communi Monasterii.

Nos &c. Licentiam concedimus N. ut possit ingredi clausuram Monasterii Monialium S. N. ad effectum ita tamen ut associetur a senioribus Monialibus ad id deputatis, cæteris Monialibus ex ejus aspectu omnino secedentibus. Non ingrediatur autem Monasterium, ante signum Ave Maria dari solitum mane; nec ibi commoretur post signum Ave Maria vespertinum. Ibi non comedat nec bibat,

bibat, ibique solum se occupet, in rebus ad ejus artem aut exercitium pertinentibus, juxta necessitatem Monasterii, hic & nunc occurrentem; non vagetur per monasterium: observet denique, quæcunque alia in nostro generali edicto, hac de re lato, continentur. Hanc vero licentiam, volumus durare ad menses Datum.

Licentia pro Laico, accessuro ad Monialium Collocutoria, causa alloquendi illas.

Nos &c. Concedimus licentiam Domino N. ut possit horis congruis adire Collocutorium Monialium S. N. ibique loqui cum R. Moniali N. de rebus ac negotiis hic & nunc occurrentibus; non tamen die festivo, aut tempore Quadragesimæ, vel Adventus, vel Vigiliæ; & cum assistentia Auscultatricum, ad munus hoc deputatarum, juxta nostrum generale edictum. Volumus autem, hanc licentiam durare ad Menses Datum

De Parocho.

Parochi non debent uti vestibus holosericis, item nec annulis. Vestes eorundem debent esse talaris, sive longæ usque ad talos: atque viridi, quia Episcoporum est, & rubro, quia Cardinalium est, colore uti prohibentur.

Non licet Parochis vel Clericis cauponas vel tabernas ingredi, nisi longioris itineris causa: sunt enim fomenta intemperantiæ & incontinentiæ. Iidem non debent Choreis & Comædiis interesse; quod tamen conceditur, si id fieri possit citra scandalum.

Parochi, quibus non suppetit ex sacerdotio, possunt honesto aliquo artificiolo victum quærere; dummodo non impediuntur munera obire, quibus incumbere debent.

Clericis non licet deferre Arma. Permittitur tamen hoc, quando per loca periculosa iter faciunt, ad terrorem latronum.

Parochus, & alii animarum Rectores, tenentur, de jure divino, in suis Ecclesiis residere. Vnde non potest Parochus abesse ab Ecclesia sua, propter intemperiem aëris, pestem, Principis & populi furorem, inimicitias capitales, aut senectutem. Potest tamen abesse ab Ecclesia, singulis annis, animi relaxandi causa, per duos menses, sive continuos, sive interruptos, substituto prius Vicario idoneo. Ultra bimestre abesse non licet, nisi causa approbata ab Episcopo in scripto: minime vero abesse debet Parochus tempore Adventus, Natalis, Quadragesimæ, Resurrectionis, Pentecostes, & celebritatis Corporis Christi.

Nullo infirmante, potest Parochus abesse per aliquas horas, etiamsi neminem substituat: sed ultra biduum absens Parochus, ab Episcopo potest puniri.

Parochus potest abesse a sua Ecclesia ex 4. causis, in scripto ab Episcopo approbandis. 1. Ob Christianam charitatem. 2. Ob urgentem necessitatem. 3. Ob debitam obedientiam. 4. Ob evidentem Ecclesiæ vel Reipublicæ utilitatem.

Parochus, & omnes alii Sacerdotes, in articulo mortis, omnes pœnitentes, a quibusvis peccatis & censuris absolvere possunt; licet talis Parochus vel Sacerdos esset interdictus, excommunicatus, denunciatus, suspensus, degradatus, hæreticus; quam-

vis maxime pœnitentes essent alienæ diœcesis & parochiæ.

Parocho licet, ob tuendam vitam, non integram bestiferati confessionem audire, sed, duobus vel tribus peccatis perceptis, statim absolvere, & fugere, imposito tamen hoc onere pœniteni, ut, si convalescat, reliqua crimina, debito tempore, confiteatur.

In periculo mortis, uti in peste, bello, naufragio, possunt omnes, signo aliquo, uti genuflexione, significare se peccasse, & de eo dolere, & tunc etiam omnes a Confessario possunt absolvi.

De Ecclesiis & earum Ornamentis, ac reverentia.

In qualibet Parochiali Ecclesia debet asservari Eucharistia.

Lampas ante Sacramentum diu noctuq; ardere debet, tum propter ejus reverentiam, tum etiam, ut ingredientes Ecclesiam, sciant, ubi adorare debeant præsentiam Salvatoris.

Parochus, in Ecclesia consecrata, non potest erigere Altaria, nisi de licentia Episcopi.

Altaria Portatilia, debent esse capacia pedis calicis, & hostiæ consecratæ.

Altare vestiatur tribus mappis, vel altera, ex duabus, duplicata. Ponenda in eo Crux, inter candelabra, etiamsi in icone sit pictus crucifixus.

In Altari, in quo celebravit Episcopus, alius eodem die celebrare non debet, sine licentia.

Nemo sepeliendus prope Altare. Si contrarium fiat, non debet in illo Altari celebrari, donec corpora alio transferantur.

Corporale debet esse mundum, ex lino; extimæ tamen ejus parti, potest addi sericum. Benedicitur una cum Palla. Non debet tangi a laicis, neque a fœminis, etiam sacris, neque lavari in vase communi.

Si polluitur Ecclesia, & ignoratur, & post dies octo res veniat in notitiam, ita, ut interea ibi fuerit celebratum, non opus est reconciliatione.

Parochus, nec quivis alius Ecclesiæ Rector, debet insolitas imagines ponere in Ecclesia, non prius approbatas ab Episcopo.

Arma, Sagittæ, & ejusmodi instrumenta alia, non appendenda in Ecclesiis.

Actus seculares in Ecclesia non sunt exercendi. Actus tamen Ecclesiastici, ad voluntariam pertinentes jurisdictionem, ibi celebrari possunt; uti est promotio Doctoratus.

Si quis reperitur mortuus in puteo, vel laqueo suspensus, non debet privari Ecclesiastica sepultura: quia, ubi non constat, quod quis seipsum interfecerit, non est id præsumendum: quia potuit, per insidias, aut vim, in puteum projici vel suspendi, aut ex furore, vel mentis alienatione, id facere.

In quibusdam Germaniæ locis, ubi Catholici cum Lutheranis permixti vivunt, permitti solet, ut hi in locis sacris sepeliantur a Ministris suis. Si tamen possibile esset, talis consuetudo tolli deberet, & curandum, ut Catholici separatam sepulturæ locum retinerent.

Si Hæreticus, ante mortem, manifesta signa dedit conversionis, licet ab hæresi absolutus non sit, potest in loco sacro sepeliri. Quamvis, ad vitandum scandalum, & alia incommoda, oporteat prius Episcopum

pum admonere : qui etiam, post mortem, hominem ab excommunicatione absolvere potest.

De diebus Festis.

Parocho concedere potest Episcopus , ob defectum Sacerdotum, ut in diebus festis bis celebret.

Festorum observantia, quoad vacationem ab operibus servilibus, incipit a media nocte præcedentis diei, usque ad aliam sequentis. Licentia laborandi die festo, regulariter a solo Episcopo concedi debet. Sed, cum ad Episcopum, vel Vicarium, non potest haberi recursus, eam concedit Parochus, si urgeat necessitas: uti tempore Messis, Vindemiæ, incursum hostilis.

Parochus potest pro casibus repentinis, modo adsit causa rationabilis, dare licentiam laborandi in festo.

Parochus potest aliquid exigere a laborantibus in die festo, mutando hoc opus servile in aliquam largitionem, quæ tamen cedat in opus pium.

Nundinæ occurrentes in die festo, quæ fiunt qualibet hebdomada, fiant in feria præcedente; quæ vero semel in anno instituuntur, tolerari possunt, post celebratam Missam majorem.

Si quis moriatur in die Paschatos, corpus ejus reservetur in sequentem diem, ob festi reverentiam.

Post Pascha, olim agi solebat *Quinquagesima*, hoc est, Quinquaginta dies, qui Pascha proxime sequebantur, omnes erant festi, & nec jejunabant Fideles, nec genibus succidentes precabantur. Initium Quinquagesimæ est a Septimana in Albis, inde sic dicta, quod Sabbatho Magno initiati, per totam hanc

Septimanam, Albati, id est albis vestibus, in signum Christiani candoris & innocentiae, incederent.

De Jejunio.

Parochus potest dispensare circa jejunium, si res urgeat, & Episcopus, vel ejus Vicarius, consuli non possint. Imo, ex consuetudine universali, etiam praesente Episcopo, id ei facere licet.

Parochus, stante justa causa, tenetur dispensare in lege jejunii, & in esu carnum, aut lacticiniorum, quoties id expedit notabiliter communi bono, vel privato spirituali, aut corporali petentis. Idem, ex justa causa, potest transferre jejunium vigiliae in alium diem, uti si jejunium vigiliae S. Johannis Baptistae, incidat in festum Corporis Christi.

Rogationum dies tres sunt, qui celebrantur ante Ascensum Domini, juxta morem Ecclesiae Gallicae. Cum enim A. 466. lupi, & terræmotus magnas calamitates inferrent, congregati apud Viennam Episcopi, quos inter praecipue erat Mammertus, statuerunt triduo jejunio, & Processionibus sive Litanis, misericordiam Dei implorandam esse. Quod cum successisset, factum est, ut hi dies, in solemnitatem annuae celebritatis, in Gallia venirent.

De Sanctorum Opitulatione.

Salmeron Disp. 7. in 1. Tim. 2. Tom. 15. scribit: Sancti non opitulantur omnibus aequaliter. Nam, sunt aliqui, qui in quibusdam necessitatibus peculiariter opem ferunt, & alii etiam, quibus in hac vita, ob accepta beneficia, particulari ratione auxiliandi tenebantur. Hinc Hispani peculiariter colunt B. Jacobum; Sebastianum, Lusitani; Romani, Petrum & Pau-

Paulum; Florentini, Johannem Baptistam; Veneti, Marcum; Senenses, B. Virginem; Galli, Dionysium; Germani, Barbaram; Angli, Georgium, & Thomam Cantuariensem; Parisienses, Genevesam Virginem; Mediolanenses, Ambrosium; Siculi, Agatham & Luciam; Neapolitani, Januarium; denique, quodlibet Religiosorum institutum suum Caput pie veneratur: ut, Dominicum, Franciscum, Augustinum, Hieronymum, Benedictum, & Carmelitæ Eliam, Bernhardum Bernharditæ. Hæc multiformis munerum distributio, partim a Deo inspirata, partim revelata est per Angelos, partim piis conjecturis deprehensa, & præcipue in illis rebus succurrunt, quas ipsi experti sunt. Ita invocamus Petrum, in vinculis; Paulum, in conversione; utrumq; in periculo maris: Johannem Baptistam, in nativitate; Evangelistam, in colenda virginitate; Sebastianum, & Rochum, in peste depellenda; Antonium, in igne abarcendo, & rebus amissis inveniendis, & similibus aliis plerisque.

De Electione, & Coronatione Romani Pontificis: item, quomodo Ecclesiæ Lateranensis capiat possessionem.

Romanus Pontifex, cum fato proximus, in agone mortis constituitur, solet Cardinalis Nepos, hoc est, is, quem e cognatis Papa Cardinalem creavit, ut illum assidue secum in Palatio habeat, eoque in rebus gerendis adjutore utatur, de hac re, per familiares ac domesticos, Prelatos, Cardinales omnes, itemq; Legatos Principum, certiores reddere. Idem simul jubet, ut ii, qui, ob ponticam aliquam causam, captivi in carceribus detinentur, in S. Angeli castel-

lum quantocyus transferantur : solet enim Senatus Romanus, qui, mortuo Pontifice, jurisdictionem per Urbem ampliozem exercet, captivis gratiam facere, eosque e custodia liberare. Interea loci conveniunt Cardinales, Legatiq;, citra moram, & erga Cardinalem Nepotem ægrimoniam suam, ob Pontificis imminentem mortem testantur, simulque cum ipso in conclave animam agentis sese conferunt, ut hunc e vita emigrantem, precibus suis prosequantur. Notandum autem, Pontifices ante obitum, *nulla Testamenta, aut voce, aut literis condere*: vix enim hereditatem aliquam post se relinquunt, quod omnes facultates suas, dum superstites vitam agunt, inter Nepotes dividere consueverunt: Bullas tamen in favorem ipsorum expediunt, quibus tum ecclesiasticis, tum secularibus bonis, abunde illis prospicitur. Postquam decessit Pontifex, Cardinalis Nepos, omnesque familiares ejus, Palatium deserunt, ac in Urbem habitatum concedunt, vacuum *relinquentes Palatium Cardinali Camerario*, ut ibi moretur, quoad in conclave ingressus fit. Adest mox Camerarius, &, postquam exanime cadaver Pontificis nonnihil collustravit, *omnia Sigilla & Typaria* defuncti, quæ ad ipsum Datarii ac Secretarii deferunt, ne qua fraus imposterum committi queat, confringit. Committitur quoque in frustra *Annulus Piscatoris*, qui sigillum est totum aureum, valore centum Scutatorum, quod ipse Pontifex suspensum e collo gestare solet, & cujus fragmina, ex veteri more, cedunt Magistris Ceremoniarum. Camerario adhærent deinde *milites Prætoriani Pontificis*, non in Palatio tantum, sed & cum per Urbem incedit. Idem Inventarium conficit bonorum mortui Pontificis, quin & *Numos* cudit,

cudit , qui una parte Sedem vacuam , aut Claves , decussatim sub umbella positos , altera ejus Insignia gentilitia exhibent. Habentur vero singulis diebus , mane , peractis sacris , *Congregationes Cardinalium* , in quibus , exspirantibus jam , cum ipso Pontifice , Præfecturis Regionum , & Urbium , universisq; aliis (nisi quibus Cardinales præsunt) Curia muneribus ac officiis , de confirmandis tantisper , ad novi usque Pontificis electionem , antiquis Administratoribus magis necessariis , aut etiam aliis substituendis ; de scribendis ad Reges & Principes externos literis ; & de toto futuro Conclavi ordinando , instituitur deliberatio. Præcipue , supremo militiæ Ecclesiasticæ Duci , Præfecto Urbis Romæ , & Præposito Castellæ S. Angeli , prorogatur potestas. Pomeridianas horas , mutuis arcanisque inter se , & cum Legatis Principum colloquiis , Cardinales impendunt. Cæterum , Pontificis mortui exenteratum corpus , *Pontificali habitu splendide amictum* , a *Canonicis S. Petri in Vaticanum* deferitur , comitantibus funus , ab illo creatis Cardinalibus , domesticisque ejus , ibique in Sacello Gregoriano , cujus aditus cancellis præclusus , populo postremo venerandum , pesque dexter , extra cancellos porrectus , eidem osculandus exponitur. Continuat hęc ceremonia per triduum , quo finito , cadaver , eorundem , qui illud in Vaticanum detulerant , interventu , *in loculum cupresseum* , additis Numis aureis argenteisque , memoriam rerum gestarum continentibus , deponitur. Cupresseus loculus , alio plumbeo , probe obturato , operitur : atque hoc (ceui vocatur) depositum , per annum integrum , in Ecclesia Vaticana sic relinquendum est , postea , Propinquis & Necessarys , ubi placuerit , sepeliendum conceditur.

Celebrantur interim , post constructum Doloris Castrum , sive Bustum , *Novendialia Sacra*, quibus , in illo ipso templo , pro anima defuncti , rogationes & supplicationes instituuntur. In hoc Interregno , quia *accrevit Cardinalibus dignitas*, ac Ecclesiæ regimen ii tenent , Rochetum (carbasinum hyperendyma est , autoritatis nota : ipsaq; vox Rochetum , sequioris Latinitatis Scriptoribus in usu est) nudum gestant ; juxta latus suum in vehiculo confidendi , nulli Prælatorum potestatem faciunt ; folis Regiis Legatis occurrentibus , & fræna equorum inhibentibus , ipsi simili civilitatis genere respondent ; denique , quoties omnes junctim Senatum agunt , ne coram Regiis quidem Legatis , cum admittuntur , aperiunt capita. In Vestibus , id observant discrimen , ut defuncti Pontificis creaturæ utantur plane violaceis , cæteri violaceis quidem , (is enim omnium in luctu color est) sed quibus fimbria rubra prætextitur. Solent autem Legati Regum Principumq; omnes Cardinales simul congregatos adire , iis desideria Superiorum , a quibus missi , exponere , ipsorumque nomine , Conclavis tutelam polliceri. Paratur interea temporis *Conclave* hoc , idque nihil est aliud , quam Palatii Vaticani spatium , quod Aulæ aliquot & Conclavia , itemq; Ambulacrum passus 70. longum , cum Sacellis duobus , & Benedictionis Pergula absolvunt. Hic loci , pro numero Cardinalium , totidem fiunt casulæ sive gurgustia , ex simplicibus asseribus coagmentata , quorum quodque altum est pedes XXII. latum XX. sejunctum ab altero , & a pariete , pedem unum. Illud vero *Sacellum*, quod a Sixto IV nomen habet , vacuum relinquitur , ad Cardinalium Concilia ibi celebran-

lebran-

lebrandæ. Confectæ sic Casulæ, notantur singulis, aut, quia singulæ non sufficiunt, binis ternisque Alphabeti literis, distinctionis causa. *Sumtus universæ Conclavis fabricæ*, ultra quinquies mille & quingentos Scutatos exigunt, quos, una cum impensis funebribus, stipendiis militum, aliisque expensis ejusmodi, Fiscus Urbis Romæ suppeditat: quippe, in Interregno, Ecclesiæ thesauris parcere jubet religio. Ascendunt autem impensæ cujusque Mensis, durante Conclavi, ad 175000. Scutatos circiter. Hic vero notandum, quod, cum prioris ævi Pontificum electiones, quia quotidie in Æde aliqua sacra conveniebant Cardinales, & ad propria revertebantur, magnis turbis, tarditati quoque ac procrastinationi obnoxie essent, post obitum Clementis IV. qui A. C. 1251, contigit, *Conclavis*, ceu communis fert opinio, *usus excogitatus fuerit*. Nempe, duravit tum Interregnum per biennium integrum, & menses novem. Bonaventura igitur, inter cæteros Cardinales sanctitate conspicuus, Franciscani Ordinis Generalis, Civibus Viterbiensibus (apud quos peragebatur electio) persuasit, ut in Episcopali Palatio congregatos Cardinales, exitu Aulæ prohiberent, atque sic vi ad creandum Pontificem compellerent. Cum vero ne hæc quidem ratione, ad concordiam redigerentur, Capitaneus Civitatis, Rainerius Gattus, tectum Aulæ demolitus est, & obijciendo Cardinales omnibus aëris cœlique injuriis, denique necessitatem eligendi Pontificem iis imposuit. Electus autem fuit Gregorius X. atque is in Concilio Lugdunensi, A. 1273. habito, de Electionis Papalis negotio recte disponendo fuit sollicitus, ac inter cætera, Conclavis usum imperavit. Id decretum Concilii, mox abrogavit Hadria-

Hadrianus V. cumque dubitaretur, num hæc abrogatio, quippe a 50. tantum dierum Pontifice, & nondum coronato, facta, robur ac sanctionem legis haberet, is, qui eum excepit, Johannes XXI. illam auctoritate sua communivit, unde, qui ipsum ordine exceperunt, Nicolaus III. Martinus IV. Honorius IV. (aliis Quintus est) Nicolaus IV. & Cœlestinus V. Pontifices, extra Conclave fuere electi. At Cœlestinus, Gregorii edicto vigorem reddidit, Conclavisque usum voluit restitutum. Cujus vestigiis insistens Bonifacius VIII. successor, Gregorianam constitutionem Sexto Decretalium inseruit, nec unquam postea, nisi in Conclavi, electio fuit instituta. Amplius observandum, cum pridem ex Nicolai II. qui Undecimo Seculo vixit, dispositione, quæ extat Distinct. 36. c. *In nomine Domini*: quemq; idoneum, sive e Cardinalium numero, sive alterius sacri ordinis, is deprehenderetur, Pontificem eligere liceret, unde A. 1305. Clemens V. electus fuit, qui non tantum extra Italiam in Gallia morabatur, sed adeo nec Cardinalis erat; primus Paulus II. qui A. 1464. potestatem indeptus est, legem tulit, *ne quis alius, quam Cardinalis, Pontifex constitueretur*. Cumque, per Gregorii X. Bullam, electionem novi Pontificis in ea urbe facere tenerentur Cardinales, in cujus territorio, seu districtu, is, qui antecesserat, mortuus erat, modo non interdicta esset, vel contra Ecclesiam Romanam in aperta rebellionem persisteret, Clemens VII. solam Urbem Romam, electionis negotio propriam dicasse dicitur.

Cæterum, *Senatus Urbis Romæ*, intellecta Pontificis morte, in Capitolio convenit, atque ejus mox jussu, rauco mœstoq; sono tympanorum, tota civitate divulg-

vulgatur, vita excessisse Pontificem; aperiuntur carceres, facta ibi detentis exeundi potestate; promulgatur edictum, de suspendenda in quaque domo, tota nocte, lampade accensa, ad fenestram; imprimis vero, de nocturnis per universam Civitatem excubiis, accuratae fiunt dispositiones. Solent quoque Cardinales, Legati item Principum, & defuncti Pontificis Nepotes, *de militibus sibi prospicere*, ut tum sese, tum ædes suas, adversus plebem, quæ, Sede vacante, nihil non licere sibi existimat, ac tumultuari & furere subinde occipit, immunes ab injuria & violentia præstent.

Nono a Pontificis obitu die, habetur in Vaticano templo, post finitum Missæ Officium, *Oratio funebris*, in laudem Pontificis demortui. Ea dicta, omnes Cardinales Bustum, plenum luminibus, circumeunt, ex iisq; quinque pullati, inter consuetas preces, illud aqua lustrali conspergunt, & suffumigant multo thure; atque sic Exequiis finis imponitur.

Decimo die, peractis sacris, *Cardinalis Camerarius Vrnæ duas afferre jubet*, in quarum unam, omnium Cardinalium propria Nomina, schedis totidem inscripta, in alteram autem, notas alphabeticas, quæ casulas discriminant, postquam coniecit, ex prior deinde Vina, nomen Cardinalis, quod fortuito offertur, ac simul quoque ex altera, pittacium, litera aliqua alphabeti signatum, extrahit, atque sic cuique Cardinali, eam, quam sorte nactus est, mansionem assignat. Sortitioni, præter Episcopos & Præsules multos, adstant Cardinalium Ministri, qui, ejus eventu intellecto, e vestigio Herorum suorum Casulas exornant, & foris ac intus peripetasmatis obducunt, ita tamen, ut ea, quibus recens defuncti Pontificis Creaturarum ædiculæ operiuntur, violaceo, cætera viridi colore sint imbuta.

buta. Inferuntur deinde in ædiculas, mensa, lectus, candelabra, & utensilia alia: foribus, quæ gemino tantum fuste, decussatim posito, claudi solent, Insignia præfiguntur.

Die Vndecimo, mane summo, e lecto surgentes Cardinales, suos quisq; *familiares & domesticos sedulo hortatur*, ne se absente quid turbarum dent, ut noctu intra ædes se contineant, & Deum, pro fausto electionis successu, præcari meminerint. Postea in templum Vaticanum sese conferunt, ibiq; Missam celebrat Cardinalis Decanus, una preces fundens, ut electio feliciter eveniat. Sacrorum celebrationem excipere solet *Oratio Hortatoria ad Cardinales*, qua is, quia Cardinale Camerario jussus est, de negotii, quod aggressuri sunt Cardinales, arduitate, perorat, eosq; hortatur, ne cæco & temerario, & invitos etiam, ut interdum fit, ac quid agatur nescios, rapiente paucorum motu, sed certo maturoq; judicio, ejusmodi Pontificem, concordibus suffragiis, quamprimum deligant, qui dispersa colligat, lapsa erigat, depravata corrigat, infirma corroboret, turbulenta componat. Recitavit ejus generis Sermonem, post Gregorii XIII. obitum, M. Antonius Muretus, qui cæteris ejus orationibus insertus legitur, & verba jam modo expressa, suppeditavit. Dehinc, Magister Ceremoniarum primarius, sumta in manus Cruce Papali, recta via, ad Conclave progreditur. Sequuntur Domestici Cardinalium; post hos incedunt Cantores, decantantes hymnum, *Veni S. Spiritus*: proximi sunt Cardinales, secundum Episcopatus, Presbyterii, & Diaconatus Classes distincti, binis semper juxtim ambulantes; agmen claudunt Ecclesiæ Romanæ Præsules, & turba reliqua promiscua.

In Conclave cum ventum est, Sixti IV. Sacellum petitur, ad cujus aram *Cardinalis Decanus preces aliquas recitat*. Postea præleguntur a Magistro Ceremoniarum constitutiones omnes Pontificum, ad Conclave & Electionem attinentes, quas inter Pii V. Bulla, de non alienandis bonis Ecclesiæ, primas facile obtinet, & tum Cardinales ad illarum observationem, juramento sese obstringunt. Superaddit Cardinalis Decanus obtestationem, de electionis negotio, pie sancteq; tractando: atque sic deinde Cardinales, in suas ædiculas se recipiunt, ibiq; prandent. Cibo sumto, conveniunt rursus in Sixti IV. Sacello, ac Decanus, præsentē Notario, a Principe Savellio, Conclavis Custode, ac Ecclesiæ Mareschallo perpetuo, a Legatis Principum, a Senatus Romani selectis, itemq; a Prælatis, jusjurandum, rite tactis Sacris Evangeliiis, exigit, de solícite tuendo Conclavi, & omni vi propulsanda; de nemine mortalium admit-tendo ad cujusquam Cardinalis clandestinum collo-quium; de nulli eorum offerendis clam epistolis; de scrutandis accurate cibis, ne quid literarum in iis lateat; & deniq; de vino & aqua, in vitreis tantum lagenis admittendis, ut sic omnis doli tollatur suspicio. Jurjurando præstito, omnes, quibus in Conclavi morandi nullum jus est, foras egredi jubentur. *Mantent autem residui*, præter Cardinales, quidam Præatus eximie autoritatis, Gubernator Conclavis dictus, in commune prospiciens, ne quid rerum necessariarum deficiat, aut ne quod oriatur incendium. Porro, Sacellanus, cum socio: Secretarius Conclavis, cum socio: Magistri Ceremoniarum duo, (alii quinque numerant) cum famulo uno: Monachus, aut Jeuita, futurus a confessionibus: Doctores Physici duo:

duo: Doctor Chirurgus unus: Magister pharmacorum, cum ministris duobus: Tonsores duo, cum totidem ministris: Lignarius faber unus, & cæmentarius unus: bajuli, sive communes servi, XVI. omnes judicio diligenti Cardinalium selecti, & jurejurando in fidem & obsequium obstricti: quibus omnibus peculiæ in Conclavi mansiones sive latibula assignantur: ajuntque, Magistros Ceremoniarum in latrina semper pernoctare.

Ad Cardinales quod attinet, horum cuiq; sani validiq; corporis; conceduntur Ministri duo, e morbo laboranti, tertium adsciscere licet. Ab hoc autem famulatu arcentur Ministratores Principis alicujus, Mercatores, Fratres, aut Nepotes Cardinalium, & qui annum integrum, in ejus Cardinalis, cui operam daturi sunt, servitio, nondum exegerunt. Enim vero, magna in cœptandis ministris his, qui Conclavistæ vocari solent, opus est cura & sollicitudine. Namque illi etiam, rumores disseminando vel aucupando, sollicitationibus quoque minisq; suis, & arcana consilia dum vel rimantur, vel produnt, recteq; ac commode tractant, partes sæpe non minimas in Pontificum electionibus inveniunt, & pondus rebus, quæ geruntur, addere solent. Ergo, in adsciscendo Conclavista, imprimis spectandum Cardinali, ut fidelis sit, & adversus omnes pollicitationes ac corruptiones, cujuscunque generis illæ fuerint, inexpugnabilis. Vt præteritorum Conclavium exactissimam habeat notitiam, & causas perspectas ac exploratas teneat, ob quas quisque repulsam tulit, aut ad Pontificatus honorem fuit sublatus. Vt norit tempora distinguere, ac dijudicare, in quo statu olim res fuerint, & in quo in præsentia deprehendantur. Vt in

nume-

numerato ei sint veteres sacræ profanæque historiæ. Ut noscat mores, ac præcipua, Cardinalium singulorum non modo, sed & eorum, qui ipsis addicti sunt, studia ac desideria; amicitias item, quas cum aliis colunt, & quorum Principum commodis patrocinentur. Infuper necesse est, ut in arena consilium invenire, futura e præteritis providere, aliorum arcana expiscari, sua abscondere Conclavista didicerit: denique, ut audax sit; cum subinde quædam eveniant, in quibus ille superior evadit, qui cæteris magis frontem perfricuit. Atque hi Conclavistæ, finito Conclavi, *Historiam* ejus conscribere solent: unde variæ semper prodeunt, e quibus una exactior, cæteris pereuntibus, ferre solet ætatem: extantque multæ variorum Conclavium Recensiones ejusmodi, in unum Volumen redactæ.

Ex quo universi, qui exesse debent, foras se propripuere, dato a Magistro Ceremoniarum cum campana signo, *clauditur Conclave*, omnesque, præter januam unicam, cujus claves varii tenent, aditus, foramina, fenestræ, quin & rimæ omnes, calce lapidibusq; probe obturantur. Vnde Casulas Cardinalium, etiam interdiu, soli cerei illuminant. Cæterum, ad cibum intronittendum, *Rotulæ*, ceu vocantur, & quales ubique in Monialium cœnobiis spectare licet, septem parantur, quin & ad has, iis, qui foris constituti sunt, cum Cardinalibus & Conclavistis loqui licet, si rei necessitas postulet, ut intus agentes, de re aliqua certiores reddantur. Non tamen colloquentes isti mutuo sese conspiciunt, & voce clara, nec alia lingua, quam Italica aut Latina, utendum, ut ea, quæ dicuntur, ab omnibus exaudiri & intelligi possint. Charta autem, impressisque foris

& intus sigillis , post allatum cibum , obfirmantur Rotulæ , ne circumducantur. Occluso undiq; Conclavi, Cardinalis Camerarius, duobus pro libitu Collegis assumtis , *facibus accensis omnes totius Conclavis angulos scrutatur* , ne quis forte alicubi lateat, cui in conclavi degendi nulla potestas : nec minus in obturamenta inquiritur , ne hient , ne vacillent. Quæ universa si ex sententia deprehenduntur , conficiunt Magistri Ceremoniarum , qui simul Notariorum Apostolicorum munere funguntur , *Instrumentum* , quo , de legitime clauso Conclavi, fides fit. Dum ista geruntur , curante Savellio Principe, *Custodia Conclavis* suas stationes occupant : quæ quatuor sunt. Scilicet, *Helvetii milites* , in quatuor turmas divisi , in S. Petri area excubias suas agunt , ad omnes impetus arcendos. Portam Palatii Vaticani custodiunt *Senatores Urbis Romæ* , qui hoc operam dant , ne quis clam internuncius introrumpat. Scolas tuentur *Legati Principum* , & ipsi impediētes, ne quid ex adverso ingruat , quod Cardinalium quietem turbare possit. Postremo , ipsam januam Conclavis , *Episcopi Prælatiq;* commissam habent , quæ intus forisque seris occluditur. Ex eodem ordine, aliqui , per vices Rotis præfecti , cibos , Cardinalium epulis destinatos, priusquam exhibeantur, sedulo scrutari debent , ne literis sint suffarcinati. Ipsa *Janua Conclavis* nunquam patefit, nisi cum aut Cardinales, peregre adventantes, intromittendi , aut, qui lethali-ter in Conclavi decumbunt , illud deferendi licentiam , a majori parte Cardinalium, impetrarunt. Conclavistarum si quis emissus fuerit, nunquam amplius in Conclave recipitur : de Cardinalibus secus res habet. Cum vero hi rursus intromittuntur , illo-
rum

rum eadem, quæ peregre adventantium, ratio est, ut nimirum nihil ex iis, quæ ante ingressum pertractata sunt, immutare valeant, sed tantum statui, in quo res constitutæ, ingerere iis sese liceat. Est quoque hoc in electione Papæ singulare, quod nec citatio Cardinalium necessaria, nec absentibus votum partesque suas aliis demandare conceditur.

Quoniam, secundum Pii I V. constitutionem, nemo Cardinalium, nisi saltem Ordine *Diaconatus* polleat, ad electionem Pontificis admittitur; inspicere oportet, antequam ad electionis negotium procedatur, an aliqui ex Cardinalibus præsentibus, illo Ordine destituantur; tales enim excludendi forent, nisi privilegio Pontificis sibi caverint. De Cardinali, cui ante mortem Pontificis os clausum fuit, dubitatum aliquando est, num talis ad electionem admitti debeat. Sed litem Pius V. decidit, decernens, oris occlusionem, ceremoniam nudam esse; ea de causa introductam, ut Cardinales, priusquam in Consistoriis & Congregationibus suffragium ferunt, de modestia admoneantur; nec impedire eam præcipuum Cardinalium munus, quod in electione Pontificis consistit. Similiter nefas est, censuræ aut excommunicationis prætextu, Cardinalem ab electione active aut passive excludere.

Postridie ejus diei, quo Conclave clausum fuit, congregatis mane in Capella Sixti Cardinalibus, & ab utroque latere sedilia, ante quæ pulpita elevata, ad scribendum apta, disposita habent; occupantibus, Cardinalis Decanus *Missam Spiritus S.* submiscebat, omnibusque Cardinalibus sacram Synaxin ubi porrexit, *Electio fit initium.* Est vero, ex Innocentii III. c. *Quia propter* 42. de *Electio* & *Electi*

pot. modus eligendi Pontificem triplex : unus per Inspirationem , alter per Compromissum , tertius per Scrutinium , cum quo fere connectitur Accessus. *Per Inspirationem* dicitur Electio , cum simul omnes Cardinales , quasi Spiritu S. afflati , nulla præcedente deliberatione , viva voce , in unius electionem consentiunt. Nempe , si , in pleno consensu Cardinalium , aliquis eorum mox in hæc verba ex improvviso erumperet : *Eminentissimi Domini : Semper ego perspexi in Eminentissimo Domino Cardinale N. singularem probitatem , virtutem , industriam , ac ingenium mirificum. Quamobrem omnino persuasus sum , eo meliorem reperire nos non posse , atq; sic meo suffragio , ex animi sententia , ipsum Pontificem depono , eligo , designo. Jam , si , his auditis , cæteri omnes , nemine excepto , sententiæ subscribentes , verbum eligo acclamarent , talis pro vero , ac canonice per inspirationem electo Papa , haberi debet. Per Compromissum* electio fit , cum eligendi potestas uni , vel pluribus Cardinalibus conceditur , ut omnium nomine Sedi vacanti prospiciant , aut alios ad electionem faciendam porro designent. Talis electionis Johannes XXI. prius , Jacobus Ossa dictus , quiq; Portuensis Episcopus fuerat , exemplum insigne præbet , quod Nauclerus Tom. 2. gen. 24. his verbis enunciat : *Anno Domini 1316. cum vacasset Ecclesia post mortem Clementis V. duobus annis , propter discordiam Cardinalium , ad quos spectabat electio , qui Avenioni congregati erant , nam multi Cardinales erant Guascones , & hi querebant habere Guasconem , aliis aliter sentientibus : demum in hoc omnes conveniunt Lugduni , ut Jacobus Portuensis Cardinalis , vice omnium , eligeret unum. Sed fefellit eos opinio :*

nam

nam neq, ex una parte, neq, ex altera elegit, sed, de consilio Neapolitani Cardinalis de Ursinis, seipsum elegit. Et quamvis in aliis electionibus quis seipsum eligere non valeat, tamen in electione Papæ non prohibetur, cum sibi committitur electio.

Per Scrutinium Electio instituitur, cum omnes Cardinales in secreta eunt suffragia, quæ, in scripturam redacta, publicantur deinde, ita ut is electus Pontifex censeatur, in quem vel Cardinales omnes, vel minimum duæ illorum tertiæ consentiunt. Quod enim sedulo notandum, non sufficit in Romani Pontificis electione, majoris partis, etiam respectu totius Collegii eligentium, consensus; quod tamen tum in aliis; tum maxime, in Episcoporum & Archiepiscoporum electionibus cæteroquin obtinet; sed, nisi duæ tertiæ in unum conspirent, effectum caret Pontificis electio. Rationem diversitatis docet nos Alexander III. Pontifex in c. 6. *licet de vitanda. de electione* & *electi pot.* quod nimirum in electionibus aliis, majoris & sanioris partis sententia possit & debeat prævalere, quia quod in eis in dubium venerit, superioris iudicio poterit definiri: in Romana vero Ecclesia speciale aliquid constitui, quia non poterit ad superiorem recursus haberi.

Hac tempestate, ut scilicet tumultus & confusiones tanto magis evitentur, haud aliter, quam per Scrutinium, Romanorum Pontificum fiunt electiones: isque actus hoc modo peragitur. Est in medio Sacelli mensa, in eam Magistri Ceremoniarum, Discos argenteos, Schedis, quibus vota inscribere oportet, aliosque, crustulis rubris, quas vulgo Hostias appellamus, & quarum in obsignandis literis usus est, plenos reponunt. Ergo quisque Cardinalium ad

mensam accedit, & sumpta sibi Scheda, ad locum suum revertitur, suffragiumque in illam describit. Est vero *Scheda*, plagulæ chartaceæ octava fere pars, in cujus summitatem, eligens nomen suum notare debet, v. c. *Ego Flavius Cardinalis Chigi*; mox complicata, ad duorum digitorum mensuram, schedulæ parte hac superiore, hostiâ, quin & in hunc solum usum, ne a quoquam cognosci possit, recens facto sigillo, eadem obsignatur. Porro, in medio schedæ, verbis sequentibus, *Eligo in Summum Pontificem, Reverendissimum Dominum meum, Dominum Cardinalem*, quæ ibi typis excusa deprehenduntur, mutatis, quantum fieri potest, consuetis litterarum ductibus, calamo addendum nomen ejus, quem quis electum cupit v. c. *Antonium Pignatellum*. Ad finem schedæ, Symbolum aliquod, cum nota numerali, aut asterisco aliquo describendum: v. c. *✠ Kyrie Eleison*. Atque hæc ima pars, simili modo obsignatur, prout circa supremam fuerat observatum, ita ut nihil, præter verba in medio exarata, lecturis sit expositum. Replicatur deinde scheda, in cujus partibus, quæ extimæ evadunt, ne nomen eligentis, aut symbolum quod sibi sumsit, pelluceant, limbi expressi sunt, quales typographi ad pagellas exornandas adhibent, quique Italis *fregi* dicuntur.

Cum sic paratæ Schedæ sunt, Cardinalis Decanus *suffragari incipit*, sumtaq; in manus Scheda sua, palam, ut ab omnibus conspici possit, eam gestando, ad altare se confert, inque genua procumbens, & preces quasdam fundens, mox consurgit, & voce clara, secundum verba, tabellæ super altare positæ, inscripta, iusjurandum concipit, inquiens: *Testor Christum Do-*
minum

num, qui me judicaturus est, me eligere, quem secundum Deum judico eligi debere, & quod idem in Accessu præstabo. Post præstitum jusjurandum, Cardinalis Archipresbyter Calicem, qui eodem die in Missæ sacrificio fuit adhibitus, patella sacra obtectum, ipsi offert, atque tum, postquam Cardinalis Archidiaconus patellam removet, Decanus Schedam, prius illam exosculatus, in Calicem deponit, atque sic juxta altare consistit, Calicem deinde cæteris exhibiturus, dum Archipresbyter, & Archidiaconus, porro in illo retegendo sese occupant. Decani, in ferendo suffragio exemplum, imitantur omnes cæteri, nisi quod horum quisque, postquam suffragatus est, suum locum repetit. Cardinalium, ob debilitatem loco movere se non valentium, vota, quidam ex tribus illis, coram altari ministrantibus Cardinalibus, petitum advenit, & ad altare deportat. Si qui in Casulis suis infirmi decumbunt Cardinales, iidem illi Cardinales, Ordinum Antesignani, cistulam, rimam quandam, per quam Scheda in eam demitti possit, superne habentem, ad ægrotos deferunt, ut in hac suffragia excipiant. Atque hæc prius in conspectu omnium Cardinalium excutienda est, & clavis in altari relinquenda. Reversi Cardinales, reclusa capsula, Schedas immixtas palam numerant, cumq; numero ægrotorum respondere deprehenduntur, etiam has reliquis in Calice adjungunt.

Omnium votis rite collectis, agit Cardinalis Archidiaconus Calicem, & ex eo schedulas singulatim depromens, inque alium vacuum calicem reponens, dispicit, num suffragiorum numerus cum numero Cardinalium conveniat: nam, si quod abundat, aut deficit suffragium, omnes schedas comburere, & rur-

sus in suffragia ire oportet. Cum autem probus & sibi constans est schedarum numerus, Cardinali Decano incumbit, Calicem iis repletum ad mensam deferre, rursusq; eo concusso, schedulas in argenteum discum effundere. Dehinc, sumta in manus scheda, quæ prima sese offert, eaque, sigillis salvis, in tantum explicata, ut solum electi nomen, quod in medio scriptum, legi queat, inspicit illud, traditq; schedam Cardinali Archipresbytero: qui, pariter electi nomine explorato, eandem porrigit Cardinali Archidiacono, atq; hic tandem id nomen, quod ibi scriptum est, proclamat, atq; tum cæteri Cardinales, omnium Collegarum nomina in chartæ folio impressa habentes, illi, quod recitatur, signum appingunt, idque toties iterant, quoties ejusdem nominis fit repetitio. Lectam Schedam Cardinalis Archidiaconus filo cuidam, quod cum acu in illum usum præsto est, applicat, idemque, postquam circa singulas hoc ipsum observavit, fili extremitates constringit in nodum. Numerantur deinde suffragia, summamq; perspicue iterum enunciat Cardinalis Archidiaconus, hac verborum conceptione: *Eminentissimus Dominus Cardinalis Antonius Pignatelli habet suffragia XV. Eminentissimus Dominus Cardinalis Flavius Chigi habet suffragia X. &c.* Quod si jam duæ tertiæ Cardinalium præsentium, circa unum solum, votis suis consentiant, is quidem numerus sufficit: quique sic electus fuit, censetur Pontifex, modo inter duas tertias, ipsius electi votum non comprehendatur; se enim ipsum, in scrutinio, eligere quis prohibetur. Quamobrem, cum exactissime duæ tertiæ Cardinalium conspirant, ita ut ne unicum quidem votum abundet, aperienda sunt votorum sigilla suprema, & dispi-

dispiciendum annon in eo numero, ipse electus quoque reperiatur. Id si contingeret, irrita est electio. Quando vero plura duabus tertiis vota concordant, partis supremæ sigilla laxare neutiquam opus est.

Non facile in Scrutinio nudo conficitur Electionis negotium. Itaque statim, ejus electionis, quæ per *Accessum* vocatur, & cum priore affinitatem habet, ac ideo ad illam revocatur, (non enim diversum electionis genus constituit) fit periculum: atque, ob hanc causam, jam in ipso ante Scrutinium juramento, *Accessus* facta mentio, ita ut novo minime opus sit. Licet autem in *Accessu*, suo voto, ei, qui in Scrutinio jam alia suffragia tulit, accedere: quoad reliqua vero, *Accessus* fere eadem, quæ *Scrutini*, ratio est. Nimirum, ad mensam procedentes Cardinales, sibi quisque schedam capit ex *Disco Accessus*, quæ ita componenda est, ut in duabus extremitatibus, nihil differat a scheda *Scrutini*: in medio vero pro illis: *Eligo in summum Pontificem &c.* rescribendum: *Accedo ad Eminentissimum Dominum meum, Dominum Cardinalem Antonium Pignatelli.* Qui, ad neminem accedere vult, id significat verbis: *Accedo nemini.* Cum vota *Accessus* collecta, eademq; quæ *Scrutini* suffragia ratione fuere tractata & promulgata, tum Cardinalis Decanus, apertis, quæ infra sunt sigillis, schedas has *Accessus* diligenter inspicit, inspectasque tradit Cardinali Archipresbytero, qui eas Cardinali Archidiacono exhibet, atque hic clara iterum voce recitat Sigilla & Symbola schedarum, quæ Cardinales, in chartam, sub titulo, *Sigilla & Signa Accessuum*, conjiciunt. Verbi causa, esto Sigillum Cardinalis Chigii nota hæc Mercurii ☿, Symbolum esto, *Kyrie Eleison*: id igitur Cardinales anno-

tant. Post Schedarum Accessus recitationem, Scrutinii Schedas ad eas exigere oportet. Videlicet, capit Decanus primam, quæ se in filo exhibet, Scrutinii Schedam, inspectoque ejus Sigillo, alterum eidem geminum quærit inter Sigilla Accessuum. Id ubi reperit, Scrutinii Schedam in illa parte, qua Symbolum est, aperit, atque Symbola eadem utrobiqueprehendens, in testimonium vocat reliquos duos Scrutatores, qui, post adhibitam diligentem inspectionem, si & ipsi judicent, eadem utrinque esse Sigilla & Symbola, porro dispiciendum, num Scrutinii & Accessus suffragium unam eandemque designent personam; id vero cum accidit, Accessus votum inutile & illegitimum reputatur. Quando vero electarum personarum invenitur diversitas, probum est id suffragium, atque tum Archidiaconus sigillum & symbolum Schedæ Scrutinii, & insuper nomen electi, quod in ea continetur, divulgat, iterum Cardinalibus, sub titulo, *Sigilla & Signa Scrutinii, Accessibus respondentia*, omnia literis consignantibus. Ut res manifestior evadat, sequens faciet schema:

<i>Sigilla & Signa Accessuum.</i>	<i>Sigilla & Signa Scrutinii Accessibus respondentia.</i>	<i>Cardinales nominati in Scrutinio.</i>
☩ 100. Kyrie Eleison.	☩ 100. Kyrie Eleison.	Pignatelli.
☉ 7. Ave Maria	☉ 7. Ave Maria.	Chigi.
☽ 70. Chrysostramus.	☽ 70. Chrysostramus.	Colonna.
✕ 0. Sanctitas.	✕ 0. Sanctitas.	Cibo.
✚ 4. Cherubim.	✚ 4. Cherubim.	Maidalchini.

His ita peractis, summa colligitur suffragiorum, quibus quisque in Scrutinio solo, sive in Scrutinio & Accessu fuit beatus, eademque publicantur; atque, si nec in Accessu, duæ tertiæ in eundem colliment, comburuntur, Cardinalibus præsentibus, schedæ omnes: & tam diu repetenda electio, quoad duarum tertiarum fiat conspiratio.

In Pontificum Electionibus, quantæ simultates, altercationes, turbæque subinde oriantur, præter Conclavium historias, etiam gravissimus Scriptor Jacobus Augustus Thuanus, in historiarum libris, passim confirmat. Neque vero intra sola verba se continent Cardinales, sed & nonnunquam manus conferunt, ac ad verbera progrediuntur: quod haud ita pridem, in Conclavi, quod Clementis IX. obitum excepit, contigisse, fama ferebat: idque Guido Patinus, Medicus Parisiensis haud inglorius, in epistola, quæ inter familiares 179. numero est, ad Amicum his verbis perscripsit: *On dit, que quelques Cardinaux se sont battus dans le Conclave. Si cela est vrai, ne peut-on pas appeller cela, faire un Pape à coups de poings.* Sed tamen, non obstantibus mediis, quæ sæpe adhibentur, illicitis, studiisque partium, nihilo secius illum semper eligi Pontificem, quo cœlestis Providentia Ecclesiæ Romanæ prospectum vult, creditur vulgo; & in eam rem sic est apud Baptistam Nanium, Venetæ Reipublicæ Senatorem & Historicum, l. 4. Annalium Venetorum. *Da poiche alla dignità Ecclesiastica s'è aggregata la terrena potenza, e che la corruttione del secolo ha con la veneratione delle cose sacre confusi anco humani riguardi, i Principi hanno bene spesso nell' Elettione de' Sommi Pontefici procurato di profanare con loro interessi, ciò,*
che

che tiene la Chiesa di puro, e di riguardeuole. Ma Dio, che l'ha sposata coll' anello della sua Fede verace, la protegge delle violenze, confonde i consigli, punisce gli attentati, preservandola col suo Spirito Sacrosanto. E chiaramente apparisce, che, se bene i Conclavi non sono esenti da fattioni, & affetti, ad ogni modo, riuscendo di rado i consigli de' gli huomini, cade la Sorte, doue la Divina Provvidenza l' indirizza.

Quicquid de his sit, illud saltem inter omnes constat, nihil magis curæ cordique habere Cardinales, quam ut tales creent Pontifices, quales imprimis Ratio Status, & temporum conditio exigunt. Et vero, extant, tum Cardinalis Decii Azzolini, tum aliorum in hanc rem Monita: e quibus aliqua iuvat excerpere. Principio, Gallica & Hispanica Cardinalium factiones, sibi invicem obstant, & electioni præjudicium afferunt. Ex quo enim Carolus V. Imperator, & Franciscus I. Galliarum Rex, capitali odio inter se dissidere cœperunt, & de gloria contendere, cum uterque arbitraretur, magnum rebus suis pondus, Pontificis gratiam & favorem afferre posse; hinc in devinciendis sibi Cardinalibus, omnem adhibere diligentiam, quippe cum illi circa Pontificem assidue versentur, ejus consilia dirigant, mortuo vero ipso, jus novum surrogandi habeant. Successione deinde quadam, studia partium, in hanc usque diem, continuata sunt: & semper aliqui Cardinalium Gallis, alii Hispanis adhærent; multi tamen ex æquo utrisque favere velle videntur. Atque ex his postremis quidem Papa seligitur: nam, qui palam alterutri factioni nomen dedit, nullam Pontificatus adipiscendi spem habet: ac solent nominatim a Regibus Chri-

Christianissimo & Catholico, tanquam Pontificiæ dignitatis haud capaces, excludi, quos suis partibus inimicos credunt; contra vero designari Cardinales, qui ad illam possint admitti. Idem jus etiam Respublica Veneta, & Magnus Dux Hetruriæ sibi vindicarunt, ob eas, quas cum Regibus communes habent, rationes. Imprimis autem Magno Hetruriæ Duci, cum de Pontifice eligendo agitur, vehementer cauto opus est. Quia enim Hetruria, Ecclesiastico Statui plane contermina, ideo, ne magnum malum ex vicino malo ferat, sedulo opera danda. Neque vero negligitur ipsius autoritas, quoniam & ipse in vicem, ditionibus Ecclesiasticis, & prodesse plurimum, & nocere potis est. *II.* Regum Factionibus, haud multo post, inter Cardinales accessit, quam *Nepotismi* vocant, sive Clientum ejus e Cardinalibus, qui defuncti Pontificis Cognatus proximus fuit. Quotquot enim ipsius patrocinio Papam habuere propitium, auctoremque suæ dignitatis, commendatori suo reverentiam exhibent, nec ab eo se segregant. Originem Factioni huic dedisse dicitur Cardinalis Farnesius, qui, Paulo III. Pontifice agnato An. 1549. mortuo, non tantum, ut Julius III. sed & tres ordine Successores ejus, Marcellus II. Paulus IV. & Pius IV. Pontifices crearuntur, dedit effectum. *III.* In Candidato Pontificatus, ætas spectari solet, quæ debet esse provectior. Quia enim Pontificum crebra mutatio, magnum emolumentum plerisque, qui Aulæ Romanæ addicti vivunt, varie affert, ideo cavendum, ne quis diu nimis potestate utatur. Adde, quod is, qui justo diutius Claves Petri tenet, multa, præter modum, in suum suorumque commodum moliri ac perficere posset. *IV.* Prodiere

ere hac nostra ætare Conclavium novæ Factiones
 aliæ, quarum una *Cohortis Volantis, lo Squadrone Vo-*
lante, nomen sumsit, quia hæc illac circumvolitat,
 nulli cæterarum addicta, unice in excludendo, aut ju-
 vando ab aliis proposito Candidato, prout eum no-
 xium, aut utilem Ecclesiæ, suisq; rebus judicat, sese
 occupans. Aliam, Cardinales in Roma Vrbe orti
 efformarunt, id pro viribus agentes, ne quis nisi Civis
 eorum, Pontifex creetur: atque post Urbani VIII. &
 Clementis IX. obitum, reliquis sane factio ista præ-
 valuit. *V.* Regibus ac Principibus genitis via ad
 Pontificatum præclusa est. Nempe tales creduntur
 tumidi esse, spiritus altos gerere, ac sublimia meditari.
 At Principum Italiæ multum refert, mitem ac man-
 suetum habere Pontificem, ut regionibus eorundem
 quies constet ac tranquillitas. Accedit, quod Cardi-
 nales Principes, reliquos humilioris originis, præ se
 contemnunt. Quapropter isti metuunt, ne, evectis
 ad supremam dignitatem Principibus, penitus ipso-
 rum vilescat autoritas, atque aliquis Pontifex ejusmo-
 di, tum propriis avitisq; , tum Ecclesiæ facultatibus
 instructus, omnes res pro libitu administrare, rotun-
 da quadratis permutare, imprimis vero Familiæ suæ,
 Pontificium decus jure quodam hereditario asserere
 instituat. Hinc ægre adeo nunc Principes ad Cardi-
 nalitium quoque honorem admittuntur. *VI.* Qui
 semel in enixe ambiendo Pontificatu repulsam tulit,
 non habet, quod speret, sequentibus temporibus se
 futurum feliciorum. Est enim Regula Conclavis,
 quod semel exclusus, perpetuo exclusus manere de-
 beat: cum vice simplici Læsa Italica ingenia, nun-
 quam bona fide, cum eo, a quo fuere offensa, redeant
 in gratiam, & magno periculo se exponant, qui ini-
 mico

mico reconciliato spes fortunasq; suas concredere sustinent. *VII.* A dignitate Pontificia repelluntur nuper vita functorum Pontificum Cognati, ne in eadem familia is honos radices quasi agat, non ita facile evellendas : tum vero, ut ad tanti boni communionem alii quoque admittantur. *VIII.* Rarenter aliis in B. Petri Cathedra sedere conceditur, præterquam genitis in Statu Ecclesiastico. Quia enim Nepotes Pontificum immensas semper opes cumulant, saltem opera danda, ne tantæ facultates, e Statu Ecclesiastico efferantur, faciantq; ad Principum & Rerumpublicarum Secularium potestatem adaugendam. Præterea cavendum, ne Peregrini Pontifices multa privilegia suis popularibus, uti solet cuique patria sua esse carissima, in Romanæ Sedis injuriam, concedant, aut, Cognatos & Amicos ad se vocando, novis hominibus, veteres Quirites suis sedibus pulsuris, impleant. Gallis, præter communes, propria quoque ratio Petri Claves committere prohibet. Etenim metus est, ne Gallus aliquis Pontifex, Sedem Roma iterum Avinionem transferat, ac Statum Ecclesiasticum, ad illam, quæ tum obtinebat, extremam redigat vastitatem. *IX.* Ad ipsum electionis procurandæ negotium attingent, a Cardinale Azzolino suggesta, consilia, quæ sequuntur. 1. Supremi honoris Ecclesiastici Candidatus neque verbis, neque gestu aliquo prodere debet, quasi illi inhiet, sed potius ad Antesignanum alicujus Factionis confugiendum, in ejusque sinum vota ac desideria deponenda. 2. Antesignanus Factionis, nullius tutelam suscipere debet, nisi de cujus liberalitate constat. 3. Cum vota sufficientia procurata sunt, juvat festinare electionem; quia non magnum sæpe tempus, maximas rerum inducit mutationes. 4. Cum diu mul-

multumq; inaniter disceptatum est, proponat Promotor quatuor aut quinque Candidatos, eo, quem maxime electum vellet, omisso, ut habeant Cardinales, de quo dimicent ad satietatem. Quæ, ubi ipsos cepit, & jam fessi languent, per opportunitatem denique veri Clientis injicienda mentio, ut negotium felicem sortiatur exitum. 5. Est medium aliquod, aucupandi gratiam apud contrariæ Factionis Antesignanum, si Promotor spondeat, non sibi, sed illi, debitum Candidatum, ubi voti compos factus erit, totum electionis beneficium. 6. Circumspecte ei agendum, cujus votum aliquis, non tanquam Pontifex evasurus, sed nudæ existimationis parandæ causa, sollicitat. 7. Aliquando proderit, vocem spargere, jam de sufficientibus votis prospectum esse, ut timidiores percellantur, & non sustineant sese amplius segregare. 8. Cum Promotor animadvertit, adversæ Factionis Ducem pro inimico sibi Cardinale negotium suscipere, tum alius inimicissimus objiciendus, ut par pari referatur, quod illum remordeat. 9. Ante omnia opera danda, ut contrariæ Factiones, odio implacabili diffideant, quo sic, in illis turbis, sibi quis commode sedere metereq; possit.

Tantæ molis negotium, postquam confectum est, atque aut omnes, aut pleriq;, aut saltem duæ Cardinalium eligentium tertiæ, in uno aliquo acquievere, tres Cardinales, Ordinum Primores, ad electum accedunt, eoque salutato, præcipuus illorum his eum compellat verbis: *Acceptasne electionem de te legitime factam in Summum Pontificem?* Solet Electus, antequam respondeat, prius spatium ad preces fundendas sibi deponere, iisque peractis, tum demum dicere, *Accepto.* Instat igitur percontando Cardinalis

nalis Decanus: *Quomodo vis vocari?* atque sic Ele-
 ctus nomen, quo insigniri cupit, enunciat. Post hæc
 novus Pontifex, a duobus Cardinalibus Diaconis, ad
 altare deducitur. Ibi, demtis vestibis Cardinalitiis,
 Papali ornatu ab illis induitur: Calceis nimirum,
 quibus aurea crux phrygiano opere intexta, tunica
 sericea alba, rochetto, epomide, & aures integente
 vitta, ex holoserico rubro. Itali enunciant: *Scarpe
 con la croce d' oro ricamate, sottana bianca d' orme-
 sino, rocchetto, mozzetta, e berettino di raso rosso:*
 dicunturque illis vestes hæ, *l' habito Camerale.* Ad
 hunc modum vestitus Pontifex, in sella ante altare
 posita, confidet, fitque Adorationis initium, dum
 Cardinalis Decanus dextrum pedem, dextramque
 manum Pontificis, congenulatus exosculatur, quem
 consurgere jubens Papa, *Osculo Pacis in utraq, gena,*
 excipit. Similis circa cæteros observatur ratio. In-
 terea temporis, unus ex Cardinalibus, quem Cere-
 moniarum Magister cum cruce antecedit, in Per-
 gulam Benedictionis se confert, ejusque maceriem,
 ob Conclave factam, dirui jubet. Patefacta pergu-
 la, Crucem populo, in Vaticana area congregato,
 monstrans, clamat: *Annuncio vobis gaudium
 magnum! Habemus Papam Eminentissimum Domi-
 num N. qui sibi nomen imposuit N.* Excipit hæc po-
 puli tripudiantis jubilus: campanæ tota urbe pulsan-
 tur, fitque tormentorum in Castello S. Angeli ex-
 oneratio. Peracta Adoratione, Pontifex atque Car-
 dinales cibo sese reficiunt: fabri autem, bajulique,
 omnia Conclavis obturamenta demoliuntur. Ex
 brevi intervallo, iterum petitur Sacellum Sixti, at-
 que Pontifex, jam Pontificali indumento, hoc est, al-
 ba, balthæo, stola, pluviali, & mitra amictus, Sellam

jam in altari constitutam conscendit , peragiturque secunda Adoratio , iisdem, quibus prima, ritibus. Dehinc Sellæ insidens Pontifex , deportatur in templum Vaticanum , Aræque maxime impositus , tertiam Cardinalium Adorationem admittit ; dum interim Sanctorum Ambrosii & Augustini Hymnus præcinitur. Recitat postea Cardinalis Decanus, in cornu Epistolæ, preces quasdam , iisque finitis , Pontifex, relicta sella , in altaris gradibus consistens , primam populo impertitur benedictionem. Quibus consummatis, Pontifex in gestatoria lectica clausa in Quirinale Palatium defertur , prosequente illum omnis ætatis, omnis sexus, infinita prope hominum multitudine. Solent plerunque Cellam recens electi Pontificis Conclavistæ, domum vero ejus Romana plebs diripere , insuper habitis constitutionibus Concilii Constantiensis, quibus, *Papæ electi domum spoliantes, declarantur intestabiles , & ipso facto excommunicati, ita ut, extra articulum mortis, non possint nisi a solo Papa absolvi.*

Post electionem, Papa statim plena utitur potestate, atque res omnes ex sententia disponit, etiam nondum coronatus. Est enim CORONATIO nuda ceremonia , nihil præcipui conferens ; non tamen ideo negligenda. Hanc autem Papa admittit pro libitu, & octavo plerunque ab electione die ; ritu ejusmodi. E Quirinali in Vaticanum, Cardinalibus, Legatis Principum , Aulæque ministris stipatus, sese confert , petitque Sixti I V. Sacellum, ubi Cardinales, qui priores ingrediuntur, cum expectant. Ibi Cameralem habitum cum Pontificali commutans, postea in sella sub uranisco defertur in Vaticanæ Ecclesiæ Porticum, & in solio, quod juxta Portam Sanctam

Etiam elevatum, ac uranisco tegitur, confidet, Cardinalibus scamma, ex utroque latere disposita, occupantibus : atque sic Capitulum & Clerus Templi, pedis complexu & osculatione defunguntur. Deinde, Sellam rursus conscendens Pontifex, per portam majorem introfertur in Templum, ac ad altare, Sacramenti custodiæ dicato, in genua provolutus, preces concipit. Iis fuis, constructo hic quoq; juxta S. Gregorii M. Sacellum, quod peculiari nomine *Clementia* dicitur, eminenti sub uranisco solio, insidet, & tum a Cardinalibus & Prælatibus *Obedientia* præstatur, quorum illi manum, pluviali contactam, hi genu osculo verentur. Mox, sumtis Sacerdotibus vestibus, ad Missam celebrandam altare versus progreditur Pontifex: cui in via occurrens Ceremoniarum Magister, ter stupam, arundini circumligatam accendens, commonstransq; minime durabilem ignem, simul ingerit & inculcat : *Pater Sancte, sic transit gloria Mundi.* Post Missæ introitum, & recitatas preces quasdam, Cardinalis Archidiaconus *Pallium* Papæ humeris circumdat, atque : *Accipe Pallium sanctum, plenitudinem Pontificalis officii, ad honorem Omnipotentis Dei, & gloriosissimæ Virginis Mariæ ejus Matris, & Beatorum Apostolorum Petri & Pauli, & Sanctæ Romanæ Ecclesiæ.* Sequuntur ritus alii, cum Litania in Pontificem directæ, in qua sæpe ingeminatur : *Salvator Mundi : R. Tu illum adjuva. Sancta Maria : R. Tu illum adjuva.* Repetitur deinde adorandi & thure suffumigandi Pontificem officium, atque sic prosequitur Missam Pontifex: de qua notandum, quod in ea, sicut & cæteris, quas ipse solenniter peragit, Evangelium & Epistola, tam in Latina, quam Græca linguis recitentur:

tentur. Finita Missa, dono accipit a Cardinale, Templi Archipresbytero, & Canonicis, marsupium sericeum album, tæniis fimbriisq; aureis exornatum, cui insunt Denarii aut Julii XXV. monetæ veteris, quotali verborum conceptione offertur: *Santissime & Beatissime Pater, Capitulum & Canonici S. Petri, vestram Sanctitatem devote & sancte colentes, solitum hocce & debitum presbyterorum, pro missa bene cantata, humilissimo animo, in æternæ subjectionis signum offerunt.* Solet autem Pontifex munus hoc Cardinali Diacono largiri, ob præstitam in cantando Evangelio operam. Quibus ita peractis, in thronum, auro gemmisque fulgentissimum, deducitur Pontifex, concipiente Cardinale Decano, tum alias, tum has quoque preces: *Omnipotens sempiternæ Deus, dignitas sacerdotii, & autor regni: da gratiam famulo tuo N. Pontifici nostro, Ecclesiam tuam fructuose regendi: ut qui tua clementia Pater Regum & Rector omnium fidelium constituitur, & coronatur, salubri tua dispositione cuncta bene gubernet: Per Christum Dominum nostrum Amen.* Sic denique capiti Pontificis vittam aufert unus e Cardinalibus Diaconis, alius, in locum ejus, Coronam reponit, inquiens: *Accipe Tiaram, tribus coronis ornatam: & scias, te esse Patrem Principum & Regum, Rectorem Orbis, in terra Vicarium Salvatoris nostri Iesu Christi cui sit honor & gloria in secula seculorum, Amen.* Excipiunt coronationem, Musicorum concinentium voces sonoræ, finemque actui imponit Benedictio Pontificis, quam populo impertitur, & Indulgentiarum Promulgatio, quæ a duobus Cardinalibus, in Latina & Italica linguis, recitatur; atque formula Latina habet: *Hodie salus facta*

facta est mundo. Hodie vobis omnibus fidelibus indulgentia plenaria, a Sanctissimo Domino nostro Papa N. est concessa: In Nomine Dei Patris + & Filii + & Spiritus Sancti + Amen. Sic finem accipit ceremonia, & in Sella confidens Papa, repetit Sixtinum Sacellum, hîc, postquam ei Cardinalis Decanus *ad multos annos* acclamavit, posito Pontificali cultu, prioribus, quas exuerat, vestibus sese induens, in Quirinali revertitur.

De Canonizatione Sanctorum.

Canonizatio, deficiente Cardinale Beilarmino l. 1. de S. Beat. c. 7. nihil est aliud, quam publicum Ecclesiæ testimonium, de vera sanctitate, & gloria alicujus hominis jam defuncti: ac simul est judicium ac sententia, qua decernuntur ei honores, qui debentur illis, qui cum Deo feliciter regnant. Dicitur autem Canonizatio, a Canone, quatenus ea vox, Antiquioribus, interdum Episcoporum, & præsertim Martyrum Catalogum, quorum memoria in sollemnibus Ecclesiæ precibus celebrabatur, significat: is enim regula & norma erat, per quem hi, ab aliis non æque de Ecclesia meritis, dignoscebantur. Proinde nomen alicujus Canonis adscribere, sive Canonizare, usurpari cœpit, pro eo, quod alias dicitur, aliquem Sanctum ac Beatum declarare. Haud multum abludivit ab ista explicatione eorum opinio, qui, recentiora instituta sequuti, Canonizationem sic vocari contendunt, quia eorum, qui canonizati sunt, mentionem in Missæ Canone facere licet. Est autem Canonizatio summi momenti res, & sine Papæ licentia, non licet aliquem venerari pro Sancto, ceu habet Rubrica præscripta capitulo 1. tituli Decretalium de Re-

liquis & veneratione Sanctorum, sive istis, quæ sequuntur, Alexandri III. Pontificis verbis: *Audimus, quod quidam inter vos, diabolica fraude decepti, hominem quendam, in potatione & ebrietate occisum, quasi sanctum, (more infidelium) venerantur. Cum vix pro talibus, in ebrietate peremtis, Ecclesia permittat orare. Dicit enim Apostolus: Ebriosi regnum Dei non possidebunt. Illum ergo non præsumatis de cætero colere: cum, etiamsi per eum miracula fierent, non liceret vobis ipsum pro sancto, absq; auctoritate Romanæ Ecclesiæ, venerari. Imo Urbanus VIII. Pontifex, Decreto Anno 1625. promulgato, renovatoq; postea Anno 1634. verbis gravissimis inhibuit, imprimi libros, hominum, qui sanctitatis seu martyrii fama celebres, e vita migraverint, gesta, miracula, vel revelationes, seu quæcunq; beneficia, tanquam eorum intercessionibus a Deo accepta, continentes, sine recognitione atq; approbatione Ordinarii. Et vero, apud Sulpitium Severum, in vita B. Martini, legimus, quod, cum populus coleret hominem aliquem pro Martyre, & B. Martino esset suspecta illa devotio, tandem eo orante apparuisse defuncti animam, & confessam esse, se in inferno cruciari, ob crebra perpetrata latrocinia. Cæterum, primus solemnem canonizandi ritum introduxisse creditur Leo III. Pontifex, rogatu Caroli M. Imperatoris & Hildebaldi Coloniensis Archiepiscopi, S. Suitbertum Confessorum Catalogo adscribendo. Cujus exemplum, ex intervallo, imitatus Innocentius II. Hugonem, Gratianopolitanum Episcopum, Anno 1130. retulit, in cœlitum numerum atq; sic mos ille postea indies magis magisq; invaluit. Non temere autem Pontifex ad Canonizationem progreditur, nec nisi ad Regis*

at Populi alicujus, crebro repetitas urgentissimas
 reces. Sic, quod Alexander VII. in Bulla Canoniza-
 tionis Francisci de Sales, Episcopi Genevensis, pro-
 tetur, pro hoc quidem, *pias suas supplicationes in-*
erposuere, *Charissimus in Christo filius Ludovicus,*
Francorum Rex Christianissimus, una cum venerabi-
bus Fratribus, Archiepiscopis, & Episcopis, ac uni-
verso Clero, Proceribus, & Universitatibus Studio-
rum generalium Regni Galliarum: nec non charissime
in Christo filia, Anna, Francorum Christianissima, &
Henricetta Angliæ Illustris, Regina viduæ, (quibus
postea charissima in Christo filia, Maria Theresia, Regis
Franciæ Conjux Christianissima accessit,) dilectus in-
super filius, Nobilis Vir, Carolus Emanuel Sabaudie
Dux, Pedemontii Princeps, atq; universus Ordo Mo-
nialium Visitationis B. Mariæ Virginis, quem Servus
Dei Franciscus de Sales Episcopus Genevensis institu-
erat. Si tamen alicujus defuncti sanctitas tam evi-
 dens sit, ut de illa inter omnes constet, ac miracula
 crebra ad illius sepulchrum edantur, satis causæ habe-
 ret Pontifex, ut proprio motu ad Canonizationem
 progrediatur. Interim notandum, vitæ sanctitatem
 solam, sine miraculis, ad aliquem canonizandum suf-
 ficere, neutiquam vero ad miracula attendi, si de vitæ
 sanctitate non constet; comprobatur tamen hæc mi-
 raculis, & illustrior redditur, modo in iis verorum
 miraculorum conditiones non deficient. Sed, de
 hoc casu, qui rarenter & vix unquam occurrit, non ad-
 modum laborandum. Quod si igitur Summi qui-
 dam Imperantes, de aliquo canonizando, Pontificem
 obtestati sunt, antequam ea decernatur, quatuor omni-
 no Consistoriis opus est, quorum primum & secun-
 dum secreta sunt, tertium publicum, quartum semi-

publicum. In primo responsum concipitur, reddendum Regibus aut Principibus intercessoribus, ac committitur tribus Auditoribus Rotæ, ut in omnem vitam, mores, obitum, miracula, canonizandi, quin & devotionem, qua populus defunctum prosequitur, solícite inquirant: Cardinales insuper totidem, aut plures, designantur, ad quos Rotæ Auditores de toto negotio referre debent. In secundo Consistorio, exponunt Cardinales selecti, quid ab Auditoribus Rotæ gestum fuerit, testanturq; legisse se sedulo processus formulam, ab iis literis consignatam, nec invenire se, quod in ea desiderent, aut judicent a veritate alienum. Tertium Consistorium instituitur in Aula Regia, ibiq; post præstitam a Cardinalibus obedientiam, Advocatus aliquis Consistorialis, oratione publica, vitam & miracula Canonizandi laudibus extollit. In quarto Consistorio, quod semipublicum esse diximus, & in quo Cardinales ab obedientia præstanda immunes sunt, præter Cardinales, congregantur quoque Patriarchæ, Archiepiscopi, Episcopi, Auditores Rotæ, & Protonotarii participantes, atque horum cujusque sententiam postquam perquisivit Pontifex, si in canonizationem consenserint, fit decretum, commendatum esse *canonizandum*, & dies panegyri constituitur. Interea loci exornatur S. Petri templum aulæis, inque eo insignia Pontificis, Canonizandi imago, & Principum intercessorum insignia, suspenduntur: imprimis altare, in quo Pontifex Missam celebraturus est, canonizandi imaginem repræsentare debet. Amplius, Pontifici thronus floribus refertus, Cardinalibus loca parantur commoda ad sedendum. Paratur similiter Vexillum magnum, cum imagine canonizandi, quod deferretur ante eos, qui ca-

noni-

canonizationem sollicitant, statuiturq; in eo loco, ubi Pontifex confidet. Quin & Cereos magno numero paratos esse oportet, distribuendos inter Pontificem & Cardinales; quin & ad templum illuminandum, tum toto Ceremoniarum tempore, tum in Offertorio. Die dicta, Pontifex ac Cardinales in Vaticanum sese conferunt, & postquam candidis vestibus sese amicivere, sedente Papa in gestatoria sella, & Cardinalibus eum comitantibus, tenentibusq; (quod idem & Papa facit) cereos manibus, per aream S. Petri instituitur processio. Fit postea ingressus in Ecclesiam, in qua Pontifex & Cardinales sedes suas occupant, atque hi mox obedientia sua erga Pontificem defunguntur. Quibus peractis, Procurator a Principibus Intercessoribus missus, palam Pontificem Superiorum nomine precatur, *τὸν δεῖνα* in Sanctorum numerum referre dignetur. Cantatur tum Litania, & omnes monentur, ut preces devote fundant, ne Deus in tam arduo negotio, Ecclesiam suam labi ac errare concedat, unde & ipse Pontifex prostratus vota concipit. Finita Litania, Procurator iterata vice Canonizationem urget, atq; sic Pontifex, Prælatiq; omnes, rursus preces tacitas fundunt. Sequitur post hæc tertia Procuratoris obtestatio: Et tum denique Pontifex pronunciat Canonizationem, tali verborum conceptione: *Ad honorem sanctæ & individue Trinitatis, & exaltationem fidei Catholicæ, ac Christianæ Religionis augmentum, autoritate ejusdem Dei Omnipotentis, Patris, & Filii, & Spiritus S. & Beatorum Apostolorum Petri & Pauli, & nostra, de Fratrum nostrorum consilio, decernimus & definimus, bonæ memoriæ N. in cœlesti Hierusalem, inter Beatorum choros jam receptum, æternæq; gloriæ condonatum, Sanctum*

esse, & Sanctorum Catalogo adscribendum : ipsamque Catalogo hujusmodi adscribimus, statuentes, ut ab universali Ecclesia, anno quolibet, in mense, & die tali, festum ipsius, & officium, sicut pro uno Confessore, (si sit Confessor) vel Martyre, (si sit Martyr) devote & solemniter celebretur, & ab ea suffragia a Christi fidelibus implorentur & expectentur. Addit interdum Pontifex : Insuper, eadem autoritate, omnibus vere pœnitentibus & confessis, qui annis singulis, ad sepulturam ejusdem, in die tali devote accesserint, unum annum & quadraginta dies ; accedentibus vero annis singulis, intra octavam dicti festi, ad sepulturam, quadraginta, de injunctis sibi pœnitentiis, misericorditer relaxamus. Post factam Canonizationis promulgationem, petit Procurator Bullas & Instrumentum, in rei gestæ fidem : Pontifex vero surgens incipit, Te Deum laudamus ; quem Hymnum Chorus persequitur. Post hæc Missam celebrat Pontifex, in ara Apostolorum Petri & Pauli, atque in Confessione, post Apostolorum, aliorumque Sanctorum nomina, exprimit quoque nomen recens Canonizati. In Offertorio vero offeruntur duo cerei prægrandes, duo panes, totidem vascula vini, & canistra tria, quorum unum continet par turturum, alterum columbas duas, tertium aviculas varii generis, e quibus aliquibus libertas conceditur. Missa dicta, indulgentiæ plenariæ conceduntur ; nec minus Pontifex solemnem impertitur benedictionem. Postremo cum vexillis, inter jubila, e templo Vaticano, in illud, quod in honorem recens canonizati est ornatum, instituitur processio : ibi cantantur collectæ, & gratiæ Deo peraguntur. Durante omni hoc actu, cui Religiosi ac Monachi universi, Prælati item, ac Officiales Can-

Cancellariæ, ardentis cereos manibus gestantes, interveniunt, & ad quem videndum immensa prorsus hominum multitudo undecunque confluit, ne quid turbarum accidat, cavet Cardinalis Archidiaconus, insidens in publico sellæ, holoserico rubro obductæ, & aureis fimbriis ornata, ad Palatii Vaticani portam, quæ ab Helvetiis nomen habet, Governatore urbis Romæ, cum baculo in manu, & Præfecto Palatii Pontificii, (Maggiordomo del Papa) eidem assistentibus. Is ergo tum in omnes copias militares imperium exercet, custodias per compita disponit, & mandata pro re nata dispensat; nec prius inde recedit, nisi processione plane finita. De reliquo, confert, ex placitis Romanæ Ecclesiæ Doctorum, Canonizatio Sanctis honores & prærogativas omnino octo:

1. Statuitur & jubetur, ut ab omnibus publice habeantur & dicantur Sancti.
2. Invocantur in publicis Ecclesiæ precibus.
3. Tempia & aræ in eorum memoriam Deo dicantur.
4. Sacrificia tam eucharistiæ, quam laudum & precum, quod vulgo Officium, sive Horæ Canonica, dicitur, in honorem illorum Deo publice offeruntur.
5. Dies festi in eorum memoriam celebrantur.
6. Pinguntur ipsorum imagines, addito certo quodam lumine, in signum gloriæ, quam habent in cœlis.
7. Eorum Reliquiæ pretiosis thecis includuntur, & publice honorantur.
8. In Calendariis & Fastis, rubrica & minio, illorum describuntur nomina.

Differt Canonizatio a Beatificatione, quod hæc angustior est, ac citra ceremoniarum pompam, solo Brevis peragitur, quodque per eam Pontifices minora indulgent privilegia; quæ hæc fere sunt: ut o *deiva* Beati nomine nuncupetur, ejusque

corpus & reliquiae venerationi Fidelium (non tamen in proceffionibus circumferenda) exponantur : ut imagines ejus radiis seu splendoribus exornentur : atque ut de eo, in quibusdam locis, quae in Bulla Beatificationis nominatim exprimuntur, statuta die, Officium & Missa celebrentur.

De Anno Jubilæo.

Annus Jubilæus, est annus indulgentiarum, quo Papa, ex thesauro Ecclesiae aperto, plenariam peccatorum remissionem, & indulgentias absolutissimas, omnibus limina Apostolorum visitantibus, liberali manu concedit. Est vero Indulgentia, proprie remissio, non culpae, sed poenae, neque hujus in foro externo contentioso, sive Seculari, sive Ecclesiastico, impositae, sed illius tantum, quae in foro secreto & poenitentiali irrogatur, ac post remissionem culpae remanet luenda. Proinde vocatur Annus Jubilæus annus sanctus, annus remissionis, gratiae, benedictionis, & cujusdam velut baptismi : resque de eo ita se habet, uti cum Principes Seculares, ad quorum munus vel praecipue pertinet, fontes debitis supplicis afficere, interdum, quando inaugurantur, apertis carceribus vinctos omnes conipedibus solvunt; quod tamen raro fit, ne nimia benignitate justitia plane pereat, omnibusque sceleribus fenestra aperiatur. Ut autem tanto major ad Urbem Romanam confluxus fiat hominum, suspenduntur omnes Indulgentiae plenariae, etiam perpetuae aliis Ecclesiis toto orbe concessae, item, quibus Sanctorum imagines, coronae, vel grana benedicta, aut numi sacri gaudent.

Annum Jubilæum primus Bonifacius VIII. Pontifex, anno 1300. introduxit, ad veteris Judaici Jubilæi rationem. Nam, uti apud Judaeos remissio-

es a debitis, & a mundana servitute immunitas, quinquagesimo quoque anno, concedebantur, ita novus ille Jubilæus annus, peccatorum omnium absolutionem, & ab inferni vinculis libertatem, Christianis, qui Apostolorum limina visitatum venissent, pollicebatur. Non tamen ad quinquagesimum, sed centesimum annum fuit redactus, ut simul etiam quondam Ethnicorum Romæ celebratis Ludis Secularibus opponeretur, quos hi Diti & Proserpinæ instituebant, clamante Præcone: *Venite ad Lulos, quos nemo mortalium vidit, nec visurus est.* Post Bonifacium, Clemens VI. qui Avenioni sedebat, Jubilæi periodum ad annum 50. deduxit, causatus, & Populi Romani preces, & quod paucis liceat, propter vitæ humanæ brevitatem, centesimum annum attingere. Quibus accedat, quod quinquagesimus annus in lege Mosaica Jubilæus fuerit, ac insuper quinquagesimus numerus, in Veteri Testamento, legis datione, & in Novo, Sancti Spiritus, a quo remissio peccatorum profluit, visibili in Apostolos effusione, sit honoratus. Sic igitur annus 1350. Jubilæus factus est, inseruitque Bullæ promulgationis Clemens Pontifex: *Concedimus, si verus confessus in via moriatur, quod ab omnibus peccatis suis penitus sit absolutus. Et nihilominus prorsus mandamus Angelis Paradisi, quatenus animam illius, a Purgatorio penitus absolutam, in Paradisi gloriam introducant.* Demum, ut quæque ætas beneficiorum, quæ Annus Jubilæus impertitur, particeps fieret, Sixtus IV. cyclum Jubilæorum ad annos 25. contraxit, annumque 1475. celebravit. Quantus ad has solemnitates concursus fiat, ex eo judicare licet, quod Platina refert, sub Nicolao V. anno 1450. impedito forte in ponte

ponte Hadriani, ob occurrentem mulam, transitu; homines ducentos, & equos tres, obtritos & suffocatos fuisse. Cæterum, cum Bonifacius VIII. tantum Sanctorum Petri & Pauli Basilicas visitandas proposuisset, Clemens VI. Lateranensem quoque, & Urbanus VI. S. Mariæ Majoris Ecclesias superaddere: quæ omnes, portas habent, semper, nisi cum Jubilæus Universalis agitur, obstructas manentes; cum vero hic ingruit, Vaticanam S. Petri portam ipse Summus Pontifex aperit: circa S. Pauli, Johannis Lateranensis, & S. Mariæ Majoris Ecclesiarum portas, idem Cardinales, qui sunt earum Archipresbyteri, præstant, quos Pontifex tanquam Legatos illuc destinare solet.

Publicatur Jubilæus Romæ in Festo Ascensionis Domini, Latina & Italica linguis, mittiturque formula publicationis, ad omnes, qui toto, Romanis sacris addicto, Orbe Christiano existunt, Archiepiscopos & Episcopos, ut eam in sua quisque Diœcesi divulget. Incipit Jubilæus a Vesperis Vigiliæ Natalis Domini, & durat usque ad easdem Vesperas anni sequentis. Ergo, sub istud, quod diximus, Anni Jubilæi auspiciu, Papa in Vaticano, pluviali & cæteris ornamentis indutus, stipatusque Cardinalium cœtu, in Sixti Capellam, ubi Prælati cæteri eum expectant, se confert, & ante Sacramentum expositum se prosternit. Accenduntur interim faces, inter Cardinales, aliosque distribuendæ. Mox Papa, sese elevans, imponit in thuribulum incensum, incensatque Sacramentum, & orditur Hymnum: *Veni Creator Spiritus*: quem Cantores prosequuntur: atque sic ad Ecclesiam S. Petri, ejus aream circumeundo, instituitur processio. Tum Papa, in sella gestatoria

ad Portam Sanctam, adhuc obstructam, aliis quoque omnibus ostiis clausis manentibus, delatus, in throno ibi parato confidet, ac nonnihil requiescit, Cardinalesque tres, ad alias portas sanctas aperiendas, abegat. Dehinc, descendens e throno, ad Portam Sanctam progreditur, quæ murata est lapidibus coctis, & Hierosolymis sæpius Salvatori nostro transitum præbuisse dicitur. Ante hanc, in præsentia sui Confessarii, in genua procumbit, preces aliquas fundens: quibus recitatis, surgit, capitque malleum aureum, eoque portam pulsans, ait: *Aperite mihi portam justitiæ.* Respondet Capella: *Ingressus eam confitebor Domino.* Repetit mox pulsationem Pontifex, additis verbis: *Introibo in Domum tuam, Domine.* Succinunt Cantores: *Adorabo ad templum sanctum tuum, in timore tuo.* Tertium portam pulsando ait: *Aperite portas, quoniam nobiscum est Deus:* excipiunt Musici: *Qui fecit virtutem in Israël:* nec mora, corruit minutatim porta, quam intus dispositi cæmentarii momento demoliuntur: Pontifex vero, trahito malleo aureo alicui ex suis, repetit thronum, & ibi orationes aliquas fundit, dum interea plebs lapides, cæmenta, calcemque diripit, ac Pœnitentiarii S. Petri limina postesque, aqua lustrali abluunt. Sic, sumta in manus cruce, thronum deferens Papa, exclamat: *Hæc est dies lætitiæ, quam nobis fecit Dominus, jubilemus & exulemus in illa:* & ante Portam Sanctam procumbens, incipit Hymnum, *Te Deum laudamus:* dehinc templum primus ingreditur, in quo Vesperæ more solito decantantur, fitque explicatio vexillorum Castelli S. Angeli, & displosio tormentorum, quæ ibi sunt disposita. Sequenti die, quæ Natalitius Servatoris dicata est, Pontifex e per-

gula

gula benedictionem, in forma Jubilæi, populo promulgat.

Obferatur Porta Sancta, in Vigilia feſti Nativitatis Dominicæ, poſt finitas veſperas. Tum in Vaticano templo, Papa ſacris indumentis amiſtus, & Cardinales omnes, cum cereis accenſis, ordine ambulantes, coram Veronicæ ſindone expoſita, ſe proſternunt, precesque fundunt, deinde vero ex templo exeunt, agmen claudente Papa. Is poſtquam egreſſus eſt, retro ad portam converſus, preces aliquas recitat, ac lapidibus & calci, ibi ad obſtruendam portam paratis, benedicit. Idem mox primum lapidem jacet, additq; illi ciſtellas aliquas, numis aureis argenteisque plenas. Eo labore defunctus, in ſolio confidet, lavat manus, ac, ubi Porta occluſa eſt, populo benedictionem, in forma Jubilæi, diſpenſat.

Evocantur Romam in Jubilæo undecunque gentium Viri variarum linguarum periti, ut nulla non gens vel natio Confeſſarios promptos habeat, quibus deſideria ſua & arcanos animi ſenſus plene exponere poſſit. Xenodochia, anno hoc durante, non tantum a Nobilibus Urbis Romæ, Cardinalibusque, ſed & Pontifice ipſo, viſitari ſolent, iique curant, ut pauperes peregrini, immenſis agminibus accurrentes, commodum receptum habeant, deque alimentis eis proſpectum ſit: præcipue vero, ut cum munditie tractentur, & libero aëre perfruantur, ne, ex hac variorum populorum in iis locis colluvie, morbus aliquis aut peſtis graſſari occipiat: qualis ſane primum Jubilæum ſemifecularem conſecuta eſt, adeo quidem gravis, ut, ceu Cornelius a Lapide ad cap. 25. Levitici quoque annotavit, per Italiam, ex mille vix decem ſupereſſent. De Clemente VIII. ac Urbano VIII. prodi-

proditum est, ipsosmet in Jubilæis, quotidie mane ac
vesperi, per horam integram, publice in Ecclesia
aticana sedentes, peregrinos quoscunque ad pec-
atorum confessionem edendam admisisse indulgen-
ssime.

De Benedictionibus, & Excommu- nicatione solemni, nec non de Pedum Lotione, quas peragit Romanus Pontifex.

*Benedictiones, quibus Pontifex, extra Jubilæum,
aut sacri regiminis primordia, quoquo anno, po-
ulum, in pergula constitutus, prosequitur, tres sunt:
Prima fit in die Cœnæ Dominicæ; altera in Domini-
a Resurrectionis; & tertia in Festo Ascensionis Do-
minicæ. Sed primam, præcedit famosa Hæretico-
um, aliorumq; Excommunicatio, quam, Pontifice
præsente, & Candelam nigram ardentem (in cœtum
innumerosorum hominum ibi congregatorum postea ja-
tandam) tenente, recitat Cardinalis aliquis, tali
formula:*

N. Episcopus, Servus servorum Dei,
ad futuram rei memoriam.

Pastoralis Romani Pontificis vigilantia & sollicitu-
do, cum in omni Christianæ Reipublicæ pace
& tranquillitate procuranda, pro sui muneris officio
assidue versatur, tum potissimum in Catholicæ fidei,
sine qua impossibile est placere Deo, unitate atque
integritate retinenda, & conservanda, maxime elucet.
Nimirum ut fideles Christi non sint parvuli fluctu-
antes, neque circumferantur omni vento doctrinæ,

in nequitia hominum, ad circumventionem erroris: sed omnes occurrant in unitatem fidei, & agnitionis Filii Dei, in virum perfectum, neque se in hujus vitæ societate, & communione lædant, aut inter se alter alteri offensionem præbeant: sed potius in vinculo charitatis conjuncti, tanquam unius corporis membra, sub Christo capite, ejusque in terris Vicario, Romano Pontifice, Beatissimi Petri Successore, a quo totius Ecclesiæ unitas dimanat, augeantur in ædificationem, atque ita divina gratia adjutrice, sic præsentis vitæ quiete gaudeant, ut futura quoque beatitudine perfruantur. Ob quas sane causas, Romani Pontifices, prædecessores nostri, hodierna die, quæ anniversaria Dominicæ Cœnæ commemoratione solennis est, spiritualem Ecclesiasticæ disciplinæ gladium, & salutaria justitiæ arma, per mysterium summi Apostolatus, ad Dei gloriam, & animarum salutem, solenniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem & justitiam, Deo auctore, tueri, vetustum, & solemnem hunc morem sequentes, excommunicamus, & anathematizamus, ex parte Dei Omnipotentis, Patris, & Filii, & Spiritus S. autoritate quoque Beatorum Apostolorum Petri & Pauli, ac nostra, quoscunque Hussitas, Vuiclephistas, Lutheranos, Zuinglianos, Calvinistas, Vgonotos, Anabaptistas, Trinitarios, & a Christiana fide Apostatas, ac omnes & singulos alios Hæreticos, quocunque nomine censeantur, & cujuscunq; Sectæ existant; ac eorum credentes, receptatores, fautores, & generaliter quoslibet illorum defensores, ac eorundem libros, hæresin continentes, vel de Religione tractantes, sine auctoritate nostra,

& Se-

Sedis Apostolicæ scienter legentes, aut retinentes, imprimantes, seu quomodolibet defendentes, ex quavis causa, publice, vel occulte, quovis ingenio, vel colore: nec non Schismaticos, & eos, qui se a nostra, & Romani Pontificis pro tempore existentis, obedientia, pertinaciter subtrahunt, vel recedunt.

Item, excommunicamus & anathematizamus omnes & singulos, cujuscunque status, gradus, seu conditionis fuerint: Universitates vero, Collegia, & Capitula, quocunque nomine nuncupentur, interdicimus; ab ordinationibus seu mandatis nostris, ac Romanorum Pontificum pro tempore existentium, & Universale futurum Concilium appellantes: nec non eos, quorum auxilio vel favore appellatum fuerit.

Item, excommunicamus & anathematizamus omnes Piratas, Cursarios, ac Latrunculos maritimos, discurrentes mare nostrum, præcipue a monte Argentario, usque Terracinam, ac omnes eorum fautores, receptatores, & defensores.

Item, excommunicamus & anathematizamus omnes & singulos, qui Christianorum quorumcunque navibus, tempestate seu in transversum (ut dici solet) jactatis, vel quoquo modo naufragium passis, sive in ipsis navibus, sive ex eisdem ejecta, in mari vel in litore inventa, cujuscunque generis bona, tam in nostris Tyrreni & Adriatici, quam in cæteris cujuscunque maris regionibus, & litoribus, surripuerint: ita ut nec ob quodcunque privilegium, consuetudinem, aut longissimi etiam immemorialis temporis possessionem, seu alium quemcunque prætextum, excusari possint.

Item, excommunicamus & anathematizamus omnes, qui in terris suis nova Pedagia, seu Gabellas, præterquam in casibus, sibi a jure, seu speciali Sedis Apostolicæ licentia, permissis, imponunt, vel augent, seu imponi vel augeri prohibita, exigunt.

Item, excommunicamus & anathematizamus, omnes falsarios literarum Apostolicarum, etiam in forma Brevis, ac Supplicationum, gratiam, vel justitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romani Pontificis signatarum, nec non falso fabricantes literas Apostolicas, etiam in forma Brevis, & etiam falso signantes Supplicationes hujusmodi, sub nomine Romani Pontificis, seu Vicecancellarii, aut gerentium vices prædictorum.

Item, excommunicamus & anathematizamus omnes illos, qui ad Saracenos, Turcas, & alios Christiani nominis hostes, & inimicos, vel hæreticos, per nostras, sive hujus Sanctæ Sedis sententias expresse vel nominatim declaratos, deferunt, seu transmittunt, equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina, canapem, funes, tam ex ipso canape, quam alia quacunq; materia, & ipsam materiam, aliaque hujusmodi, quibus Christianos & Catholicos impugnant, nec non illos, qui per se, vel alios, de rebus statum Christianæ Reip. concernentibus, in Christianorum perniciem & damnum, ipsos Turcas, & Christianæ religionis inimicos, nec non Hæreticos, in damnum Catholicæ religionis, certiores faciunt, illisque ad id auxilium, consilium, vel favorem quomodolibet præstant. Non ob-

stantibus quibuscunque privilegiis, quibusvis personis, Principibus, Rebuspublicis, per Nos, & Sedem prædictam hætenus concessis, de hujusmodi prohibitione expressam mentionem non facientibus.

Item, excommunicamus & anathematizamus, omnes impediētes, seu invadentes eos, qui victualia, seu alia ad usum Romanæ Curiaē necessaria, adducunt, & etiam eos, qui, ne ad Romanam Curiam adducantur, vel afferantur, prohibent, impediunt, seu perturbant, seu hæc facientes defendunt, per se, vel alios, cujuscunque fuerint ordinis, præminentiaē, conditionis, & status, etiamsi Pontificali, seu Regali, aut alia quavis, Ecclesiastica, vel mundana præfulgeant dignitate.

Item, excommunicamus & anathematizamus omnes illos, qui ad Sedem Apostolicam venientes, & ecedentes ab eadem, sua, vel aliorum opera, interficiunt, mutilant, spoliant, capiunt, detinent, nec non illos omnes, qui jurisdictionem ordinariam, vel delegatam, a Nobis, vel Nostriis Judicibus non habentes, illam sibi temere vendicantes, similia, contra morantes in eadem Curia, audent perpetrare.

Item, excommunicamus & anathematizamus, omnes interficientes, mutilantes, vulnerantes, detinentes, capientes, seu deprædantes, Romipetas, seu Peregrinos, ad Urbem causa devotionis, seu peregrinationis, accedentes, & in ea morantes, vel ab ipsa ecedentes, & in his dantes auxilium, consilium, vel favorem.

Item, excommunicamus & anathematizamus omnes, interficientes, mutilantes, vulnerantes, percutientes, capientes, carcerantes, detinentes, vel hostiliter insequentes, S. R. E. Cardinales, ac Pa-

triarchas , Archiepiscopos , Episcopos , Sedisque Apostolicæ Legatos , vel Nuncios , aut eos a suis Diœcesibus , Territoriis , Terris seu Dominis , ejicientes : nec non ea mandantes , vel rata habentes , seu præstantes in eis auxilium , consilium , vel favorem.

Item , excommunicamus & anathematizamus omnes illos , qui per se , vel per alios , personas Ecclesiasticas quascunque , vel Seculares , ad Romanam Curiam super eorum causis & negotiis recurrentes , ac illa in eadem Curia prosequentes , aut procurantes , negotiorumque gestores , Advocatos , Procuratores , & Agentes , seu etiam Auditores , vel Judices , super dictis causis , vel negotiis deputatos , occasione causarum , vel negotiorum hujusmodi , occidunt seu quoquo modo percutiunt , bonis spoliant , seu , qui per se , vel per alios , directe , vel indirecte , delicta hujusmodi committere , exequi , vel procurare , aut in eisdem auxilium , consilium , vel favorem præstare non verentur , cujuscunque præeminentiæ & dignitatis fuerint ,

Item , excommunicamus & anathematizamus omnes , tam Ecclesiasticos , quam Seculares , cujuscunque dignitatis , qui , prætexentes frivolam quandam appellationem , a gravamine , vel futura executione literarum Apostolicarum , etiam in forma Brevis , tam gratiam , quam justitiam concernentium , nec non citationum , inhibitionum , sequestrorum , monitoriorum , processuum , executorialium , & aliorum decretorum , a Nobis , & a Sede prædicta , seu Legatis , Nunciis , Præsidentibus Palatii Nostri , & Camera Apostolicæ Auditoribus , Commissariis , aliisque Judicibus , & Delegatis Apostolicis emanatorum , & quæ pro tempore emanaverint , aut alias

ad

ad Curias seculares, & laicam potestatem recurrunt, & ab ea, instante etiam Fisci Procuratore, vel Advocato, Appellationes hujusmodi admitti, ac literas, citationes, inhibitiones, sequestra, monitoria, & alia prædicta, capi, & retineri faciunt, quive illa simpliciter, vel sine eorum beneplacito & consensu, vel examine, executioni demandari, aut ne Tabelliones & Notarii, super hujusmodi literarum & processuum executione, instrumenta vel acta conficere, aut confecta, parti, cujus interest, tradere debeant, impediunt, vel prohibent, ac etiam partes, seu eorum agentes, consanguineos, affines, familiares, notarios, executores, & subexecutores, literarum, citationum, monitoriorum, & aliorum prædictorum, capiunt, percutiunt, vulnerant, carcerant, detinent, ex Civitatibus, Locis, & Regnis ejiciunt, bonis spoliant, perterrefaciunt, concutiunt, & comminantur, per se, vel alium, seu alios, publice, vel occulte, quive aliis quibuscunque personis, in genere, vel in specie, ne pro quibusvis eorum negotiis prosequendis, seu gratiis vel literis impetrandis, ad Romanam Curiam accedant, aut recursum habeant, seu gratias ipsas, vel literas a dicta Sede impetrent, seu impetratis utantur, directe vel indirecte prohibere, statuere, seu mandare, vel eas apud se, aut Notarios seu Tabelliones, vel alias quomodolibet retinere præsumunt.

Item, excommunicamus & anathematizamus omnes & singulos, qui per se, vel alios, autoritate propria, ac de facto, quarumcunque exemptionum, vel aliarum gratiarum, & literarum Apostolicarum, prætextu, beneficiales, & decimarum, ac alias causas spirituales, & spiritualibus annexas, ab Audito-

ribus, & Commissariis nostris, aliisque Judicibus Ecclesiasticis avocant, illorumve cursum & audientiam, ac Personas, Capitula, Conventus, Collegia, causas ipsas prosequi volentes, impediunt, ac se de illarum cognitione tanquam Judices interponunt: quive partes actrices, quæ illas committi fecerunt, & faciunt, ad revocandum, & revocari faciendum, citationes, vel inhibitiones, aut alias literas in eis decretas, & ad faciendum, vel consentiendum, eos, contra quos tales inhibitiones emanarunt, a censuris & pœnis in illis contentis absolvi, per statutum vel alias compellunt, vel executionem literarum Apostolicarum, seu executorialium, processuum, ac decretorum prædictorum, quomodolibet impediunt, vel suum ad id favorem, consilium, aut assensum præstant, etiam prætextu violentiæ prohibendæ, vel aliarum prætentionum, seu etiam, donec ipsi ad Nos informandos, ut dicunt, supplicaverint, aut supplicari fecerint, nisi supplicationes hujusmodi, coram Nobis, & Sede Apostolica, legitime prosequantur: etiamsi talia committentes fuerint Præsidentes Cancellariorum, Conciliorum, Parlamentorum, Cancellarii, Vicecancellarii, Consilarii ordinarii, vel extraordinarii, quorumcunq; Principum Secularium, etiamsi Imperiali, Regali, Ducali, vel alia quacunque præfulgeant dignitate, aut Archiepiscopi, Episcopi, Abbates, Commendatarii, seu Vicarii fuerint. Quive ex eorum prætenso officio, vel ad instantiam partis, aut aliorum quorumcunque, personas ecclesiasticas, Capitula, Conventus, Collegia Ecclesiarum quarumcunque, coram se, ad suum Tribunal, Audientiam, Cancellariam, Concilium, vel Parlamentum, præter Juris Canonici dispositionem, trahunt, vel trahi faciunt,

ciunt, vel procurant, directe, vel indirecte, quovis quaesito colore. Nec non, qui statuta, ordinationes, constitutiones, pragmaticas, seu quævis alia decreta in genere, vel in specie, ex quavis causa, aut quovis quaesito colore, ac etiam prætextu cujusvis consuetudinis, aut privilegii, vel alias quomodolibet, fecerint, ordinaverint, & publicaverint, vel factis & ordinatis usi fuerint, unde libertas Ecclesiastica tollitur, seu in aliquo læditur, vel deprimitur, aut alias quovis modo restringitur, seu nostris, & dictæ Sedis, ac quarumcunque Ecclesiarum juribus, quomodolibet directe vel indirecte, tacite vel expresse præjudicatur. Nec non, qui Archiepiscopos, Episcopos, aliosque superiores & inferiores Prælatos, & omnes alios quoscunque iudices Ecclesiasticos ordinarios, quomodolibet hac de causa, directe vel indirecte, carcerando vel molestando, eorum agentes, procuratores, familiares, nec non consanguineos & affines impediunt, quo minus sua jurisdictione Ecclesiastica, contra quoscunque, utantur, secundum quod canones & sacræ constitutiones Ecclesiasticæ, & decreta Conciliorum generalium, & præsertim Tridentini, statuunt, ac etiam eos, qui post ipsorum ordinariorum, vel etiam ab eis delegatorum quorumcunque sententias, & decreta, aut alias fori Ecclesiastici iudicium eludentes, ad Cancellarias & alias Curias seculares recurrunt, & ab illis prohibitiones, & mandata etiam pœnalia, ordinariis aut delegatis prædictis decerni, & contra illos exequi procurant, eos quoque, qui hæc decernunt, & exequuntur, seu dant consilium, patrocinium, & favorem in eisdem. Quive jurisdictiones seu fructus, redditus & proven- tus, ad Nos, & Sedem Apostolicam, & quascunq;

Ecclesiasticas personas , ratione Ecclesiarum , Monasteriorum , & aliorum beneficiorum Ecclesiasticorum pertinentes , usurpant , vel etiam quavis occasione vel causa , sine Romani Pontificis , vel aliorum ad id legitimam facultatem habentium , expressa licentia , sequestrant. Quive collectas , decimas , talleas , præstantias , & alia onera , Clericis , Prælatiis , & aliis personis Ecclesiasticis , ac eorum , & Ecclesiarum , Monasteriorum , & aliorum beneficiorum Ecclesiasticorum bonis , illorumque fructibus , redditibus , & proventibus hujusmodi , absq; simili Romani Pontificis speciali & expressa licentia , imponunt , & diversis etiam exquisitis modis exigunt , aut sic imposita , etiam a sponte dantibus & concedentibus , recipiunt. Nec non , qui per se , vel alios , directe vel indirecte , prædicta facere , exequi , vel procurare , aut in eisdem auxilium , consilium , vel favorem , præstare non verentur , cujuscunque sint præeminentiæ , dignitatis , ordinis , conditionis , aut status , etiam si Imperiali , aut Regali præfulgeant dignitate , seu Principes , Duces , Comites , Barones , & alii Potentatus quicunque , etiam Regnis , Provinciis , Civitatibus , & Terris quoquo modo præsidentes , Consilarii & Senatores , aut quavis etiam Pontificali dignitate insigniti. Innovantes decreta , super his , per sacros canones , tam in Lateranensi novissime celebrato , quam aliis Conciliis generalibus edita , etiam cum censuris , & pœnis in eis contentis.

Item , excommunicamus & anathematizamus , omnes & quoscunque Magistratus & Judices , Notarios , Scribas , Executores , Subexecutores , quomodolibet se interponentes in causis capitalibus , seu criminalibus , contra personas Ecclesiasticas , illas
pro-

processando, banniendo, capiendo, seu sententias contra illas proferendo, vel exequendo, sine speciali, specifica, & expressa hujus Sanctæ Sedis Apostolicæ licentia, etiamsi talia committentes fuerint Consiliarii, Senatores, Præsidentes, Cancellarii, Vicecancellarii, aut quovis alio nomine nuncupati.

Item, excommunicamus & anathematizamus omnes illos, qui per se, seu alios, directe vel indirecte, sub quocunque titulo vel colore, invadere, destruere, occupare, & detinere præsumpserint, in totum, vel in partem, Almam Urbem, Regnum Siciliae, Insulas Sardiniae & Corsicae, Terras citra Pharum, Patrimonium B. Petri in Tuscia, Ducatum Spoletanum, Comitatum Venaysinum, Sabinensem, Marchiae Anconitanæ, Massæ, Trebariæ, Roman-diolæ, Campaniæ & maritimas provincias, illarumque Terras, & loca, ac Terras specialis commissionis Arnulforum, Civitatesque nostras Bononiam, Cæsenam, Ariminum, Beneventum, Perusium, Avinionem, Civitatem Castelli, Tudertum, Ferrariam, Comaclum, & alias civitates, Terras, & loca, vel jura, ad ipsam Romanam Ecclesiam pertinentia, dictæque Romanæ Ecclesiæ mediate vel immediate subiecta, nec non supremam jurisdictionem in illis, Nobis, & eidem Romanæ Ecclesiæ competentem, de facto usurpare, perturbare, retinere, & vexare, variis modis præsumunt; nec non adhærentes, fautores, & defensores eorum, seu illis auxilium, consilium, vel favorem quomodolibet præstantes.

Volentes præsentis nostros processus, ac omnia & quæcunque his literis contenta, quousq; alii hujusmodi processus, a Nobis, aut Romano Pontifice pro-

tem-

tempore existente, fiant, aut publicentur, durare, suosq; effectus omnino sortiri.

Cæterum, a prædictis sententiis, nullus per alium, quam per Romanum Pontificem, nisi in mortis articulo constitutus, nec etiam tunc, nisi, de stando Ecclesiæ mandatis, & satisfaciendo, cautione præstita, absolvi possit; etiam prætextu quarumvis facultatum & indultorum, quibuscunq; personis Ecclesiasticis, Secularibus, & quorumvis Ordinum, etiam Mendicantium, ac Militarium Regularibus, etiam Episcopali, vel alia majori dignitate præditis, ipsisq; Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis, nec non laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cujusvis Concilii decreta, verbo, literis, aut alia quacunq; scriptura, in genere, & in specie, concessorum, & innovatorum, ac concedendorum & innovandorum.

Quod si forte aliqui, contra tenorem præsentium, talibus excommunicatione & anathemate laqueatis, vel eorum alicui, absolutionis beneficium impendere de facto præsumpserint, eos excommunicationis sententia innodamus, gravius contra eos, spiritualiter & temporaliter, prout expedire noverimus, processuri.

Declarantes, ac protestantes, quamcunq; absolutionem, etiam solemniter per nos faciendam, prædictos excommunicatos, sub præsentibus comprehensos, nisi prius a præmissis, cum vero proposito ulterius similia non committendi, destiterint, ac quoad eos, qui contra Ecclesiasticam libertatem, ut præmittitur, statuta fecerint, nisi prius statuta, ordinationes, constitu-

stitutiones, pragmaticas, & decreta hujusmodi, publice revocaverint, & ex Archivis seu capitularibus locis, aut libris, in quibus annotata reperiuntur, deleri, & cassari, ac Nos de revocatione hujusmodi certiores fecerint, eos non comprehendere, nec eis aliter suffragari, quin etiam per hujusmodi absolutionem, aut quoscunq; alios actus contrarios, tacitos vel expressos, ac etiam per patientiam & tolerantiam nostram, vel Successorum nostrorum, quantocunq; tempore continuatam, in præmissis omnibus & singulis, ac quibuscunq; juribus Sedis Apostolicæ, ac S. R. E. undecunq; & quandocunq; quæsitis, vel quærendis, nullatenus præjudicari posse, aut debere.

Non obstantibus privilegiis, indulgentiis, indultis, & literis Apostolicis generalibus, vel specialibus supradictis, vel eorum alicui, seu aliquibus aliis, cujuscunque ordinis, status, vel conditionis, dignitatis, & præeminentiæ fuerint, etiam si, ut præmittitur, Pontificali, Imperiali, Regali, seu quavis Ecclesiastica & mundana præfulgeant dignitate, vel eorum Regnis, Provinciis, Civitatibus, seu locis, a prædicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibusvis clausulis, etiam derogatoriis derogatoriis, concessis, etiam continentibus, quod excommunicari, anathematizari, vel interdici non possint per literas Apostolicas, non facientes plenam & expressam, ac de verbo ad verbum, de indulto hujusmodi, ac de ordinibus, locis, nominibus propriis, cognominibus, & dignitatibus eorum, mentionem, nec non consuetudinibus, etiam immemorialibus, ac præscriptionibus, quantumcunq; longissimis, & aliis quibuslibet observantiis, scriptis, vel non scriptis, per
quæ

quæ contra hos nostros processus, ac sententias, quominus includantur in eis, se juvare valeant, vel tueri.

Quæ omnia, quoad hoc, eorum omnium tenores, ac si ad verbum, nihil penitus omisso, infererentur, præsentibus pro expressis habentes, penitus tollimus, & omnino revocamus, cæterisque contrariis quibuscunque.

Vt vero præsentis nostri processus ad publicam omnium notitiam facilius deducantur, chartas seu membranas, Processus ipsos continentes, valvis Ecclesiæ S. Johannis Lateranensis, & Basilicæ Principis Apostolorum de Vrbe, appendi faciemus, ut ii, quos Processus hujusmodi concernunt, quod ad ipsos non pervenerint, aut quod ipsos ignoraverint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut Processus ipsi, & præsentis literæ, ac omnia & singula in eis contenta, eo fiant notiora, quo in plerisque Civitatibus & locis fuerint publicata, universis & singulis Patriarchis, Primatibus, Archiepiscopis, Episcopis, & locorum Ordinariis, & Prælati, ubilibet constitutis, per hæc scripta committimus, & in virtute sanctæ obedientiæ districtè præcipiendo mandamus, ut per se, vel alium, seu alios, præsentis literas, postquam eas receperint, seu earum habuerint notitiam, semel in anno, aut, si expedire viderint, etiam pluries, in Ecclesiis suis, dum in eis major populi multitudo ad divina convenerit, solemni-ter publicent, & ad Christi fidelium mentes reducant, nuncient & declarent.

Cæterum, Patriarchæ, Archiepiscopi, Episcopi, alique locorum Ordinarii, & Ecclesiarum Prælati, nec non Rectores, cæterique curam animarum exercentes, ac Presbyteri Seculares, & quorumvis Ordinum Regulares, ad audiendas peccatorum confessiones, quavis autoritate deputati, transumptum præsentium literarum penes se habeant, easque diligenter legere, & percipere studeant. Volentes earundem præsentium transumptis, etiam impressis, Notarii publici manu subscriptis, & sigillo Judicis ordinarii, Romanæ Curia, vel alterius personæ, in dignitate Ecclesiastica constitutæ, munitis, eandem prorsus fidem in iudicio, & extra illud, ubique locorum adhibendam fore, quæ ipsis præsentibus adhiberetur, si essent exhibitæ, vel ostensæ. Nulli ergo omnino hominum, liceat hanc paginam nostræ excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire. Si quis autem hoc attentare præsumserit, indignationem Omnipotentis Dei, ac Beatorum Petri & Pauli Apostolorum ejus, se noverit incursurum. Dat. Romæ apud S. Petrum, Anno Incarnationis Dominicæ Pontificatus nostri anno

De Agnos Dei parandi modo.

IN Sabbato Sancto, quod Paschæ festum præcedit, consecrabatur quondam Fons novus Baptismalis, olei atque chrismatis (quem quidem ritum etiamnum tenet Romana Ecclesia) infusione, ad Baptismum proxima hebdomade Catechumenis conferendum. Die ergo sacro Paschatis, & sex diebus sequenti-

quentibus, baptizabantur Catechumeni, eaque hebdomada *in Albis* dicebatur, ab albis vestibus, quibus recens baptizati induebantur, quique ob eandem causam, *Agni* appellati fuere. At, nomen *in Albis*, soli deinde Sabbato mansit, quod est intra octavam Paschatos, eoque omnes, qui Baptismo initiati, erant, in Ecclesia conveniebant. Sequens Dominica, *in Albis depositis*, vocata fuit, quo noviter baptizati, mane, albis adhuc induti, in Ecclesia congregabantur, domum vero, sacris officiis finitis, repetentes, albis vestibus sese exuebant, & solito amictu rursus utebantur. In istius ritus memoriam, ne plane ex animis hominum deleatur, Romani Pontifices Agnorum Dei, hoc est, planetarum orbiculatarum e cera candida, quibus plerumq; agni vexilliferi imago impressa, Benedictionem substituerunt; quanquam eorum parandorum ratio, non semper fuit eadem. Antiquioribus enim temporibus, cera alba pura, a Magistro Palatii Apostolici, iisque, qui Agnos Dei expetebant, collata, ponebatur super aram S. Petri, quam Subdiaconus quidam Apostolicus inde acceptam, ad Pontificis Palatium deferabat, ubi ipse & alii Subdiaconi, Papæq; Acoluthi, suis manibus Agnos Dei efformabant, ceram, oleo sancto & chrismate, quod ex anno præterito supererat, emolliendo. Dehinc, Papæ exhibiti, ab illo sacrabantur. Nunc, Papa fere nonnisi primo anno Pontificatus, & deinde quovis septennio, Benedictionem Agnorum Dei peragit. Eos formant Sacrista Papæ, illiusq; Capellani, & Clerici Capellæ, ex Cereo Paschali anni præteriti, & cera, aliunde, Papæ expensis, allata, illisq; non miscetur amplius oleum sanctum, nec chrisma, sed puri & mundi Papæ offeruntur, qui feria tertia a Paschatis festo, post auditam,

vel

el dictam Missam, in suo conclavi, indutus Pontificalibus vestibus, eos hac ratione consecrat. Primum benedicit aquam simplicem, ibidem in vase magno paratam, benedictione communi, quæ diebus Dominicis vulgo adhibetur, cui mox alias preces superaddit. Post hæc infundit in eam Balsamum, & sanctum Chrisma, ex duabus ampullis, crucis in formam, additq; preces convenientes. Tum Agnos Dei quoque benedicit, quorum ibidem capsæ integræ plenæ sunt. Iis benedictis, Pontifex, acinctus linteo, & mitratus, sedet apud vas aquæ. Ad hunc deportant Cubicularii Agnos Dei, in pelvibus argenteis: eos Papa immergit in aquam; Cardinales vero ac Prælati adstantes rursus extrahunt: extracti in eisdem pelvibus portantur super mensas, mappis candidissimis stratas, ut siccentur. Quibus peractis, Papa rursus alias orationes super eos recitat, atque sic reponuntur Agni Dei in capsas, usque ad Sabbatum in Albis, in quo, post dictum *Agnus Dei*, in Missa, illorum fit distributio. Hoc nimirum Sabbato, Missa diei, in Capella Papæ, a Presbytero Cardinale celebratur. Pontifici sedenti, Subdiaconus quispiam Apostolicus, sacris vestibus indutus, Cruce cum duobus Ceroferariis, & fumigante Thuriferario præcedentibus, affert lancem plenam Agni Dei, a Sacrista acceptam; ac, ad Capellæ ostium delatus, alta voce dicit: *Pater Sancte, isti sunt Agni novelli, qui annuntiaverunt vobis Alleluja: modo venerunt ad fontes, repleti sunt claritate, Alleluja.* Hoc ipsi iterum & tertio facit idem Subdiaconus, ac Agnos Dei Pontifici præsentat, lancem ipsam manibus tenens. Nec mora, Pontifex primum omnibus Cardinalibus, deinde Prælatis, aliisque, Agnos Dei

Dei distribuit, a dignioribus incipiendo: qui, maxima cum reverentia & devotione, eos a Pontifice genuflexi accipiunt in mitris vel capitiis suis; nec manibus nudis attrectant. Finita distributione, Papa, ceu habent ipsa verba librorum Ritualium, lotis manibus, reliquum Missæ audit: qua finita, ab aliquibus Pontificis familiaribus, quibus id demandatum fuerit, omnibus fidelibus donantur similiter Agni Dei, ut ab iis in larariis sanctissime colantur.

Juvat, ad intelligentiam verborum, quibus Subdiaconus Pontificem affatur, scire, olim, recens lustrali baptismi aqua ablutos, Alleluja in Ecclesia decantare consuevisse: in quam rem, deque aliis baptismi veteris ritibus, extant notabiles Pontii Paulini versus:

*Inde parens sacro ducit de fonte sacerdos
Infantes niveos, corpore, corde, habitu.
Circumdatq; rudes festis altaribus agnos,
Plura salutiferis imbuit ora cibus.
Hinc senior sociæ congaudet turba cæteræ,
Alleluja novis balat ovile choris.*

Cæterum, magnæ vires, virtutesque prope immensæ, istis Agnis Dei, a Pontifice consecratis, inesse prædicantur, quas ipse Urbanus V. Papa, cum similem Agnum ad Constantinopolitanum Imperatorem misisset, his versibus expressit:

*Balsamus, & cera munda, cum chrismatis unda,
Conficiunt Agnum, quod munus do tibi magnum:
Fonte velut natum, per mystica sanctificatum,
Fulgura desursum depellit, & omne malignum,
Peccatum frangit, ut Christi sanguis, & angit;
Pregnans servatur, a væ partus liberatur.*

Dona

*Dona parat dignis, virtutem destruit ignis:
Portatus munde, de fluctibus eripit undæ.*

Sed, quæ incomitis his Leoninis, & obscurioribus interdum versibus, dicuntur, sic elegantius, magisque dilucide efferre studuit Janus Vitalis Poëta:

*Candida cera, Dei, divini ope Numinis, Agnos,
Agnos novellos conficit.*

*Adduntur succo mox Balsama pinguis olivi,
Et lympba puri gurgitis,*

*Conceptis verbis, arcano & munere sacrat,
Romanus illos Pontifex.*

*Et quia designant nobis mysteria Summi
Agni Polorum Principis,*

*Restituit nobis proprio qui funere vitam,
Agni rogat Vicarius,*

*Ventorum ut rabiem excutiant, pelagiq; procellas,
Itusq; frangant fulminum:*

*Vt stygios nostris pellant a sedibus hostes,
Vt fæda tergant crimina:*

*Cunctantem educant utero de sospite fœtum,
Matris dolores abrogent.*

*Flammarum extinguant incendia dira, bonisq;
Opes honoris augeant;*

*Præterea mortis horrenda pericula tollant,
Mortis repente concitæ.*

*Sit victor quisquis pugnans dat laudis honores
Agnis novellis debitos:*

*Exorent nobis divini Numinis auram,
Opis sequestres cœlitum:*

*Omnia sint votis nostris, atq; omnia possint
Culti fideli spiritu,*

*Vt sunt in se ipsis pars totum quælibet; utq; est
Totum illud absq; partibus:*

*Hæc rogat, & sanctis undis simul abluit agnos,
Pastor gregis mortalium.*

De Gladii, Pilei, & Rosæ Auræ consecratione.

IN nocte Festi Natalitiorum Servatoris nostri, fit a Pontifice *Consecratio Gladii Pileiq;*. Ac GLADIUM quidem consecrationi, ansam dedit, quod 2. Maccab. 15. legitur Jeremias Propheta apparuisse Judæ Maccabæo, adversus Nicanorem expeditionem suscipienti, eique in manus gladium aureum tradidisse, sic effatus: *Accipe sanctum gladium, munus a Deo, in quo deicies adversarios populi mei Israël.* Est autem Gladius quem consecrat Pontifex, capulo aureo & vagina, balthæoque operis phrygionici, exornatus. Post consecrationem, donatur Principi, qui res pro Ecclesia Romana strenue gessit, aut magnum aliquid, in ejus emolumentum certissimum, molitur. Absenti, mittitur per Legatum, at, si Romæ præsens fuerit Princeps, in genua provolutus, illum e. manibus Papæ ipsius accipit, a quo monetur, virum se præstet, ac strenue adversus Infideles & Hæreticos res gerat. Recipit Princeps sub jurisjurandi religione, se id facturum, eique domum revertenti, præfertur Gladius, inter tubarum clangores, & tympanorum sonitus.

PILEVS, qui a Pontifice sacatur, est e serico violaceo, ornaturq; corona aurea intexta, gemmis præterea & unionibus. Itaq; pretio vincit cætera munera, quæ Pontifices largiri solent. Quippe, in aliis, non
tam

am æstimationem, quam donantis dignitatem, respicere oportet.

ROSÆ AVREÆ benedictio, a Pontifice peragitur. Dominica IV. Quadragesimæ, qua cantatur, *Latere Hierusalem*. Ritus origo incerta. Viguisse jam ævo Leonis IX. qui Anno 1050. Ecclesiæ præfuit, Cencius Camerarius refert, & insuper Pontificem illum, Monasterio S. Crucis in Lotharingia, in Rosæ hujus imensas, certi quid imposuisse scribit. Nec de causa magis liquet, aliis aliam prætexentibus. Communiter illa ex Durando allegatur, Pontificem populum, monstrando hanc Rosam, solari in media Quadragesima, ne ob jejunii asperitatem animo deficiat. Patatur Rosa hæc, quæ non Rosæ veræ, sed parvi aurei ammi, aut fruticis germinantis florentisq; imaginem refert, ex auro, musco, & balsamo. Nimirum, Pontifex, indutus alba, cingulo, stola, pluviali, & mitra, accedit ad altare, & deposita mitra, precibus conquetis Rosam consecrat, quibus inter alia dicit: *Deus, majestatem tuam suppliciter exoramus, ut hanc Rosam, odore visq; gratissimam, quam hodierna die in signum spiritualis lætitiæ manibus gestamus, benedicere & sanctificare tua gratia digneris, ut plebs tibi dicata, ex iugo Babylonice captivitatis educta, per unigeniti filii tui gratiam, qui est gloria & exultatio plebis Israël, illius Hierusalem, quæ sursum est mater nostra, incensis cordibus gaudium representet*. Finita oratione, inungit Rosam balsamo, & superimponit mucum tritum, atque, injiciens thuribulo incensum, spargit Rosam aqua benedicta, & adolet incenso. Finita Missa, defert eam suis manibus in conclave habitationis suæ, atque, si Romæ præsens sit insignis aliquis Princeps, quem hoc munere Pontifex beare vult,

is vocatur ad pedes Pontificis, cui genua flectenti, Pontifex Rosam porrigit, aitque : *Accipe Rosam de manibus nostris, qui, licet immeriti, locum Dei in terris tenemus, per quam designatur gaudium utriusq; Hierusalem, triumphantis scilicet, & militantis Ecclesie, per quam omnibus Christi fidelibus manifestatur flos ipse speciosissimus, qui est gaudium & corona Sanctorum omnium. Suscipe hanc tu, dilectissime Fili, qui secundum seculum nobilis, potens, ac multa virtute præditus es, ut amplius omni virtute in Christo Domino nobiliteris, tanquam Rosa plantata super rivos aquarum multarum, quam gratiam, ex sua uberanti clementia, tibi concedere dignetur, qui est trinus & unus in secula seculorum, Amen. In nomine Patris, & Filii, & Spiritus S. Amen. Cæterum Princeps, qui Rosam accepit, postquam manum & pedem Pontificis osculatus est, ac gratias egit, Rosam manu gestans, a Cardinalibus & Prælati in domum suam deducitur. Si munere hoc dignus Princeps Romæ non inveniatur, absenti alicui mittitur : quin & crebro, Regum Coniuges, hoc munere afficiuntur,*




PERICOPE,

per incuriam neglecta, pagina 1109,
post illa : *in Quirinalem revertitur ;*
inferenda.


A Coronatione Pontificis id primum publicum munus esse consuevit, ut suæ Ecclesiæ Lateranensis, cujus proprius existit Episcopus, possessionem capiat, quod *la Caulcata del possesso del nuovo Pontefice* dicitur. Pompam comitatus, qua id fiat, verbis nemo pro dignitate descripserit. Scilicet, milites præsidarii omnes, universa aula, Cardinales, Legati Regum Principumq; , Pontificis Cognati, & quotquot Romæ, vel generis gloria, vel officii amplitudine effulgent, eo, quo cuique licet, ornatu exquisitissimo, & famulatio numero, equis pulcherrimis insidentes, Pontificem prosequuntur. Plateæ, per quas transitus fit, aulæis & Attalicis peripetasmatis, quin & arcubus triumphalibus, mirificum referunt splendorem. Ad Lateranensem Basilicam sic delato Pontifici, & ante illam in genua provoluto, Archipresbyter, qui semper est ex Cardinalium numero, Crucem osculandam exhibet. Positis deinde consuetis vestibus, habitum sacrum assumit Pontifex, & solium, quod in Porticu paratum est, conscendens, Canonicos & Clerum ad osculum pedum admittit. Postea Archipresbyter perorando verba fundit, ac ubi dicendi finem fecit, in pelvi patula, duas Pontifici Claves, auream unam, alteram argenteam offert. His peractis, ad Portam majorem pro-

progreſſitur Pontifex, & accepto ab Archipreſbytero aſpergillo, ſe primum aqua benediſta, & mox alios quoque luſtrat, redditq; aſpergillum Archipreſbytero, a quo deinde ter incenſatur, atque ſic, ſellam conſcendens, in Baſilicam deferitur, portantibus uraniſcum Canonicis. Ibi thronum occupat, in quo ſedenti Cardinales obedientiam præſtant. Poſt hanc, ad Altare majus ſe conferens, canere occipit: *Sit nomen Domini benediſtum*; Muſicis deinde ſuccinentibus: quorum pſalmodiam excipit Pontificis benediſtio, quam univerſo cœtui impertitur. E templo mox in Palatium, ejusque Aulam majorem deferitur Pontifex, ibique, poſt repetitam pſalmodiam, Cardinalibus aureos argenteosq; Numos elargitur. Ex Aula in pergulam benediſtionis ſeſe confert, omni-que populo, in area congregato, benedicat, cui ſimul duo Cardinales Indulgentias conſeſſas, in Latina & Italica linguis, promulgant. Exiit poſt iſta Pontifex ſacrum amiſtum, & illo, quem depoſuerat, ſeſe ruruſus veſtiens, via longa, & per celebrior plateas ducta, Palatium, domicilio ſuo deſtinatum, repetit.



PRÆFATIO

REGVLÆ
VTRIVSQUE IVRIS
LEOPOLDINÆ.



P R Æ F A T I O.

Quia non utile tantum , sed & ne-
 cesse erat, ut, una cum cæteris ru-
 dimentis Civilis prudentiæ, potio-
 res quoq; Leges utriusq; Juris, Fi-
 lius memoriæ fideliter imprimeret, de his
 pariter ei prospiciendum fuit. Congessere
 tales, in usum cupidæ legum juventutis,
 permulti: verum, sine flagitio non potuis-
 sent aliæ pro tempore eligi, quam per
 Quindecades divisæ Centuriæ tres, quas
 ipse Optimus Maximusq; IMPERATOR
 noster, adhuc Princeps Juventutis, simul
 tamen jam tum Hungariæ & Bohemiæ
 Rex, sedulo addidicit: & quibus, uti Mne-
 mosynon Sacri Nominis, LEOPOLDVS
 IGNATIVS H. B. R. ita auspicia quoq;
 ejus insunt. Factum hinc, ut nullo ne-
 gotio has Filius sibi reddiderit familiaris-
 simas: iisque deinde, Versus aliquos vete-
 res, scita quædam Civilis & Canonici
 Juris, breviter & argute, quo in animo
 melius hæreant, complexos, super-
 addere illum jussi.

L. Lau-

L.

Audes & gratias, quas Domino DEO exhibere debemus, nec mens nostra potest concipere, nec lingua proferre.

*L. i. C. de officio Præfetti prætorio
Africae.*

Legem condere, soli Imperatori convenit.

L. fin. C. de Legib.

Legem interpretari debet is, qui eam condere potest.

L. 9. C. de Legib.

Lege permittente quod fit, pœnam non meretur.

*L. quid sit fugitivus. 17. §. apud La-
beonem. 12. ff. de Ædilit. edict.*

Leges, de futuris, non de præteritis disponunt.

L. 7. C. de Legib.

Leges indigent armis.

In præmio Institutionum.

Leges

Leges, non dedignantur sequi sacros canones.

Novell. 83. c. 1. Et ibi Goth.

Leges sunt sacratissimæ, & ab omnibus sciri debent.

L. leges sacratissimæ. 9. C. de Legib.

Legibus, non exemplis, judicandum.

L. nemo 13. C. de Sentent. Et interlocut. omn. judicium.

Legis auxilium frustra implorat, qui in legem committit.

L. auxilium. 37. in fin. ff. de Minorib.

Legislator, commune bonum præferre debet privato.

L. utilitas 3. C. de Primipilo, lib. 12.

Lex debet esse clara.

Novell. 107. cap. 1.

Lex posterior, derogat priori.

L. non est novum. 26. ff. de Legib.

Lex subditos tantum ligat.

L. fin. ff. de Jurisdic.

Lex ubi non distinguit, nec nos distinguere debemus.

L. de pretio. 8. ff. de Publician. in rem act.

E. Ea

E.

EA, quæ fortuitis casibus accidunt,
in nullo bonæ fidei iudicio præ-
stantur.

L. quæ fortuitis. 6. § l. si nulla. 8. C.

de Pignorat. act.

Ea, quæ probari ostendiq; nequeunt,
pro non gestis, neq; existentibus
habentur.

*L. in lege 77. ff. de Contrahend.
empt.*

E duobus malis, minus eligendum.

L. exigendi. 12. C. de Procuratorib.

Emptor ejusdem juris est, cujus fuit
author.

L. 156. §. 3. ff. de R. l.

Errantis nullus est consensus.

L. 116. §. fin. de R. l.

Est quidem res sanctissima civilis sa-
pientia, sed quæ pretio numinario
non sit æstimanda.

*L. 1. §. 5. ff. de Var. & extraord. co-
gnit.*

Etiam

Etiam per unum actum contrarium,
perditur privilegium.

*L. 1. C. de His, qui sponte pub. mun.
subeunt.*

Exceptionem objiciens, non videtur
de intentione adversarii confiteri.

Cap. exceptionem. 63. de R. I. in 6.

Ex consilio non fraudulento nemo
obligatur.

Cap. nullus. 62. de R. I. in 6.

Ex conventionem, Contractus legem
accipiunt.

Cap. contractus. 85. de R. I. in 6.

Ex eo non debet quis fructum conse-
qui, quod nifus extitit impugnare.

Cap. ex eo 38. de R. I. in 6.

Ex errore dati, repetitio est.

L. 53. ff. de R. I.

Exorbitantia a jure, ad consequentiam non
sunt trahenda.

Cap. quæ a jure. 28. de R. I. in 6.

Expedit Reipublicæ, ut delicta puniantur.

*L. ita vulneratus. 51. §. fin. ff. ad
l. Aquil.*

Expressa nocent; non expressa, non nocent.

L. 195. ff. de R. I.

O.

O b gratiam alicui concessum, non est trahendum in ipsius dispendium.

Cap. quod ob gratiam. 61. de R. l. in 6.

O bscura cum sunt jura, reo favendum est potius, quam actori.

Cap. cum sunt. 11. de R. l. in 6.

O culis magis, quam auribus, est credendum.

§. fin. Instit. de Grad. cogn.

O dia restringenda sunt; favores autem ampliandi.

Cap. odia. 15. de R. l. in 6.

O dio duplici nemo debet prægravari.

L. navis onusta. 4. §. cum autem. 2. ff. ad l. Rhodiam de jactu.

O ffensa Magistratui facta, videtur esse facta Principi.

DD. in l. 1. §. fin. ff. de Injur.

O ffensio quando est licita, defensio est illicita.

L. prohibitum. 5. C. de Jure fisci. lib. 10.

Offi-

Officium suum nemini debet esse
damnosum.

*L. sed si quis 7. ff. Testament. quem-
adm. aperiantur.*

Omne qui dicit, nihil excludit.

L. Juniano. 68. in pr. ff. de Legat. 3.

Omnes quod tangit, ab omnibus de-
bet approbari.

Cap. quod omnes 29. de R. l. in 6.

Omnis definitio in Jure est periculosa.

L. 202. ff. de R. l.

Omnis obligatio tollitur, soluto eo,
in quod debetur.

Princip. Institut. Quib. mod. tollit. oblig.

Onus qui sentit, sentiat & commo-
dum.

L. secundum naturam. 10. ff. de R. l.

Onus rei, transit cum re ipsâ.

Cap. pastoralis 28. X. de Decimis.

Ordinationi Dei resistit, qui Impera-
tori resistit.

Can. qui resistit. 11. q. 3.

P.

Peccati venia non datur, nisi correcto.

Cap. peccati. 5. de R. I. in 6.

Per alium qui facit, perinde est, ac si faciat per se ipsum.

Cap. qui facit. 72. de R. I. in 6.

Plus cui licet, & minus licet.

L. 21. ff. de R. I.

Plus, semper in se continet minus.

Cap. plus. 35. de R. I. in 6.

Potest quis per alium, quod facere potest per se ipsum.

Cap. potest. 68. de R. I. in 6.

Princeps præsumitur omnia jura habere in scrinio pectoris sui.

L. omnium. 19. C. de Testament.

Princeps, quandoque propter importunitatem petentium, concedit, quæ concedenda non sunt, & ideo talis concessio non valet.

L. 1. C. de Petitionibus bonor. sublati. lib. 10.

Dd dd

Prin-

Princeps quod ex certa scientia fecit,
improbare, est crimen sacrilegii.

L. 3. C. de Crim. sacrilegii.

Principi nihil est clarioris luminis,
quam recta fides & Religio.

*L. 3. & seqq. C. de summa Trinit. &
Fide Catholica.*

Prior tempore, potior jure.

Cap. qui prior. 54. de R. l. in 6.

Privilegium personale, personam se-
quitur, & extinguitur cum persona.

Cap. privilegium. 7. de R. l. in 6.

Prohibito aliquo, prohibentur o-
mnia, quæ sequuntur ex eo.

Cap. cum quid. 39. de R. l. in 6.

Pro impleta habetur conditio, cum
non stat per eum, ad quem perti-
net, quo minus conditio impleatur.

Cap. cum non stat. 66. de R. l. in 6.

Pro infectis habentur, quæ contra jus
fiunt.

Cap. quæ contra. 64. de R. l. in 6.

Pro possessore habetur, qui dolo desuit pos-
sidere.

Cap. pro possessore. 36. de R. l. in 6.

O. Occi-

Occidisse vulgo dicitur, qui mortis causam præbuit.

L. ita vulneratus. 51. in pr. ff. ad L. Aquil.

Occupantis conditio melior est, in pari causa.

L. si quis a multis. 14. ff. de Noxalib. actionib.

Occurrere in tempore, melius est, quam post vulneratam causam remedium quærere.

L. 1. C. Quando liceat unicuique sine iudice se vindicare.

Odio alterius nemo debet prægravari.

L. si quis suo testamento. 33. §. fin. C. de Inoff. testam.

Officia amicitiae & fidei, gratis præstanda sunt.

L. 1. §. 4. ff. Mandati.

Omnes scire debent, quod suum non est, hoc ad alios omnibus modis pertinere.

L. fin. C. Unde vi.

Omnia judicia publica infamant.

L. 7. ff. de Public. judiciis.

**Omnia, quæ recto consilio geruntur,
jure meritoq; effectu & firmitate
niti debent.**

L. 3. C. de Repudiis.

**Omnino non respondit, qui ad inter-
rogata non respondit.**

*L. de ætate. II. §. quod autem. 5. ff.
de Interrogat.*

Opinio non præjudicat veritati.

*Cap. cum Bertholdus. 18. X. de Sen-
tent. & re jud.*

**Opponens exceptionem solutionis,
probare eam cogitur.**

L. 1. C. de Probationib.

Optima legum interpretes, est consuetudo.

L. 37. ff. de Legib.

**Ordinarium remedium, facit cessare extra-
ordinarium.**

L. fin. C. Ut lite pendent.

Ordinata charitas, incipit a seipsa.

L. 6. C. de Seruit. & aqua.

**Ordo judiciarius, pactis privatorum tolli
non potest.**

L. jus publicum. 38 ff. de Pactis.

L. La-

L.

L Aborandum est, ut pugnancia potius concilientur, quam ut actus erroris arguatur.

L. 12. ff. de Reb. dub.

Lata culpa æquiparatur dolo.

L. quod Nerva. 32. ff. Depositi.

Legitime factum retractari non debet, licet casus postea eveniat, a quo non potuit inchoari.

Cap. factum. 73. de R. I. in 6.

Libera res quælibet præsumitur, donec contrarium probetur.

Principi Institut. de Libertinis.

Liberalis nemo in necessitatibus præsumitur.

L. rem legatam. 18. ff. de Adim. vel transfer. legatis.

Libertas est res inæstimabilis.

L. libertas. 106. ff. de R. I.

Liberum corpus, non recipit æstimationem.

L. 3. ff. Si quadrupes pauperiem fecisse dicatur.

Licita, non semper honesta sunt.

L. 144. ff. de R. I.

Liquidi, ad illiquidum, non est compensatio.

L. fin. C. de Compensatio.

Lite pendente, nihil innovandum.

L. 13. C. de Appellat. & consultat.

Lites non debent esse immortales.

L. properandum. 13. in princ. C. de Judiciis.

Locupletari non debet aliquis, cum alterius injuria vel jactura.

Cap. locupletari. 48. de R. I. in 6.

Longe commodius est, rem ipsam possidere, & adversarium ad onera petitoris compellere, quam alio possidente petere.

L. 24. ff. de Rei vindicat.

Lucrum petentis, durior causa est.

L. 33. ff. de R. I.

Lucrum qui capit, factum præstare debet.

L. 149. ff. de R. I.

D.

DAmnum dat, qui jubet dare.

L. 169. ff. de R. l.

Damnum, quod quis sua culpa sentit, sibi, & non aliis, debet imputare.

Cap. damnum. 86. de R. l. in 6.

Dei venia speranda, ubi multorum salus & incolumitas procuratur.

L. penult. C. de Feriis.

Delictum personæ, non debet in Ecclesiæ detrimentum redundare.

Cap. delictum 76. de R. l. in 6.

Denegare potest, qui concedere.

L. 102. §. fin. ff. de R. l.

Dies festos, Majestati altissimæ dedicatos, nullis volumus voluptatibus occupari, nec ullis exactionum vexationibus profanari.

L. fin. C. de Feriis.

Digna vox est Majestate regnantis, legibus alligatum se Principem profiteri.

L. 4. C. de legib.

Disjunctorum, alterutrum factum
sufficit.

L. 110. §. 3. ff. de R. I.

Dividi quæ nequeunt, solida debentur.

L. 192. ff. d. R. I.

Dolo caret, qui jure suo utitur.

L. 55. ff. de R. I.

Dolo facit, qui petit, quod restituere
oportet eundem.

Cap. dolo. 59. de R. I. in 6.

Dolo non caret, qui Magistratui non
paret.

L. 199. ff. de R. I.

Dolus tutoris, pupillo non nocet.

L. 198. ff. de R. I.

Domus sua, cuique tutissimum refu-
gium, & receptaculum esse debet.

L. 18. ff. de In jus vocand.

Dubii tollendi causa adjectum, non
vitiat jus.

L. 81. ff. de R. I.

V.

V Anæ voces populi, audiendæ non sunt.

L. 12. §. 1. C. de Pœnis.

Velle est ejus, cujus est nolle.

L. 3 ff. de R. I.

Velle quis non creditur, quod non potest.

L. Lucius. 21. §. Imperatores. 6. ff.

Ad municipalem.

Veniam ætatis impetrans, non habet amplius beneficium restitutionis.

L. 1. C. de His, qui veniam ætatis impetrarunt.

Verba debent intelligi cum effectu.

L. 1. §. hæc autem verba. 2. ff. Quod quisque juris.

Verba non mutant substantiam rei.

L. cum falsa. 5. Cod. de Juris & facti ignorant.

Verba ubi clara sunt, non confugiendum est ad interpretationes.

L. prospexit. 12. §. 1. ff. Qui & a quib. manumissi liberi non fiant.

Veritas, est amica simplicitati.

Cap. veritatis 14. X. de Jurejur.

Veritas, rerum gestarum erroribus non vitiatur.

L. illicitas. 6. §. 1. ff. de Officio Præsid.

Veritas sæpius examinata, magis elucescit.

Can. grave. 35. q. 9.

Veritati locus semper superest.

L. 29. §. 1. ff. de Probat.

Via una electa, non datur regressus ad aliam.

L. si mulier. 21. §. fin. ff. Quod metus causa.

Via una prohibitum, alia non debet admitti.

Cap. cum quid. 84. de R. I. in 6.

Vicinus, præsumitur scire facta vicini.

Cap. quosdam. 7. & cap. quanto. 8.

X. de Præsumptionib.

Vim non facit, qui jure suo utitur.

L. 155. §. 1. ff. de R. I.

S.

Satius est, nocentem dimittere,
quam innocentem condemna-
re.

L. 5. in princ. ff. de Pœnis.

Scienti, & consentienti, non fit inju-
ria, neq; dolus.

Cap. scienti. 27. de R. I. in 6.

Scriptoris error, partibus non nocet.

L. 92. ff. de R. I.

Scriptura, rei gestæ probationem con-
tinere solet.

L. 5. C. de Transactionib.

Secundum gradum dignitatis, vitæq;
honestatem, crescit, aut minuitur
injuriæ æstimatio.

§. 7. Institut. de Injur.

Semel Deo dicatum, non est ad usus
humanos ulterius transferendum.

Cap. semel. 51. de R. I. in 6.

Semel malus, semper præsumitur
malus.

Cap. semel. 8. de R. I. in 6.

Semel

Semel quod placuit, amplius displicere non potest.

Cap. quod semel. 21. de R. I. in 6.

Semel utiliter constituta, ex post facto non vitiantur.

L. 85. §. 1. ff. de R. I.

Semper in obscuris, quod minimum est, sequimur.

Cap. in obscuris. 30. de R. I. in 6.

Sentiens onus, sentire debet & commodum.

Cap. qui sentit. 55. de R. I. in 6.

Servari sibi fidem frustra quis postulat ab eo, cui fidem præstitam servare recusat.

Cap. frustra. 75. de R. I. in 6.

Sexus muliebris fragilitas, in perniciem substantiæ earum, non debet converti.

Princip. Institut. Quib. alienar. licet vel non.

Si cui licet, quod plus est, licet etiam, quod minus est.

Cap. cui licet. 53. de R. I. in 6.

Simplicitas est amica legibus.

§. sed quia. 7. Instit. de Fideicommissariis hereditatibus.

I. Igno-

I.

Ignorantia facti, non juris, excusat.

Cap. ignorantia. 13 de R. I. in 6.

Ignorantia præsumitur, ubi scientia non probatur.

Cap. præsumitur. 47. de R. I. in 6.

Imperator colit veritatem, & ea vult esse in legibus, quæ re ipsa obtinent.

L. unica. C. de Dedititia libertate tollenda.

Imperatoria Majestati convenit, ut omnipotentis Dei templa, cultu assiduo, per omnia secula rediviva, ferventur.

L. si qui. 10. C. de Hæreticis & Manichæis.

Imperatorî nihil gratius, quam humanitas.

L. fin. in princ. C. de Episcop. & Cleric.

Imperator, quemadmodum viventibus providet, ita & morientibus prospicere debet.

L. omne. 2. C. Communia de Legat. & Fideicommiss.

Imperiales contractus, legis vicem obtinent.

L. penult. C. de Donat. int. virum & uxorem.

Imputari non potest ei, per quem non stat, si non faciat, quod per eum erat faciendum.

Cap. imputari. 41. de R. l. in 6.

In alterius detrimentum, consilium mutare non licet.

Cap. mutare. 33. de R. l. in 6.

In judiciis, non est acceptio personarum habenda.

Cap. in judiciis. 12. de R. l. in 6.

In re communi, potior est conditio prohibentis.

Cap. in re communi. 56. de R. l. in 6.

Inspicimus in obscuris, quod est verisimilius, vel, quod plerunq; fieri consuevit.

Cap. inspicimus. 45. de R. l. in 6.

Iudex quando aliquid facit, quod ad ejus non spectat officium, viribus non subsistit.

Cap. ea quæ fiunt. 26. de R. l. in 6.

Iudicis jussu aliquid faciens, dolo facere non videtur.

Cap. quod quis. 24. de R. l. in 6.

Iura, vigilantibus, non dormientibus scripta.

L. 24. ff. Quæ in fraudem creditorum.

G. Ge.

G.

Generalis locutio, personam loquentis non comprehendit.

L. inquisitio. 18. C. de Solutionibus.

Generalis prohibitio, etiam minima comprehendit.

Cap. majoribus. 8. X. de Præbend.

Generaliter, & indistincte prolata, generaliter etiam sunt intelligenda.

L. de pretio. 8. ff. de Public. in rem ad.

Generi, per speciem derogatur.

Cap. generi. 34. de R. I. in 6.

Geometriam scire & discere, publice interest.

L. artem. 2. C. de Maleficis & Mathematicis.

Gens sub majori constituta iudice, maiorem sentiet providentiam.

Novell. 15. cap. quia vero. 6. §. audient.

Genus, includit omnes species.

L. semper. 147. ff. de R. I.

Gladii potestatem sibi datam, nemo potest in alium transferre.

L. 70. ff. de R. I.

Gratia a Principe, super delicto, vel alias alicui facta, non præjudicat juri tertii.

*Cap. quamvis. 8. Et ibi DD. de Re-
script. in 6.*

Gratiose concessum alicui, ab aliis non debet trahi in consequentiam.

Cap. quod alicui. 74. de R. I. in 6.

Gravari nequit, qui honoratus non est.

L. 1. §. sciendum. 6. ff. de Legat. 3.

Gravatus in uno, ab alio debet relevari.

L. secundum naturam. 10. ff. de R. I.

Grave est fidem fallere.

L. 1. in princ. ff. de Constit. pecun.

Gravis est injuria, ut homines de rebus suis, facere aliquid cogantur invito.

L. dudum. 14. C. de Contrah. empt.

Gravius in committendo, quam in omittendo, delinquitur.

L. Metrodorum. 40 ff. de Poenis.

N. Na.

N.

Natalium origo in deferendis honoribus spectatur.

*L. honor. 14. §. 3. ff. de Munerib.
& honorib.*

Natura prohibita lege non firman-
tur.

L. 188. §. fin. ff. de R. I.

Necessitas non habet legem.

Cap. quanto. 4. X. de Consuetudin.

Necessitatis causa recepta non de-
bent in argumentum trahi.

L. 162. ff. de R. I.

Negligentibus non subvenitur, sed
necessitate rerum impeditis.

*L. non enim. 16. ff. Ex quib. caus.
maiores.*

Nemo est dominus membrorum suo-
rum.

L. liber. 13. §. 1. ff. ad Leg. Aquil.

Nemo potest plus juris in alium trans-
ferre, quam ipse habere dignosca-
tur.

Cap. nemo. 79. de R. I. in 6.

Non debet aliquis alterius odio prægravari.

Cap. non debet. 22. de R. l. in 6.

Non dimittitur peccatum, nisi restituatur ablatum.

Cap. peccatum. 4. de R. l. in 6.

Non est in mora, qui exceptione legitima se tueri potest.

Cap. non est. 60 de R. l. in 6.

Non est magnum damnum mora modici temporis.

L. si debitori. 21. ff. de judiciis.

Non est obligatorium contra bonos mores præstitum iuramentum.

Cap. non est. 58. de R. l. in 6.

Non est sine culpa, qui rei se immiscet, ad se non pertinenti.

Cap. non est 19. de R. l. in 6.

Non præstat impedimentum, quod de jure non sortitur effectum.

Cap. non præstat. 52 de R. l. in 6.

Non valenti agere, non currit præscriptio.

L. I. Si ibi DD. C. Qui admitti ad bonorum possessionem.

A. Ab-

A.

Absentia Reipublicæ causa non nocet.

L. 140. ff. de R. I.

Absolvere qui potest, potest & condemnare.

L. 37. ff. de R. I.

Abundantia non vitiant scripturas.

L. 94. ff. de R. I.

Accessorium sequitur naturam sui principalis.

Cap. accessorium. 42. de R. I. in 6.

Actionem habere, minus est, quam rem.

L. 204. ff. de R. I.

Actore non probante, reus absolvitur.

L. qui accusare. 4. C. de Edend.

Actori non licet, quod reo non permittitur.

Cap. non licet. 32. de R. I. in 6.

Actor sequitur forum rei.

L. juris ordinem 2. C. de Jurisdic. omn. judic.

Actus legitimi conditionem non recipiunt, neque diem.

Cap. actus legitimi. 50. de R. I. in 6.

Ad agendum qui admittitur, ad excipiendum multo magis est admitendus.

Cap. qui ad agendum. 71. de R. I. in 6.

A digniori semper fit denominatio.

Arg. l. queritur. 10. ff. de Statu hominum.

Æquitas in jure spectanda.

L. 90. ff. de R. I.

Æquitate desiderante, jus mutatur.

L. 85. §. fin. ff. de R. I.

Ætati in causis pœnalibus succurritur.

L. 108. ff. de R. I.

Affirmanti incumbit probatio.

L. 2. ff. de Probationib.

T.

TAcens consentire videtur.

Cap. qui tacet. 43. de R. I. in 6.

Tacens non fatetur, sed nec utique negare videtur.

Cap. is qui tacet. 44. de R. I. in 6.

Temporaria mutatio jus provinciæ non mutat.

L. 123. §. fin. ff. de R. I.

Temporis tractu non firmatur, quod ab initio non subsistit.

Cap. non firmatur. 18. de R. I. in 6.

Testamentaria successio plenior est legitima.

L. 89. ff. de R. I.

Testamentum, insinuaturn Principi vel Judici, valet sine solennitate testium.

L. omnium. 19. C. de testament.

Testamentum jure perfectum, per rescriptum Principis non potest rescindi.

L. testamentum. 10. C. de Testament.

Testatorum voluntates tuendæ sunt.

L. 1. C. de SS. Ecclesiis.

Testatus & intestatus decedere nemo potest.

L. 7. ff. de R. I.

Testis nemo potest esse in propria causa.

L. nullus. 10. ff. de Testib.

Timor vanus non excusat.

L. 184. ff. de R. I.

Traditionibus & usucapionibus, non nudis pactis, transferuntur rerum dominia.

L. 20. C. de Pactis.

Transactione sopita, neq; per rescriptum Principis sunt resuscitanda.

L. causas. 16. C. de Transact.

Turpitudinem propriam allegans, non est audiendus.

L. mercalem. 5. C. de Condict. ob turpem causam.

Tutela eo redire debet, quo hereditas pervenit.

L. 73. in princ. ff. de R. I.

I.
Imperitia, culpæ annumeratur.

L. 132. ff. de R. I.

Impossibilium nulla est obligatio.

L. 185. ff. de R. I.

In alternativis, electio est penes debitorem.

Cap. in alternativis. 70 de R. I. in 6.

In argumentum trahi nequeunt, quæ propter necessitatem aliquando sunt concessa.

Cap. in argumentum. 78. de R. I. in 6.

In famibus non patent portæ dignitatum.

Cap. in famibus. 87. de R. I. in 6.

In generali concessione non veniunt ea, quæ quis non esset verisimiliter in specie concessurus.

Cap. in generali. 81. de R. I. in 6.

Iniqua conditio alteri per alterum non est inferenda.

L. 74. ff. de R. I.

In legem committit, qui, legis verba

amplectens, contra legis nititur voluntatem.

Cap. certum est. 88. de R. I. in 6.

In malis promissis fidem non expedit observari.

Cap. in malis. 69. de R. I. in 6.

In pari delicto vel causa, potior est conditio possidentis.

Cap. in pari. 65. de R. I. in 6.

In pœnis benignior est interpretatio facienda.

Cap. in pœnis. 49. de R. I. in 6.

Interpretatio contra eum est facienda, qui legem potuit dicere apertius.

Cap. contra eum. 57. de R. I. in 6.

In toto partem non est dubium contineri.

Cap. in toto. 80. de R. I. in 6.

Iura sanguinis, nullo jure civili dirimi possunt.

L. 8. ff. de R. I.

Ius qui sequitur, non fallitur.

L. 116. §. 1. ff. de R. I.

V

Im vi repellere licet.

L. ut vim. 3. ff. de Justit. & jure.

Vis est etiam tunc, quoties quis id,
quod deberi sibi putat, per judicem
non reposcit.

L. exstat. 13. ff. Quod met. causa.

Vita & fama pari passu ambulant.

L. 9. in princ. ff. de Manumiss. vind.

Vnicuique sua mora nocet.

Cap. mora. 25. de R. J. in 6. nu. x.

Vnius circumventio, alteri non parit
actionem.

L. 49 ff. de R. J.

Vnusquisque rerum suarum mode-
rator & arbiter.

L. in re mandata. 21. C. Mandati.

Volenti dolus non inferitur.

L. 34. C. de Transactionib.

Voluntarium ab initio, ex post facto
est necessarium.

*L. sicut ab initio. 5. C. de Obligatio-
nib. & actionib.*

Voluntas & propositum delinquentis, maleficia distinguunt.

L. qui injuriæ causa. 53. ff. de Furtis.

Voluntas hominis ambulatoria est usque ad mortem.

L. 4. ff. de Adimend. vel transfer.

legat. 1. ff. de legat. 1.

Voluntates legitime contrahentium omnino conservandæ sunt.

L. 6. C. Pro socio.

Vox unius, vox nullius.

Cap. veniens. 10. in fin. X. de Testib.

Vsuras usurarum exigere non licet.

L. 28. C. de Usuris.

Vtile per inutile non vitiatur.

Cap. utile. 37. de R. I. in 6.

Vxores a viris, non viros ab uxoribus, defendi æquum est.

L. quod si. 2. ff. de Injuriis.

Sine culpa, nisi subsit causa, nemo
est puniendus.

Cap. sine culpa. 23. de R. I. in 6.

Socii mei focius, focius meus non est.

L. 47. §. fin. ff. de R. I.

Solennia, nisi ex æquitate, non mu-
tantur.

L. 183. ff. de R. I.

Spoliatus ante omnia est restitueri-
dus.

Cap. in literis. §. X. de Restitut. spoliat.

Statutum fines suæ ditionis non egre-
ditur.

L. fin. ff. de Jurisdictione.

Stylus ac consuetudo Curiarum pro
lege habetur.

§. fin. Institut. de Satisfactionibus.

Sub auctoritate juris plerunq; perni-
ciose erratur.

L. 91. §. 3. ff. de V. O.

Sub-

Subditorum commodis prospicere,
proprium est Principis.

L. Imperialis. 23. in princ. C. de Nupt.
Substitutus in honore, succedit in
onere.

Cap. rationi. 77. de R. I. in 6.
Subtilitates sine utilitate non sunt se-
quendæ.

*L. 7. in fin. C. de Institut. & substi-
tutionib.*

Succedens in jus alterius, eo jure, quo
ille, uti debebit.

Cap. is qui. 46. de R. I. in 6.

Suo quod non licet, nec alieno no-
mine licebit.

Cap. quod alicui. 67. de R. I. in 6.

Superflua non nocent.

L. 17. C. de Testament.

Suprema voluntas semper potior ha-
betur.

L. si quis. 22. ff. de Legat. 3.

Suspectus est, qui operam suam inge-
rit invito.

L. quæ omnia. 25. de Procurat.

H. He.

H.

Heredi non est relinquendum,
quod scelere quæsitum est.

L. cum falsi. 12. ff. ad L. Cornel. de falsis.

Hereditas non potest dari pactioribus.

L. hereditas. 5. C. de Pactis convent.
Hereditas personæ defunctæ vicem sustinet.

Princip. Instit. de Stipulat. servor.
Hereditas una, duobus in solidum dari nequit.

L. 141. §. fin. ff. de R. I.
Heres de dolo suo in solidum, defurti vero in id, quod ad eum pervenit, tenetur.

L. 44. ff. de R. I.
Heres ejusdem juris est, cujus fuit defunctus.

L. 120. ff. de R. I.
Hominem homini insidiari nefas est.

L. ut vim. 3. ff. de Justit. & jure.

Homo

Homo unus, plurium vicem sustinere non debet.

L. si plures. 9. in princ. ff. de Pañ.

Honorem omnem reatus excludit.

L. 1. C. Vbi Senatores vel Clarissimi.

Honores & munera non sunt continuanda.

L. 18. ff. ad Municipalem.

Honores gradatim sunt deferendi.

L. ut gradatim. 11. ff. de Muneribus & honoribus.

Honoris augmentum, non ambitione, sed labore, ad unumquemque convenit devenire.

L. contra. 14. C. de re Militari. lib. 12.

Honor omni lucro præferendus est.

L. reprehendenda. 5. C. de Institut. & substitutionib.

Honor unius alteri non debet esse damno.

L. fin. C. de Statuis & Imaginib.

Humana natura novas semper formas edere deproperat.

L. 2. §. sed quia divina. 18. C. de Vet. jur. enucl.

B. Bene.

B.

Beneficia Principum latissime sunt interpretanda.

L. 3. ff. de Constitut. Principum.

Beneficio adjuvari nos, non decipi oportet.

L. in commodato. 17. §. 3. ff. Commodati, vel contra.

Beneficium, a jure alicui indultum, non est ei auferendum.

Cap. indultum. 17. de R. I. in 6.

Beneficium, a Principe concessum, decet esse mansurum.

Cap. decet. 16. de R. I. in 6.

Beneficium Ecclesiasticum non potest licite, sine institutione canonica, obtineri.

Cap. beneficium. 1. de R. I. in 6.

Beneficium invito non datur.

L. 69. ff. de R. I.

Benemerentibus præmia tribui oportet.

L. fin. C. de Statuis & imaginib.

Beni-

Benignior sententia in dubio est præferenda.

L. semper. 56. ff. de R. I.

Bona fides in contractibus est observanda.

L. bona fides. 31. in princ. ff. Depositi.

Bona fides non patitur, ut semel exactum, iterum exigatur.

Cap. bona fides. 83. de R. I. in 6.

Bonam fidem non habere præsumitur, qui contra jura mercatur.

Cap. qui contra. 82. de R. I. in 6.

Bona non dicuntur, nisi deducto ære alieno.

L. mulier bona. 72. ff. de Jure dot.

Bona qui non habet, luat in corpore.

L. fin. ff. de in jus vocando.

Boni & innocentis viri officio judicem fungi oportet.

L. 4. §. 1. ff. famil. hercisc.

Bonus præsumitur, qui de bono loco, & genere natus est.

L. quod si nolit. 31. §. qui mancipia. 21. ff. de Edilit. edicto.

R. Raro

R.

Raro accidentia non constituunt
jus.

L. 64. ff. de R. I.

Ratihabitio retrahitur, & man-
dato comparatur.

Cap. ratihabitionem. 20. de R. I. in 6.

Ratio est anima legum.

L. 17. ff. de Legib.

Ratum quis habere non potest, quod
ipsius nomine non est gestum.

Cap. ratum. 9. de R. I. in 6.

Realis cautio potior est personali:

L. 25. ff. de R. I.

Rebus, non verbis, lex imponenda:

L. 28. C. de Usuris.

Rei alienæ se immiscens, culpa non
caret.

L. 36. ff. de R. I.

Rei litigiosæ venditio nulla est.

L. fin. C. de Litigiosis.

Ff ff

Reia

Reipublicæ interest, ut dignitas familiarum salva sit.

L. 1. §. sed & si. 13. ff. de Vent. in spic.

Religio jurisjurandi contempta, satis Deum habet ultorem.

L. 2. C. de Reb. cred.

Remota causa, removetur effectus.

Cap. cum cessante 60. X. de Appellat.

Rescriptum semper hanc clausulam requirit, si preces veritate nitantur.

L. universa. 7. C. de Diversis rescript.

Res incerta, certam non habet æstimationem.

L. ubi autem. 75. ff. de V. O.

Res inter alios acta, tertio non præjudicat.

L. 1. C. Res inter alios actas.

Res judicata pro veritate habetur.

L. 207. ff. de R. I.

F I N I S.

VER.



V E R S V S

M E M O R I A L E S.

ersonæ, quæ ob cognationem, de Jure Ci-
vili, matrimonium inire prohibentur:

N *Ata ; Soror ; Neptis ; Matertera ; Fratris
 & Vxor, (verca,
 Et Patruj Conjux ; Mater, Privigna, No-
 vxorisq; Soror, Privigni nata, Nurusq;
 Atq; Soror Patris ; conjungi lege vetantur.*

Impedimenta Matrimonii contrahendi,
quæq; contractum dirimunt:

E *Rror, Conditio, Votum, Cognatio, Crimen,
 Cultus disparitas, Vis, Ordo, Ligamen, Hone-
 stas ;*

Si sis Affinis, si forte coire nequibis.

Si Parochi, & duplicis desit præsentia Testis:

Raptave sit mulier, nec parti reddita tutæ:

Hæc socianda vetant Connubia ; facta retractant.

Impedimenta Matrimonii contrahendi,
sed, quæ contractum non
dirimunt.

E *Cclesiæ vetitum ; nec non Tempus feriatum,
 Atq; Catechismus, Crimen, Sponsalia, Votum,
 Impediunt fieri, permittunt facta teneri.*

De alenda prole.

Mater alit puerum trimum, trimoq; minorem,
 Majorem vero pascere patris erit.

De Successione ab intestato.

Res Intestati accipit, heus! Gradus Inferiorum:

Qui, si defuerint, subit hinc Gradus Anteriorum.

Cum Patre succedunt Fratres ab utroq; Parente:
 Nec tamen hos comitatur Avus, Patre deficiente.

Fratres ex uno, Fratres removent ab utroq;
 Post Fratres, Sobolemque suam, quo quemque priorem

Dixeris esse gradu, de jure scias potiore.

De Legitima.

Quatuor, aut infra, dant Natis jura Trientem:

Semissem vero dant Natis Quinq;, vel ultra.
 Arbitrium sequitur substantia cetera Patris.

De Orphitiano & Tertuliano
 SCtis.

Matri succedit Natus, per Orphitianum:
 Et contra Mater Nato, per Tertulianum.

Cau-

Causæ exheredandi Liberos.

Is septem ex causis exheres Filius esto:

Si Patrem feriat, vel maledicat ei.

Carcere detrusum si negligat, aut Furiosum:

Criminis accuset, vel paret Insidias.

Si dederit Damnum grave, nec ab Hoste red-
emit,

Testari vetet, se societq; Malis.

Si Mimos sequitur, vitietq; Cubile paternum:

Non Orthodoxus, filia si Meretrix.

Causæ exheredandi Parentes.

SI Pater Accuset capitalis criminis, aut se

Adjungat Mimis, Vitaq; est insidiatus;

Testari prohibet Natum, dirumq; Venenum

Præparet; inclusum si Carcere, vel Furio-
sum

Negligat, & veram contemnat Religionem.

De Usucapione.

Non usucapies, nisi sint tibi talia quinq;

Iusta Fides, Iustus Titulus, Res non vi-
tiosa,

Vt res tradatur, & Tempus continuetur.

De Emphyteuta.

SI perit res tota, liberabitur Emphyteuta:

Si vero pro parte, nulla liberabitur arte.

Qui res alienas alienare possint.

*Princeps, Augusta, Judex, aut Officialis,
Tutor, Curator, Procurator, Fluviusq,
Creditor, Exactor, Prælatus, Servus, habentur*

Hic numero bis sex alienantes aliena.

De Revocatione Donationis.

*Quinq, modis perdo, mihi quæ donata fuere.
Infero si damnum grave donantis in ære.
Si per me sit huic atrox injuria facta.
Quando ejus vitæ crudeliter insidiabor.
Ingratum factum dic me, si fregero pactum.*

De plus Petitionibus.

Quatuor, ecce, modos, quæ plus petiisse solemus:

*Plus petitur Causa, Tempore, Re, atq,
Loco.*

Plus petitur Causa, quando Disjuncta petuntur

Simpliciter, Species certave pro Genere.

*Re, tum plus petitur, cum pars est debita
fundæ,*

*Vel summa, in solidum sed tamen Actor
agit.*

nte statuta vocans solvendis tempora numis

*Lege paciscentum, Tempore plus petiit.
 Promissum hic vel ibi, pure si forte petatur,
 Hic tum quisquis agit, plus petit ille
 Loco.*

Quando Mulier obligetur.

*C**asibus in denis Mulier spondendo tenetur:
 Pro Libertate, & pro Dote, Renunciet,
 & si
 Decipiat, Pretium capiat, Caveatq; secun-
 do:*

*Debenti si succedit, si Debita cepit:
 Si Minor est credens, si Commoda propria ges-
 sit.*

*Quomodo Libellus compositus esse
 debeat.*

*Q**uis, Quid, Coram quo, Quo jure petat, simul
 A quo,
 Recte compositus quisq; Libellus habet.*

De Juramento Calumniæ.

*I**llud juretur, quod lis sibi justa videtur;
 Et si quaeretur, verum non inficietur;
 Nil promittetur, ut falsa probatio detur;
 Vt lis tardetur, dilatio nulla petetur.*

De Testibus.

Conditio, Sexus, Ætas, Discretio, Fama,
Et Fortuna, Fides, in Testibus ista requi-
res.


Et Consanguinei, pariter domestica turba:
Et Clerus Laicos a se fugat, & vice versa,
Res pariter, Gradus, Locus his sunt consona
Tempus.

Quibus modis Jus varietur.

Causa, Locus, Tempus, Persona, Rigor, No-
vitasq;
Antiquum, Bonitas, Veto, Consulo, Præcipioq;
His si jungatur Permissio, Jus variatur.

Quibus modis Judicium hominis
corrumpatur.


Quatuor ista: Timor, Odium, Dilectio,
Census,
Sæpe solent hominum sanos pervertere sensus.



PRÆFATIO

A

**INDEX
TITVLORVM
JVRIS CIVILIS
ET
CANONICI.**



PRÆFATIO.

ALmæ Jurisprudentiæ operari incipientem Filium, id imprimis sollicitabat, quæ ratione seriem Titulorum Juris Civilis & Canonici, ita memoria complecti posset, ut eidem fideliter inhærerent, atq; singulos, cum res & occasio postulant, haberet in numero. Aiebam illi, varios varia subsidia suppeditasse, ea tamen interdum, ut mentem magis obruant, aut crucient, quam instruant. Huc referre me libellos, qui, sive soluto sermone, secundum materias, prolixè, sive versibus, quoad inscriptiones, concisè ac breviter, imo sæpe per truncas voces, ordinem Titulorum ostendunt. Istæ rationes, quia semper ad retinendum mihi non satis commodæ visæ, jussi, parvum libellum sibi Filius pararet, atq; in hunc, sua manu, omnes omnium utriusq; Juris librorum Titulos, seriatim describeret, in quamq; pagellam x x. conjiciendo, per quincunces, (ut nimirum quintus semper Titulus minio a cæteris distinguatur,) divisos; nisi ubi librorum Pandectis brevitatis, hanc distinctionem servare prohibet. Sic digestos, ediscere illum oportuit; atque conferebat ad discendum, autographum, quod cujusque oculis & animo semper est gratisimum; ad reminiscendum, discretio, suggerens, quem locum in quaque classe Titulus occupet. Gesit morem: atque assidua deinde repetitione factum est, ut tam facile sequelam Titulorum recitaret, ac per

PRÆFATIO.

per læve marmor palpantes digiti effunduntur. Sed vero cum nondum hoc ad dignoscendam se-
lem Titulorum, cum eorundem strues turbatur,
sufficeret, amplius præcepi, alium insuper confi-
ceret libellum, eiq; Titulos secundum Alphabeti
eriem inscriberet, adjecto libro cujusque; sed ita,
ut numeri recta linea sese invicem excipiant.
Adjeci, posse etiam hic retineri illam per
quincunces dispositionem; cum ea juvari non-
nihil memoria queat, offendi minime. Atq; hic
Catalogus eum præstare debebat usum, ut vo-
la dextræ manus, aut scheda aliqua chartaria,
numeros tegendo, ex sese percontaretur Filius,
in quo libro quisque Titulus deprehenditur, &
ut sibi ipsi responsum daret. Hoc quoque sæpe
cum is iterasset, non male succedit negotium, &
sedes Titulorum sibi is reddidit familiarissimas.
Priorem libellum huc afferre, supervacuum fuis-
set; alterum, non æque: nam valet simul pro
Indice Rudimentorum Juris Civilis, quæ præ-
cedunt: ac ideo additos quoq; habet numeros,
secundum ordinem, quem Tituli in ipsis Institu-
tionum, Digestorum, Codicis, & Decretalium
libris, obtinent: in quibus numeris cætero-
qui memoriæ infigendis, nolebam, ut Filius sese
maceraret.

INDEX

*Prior numerus Librum, posterior
Titulum significat.*

A.

Institutionum.

A	Acquisitione per arrogationem.	3. 11.
	Adionibus.	4. 6.
	Ademptione Legatorum, & Translatione.	2. 21.
	Adoptionibus.	1. 11.
	Assignmente libertorum.	3. 9.
	Atiliano tutore, & eo qui ex lege Julia & Titia datur.	1. 20.
	Auctoritate tutorum vel curatorum.	1. 21.

Digestorum.

Abigeis.		47. 14.
Acceptilatione.		46. 4.
Accusationibus & inscriptione.		48. 2.
Acquirenda vel amittenda possessione.		41. 2.
Acquirenda vel omittenda hereditate.		29. 2.
Acquirendo rerum dominio.		41. 1.
Actione rerum amotarum.		25. 2.
Actionibus emti & venditi.		19. 1.
Ademptione libertatis.		40. 6.
Ad exhibendum.		10. 4.
Agnoscentis & alendis liberis, vel parentibus, vel patronis, vel libertis.		25. 3.
Adimendis vel transferendis legatis vel fideicommissis.		34. 4.
Ad legem Aquiliam.		9. 2.
Ad legem Corneliam de falsis, & de SC. Liboniano.		48. 10.

Ad

TITVLORVM.

Ad legem Corneliam de ficariis & veneficiis.	48. 8.
Ad legem Falcidiam.	35. 2.
Ad legem Flavianam de plagiariis.	48. 15.
Ad legem Juliam de adulteriis coercendis.	48. 5.
Ad legem Juliam de annona.	48. 12.
Ad legem Juliam de Ambitu.	48. 14.
Ad legem Juliam majestatis.	48. 4.
Ad legem Juliam peculatus, & de sacrilegiis, & de residuis.	48. 13.
Ad legem Juliam repetundarum.	48. 11.
Ad legem Juliam de vi privata.	48. 7.
Ad legem Juliam de vi publica.	48. 6.
Ad legem Pompejam de parricidiis.	48. 9.
Administratione & periculo tutorum & curatorum, qui gesserunt, vel non, & de agentibus vel conveniendis uno, vel pluribus.	26. 7.
Administratione rerum ad civitates pertinentium.	50. 8.
Ad municipalem, & de incolis.	50. 1.
Ad adoptionibus & emancipationibus, & aliis modis, quibus jus Patriæ Potestatis solvitur.	1. 7.
Adquirenda vel amittenda possessione.	41. 2.
Adquirenda vel omittenda hereditate.	29. 2.
Adquirendo rerum dominio.	41. 1.
Ad SC. Tertullianum & Orphitianum.	38. 17.
Ad SC. Trebellianum.	36. 1.
Ad SC. Turpilianum, & de abolit. criminum.	48. 16.
Ad SC. Vellejanum.	16. 1.
Ad signandis libertis.	38. 4.
	Ædi-

INDEX

Ædilitio edito, & redhibitione, & quanto minoris, 21.1.

Æstimatoria. 19.3.

Agnoscentis & alendis liberis, vel parentibus, vel patronis, vel libertis. 25.3.

Albo scribendo. 50.3.

Aleatoribus. 11.5.

Alienatione iudicii mutandi causa facta. 4.7.

Alimentis vel cibariis legatis. 34.1.

Annuis legatis, & fideicommissis. 33.1.

An per alium cause appellationum reddi possint. 49.9.

Appellationibus & relationibus. 49.1.

Appellationibus recipiendis, vel non. 49.5.

Apud eum, a quo appellatur, aliam causam agere compellendum. 49.12.

Aqua quotidiana, & æstiva. 43.20.

Aqua, & aqua pluvia arcenda. 39.3.

A quibus appellari non licet. 49.2.

Arboribus cædendis. 43.27.

Arborum furtim cæsarum. 47.7.

Auctoritate & consensu tutorum & curatorum. 26.8.

Auro, argento, mundo, ornamentis, unguentis, veste vel vestimentis, & statuis legatis. 34.2.

Codicis.

Abigeis. 9.37.

Abolitionibus. 9.42.

Acceptilationibus. 8.44.

Accusationibus, & inscriptionibus. 9.2.

Acquirenda & retinenda possessione. 7.32.

Adionibus emti & venditi. 4.49.

Actore a tutore seu curatore dando. 5.61.

Ad

TITVLORVM.

exhibendum.	3. 42.
legem Corneliam de falsis.	9. 22.
legem Corneliam de sicariis.	9. 16.
legem Falcidiam.	6. 50.
legem Fabiam de plagiariis.	9. 20.
legem Juliam de adulteriis, & stupro.	9. 9.
legem Juliam de ambitu.	9. 26.
legem Juliam de vi publica, vel privata.	9. 12.
legem Juliam majestatis.	9. 8.
legem Juliam repetundarum.	9. 27.
legem Viselliam.	9. 21.
administratione rerum publicarum.	11. 30.
administratione tutorum vel curatorum, & pecunia pupillari foeneranda, vel de- ponenda.	5. 37.
adoptionibus.	8. 48.
Adquirenda & retinenda possessione.	7. 32.
Ad SCtum Macedonianum.	4. 28.
Ad SCtum Orficianum.	6. 57.
Ad SCtum Tertulianum.	6. 56.
Ad SCtum Trebellianum.	6. 49.
Ad SCtum Turpilianum.	9. 45.
Ad SCtum Vellejanum.	4. 29.
Affertione tollenda.	7. 17.
Adfessoribus, & domesticis, & cancellariis judicum.	1. 51.
Advocatis diversorum judiciorum.	2. 7.
Advocatis fisci.	2. 8.
Ædificiis privatis.	8. 10.
Ædilitiis actionibus.	4. 58.
	Agen-

INDEX.

Agentibus in rebus.	12. 20.
<i>Agricolis & censitis, & colonis.</i>	11. 47.
<i>Agricolis & mancipiis dominicis, vel fiscalibus, vel rei privatae.</i>	11. 67.
<i>Aleatoribus & alearum lusu.</i>	3. 43.
<i>Alendis liberis ac parentibus.</i>	5. 25.
Alexandriae primatibus.	11. 28.
<i>Alienatione iudicii mutandi causa facta.</i>	2. 54.
<i>Alimentis pupillo praestandis.</i>	5. 50.
<i>Alluvionibus, & paludibus, & pascuis, ad alium statum translatis.</i>	7. 41.
<i>Annali praescriptione Italici contractus tollenda, & de diversis temporibus, & exceptionibus, & praescriptionibus, & interruptionibus earum.</i>	7. 40.
Annonis civilibus.	11. 24.
<i>Annonis, & capitatione administrantium, & eorum assessorum, aliorumve publicas sollicitudines gerentium, vel eorum, qui aliquas consecuti sunt dignitates.</i>	1. 52.
<i>Annonis & tributis.</i>	10. 16.
<i>An servus pro suo facto, post manumissionem, teneatur.</i>	4. 14.
<i>Apochis publicis, & de descriptionibus curialibus, & de distributionibus civilibus.</i>	10. 22.
Apostatis.	1. 7.
<i>Apparitoribus comitis Orientis.</i>	12. 57.
<i>Apparitoribus Magistrorum militum & privilegiis eorum.</i>	12. 55.
<i>Apparitoribus Praefecti annonae.</i>	12. 59.
<i>Apparitoribus Praefectorum praetorio, & privilegiis eorum.</i>	12. 53.
Apparitoribus Praefecti Urbis.	12. 54.
	Appa-

TITVLORVM.

pparitoribus Proconsulis & Legati.	12. 56.
ppellationibus & consultationibus.	7. 62.
rbitrium tutela.	5. 51.
rgenti pretio, quod thesauris infertur.	10. 76.
athletis.	10. 53.
luro coronario.	10. 74.
luri publici prosecutoribus.	10. 72.
uctoritate præstanda.	5. 59.

Decretalium.

Accusationibus, & inquisitionibus, & denunciationi- bus.	5. 1.
Adulteriis, & stupro.	5. 16.
Estate & qualitate & ordine præficiendorum.	1. 14.
Alienatione iudicii mutandi causa facta.	1. 42.
Appellationibus, recusationibus, & rela- tionibus	2. 28.
Apostatis, & reiterantibus Baptisma.	5. 9.
Arbitris.	1. 43.
Auctoritate & usu pallii.	1. 8.

B.

Institutionum.

Bonorum possessionibus.	3. 10.
-------------------------	--------

Digestorum.

Bonis damnatorum.	48. 20.
Bonis eorum, qui ante sententiam, vel mortem sibi con- sciverunt, vel accusatorem corruperunt.	48. 21.
Bonis libertorum.	38. 2.
Bondorum possessione contra tabulas.	37. 4.

G g g g

Bono-

Bonorum possessione ex testamento militis. 37. 13.

Bonorum possessione furioso, infanti, muto, surdo, ceco competente. 37. 3.

Bonorum possessionibus secundum tabulas. 37. 11.

Bonorum possessionibus. 37. 1.

Codicis.

Bonis auctoritate judicis possidendis seu venundandis, & de separationibus bonorum. 7. 72.

Bonis eorum, qui mortem sibi consciverint. 9. 50.

Bonis libertorum, & jure patronatus. 6. 4.

Bonis maternis & materni generis. 6. 60.

Bonis proscriptorum seu damnatorum. 9. 49.

Bonis, quæ liberis in potestate constitutis, ex matrimonio vel aliâs acquiruntur, & eorum administratione. 6. 61.

Bonis vacantibus, & de incorporatione, 10. 10.

Bonorum possessione contra tabulas liberti, quæ patronis liberisq; eorum datur. 6. 13.

Bonorum possessione contra tabulas, quam Prætor liberis pollicetur 6. 12.

Bonorum possessione secundum tabulas. 6. 11.

Decretalium.

Baptismo, & ejus effectu. 3. 42.

Bigamis non ordinandis. 1. 21.

C.

Institutionum.

Capitis diminutione. 1. 16.

Codicillis. 2. 25.

Cura

TITVLORVM.

uratoribus.	1. 23.
Digestorum.	
adaveribus punitorum.	48. 24.
alumniatoribus.	3. 6.
apite minutis.	4. 5.
aptivis, & de postlimino, & de redemptis ab hosti- bus.	49. 15.
Carbonario edicto.	37. 10.
astrensi peculio.	49. 17.
ensibus.	50. 15.
essione bonorum.	43. 3.
loacis.	43. 23.
Collatione Bonorum.	37. 6.
collegiis & corporibus.	47. 22.
ollusione detegenda.	40. 16.
ommodati, vel contra.	13. 6.
omuni dividundo.	10. 3.
Communia prædiorum, tam urbanorum, quam rusticorum.	8. 4.
ompensationibus.	16. 2.
oncubinis.	25. 7.
oncussione.	47. 13.
ondictione causa data, causa non secuta.	12. 4.
ondictione ex lege.	13. 2.
ondictione furtiva.	13. 1.
ondictione indebiti.	12. 6.
ondictione ob turpem vel injustam causam.	12. 5.
ondictione sine causa.	12. 7.
ondictione triticiaria.	13. 3.
onditionibus, & demonstrationibus, & causis, & modis eorum, quæ in testamento scribuntur.	35. 1.
onditionibus institutionum.	28. 7.

Confessis.	42. 2.
Confirmando tutore, vel curatore.	26. 3.
Coniungendis cum emancipato liberis de eius.	37. 8.
Constituta pecunia.	13. 5.
Constitutionibus Principum.	1. 4.
Contrabenda emtione, & de pactis inter emtorem & venditorem compositis, & quæ res venire non possunt.	18. 1.
Contraria tutelæ, & utili actione.	27. 4.
Curatore bonis dando.	42. 7.
Curatoribus furioso, & aliis, extra minores, dandis.	27. 10.
Custodiæ & exhibitione reorum.	48. 3.
Codicis.	
Caducis tollendis.	6. 51.
Calumniatoribus.	9. 46.
Canone frumentario urbis Romæ.	11. 22.
Canone largitionalium titulorum.	10. 23.
Capiendis & distrahendis pignoribus tri- butorum causa.	10. 21.
Capitatione civium censibus eximenda.	11. 48.
Carboniano edito.	6. 17.
Castrensiæ & ministerianis.	12. 26.
Castrensi omnium palatinorum peculio.	12. 31.
Castrensi peculio militum, & præfectia- norum.	12. 37.
Censibus, & censitoribus, & peræquatoribus, & in- spectoribus.	11. 57.
Classicis.	11. 13.
Codicillis.	6. 36.
	Cohor-

TITVLORVM.

hortalibus, principibus, corniculariis, ac primipila- riis.	12. 58.
ollationibus.	6. 20.
ollatione æris.	10. 29.
ollatione donatorum, vel relevatorum, aut trans- latorum, seu adælatorum.	10. 28.
ollatione fundorum fiscalium, vel rei private, vel do- minicæ, vel civitatis, vel templi.	11. 73.
ollatione fundorum patrimonialium, & emphytea- ticariorum.	11. 64.
ollegiatis, & chartopratis, & nummula- riis.	11. 17.
ollusione detegenda.	7. 20.
olonis Illyricianis.	11. 52.
olonis Palestinis.	11. 50.
olonis Thracensibus.	11. 51.
omitibus consistorianis.	12. 10.
omitibus, & archiatris sacri palatii.	12. 13.
omitibus, & tribunis scholarum.	12. 11.
omitibus, qui provincias regunt.	12. 14.
omitibus rei militaris.	12. 12.
ommeatu.	12. 43.
ommerciis & mercatoribus.	4. 63.
omminationes, epistolas, programmata, subscriptio- nes, auctoritatem rei judicatæ non habere.	7. 57.
ommodato.	4. 23.
ommunia de legatis, & fideicommissis, & de in rem missione tollenda.	6. 43.
ommunia de Manumissionibus.	7. 15.
ommunia de Successionibus.	16. 39.
ommunia de Usucapionibus.	7. 30.
omuni dividundo.	3. 37.

INDEX

Communium rerum alienatione.	4. 52.
Communi servo manumisso.	7. 7.
Communia utriusq; iudicii, tam familiæ erciscunda, quam communi dividundo.	3. 38.
Compensationibus.	4. 31.
Concubinis.	5. 26.
Condiçione ex lege, & sine causa, vel injusta causa.	4. 0.
Condiçione furtiva.	4. 8.
Condiçione indebiti.	4. 5.
Condiçione ob causam datorum.	4. 6.
Condiçione ob turpem causam.	4. 7.
Conditionibus insertis, tam in legatis, quam in fidei- commissis & libertatibus.	6. 46.
Conditis in publicis horreis.	10. 26.
Conductoribus, & procuratoribus, sive actoribus præ- diorum fiscalium, & domus Augustæ.	11. 71.
Confessis.	7. 59.
Confirmando tutore.	5. 29.
Consortibus ejusdem litis.	3. 40.
Constituta pecunia.	4. 18.
Consulibus, & non spargendis ab his petitis, & de præfectis, & magistris militum, & patriciis.	12. 3.
Contractibus iudicum, vel eorum, qui sunt circa eos, & inhibendis donationibus in eos faciendis, & ne ad- ministrationis tempore, proprias aedes edificent sine sanctione pragmatica.	1. 53.
Contrahenda emtione & venditione.	4. 38.
Contrahenda & committenda stipulatione.	8. 38.
Contrario iudicio tutelæ.	5. 58.
Conveniendis fisci debitoribus.	10. 2.
Creditorem evictionem pignoris non debere.	8. 46.

TITVLORVM.

mine expilata hereditatis.	9. 32.
mine peculatus.	9. 28.
imine sacrilegii.	9. 29.
mine stellionatus.	9. 34.
pressis ex luo Daphnensi, vel Perseis, per Ægyptum non excindendis vel vendendis.	11. 77.
ratore furiosi, vel prodigi.	5. 70.
riosis & stationariis.	12. 23.
ursu publico, & angariis, & parangariis.	12. 51.
stodia reorum.	9. 4.
Decretalium.	
alumniatoribus.	5. 2.
apellis monachorum, &c.	3. 37.
ausa possessionis, & proprietatis.	2. 12.
elebratione Missarum, & Sacramento Eucharistie, & divinis officiis.	3. 41.
Censibus, exactionibus, & procurationibus.	3. 39.
landestina desponsatione.	4. 3.
Clericis peregrinis.	1. 22.
Clericis peregrinantibus.	2. 29.
Clericis conjugatis.	3. 3.
Clericis non residentibus in Ecclesia vel præbenda.	3. 4.
Clericis pugnantibus in duello.	5. 14.
Clerico ægrotante vel debilitato.	3. 6.
Clerico maledico.	5. 26.
Clerico venatore.	5. 24.
Clerico percussore.	5. 25.
Clerico excommunicato, deposito, vel interdicto ministrante.	5. 27.

INDEX IT

<i>Clerico non ordinato ministrante.</i>	5. 28.
<i>Clerico per saltum promot.</i>	5. 29.
<i>Cognitione spiritali.</i>	4. 11.
<i>Cognitione legali.</i>	4. 12.
<i>Cohabitatione Clericorum & mulierum.</i>	3. 2.
<i>Collusione detegenda.</i>	5. 22.
<i>Commodato.</i>	3. 15.
<i>Concessione præbendæ & Ecclesiæ non vacantis.</i>	3. 8.
<i>Conditionibus apposis in desponsatione, vel in aliis contractibus.</i>	4. 5.
<i>Confessis.</i>	2. 18.
<i>Confirmatione utili, vel inutili.</i>	2. 30.
<i>Conjugio leproforum.</i>	4. 8.
<i>Conjugio servorum.</i>	4. 9.
<i>Consanguinitate & affinitate.</i>	4. 14.
<i>Consecratione Ecclesiæ, vel altaris.</i>	3. 40.
<i>Constitutionibus.</i>	1. 2.
<i>Consuetudine.</i>	1. 4.
<i>Conversione conjugatorum.</i>	3. 32.
<i>Conversione infidelium.</i>	3. 33.
<i>Corpore vitiatis ordinandis, vel non.</i>	1. 20.
<i>Crimine falsi.</i>	5. 20.
<i>Custodia Eucharistiæ, chrismatis, & aliorum Sacra- mentorum.</i>	3. 44.

D.

Institutionum.

D <i>ivisione stipulationum.</i>	3. 19.
<i>Donationibus.</i>	2. 7.
<i>Duobus reis stipulandi & promittendi.</i>	3. 17.

Digestorum.

<i>Damna infecto, & de suggrundis, & protectionibus.</i>	39. 2.
	Decre-

TITVLORVM.

Decretis ab ordine faciendis.	50. 9.
Decurionibus, & filiis eorum.	50. 2.
Depositi. vel contra.	16. 3.
Distractione pignorum & hypothecarum.	20. 5.
Diversis Regulis juris antiqui.	50. 17.
Diversis temporalibus præscriptionibus, & de accessionibus possessionum.	44. 3.
Divisione rerum, & qualitate.	1. 8.
Divortiis, & repudiis.	24. 2.
Doli mali & metus exceptione.	44. 4.
Dolo malo.	4. 3.
Donationibus.	39. 5.
Donationibus inter virum & uxorem.	24. 1.
Dote prælegata.	33. 4.
Dotis collatione.	37. 7.
Duobus reis constituendis.	45. 2.
Codicis.	
Debitoribus civitatum.	11. 12.
debitorem venditionem pignoris impedire non posse.	8. 29.
Decanis.	12. 27.
Decretis Decurionum super immunitate quibusdam concedenda.	10. 46.
Decurialibus urbis Romæ.	11. 13.
Decurionibus, & filiis eorum, & qui decuriones habeantur, & quibus modis a fortuna curiæ liberentur.	10. 31.
Dedititia libertate tollenda.	7. 5.
Defensoribus civitatum.	1. 55.
Delatoribus.	10. 11.
Depositi, vel contra.	4. 34.

INDEX.

<i>Desertoribus & occultatoribus eorum.</i>	12. 46.
<i>Dignitatibus.</i>	12. 1.
<i>Dilationibus.</i>	3. 11.
<i>Discassoribus.</i>	10. 30.
<i>Distractio pignorum.</i>	8. 28.
<i>Diversis officiis, & apparitoribus judicum, & probatoriis eorum.</i>	12. 60.
<i>Diversis prædiis urbanis & rusticis templorum & civitatum, & omni redditu civili.</i>	11. 69.
<i>Diversis rescriptis, & pragmaticis sanctionibus.</i>	1. 23.
<i>Dividenda tutela, & pro qua parte quisq; tutorum conveniatur.</i>	5. 52.
<i>Divortio facto, apud quem liberi morari vel educari debeant.</i>	5. 24.
<i>Dolo malo.</i>	2. 21.
<i>Domesticis & protectoribus.</i>	12. 17.
<i>Donationibus.</i>	8. 54.
<i>Donationibus ante nuptias, vel propter nuptias, & sponsalitiis.</i>	5. 3.
<i>Donationibus causa mortis.</i>	8. 57.
<i>Donationibus inter virum & uxorem &c.</i>	5. 16.
<i>Donationibus, quæ sub modo, vel conditione, vel ex certo tempore conficiuntur.</i>	8. 55.
<i>Dote cauta non numerata.</i>	5. 15.
<i>Dotis promissione, & nuda pollicitatione.</i>	5. 11.
<i>Duobus reis stipulandi & promittendi.</i>	8. 40.
Decretalium.	
<i>Decimis, primitiis, & oblationibus.</i>	3. 30.
<i>Delictis puerorum.</i>	5. 23.
<i>Deposito.</i>	3. 16.
<i>Desponsatione impuberum.</i>	4. 2.
	Diga-

TITVLORVM.

igamis non ordinandis,	1. 21.
ilationibus.	2. 8.
ivortis,	4. 19.
olo & contumacia.	2. 14.
onationibus.	3. 24.
onationibus inter virum & uxorem,	
& de dote post divortium restituenda.	4. 20.

E.

Institutionum.

Emptione & Venditione.	3. 24.
Eo, cui libertatis causa bona addicuntur.	3. 12.
Exceptionibus.	4. 13.
Excusationibus tutorum, vel curatorum.	1. 25.
Exheredatione liberorum.	2. 13.

Digestorum.

Edendo.	2. 13.
EffraCTORibus, & expilatoribus.	47. 18.
Eo, per quem factum erit, quo minus in iudicio sistat.	2. 10.
Eo, qui pro tutore prove curatore negotia gessit.	27. 5.
Eo, quod certo loco dari oportet.	13. 14.
Eum qui appellaverit, in provincia defendi.	49. 11.
evictionibus & dupla stipulatione.	21. 2.
Exceptionibus, praescriptionibus, & praedictis,	44. 1.
Exceptione rei iudicatae.	44. 2.
Exceptione rei venditae & traditae,	21. 3.
Excusationibus tutorum & curatorum.	27. 1.
Exercitoria actione.	14. 1.
Expilatae hereditatis.	47. 19.

INDEX IT

<i>Ex quibus causis majores XXV. annis in integrum resti- tuantur.</i>	4. 6.
<i>Ex quibus causis pignus vel hypotheca ta- cite contrahitur.</i>	20. 2.
<i>Extraordinariis cognitionibus, Et si judex litem suam fecisse dicetur.</i>	50. 13.
<i>Extraordinariis criminibus.</i>	47. 11.
Codicis.	
<i>Edendo.</i>	2. 1.
<i>Edicto Divi Hadriani tollendo, Et quemadmodum scriptus heres in possessionem mittatur.</i>	6. 33.
<i>Emancipationibus liberorum.</i>	8. 49.
<i>Emendatione propinquorum.</i>	9. 15.
<i>Emendatione servorum.</i>	9. 14.
<i>eo, qui pro tutore negotia gessit.</i>	5. 45.
<i>Episcopali audientia, Et de diversis capitulis, quæ ad jus curamq, Et reverentiam pertinent pontificalem.</i>	1. 4.
<i>Episcopis, Et clericis, Et orphanotrophiis, Et xeno- dochiis &c.</i>	1. 3.
<i>Equestri dignitate</i>	12. 32.
<i>Erogatione militaris annonæ.</i>	12. 38.
<i>Error e advocatorum, vel libellos seu preces concipien- tiam.</i>	2. 10.
<i>Errore calculi.</i>	2. 5.
<i>Etiam ob chirographariam pecuniam pignus teneri.</i>	8. 27.
<i>Etiam per procuratorem causam in integrum restitu- tionis agi posse.</i>	2. 49.
<i>Eviotionibus.</i>	8. 45.
<i>Eunuchis.</i>	4. 42.
<i>Exactoribus tributorum.</i>	19. 19.
	Exce.

TITVLORVM.

ceptionibus seu præscriptionibus.	8. 36.
coctione & translatione militarium annonarum.	12. 39.
excusationibus artificum.	10. 64.
excusationibus munerum.	10. 47.
excusationibus tutorum, & curatorum, & de temporibus earum.	5. 62.
excusatione veteranorum.	5. 65.
ex delictis defunctorum in quantum heredes conveniantur.	4. 17.
executionibus, & exactoribus.	12. 61.
executione rei judicatæ.	7. 53.
exercitoria & Institoria Actio.	4. 25.
exhibendis & transmittendis reïs.	9. 3.
expensis ludorum publicorum.	11. 41.
ex quibus causis infamia irrogatur.	2. 12.

Decretalium.

cclesiis edificandis, vel reparandis.	3. 48.
lectione, & electi potestate.	1. 6.
mtione, & venditione.	3. 17.
o, qui mittitur in possessionem causa rei servandæ.	2. 15.
o, qui duxit in matrimonium, quam polluit per adulterium.	4. 7.
o, qui cognovit consanguineam uxoris suæ, vel sponsæ.	4. 13.
o, qui ordinem furtive suscepit.	5. 30.
exceptionibus.	2. 25.
excessibus prælatorum, & subditorum.	5. 35.

F.

Institutionum.

F ideicommissariis hereditatibus, & ad SC. Trebel- lianum.	2. 23.
Fidejussoribus.	3. 21.
Fiduciaria tutela.	1. 19.

Digestorum.

Familiae erciscundae.	10. 2.
Feriis, & dilationibus, & diversis temporibus.	2. 12.
Fideicommissaria hereditatis petitione.	5. 6.
Fideicommissariis libertatibus.	40. 5.
Fide instrumentorum, & amissione eo- rum.	22. 4.
Fidejussoribus, & mandatoribus.	46. 1.
Fidejussoribus, & nominatoribus, & heredibus tuto- rum & curatorum.	27. 7.
Finium regundorum.	10. 1.
Fluviniis, ne quid in flumine publico ripae ejus fiat, quo pejus navigetur.	43. 12.
Fonte.	43. 23.
Fugitivis.	11. 14.
Fundo dotali.	23. 5.
Furibus balneariis.	47. 17.
Furtis.	47. 2.
Furti adversus nautas, caupones, & stabu- larios.	47. 5.

Codicis.

Fabricensibus.	11. 9.
Falsa causa adjecta legato vel fideicommisso.	6. 44.
Falsa moneta.	9. 24.

Fami-

TITVLORVM.

<i>Familia erciscunda.</i>	3. 36.
<i>Famosis libellis.</i>	9. 36.
<i>Feriis.</i>	3. 12.
<i>Fide & jure haste fiscalis, & de adjectionibus.</i>	10. 3.
<i>Fideicommissariis libertatibus.</i>	7. 4.
<i>Fideicommissis.</i>	6. 42.
<i>Fide instrumentorum, & amissione eorum, & de apochis & antapochis faciendis, & his, quæ sine scriptura fieri possunt.</i>	4. 21.
<i>Fidejussoribus, & mandatoribus.</i>	8. 41.
<i>Fidejussoribus minorum.</i>	2. 24.
<i>Fidejussoribus tutorum, vel curatorum.</i>	5. 57.
<i>Filiisfamilias, & quemadmodum pro his pater teneatur.</i>	10. 60.
<i>Filiis officialium militarium, qui in bello moriuntur.</i>	12. 47.
<i>Filiofamilias minore.</i>	2. 23.
<i>Finium regundorum.</i>	3. 39.
<i>Fiscalibus usuris.</i>	10. 8.
<i>Formulis & impetrationibus actionum sublatis.</i>	2. 58.
<i>Fructibus & litium expensis.</i>	7. 51.
<i>Frumento Alexandrino.</i>	11. 27.
<i>Frumento urbis Constantinopolitane.</i>	11. 23.
<i>Fugitivis colonis patrimonialibus, saltuensibus, & emphyteuticis.</i>	11. 63.
<i>Fundo dotali.</i>	5. 23.
<i>Fundis & saltibus rei Dominicæ.</i>	11. 66.
<i>Fundis limitrophis, & terris, & paludibus, & pascuis limitaneis & castellorum.</i>	11. 59.
<i>Fundis patrimonialibus, & saltuensibus, & emphyteuticis, & eorum conductoribus.</i>	11. 61.
	Fun-

Fundis rei privatae, & saltibus divinae domus. 11. 65.
Furtis & servo corrupto. 6. 2.

Decretalium.

Feriis. 2. 9.

Feudis. 8. 20.

Fide instrumentorum. 2. 22.

Fidejussoribus. 3. 22.

Filiis presbyterorum ordinandis, vel non. 1. 17.

Foro competenti. 2. 2.

Frigidis, & maleficiatis, &c. 4. 15.

Furtis. 5. 18.

G.

Institutionum.

G*Radibus cognationum.* 3. 6.

Digestorum.

Glande legenda. 43. 28.

Gradibus, & adfinibus, & nominibus eorum. 38. 2.

Codicis.

Generali abolitione. 9. 43.

Gladiatoribus penitus tollendis. 11. 43.

Grege dominico. 11. 75.

H.

Institutionum.

H*eredibus instituendis.* 2. 14.

Hereditatibus, quae ab intestato deferuntur. 3. 1.

Hereditum qualitate & differentia. 2. 19.

His, per quos agere possumus. 4. 10.

His, qui sui vel alieni juris sunt. 1. 8.

Dige-

TITVLORVM.

Digestorum.

heredibus instituendis.	28. 5.
hereditatis petitione.	5. 3.
hereditate vel actione vendita.	18. 4.
his, quæ in testamento delentur, inducuntur, vel inscribuntur.	28. 4.
his, quæ poenæ causa relinquuntur.	34. 6.
his, quæ pro non scriptis habentur.	34. 8.
his, quæ ut indignis auferuntur.	34. 9.
his, qui effuderint, vel dejecerint.	9. 3.
his, qui notantur infamia.	3. 2.
his, qui sui vel alieni juris sunt.	1. 6.
homine libero exhibendo.	43. 20.

Codicis.

hereticis, & Manichæis, & Samaritis.	1. 5.
hereditariis actionibus.	4. 16.
hereditatibus Decurionum, Naviculariorum, Cohortali- um, Militum, & Fabricensium.	6. 62.
heredibus instituendis, & quæ personæ heredes institui non possunt.	6. 24.
heredibus tutorum vel curatorum.	5. 54.
hereditate vel actione vendita.	4. 39.
his, quæ ex publica collatione illata sunt, non usur- pandis.	10. 73.
his, quæ poenæ nomine in testamento vel codicillis scri- buntur, vel relinquuntur.	6. 41.
his, quæ sub modo legata seu fideicommissa relinquin- tur.	6. 45.
his, quæ vi metusve causa gesta sunt.	2. 20.
his, qui accusare non possunt.	9. 1.

INDEX.

<i>His, qui ad Ecclesiam confugiunt, vel ibi exclamant, Et ne quis ab Ecclesia extrahatur.</i>	1. 12.
<i>His, qui ad statuas confugiunt.</i>	1. 25.
<i>His, qui a non domino manumissi sunt.</i>	7. 10.
<i>His, qui ante apertas tabulas hereditatem transmittunt.</i>	6. 51.
<i>His, qui a Principe vacationem acceperunt.</i>	10. 44.
<i>His, quibus ut indignis hereditates auferuntur, Et ad Senatusconsultum Silanianum.</i>	6. 35.
<i>His, qui ex officio, quod administrarunt, conveniun- tur.</i>	11. 38.
<i>His, qui in exilium dati, vel ab ordine moti sunt.</i>	10. 59.
<i>His, qui ex publicis rationibus mutuam pecuniam acceperunt.</i>	10. 6.
<i>His, qui in Ecclesiis manumittuntur.</i>	1. 13.
<i>His, qui in priorum creditorum locum succedunt.</i>	8. 19.
<i>His, qui latrones, vel alios criminis reos occultaverint.</i>	9. 31.
<i>His, qui, non impletis stipendiis, Sacramento soluti sunt.</i>	10. 54.
<i>His, qui numero liberorum vel paupertate excusationem meruerunt.</i>	10. 51.
<i>His, qui parentes vel liberos occiderunt.</i>	9. 17.
<i>His, qui, potentiorum nomine, titulos prædiis affigunt, vel eorum nomina in litem prætendunt.</i>	2. 15.
<i>His, qui propter metum judicis non appellaverunt.</i>	7. 67.
<i>His, qui se deferunt.</i>	10. 13.
<i>His, qui sibi adscribunt in testamento.</i>	9. 23.
<i>His, qui sponte munera publica jubeunt.</i>	10. 43.
<i>His, qui veniam ætatis impetraverunt.</i>	2. 45.
<i>Honoratorum vebiculis.</i>	11. 19.
	De-

TITVLORVM.

Decretalium.

<i>Hæreticis.</i>	5. 7.
<i>His, quæ vi metusve causa fiunt.</i>	1. 40.
<i>His, quæ fiunt a Prælati sine consensu Capituli.</i>	3. 10.
<i>His, quæ fiunt a maiore parte Capituli.</i>	3. 11.
<i>His, qui filios occiderunt.</i>	5. 10.
<i>Homicidio voluntario, vel casuali.</i>	5. 12.

I.

Institutionum.

<i>Ingenuis.</i>	1. 4.
<i>Injuriis.</i>	4. 4.
<i>Inofficioso testamento.</i>	2. 18.
<i>Interdictis.</i>	4. 15.
<i>Inutilibus stipulationibus.</i>	3. 20.
<i>Jure naturali, gentium, & civili.</i>	1. 2.
<i>Jure personarum.</i>	1. 3.
<i>Iustitia & jure.</i>	1. 1.

Digestorum.

<i>Impensis in res dotales factis.</i>	25. 1.
<i>Incendio, ruina, naufragio, nave, rate expugnata.</i>	47. 9.
<i>In diem additione.</i>	18. 2.
<i>In integrum restitutionibus.</i>	4. 1.
<i>Injuriis, & famosis libellis.</i>	47. 10.
<i>Injusto, rupto, irritato facto testamento.</i>	28. 3.
<i>In ius vocando.</i>	2. 4.
<i>In ius vocati, ut eant, aut satis vel cautum dent.</i>	2. 6.
<i>In litem jurando.</i>	12. 3.
<i>Inofficioso testamento.</i>	5. 2.
<i>In quibus causis pignus vel hypotheca tacite contrahitur.</i>	20. 2.

INDEX.

<i>In rem verso.</i>	15. 3.
<i>Inspiciendo ventre, custodiendoq; partu.</i>	25. 4.
<i>Institoria actione.</i>	14. 3.
<i>Instructo vel instrumento legato.</i>	33. 7.
<i>Interdictis, & relegatis, & deportatis.</i>	48. 22.
<i>Interdictis, sive extraordinariis actionibus, quæ his competunt.</i>	43. 8.
<i>Interrogationibus in jure faciendis, & interrogatoriis actionibus.</i>	11. 1.
<i>Itinere, actuq; privato.</i>	43. 19.
<i>Judicatum solvi.</i>	46. 7.
<i>Judiciis, & ubi quis agere vel conveniri debeat.</i>	5. 1.
<i>Jure aureorum annulorum.</i>	40. 10.
<i>Jure Codicillorum.</i>	29. 7.
<i>Jure deliberandi.</i>	28. 8.
<i>Jure dotium.</i>	23. 3.
<i>Jure Fisci.</i>	49. 14.
<i>Jure immunitatis.</i>	30. 6.
<i>Jurejurando, sive voluntario, sive necessario, sive judi- ciali.</i>	12. 2.
<i>Jure patronatus.</i>	37. 14.
<i>Juris & facti ignorantia.</i>	22. 6.
<i>Jurisdictione.</i>	2. 1.
<i>Justitia & jure.</i>	1. 1.

Codicis.

<i>Immunitate nemini concedenda.</i>	10. 25.
<i>Imponenda lucrativa descriptione.</i>	10. 35.
<i>Impuberum & aliis substitutionibus.</i>	6. 26.
<i>Incertis personis.</i>	6. 48.
<i>Incestis, & inutilibus nuptiis.</i>	5. 5.
<i>Incolis, & ubi quis domicilium habere videtur, & de his,</i>	

TITVLORVM.

his, qui, studiorum causa, in alia civitate degunt.	10. 39.
ditionibus.	10. 17.
dicta viduitate, & lege Julia Miscella tollenda.	6. 40.
famibus.	10. 57.
fantibus expositis, liberis & servis, & de his, qui Sanguinolentos nutriendos ac- ceperunt.	8. 52.
firmandis pœnis cœlibatus, & orbitatis, & de deci- mariis sublatis.	8. 58.
genuis manumissis.	7. 14.
gratis liberis.	8. 50.
integrum restitutione minorum XXV. annis.	2. 22.
integrum restitutione postulata, ne quid novi fiat.	2. 50.
furtis.	9. 35.
jus vocando.	2. 2.
litem dando tutore & curatore.	5. 44.
litem jurando.	5. 53.
inofficiosis donationibus.	3. 29.
inofficiosis dotibus.	3. 30.
inofficioso testamento.	3. 28.
in quibus casibus, tutorem vel curatorem habenti, tutor vel curator dari potest.	5. 36.
in quibus causis cessat longi temporis præscriptio.	7. 34.
in quibus causis coloni censiti dominos ac- cusare possint.	11. 49.
in quibus causis in integrum restitutio necessaria non est.	2. 41.
in quibus causis militantes fori præscriptione uti non possint.	3. 25.

INDEX I T

Lege Julia repetundarum.	48. 11.
<i>Lege Julia de annona.</i>	48. 12.
<i>Lege Julia ambitus.</i>	48. 14.
<i>Lege Pompeja de parricidiis.</i>	48. 9.
<i>Lege Rhodia de jactu.</i>	14. 2.
Legibus, Senatusq; consultis, & longa con-	
fuetudine.	1. 3.
<i>Legitimis tutoribus.</i>	26. 4.
<i>Libellis dimissoriis, qui Apostoli dicuntur.</i>	49. 6.
<i>Liberali causa.</i>	40. 12.
<i>Liberatione legata.</i>	34. 3.
Liberis & postumis heredibus instituen-	
dis, vel exheredandis.	28. 2.
<i>Liberis exhibendis, item ducendis.</i>	43. 30.
<i>Libero homine exhibendo.</i>	43. 29.
<i>Libertis universitatum.</i>	38. 3.
<i>Litigiosis.</i>	44. 6.
Locati conducti.	19. 1.
<i>Loco publico fruendo.</i>	43. 9.
<i>Locis & itineribus publicis.</i>	43. 7.

Codicis.

Latina libertate tollenda, & per certos modos in civi-	
tatem Romanam transfusa.	7. 6.
<i>Legationibus.</i>	10. 63.
<i>Legatis.</i>	6. 37.
<i>Lege Aquilia.</i>	3. 35.
Lege Fusia Caninia tollenda	7. 3.
Legibus, & constitutionibus Principum, & edictis.	
<i>Legitimis heredibus.</i>	1. 14.
<i>Legitima tutela.</i>	6. 58.
	5. 30.
	Libe-

TITVLORVM.

<i>liberali causa.</i>	7. 56.
<i>liberis exhibendis, seu deducendis, & de libero homine exhibendo.</i>	8. 8.
<i>liberis præteritis, vel exheredatis.</i>	6. 38.
<i>libertinis.</i>	10. 16.
<i>libertis, & eorum liberis.</i>	6. 7.
<i>litigiosis.</i>	8. 37.
<i>litis contestatione.</i>	3. 9.
<i>litorum & itinerum custodia.</i>	12. 45.
<i>locatione prædiorum civilium, vel fiscalium, sive templorum, sive rei privatae, vel dominicae.</i>	11. 70.
<i>locato & conducto.</i>	4. 65.
<i>longi temporis præscriptione, & quæ pro libertate, & non adversus libertatem opponitur.</i>	7. 22.
<i>lutione pignoris.</i>	8. 21.
<i>lucris advocatorum, & concussionibus officiorum, sive apparitorum.</i>	12. 62.
<i>lustralis auri collatione.</i>	11. 1.

Decretalium.

<i>libelli oblatione.</i>	2. 3.
<i>litis contestatione.</i>	2. 5.
<i>locato & conducto.</i>	3. 18.

M.

Institutionum.

M <i>Andato.</i>	3. 27.
<i>Militari testamento.</i>	2. 11.

Digestorum.

<i>Magistratibus conveniendis.</i>	27. 8.
<i>Mandati, vel contra.</i>	17. 1.
<i>Manumissis testamento.</i>	40. 4.
<i>Manumissis vindicta.</i>	40. 2.

Hh hh §

Ma

Manumissionibus.	40. 1.
<i>Manumissionibus, quæ servis ad universitatem perti-</i> <i>nentibus imponuntur.</i>	40. 3.
<i>Migrando.</i>	43. 32.
<i>Militari testamento.</i>	29. 1.
<i>Minoribus XXV. annis.</i>	4. 4.
Mortis causa Donationibus, & capionibus.	39. 6.
<i>Mortuo inferendo, & sepulchro edificando.</i>	11. 8.
<i>Muneribus & honoribus.</i>	50. 4.
Codicis.	
<i>Magistratibus conveniendis.</i>	5. 75.
<i>Magistratibus municipalibus.</i>	1. 56.
<i>Magistris sacrorum scriniorum.</i>	12. 9.
<i>Majuma.</i>	11. 45.
Maleficis, & Mathematicis, & cæteris simi- libus.	9. 18.
<i>Mancipiis, & colonis patrimonialium, saltuensium,</i> <i>& emphyteuticorum fundorum.</i>	11. 62.
<i>Mandatis Principum.</i>	1. 15.
<i>Mandati, vel contra.</i>	4. 35.
<i>Mendicantibus validis.</i>	11. 25.
Mensoribus.	12. 28.
<i>Metallariis, & metallis, & procuratoribus metallo-</i> <i>rum.</i>	11. 6.
<i>Metatis, & epidemeticis.</i>	12. 41.
<i>Metropoli Beryto.</i>	11. 21.
<i>Militari veste.</i>	12. 40.
Modo mulctarum, quæ a iudicibus infi- guntur.	1. 54.
<i>Monopoliis, & conventu negotiatorum illicito, vel</i> <i>arti-</i>	

TITVLORVM.

artificum, ergolaborumq₃, nec non balneatorum, prohibitis, illicitisq₃ pactiōibus. 4. 59.

Mortis causa donationibus. 8. 56.

Mulieribus, in quo loco munera sexui congruentia, vel honores agnoscant. 10. 62.

Mulieribus, quæ se propriis servis junxerunt. 9. 11.

Muneribus & honoribus, non continuandis inter patrem & filium, & de intervallis. 10. 40.

Muneribus patrimoniorum. 10. 41.

Municipibus originariis. 10. 38.

Murilegulis, & gynæciariis, & procuratoribus gynæcei, & de monetariis, & bastagiariis. 11. 8.

Mutatione nominis. 9. 25.

Decretalium,

Magistris, & ne aliquid exigatur pro licentia docendi. 5. 5.

Majoritate, & obedientia. 1. 33.

Maledicis. 5. 26.

Matrimonio contracto contra interdictum Ecclesiæ. 4. 16.

Mutuis petitionibus. 2. 4.

N.

Institutionum.

N*Oxalibus actionibus.* 4. 9.

Nuptiis. 1. 10.

Digestorum,

Natalibus restituendis. 40. 11.

Nautæ, caupones, stabularii, recepta restituant. 4. 9.

Nautico fœnore. 22. 2.

Ne

INDEX

Ne de statu defunctorum post quinquennium queratur. 40. 15.

Negotiis gestis. 3. 8.

Ne quid in flumine publico fiat, quo aliter aqua fluat, atq; uti priore æstate fluxerit. 43. 3.

Ne quid in loco sacro fiat. 43. 6.

Ne quid in loco publico vel itinere fiat. 43. 8.

Ne quis eum, qui in ius vocabitur, vi eximat. 2. 7.

Nihil innovari appellatione interposita. 49. 7.

Ne vis fiat ei, qui in possessionem missus erit. 43. 4.

Novationibus & delegationibus. 46. 2.

Novi operis nunciatione. 39. 1.

Noxalibus actionibus. 9. 4.

Nundinis. 50. 11.

Codicis.

Naturalibus liberis, & matribus eorum, & ex quibus causis justi efficiantur. 5. 27.

Naufragiis. 11. 6.

Navibus non excusandis. 11. 3.

Naviculariis, seu naucleris, publicas species transportantibus. 11. 1.

Nautico fœnore. 4. 33.

Nautis Tiberinis. 11. 26.

Necessariis servis heredibus instituendis, vel substituendis. 6. 27.

Ne Christianum mancipium hæreticus, vel Judæus, vel paganus habeat, vel possideat, vel circumcidat. 1. 19.

Ne de statu defunctorum post quinquennium queratur. 7. 21.

Ne

TITVLORVM.

- Ne fidejussores, vel mandatores dotium
dentur.** 5. 20.
- Ne filius pro patre, vel pater pro filio emancipato, vel
libertus pro patrono, vel servus pro domino conve-
niatur.** 4. 13.
- Ne fiscus rem, quam vendidit, evincat.** 10. 5.
- Ne fiscus, vel respublica, procurationem alicui, patroci-
nii causa in lite præstet.** 2. 18.
- Negotiatores ne militent.** 12. 35.
- Negotiis gestis.** 2. 19.
- Ne liceat in una eademq; causa tertio provocare, vel
post duas sententias iudicum, quas definitio præse-
dorum roboraverit, eas retractare.** 7. 70.
- Ne liceat potentioribus patrocinium litigantibus præ-
stare, vel actiones in se transferre.** 2. 14.
- Nemini licere signum Salvatoris Christi humi, vel in si-
lice, vel in marmore, aut sculpere, aut pingere.** 1. 8.
- Ne pro dote mulieris, bona quondam mariti addican-
tur, id est, in solutum dentur.** 5. 22.
- Ne operæ a collatoribus exigantur.** 10. 24.
- Ne quid oneri publico imponatur.** 11. 4.
- Ne quis in sua causa iudicet, vel jus sibi dicat.** 3. 5.
- Ne quis liber invitus actum reipubl. gerere cogatur.** 11. 36.
- Ne rei dominicæ vel templorum vendicatio, temporis
præscriptione summoveatur.** 7. 38.
- Ne rei militaris comitibus vel tribunis la-
vacra præstentur.** 1. 47.
- Ne rustici ad ullum obsequium devocentur.** 11. 54.
- Ne sanctum Baptisma iteretur.** 1. 6.
- Ne sine jussu Principis certis iudicibus liceat confiscare.** 9. 48.
- Ne

INDEX

<i>Ne tutor, vel curator vectigalia conducant.</i>	5. 41.
<i>Ne uxor pro marito, vel maritus pro uxore, vel mater pro filio conveniatur.</i>	4. 12.
<i>Nili aggeribus non rumpendis.</i>	9. 38.
<i>Non licere habitatoribus metrocomiæ loca sua ad extraneum transferre.</i>	11. 55.
<i>Non numerata pecunia.</i>	4. 30.
<i>Novationibus & delegationibus.</i>	8. 42.
<i>Novi operis nunciatione.</i>	8. 11.
<i>Noxalibus actionibus.</i>	3. 41.
<i>Nudo jure Quiritium tollendo.</i>	7. 25.
<i>Nulli licere in frænis equestribus, sellis, & in balthæis, margaritis, & smaragdos, & hyacinthos aptare, & de artificibus palatinis.</i>	11. 11.
<i>Numerariis, actuariis, & chartulariis, & adjutoribus, & scriniariis, & exceptoribus sedis excelsæ, cæterorumq; judicum, tam militarium, quam civilium.</i>	12. 50.
<i>Nundinis & mercatibus.</i>	4. 60.
<i>Nuptiis.</i>	5. 4.
Decretalium.	
<i>Natis ex libero ventre.</i>	4. 10.
<i>Ne Clerici vel Monachi secularibus negotiis se immisceant.</i>	3. 50.
<i>Ne Prelati vices suas, vel Ecclesias, sub annuo censu concedant.</i>	5. 4.
<i>Ne sede vacante aliquid innovetur.</i>	3. 9.
<i>Novi operis nunciatione.</i>	5. 32.
O.	
Institutionum.	
O <i>Bligationibus.</i>	3. 14.
<i>Obligationibus ex consensu.</i>	3. 23.
	Obli-

TITVLORVM.

Obligationibus, quæ quasi ex contractu nascuntur.	3. 28.
Obligationibus, quæ ex delicto nascuntur.	4. 1.
Obligationibus, quæ quasi ex delicto nascuntur.	4. 5.
Officio iudicis.	4. 17.
Digestorum.	
Obligationibus & actionibus.	44. 7.
Obsequiis parentibus & patronis præstandis.	37. 15.
Officio Assessorum.	1. 22.
Officio Consulis.	1. 10.
Officio ejus, cujus mandata est jurisdictio.	1. 21.
Officio Juridici.	1. 20.
Officio Præfecti Augustalis.	1. 17.
Officio Præfecti Prætorio.	1. 11.
Officio Præfecti Vigilum.	1. 15.
Officio Præfecti Vrbi.	1. 12.
Officio Præsidis.	1. 18.
Officio Prætorum.	1. 14.
Officio Proconsulis & Legati.	1. 16.
Officio Procuratoris Cæsaris, vel Rationalis.	1. 19.
Officio Quæstoris.	1. 13.
Operis Libertorum.	38. 1.
Operis novi nunciatione.	39. 1.
Operis servorum.	7. 7.
Operibus publicis.	50. 10.
Optione & electione legata.	33. 5.
Origine juris, & omnium Magistratum, & successionem Prudentium.	1. 2.
Codicis.	
Oblatione votorum.	12. 49.
	Obli-

INDEX

Obligationibus & actionibus.	4. 10.
Obsequiis patrono præstandis.	6. 6.
Officio civilium judicum.	1. 45.
Officio Comitæ Orientis.	1. 36.
Officio Comitæ rerum privatarum.	1. 33.
Officio Comitæ sacrarum largitionum.	1. 32.
Officio Comitæ sacri patrimonii.	1. 35.
Officio diversorum judicum.	1. 48.
Officio ejus, qui vicem alicujus Judicis vel Præsidis obtinet.	1. 50.
Officio Juridici Alexandriae.	1. 57.
Officio Magistri militum.	1. 29.
Officio Magistri officiorum.	1. 31.
Officio militarium judicum.	1. 46.
Officio Præfecti annonæ.	1. 44.
Officio Præfecti Augustalis.	1. 37.
Officio Præfecti Prætorio Africae, & de omni ejusdem diœceseos statu.	1. 27.
Officio Præfecti Prætoriorum Orientis, & Ægypti.	1. 26.
Officio Præfecti Vigilum.	1. 43.
Officio Præfecti Urbis.	1. 28.
Officio Prætorum.	1. 39.
Officio Proconsulis, & Legati.	1. 35.
Officio Quæstoris.	1. 19.
Officio Rectoris Provinciæ.	1. 40.
Officio Tribuni, & Comitæ militaris.	1. 46.
Officio Vicarii.	1. 38.
Omni agro deserto, & quando steriles fertilibus im- ponuntur.	11. 58.
Operis libertorum.	6. 3.
Operibus publicis.	8. 12.

Ordi-

TITVLORVM.

Ordine cognitionum.	7. 19.
Ordine judiciorum.	3. 8.
Decretalium.	
Obligatis ad ratiocinia, ordinandis, vel non.	1. 19.
Observatione jejuniorum.	3. 46.
Officio Archidiaconi.	1. 23.
Officio Archipresbyteri.	1. 24.
Officio Primicerii.	1. 25.
Officio Sacristæ.	1. 26.
Officio Custodis.	1. 27.
Officio Vicarii.	1. 28.
Officio, & potestate Judicis delegati.	1. 29.
Officio Judicis.	1. 32.
Officio Judicis ordinarii.	1. 31.
Officio Legati.	1. 30.
Ordinatis ab Episcopo, qui renunciavit Episcopatu.	1. 13.
Ordine cognitionum.	2. 10.

P.

Institutionum.

Atria potestate.	1. 9.
Perpetuis & temporalibus actionibus; & quæ ad heredes, & in heredes transeunt.	4. 12.
per quas personas nobis acquiritur.	2. 9.
per quas personas nobis Obligatio acquiritur.	3. 29.
pœna temere litigantium.	4. 16.
publicis judiciis.	4. 18.
pillari substitutione.	2. 16.

Digestorum.

is.	2. 14.
ii ii	Pactis

INDEX. IT

<i>Pactis dotalibus.</i>	23. 4.
<i>Peculio.</i>	15. 1.
<i>Peculio legato.</i>	33. 8.
<i>Pecunia constituta.</i>	13. 5.
<i>Penu legata.</i>	33. 9.
<i>Periculo & commodo rei venditæ.</i>	18. 6.
<i>Petitione hereditatis.</i>	5. 3.
<i>Pignoratitia actione, vel contra.</i>	13. 7.
<i>Pignoribus, & hypothecis, & qualiter ea contrahantur, & de pactis eorum.</i>	20. 1.
<i>Pœnis.</i>	48. 19.
<i>Pollicitationibus.</i>	50. 12.
<i>Popularibus actionibus.</i>	47. 23.
<i>Possessoria hereditatis petitione.</i>	5. 5.
<i>Postulando.</i>	3. 1.
<i>Præscriptis verbis, & in factum actionibus.</i>	19. 5.
<i>Prætoris stipulationibus.</i>	46. 5.
<i>Prævaricatione.</i>	47. 15.
<i>Precario.</i>	43. 26.
<i>Privatis delictis.</i>	47. 1.
<i>Probationibus, & præsumptionibus.</i>	22. 3.
<i>Procuratoribus, & defensoribus.</i>	3. 3.
<i>Pro derelicto.</i>	41. 7.
<i>Pro donato.</i>	41. 6.
<i>Pro dote.</i>	41. 9.
<i>Pro emtore.</i>	41. 4.
<i>Pro herede, vel pro possessore.</i>	41. 5.
<i>Pro legato.</i>	41. 8.
<i>Pro socio.</i>	17. 2.
<i>Pro suo.</i>	41. 10.
	Pro-

TITVLORVM.

Proxeneticis.	50. 14.
Publicanis, & vectigalibus, & commissis.	39. 4.
Publiciana in rem actione.	6. 2.
Publicis judiciis.	48. 1.
Codicis.	
Pactis.	2. 3.
Pactis conventis tam super dote, quam super donatione ante nuptias, & paraphernis.	5. 14.
Pactis inter emptorem & venditorem compositis.	4. 54.
Pactis pignorum, & de lege commissoria in pignoribus rescindenda.	8. 35.
Paganis, & sacrificiis, & templis.	I. II.
Palatiis & domibus dominicis.	I. 70.
Palatinis sacrarum largitionum, & rerum privatarum.	12. 24.
Partu pignoris, & omni causa.	8. 25.
Pascuis publicis, vel privatis.	II. 60.
Patria potestate.	8. 47.
Patribus, qui filios suos distraxerunt.	4. 43.
Peculio ejus, qui libertatem meruit.	7. 23.
Pedaneis judiciis.	3. 3.
Perfectissimatus dignitate.	12. 33.
Periculo eorum, qui pro Magistratibus intervenerunt.	II. 34.
Periculo & commodo rei vendite.	4. 48.
Periculo nominatorum.	II. 33.
Periculo successorum parentis.	10. 61.
Periculo tutorum & curatorum.	5. 38.
Per quas personas nobis acquiritur.	4. 27.
Petitionibus honorum sublati.	10. 12.
Petitione hereditatis.	3. 31.
Ii ii 2	Pigno-

<i>Pignoratitia actione.</i>	4. 24.
<i>Pignoribus & hypothecis.</i>	8. 14.
<i>Pistoribus.</i>	11. 15.
<i>Plus petitionibus.</i>	3. 10.
<i>Plus valere, quod agitur, quam quod simulate concipitur.</i>	4. 22.
<i>Pœnis.</i>	9. 47.
<i>Pœnis fiscalibus creditores præferri.</i>	10. 7.
<i>Pœna judicis, qui male judicavit, vel ejus, qui judicem vel adversarium corrumpere curavit.</i>	7. 49.
<i>Ponderatoribus, & auri illatione.</i>	10. 71.
<i>Postliminio reversis, & redemptis ab hostibus.</i>	8. 51.
<i>Posthumis heredibus instituendis, vel exheredandis, vel præteritis.</i>	6. 29.
<i>Postulando.</i>	2. 6.
<i>Potioribus ad munera nominandis.</i>	10. 65.
<i>Præbendo salario.</i>	10. 36.
<i>Prædiis Decurionum sine decreto non alienandis.</i>	10. 33.
<i>Prædiis & aliis rebus minorum, sine decreto non alienandis, vel obligandis.</i>	5. 71.
<i>Prædiis & omnibus rebus naviculariorum.</i>	11. 2.
<i>Prædiis tamiacis, & de his, qui ex colonis dominicis, aliisque liberæ conditionis procreantur.</i>	11. 68.
<i>Prædictis prætorio, sive urbi, & magistris militum in dignitatibus exæquandis.</i>	12. 4.
<i>Præpositis laborum.</i>	12. 18.
<i>Præpositis sacri cubiculi, & de omnibus cubiculariis, & privilegiis eorum.</i>	12. 5.
	Præ-

TITVLORVM.

præscriptione longi temporis decem vel viginti annorum. 7. 33.

præscriptione triginta vel quadraginta annorum. 7. 39.

prætoribus, & honore Praturæ, & collatione, & gleba, & folli, & septem solidorum functione sublata. 12. 2.

prætorio pignore, & ut in actionibus debitorum missio prætorii pignoris procedat. 8. 22.

precario, & Salviano interdicto. 8. 9.

precibus Imperatori offerendis, & de quibus rebus supplicare liceat, vel non. 1. 19.

Primicerio, & secundicerio, & notariis. 12. 7.

Primipilo. 12. 63.

Principibus agentium in rebus. 12. 22.

Privatis carceribus inhibendis. 9. 5.

Privilegiis corporatorum urbis Romæ. 11. 14.

Privilegiis domus Augustæ, vel rei private, & quarum collationum excusationem habent. 11. 74.

Privilegio dotis. 7. 74.

Privilegiis eorum, qui in sacro palatio militant. 12. 29.

Privilegio Fisci. 7. 73.

Privilegiis scholarum. 12. 30.

Privilegiis urbis Constantinopolitanæ. 11. 20.

Probationibus. 4. 19.

Procuratoribus.

Professoribus, & Medicis.

INDEX

Professoribus, qui in urbe Constantinopolitana docentes, ex lege meruerunt comitivam. 12. 15.

Prohibita sequestratione pecuniæ. 4. 4.

Pro quibus causis servi pro premio libertatem accipiunt. 7. 13.

Pro socio. 4. 37.

Proximis sacrorum scriniorum, cæterisque, qui in sacris scriniis militant. 12. 19.

Publicæ lætitiæ, vel Consulum nunciatores, vel insinuatores constitutionum, & aliarum sacrarum vel judicialium literarum, ex descriptione, vel ab invitis, ne quid accipiant immodicum. 12. 64.

Decretalium.

Pactis. 1. 35.

Parœciis & alienis parœcianis. 3. 29.

Peculio Clericorum. 3. 25.

Pœnis. 5. 37.

Pœnitiis & remissionibus. 5. 38.

Pignoribus, & aliis cautionibus. 3. 21.

Plus petitionibus. 2. 11.

Postulando. 1. 37.

Postulatione prælatorum. 1. 5.

Præbendis, & dignitatibus. 3. 5.

Precariis. 3. 14.

Presbytero non baptizato. 3. 43.

Præscriptionibus. 2. 26.

Præsumptionibus. 2. 23.

Privilegiis, & excessibus privilegiatorum.

5. 33.

Probationibus. 2. 19.

Procuratoribus. 1. 38.

Purgatione canonica. 5. 34.

Pur-

urgatione vulgari. 5. 35.
purificatione post partum. 3. 47.

Q.

Institutionum.

Quibus alienare licet, vel non. 2. 8.

Qui, & ex quibus causis manumittere non possunt. 1. 6.

Quibus modis jus patriæ potestatis solvitur. 1. 12.

Quibus modis re contrahitur obligatio. 3. 15.

Quibus modis testamenta infirmentur. 2. 17.

Quibus modis tollitur obligatio. 3. 29.

Quibus modis tutela finitur. 1. 22.

Quibus non est permissum facere testamentum. 2. 12.

Qui testamento tutores dari possunt. 1. 14.

Quod cum eo, qui in aliena potestate est, negotium gestum esse dicetur. 4. 7.

Digestorum.

Quæ in fraudem creditorum facta sunt, ut restituantur. 42. 8.

Quæ res pignori vel hypothecæ data obligari non possunt. 20. 3.

Questionibus. 48. 18.

Quæ sententiæ sine appellatione rescindantur. 49. 8.

Quando appellandum sit, & intra quæ tempora. 49. 4.

Quando de peculio actio annalis est. 3. 2.

Quando dies legatorum vel fideicommissorum cedat. 36. 2.

- Quando ex facto Tutoris, vel Curatoris, Minores agere
vel conveniri possunt. 26. 9.
- Quarum rerum actio non datur. 44. 5.
- Quemadmodum servitutes amittuntur. 8. 6.
- Quibus ad libertatem proclamare non licet. 40. 13.
- Quibus ex causis in possessionem eatur. 42. 4.
- Quibus rebus pignus vel hypotheca solvitur. 20. 6.
- Quibus modis usufructus vel usus amittitur. 7. 4.
- Quibus non competit bonorum possessio. 38. 3.
- Quibus modis ad eundem judicem eatur. 11. 2.
- Qui, & a quibus manumissi, liberi non fiunt, & ad
legem Æliam Sentiam. 40. 9.
- Qui petant Tutores vel Curatores, & ubi petantur. 26. 6.
- Qui potiores in pignore vel hypotheca habeantur, &
de his, qui in priorum creditorum locum succedunt. 20. 4.
- Qui satisdare cogantur, vel jurato promit-
tant, vel suæ promissioni committan-
tur. 42. 8.
- Qui sine manumissione ad libertatem perveniunt. 40. 8.
- Qui testamenta facere possunt, & quemadmodum te-
stamenta fiant. 28. 1.
- Quis, a quo appelletur. 49. 3.
- Quis ordo in possessionibus servetur. 38. 15.
- Quod cujusq; Universitatis nomine, vel
contra eam agatur. 3. 4.
- Quod cum eo, qui in aliena potestate est, negotium ge-
stum esse dicetur. 14. 5.
- Quod

TITVLORVM.

Quod falso tutore autore gestum esse dicetur.	27. 6.
Quod jussu.	15. 4.
Quod legatorum.	43. 3.
Quod metus causa gestum erit.	4. 2.
Quod quisq; juris in alterum statuerit, ut ipse eodem jure utatur.	2. 2.
Quod vi, aut clam.	43. 24.
Quorum bonorum.	43. 2.
Codicis.	
Quadriennii præscriptione.	7. 37.
Quadrimestris breuib.	1. 42.
Quæ res exportari non debeant.	4. 41.
Quæ res pignori obligari possunt, vel non, & qualiter pignus contrahatur.	8. 17.
Quæ res venire non possunt, & qui emere vel vendere vetantur.	4. 40.
Quæ sit longa consuetudo.	8. 53.
Quæstionibus.	9. 41.
Quæstoribus, & magistris officiorum, & comitibus sacrarum largitionum, & rei privata.	12. 6.
Quando civilis actio criminali præjudicet, & an utraq; ab eodem exerceri possit.	9. 31.
Quando decreto opus non est.	5. 72.
Quando dies legati vel fideicommissi cedit.	6. 53.
Quando, & quibus quarta pars debetur ex bonis Decurionum, & de modo distributionis eorum.	10. 34.
Quando ex facto tutoris vel curatoris minores agere vel conveniri possunt.	5. 39.
Quando fiscus, vel privatus, debitoris sui debitores convenire possit, vel debeat.	4. 15.

INDEX

- Quando Imperator inter pupillos, vel vi-
duas, vel alias miserabiles personas co-
gnoscat, & ne exhibeantur. 3. 14.
- Quando libellus, Principi datus, litis contestationem
faciat. 1. 20.
- Quando liceat ab emtione discedere. 4. 45.
- Quando liceat unicuique sine iudice se vindicare, vel
publicam devotionem. 3. 27.
- Quando mulier tutelæ officio fungi potest. 5. 35.
- Quando non petentium partes petentibus
accrescant. 6. 10.
- Quando provocare non est necesse. 7. 64.
- Quando tutores vel curatores esse desinant. 5. 60.
- Quemadmodum civilia munera indicuntur. 10. 42.
- Quemadmodum testamenta aperiantur, inspiciantur,
& describantur. 6. 32.
- Qui admitti ad bonorum possessionem
possunt, & intra quod tempus. 6. 9.
- Qui etate. 5. 68.
- Qui etate vel professione se excusant. 10. 49.
- Qui bonis cedere possunt. 7. 71.
- Quibus ad conductionem prædiorum fiscalium acce-
dere non licet. 11. 72.
- Quibus ad libertatem proclamare non li-
cet, & de rebus eorum, qui ad liber-
tatem proclamare non prohibentur. 7. 18.
- Quibus ex causis maiores in integrum restituantur. 2. 54.
- Quibus muneribus excusentur ii, qui, post impletam
militiam vel advocationem, per provincias suis
com-

TITVLORVM.

- commodis vacantes commorantur, & de privilegiis eorum, & de conductoribus vectigalium fisci.* 10. 56.
- Quibus muneribus vel prestationibus nemini liceat se excusare.* 10. 48.
- Quibus non obicitur longi temporis præscriptio.* 7. 35.
- Quibus res iudicata non nocet.* 7. 56.
- Qui dari tutores vel curatores possunt, & qui dari non possunt.* 5. 34.
- Qui, & adversus quos, in integrum restitui non possunt.* 2. 42.
- Qui legitimam personam standi in iudiciis habeant, vel non.* 3. 6.
- Qui manumittere non possunt, & ne in fraudem creditorum manumittatur.* 7. 11.
- Qui militare possunt, vel non possunt, & de servis ad militiam vel dignitatem aspirantibus, & ut nemo duplici militia, vel dignitate & militia simul utatur.* 12. 34.
- Qui morbo.* 5. 67.
- Qui morbo se excusant.* 10. 50.
- Qui non possunt ad libertatem pervenire.* 7. 12.
- Qui numero liberorum se excusant.* 5. 66.
- Qui numero liberorum vel paupertate excusationem meruerunt.* 10. 51.
- Qui numero tutelarum.* 5. 69.
- Qui petant tutores, vel curatores.* 5. 31.
- Qui potiores in pignore habeantur.* 8. 18.
- Qui pro sua iurisdictione iudices dare darive possunt.* 3. 4.
- Qui

Qui testamenta facere possunt, vel non. 6. 22.

Quod cum eo, qui in aliena potestate est, negotium gestum esse dicetur, vel de peculio, sive quod jussu, aut de in rem verso. 4. 26.

Quomodo & quando iudex sententiam proferre debeat, presentibus partibus, vel una parte absente. 7. 43.

Quo quisq; ordine conveniatur. 11. 35.

Quorum appellationes non recipiuntur. 7. 65.

Quod legatorum. 8. 3.

Quorum bonorum. 8. 2.

Decretalium.

Qui Clerici, vel voventes, matrimonium contrahere possunt. 4. 6.

Qui matrimonium accusare possunt, vel contra illud testificari. 4. 18.

Qui filii sint legitimi. 4. 17.

R.

Institutionum.

Rebus corporalibus, & incorporalibus. 2. 2.

Replicationibus. 4. 14.

Rerum divisione, & acquirendo ipsarum domino. 2. 1.

Digestorum.

Ratam rem haberi, & de ratihabitione. 46. 8.

Rebus autoritate iudicis possidendis, vel vendendis. 42. 5.

Rebus creditis, si certum petatur, & de certi conditione. 12. 1.

Rebus

TITVLORVM.

<i>Rebus dubiis.</i>	34. 5.
<i>Rebus eorum, qui sub tutela vel cura sunt, sine decreto non alienandis, vel supponendis.</i>	27. 9.
<i>Receptatoribus.</i>	47. 16.
<i>Receptis arbitris, qui arbitrium receperunt, ut sententiam dicant.</i>	4. 8.
<i>Regula Catoniana.</i>	34. 7.
<i>Rei vindicatione.</i>	6. 1.
<i>Re iudicata, & de effectu sententiarum, & de interlocutionibus.</i>	42. 1.
<i>Re militari.</i>	49. 16.
<i>Religiosis, & sumptibus funerum, & ut funus ducere liceat.</i>	11. 7.
<i>Remissionibus.</i>	43. 25.
<i>Rem pupilli vel adolescentis salvam fore.</i>	46. 6.
<i>Requirendis reis, nec absentibus damnandis.</i>	48. 17.
<i>Rerum amotarum.</i>	25. 2.
<i>Rerum permutatione.</i>	19. 4.
<i>Rescindenda venditione, & quando licet ab emptione discedere.</i>	18. 5.
<i>Ripa munienda.</i>	43. 15.
<i>Ritu Nuptiarum.</i>	23. 2.
<i>Rivis.</i>	43. 21.

Codicis.

<i>Raptu virginum, seu viduarum, nec non sanctimonialium.</i>	9. 13.
<i>Ratiociniis operum publicorum, & de patribus civitatum.</i>	8. 13.
<i>Rebus</i>	

INDEX.

<i>Rebus alienis non alienandis, & de prohibita rerum alienatione, vel hypotheca.</i>	4. 51.
<i>Rebus creditis, & jurejurando.</i>	4. 1.
<i>Receptis arbitris.</i>	2. 55.
<i>Reis postulatis.</i>	10. 58.
<i>Re judicata.</i>	7. 52.
<i>Rei vindicatione.</i>	3. 32.
<i>Rei uxoria actione in ex stipulatu actionem transfusa, & de natura dotibus prestita.</i>	5. 13.
<i>Relationibus.</i>	7. 61.
<i>Religiosis & sumptibus funerum.</i>	3. 44.
<i>Rem alienam gerentibus non interdici rerum suarum alienatione.</i>	4. 53.
<i>Re militari.</i>	12. 35.
<i>Remissione pignoris.</i>	8. 25.
<i>Repudianda bonorum possessione.</i>	6. 19.
<i>Repudianda, vel abstinenda hereditate.</i>	6. 31.
<i>Repudiis, & judicio de moribus sublato.</i>	5. 17.
<i>Reputationibus, quæ fiunt in judicio in integrum restitutionis.</i>	2. 47.
<i>Requirendis reis.</i>	9. 40.
<i>Rerum amotarum.</i>	5. 21.
<i>Rerum permutatione, & præscriptis verbis.</i>	4. 64.
<i>Rescindenda venditione.</i>	4. 44.
<i>Res inter alios actas, vel judicatas, aliis non nocent.</i>	7. 60.
<i>Restitutionibus militum, & eorum, qui Reipubl. causa absunt.</i>	2. 50.
<i>Revocandis donationibus.</i>	8. 55.
<i>Revocandis his, quæ in fraudem creditorum alienata sunt.</i>	7. 75.

TITVLORVM.

Decretalium.

Raptoribus, incendiariis, & violatoribus Ecclesiarum.

5. 17.

Rebus Ecclesiæ alienandis, vel non.

3. 13.

Regularibus, & transeuntibus ad Religionem

3. 31.

Regulis Juris.

5. 41.

Religiosis domibus, ut Episcopis sint sub-
jectæ.

3. 36.

Reliquiis, & veneratione Sanctorum.

3. 45.

Renunciatione.

1. 9.

Rerum permutatione.

3. 19.

Rescriptis.

1. 3.

Restitutione in integrum.

1. 41.

Restitutione spoliatorum.

2. 13.

S.

Institutionum.

S*atisfactione Tutorum, vel Curatorum.*

1. 24.

Satisfactionibus.

4. 11.

Senatusconsulto Orficiano.

3. 4.

Senatusconsulto Tertulliano.

3. 3.

Servitutibus prædiorum.

2. 3.

Singulis rebus per fideicommissum relictis.

2. 24.

Si quadrupes pauperiem fecisse dicatur.

4. 9.

Societate.

3. 25.

Stipulatione servorum.

3. 17.

Succeptione Cognatorum.

3. 5.

Succeptione libertorum.

3. 8.

Succeptionibus sublati, quæ fiebant per bonorum ven-
ditiones, & ex Senatusconsulto Claudiano.

3. 13.

Suspectis Tutoribus vel Curatoribus.

1. 26.

Dige-

Digestorum.

Salviano Interdicto.	43. 33.
Senatoribus.	1. 9.
Senatusconsulto Macedoniano.	14. 6.
Senatusconsulto Silariano, & Claudiano, quorum testamenta non aperiuntur.	29. 5.
Sententiam passis, & restitutis.	48. 23.
Separationibus.	42. 6.
Sepulchro violato.	47. 12.
Servis exportandis, vel si ita mancipium venierit, ut manumittatur, vel contra.	18. 7.
Servitute legata.	33. 3.
Servitutibus.	8. 1.
Servitutibus prædiorum rusticorum.	8. 3.
Servitutibus prædiorum urbanorum.	8. 2.
Servo corrupto.	11. 3.
Servis fugitivis.	11. 4.
Si a parente quis manumissus sit	37. 12.
Si ager vectigalis, id est, emphyteuticarius petatur.	6. 3.
Si certum petetur, de rebus creditis, & de conditione.	12. 1.
Si cui plus, quam per legem Falcidiam licuerit, legatum esse dicetur.	35. 3.
Si ex noxali causa agatur, quemadmodum caveatur.	2. 9.
Si familia furtum fecisse dicetur.	47. 6.
Si libertus ingenuus esse dicetur.	40. 14.
Si is, qui testamento liber esse jussus erit, post mortem domini, ante aditam hereditatem, surripuisse, aut corrupisse quid dicatur.	47. 4.
Si	

TITVLORVM.

<i>Si mensor falsum modum dixerit.</i>	11. 6.
<i>Si mulier ventris nomine in possessione, calumniæ causa, esse dicetur.</i>	25. 6.
<i>Si pars hereditatis petatur.</i>	5. 4.
<i>Si pendente appellatione mors intervenerit.</i>	49. 13.
<i>Si quadrupes pauperiem fecisse dicetur.</i>	9. 1.
<i>Si quid in fraudem patroni factum sit.</i>	38. 5.
<i>Si quis aliquem testari prohibuerit, vel coëgerit.</i>	29. 6.
<i>Si quis cautionibus, in iudicio sistendi causa factis, non obtemperaverit.</i>	2. 11.
<i>Si quis in ius vocatus non ierit, sive quis eum vocaverit, quem ex edicto non debuerit.</i>	2. 5.
<i>Si quis ius dicenti non obtemperaverit.</i>	2. 3.
<i>Si quis omiſſa causa testamenti, ab intestato, vel alio modo, possideat hereditatem.</i>	29. 4.
<i>Si servitus vindicetur, vel ad alium pertinere negetur.</i>	8. 5.
<i>Si tabulæ testamenti extabunt.</i>	37. 2.
<i>Si tabulæ testamenti nullæ extabunt, unde liberi.</i>	38. 6.
<i>Si tutor vel curator, magistratus creatus, appellaverit.</i>	49. 10.
<i>Si ventris nomine muliere in possessionem missa, eadem possessio dolo malo ad alium translata esse dicatur.</i>	25. 5.
<i>Si ususfructus petatur, vel ad alium pertinere negetur.</i>	7. 6.
Solutionibus, & liberationibus.	46. 3.
<i>Sponsalibus.</i>	23. 1.
<i>Statu hominum.</i>	1. 5.
<i>Statu liberis.</i>	40. 7.

INDEX

<i>Stellionatus.</i>	47. 20.
Stipulationibus prætoriiis.	46. 5.
<i>Stipulatione servorum.</i>	45. 3.
<i>Successorio edicto.</i>	38. 9.
<i>Suis & legitimis heredibus.</i>	38. 16.
<i>Supellectile legata.</i>	33. 10.
Superficiebus.	43. 18.
<i>Suspectis tutoribus & curatoribus.</i>	26. 10.
Codicis.	
<i>Sacrosanctis Ecclesiis, & de rebus, & privilegiis earum.</i>	1. 2.
<i>Salgamo hospitibus non præstando.</i>	12. 42.
<i>Satisdando.</i>	2. 56.
<i>Secundis nuptiis.</i>	5. 9.
Seditiosis, & de his, qui plebem contra Rempubl. audent colligere.	9. 30.
<i>Senatusconsultis.</i>	1. 16.
<i>Senatusconsulto Claudiano tollendo.</i>	7. 24.
<i>Sententiis adversus fiscum latis retractandis.</i>	10. 9.
<i>Sententiis, & interlocutionibus omnium judicum.</i>	7. 45.
Sententiis ex periculo recitandis.	7. 44.
<i>Sententiam passis, & restitutis.</i>	9. 51.
<i>Sententiis Præfectorum Prætorio.</i>	7. 42.
<i>Sententiis, quæ pro eo quod interest proferuntur.</i>	7. 47.
<i>Sententia, quæ sine certa quantitate profertur.</i>	7. 46.
Sententiam rescindi non posse.	7. 50.
<i>Sepulchro violato.</i>	9. 19.
<i>Servitutibus, & aqua.</i>	3. 34.
	Servi

TITVLORVM.

<i>Servis fugitivis , & libertis mancipiisq; civita- tum, artificibus , & ad diversa opera deputatis, & ad rem privatam vel dominicam pertinentibus.</i>	6. 1.
<i>Servo pignori dato manumisso.</i>	7. 8.
<i>Servis Reipubl. manumittendis.</i>	7. 9.
<i>Si adversus creditorem.</i>	2. 37.
<i>Si adversus creditorem præscriptio opponatur.</i>	7. 36.
<i>Si adversus delictum.</i>	2. 34.
<i>Si adversus donationem.</i>	2. 29.
<i>Si adversus dotem.</i>	2. 33.
<i>Si adversus fiscum.</i>	2. 36.
<i>Si adversus libertatem.</i>	2. 30.
<i>Si adversus rem judicatam restitutio postuletur.</i>	2. 26.
<i>Si adversus solutionem, a tutore , vel a se factam.</i>	2. 32.
<i>Si adversus transactionem, vel divisio- nem, in integrum minor restitui velit.</i>	2. 31.
<i>Si adversus venditionem.</i>	2. 27.
<i>Si adversus venditionem pignorum.</i>	2. 28.
<i>Si adversus usucapionem.</i>	2. 35.
<i>Si aliena res pignori data sit.</i>	8. 15.
<i>Si a non competente iudice judicatum es- se dicatur.</i>	7. 48.
<i>Si antiquior creditor pignus vendiderit.</i>	8. 19.
<i>Si certum petatur.</i>	4. 2.
<i>Si communis res pignori data sit.</i>	8. 20.
<i>Si contra jus, vel utilitatem publicam, vel per menda- cium, fuerit aliquid postulatum , vel impetratum.</i>	1. 22.

INDEX

- Si contra matris voluntatem tutor datus
fit. 5. 47.
- Si curialis, relicta civitate, rus habitare voluerit.
10. 37.
- Si de momentanea possessione fuerit appellatum.
7. 69.
- Si dos constante matrimonio soluta fuerit. 5. 19.
- Si ex falsis instrumentis vel testimoniis judicatum sit.
7. 58.
- Si ex pluribus tutoribus vel curatoribus,
omnes, vel unus, agere pro minore vel
conveniri possint. 5. 40.
- Si imperialis liberalitatis socius sine herede decesserit.
10. 14.
- Si in causa judicati pignus captum sit. 8. 22.
- Si in communi eademq; causa, in integram restitutio
postuletur. 2. 25.
- Si in fraudem patroni a libertis alienatio facta sit.
6. 5.
- Silentiariis, & decurionibus eorum.
12. 16.
- Si liberalitatis imperialis socius sine herede decesserit.
10. 14.
- Si major factus, alienationem, factam sine decreto, ra-
tam habuerit. 5. 74.
- Si major factus ratum habuerit. 2. 45.
- Si mancipium ita fuerit alienatum, ut manumittatur,
vel contra. 4. 57.
- Si mancipium ita venierit, ne prostituatur.
4. 56.
- Si mater indemnitatem promisit. 5. 46.
- Si

TITVLORVM.

<i>Si minor ab hereditate se absteineat.</i>	2. 39.
<i>Si minor se maiorem dixerit, vel major probatus fuerit.</i>	2. 42.
<i>Sine censu, vel reliquis, fundum comparari non posse.</i>	4. 47.
<i>Si nuptiæ ex rescripto petantur.</i>	5. 8.
<i>Si omiſſa sit causa testamenti.</i>	6. 39.
<i>Si pendente appellatione mors intervenerit.</i>	7. 66.
<i>Si per vim, vel alio modo, absentis turbata sit possessio.</i>	8. 5.
<i>Si pignoris conventionem numeratio pecuniæ secuta non sit.</i>	8. 32.
<i>Si pignus pignori datum sit.</i>	8. 23.
<i>Si plures una sententia condemnati sint.</i>	7. 55.
<i>Si post creationem quis decesserit.</i>	10. 68.
<i>Si propter inimicitias creatio facta sit.</i>	10. 66.
<i>Si propter publicas pensitationes venditio fuerit celebrata.</i>	4. 46.
<i>Si quacunque præditus potestate, vel ad eum pertinentes, ad suppositarum jurisdictionis suæ adspirare tentaverint nuptias.</i>	5. 7.
<i>Si quis aliquem testari prohibuerit, vel coegerit.</i>	6. 34.
<i>Si quis alteri, vel sibi sub alterius nomine, vel aliena pecunia emerit.</i>	4. 50.
<i>Si quis eam, cuius tutor fuerit, corruperit.</i>	9. 10.
<i>Si quis, ignorans rem minoris esse, sine decreto comparaverit.</i>	5. 73.
<i>Si quis Imperatori maledixerit.</i>	9. 7.
<i>Si Rector provinciae, vel ad eum pertinentes, sponsalitia dederint.</i>	5. 2.

INDEX

<i>Si reus vel accusator mortuus fuerit.</i>	9. 6.
<i>Si saepius in integrum restitutio postuletur.</i>	2. 43.
<i>Si secundo nupserit mulier, cui maritus usumfructum reliquit.</i>	5. 10.
<i>Si servus aut libertus ad decurionatum adspiraverit.</i>	10. 32.
<i>Si servus exportandus veneat.</i>	4. 55.
<i>Si servus extero se emi mandaverit.</i>	4. 36.
<i>Si tutor vel curator falsis allegationibus excusatus sit.</i>	5. 63.
<i>Si tutor vel curator intervenierit.</i>	2. 24.
<i>Si tutor vel curator non gessit.</i>	5. 55.
<i>Si tutor vel curator Reipubl. causa aberit.</i>	5. 64.
<i>Si vendito pignore agatur.</i>	8. 21.
<i>Si unus ex pluribus appellaverit.</i>	7. 68.
<i>Si unus ex pluribus heredibus creditoris, vel debitoris, partem suam debiti solverit, vel acceperit.</i>	8. 31.
<i>Si ut omissam hereditatem, vel bonorum possessionem, vel quid aliud acquirat.</i>	2. 40.
<i>Si ut se ab hereditate abstineat.</i>	2. 38.
<i>Sine censu, vel reliquis, fundum comparari non posse.</i>	4. 47.
<i>Solutionibus & liberationibus.</i>	8. 43.
<i>Solutionibus & liberationibus debitorum Civitatum.</i>	11. 39.
<i>Soluto matrimonio, quemadmodum dos petatur.</i>	5. 18.
<i>Spectaculis, & scenicis, & lenonibus.</i>	11. 40.
<i>Sponsalibus, & arrbis sponsalitiis, & proxeneticiis.</i>	5. 1.
	Spor.

TITVLORVM.

<i>Sportulis, & sumptibus in diversis judiciis faciendis,</i>	
<i>& de executoribus litium.</i>	3. 2.
<i>Statuis & imaginibus.</i>	1. 24.
<i>Stratoribus.</i>	12. 24.
<i>Studiis liberalibus Urbis Romæ, & Constantinopoli-</i>	
<i>tanæ.</i>	11. 18.
<i>Suariis & susceptoribus vini, & cæteris corporatis.</i>	
	11. 17.
<i>Successorio edicto.</i>	6. 15.
<i>Suffragio.</i>	4. 3.
<i>Suis & legitimis liberis, & ex filia nepoti-</i>	
<i>bus, ab intestato venientibus.</i>	6. 55.
<i>Summa Trinitate, & fide Catholica, & ut nemo de ea</i>	
<i>publice contendere audeat.</i>	1. 1.
<i>Sumtus injuncti muneris ad omnes collegas pertinere.</i>	
	11. 37.
<i>Sumtuum recuperatione.</i>	10. 67.
<i>Superexactionibus.</i>	10. 20.
<i>Superindicto.</i>	10. 16.
<i>Susceptoribus, præpositis, & arcarïis.</i>	10. 70.
<i>Suspectis tutoribus, vel curatoribus.</i>	5. 43.

Decretalium.

<i>Sacramentis non iterandis.</i>	1. 16.
<i>Sacra unctione.</i>	1. 15.
<i>Sagittariis.</i>	5. 15.
<i>Schismaticis.</i>	5. 8.
<i>Scrutinio in ordine faciendo.</i>	1. 12.
<i>Secundis nuptiis.</i>	4. 21.
<i>Sententia, & re judicata.</i>	2. 27.
<i>Sententia excommunicationis.</i>	5. 39.
<i>Sepulturis.</i>	3. 28.

INDEX

Sequestratione possessionum & fructuum.

2. 17.

Servis non ordinandis, & eorum manumissione. 1. 18.

Simonia, & ne aliquid pro spiritualibus exigatur, vel promittatur. 5. 3.

Solutionibus. 3. 23.

Sortilegiis. 5. 21.

Sponsalibus, & matrimoniis. 4. 1.

Sponsa duorum. 4. 4.

Statu monachorum. 3. 35.

Successionibus ab intestato. 3. 27.

Summa Trinitate, & fide Catholica. 1. 1.

Supplenda negligentia praelatorum. 1. 10.

Syndico & actore. 1. 39.

T.

Institutionum.

T*estamentis ordinandis.* 2. 10.

Testamento militari. 2. 11.

Tutelis. 1. 13.

Digestorum.

Tabulis exhibendis. 43. 5.

Termino moto. 47. 21.

Testamenta quemadmodum aperiantur, inspiciantur, & describantur. 29. 3.

Testamentaria tutela. 26. 2.

Testamento militis. 29. 1.

Testibus. 22. 5.

Tigno juncto. 47. 3.

Transactionibus. 2. 15.

Tribu-

TITVLORVM.

<i>Tributoria actione.</i>	14. 4.
<i>Tritico, vino, vel oleo legato.</i>	33. 6.
<i>Tutela & rationibus distrahendis, & utili curationis causa actione.</i>	27. 3.
<i>Tutelis.</i>	26. 1.
<i>Tutoribus & curatoribus, datis ab his, qui jus dandi habent: & qui, & in quibus causis specialiter dari possunt.</i>	26. 5.
Codicis.	
<i>Tabulariis, scribis, logographis, & censualibus.</i>	10. 69.
<i>Tabulis exhibendis.</i>	8. 7.
<i>Temporibus & reparationibus appellationum, seu consultationum.</i>	7. 63.
<i>Temporibus in integrum restitutionis, tam minorum & aliarum personarum, quæ restitui possunt, quam etiam heredum eorum.</i>	2. 52.
<i>Testamentaria manumissione.</i>	7. 2.
<i>Testamentaria tutela.</i>	5. 28.
<i>Testamentis, & quemadmodum testamenta ordinentur.</i>	6. 23.
<i>Testamento militis.</i>	6. 21.
<i>Testibus.</i>	4. 20.
<i>Thesauris.</i>	10. 15.
<i>Tractoriis & stativis.</i>	12. 51.
<i>Transactionibus.</i>	2. 4.
<i>Tutoribus & curatoribus Illustrium, vel Clarissimarum personarum.</i>	5. 33.
<i>Tutore, vel curatore, qui satis non dedit.</i>	5. 42.
<i>Tyronibus.</i>	12. 43.

Decretalium.

<i>Temporibus ordinationum, & qualitate ordinandorum.</i>	1. 11.
---------------------------------------------------------------	--------

INDEX

Testamentis, & ultimis voluntatibus,	3. 26.
Testibus, & attestationibus,	2. 20.
Testibus cogendis, vel non,	2. 21.
Torneamentis.	5. 13.
Transactionibus.	1. 36.
Translatione Episcopi.	1. 7.
Treuga, & pace,	1. 34.

V.

Institutionum.

V erborum obligationibus.	3. 16.
<i>Vi bonorum raptorum.</i>	4. 12.
Usucapionibus, & longi temporis prescriptionibus.	2. 6.
Usu, & habitatione.	2. 5.
Usufructu.	2. 4.
Vulgari substitutione.	2. 15.

Digestorum.

Vacatione & excusatione munerum.	50. 5.
Ubi pupillus educari vel morari debeat, & de alimentis ei præstandis.	27. 2.
Ventre in possessionem mittendo, & curatore ejus.	37. 9.
Verborum obligationibus.	45. 1.
Verborum significatione.	50. 16.
Veteranis.	49. 18.
Veteranorum & militum successione.	38. 12.
Via publica, & itinere publico reficiendo.	43. 11.
Via publica, & si quid in ea factum esse dicatur.	43. 10.
Vi bonorum raptorum, & de turba.	47. 8.
Vi, & vi armata.	43. 16.

Unde

TITVLORVM.

Unde cognati.	38. 8.
Unde legitimi.	38. 7.
Unde vir & uxor.	38. 11.
Usu, & habitatione.	7. 8.
Usu, & usufructu, & creditu, & habitatione, & operis, per legatum vel fideicommissum datis.	33. 2.
Usufructu accrescendo.	7. 2.
Usufructuarius quemadmodum caveat.	7. 9.
Usufructu earum rerum, quæ usu consumuntur, vel minuuntur.	7. 5.
Usufructu, & quemadmodum quis utatur fruatur.	7. 11.
Usuris, & fructibus, & causis, & omnibus accessionibus, & mora.	22. 1.
Usurpationibus, & usucapionibus.	41. 3.
Ut ex legibus, senatusve consultis possessio detur.	38. 14.
Ut in flumine publico navigare liceat.	43. 14.
Ut in possessione, legatorum vel fideicommissorum servandorum causa, esse liceat.	36. 4.
Uti possidetis.	43. 17.
Ut legatorum seu fideicommissorum servandorum causa caveatur.	36. 3.
Utrubi.	43. 31.
Vulgari, & pupillari substitutione.	28. 6.

Codicis.

Vacatione publici muneris.	10. 45.
Vbi causæ fiscales, vel divine domus, hominumq; ejus agantur.	3. 26.
Vbi causa status agi debeat.	3. 22.
Vbi conveniatur, qui certo loco dare promisit.	3. 8.
Vbi	

INDEX.

Vbi de criminibus agi oporteat.	3. 15.
<i>Vbi de hereditate agatur, vel ubi heredes scripti in possessionem mitti postulare debeant.</i>	3. 20.
<i>Vbi de possessione agi oporteat.</i>	3. 16.
<i>Vbi de ratiociniis, tam publicis, quam privatis, agi oporteat.</i>	3. 21.
<i>Vbi, & apud quem, cognitio in integrum restitutionis agitata sit.</i>	2. 46.
Vbi fideicommissum peti oporteat.	3. 17.
<i>Vbi in rem actio exerceri debeat.</i>	3. 19.
<i>Vbi petantur tutores, vel curatores.</i>	5. 32.
<i>Vbi pupilli educari debeant.</i>	5. 49.
<i>Vbi quis decuriali, vel cohortali, aliave conditione conveniatur.</i>	3. 23.
Vbi Senatores vel Clarissimi, civiliter vel criminaliter, conveniantur.	3. 24.
<i>Vedtigalibus, & commissis.</i>	4. 61.
<i>Vedtigalia nova institui non posse.</i>	4. 62.
<i>Venatione ferarum.</i>	11. 44.
<i>Vendendis rebus civitatis.</i>	11. 31.
Venditione rerum fiscalium, cum privatis communium.	10. 4.
<i>Verborum & rerum significatione.</i>	6. 38.
<i>Vestibus holoberis, & auratis, & de intinctione sacri muricis.</i>	11. 8.
<i>Veteranis.</i>	12. 47.
<i>Vetere jure enucleando, & de auctoritate Jurisprudentium, qui in Digestis referuntur.</i>	1. 17.
Veteris numismatis potestate.	11. 10.
<i>Vi bonorum raptorum.</i>	9. 33.
<i>Vindicta libertate, & apud consilium manumissione.</i>	7. 1.
	Vnde

TITVLORVM.

<i>Vnde legitimi, & unde cognati.</i>	6. 15.
<i>Vnde liberi.</i>	6. 14.
<i>Vnde vi.</i>	8. 4.
<i>Vnde vir & uxor.</i>	6. 18.
<i>Vsucapione pro donato.</i>	7. 27.
<i>Vsucapione pro dote.</i>	7. 28.
<i>Vsucapione pro emtore, vel transactione.</i>	7. 26.
<i>Vsucapione pro herede.</i>	7. 29.
<i>Vsucapione transformanda, & de sublata differentia rerum Mancipi & nec Mancipi.</i>	7. 31.
<i>Vsufuctu, & habitatione, & ministerio servorum.</i>	3. 33.
<i>Vsuris.</i>	4. 31.
<i>Vsuris, & fructibus legatorum seu fideicommissorum.</i>	6. 47.
<i>Vsuris rei iudicatæ.</i>	7. 54.
<i>Vsuris pupillaribus.</i>	5. 56.
<i>Vt actiones ab herede, & contra heredes incipiant.</i>	4. 11.
<i>Vt armorum usus, in scio Principe, interdictus sit.</i>	11. 45.
<i>Vt causæ post pubertatem adsit tutor.</i>	5. 48.
<i>Vt dignitatum ordo seruetur.</i>	12. 8.
<i>Vt in possessionem, legatorum seu fideicommissorum servandorum causa, mittatur, & quando satisfdari debeat.</i>	6. 54.
<i>Vt intra certum tempus criminalis quæstio terminetur.</i>	9. 44.
<i>Vti possidetis.</i>	8. 6.
<i>Vt lite pendente, vel post provocationem, aut definitivam sententiam, nulli liceat Imperatori supplicare.</i>	1. 21.
<i>Vt nemini liceat in emtione specierum se excusare, & de munere sitocomiæ.</i>	10. 27.

INDEX.

- Vt nemini liceat, sine iudicis auctoritate, signa rebus imponere alienis.* 2. 16.
Vt nemo ad suum patrociniū suscipiat rusticanos, vel vicos eorum. 11. 53.
Vt nemo invitus agere vel accusare cogatur. 3. 7.
Vt nemo privatus, titulos prædiis suis, vel alienis, imponat, vel vela regia suspendat. 2. 15.
Vt nullus ex vicaneis, pro alienis vicaneorum debitis, teneatur. 11. 56.
Vt nulli patriæ suæ administratio, sine speciali permissu Principis, permittatur. 1. 41.
Vt omnes iudices, tam civiles quam militares, post administrationem depositam, quinquaginta dies in civitatibus, vel certis locis permaneant. 1. 49.
Vt quæ desunt advocatis, vel partibus, iudex suppleat. 2. 10.
Vxoribus militum, & eorum, qui Reipublicæ causa absunt. 2. 52.

Decretalium.

- Verborum significatione.* 5. 40.
Vita & honestate Clericorum. 3. 1.
Voto & voti redemptione. 3. 34.
Uris. 5. 19.
Vt ecclesiastica beneficia sine diminutione conferantur. 3. 12.
Vt, lite non contestata, non procedatur ad testium receptionem, vel ad sententiam definitivam. 2. 6.
Vt lite pendente, nihil innovetur. 2. 16.

FINIS.



